



BIBL. NAZ.

Vitt. Emanuele III

164

B

12

NAPOLI

~~8~~

~~4~~

~~2~~

A

VIII

15

G

V

10











BIBLIOTHECA PATRVM ASCETICA.

S I V E.

SELECTA VETERVM PATRVM
DE CHRISTIANA ET RELIGIOSA PERFECTIONE

OPVSCVLA.

TOMVS QVINTVS.



PARISIIS,

Apud FREDERICVM LEONARD, viâ Iacobâ, ad insignem
Scuti Veneti.



M. DC. LXIV.

Cum Privilegio Regis, ac Superiorum facultate.

ExBibl.
Ios-Ren-Card.
Imperialis

AMERICAN
PATENT
OFFICE



1875
[illegible]
[illegible]

LECTORI.



N tibi, Lector Pie ac Religioſe, in hoc Bibliothecæ Patrū Aſceticæ tomo quinto præclara Magni Auguſtini, Hippo- nenſis Epifcopi documenta, Selecta ni- mirum Opuscula, quæ ad Chriſtianam potiffimum conducunt pietatem.

Ad eorum autem Opusculorum commendatio- nem ſatis eſſe arbitror, ſi dixerim, tanti ſemper apud coætaneos recentiorésque præſtantiffimi huiusce Doctõris fuiſſe ſanctitatem, eruditionem, auctori- tatem, vt cum vel in Conciliis propemodum vniuer- ſis, vel in ſuis ipſorum Operibus Eccleſiæ Patres, & Benediſtinæ Scholæ Profeſſores, ac Beatiffimus ipſe Benediſtus in Regula, tum ad ſtabiliendam fidem, tum ad proſtigandas hæreſes, tum denique ad Chri- ſtianorum animos ſanctis moribus inſtituendos im- buendósque, veluti Iudicem, Vindicem, ac Ducem adhibuerint. Etenim *Quaſi ſtella matutina in medio ne-* Eccleſ. 30. 6.
bula, & quaſi luna in diebus ſuis lucet, & ſicut ſol reful-
gens, ſic ille effuſu in Templo Dei.

Atque vt id omnino compertum fiat & explora- tum, Illuſtrium Virorum de B. Auguſtino testimo- nia hæc adtexam, vt quo numero habendus tibi ſit, quóque ſtudio proſequenda illius Scripta intelli- gas, quorum lectione * *Ad maiora doctrinæ virtutú- que culmina, Deo protegente, peruenias.*

* S. Bened.
in ſine Reg.
agès de SS.
Patris ſcri-
ptis ſedulo
euoluendis.



ILLVSTRIVM VIRORVM

DE B. AVGVSTINO

TESTIMONIA.

Inter epist.
S. August.
30.

Ibi item.

SANCTVS HIERONYMVS in epistolâ ad B. August. sic habet: Certè quidquid dici potuit, & sublimi ingenio de Scripturarum Sanctarum hauriri fontibus, à te positum atque disertum est. Sed, quanto Reuerentiam tuam, parum patiaris me tuum laudare ingenium, &c. Mihi decretum est te amare & suspicere, colere & mirari, tuâque dicta quasi mea defendere. *Et epist. 25. ad eundem August.* Omni quidem tempore beatitudinem tuam, eo quo decet honore veneratus sum, & habitantem in te dilexi Dominum Saluatorem: sed nunc, si fieri potest, cumulo aliquid addimus & plena complemus; vt absque tui nominis mentione ne vnâ quidem horam præterire patiamur, qui contra flantes ventos ardore fidei perstitisti, &c. Maçte virtute: in Orbe celebraris, Catholici TE CONDITOREM ANTIQVÆ RVRSVM FIDEL venerantur atque suspiciunt, &c.

Apud August. ubi supra. epist. 98. in fine.

S. PAVLINVS scribens B. Augustino: Overè sal terræ quo præcordia nostra, ne possint sæculi vaneſcere errore, condiuntur! O lucerna dignè supra candelabrum Ecclesiæ posita, quæ late Catholicis vrbibus de septiformi lychno pastum oleo lætitiæ lumen effundens, densus licet hæreticorum caligines discutis, & lucem veritatis à confusione tenebrarum splendore clarifici sermonis enutras. *Et in epist. 31. post init.* Lucere non dubito sanctæ animæ tuæ, quæ de interioris oculi putrate meruit illuminationem Spiritus sancti, per quam scrutari & inspicere possit etiam alta Dei, &c.

Ibid. epist. 3. ante fin.

VOLVSIVS ad Augustinum: Acepisti virtutiùs gloriæ capax, imperitiæ mez confessionem, &c. Vt cumque absque detrimento cultus diuini in aliis Sacerdotibus toleratur inſcitia; at cum ad Antistitem Augustinum venit legi deest, quicquid ab eo contigerit ignorari.

POSSIDIVS in vita sancti Augustini cap. 31. In suis quidem Scriptis ille Deo acceptus & charus Sacerdos, quantum lucente veritate videre conceditur rectè ac sanè, fidei, & charitatis, Catholicæ Ecclesiæ vixisse manifestatur: quod agnoscunt qui eundem de Diuinis scribentem legentes proficiunt.

S. FVLGENTIVS lib. 2. de verit. præd. cap. 18. Hunc (Augustinum) legat omnis qui salutem æternam adipisci desiderat: humiliter otans

misericordiæ Dominum, vt eundem spiritum intelligentiæ legens accipiat, quem ille accepit vt scriberet; & eandem illuminationis gratiam adipiscatur, quam ille adeptus est vt doceret.

CÆLESTINVS *Papa I. ad Episcopos Gallie scribens, ait:* Augustinum Sanctæ recordationis virum pro vita sua atque meritis, in nostra communione semper habuimus; nec vnquam sinistra suspitionis saltem rumor aspersit; quem tantæ scientiæ olim fuisse meminimus, vt inter Magistros optimos etiam antè à meis prædecessoribus haberetur.

IOHANNES *Papa II. in epistola 13. Anieno, &c. Doctrinam Augustini secundum prædecessorum meorum statuta, Romana sequitur & seruat Ecclesia.*

QVINTA SYNODVS Generalis Constantinop. Collat 1. Sequitur autem in omnibus SS. Patres & Doctores Sanctæ Dei Ecclesiæ, Athanasium, Hilarium, &c. Augustinum, & omnia quæ ab his de recta fide, & condemnatione hæreticorum conscripta & exposita sunt suscipimus.

CONCILIUM Florentinum *sess. 7.* Sed nunc Sanctorum Patrum auctoritates in medium afferamus, ac in primis Augustini illustrissimi Latinorum Doctoris, quem quinta Synodus consecrauit.

S. BENEDICTVS *in Regula csi nomen reticeat, verba tamen Augustini identidem usurpat: atque inter alia cap. 7. grad. 1. Estimet se homo de cælis semper à Deo respici, &c. & ab Angelis omni hora renunciari. Ex B. August. epist. 121. c. 9. Et in cap. 20. Et non in multiloquio, sed in puritate cordis, & compunctione lacrymarum nos exaudiri sciamus; &c. Ex eiusdem epistola 121. cap. 8. & 10.*

S. GREGORIUS Magnus *in lib. 8. epist. 37. ad Innoc. Affricæ Præfekt. Si cupitis delitioso pabulo siginari, B. Augustini patriæ vestri Opuscula legite: & ad comparationem siliginis illius nostrum fursurem ne quærat.*

CASSIODORVS *in Prologo Comment. Psalm. Est, Augustinus, literarum omnium Magister egregius, & (quod in vbertate rarum est) cautissimus disputator. Decurrit quippe tanquam fons purissimus, nulla fæce pollutus, sed in integritate fidei perseverans, &c. Totus Catholicus, totus Orthodoxus inuenitur; & in Ecclesia Domini suauissimo nitore resplendens superni luminis claritate radiat.*

S. ISIDORVS Hispalensis Episcopus. *lib. 6. Etym. c. 6. De nostris apud Græcos Origenes in Scripturarum labore tam Græcos quàm Latinos Operum suorum numero superauit. Denique Hieronymus sex millia librorum eius se legissè fatetur. Horum tamen omnium studia Augustinus ingenio vel scientiâ suâ vicit, &c.*

S. ILDEPONSVS *Serm. 2. de B. Virg. Audiant Beatum Augustinum, cui contradicere fas non est.*

VENERAB. BEDA. *in Ephemer. ad diem 28. Aug.*

Ecclesię lumen, populi sacra norma fidelis,
Affrica quo Pastore, orbis Doctore coruscet.

RATRAMPNVS Corbeienf. Monach. & Presbyter lib. 2. contra Gree.
Augustinus Episcopus Hipponensis egregius Doctor, & Catholicę fidei
propugnator acerrimus.

Ex cod.
MS S. Be-
nedicti Flo-
riacensis.

CLAVDIVS Taurinensis Episcopus in Prefat. commentarij in Epi-
stolas B. Pauli: Amantissimus Domini Sanctissimus Augustinus, Thala-
mus Trinitatis, lingua Spiritus sancti, terrenus homo, sed cęlestis An-
gelus; olim tectam pedibus ambulans, sed cęlum semper meritis possi-
dens: corruptibilique atque mortali adhuc carne circumdatus, ineor-
ruptibili Angelicęque visione atque immortalis intuitus semper est Do-
minum. Acer ingenio, suavis eloquio, secularis literaturę peritus, &c.
In expositione fidei nostrę Catholicus; in soluendis quęstionibus acu-
tus, in reuincendis hęreticis circumspectus, in explanandis Scripturis
Canonicis cautus.

S. ANSELMVS Cantuar. Archiep. lib. 1. epist. 68. Nam hæc mea
fuit intentio per totam illam qualemcumque disputationem, vt omni-
no nihil asseuerem, nisi quod aut canonicis, aut B. Augustini dictis in-
cunctanter posse defendi viderem.

RVPERTVS Abbas Tuit. lib. 7. de Oper. Spiritus Sancti c. 19. Au-
gustinus Columna & Firmamentum veritatis, & verę columna nubis,
in qua thronum suum posuit Sapientia Dei: cuius ex ore distillare non
cessauit pluuia salutaris.

S. BERNARDVS serm. 80. in Cant. Augustinus est validissimus
malleus hęreticorum. Et epist. 77. Ab his duabus columnis, Augusti-
num loquor & Ambrosium, crede mihi difficilẽ auellor: cum his in-
quam, me aut errare aut sapere fateor.

MARTINVS Papa V. in serm. de Translat. S. Monice: Quicumque
de Christo, de Fide, de Religione aliquid saperent, omnibus in ore
erat Augustinus, vt nihil penę ex sacris litteris possit nisi eo duce intel-
ligi, nihil nisi eo interprete explicari. Et infra: Si veritatem quęritis, si
doctrinam, si sapientiam, si pietatem, quis doctior? quis iustior? quis,
vt ita dicam, sanctior Augustino.

S. VINCENTIVS Ferrarius in serm. de S. August. Candelabrum au-
reum totum est B. Augustinus, alij Doctores dicuntur lucernę, &c. Quia
audeo dicere, quod omnes Doctores qui venerunt post eum, susten-
tantur super eius doctrinam sanctam, putam, Catholicam, auri purissi-
mi, sine errore falsarum opinionum.

S. THOMAS à Villanova in concione 1. de S. August. Sicut sol omnia
astra, ita ceteros omnes post Apostolos superat Augustinus.

S. AVGVSTINVS ECCLESIAM ILLVSTRABAT
AN. DOMINI CCCCXX.



I N D E X

OPVSCVLORVM S. AVGVSTINI

Quæ in hoc Volumine continentur.

D E Doctrina Christiana libri quatuor,	1
De Vera Religione Liber unus,	125
De Moribus Ecclesia Catholica Liber,	189
Enchiridion de Fide, Spe et Charitate,	227
De Sermone Domini in Monte secundum Matthæum libri duo,	291
De Decem Chordis Liber,	391
De Disciplina Christiana, vel de Domo disciplina Ser- mo,	413
De Cantico nouo, et de reditu ad celestem patriam, ac via periculis,	424
De Cataclysmo sermo,	435
De Tempore barbarico sermo,	446

In his porro edendis Opusculis duabus vsi sumus editio-
nibus, Basileensi anni 1529. ab Erasmo curata, ac potissi-
mum Antuerpiensi an. 1577. à Louanienfibus Theologis
emendata: Vbi verò res postulauit ex MSS. codicibus
duplicis illius editionis errata quædam correximus.



SVMMA PRIVILEGII.

Priuilegio Christianissimi Regis LVDOVICI XIV. dato 23.
Februar. anno 1660. cautum est ne vllus Typographus aut Biblio-
pola, seu quiuis alius audeat vel præsumat, *Libros ad vsum Ecclesiasti-*
cum Ordinis S. Benedicti pertinentes, necnon ceteros generatim ab ali-
quo è Monachis Congregationis S. Mauri editos vel edendos, intra
Regni & Dominiorum suæ Maiestati subditorum fines cudere, vel aliò
cudendos mittere, vel alibi impressos adducere, vendere ac distrahe-
re clam seu palam intra nouennium à die finitæ impressionis cuiuslibet
libri computandum, citra consensum, facultatem ac testimonium Su-
perioris Generalis ac Religiosorum eiusdem Congregationis: indictâ
etiam delinquentibus contra hæc granissimâ mulctâ, prout in Regiis
litteris originalibus fusiùs continetur.

Relata sunt 3. Mart. an 1660. Priuilegij huius littera in librum publi-
cum Bibliopolarum ac Typographorum Parisiensium, iuxta Curia Aræsum,
8. April. ann. 1653.

Idem R. P. SUPERIOR GENERALIS, ius suum transferipfit
FREDERICÒ LEONARD, Bibliopolæ Parisiensi, ad hoc vt iuxta
Priuilegij supradicti tenorem *Bibliothecam Patrum Asceticam*, decreto
Capituli Generalis eiusdem Congregationis collectam & concinnatam
cudi curet, eusamque distrahere libetè possit,



SANCTI

SANCTI AVRELII
 AVGVSTINI
 DE
 DOCTRINA
 CHRISTIANA
 LIBER PRIMVS.

SUNT præcepta quædam tractandarum Scripturarum, quæ studiosis earum video non incommode posse tradi, ut non solum legendo alios qui diuinarum litterarum opera aperuerunt, sed & aliis ipsi aperiendo proficiant. Hæc tradere institui volentibus & valentibus discere, si Deus ac Dominus noster ea quæ de hac re cogitanti solet suggerere, etiam scribenti mihi non denegat. Quod antequam exordiar, videtur mihi respondendum esse his qui hæc reprehensuri sunt, aut reprehensuri essent, si eos non ante placemus. Quod si nonnulli etiam post ista reprehenderint, saltem alios non mouebunt, nec ab utili studio ad imperitiæ pigritiam reuocabunt, quos mouere possent, nisi præmunitos præparatosque inuenirent.

PROO-
MIUM.

Quidam enim reprehensuri sunt hoc opus nostrum, cum ea quæ præcepturi sumus non intellexerint. Quidam verò cum intellectis uti voluerint, conatque fuerint Scripturas diuinas secundum hæc præcepta tractare, neque valuerint aperire atque explicare quod cupiunt, inaniter me laborasse arbitrabuntur. Et quia ipsi non adiuuabuntur hoc Opere, nullum adiuuari posse censebunt. Tertium genus est reprehensorum,

qui diuinas Scripturas vel reuera bene tractant, vel bene tractare sibi videntur. Qui quoniam nullis huiuscemodi obseruationibus lectis quales nunc tradere institui, facultatem exponendorum sanctorum librorum se affecutos vel vident vel putant, nemini esse ista præcepta necessaria, sed potius totum, quod de illarum litterarum obscuritatibus laudabilitet aperitur, diuino munere fieri posse clamitabunt.

Quibus omnibus breuiter respondens, illis qui hæc quæ scribimus non intelligunt, hoc dico, me ita non esse reprehendendum, quia hæc non intelligunt, tanquam si lunam veterem vel nouam, sydusue aliquod minime clarum vellent videre, quod ego intento digito demonstrarem; illis autem nec ad ipsum digitum meum videndum sufficiens esset acies oculorum, non propterea mihi succensere deberent. Illi verò, qui etiam istis præceptis, cognitis atque perceptis, ea quæ in diuinis Scripturis obscura sunt intueri nequiuerint, arbitrentur se digitum quidem meum intueri posse, sydera verò quibus demonstrandis intenditur, videre non posse. Et illi ergo & isti me reprehendere desinant, & lumen oculorum diuinitus sibi præberi deprecantur. Non enim si possum membrum meum ad aliquid demonstrandum mouere, possum etiam oculos accendere, quibus vel ipsa demonstratio mea, vel etiam illud quod volo demonstrare, cernatur.

Iam verò eorum qui diuino munere exultant, & sine talibus præceptis qualia nunc tradere institui, se sanctos libros intelligere atque tractare gloriantur, & propterea superflua voluisse me scribere existimant, sic est lenienda commotio, vt quamuis magno Dei munere iure lætentur, recordentur se tamen per homines didicisse vel litteras. Nec propterea sibi ab Antonio Sancto & perfecto viro Aegypto Monacho insultari debere, qui sine vlla scientia litterarum Scripturas diuinas & memoriter audiendo tenuisse, & prudenter cogitando intellexisse prædicatur. Aut ab illo seruo barbaro Christiano, de quo à grauissimis fidæque dignissimis viris nuper accepimus, qui litteras quoque ipsas nullo docente homine, in plenam notitiam orando vt sibi reuelarentur accepit, triduanis precibus impetrans, vt etiam codicem oblatum stupentibus qui aderant legendo percurreret. At si hæc quisquam falsa arbitretur, non ago pugnacitet. Certè enim quoniam cum Chri-

stianis nobis res est, qui se Scripturas sanctas sine duce homine gaudent nosse, & si ita est, vero & non mediocri gaudent bono, concedant necesse est vnumquemque nostrum & ab inuente pueritia consuetudine audiendi linguam suam didicisse, & aliam aliquam vel Græcam vel Hebræam vel quamlibet cæterarum, aut similiter audiendo, aut per hominem præceptorem accepisse.

Iam ergo si placet, moneamus omnes Fratres, ne paruulos suos * ista doceant, quia momento vno temporis adueniente ^{al. * ita.} Spiritu sancto repleti Apostoli omnium gentium linguis locuti sunt: aut cui talia non prouenirent, num se arbitretur esse ^{Act. 2. 1.} Christianum, num Spiritum sanctum accepisse se dubitet: imò verò & quod per hominem discendum est, sine superbia discat, & per quem docetur alius, sine superbia & sine inuidia tradat quod accepit. Neque tentemus eum cui credimus, ne talibus inimici versutiis & peruersitate decepti, ad ipsum quoque Euangelium audiendum atque discendum nolimus ire in Ecclesias, aut codicem legere, aut legentem prædicantemque hominem audire, & expectemus rapi vsque in tertium cælum, siue in corpore, siue extra corpus, sicut dixit Apostolus, & ibi audire ineffabilia verba, quæ non licet homini ^{1. Cor. 13. 2.} loqui: aut ibi videre Dominum Iesum Christum, & ab illo potius quàm ab hominibus audire Euangelium.

Cauemus tales tentationes superbissimas & periculosissimas, magisque cogitemus & ipsum Apostolum Paulum, ^{Act. 9. 7.} licet diuina & cælesti voce prostratum & instructum, ad hominem tamen missum esse ut sacramenta perciperet atque copularetur Ecclesiae: & Centurionem Cornelium quamuis exauditas orationes eius elemosynasque respectas ei Angelus nunciauerit, Petro tamen traditum imbuendum, per quem non solum ^{Act. 10. 5.} sacramenta perciperet, sed etiam quid credendum, quid sperandum, quid diligendum esset audiret. Et poterat utique omnia per Angelum fieri: sed abiecta esset humana cõditio, si per homines hominibus verbum suum Deus ministrare nolle videretur. Quomodo enim verum esset quod dictum est: *Templum enim Dei sanctum* ^{1. Cor. 3. 17.} *est, quod estis vos*, si Deus de humano templo responsa non redderet, & totum quod discendum hominibus tradi vellet, de cælo atque per Angelos personaret? Deinde ipsa charitas quæ sibi inuicem homines nodo vnitatis astringit, non haberet aditum

refundendorū & quasi miscendorū sibi met animorū, si homines per homines nihil discerent. Et certe spadonem illum qui Aq. 8. 31. Eſaiam Prophetā legens non intelligebat, neque Apostolus ad Angelum misit, nec & per Angelum ei quod non intelligebat expositum, aut diuinitus in mente sine hominis ministerio reuelatum est: sed potius suggestionē diuina missus est ad eum, feditque cum eo Philippus, qui nouerat Eſaiam Prophetam, eique humanis verbis & lingua quod in Scriptura illa tectum Ex. 18. 19. erat aperuit. Nonne cū Moyſe Deus loquebatur, & tamen consilium regendi atque administrandi tam magni populi à foceto suo, alienigena scilicet homine, & maxime prouidus & minimè superbus accepit? Nouerat enim ille vir ex quacunque anima verum consilium processisset, non ei, sed illi qui est veritas incommutabili Deo tribuendum esse.

Postremò quisquis se nullis præceptis instructum diuino munere quæcunque in Scripturis sanctis obscura sunt intelligere gloriatur, bene quidem credit, & verum est non esse illam suam facultatem quasi ex seipso existentem, sed diuinitus traditam. Ita enim Dei gloriam querit, non suam. Sed cū legit, & nullo sibi hominum exponente intelligit, cur ipse aliis affectat exponere, ac non potius eos remittit Deo, ut ipsi quoque non per hominem, sed illo intus docente intelligant? Sed videlicet timet ne audiat à Domino: *Serue nequam, dares pecuniam meam nummulariis.* Sicut etgo hi ea quæ intelligunt produnt cæteris vel loquendo vel scribendo: ita ego quoque si non solū ea quæ intelligo, sed etiam intelligendo ea quæ obseruent prodidero, culpam ab eis profectò non debeo: quanquam nemo debeat aliquid sic habere quasi suum proprium, nisi fortè mendacium. Nam omne vetum ab Toh. 14. 6. illo est qui ait, *Ego sum veritas.* Quid enim habemus quod non 1. Cor. 4. 7. acceperimus? Quod si acceperimus, quid gloriamur quasi non acceperimus? Qui legit audientibus litteras, utique quas agnoscit enunciat: qui autē ipsas litteras tradit, hoc agit ut alij quoque legere nouerint, uterque tamē hoc insinuat quod accepit. Sic etiam qui ea quæ in Scripturis intelligit exponit audientibus, tãquam litteras quas agnoscit pronunciat lectoris officio. Qui autem præcipit quomodò intelligēdum sit, similis est tradenti litteras, hoc est, præcipienti quomodò sit legendum: ut quomodò ille qui legere nouit alio lectore non indiget, cū co-

dicem inuenerit à quo audiat quid ibi scriptum sit: sic iste qui præcepta quæ conamur tradere acceperit, cum in libris aliquid obscuritatis inuenerit, quasdam regulas veluti litteras tenens intellectorem alium non requirat, per quem sibi quod opertum est detegatur, sed quibusdam vestigiis indagatis ad occultum sensum sine vilo errore ipse perueniat, aut certè in absurditatem prauæ sententiæ non incidat. Quapropter quanquam & in ipso opere satis apparere possit, huic officioso labori nostro non rectè aliquem contradicere, tamen si huiusmodi proæmio quibuslibet obfistentibus conuenienter videretur esse responsum, huius viæ quam in hoc libro ingredi volumus, tale nobis occurrit exordium.

DVÆ sunt res quibus nititur omnis tractatio Scripturarum. Modus inueniendi quæ intelligenda sunt, & modus proferendi quæ intellecta sunt. De inueniendo prius, de proferendo postea differemus. Magnum onus & arduum, & si ad sustinendum difficile, vereor ne ad suscipiendum temerarium. Ita sanè si de nobis ipsis præsumeremus. Nunc verò cum in illo sit spes peragendi huius operis, à quo nobis in cogitatione multa de hac re iam tradita tenemus, non est metuendum ne dare desinat cætera, cum ea quæ data sunt cæperimus impendere. Omnis enim res quæ dando non deficit, dum habetur & non datur, nondum habetur quomodo habenda est. Ille enim ait: *Qui habet, dubitatur ei.* Dabit ergo habentibus, id est, cum benignitate vtentibus eo quod acceperunt, adimplebit atque cumulabit quod dedit. Illi quinque & illi septem erant panes, antequam inciperent dari esurientibus. Quod vbi fieri cœpit, copiosius & sportas satiatis tot hominum millibus impleuerunt. Sicut ergo ille panis dum frangeretur accreuit, sic ea quæ ad hoc opus aggrediendum iam Dominus præbuit cum dispensari cœperint, eo ipso suggerente multiplicabuntur, vt in hoc nostro ministerio, non solum nullam patiamur inopiam, sed de mirabili etiam abundantia gaudeamus.

Omnis doctrina vel rerum est, vel signorum, sed res per signa discuntur. Propriè autem nunc res appellauimus, quæ non ad significandum aliquid adhibentur, sicuti est lignum, lapis, pecus, atque huiusmodi cætera. Sed non illud lignum quod in aquas amaras Moysen misisse legimus, vt amaritudine carerent: neque ille lapis quem Iacob sibi ad caput posuerat:

CAP. I.
Inuentio &
Pronunciatio.

Math. 13.
2.

Matth. 14. 17
Matth. 15. 34.

CAP. II.
Res & Signa.

Exod. 15. 25

Genes. 28. 11

ib. 23. 13.

neque illud pecus quod pro filio immolauit Abraham. Hæc namque ita res sunt, vt aliarum etiam signa sint rerum. Sunt autem alia signa quorum omnis vsus in significando est, sicuti sunt verba. Nemo enim vtitur verbis nisi aliquid significandi gratia. Ex quo intelligitur quid appellem signa, res eas videlicet quæ ad significandum aliquid adhibentur. Quamobrem omne signum etiam res aliqua est. Quod enim nulla res est, omnino nihil est. Non autem omnis res etiam signum est. Et ideo in hac diuisione rerum atque signorum, cum de rebus loquemur ita loquemur, vt etiam si earum aliqua adhiberi ad significandum possunt, non impendant partitionem qua prius de rebus, postea de signis differemus, memoriterque teneamus id nunc in rebus considerandum esse quod sunt, non quod aliud etiam præter seipsas significant.

CAP. III.
Rerum di-
niste.

RES ergo alix sunt quibus fruendum est, alix quibus vtendum, alix quæ fruuntur & vtuntur. Illæ quibus fruendum est, beatos nos faciunt. Istis quibus vtendum est, tendentes ad beatitudinem adiuuamur, & quasi adminiculamur, vt ad illas quæ nos beatos faciunt peruenire, atque his inhaerere possimus. Nos vetò qui fruimur & vtimur, inter vtrasque constituti, si eis quibus vtendum est frui voluerimus, impeditur cursus noster, & aliquando etiam deflectitur, vt ab his rebus quibus fruendum est obtinendis vel retardemur, vel etiam reuocemur, inferiorum amore præpediti.

CAP. IV.
Frui & vti

al. * nomi-
anda

FRUI enim est amore alicui rei inherere propter seipsam. Vti autè, quod in vsu venerit ad id quod amas obtinèdū referre, si tamen amandū est. Nā vsus illicitus abusus potiùs vel abusus nominandus* est. Quomodò ergo si essemus peregrini, qui beatè viuere nisi in patria nō possemus, eaque peregrinatione vtique miseri, & miseriam finire cupiētes, in patriam redire vellemus, opus esset vel terrestribus vel marinis vehiculis quibus vtèdū esset, vt ad patriam qua frueudum erat peruenire valeremus: quod si amœnitates itineris & ipsa gestatio vehiculorum nos delectaret, conuersi ad fruendum iis quibus vti debuimus, nollemus citò viam finire, & peruersa suauitate implicari alienaremur à patria, cuius suauitas faceret beatos: sic in huius mortalitatis vita peregrinantes à Domino, si redire in patriam volumus, vbi beati esse possumus*, vtendum est hoc mundo, non fruendum, vt inuisibilia Dei per ea quæ facta

al. * pelli
mi s
Rom. 1. 20.

sunt intellecta conspiciantur: hoc est, ut de corporalibus temporalibusque rebus æterna & spiritualia capiamus.

R ES igitur quibus fruendum est, Pater & Filius & Spiritus sanctus est, eademque Trinitas, vna quædam summa res communisque omnibus fruentibus ea, si tamen res & non rerum omnium causa sit, si tamen & causa. Non enim facile nomen quod tantæ excellentiæ conveniat potest inueniri, nisi quod melius ita dicitur, Trinitas hæc, vnus Deus ex quo omnia, per quem omnia, in quo omnia. Ita Pater & Filius, & Spiritus sanctus, & singulus quisque horum Deus, & simul omnes vnus Deus, & singulus quisque horum plena substantia, & simul omnes vna substantia. Pater nec filius est, nec Spiritus sanctus: Filius nec Pater est, nec Spiritus sanctus: Spiritus sanctus nec Pater est, nec Filius: sed Pater tantum Pater, & Filius tantum Filius, & Spiritus sanctus tantum Spiritus sanctus. Eadem tribus æternitas, eadem incommutabilitas, eadem maiestas, eadem potestas. In Patre vnitas, in Filio æqualitas, in Spiritu sancto vnitatis æqualitatisque concordia: & tria hæc vnum omnia propter Patrem, æqualia omnia propter Filium, connexa omnia propter Spiritum sanctum.

DIXIMVSNE aliquid, & sonuimus aliquid dignum Deo? Imò verò me nihil aliud quam dicere voluisse sentio. Si autem dixi, non est hoc quod dicere volui. Hoc vnde scio, nisi quia Deus ineffabilis est: quod autem à me dictum est, si ineffabile esset, dictum non esset. Ac per hoc ne ineffabilis quidem dicendus est Deus, quia & hoc cum dicitur, aliquid dicitur. Et fit nescio quæ pugna verborum, quoniam si illud est ineffabile quod dici non potest, non est ineffabile quod vel ineffabile dici potest. Quæ pugna verborum silentio cauenda potius quam voce pacanda est. Et tamen Deus, cum de illo nihil dignè dici possit, admisit humanæ vocis obsequium, & verbis nostris in laude sua gaudere nos voluit. Nam inde est quod & dicitur Deus. Non enim reuera in strepitu istarum duarum syllabarum ipse cognoscitur, sed tamen omnes Latinæ linguæ scios, cum aures eorum sonus iste tetigerit, mouet ad cogitandam excellentissimam quandam immortalēque naturam.

NAM cum ille vnus cogitatur deorum Deus, ab his etiam qui alios & suspicantur & vocant & colunt deos, siue in cælo

CAP. V.
T. trinitas.

CAP. VI.
Deus ineffabilis.

CAP. VII.
Deus om.

*nec intelli-
gunt et, quo
nihil me-
lius.*

al.º li

sive in terra, ita cogitatur, ut aliquid quo nihil melius sit ac-
que sublimius, illa cogitatio conetur attingere. Sanè quoniam
diuersis mouentur bonis, partim eis quæ ad corporis sensum,
partim eis quæ ad animi intelligentiam pertinent: illi qui de-
diti sunt corporis sensibus, aut ipsum cælum, aut quod in cœ-
lo fulgentissimum vident, aut ipsum mundum, Deum deo-
rum esse arbitrantur. Aut si extra mundum ire contendunt,
aliquid lucidum imaginantur, idque vel infinitum, vel ea for-
ma quæ optima videtur, inani suspicione constituunt, aut hu-
mani corporis figuram cogitant, sic* eam cæteris antepo-
nunt. Quòd si vnum Deum deorum esse non putant, & potius
multos aut innumerabiles æqualis ordinis deos, etiam eos ta-
men, prout cuique aliquid corporis videtur excellere, ita fi-
guratos animo tenent. Illi autem qui per intelligentiam per-
gunt videre quod Deus est, omnibus eum naturis, visibilibus
& corporalibus, intelligibilibus etiam & spiritualibus omni-
bus mutabilibus præferunt. Omnes tamen pro excellentia
Dei certatim diuicant. Nec quisquam inueniri potest, qui
hoc Deum credat esse, quo melius aliquid est. Itaque hoc
omnes Deum consentiunt esse, quod cæteris rebus omnibus
anteponunt.

*Cap. VIII.
Deo nihil
sapientius.*

Et quoniam omnes qui de Deo cogitant, vivum aliquid
cogitant, illi soli possunt non absurda & indigna de deo existi-
mare, qui vitam ipsam cogitant, & quæcunque illis forma
occurrent corporis, eam vita viuere vel non viuere statuunt,
& viuentem non viuenti anteponunt: eamque ipsam viuen-
tem corporis formam quantalibet luce præfulgeat, quantali-
bet magnitudine præemineat, quantalibet pulchritudine or-
netur, aliud esse ipsam, aliud vitam qua vegetatur intelligunt:
eamque illi moli quæ ab illa vegetatur & animatur, dignitate
incomparabili præferunt. Deinde ipsam vitam pergunt inspi-
cere: & si eam sine sensu vegetantem inuenerint, qualis est ar-
borum, præponunt ei sentientem, qualis est pecorum: & huic
rursus intelligentem, qualis est hominum. Quam cùm adhuc
mutabilem viderint, etiam huic aliquam incommutabilem
cogunt præponere: illam scilicet vitam quæ non aliquando
desipit, aliquando sapit, sed est potius ipsa sapientia. Sapientis
enim mens, id est, ad apta sapientiam, antequam adipisceretur
non erat sapientis. At verò ipsa sapientia, nec fuit vnquam insi-
piens,

piens, nec esse vnquam potest. Quam si non viderent, nullo modo plena fiducia vitam incommutabiliter sapientem commutabili vitæ anteponerent. Ipsam quoque * regulam *al. * quidē.* veritatis qua illam clamant esse meliorem, incommutabilem vident. Nec vspiam nisi supra suam naturam vident, quandoquidem se vident mutabiles.

NEMO est enim tam imprudenter insulsus, qui dicat, vnde scis incommutabiliter sapientem vitam mutabili esse præferendam? Id ipsum enim quod interrogat, vnde sciam, omnibus ad contemplandum communiter atque incommutabiliter præsto est. Et hoc qui non videt, ita est quasi cæcus in sole, cui nihil prodest ipsis locis oculorum eius tam claræ ac præsentis lucis fulgor infusus. Qui autem videt ac refugit, consuetudine vmbrarum carnalium inualidam aciem mentis gerit. Præuorum igitur morum quasi contrariis flatibus ab ipsa patria reperiuntur homines, posteriora atque inferiora sectantes, quàm illud quod esse melius atque præstantius considentur.

QUAPROPTER cùm illa veritate perfruendum sit, quæ *CAP. IX. Peruersum indicium.* incommutabiliter vivit, & in ea Trinitas Deus auctor & conditor vniuersitatis, rebus quas condidit consulat, purgandus est animus vt perspicere illam lucem valeat & inhærere perfecte. Quam purgationem quasi ambulationem quandam, & quasi nauigationem ad patriam esse arbitremur. Non enim ad eum qui vbique præsens est, locis mouemur, sed bono studio bonisque moribus.

QVOD non possemus nisi ipsa sapientia tantæ etiam nostræ *CAP. XI. Cur Deus falsus homo.* infirmitati congruere dignaretur, & viuendi nobis præberet exemplum, non aliter quàm in homine, quoniam & nos homines sumus. Sed quia nos cùm ad illam venimus, sapienter facimus, ipsa cùm ad nos venit, ab hominibus superbis quasi stultè fecisse putata est. Et quoniam nos cùm ad illam venimus, conualescimus: ipsa cùm ad nos venit, quasi infirma existimata est. *1. Cor. 1. 27.* Sed quod stultum est Dei, sapientius est hominibus: & quod infirmum est Dei, fortius est hominibus. Cùm ergo ipsa sit patria, viam se quoque nobis fecit ad patriam.

ET cùm sano & puro interiori oculo vbique sit præsens, *CAP. XII. Deus visibilis indutus carnis.* eorum qui oculum illum infirmum immundumque habent, oculis etiam carnis apparere dignata est. Quia enim in sa-

1. Cor. 1. 21.

pientia Dei non poterat mundus per sapientiam cognoscere Deum, placuit Deo per stultitiam prædicationis saluos facere credentes. Non igitur per locorum spatia veniendo, sed in carne mortali mortalibus apparendo, venisse ad nos dicitur, Illuc enim venit ubi erat, quia in hoc mundo erat, & mundus per eum factus est. Sed quoniam cupiditate fruendi pro ipso Creatore creaturâ, homines configurati huic mundo, & mundi nomine congruentissimè vocati, non eum cognouerunt, propterea dixit Euangelista: *Et mundus eum non cognovit.* Iraque in sapientia Dei non poterat mundus per sapientiam cognoscere Deum. Cur ergo venit cum hic esset, nisi quia placuit Deo per stultitiam prædicationis saluos facere credentes?

Ioan. 1. 10

Ioan. 1. 10.

CAP. XIII.

*Verbum**quomodo**caro factum.*

Ibid. 14.

QVOMODO venit, nisi quia *verbum caro factum est, & habitavit in nobis?* Sicuri cum loquimur, ut id quod in animo gerimus, in audientis animum per aures carneas illabatur, sit sonus, verbum quod corde gestamus, & locutio vocatur: nec tamen in eundem sonum cogitatio nostra conuertitur, sed apud se manens, integra formam vocis qua se insinuet auribus, sine aliqua labe, sine mutarione assumit: ita verbum Dei non commutatum, caro tamen factum est ut habitaret in nobis.

CAP. XIV.

*Deus homi-**nem quo-**modo sana-**vit.*

SICUT autem curatio via est ad sanitatem, sic ista curatio, peccatores sanandos reficiendosque suscepit. Et quemadmodum medici cum alligant vulnera, non incompotire, sed aptè id faciunt, ut vinculi utilitatem quædam pulchritudo etiam consequatur: sic medicina sapientiæ per hominis suspensionem, nostris est accommodata vulneribus, de quibusdam contrariis curans, & de quibusdam similibus. Sicut etiam ille qui medetur vulneri corporis, adhibet quædam contraria, sicut frigidum calido, vel humidum sicco, vel quid aliud huiusmodi. Adhibet etiam quædam similia, sicut lintheolum vel rotundo vulneri rotundum, vel oblongum oblongo, ligaturamque ipsam non eandem membris omnibus, sed similem similibus coaptat: sic sapientia Dei hominem curans, seipsam exhibuit ad sanandum, ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientiâ decetri sumus, Dei stultitiâ liberamur. Quemadmodum illa sapientia vocaba-

Gen. 3. 1.

tur, erat autem stultitia contemnentibus Deum: sic ista quæ vocatur stultitia, sapientia est vincentibus diabolum. Nos immortalitate malè vñ sumus vt moreremur, Christus mortalitate bene vsus est vt viueremus. Corrupto animo scæminæ ingressus est morbus: integro corpore scæminæ processit salus. Ad eadem contraria pertinet quod etiam exemplo virtutū eius vitia nostra curantur. Iam verò similia quasi ligamenta mēbris & vulneribus nostris adhibita, illa sunt; quòd per scæminam deceptos, per scæminam natus, homo homines, mortalis mortales, morte mortuos liberauit. Multa quoque alia diligentius considerantibus, quos instituti operis peragendi necessitas non rapit, vel à contrariis, vel à similibus medicinæ Christianæ apparet instructio.

IAM verò credita Domini à mortuis resurrectio, & in cælum ascensio, magna spe fulcit fidem nostram. Multum enim ostendit quàm voluntariè pro nobis animam posuerit, qui sic eam habuit in potestate resumere. Quanta erga se fiducia spes credentium consolatur, considerans quantus quanta pro nondum credentibus passus sit. Cùm enim iudex viuorum atque mortuorum expectatur è cælo, magnum timorem incutit negligentibus, vt se ad diligentiam conuertant, eumque magis bene agendo desiderent, quàm malè agendo formident. Quibus autem verbis dici, aut qua cogitatione capi potest præmium quod ille in fine daturus est: quando ad consolationem huius itineris tantum dedit de spiritu suo, quo in aduersis vitæ huius fiduciam charitatēque tantam eius quem nondum videmus habeamus: & donat vnicuique propria ad instructionem Ecclesiæ suæ, vt id quod ostendit esse faciendum, non solùm sine murmure, sed etiam cum delectatione faciamus?

EST enim Ecclesia corpus eius, sicut Apostolica doctrina commendat, quæ etiam coniux eius dicitur. Corpus ergo suum multis membris diuersa officia gerentibus, nodo unitatis & charitatis tanquam sanitatis astringit. Exercet autem hoc tempore & purgat medicinalibus quibusdam molestiis, vt erutam de hoc sæculo, in æternum sibi copulet coniugem Ecclesiam, non habentem maculam neque rugam, aut aliquid huiusmodi.

PORRO quoniam in via sumus, nec via ista locorum est,

CAP. XV.
Fulcitur fides
Resurrectionis &
Ascensionis.
Ioan. 10. 18.

CAP. XVI.
Ecclesia
Christi
Sponsa.
Ephes. 1. 23.
Rom. 12. 4.

CAP. XVII.
Via ad
Christum.

sed affectuum, quam intercludebant quasi septa quædam spinosa præteritorum malitiæ peccatorum, quid liberalius & misericordius facere potuit qui seipsum nobis quo * rediremus subternere voluit, nisi ut omnia donaret peccata conuersis, & grauiter fixa interdicta reditus nostri pro nobis crucifixus euelleret?

CAP. X.
XV11.
Claues
Ecclesiæ,
Mat. 16, 19.

H A S igitur claues dedit Ecclesiæ suæ, ut quæ solueret in terra, soluta essent in cælo: quæ ligaret in terra, ligata essent & in cælo: scilicet ut quisquis in Ecclesia eius dimitti sibi peccata non crederet, non ei dimitterentur: quisquis autem crederet, seque ab his correctus auerteret in eiusdem Ecclesiæ gremio constitutus, eadem fide atque correctione sanaretur. Quisquis enim non credit dimitti sibi posse peccata, sit deterior desperando, quasi nihil illi melius quàm malum esse remaneat, ubi de fructu suæ conuersionis infidus est.

CAP. XIX.
De resas-
centia cor-
poris & a-
nimi.

I A M verò sicut animi quædam mors est, vitæ prioris morumque relictio, quæ sit pœnitendo: sic etiam corporis mors est animationis pristinæ resolutio. Et quomoddò animus post pœnitentiam, qua priores mores perditos interemit, reformatur in melius: sic etiam corpus post istam mortem quam vinculo peccati omnes debemus, credendum & sperandum est resurrectionis tempore in melius commutari: ut non caro & sanguis regnum Dei possideant, quod fieri non potest, sed corruptibile hoc induat incorruptionem, & mortale hoc induat immortalitatem, nullamque faciens molestiam, quia nullam patietur indigentiam, à beata perfectâque anima cum summa quiete vegetetur.

CAP. XX.
Qui non
renascan-
tur.

al. * carnis.
al. * habi-
tudinis.

C V I V S autem animus non moritur huic sæculo, neque incipit configurari veritati, in grauiorem mortem morte corporis * trahitur. Neque ad communionem cœlestis beatitudinis * sed ad luenda supplicia reuiuifcet.

CAP. XXI.
Inæqualis
resurrectio
bonorum &
malorum.

H O c itaque fides habet, atque ita rem se habere credendum est, neque animus, neque corpus humanum omnimodum interitum pati: sed impios resurgere ad pœnas inextimabiles, pios autem ad vitam æternam.

CAP. XXII.
Solo Deo
fruendum.

I N his igitur omnibus rebus illæ tantum sunt quibus fruendum est, quas æternas atque incommutabiles commemorauimus. Carteris autem vtendum est, ut ad illarum perfruitionem peruenire possimus. Nos itaque qui fruimur & vtimur

aliis rebus, res aliquæ sumus. Magna enim quædam res est homo factus ad imaginem & similitudinem Dei, non in quantum mortali corpore includitur, sed in quantum bestias rationalis animæ honore præcellit. Itaque magna quæstio est, utrum frui se debeant homines, an vti, an utrunque. Præceptum est enim nobis ut diligamus inuicem. Sed quæritur utrum propter se homo ab homine diligendus sit, an propter aliud. Si enim propter se, fruimur eo : si propter aliud, utimur eo. Videtur autem mihi propter aliud diligendus, Quod enim propter se diligendum est, in eo constituitur vita beata. Cuius etiam si nondum res, tamen spes eius nos hoc tempore consolatur. Maledictus autem qui spem suam ponit in homine. Sed nec seipso quisquam frui debet, si liquidò aduersitas, quia nec seipsum debet propter seipsum diligere, sed propter illum quo fruendum est. Tunc quippe est optimus homo, cum tota sua vita peragitur in incommutabilem vitam, & toto affectu inhæret illi. Si autem se propter se diligit, non se refert ad Deum, sed ad seipsum conuersus, non ad incommutabile aliquid conuertitur. Et propterea iam cum defectu aliquo se fruitur, quia melior est cūa totus hæret atque constringitur incommutabili bono, quàm cūa inde vel ad seipsum relaxatur.

Gen. 1. 16,

Ier. 17. 5.

Si ergo teipsum, non propter teipsum debes diligere, sed propter illud ubi dilectionis tuæ rectissimus finis est, non succenseat alius homo, si etiam ipsum propter Deum diligis. Hæc enim regula dilectionis diuinitus constituta est : *Diliges*, inquit, *proximum tuum sicut te ipsum ; Deum verò ex toto corde*, *ex tota anima*, *ex tota mente* ; ut omnes cogitationes tuas, & omnem vitam, & omnem intellectum in illum conferas, à quo habes ea ipsa quæ confers. Cūa autem ait : *Toto corde*, *tota anima*, *tota mente*, nullam vitæ nostræ partem reliquit quæ vacare debeat, & quasi locum dare ut alia re velit frui, sed quicquid aliud diligendum venerit in animum illuc rapiatur, quo totus dilectionis impetus currit. Quisquis ergo rectè proximum diligit, hoc cum eo debet agere, ut etiam ipse toto corde, tota anima, tota mente diligit Deum. Sic enim eum diligens tanquam seipsum, totam dilectionem sui & illius refert in illam dilectionem Dei, quæ nullum à seruiulum duci extrà patitur, cuius deriuatione minuatur.

Leuit. 19. 18.

Matth. 22.

Cap. XXII.
Quid sit di-
ligendū.

NON autem omnia quibus utendum est diligenda sunt, sed ea sola quæ aut nobiscum societate quadam referuntur in Deum, sicuti est homo vel Angelus, aut ad nos relata beneficio Dei per nos indigent, sicuti est corpus. Nam utique martyres non dilexerunt scelus persequentium se, quo tamen usi sunt ad promerendum Deum. Cum ergo quatuor sint diligenda: vnum quod supra nos est, alterum quod nos sumus, tertium quod iuxta nos est, quartum quod infra nos est: de secundo & quarto nulla præcepta danda erant. Quantumlibet enim homo excidat à veritate, manet illi dilectio sui, & dilectio corporis sui. Fugax enim animus ab incommutabili lumine omnium regnatore id agit, ut ipse sibi regnet & corpori suo. Et ideo non potest nisi & se & corpus suum diligere. Magnum autem aliquid adeptum se putat, si etiam sociis, id est, aliis hominibus, dominari potuerit. Inest enim vitioso animo id magis appetere, & sibi tanquam debitum vendicare, quod vni propriè debetur Deo. Talis autem sui dilectio melius odium vocatur. Iniquum est enim quia vult sibi servire, & quod infra se est, cum ipse servire superiori nolit. Rectissimeque dictum est: *Qui diligit iniquitatem, odit animam suam.* Et ideo fit infirmus animus, & de mortali corpore cruciatur. Necesse est enim ut illud diligit, & eius corruptione prægrauetur. Immortalitas enim & incorruptio corporis de sanitate animi existit: sanitas autem animi est firmissimè inhaerere potiori, hoc est incommutabili Deo: cum verò etiam eis qui sibi naturaliter pares sunt, hoc est hominibus dominari affectat, intolerabilis omnino superbia est.

Cap. XXIV.
Carnem
odisse quo-
modo com-
mentar.
Eph. 6. 29.

NEMO ergo se odit. Et hinc quidem cum aliqua secta nonnulla quæstio fuit. Sed neque corpus suum quisquam odit. Verum est enim quod ait Apostolus: *Nemo unquam carnem suam odio habuit.* Et quod nonnulli dicunt malle se omnino esse sine corpore, omnino falluntur. Non enim corpus suum, sed corruptiones eius & pondus oderunt. Non itaque nullum corpus, sed incorruptum & celerrimum corpus volunt habere. Sed putant nullum corpus esse si tale fuerit, quia tale aliquid animam esse putant. Quod autem continentia quadam & laboribus quasi persequi videntur corpora sua, qui hoc rectè faciunt, non id agunt ut non habeant corpus.

sed vt habeant subiugatum & paratum ad opera necessaria. Libidines enim malè vtentes corpore, id est, consuetudines & inclinationes animæ ad fruendum inferioribus, per ipsius corporis laboriosam quandam militiam extinguere affectant. Nam non se interimunt, sed curam suæ valetudinis gerunt. Qui autem peruersè id agunt, quasi naturaliter inimico suo corpori bellum ingerunt. In quo fallit eos quod legunt, *Caro Gal. 5. 17: concupiscit aduersus spiritum, & spiritus aduersus carnem. Hæc enim sibi inuicem aduersantur.* Dictum est enim hoc propter indomitam carnalem consuetudinem, aduersus quam spiritus concupiscit, non vt interimat corpus, sed vt concupiscentiam eius, id est, consuetudinem malè domitam faciat spiritui subiugatam, quod naturalis ordo desiderat.

Quia enim hoc erit post resurrectionem, vt corpus omnimodo cum quiete summa spiritui subditum immortaliter vigeat, hoc etiam in hac vita meditandum est, vt consuetudo carnis mutetur in melius, nec inordinatis motibus resistat spiritui. Quod donec fiat, caro concupiscit aduersus spiritum, & spiritus aduersus carnem: non per odium resistente spiritu, sed per principatum, quia magis quod diligit vult subditum esse meliori: nec per odium resistente carne, sed per consuetudinis vinculum, quod à parentum etiam propagine inueteratum naturæ lege inoleuit. Id ergo agit spiritus in domanda carne, vt soluat malæ consuetudinis quasi pacta peruersa, & fiat pax consuetudinis bonæ. Tamen nec isti qui falsa opinione deprauati corpora sua detestantur, parati essent vnum oculum vel sine sensu doloris amittere, etiam si in altero tantus cernendi sensus remaneret, quantus erat in duobus, nisi aliqua res quæ præponenda esset vrgeret. Iltis atque huiusmodi documentis satis ostenditur eis qui sine pertinacia verum requirunt, quàm certa sit sententia Apostoli, vbi ait: *Nemo enim vnquam carnem suam odio habuit. Addidit etiam: Eph. 5. 29: Sed nutrit & fouet eam, sicut Christus Ecclesiam.*

MODVS ergo diligendi præcipiendus est homini, id est, quomodò se diligat, vt prosit sibi. Quin autem se diligat & prodesse sibi velit, dubitare dementis est. Præcipiendum etiam quomodò corpus suum diligat, vt ei ordinatè prudenterque consulat. Nam quod diligat etiam corpus suum, idque saluum habere atque integrum velit, æquè manifestum

CAP. XXV.
Amor sui
vbi laudandus.

est. Aliquid itaque ampliùs diligere aliquis potest, quàm salutem atque integritatem corporis sui. Nam multi & dolores & amissiones nonnullorum membrorum voluntarias suscepisse inveniuntur: sed ut alia quæ ampliùs diligebant salutem consequerentur. Non ergo propterea quisquam dicendus est, non diligere salutem atque incolumitatem corporis sui, quia ampliùs aliquid diligit. Nam & avarus quamvis pecuniam diligit, tamen emit sibi panem. Quod cum facit, dat pecuniam quam multum amat & augete desiderat: Sed quia pluris æstimat salutem corporis sui, quæ illo pane fulcitur, superuacaneum est diutius de re manifestissima disputare, quod tamen plerumque nos facere cogit error impiorum.

Cap. xxvi.
De diligendo Deo, proximo, & seipso.

ERGO quoniam præcepto non est opus, ut se quisque & corpus suum diligit, id est, quoniam id quod sumus, & id quod infra nos est, ad nos tamen pertinet, inconcussa naturæ lege diligimus, quæ in bestias etiam promulgata est; nam & bestie se atque corpora sua diligunt: testabat ut & de illo quod supra nos est, & de illo quod iuxta nos est, præcepta fumeremus. *Diliges*, inquit, *Dominum Deum tuum ex toto corde tuo, & ex tota anima tua, & ex tota mente tua, & diliges proximum tuum tanquam teipsum: in his duobus præceptis uniuersa lex pendet & Prophete.* Finis itaque præcepti est dilectio, & ea gemina, id est, Dei & proximi. Quod si te totum intelligis, id est, animam & corpus tuum, & proximum totum, id est, animam & corpus eius: homo enim ex anima constat & corpore, nullum rerum diligendum genus in his duobus præceptis prætermisum est. Cum enim præcurtat dilectio Dei, eiusque dilectionis modus præscriptus appateat, ita ut cetera in illum confluant, de dilectione tua nihil dictum videtur. Sed cum dictum est, *Diliges proximum tuum tanquam teipsum*: simul & tui abs te dilectio non prætermisum est.

Matth. 22.
37.

1. Tim. 1.5.

Cap. xxvii.
Ordo dilectionis.

ILLE autem iuste & sanctè viuit, qui rerum integer æstimator est. Ipse est autem qui ordinatam dilectionem habet: ne aut diligit quod non est diligendum, aut non diligit quod est diligendum, aut ampliùs diligit quod minus est diligendum, aut æquè diligit quod vel minus vel ampliùs diligendum est, aut minùs vel ampliùs quod æquè diligendum est. Omnis peccator in quantum peccator est, non est diligendus.

Et

Et omnis homo in quantum homo est, diligendus est propter Deum, Deus verò propter seipsum. Et si Deus omni homine amplius diligendus est, amplius quisque debet eum diligere quàm seipsum. Item amplius alius homo diligendus est quàm corpus nostrum: quia propter Deum omnia ista diligenda sunt, & potest nobiscum alius homo Deo perfrui, quod non potest corpus, quia corpus per animam vivit quia fruimur Deo.

OMNES autem homines æquè diligendi sunt. Sed cùm omnibus prodesse non possis, his potissimum consulendum est, qui pro locorum & temporum, vel quarumlibet rerum opportunitatibus constructius tibi quasi quadã sorte iunguntur. Sicut enim si tibi abundaret aliquid quod dari oporteret ei qui non haberet, nec duobus dari potuisset, si tibi occurrerent duo, quorum neuter alium vel indigentia, vel erga te aliqua necessitudine superaret, nihil iustius faceres quàm ut forte eligeres, cui dandum esset quod dari vtrique non posset: sic in hominibus, quibus omnibus consulere nequeas, pro sorte habendum est prout quisque tibi colligatiùs temporaliter adhærere poterit.

Cap. XXVIII.
Quibus potissimum sit succurrendum.

OMNIVM autem qui nobiscum frui possunt Deo, partim eos diligamus quos ipsi adiuuamus, partim eos à quibus adiuuamur, partim eos quorum & indigemus adiutorio, & indigentia subuenimus: partim quibus nec ipsi conferimus aliquid commodi, nec ab eis ut nobis conferatur attendimus. Velle tamen debemus, ut omnes diligant nobiscum Deum, & totum quod vel eos adiuuamus vel adiuuamur ab eis, ad vnum illum finem referendum est. Si enim in theatris nequitia qui aliquem diligit histrionem, & tanquam magno vel etiam summo bono eius arte perfruitur, omnes diligit qui eum diligunt secum, non propter illos, sed propter eum quem pariter diligunt: & quantò est in eius amore feruentior, tantò agit quibus potest modis, ut à pluribus diligatur, & tantò pluribus cupit eum ostendere, & quem frigidiores videt excitat eum quantum potest laudibus illius: si autem contrauentem inuenerit, odit in illo vehementer odium dilecti sui, & quibus modis valet instat ut auferat: quid nos in societate dilectionis Dei agere conuenit, quo perfrui beatè vivere est, & à quo habent omnes qui eum diligunt, & quod sunt, &

Cap. XXIX.
Oprandum ut omnes diligant Deum.

quod eum diligunt: de quo nihil metuimus, ne cuiquam possit cognitus displicere, & qui se vult diligere, non ut sibi aliquid, sed ut eis qui diligunt æternum præmium conferatur, hoc est ipse quem diligunt? Hinc etiam efficitur, ut inimicos etiam nostros diligamus: non enim eos timemus, quia nobis quod diligimus auferre non possunt, sed miseramur * potius, quia tantò magis nos oderunt, quantò ab illo quem diligimus separati sunt *. Ad quem si conuersi fuerint, & illum tanquam beatificum bonum, & nos tanquam socios tanti boni necesse est ut diligant.

ORITVR autem hoc loco de Angelis nonnulla quæstio. Illo enim fruente, etiam ipsi beati sunt, quo & nos frui desideramus. Et quantò in hac vita fruimur, vel per speculum, vel per ænigmata, tantò nostram * peregrinationem, & tollerabilius sustinemus, & ardentius finire cupimus. Sed vtrum ad illa duo præcepta etiam dilectio pertineat Angelorum, non irrationabiliter quæri potest. Nam quòd nullum hominum exceperit qui præcepit ut proximum diligamus, & ipse in Euangelio Dominus ostendit, & Paulus Apostolus. Namque illi cui duo præcepta protulerat, atque in eis pendere totam legem Prophetasque dixerat, cum interrogaret eum, dicens: *Et quis est meus proximus?* hominem quendam proposuit descendentem ab Hierusalem in Hiericho incidisse in latrones, & ab eis grauitè vulneratum, saucium & seminiuum esse derelictum. Cui proximum esse non docuit, nisi qui erga illum tectèrandum atque curandum misericors extitit, ita ut hoc qui interrogauerat, interrogatus ipse fateretur. Cui Dominus ait, *Vade & tu fac similiter*: ut videlicet eum esse proximum intelligamus, cui vel exhibendum est officium misericordiae si indiget, vel exhibendum esset si indigeret. Ex quo est iam consequens, ut etiam ille à quo nobis hoc vicissim exhibendum est, proximus sit noster. Proximi enim nomen ad aliquid est, nec quisquam esse proximus nisi proximo potest. Nullum autem exceptum esse cui misericordiae denegetur officium, quis non videat? quando vsque ad inimicos etiam porrectum est eodè Domino dicente: *Diligite inimicos vestros, benefacite iis qui oderunt vos*. Ita quoque Apostolus Paulus docet, cum dicit: *Nam non adulterabis, non homicidium facies, non furaberis, non concupisces, & si quod est aliud mandatum, in*

Matt. 5. 44.

al. * misere-
mur.

al. * sepa-
rantur.

CAP. XXX.
Omnis ho-
mo ut pro-
ximus dili-
gendus.
al. * eam.

Mat. 22. 37.
Rom. 13. 8.

Luc. 10. 30.

Matt. 5. 44.

Rom. 13. 9.

hoc sermone recapitulatur, *Diliges proximum tuum tanquam teipsum. Dilectio proximi malū non operatur.* Quisquis ergo arbitratetur non de omni homine Apostolum præcepisse, cogetur fateri quod absurdissimum & sceleratissimum est, visum fuisse Apostolo non esse peccatum, si quis aut non Christiani aut inimici adulterauerit uxorem, aut eum occiderit, aut eius rem cupierit. Quod si dementis est dicere, manifestum est omnem hominem proximum esse deputandum, quia erga neminem operandum est malum.

Iam verò si vel cui præbendum est, vel à quo nobis præbendum est officium misericordiæ, rectè proximus dicitur: manifestum est hoc præcepto, quo iubemur diligere proximum, etiam sanctos Angelos contineri, à quibus nobis tantæ misericordiæ officia impenduntur, quanta multis diuinarum scripturarum locis animaduertere facile est. Ex quo & ipse Deus & Dominus noster proximum se nostrum dici voluit. Nam & seipsum significat Dominus Iesus Christus opitulatum esse semiuivo iacenti in via afflicto & relicto à latronibus. Et Propheta in oratione ait, *Sicut proximum, sicut fratrem nostrum ita complacebam.* Sed quoniam excellentior ac supra naturam nostram est diuina substantia, præceptum quo diligamus Deum à proximi dilectione distinctum est. Ille enim nobis præbet misericordiam propter suam bonitatem, nos autem nobis inuicem propter illius: id est, ille nostri miseretur ut se perfruamur, nos verò inuicem nostri miseremur, ut illo perfruamur.

Quapropter adhuc ambiguum esse videtur, cum dicimus ea re nos perfrui quam diligimus propter seipsam, & ea re nobis fruendum esse tantum qua efficimur beati, cæteris verò vtendum. Diligit enim nos Deus, & multum nobis dilectionem eius erga nos diuina scriptura commendat: quomodo ergo diligit, ut nobis vtatur, an ut fruatur? Sed si fruatur, eget bono nostro, quod nemo sanus dixerit. Omne enim bonum nostrum, vel ipse, vel ab ipso est. Cui autem obscurum vel dubium est, non egere lucem rerum harum nitore quas ipsa illustrauerit? Dicit etiam apertissimè Propheta, *Dixi Domino, Deus meus es tu, quoniam bonorum meorum non eges.* Non etgo fruatur nobis, sed vtitur. Nam si neque fruatur neque vtitur, non inuenio quemadmodum diligit.

Angeli quæque proximi nobis.

Lucæ 10. 35.

Psal. 34. 14.

Cap. xxxi.
Deus non fruatur nobis, sed vtitur.

Psal. 117. 2.

Cap. XXXII.
Deus homi-
ne quomodo
vitatur.

SED neque sic vitatur ut nos: nam nos res quibus vitimur ad id referimus, ut Dei bonitate perfruamur. Deus verò ad suam bonitatem vsum nostrum refert. Quia enim bonus est, sumus: & in quantum sumus, boni sumus. Porro autem quia iustus est, non impunè sumus mali. In quantum enim mali sumus, in tantum minùs etiam sumus. Ille enim summè ac primitus est, qui omnino incommutabilis est, & qui plenissimè dicere potuit, *Ego sum qui sum*: & dices eis, *Qui est, misit me ad vos*. At cetera quæ sunt, & nisi ab illo esse non possunt, & in tantum bona sunt, in quantum acceperunt ut sint. Ille igitur vsum qui dicitur Dei quo nobis vitur, non ad eius sed ad nostram vtilitatem refertur, ad eius autem tantummodò bonitatem. Cuius autem nos miseremur & cui consulimus, ad eius quidem vtilitatem id facimus, eamque intuemur: sed nescio quomodo etiam nostra sit consequens, cum eam misericordiam quam impendimus egenti sine mercede non relinquit Deus. Hæc autem merces summa est ut eo perfruamur, & omnes qui eo fruimur, nobis etiam inuicem in ipso perfruamur.

Cap. XXXIII.
Quomodo
homine frui
conueniat.

NAM si in nobis id facimus, remanemus in via, & spem beatitudinis nostræ in homine vel in Angelo collocamus. Quod & homo superbus & Angelus superbus arrogant sibi, atque in se aliorum spem gaudent constitui. Sanctus autem homo & sanctus Angelus etiā fessos nos atque in se acquiescere & remanere cupientes reficiunt potius, aut eo sumptu quem propter nos, aut illo etiam quem propter se acceperunt; acceperunt tamen, atque ita refectos in illum ire compellunt, quo fruentes pariter beati sumus. Nam & Apostolus clamat: *Nunquid Paulus pro vobis crucifixus est? aut in nomine Pauli baptizati estis?* Et, *Neque qui plantat est aliquid, neque qui rigat, sed qui incrementum dat Deus*. Et Angelus hominem se adorantem monet, ut potius illum adoret sub quo ei Domino etiam ipse conseruus est. Cum autem homine in Deo frueris, Deo potius quam homine frueris. Illo enim frueris quo efficieris beatus, & ad eum te peruenisse lætaberis, in quo spem ponis ut venias. Inde ad Philemonem Paulus: *Ita frater, inquit, ego te fruar in Domino*. Quod si non addidisset *in Domino*, & te fruar tantum dixisset, in eo constituisset spem beatitudinis suæ, quanquam & vicinissimè dicitur frui cum delectatione vti. Cum enim

1. Cor. 1. 23.

1. Cor. 3. 7.

Philem. 10.

adeſt quod diligitur, etiam delectationem ſecum neceſſe eſt gerat. Per quam ſi tranſieris, eamque ad illud ubi permanendum eſt retuleris, vteris ea, & abuſuè non propriè diceris frui. Si verò inhæſeris atque permanſeris, ſinem in ea ponens lætitiæ tuæ, tunc verè & propriè frui dicendus es. Quod non faciendum eſt, niſi in illa Trinitate, id eſt, ſummo & incommutabili bono.

VIDE quemadmodum cùm ipſa Veritas & Verbum, per quod facta ſunt omnia, caro factum eſſet ut habitaret in nobis, tamen ait Apoſtolus; *Et ſi noueramus Chriſtum ſecundum carnem, ſed iam non nouimus.* Ille quippe qui non ſolùm peruenientibus poſſeſſionem, ſed etiam viam præbere ſe voluit venientibus ad ſe, principium viarum voluit carnem aſſumere. Vnde eſt etiam illud: *Dominus creauit me in principio viarum ſuarum*: ut inde inciperent qui vellent venire. Apoſtolus igitur quamuis adhuc ambularet in via, & ad palmam ſupernæ vocationis ſequeretur vocantem Dominum, tamen quæ retrò ſunt obliuiſcens, & in ea quæ antè ſunt extentus, iam principium viarum tranſierat, hoc eſt eo non indigebat: à quo tamen aggrediendum & exordiendum iter eſt omnibus, qui ad veritatem peruenite, & in vita æterna permanere deſiderant. Sic enim ait: *Ego ſum via & veritas & vita*: hoc eſt per me venit, ad me peruenitur, in me permanetur. Cùm enim ad ipſum peruenitur, etiam ad ipſum Patrem peruenitur: quia per æqualem ille cui eſt æqualis agnoſcitur, vinciente & tanquam adglutinate nos Spiritu ſancto, quò in ſummo atque incommutabili bono permanere poſſimus. Ex quo intelligitur quòd nulla res in via tenere nos debeat, quando nec ipſe Dominus in quantum via noſtra eſſe dignatus eſt, tenere nos voluerit, ſed tranſire, ne rebus temporalibus, quamvis ab illo pro ſalute noſtra luſceptis & geſtis, hæreamus infirmiter, ſed per eas potiùs curramus alacriter: ut ad eum ipſum qui noſtram naturam à temporalibus liberauit & collocauit ad dexteram Patris, prouehi atque peruenire mereamur.

OMNIUM igitur quæ prædicta ſunt, ex quo de rebus tractamus, hæc ſumma eſt, ut intelligatur legis & omnium diuinarum ſcripturarum plenitudo & ſinis eſſe dilectio rei qua fruendum eſt, & rei quæ nobiſcum ea re frui poteſt, quia ut ſe quiſque diligit præcepto non eſt opus. Hoc ergo ut noſceremus

Cap. xxxiv
Prima via
ad Deum.
2. Cor. 5. 16.

Prou. 8. 22.

Philip. 3. 13.

Ioh. 14. 6.

Cap. x. v. v.
Scriptura
ſumma a.
mor Dei.
Rom. 13. 10.

atque possemus, facta est tota pro salute nostra per diuinam providentiam dispensatio temporalis, qua debemus uti, non quasi manfiora quadam dilectione atque delectatione, sed transitoria potius tanquam via, tanquam vehiculorum vel aliorum quorumlibet instrumenrorum, aut si quid congruentius dici potest, ut ea quibus ferimur propter illud ad quod ferimur diligamus.

Cap. xxxvi.
Scopus totius
Scripturae.

QUISQUE igitur Scripturas diuinas, vel quamlibet earum partem intellexisse sibi videtur, ita ut eo intellectu non ædificet istam geminam charitatem Dei & proximi, nondum intellexit. Quisquis verò talem inde sententiam duxerit, ut huic ædificandæ charitati sit utilis, nec tamen hoc dixerit, quod ille quem legit eo loco sensisse probabitur, non permiciosè fallitur, nec omnino mentitur. Inest quippe in mentiente voluntas falsa dicendi, & idè multos inuenimus qui mentiri velint, qui autem falli, neminem. Cum igitur hoc sciens homo faciat, illud nesciens pariat, satis in una eademque re apparet illum qui fallitur, eo qui mentitur esse meliorem: quandoquidem pati melius est iniquitatem quam facere. Omnis autem qui mentitur iniquitatem facit, & si cuiquam videtur utile aliquando esse mendacium, potest videri utilem aliquando esse iniquitatem. Nemo enim menties in eo quod mentitur seruat fidem. Nam hoc utique vult, ut cui mentitur fidem sibi habeat, quam tamen ei mentiando non seruat. Omnis autem fidei violator, iniquus est. Aut igitur iniquitas utilis est aliquando, quod fieri non potest, aut mendacium semper inutile est. Sed quisquis in Scripturis aliud sentit quam ille qui scripsit, illis non mentientibus fallitur. Sed tamen ut dicere cœperam, si ea sententia fallitur, qua ædificat charitatem, quæ finis præcepti est, ita fallitur, ac si quisquam errore deferens viam, eò tamen peragrum pergat, quò etiam via illa perducit. Corrigendus est tamen, & quam sit utilius viam non deferere, demonstrandum est, ne consuetudine deviandi etiam in transuersum aut peruersum ire cogarur.

Caput
xxxvii.
Scriptura
quamlibet
liberum po-
ssidet.

ASSERENDO enim temerè quod ille non sensit quem legit, plerunque incurrit in alia quæ illi sententiæ contexere nequeat. Quæ si vera & certa esse consentit, illud non possit verum esse quod senserat: sitque in eo nescio quomodo ut amā-

do sententiam suam, Scripturæ incipiat offensior esse quàm sibi

Quod malum si serpere siuerit, euertetur ex eo. Per fidem enim ambulamus, non per speciem. Titubabit autem fides si diuinarum scripturarum vacillet autoritas. Porro fide titubante, charitas etiam ipsa languescit. Nam si à fide quisque ceciderit, à charitate etiam necesse est cadat: non enim potest diligere quod esse non credit. Porro si & credit & diligit, bene agendo & præceptis bonorum morum obtemperando, efficit ut etiam speret se ad id quod diligit esse venturum. Itaque tria hæc sunt, quibus & scientia omnis & prophetia militat, fides, spes, charitas. 2. Cor. 5. 7.

SED fidei succedit spes quam videbimus: & spei succedit beatitudo ipsa, ad quam peruenturi sumus: charitas autem etiam illis decedentibus augebitur potiùs. Si enim credendo diligimus quod nondum videmus, quantò magis cùm videre cœperimus? Et si sperando diligimus, quòd nondum peruenimus, quantò magis cùm peruenierimus? Inter temporalia quippe atque æterna hoc interest, quòd temporale aliquid plus diligitur antequam habeatur, vilescit autem cùm aduenierit. Non enim satiat animam, cui vera & certa sedes est æternitas. Æternum autem ardentius diligitur adeptum quàm desideratum. Nulli enim desideranti conceditur plus de illo existimare quàm in se habet, ut ei vilescat cùm minus inuenierit: sed quantum quisque veniens existimare potuerit, plus perueniens inuenturus est.

HOMO itaque fide, spe & charitate subnixus, eaque inconcusse retinens, non indiget scripturis nisi ad alios instruendos. Itaque multi per hæc tria etiam in solitudine sine codicibus viuunt. Vnde in illis arbitror iam completum esse quod dictum est, *Sine prophetia euacuabuntur, sine lingua cessabunt, sine scientia destruetur.* Quibus tamen quasi machinis tanta fidei & spei & charitatis inest instructio, ut perfectum aliquid tenentes, ea quæ sunt ex parte non quærant. Perfectum tanè quantum in hac via potest: nam in comparatione futuræ vitæ nullius iusti & sancti est vita ista perfecta. Ideo *manent*, inquit, *fides, spes, charitas, tria hæc, maior autem horum est charitas*: quia & cùm quisque ad æterna peruenierit, duobus illis decedentibus charitas auctior & certior permanebit. Cap. XXXVII. 2.

Cap. XXXVII. 2.
Charitas
perpetua
manet.

Cap. XXXVIII.
Fides, Spes,
Charitas ul-
luminant.

1. Cor. 13. 8.

CIV. IIX.

Qualem i-
storum scri-
ptura posu-
it.

2. Tim. I. 5.

QUA PROPTER cū quisque cognouit finem præcepti esse charitatem, de corde puro & conscientia bona & fide non ficta, omnem intellectum diuinarum scripturarum ad ista tria relaturus, ad tractationem illorum librorum securus accedat. Cū enim diceret, *charitas*: addidit, *de corde puro*: vt nihil aliud quā id quod diligendum est diligatur. *Conscientia* verò bona subiunxit propter spem: Ille enim se ad id quod credit & diligit peruenturum esse desperat, cui malæ conscientie scrupulus inest. Tertiò, & *fide*, inquit, *non ficta*: Si enim fides nostra mendacio caruerit, tunc & non diligimus quod non est diligendum, & rectè viuendo id speramus, vt nullo modo spes nostra fallatur. Propterea & de rebus continetibus fidem, quantū pro tempore satis esse arbitratu sum, dicere volui, quia in aliis voluminibus, siue per alios siue per nos multa iam dicta sunt. Modus itaque sit iste libri huius. Cætera de signis quantū dederit Dominus disceremus.



LIBER SECVNDVS.



QVONIAM de rebus cū scriberem, præmisi commonens, ne quis in eis attenderet nisi quod sunt, non etiam siquid aliud præter se significant, vicissim de signis disserens hoc dico, ne quis in eis attendat quod sunt, sed potius quod signa sunt, id est quod significant. Signum est enim res præter speciem quam ingerit sensibus, aliud aliquid ex se faciens in cogitationem venire: sicut vestigio viso transisse animal, cuius vestigium est, cogitamus: & fumo viso ignem subesse cognoscimus: & voce animantis audita, affectionem animi eius animaduertimus: & tuba sonante, milites vel progredi vel regredi, & si quid aliud pugna postulat oportere nouerunt. Signorum igitur alia sunt naturalia, alia data. Naturalia sunt, quæ sine voluntate atque vilo appetitu significanti; præter se aliquid aliud ex se cognosci faciunt, sicuti est fumus significans ignem. Non enim volens significare id facit, sed rerum expertarum animaduersione & notatione cognoscitur ignem subesse, etiam si fumus solus appareat. Sed & vestigium transeuntis animalis, ad hoc genus pertinet. Et vultus irati seu tristici affectionem animi significat, etiam nulla eius voluntate qui aut iratus aut tristis est: aut si quis alius motus animi vultu indice proditur, etiam id nobis non agentibus vt prodatur. Sed de hoc toto genere nunc disserere non est propositum. Quoniam tamen incidit in partitionem nostram, præteriri omnino non potuit, atque id hætenus notatum esse suffecerit.

CAPVT I.
De Signis.

DATA verò signa sunt, quæ sibi quæque viuientia inuicem dant ad demonstrandos, quantum possunt, motus animi sui vel sensa aut intellecta quælibet. Nec vlla causa est nobis significandi, id est signi dandi, nisi ad depromendum & trahendum in alterius animum id quod in animo gerit is qui signum dat. Horum igitur signorum genus quantum ad homines attinet considerare atque tractare statuiamus: quia & signa diuinitus data quæ in scripturis sanctis continentur, per ho-

CAP. II.
Quo signorum genera sit usus hic.

mines nobis indicata sunt, qui ea conscripserunt. Habent etiam bestia quædam inter se signa quibus produnt appetitum animi sui. Nam & gallus gallinaceus reperto cibo, dat signum vocis gallinæ ut accurrat: & columbus gemitu columbain vocat, & ab ea vicissim vocatur: & multa huiusmodi animaduertere solent. Quæ utrum sicut vultus aut dolentis clamor sine significandi voluntate sequantur motum animi, an verè ad significandum dentur, alia quæstio est, & ad rem quæ nunc agitur non pertinet. Quam partem ab hoc opere tanquam non necessariam remouemus.

CAP. VII.
Inter signa
principatum
obtinere
verba.

SIGNORVM igitur quibus inter se homines sua sensa communicant, quædam pertinent ad oculorum sensum, pleraque ad aurium, paucissima ad cæteros sensus. Nam cum innuimus, non damus signum nisi oculis eius quem volumus per hoc signum voluntatis nostræ participem facere. Et quidam motus manuum pleraque significant. Et hiltiones omnium membrorum motibus dant signa quædam scientibus, & cum oculis eorum quasi fabulantur. Et vexilla draconesque militares per oculos insinuant voluntatem ducum. Et sunt hæc omnia quasi quædam verba visibilia. Ad aures autem quæ pertinent, ut dixi, plura sunt, in verbis maximè. Nam & tuba & tibia & cithara dant plerumque, non solum suauem, sed etiam significantem sonum. Sed omnia signa verbis comparata paucissima sunt: Verba enim prorsus inter homines obtinuerunt principatum significandi quæcunque animo concipiuntur, si ea prodere quisque velit. Nā & odore vnguenti Dominus quo perfusi sunt pedes eius, signum aliquod dedit: Et sacramento corporis & sanguinis sui prægustato, significauit quod voluit: Et cum mulier tangendo simbriam vestimenti eius, salua facta est, nonnihil significat. Sed innumerabilis multitudo signorum, quibus suas cogitationes homines exerunt, in verbis constituta est. Nam illa signa omnia quorum genera breuiter attingi, potui verbis enunciare, verba verò illis signis nullo modo possum.

CAP. VIII.
Signa ver-
borum sus-
ta.

SED quia verberato aëre statim transcunt, nec diutius manent quam sonant, instituta sunt per literas signa verborum. Ita voces oculis ostenduntur, non per seipsas, sed per signa quædam sua. Ista igitur signa non potuerunt communia esse omnibus gentibus peccato quodam dissensionis humane, cum

ad se quisque principatum rapit. Cuius superbix signum est Gen. 11. 7. erecta illa turris in cælum, vbi homines impij non solum animos, sed etiam voces dissonas habere meruerunt.

Ex quo factum est, vt etiam Scriptura diuina qua tantis CAP. V.
Diuersitas
linguarum,
et. quæ. morbis humanarum voluntatum subuenitur, ab vna lingua profecta quæ * oportune potuit per orbem terrarum dissennari, per varias interpretum linguas longè latèque diffusa innotescere gentibus ad salutem: quam legentes nihil aliud appetunt quàm cogitationes voluntatèque illorum à quibus conscripta est inuenire, & per illas voluntatem Dei secundùm quam tales homines locutos esse credimus.

Sed multis & multiplicibus obscuritatibus, & ambiguitatibus decipiuntur, qui temerè legunt aliud pro alio sentientes, quibuscumque autem locis quid vel falsò suspicentur non inueniunt: ita obscure quædam dicta densissimam caliginem obducunt. Quod totum prouisum diuinitus esse non dubito, ad edomandam labore superbiam, & intellectum à fastidio reuocandum, cui facilè inuestigata plerunque vilescunt. Quid enim est, quæso, quòd si quisquam dicat sanctos esse homines atque perfectos, quorum vita & moribus Christi Ecclesia de quibuscumque superstitionibus præcidit eos qui ad se veniunt, & imitatione bonorum sibimet quodammodò incorporat: qui boni fideles & veri Dei serui deponentes onera sæculi ad sanctum baptismi lauacrum venerunt, atque inde abscedentes conceptione sancti Spiritus fructum dant geminæ charitatis, id est Dei & proximi: quid est ergo quòd si hæc quisquam dicat, minùs delectat audientem, quàm si ad eundem sensum locum illum exponat de Canticis canticorum, vbi dictum est Ecclesiæ, cum tanquam pulchra quædam fœmina laudaretur: *Dentes tui sicut grex detonsarum ascendentes de lauacro, quæ omnes geminos creant, & non est sterilis in eis?* Num aliud homo discit, quàm cum illud planissimis verbis, sine similitudinis huiusmodi adminiculo audiret? Et tamen nescio quomodò suaviùs intueor Sanctos, cum eos quasi dentes Ecclesiæ video præcidere ab erroribus homines, atque in eius corpus emollitâ duritiâ quasi demorsos mansuèque transferre. Oves etiam iocundissimè agnosco detonsas, oneribus secularibus tanquam vberibus depositis, & ascendentes de lauacro, id est de baptisinate, creare omnes geminos, id est duo

CAP. VI.
Obscuritas
scriptura
non inuulsa.

Cant. 4. 2.

præcepta dilectionis, & nullam esse ab isto sancto fructu sterile video. Sed quare suavius videam, quàm si nulla de diuinis libris talis similitudo promeretur, cum res eadem sit eadèque cognitio, difficile est dicere, & alia quæstio est. Nunc tamen nemo ambigit, & per similitudines libètiùs quæque cognosci, & cum aliqua difficultate quæsitâ multo gratiùs inueniri. Qui enim prorsus non inueniunt quod quærunt, fame laborant. Qui autem non quærunt, quia in promptu habent, fastidio sæpe marcescunt. In utroque autem languor cauendus est. Magnificè igitur & salubriter Spiritus sanctus ita Scripturas sanctas modificauit, ut locis apertioribus fami occurreret, obscurioribus autem fastidia detergeret. Nihil enim fere de illis obscuritatibus eruitur, quod non planissimè dictum alibi reperiatur.

Cap. vii. ANTE omnia igitur opus est Dei timore conuerti ad cognoscendam eius voluntatem, si quid nobis appetendum fugiendumque præcipiat. Timor autem iste cogitationem de nostra mortalitate, & de futura morte necesse est incutiat, & quasi clauatis carnibus omnes superbix motus ligno crucis affigat. Deinde opus est mittere pietate, neque contradicere diuinæ Scripturæ, siue intellectæ, si aliqua vitia nostra percutit, siue non intellectæ, quasi nos meliùs sapere, meliùsque præcipere possimus: sed cogitare potiùs & credere id esse melius & verius quod ibi scriptum est, etiam si lateat, quàm id quod nos per nosmetipsos sapere possumus.

Tertius. Post istos duos gradus timoris atque pietatis, ad tertium venit scientiæ gradum, de quo nunc agere statui. Nam in eo se exercet omnis diuinarum scripturarum studiosus, nihil aliud in eis inueniens quàm di igendum esse Deum propter Deum, & proximum propter Deum: & illum quidem ex toto corde, ex tota anima, ex tota mente diligere; proximum verò tanquam seipsum, id est ut tota dilectio proximi, sicut etiam nostri referatur in Deum. De quibus duobus præceptis cum de rebus ageremus, in libro superiore tractauimus. Necesse est ergo ut primò se quisque in Scripturis inueniat amore huius sæculi, hoc est temporalium rerum implicatum, longè seiunctum esse à tanto amore Dei, & tanto amore proximi, quantùm scriptura ipsa præscribit. Tum verò ille timor quo cogitat de iudicio Dei, & illa pietas qua non potest nisi credere

*Septem gradibus ad sapientiam
iur.*

1. Gradus.

Secundus.

Tertius.

Matt. 22. 37.

& cedere auctoritati sanctorum librorum, cogit eum seipsum lugere. Nam ista scientia bonæ spei hominem se non iactantem, sed lamentantem facit.

Quo affectu impetrat sedulis precibus consolationem diuini adiutorij, ne desperatione frangatur, & esse incipit in quarto gradu, hoc est fortitudinis, quo eluritur & sinitur iustitia. Hoc enim affectu ab omni mortifera iocunditate rerum transeuntium sese extrahit, & inde se auertens conuertit ad dilectionem æternorum, incommutabilem scilicet vnitatem eandemque trinitatem. Quam ubi aspexerit quantum potest, in longinqua radiantem, sui que aspectus infirmitate sustinere se illam lucem non posse persenserit, in quinto gradu, hoc est in consilio misericordiæ purgat animam tumultuantem quodammodo atque obitrepenstem sibi de appetitu inferiorum conceptis sordibus.

Hinc verò se in dilectione proximi gnauius exercet, in eaque perficitur, & spe iam plenus atque integer viribus cum peruenierit usque ad inimici dilectionem ascendit in sextum gradum, ubi iam ipsum oculum purgat quo videri Deus potest, quantum potest ab his qui huic sæculo moriuntur quantum possunt. Nam in tantum vident, in quantum moriuntur huic sæculo. In quantum autem huic viuunt, non vident. Et idèd quamuis iam certior & non solum tolerabilior, sed etiam iucundior species lucis illius incipiat apparere, in ænigmate tamen adhuc & per speculum videri dicitur, quia magis per fidem quàm per speciem ambulatur, cum in hac vita peregrinamur, quamuis conuersationem habeamus in cælis. In hoc autem gradu ita purgat oculum cordis, ut veritati ne ipsum quidem præferat aut conferat proximum, ergo nec seipsum, quia nec illum quem diligit sicut seipsum. Erit ergo iste sanctus tam simplici corde atque mundato, ut neque hominibus placendi studio detorqueatur a vero, nec respectu deuitandorum quorumlibet incommodorum suorum quæ aduersantur huic vitæ. Talis filius ascendit ad sapientiam quæ vltima & septima est, qua pacatus tranquillusque perfruitur. *Initium enim sapientiæ timor Domini.* Ab illo enim usque ad ipsam per hos gradus tenditur & peruenitur.

SED nos ad tertium gradum illum considerationem referamus, de quo disserere quod Dominus suggesserit atque tra-

Quartus.

Quintus.

Sextus.

1. Cor. 13. 12.
2. Cor. 5. 7.
Philip. 3. 10

Septimus.

Psalm. 110. 12.
Ecclesi. 1. 16.

CAP. VIII.
Libri Canonici.

Atque instituiamus. Erit igitur diuinarum scripturarum solertissimus indagator, qui primo totas legerit, notasque habuerit, & si nondum intellectu, iam tamen lectione, duntaxat eas quæ appellantur canonicæ. Nam cæteras securius leget fide veritatis instructus, ne præoccupent imbecillem animum, & periculosis mendaciis atque phantasmatibus eludentes præiudicent aliquid contra sanam intelligentiam. In canonicis autem scripturis Ecclesiarum Catholicarum quàm plurimum auctoritatem sequatur, inter quas sanè illæ sunt quæ Apostolicas sedes habere & epistolas accipere meruerunt. Tenebit igitur hunc modum in Scripturis canonicis, ut eas quæ ab omnibus accipiuntur Ecclesiis Catholicis, præponat eis quas quædam non accipiunt. In eis verò quæ non accipiuntur ab omnibus, præponat eas quas plures grauiorésque accipiunt, eis quas pauciores minorisque auctoritatis Ecclesiæ tenent. Si autem alias inuenerit à pluribus, alias à grauioribus haberi, quamquam hoc facile inuenire non possit, æqualis tamen auctoritatis eas habendas puto.

Totus autem canon scripturarum in quo istam considerationem versandam dicimus, his libris continetur: quinque Moyseos, id est Genesi, Exodo, Leuitico, Numeri, Deuteronomio, & vno libro Iesu Naue, vno Iudicum, vno libello qui appellatur Ruth, qui magis ad Regnorum principia videtur pertinere: deinde quatuor Regnorum, & duobus Paralipomenon, non consequentibus, sed quasi à latere adiunctis simulque pergentibus. Hæc est historia quæ libramet annexa tempora continet, atque ordinem rerum.

Sunt alia tanquam ex diuerso ordine, quæ neque huic ordini, neque inter se connectuntur, sicut est Iob & Tobias & Hester & Iudith & Machabæorum libri duo, & Esdræ duo, qui magis subsequi videntur ordinatam illam historiam, usque ad Regnorum vel Paralipomenon terminatam. Deinde Prophetæ, in quibus David vnus liber Psalmorum, & Salomonis tres, Prouerbiorum, Cantica canticorum, & Ecclesiastes. Nam illi duo libri, vnus qui Sapientia, & alius qui Ecclesiasticus inscribitur, de quadam similitudine Salomonis esse dicuntur. Nam Iesus filius Sirach eos scripsisse constanter perhibetur. Qui tamen quoniam in auctoritatem recipi meruerunt, inter Propheticos numerandi sunt. Reliqui

sunt eorum libri, qui propriè Prophetæ appellati sunt, duodecim Prophetarum libri singuli: qui connexi sibi met, quoniam nunquam sciumdi sunt, pro vno habentur: quorum Prophetarum nomina sunt hæc, Osee, Ioel, Amos, Abdias, Ionas, Micheas, Naum, Abacuc, Sophonias, Aggeus, Zacharias, Malachias. Deinde quatuor Prophetæ sunt maiorum voluminum, Esaias, Hieremias, Daniel, Ezechiel. His quadraginta quatuor libris Veteris Testamenti terminatur auctoritas. Noui autem quatuor libris Euangelij, secundum Matthæum, secundum Marcum, secundum Lucam, secundum Ioannem: quatuordecim epistolis Pauli Apostoli, ad Romanos, ad Corinthios duabus, ad Galatas, ad Ephesios; ad Philippeneses, ad Thessalonicenses duabus, ad Colossenses, ad Timotheum duabus, ad Titum, ad Philemonem, ad Hebræos: Petri duabus; tribus Ioannis; una Iudæ, & una Iacobi; Actibus Apostolorum libro vno, & Apocalypsis Ioannis libro vno.

IN his omnibus libris timentes Deum & pietate mansueti quantunt voluntatem Dei. Cuius operis & laboris prima obseruatio est, vt diximus, nosse istos libros, & si nondum ad intellectum, legendo tamen vel mandare memoriam, vel omnino incognitos non habere. Deinde illa quæ in eis aperte posita sunt vel præcepta viuendi, vel regulæ credendi, solertiùs diligentiusque inuestiganda sunt. Quæ quantò quisque plura inuenit, tantò est intelligentia capacior. In iis enim quæ aperte in Scriptura posita sunt, inueniuntur illa omnia quæ continent fidem morèsque viuendi, spem scilicet atque charitatem, de quibus libro superiore tractauimus. Tum verò facta quadam familiaritate cum ipsa lingua diuinarum scripturarum, in ea quæ obscura sunt aperienda, & discutienda pergendum est, vt ad obscuriores locutiones illustandas de manifestiotibus sumantur exempla, & quædam certarum sententiarum testimonia dubitationem de incertis auferant. In qua te memoria valet plurimum: quæ si defuerit, non potest his præceptis dari.

CAP. IX.
Quid primò, quid deinde querendum in literis sacris.

DVAEVS autem causis non intelliguntur quæ scripta sunt, si aut ignoris, aut ambiguus signis obteguntur. Sunt autem signa vel propria vel translata. Propria dicuntur, cum his rebus significandis adhibentur, propter quas sunt instituta, sicut

CAP. X.
Verba nunc propria, nunc metaphorice accipiuntur.

cùm dicimus bouem, intelligimus pecus, quod omnes nobiscum Latinæ linguæ homines hoc nomine vocant. Translata sunt, cùm & ipsæ res quas propriis verbis significamus ad aliud aliquid significandum vsurpantur, sicut cùm dicimus bouem, & per has duas syllabas intelligimus pecus, quod isto nomine appellari solet: sed per illud pecus rursus intelligimus Euangelistam quem significauit Scriptura, interpretante Apostolo, dicens: *Bonem triturantem non infranabis.*

1 Cor. 9. 10.

CAP. XI.

*Græcam
linguam &
Hebræam
nec s̄viam
esse ad eo-
gna inueni-
endum
sacrarum.*

CONTRA ignota signa propria, magnum remedium est linguarum cognitio. Et Latinæ quidem linguæ homines quos nunc instituendos suscepimus, & duabus aliis ad scripturarum diuinarum cognitionem habent opus, Hebræa scilicet & Græca, vt ad exemplaria præcedentia recurratur, si quam dubitationem attuleris Latinorum interpretum infinita varietas, quanquam & Hebræa verba non interpretata sæpe inueniamus in libris, sicut *amen*, *hallelu-ia*, & *racha*, & *osanna*, & si qua sunt alia. Quorum partim propter sanctiorem auctoritatem, quamuis interpretari potuissent, seruata est antiquitas, sicut est *amen* & *hallelu-ia*, partim verò in aliam linguam transferri non potuisse dicuntur, sicut alia duo quæ posuimus. Sunt enim quædam verba certarum linguarum, quæ in vsum alterius linguæ per interpretationem transire non possunt. Et hoc maximè interiectionibus accidit, quæ verba potiùs motum animi significant, quàm sententiæ conceptæ vllam particulam: nam & hæc duo talia esse perhibentur. Dicunt enim *racha* indignantis esse vocem, *osanna* lætantis. Sed non propter hæc pauca quæ notare atque interrogare facillimum est, sed propter diuersitates, vt dictum est, interpretum illarum linguarum est cognitio necessaria. Qui enim Scripturas ex Hebræa lingua in Græcam verterunt linguam, numerari possunt, Latini autem interpretes nullo modo. Vt enim cuique primis fidei temporibus in manus venit codex Græcus, & aliquantulum facultatis sibi nec vtriusque linguæ habere videbatur, ausus est interpretari.

CAP. XII.

*Diversitas
interpreta-
tio. n. quid
faciat.*

Ilai. x. 7.

Quæ quidem res plus adiuuit intelligentiam quàm impediuit, si modò legentes non sint negligentes. Nam nonnullas obscuriores sententias plurium codicum sæpe manifestauit inspectio. Sicut illud Esaiæ Prophetæ vnus interpret ait: *Et carnem tuam ne despexeris: alius, Et domesticos seminis tui ne despexeris:*

despexeris: vterque sibi inuicem attestantur. Namque alter ex altero exponitur: quia & caro posset accipi propriè, vt corpus suum quisque ne despiceret, se putaret admonitum: & domestici feminis translatè, Christiani posset intelligi, ex eodem verbi semine, nobiscum spiritaliter nati. Nunc autem collato Interpretum sensu probabilior occurrit sententia propriè de consanguineis non despiciendis esse præceptum, quoniam domesticos feminis cum ad carnem retuleris, consanguinei potissimum occurrunt. Vnde esse arbitror illud Apostoli quod ait: *Si quo modo ad emulationem adducere potuero carnem meam, vt saluos faciam aliquos ex illis*; id est, vt emulando eos qui crediderant & ipsi crederent. Carnem enim suam dixit Iudæos, propter consanguinitatem. Item aliud eiusdem Esaie Propheta: *Nisi credideritis, non intelligetis*. Alius interpretatus est, *Nisi credideritis, non permanebitis*. Quis horum vera secutus sit, nisi exemplaria linguæ præcedentis legantur, incertum est. Sed tamen ex utroque inagnum aliquid insinuat scienter legentibus. Difficile est enim ita diuersos à se Interpretes fieri, vt non se aliqua vicinitate contingant. Ergo quoniam intellectus in specie sempiterna est, fides verò in rerum temporalium quibusdam cunabulis quasi lacte alit paruulos. Nunc autem per fidem ambulamus, non per speciem. Nisi autem per fidem ambulauerimus, ad speciem peruenire non poterimus, quæ non transit, sed permanet per intellectum purgatum nobis coherentibus veritati. Propterea ille ait; *Nisi credideritis non permanebitis*. Ille verò, *Nisi credideritis, non intelligetis*. Et ex ambiguo linguæ præcedentis plerunque Interpres fallitur, cui non bene nota sententia est, & eam significationem transfert, quæ à sensu scriptoris penitus aliena est. Sic quidam codices habent: *Acutipedes eorum ad effundendum sanguinem*: ἄκτις enim apud Græcos & acutum & velocem significat. Ille ergo vidit sententiam qui transtulit, *Veloces pedes eorum ad effundendum sanguinem*. Ille autem alius ancipiti signo in aliam partem raptus errauit. Et talia quidem non obscura sed falsa sunt, quorum alia conditio est. Non enim intelligendos sed emendandos tales codices potius præcipiendum est. Hinc est enim etiam illud: quoniam *μῆχος* moschos Græcè vitulus dicitur, *Μοσχίμια* moscheumata quidam intellexerunt esse plantationes, & vitulamina inter-

Rom. II. 14

Isa. 7. 9.

Psal. 73. 3.

Sap. 4. 3.

pretati sunt. Qui error tam multos codices præoccupauit, ut vix inueniatur aliter scriptum, & tamen sententia manifestissima est, quia clarescit consequentibus verbis: *Namque adulterina plantationes non dabunt radices alias*: conuenientiùs dicitur quam vitulamina, quæ pedibus per terram gradiuntur, & non hærent radicibus. Hanc translationem in eo loco etiam cætera contexta custodiunt.

Cap. XIII.
Solæcisinus
& barbaris-
mus.

SED quoniam & quæ sit ipsa sententia, quam plures Interpretes pro sua quisque facultate atque iudicio conantur eloqui, non apparet nisi in ea lingua inspiciatur quam interpretantur, & plerunque à sensu auctoris deuius aberrat Interpretes si non sit doctissimus: igitur aut illarum linguarum ex quibus in Latinam scripturam peruenit petenda cognitio est, aut habendæ interpretationes eorum qui se verbis nimis obstrinxerunt, non quia sufficiunt, sed ut ex eis libertas vel error dirigatur aliorum, qui non magis verba quàm sententias interpretando sequi maluerunt. Nam non solum verba singula, sed etiam locutiones sæpe transferuntur, quæ omnino in Latinæ linguæ usum, si quis consuetudinem veterum, qui Latinè locuti sunt, tenere voluerit, transire non possunt. Quæ aliquando intellectui nihil adimunt, sed offendunt tamen eos qui plus delectantur rebus, cum etiam in earum signis sua quædam seruetur integritas. Nam solæcisinus qui dicitur, nihil aliud est quàm cum verba non ea lege sibi coaptantur, qua coaptauerunt qui priores nobis non sine auctoritate aliqua locuti sunt. Vtrum enim inter homines, an inter hominibus dicatur, ad rerum non pertinet cognitorem.

1. Cor. 8. 7.

Item barbarisimus quid aliud est, nisi verbum non eis literis vel sono enunciatur, quo ab eis qui Latinè ante nos locuti sunt, enunciari solet? Vtrum enim ignoscere producta tertia syllaba vel correpta dicatur, non multum curat qui peccatis suis Deum ut ignoscat petit, quolibet modo illud verbum sonare potuerit. Quid est ergo integritas locutionis, nisi Latinæ consuetudinis conseruatio loquentium veterum auctoritate firmata? Sed tamen eò magis inde offenduntur homines quò infirmiores sunt, & eò sunt infirmiores, quò doctiores videri volunt: non rerum scientia qua edificamur, sed signorum, qua non inflari omnino difficile est, cum & ipsa rerum scientia sæpe * ceruicem erigar, nisi Dominico reprimatur

iugo. Quid enim obest intellectori, quod ita scriptum est, quæ est terra in qua isti insident super eam, si bona est aut nequam, & quæ sunt ciuitates in quibus ipsi inhabitant in ipsis? Quam locutionem magis alienæ linguæ esse arbitror, quam sensum aliquem altiore.

Illud etiam quod iam auferre non possumus de ore cantantium populorum: *Super ipsum autem floriet sanctificatio mea:* nihil profectò sententiæ detrahit: auditor tamen peritior mallet hoc corrigi vt non *floriet*, sed *forebit* diceretur. Nec quicquam impedit correctionem nisi consuetudo cantantium. Ista ergo facile etiam contemni possunt, si quis ea cauere noluerit, quæ sano intellectui nihil detrahunt. At verò illud quod ait Apostolus: *Quod stultum est Dei, sapientius est hominibus, & quod infirmum est Dei, fortius est hominibus:* si quis in eo Græcam locutionem seruare voluisset, vt diceret, *Quod stultum est Dei, sapientius est hominum: & quod infirmum est Dei, fortius est hominum:* iret quidem vigilantis lectoris intentio in sententiæ veritatem, sed tamen aliquis tardior aut non intelligeret, aut etiam peruersè intelligeret. Non enim tantum vitiosa locutio est in latina lingua talis, verum etiam in ambiguitatem cadit, vt quasi hominum stultum, vel hominum infirmum sapientius vel fortius videatur esse quam Dei: quamquam & illud, *sapientius est hominibus*, non caret ambiguo etiam si solœcismo careat. Vtrum enim his hominibus ab eo quod est huic hominī, an ab his hominibus ab eo quod est ab hoc homine dictum sit, non apparet nisi illuminatione sententiæ. Melius itaque dicitur ita: *Sapientius est quàm homines, & fortius est quàm homines.*

DE ambiguis autem signis pòt loquemur, nunc de incongnitis agimus, quorum duæ formæ sunt quantum ad verba pertinet. Namque aut ignotum verbum facit hære lectorem, aut ignota locutio. Quæ si ex alienis linguis veniunt, aut quærenda sunt ab earum linguarum hominibus, aut linguæ eædem, si & ocium est & ingenium, ediscendæ, aut plurimum interpretum consulenda collatio est. Si autem ipsius linguæ nostræ aliqua verba locutionesque ignoramus, legendi consuetudine audiendique innotescunt. Nulla sanè sunt magis mandanda memoriæ, quàm illa verborum locutionumque genera quæ ignoramus, vt cum vel peritior occurrerit, de

Psal. 131. 18.

I. Cor. 1. 25.

CAP. XIV.
De percipiendis verborum & locutionum proprietate, & emendandis codicibus.

quo quæri possint, vel talis lectio quæ vel præcedentibus vel consequentibus vel utrisque ostendat quam vim habeat, quidve significet quod ignoramus, faciliè adiuuante memoria possimus animaduvertere & discere: quanquam tanta est vis consuetudinis etiam ad discendum, ut qui in Scripturis sanctis quodammodò nutriti educatique sunt, magis alias locutiones mitentur, easque minus Latinas putent quàm illas quas in Scripturis diuicerunt, neque in Latinæ linguæ auctoribus reperiuntur. Plurimum hic quoque iuuat interpretum numerositas collatis codicibus inspecta atque discussa, tantùm abut saluiss: nam codicibus emendandis prius debet inuigilare solertia eorum qui Scripturas diuinas nosse desiderant, ut emendatis non emendati cedant, ex vno dumtaxat interpretationis genere venientes.

Cap. xv.
Interpretatio septuaginta.

De ciuitate
Dei l. 18. c.
43.

In ipsis autem interpretationibus Italia cæteris præferatur. Nam est verborum tenacior cum perspicuitate sententiæ. Et Latinis quibuslibet emendandis, Græci adhibeantur, in quibus septuaginta Interpretum quod ad vetus Testamentum attinet, excellit auctoritas, qui iam ad omnes peritiores Ecclesias tanta præsentia Spiritus sancti interpretati esse dicuntur, vtos vnum tot hominum fuerit. Qui si, ut fertur, multique non indigni fide prædicant, singuli cellis etiam singulis separati cum interpretati essent, nihil in alicuius eorum codice inuentum est, quod non iisdem verbis eodémque verborum ordine inueniretur in cæteris: quis huic auctoritati conferre aliquid nedum præferre audeat? Si autem contulerunt ut vna omnium communi tractatu iudicióque vox fieret, nec sic quidem quenquam vnum hominem qualibet peritia ad emendandum tot seniorum doctorumque consensum aspirare oportet aut decet. Quamobrem etiam si aliquid aliter in Hebræis exemplaribus inuenitur quàm ipsi posuerint, cedendum esse arbitror diuinæ dispensationi, quæ per eos facta est: vbi libri quos gens Iudæa cæteris populis vel religione vel inuidia prodere nolebat, credituris per Dominum gentibus ministra Regis Ptolemæi potestate tantò ante proderentur. Itaque fieri potest, ut sic illi interpretati sint, quemadmodum congruere gentibus ille qui eos regebat, & qui os vnum omnibus fecerat Spiritus sanctus iudicauit. Sed tamen ut superius dixi, horum quoque interpretum qui verbis tenacius

inhæserunt, collatio non est inutilis ad explanandam sapiententiam. Latini ergo, ut dicere cœperam, codices Veteris Testamenti, si necesse fuerit, Græcorum auctoritate emendandi sunt, & eorum potissimum qui cum Septuaginta essent ore vno interpretati esse perhibentur. Libros autem Noui Testamenti, si quid in Latinis varietatibus titubat, Græcis cedere oportere non dubium est, & maxime qui apud Ecclesias doctiores & diligentiores reperiuntur.

IN translatis verò signis, si qua forte ignota cogunt hætere lectorem, partim linguarum notitiâ, partim rerum investiganda sunt. Aliquid enim ad similitudinem valet, & proculdubio secretum quiddam insinuat Siloa piscina, ubi lauare faciem iussus est, cui oculos Dominus luto de sputo facto inunxerat. Quod tamen nomen linguæ incognitæ, nisi Euangelista interpretatus esset, tam magnus intellectus lateret. Sic etiam multa quæ ab auctoribus eorundem librorum interpretata non sunt nomina Hebræa, non est dubitandum habere non parvam vim atque adiutorium ad soluenda ænigmata scripturarum, si quis possit ea interpretari: quod nonnulli eiusdem linguæ viri perit non sanè paruum beneficium posteris contulerunt, qui separata de scripturis eadem verba omnia interpretati sunt, & quid sit Adam, quid Eva, quid Abraham, quid Moyses; siue etiam locorum nomina, quid sit Hierusalem, vel Sion, vel Hiericho, vel Sina, vel Libanus, vel Iordanis, vel quæcunque alia in illa lingua sunt incognita nobis nomina. Quibus apertis & interpretatis multæ in scripturis figuratæ locutiones manifestantur. Rerum autem ignorantia facit obscuras figuratas locutiones, cum ignoramus vel animantium, vel lapidum, vel herbarum naturas, aliarumque rerum, quæ plerumque in scripturis similitudinis alicuius gratia ponuntur. Nam & de serpente quod notum est, totum corpus eum pro capite obiiicere ferientibus, quantum illustrat sensum illum quo Dominus iubet altutos nos esse sicut serpentes: ut scilicet pro capite nostro, quod est Christus, corpus potius persequentibus offeramus, ne fides Christiana tanquam caput necetur in nobis, si parentes corpori negemus Deum: vel illud quod per cauernæ angustias coarctatus, deposita veteri tunica vires novas accipere dicitur, quantum concinit ad imitandam ipsius serpentis astu-

CAP. XVI.
Cognitio animalium,
herbarum,
lapidum similitudinum que necessaria.
Iohan. 9. 7.

Mat. 10. 16.

Eph. 4. 22.
Coloss. 3. 10
Matt. 7. 13.

tiam, exuendúmque ipsum veterem hominem, sicut Apostolus dicit, vt induamur nouo, & exuendū per angustias, dicente Domino, *Intrate per angustam portam*. Vt ergo notitia naturæ serpentis illustrat multas similitudines, quas de hoc animante Scriptura dare consuevit: sic ignorantia nonnullorum animalium quæ non minus per similitudines commemorat, impedit plurimùm lectotem.

Sic lapidum, sic herbarum, vel quæcunque tenentur radicibus. Nam & carbunculi notitia quod lucet in tenebris, multa illuminat etiam obscura librorum vbicunque propter similitudinem ponitur, & ignorantia berylli vel adamantis claudit plerumque intelligentiæ fores. Nec aliam ob causam facile est intelligere pacem perpetuam significari oleæ ramusculo, quem rediens ad arcam columba pertulit, nisi quia nouimus & olei lenem contactum non facile alieno humore corrumpi, & arborem ipsam frondere perenniter. Multa autem propter ignorantiam hyssopi dum nesciunt quam vim habeat, vel ad purgandum pulmonem, vel vt dicitur, ad saxa radicibus penetranda, cum sit herba brevis atque humilis, omnino inuenire non possunt, quare dictum sit: *Asperges me hyssopo & mundabor*.

Numerorum etiam imperitiæ multa facit non intelligi, translatæ ac mysticè posita in Scripturis. Ingentium quippe, vt ita dixerim, ingenuum non potest non moueri quid sibi velir, quod & Moyses & Helias & ipse Dominus quadraginta diebus ieiunauerunt. Cuius actionis figuratus quidam nodus, nisi huius numeri cognitione & consideratione non soluitur. Habet enim denarium quater, tanquam cognitionem omnium rerum intextam temporibus. Quaternario quippe numero & diurna & annua curricula peraguntur. Diurna matutinis, meridianis, vespertinis, nocturnisque horarum spatiis. Annua, vernis, æstiuis, autumnalibus hyemalibusque mensibus. A temporū autem delectatione dum in temporibus viuimus, propter æternitatem in qua viuere volumus abstinendum & ieiunandum est, quamuis temporum cursibus ipsa nobis insinuetur doctrina contēnendorū temporū & appetēdorum æternorū. Porro autem denarius numerus Creatoris atque creaturæ significat scientiam: nam trinitas Creatoris est, septenarius autem numerus creaturam indicat, propter

vitam & corpus. Nam in illa tria sunt: unde etiam toto corde, tota anima, tota mente diligendus est Deus. In corpore autem quatuor manifestissima apparent, quibus constat, elementa. In hoc ergo denario dum temporaliter nobis insinuat, id est, quater ducitur, castè & continenter à temporum delectatione viuere, hoc est quadraginta diebus ieiunare monemur. Hoc lex, cuius persona est in Moyse, hoc propheta, cuius personam gerit Helias, hoc ipse Dominus moner, qui tanquam testimonium habens ex lege & Prophetis, medius inter illos in monte tribus discipulis videntibus atque stupentibus claruit. Deinde ita quæritur, quomodo quinquagenarius de quadragenario numero existat, qui non mediocriter in nostra religione sacratu est propter Pentecosten: & quomodo ter ductus propter tria tempora, ante legem, sub lege, sub gratia, vel propter nomen Patris & Filij & Spiritus sancti, adiuncta eminentius ipsa trinitate ad purgatissimam Ecclesiam mysterium referatur, perueniatque ad centum quinquaginta tres pisces, quos retia post resurrectionem Domini in dexteram parrem missa ceperunt. Ita multis aliis atque aliis numerorum formis quædam similitudinum in libris sanctis secreta promuntur, quæ propter numerorum imperitiam legentibus clausa sunt.*

Non pauca etiam claudir atque obtegit nonnullarum rerum musicarum ignorantia. Nam & de psalterij & citharæ differentia, quidam non inconcinne aliquas rerum figuras aperuit: & decem chordarum Psalterium non importunè inter doctos quæritur, utrum habeat aliquam musicæ legem quæ ad tantum * neruorum numerum cogat, an verò si non haber, eo ipso magis sacratè sit accipiendus ipse numerus: vel propter decalogum legis: de quo item numero si quæratur, non nisi ad Creatorem creaturamque referendus est: vel propter superius expositum ipsum denarium. Er ille numerus ædificationis templi commemoratus in Euangelio quadraginta scilicet & sex annorum, nescio quid musicum sonat, & relatus ad fabricam Dominici corporis, propter quam templi mentio facta est, cogit nonnullos hæreticos confiteri Filium Dei non falso sed vero & humano corpore indutum: & numerum quippe & musicam plerisque locis in sanctis Scripturis posita honorabiliter inuenimus.

Mat. 22. 37.

Matt. 17. 3.

Act. 2.

Iohan. 21.

13.

Psalm. 32. 2.

Psalm. 91. 3.

al. * cant. 6.

Iohan. 2.

10.

Cap. xvii.
Poetarum
fabulas non
interpretan-
das allegori-
cè.

NON enim audiendi sunt errores gentilium superstitionum, qui nouem Musas Iouis & Memoriae filias esse finxerunt. Refellit eos Varro, quo nescio utrum apud eos quisquam talium rerum doctior vel curiosior esse possit. Dicit enim ciuitatem nescio quam, non enim nomen recolo, locasse apud tres artifices tetra simulacra Musarum, quæ in templo Apollinis donum poneret, ut quisquis artificum pulchriora formasset, ab illo potissimum electa emeret. Ita contigisse ut opera sua quoque illi artifices æquè pulchra explicarent, & placuisse ciuitati omnes nouem, atque omnes emptas esse, ut in Apollinis templo dedicarentur, quibus postea dicit Hesiodum poetam imposuisse vocabula. Non ergo Iupiter nouem Musas genuit, sed tres fabri ternas creauerunt. Tres autem non propterea illa ciuitas locauerat, quia in somnis eas videtat, aut tot se cuiusquam illorum oculis demonstrauerant: sed quia facile erat animaduertere omnem sonum, qui materies cantilenarum est, triformem esse naturam. Aut enim editur voce, sicuti eorum est qui faucibus sine organo canunt: aut flatu, sicut tubarum & tibiarum: aut pulsu, sicut in citharis & tympanis, & quibuslibet aliis, quæ petuendo canora sunt.

Cap. xviii.
Prophani si
quid bene
dixerunt,
non asper-
uandum.

SED siue ita se habeat quod Varro retulit, siue non ita, nos tamen non propter superstitionem prophanorum debemus musicam fugere, si quid inde utile ad intelligendas sanctas Scripturas tapere potuerimus: nec ad illorum theatricas nugæ conuerti, si aliquid de citharis & de organis quod ad spiritualia capiendæ valeat disputemus. Neque enim & literas discere non debuimus, quia earum repertorem dicunt esse Mercurium: aut quia iustitiæ virtutique templa dedicarunt, & quæ corde gestanda sunt in lapidibus adorare maluerunt, propterea nobis iustitia virtusque fugienda est: imò verò quisquis bonus verusque Christianus est, Domini sui esse intelligat ubicunque inuenerit veritatem: quam conferens* & agnoscens etiam in literis sacris supersticiosa figmenta repudiet: doleatque homines atque caueat, qui cognoscentes Deum, non ut Deum glorificauerunt, aut gratias egerunt, sed euauerunt in cogitationibus suis, & obscuratum est cor insipientis eorum: dicentes enim se esse sapientes, stulti facti sunt, & immutauerunt gloriam incorruptibilis Dei in similitudinem

ml. = conf-
tens

Rom. i. 21.

nem imaginis corruptibilis hominis & volucrum & quadrupedum & serpentium.

SED vt totum istum locum, nam est maximè necessarius, diligentius explicemus, duo sunt genera doctrinarum, quæ in gentilibus etiã moribus exercentur. Vnum earum rerum, quas instituerunt homines, alterum earum quas animaduenterunt iam peractas aut diuinitus institutas. Illud quod est secundùm institutiones hominum, partim superstitiosum est, partim superstitiosum non est.

Cap. xix.
Doctrina-
rum genera
duo.

SUPERSTITIOSVM est, quicquid institutum est ab hominibus ad faciendã & colendã idola, pertinens vel ad colendam sicut Deum creaturam partemve vllam creaturæ, vel ad consultationes & pacta quædam significationum cum dæmonibus placita atque fœderata, qualia sunt molimina magicarum artium, quæ quidem commemorare potiùs quàm docere assolent poëtæ. Ex quo genere sunt, sed quasi licentio-
re vanitate, haruspicum & augurum libri. Ad hoc genus pertinent omnes etiã ligaturæ, atque remedia quæ medicorum quoque disciplina condemnat, siue in præcantationibus, siue in quibusdam notis quas characteres vocant: siue in quibusdam rebus suspendendis atque ligandis, vel etiã saltandis quodammodò, non ad temperationem corporum, sed ad quasdam significationes, aut occultas, aut etiã manifestas: quæ miriøre nomine physicam vocant, vt non quasi superstitiosè implicare, sed naturã prodesse videantur: sicut sunt in aures in summo aurium singularum, aut de struthionum ossibus ansulæ in digitis, aut cum tibi dicitur singultienti, vt dextera manu sinistrum pollicem teneas. His adiunguntur millia inanissimarum obseruationum, si membrum aliquod salierit, si iunctim ambulantes amicus, lapis, aut canis, aut puer medius interuenerit, atque illud quod lapidem calcant, tanquam diremptorem amicitia, minus molestum est, quàm quod innocentem puerum colapho percutiunt, si pariter ambulantes intercurrerit. Sed bellum est quod aliquando pueri vindicantur à canibus: nam plerumque tam superstitiosi sunt quidam, vt etiã canem qui medius interuenerit ferire audeant, non impunè: namque à vano remedio citò interdum ille percussorem suum ad verum medicum mittit. Hinc sunt etiã illa: limen calcare cùm ante domum

Cap. xxi.
Superstitia.

suam transit: redire ad lectum, si quis dum se calciat sternu-
tauerit: redire domum, si procedens offenderit: cum vestis à
soricibus roditur, plus timere suspicionem futuri mali quam
præsens damnum dolere. Vnde illud eleganter dictum est
Catonis, qui cum esset consultus à quodam qui sibi à sorici-
bus erosas caligas diceret: respondit, non esse illud mon-
strum, sed verè monstrum habendum fuisse, si sorices à cali-
gis roderentur.

CAP. XXI.
*Supersticio
mathematica.*

al. * quod.

Sic Virg.
*Ecco Dio-
nai processit
Cæsaris a-
strum.*

NEQVE illi ab hoc genere perniciosæ superstitionis segre-
gandi sunt, qui genethliaci propter natalium dierum consi-
derationes, nunc autem vulgo mathematici vocantur. Nam
& ipsi quamuis veram stellarum positionem, cum quisque
nascitur consulantur, & aliquando etiam peruestigent, ta-
men qui * inde conantur vel actiones nostras, vel actionum
euenta prædicere, nimis errant, & vendunt imperitis homini-
bus miserabilem seruitutem. Nam quisquis liber cum ad hu-
iusmodi mathematicum ingressus fuerit, dat pecuniam ut
seruus inde exeat, aut Martis, aut Veneris, vel potius om-
nium syderum, quibus illi qui primi errauerunt, errorémque
posteris propinauerunt, vel bestiarum propter similitudinem,
vel hominum ad ipsos homines honorandos imposuerunt vo-
cabula. Non enim mirandum est, cum etiam propioribus re-
recentioribusque temporibus, sydus quod appellamus luci-
ferum, honori & nomini Cæsaris Romani dicare conati sunt.
Et fortasse factum esset atque isset in vetustatem, nisi auia eius
Venus præoccupasset hoc nominis prædium, neque iure vlllo
ad hæredes traiceret, quod nunquam viuâ possederat, aut
possidendum petiuerat. Nam ubi vacabat locus, neque ali-
cuius priorum mortuorum honore tenebatur, factum est quod
in rebus talibus fieri solet. Pro Quintili enim & Sextili men-
sibus Iulium atque Augustum vocamus, de honoribus homi-
num Iulij Cæsaris, & Augusti Cæsars nuncupatos, ut faci-
lè qui voluerit intelligat, etiam illa sydera prius sine his no-
minibus cælo vagata esse. Mortuis autem illis quorum hono-
rare memoriam vel coacti sunt homines regia potestate, vel
placuit humana vanitate, nomina eorum imponentes syderi-
bus, eos ipsos sibi mortuos in cælum leuare videbantur.
Sed quomodolibet vocentur ab omnibus, sunt tamen syde-
ra quæ Deus instituit & ordinabit ut voluit, & est certus mo-

tus illorum quo tēpora distinguuntur atque variantur. Quem motum notare cū quisque nascitur quomodō se habeat, facile est, per eorum inuentas conscriptasque regulas, quod sancta scriptura condemnat dicens: *Si enim tantum potuerunt scire ut possent asstimare saculum, quomodō eius Dominum non* Mat. 16. 3.
facilius inuenerunt?

SED ex ea notatione velle nascentium mores, actus, e- Cap. xxii.
Observatio
syderum.
 uenta prædicere, magnus error & magna dementia est. Et apud eos quidem qui talia dediscenda didicerunt, sine vlla dubitatione refellitur hæc superstitio. Constellationes enim quas vocant, notatio est syderum, quomodō se habebant cū ille nasceretur de quo isti miseri à inferioribus consuluntur. Fieri autem potest, ut aliqui gemini tam sequaciter fundantur ex vtero, ut interuallum temporis inter eos nullum possit apprehendi, & constellationum numeris annotari. Vnde necesse est nonnullos geminos easdem habere constellationes, cū paria rerum vel quas agunt, vel quas patiuntur, euenta non habeant, sed plerunque ita disparia, ut alius felicissimus, alius infelicissimus viuat: sicut Esau & Iacob geminos accipimus natos, ita ut Iacob qui posterior nascebatur manu plantam præcedentis fratris tenens inueniretur. Horum certē dies atque hora nascentium aliter notari non posset, nisi ut amborum constellatio esset vna. Quantum autem interit inter amborum mores, facta, labores atque successus, scriptura testis est, iam ore omnium gentium peruulgata. Neque enim ad rem pertinet quod dicunt ipsum momentum minimū atque angustissimum temporis, quod geminorum partum determinat, multum valere in rerum natura atque cœlestium corporum rapidissima velocitate. Etsi enim concedam ut plurimū valeat, tamen in constellationibus à mathematico inueniri non potest, quibus inspectis se fata dicere profitetur. Quod ergo in constellationibus non inuenit, quas necesse est vnas inspiciat, siue de Iacob, siue de eius fratre consulatur, quid ei prodest si discat in cœlo quod temerē securus infamat, & non discat in tabula quam frustra sollicitus intuetur? Quare istæ quoque opiniones quibusdam rerum signis humana præsumptione institutis, ad eadem illa quasi quædam cum dæmonibus pacta & conuenta referendæ sunt.

HINC enim fit, ut occulto quodam iudicio diuino cupidi Cap. xxiii.
Non habem.

*daſſi ma-
thematicis*

Dent. 32. 3.
1. Reg. 18.
17.

Ecc. 46. 23.

* ventri-
lo-qua, quali
ventre lo-
quē: Græcè
ἐν τῷ κοίτι.
Est diuina-
torum ge-
nus & ho-
die apud
Itales, qui
sic dicti
sunt, quod
ore non
edentes so-
num, per
ventrem lo-
qui viſi
sunt.

1. Cor. 10.
20.

malarum rerum homines tradantur illudendi & decipiendi pro meritis voluntatum suarum, illudentibus eos atque decipientibus præuicatoribus angelis, quibus ista pars mundi infima secundum pulcherrimum ordinem rerum diuinæ prouidentiae lege subiecta est. Quibus illusionibus & deceptionibus euenit, ut istis superstitionis & perniciosi diuinationum generibus multa præterita & futura dicantur, nec aliter accedant, quàm dicuntur: multaque obseruantibus secundum obseruationes suas eueniant, quibus implicati curiosiores fiant, & sese magis magisque inferant multiplicibus laqueis perniciosissimi erroris. Hoc genus fornicationis animæ salubriter diuina Scriptura non tacuit, neque ab ea sic deterruit animam, ut propterea talia negaret esse sectanda, quia falsa dicuntur à professoribus eorum, *sed etiam si dixerint vobis*, inquit, *& ita euenierit, ne credatis eis*. Non enim quia imago Samueles mortui Sauli Regi vera prænuſciauit, propterea talia sacrilegia quibus imago illa præsentata est minus execranda sunt: aut quia in Actibus Apostolorum ventriloqua * scēmina verum testimonium perhibuit Apostolis Domini, ideo Paulus Apostolus pepercit illi spiritui, ac non potius scēminam illius dæmonij correptione atque exclusionem mundauit. Omnes igitur artes huiusmodi vel nugatoriae, vel noxiæ superstitionis, ex quadam pestifera societate hominum & dæmonum, quasi pacta infidelis & dolosæ amicitiae constituta, penitus sunt repudianda & fugienda Christiano: non quod idolum sit aliquid, ut ait Apostolus, sed quia *quæ immolant, dæmoniis immolant & non Deo: nolo autem vos socios fieri dæmoniorum*.

Quod autem de idolis, & de immolationibus, quæ honori eorum exhibentur, dixit Apostolus, hoc de omnibus imaginariis signis sentiendum est, quæ vel ad cultum idolorum, vel ad creaturam, eiusque partes tanquam Deum colendas trahunt, vel ad remediorum, aliarumque obseruationum curam pertinent: quæ non sunt diuinitus ad dilectionem Dei & proximi, tanquam publicè constituta, sed per priuatas appetitiones rerum temporalium, corda dissipant miserorum. In omnibus ergo istis doctrinis societas dæmonum formidanda atque vitanda est, qui nihil cum principe suo diabolo, nisi reditum nostrum claudore atque obserare conantur. Sicut

autem de stellis quas condidit & ordinauit Deus, humanæ & deceptorix coniecturæ ab hominibus institutæ sunt: sic etiam de quibusdam nascentibus vel quoquomodò diuinæ prouidentix administratione existentibus rebus, multi multa humanis suspicionibus, quasi regulariter coniecta literis mandauerunt, si fortè insolitè acciderint, velut si mula pariat, aut fulmine aliquid percutiatur.

Quæ omnia tantum valent, quantum præsumptione animorum quasi communi quadam lingua cum dæmonibus scelerata sunt. Quæ tamen omnia plena sunt pettiferæ cuirositatis, cruciantis sollicitudinis, * mortiferæ seruitutis. Non enim quia valebant, * animaduersa sunt, sed animaduertendo atque signando * factum est vt valerent. Et ideo diuersis diuersa proueniunt secundum cogitationes & præsumptiones suas. Illi enim spiritus qui decipere volunt, talia procurant cuique, qualibus cum irretitum per suspiciones & consensiones eius viderint. Sicut enim, verbi gratia, vna figura literæ quæ decussatim notatur, aliud apud Græcos, aliud apud Latinos valet, non naturâ, sed placito, & consensione significandi: ac ideo qui veramque linguam nouit, si homini Græco velit aliquid significare scribendo, non in ea significatione ponit hanc literam, in qua eam ponit cum homini scribit Latino. Et beta vno eodémque sono, apud Græcos literæ, apud Latinos oleris nomen est. Et cum dico, Lege, in his duabus syllabis, aliud Græcus, aliud Latinus intelligit. Sicut ergo hæ omnes significationes pro suæ cuiusque societatis consensione animos mouent: & quia diuersa consensio est, diuersè mouent: nec ideo consenserunt in eas homines, quia iam valebant ad significationem: sed ideo valent, quia consenserunt in eas. Sic etiam illa signa, quibus perniciofa dæmonum societas comparatur, pro cuiusque observationibus valent. Quod manifestissimè ostendit ritus augurum, qui & antequam obseruent, & postea quàm obseruata signa tenuerint, id agunt, ne videant volatus, aut audiant voces auium, quia nulla ista signa sunt, nisi consensus obseruantis accedat.

Quia v s amputatis atque eradicatis ab animo Christiano, deinceps videndæ sunt institutiones hominum non superstitiosæ, id est, non cum dæmonibus, sed cum ipsis homi-

Cap. xxiv.
Societas in-
ter dæmones
& mathe-
maticos.
al. * Solici-
tudines,
sén, solici-
tudine.
al. * Va-
leant.
al. * seruân-
do.

Cap. xxv.
Instituta
humana.

nibus instituta. Namque omnia quæ ideo valent inter homines, quia placuit inter eos ut valeant, instituta hominum sunt: quorum partim superflua, luxuriosaque instituta sunt, partim commoda & necessaria. Illa enim signa quæ saltando faciunt histriones, si natura non instituto & consensione hominum valerent, non primis temporibus saltante Pantomimo, præco pronuntiaret populis Carthaginis quid saltator vellet intelligi. Quod adhuc multi meminerunt senes, quorum relatu hæc solemus audire. Quod ideo credendum est, quia nunc quoque si quis theatrum talium nugarum imperitus intraverit, nisi ei dicatur ab altero quid illi motus significant, frustra totus intentus est. Appetunt tamen omnes quandam similitudinem in significando, ut ipsa signa in quantum possunt, rebus quæ significantur similia sint. Sed quia multis modis simile aliquid alicui potest esse, non constant talia signa inter homines, nisi consensus accedat.

In picturis verò & statuis, cæterisque huiusmodi simulatis operibus, maximè peritorum artificum, nemo errat cum similia viderit, ut agnoscat quibus sint rebus similia. Et hoc totum genus inter superflua hominum instituta numerandum est, nisi cum interesset quid eorum, qua de causa, & ubi, & quando, & cuius auctoritate fiat. Millia denique fictarum fabularum & falsitatum, quarum mendacijs homines delectantur, humana instituta sunt. Et nulla magis hominum propria, quæ à seipsis habent, existimanda, quàm quæque falsa atque mendacia. Commoda verò & necessaria hominum cum hominibus instituta sunt, quæcunque in habitu & cultu corporis ad sexus vel honores discernendos differentia placuit: & innumerabilia genera significationum, sine quibus humana societas, aut non omnino, aut minus commodè geritur: quæque in ponderibus atque mensuris, & nummorum impressionibus, vel æstimationibus sua cuique civitati & populo sunt propria, & cætera huiusmodi. Quæ nisi hominum instituta essent, non per diuersos populos varia essent, nec in ipsis populis singulis pro arbitrio suorum principum mutarentur. Sed hæc tota pars humanorum institutorum, quæ ad usum vitæ necessariam proficiunt, nequaquam est fugienda Christiano, imò etiam quantum satis est, intuenda, memoriæque retinenda.

ADUMBRATA enim quædam & naturalibus utcunque similia hominum instituta sunt, quorum ea quæ ad societatem, ut dictum est, dæmonum pertinent, penitus repudianda sunt & detestanda. Ea verò quæ homines cum hominibus habent, assumenda, in quantum non sunt luxuriosa atque superflua: & maximè literarum figuræ, sine quibus legere non possumus, linguarumque varietas quantum satis est, de qua superius disputauimus. Ex eo genere sunt etiam notæ, quas qui didicerunt, propriam Notarij appellantur. Vtilia sunt ista, nec discuntur illicitè, nec superstitione implicant, nec luxu eneruant, si tantum occupent, ut maioribus rebus, ad quas adipiscendas seruire debent, non sint impedimento.

CAP. XXVI.
*Quæ hermi-
um insti-
tuta singu-
la & quæ
applican-
da sint.*

Notarij.

IAM verò illa quæ non instituendo, sed aut transacta temporibus, aut diuinitus instituta, inuestigando homines prodiderunt, ubicunque discantur, non sunt hominum instituta existimanda. Quorum alia sunt ad sensus corporis, alia verò ad rationem animi pertinentia. Sed illa quæ sensu corporis attinguntur, vel narrata credimus, vel demonstrata sentimus, vel experta conijcimus.

CAP. XXVII.
*Quæ dicantur
hermi-
um insti-
tuta, & quæ
non.*

QUICQUID igitur de ordine temporum transactionum indicat ea quæ appellatur historia, plurimum nos adiuuat ad sanctos libros intelligendos, etiam si præter Ecclesiam puerili eruditione discatur. Nam & per Olympiades, & per Consulium nomina multa sæpe quærentur à nobis: & ignorantia consularis, quo natus est Dominus, & quo passus est, nonnullos coëgit etate, ut putarent quadraginta sex annorum ætate passum esse Dominum, quia per tot annos ædificatum esse templum dictum est à Iudæis, quod imaginem dominici corporis habebat. Et aunorum quidem fere triginta baptizatum esse retinemus auctoritate Euangelica. Sed postea quot annos in hac vita egerit, quanquam textu ipso actionum eius animaduerti possit: tamen ne aliunde caligo dubitationis oriatur, de historia gentium collata cum Euangelio, liquidius cerriusque colligitur. Tunc enim videbitur non frustra dictum esse, quod quadraginta sex annis templum ædificatum sit: ut cum referri iste numerus ad ætatem Domini non potuerit, ad secretiorem instructionem humani corporis referatur, quo indui proptet nos non dedignatus est vnicus Dei filius, per quem facta sunt omnia.

CAP. XXVIII.
Hist. ris.

2. Retract.
cap. 4.

al. * exsti-
vit.

De utilitate autem historiarum, ut omittam Græcos, quantam noster Ambrosius quaestionem soluit calumniantibus Platonis lectoribus & dilectoribus: qui dicere auti sunt, omnes Domini nostri Iesu Christi sententias, quas mirari & prædicare coguntur, de Platonis libris eum didicisse, quoniam longè ante humanum aduentum Domini Platonem fuisse negari non potest: Nonne memoratus Episcopus consideratam historiâ gentium, cum Platonem reperisset Hieremiæ Prophetæ temporibus profectum fuisse in Ægyptum, ubi tunc ille Prophetæerat, probabilius esse ostendit quod Plato potius nostris literis per Hieremiam fuerit imbutus, ut illa posset docere vel scribere quæ iure laudantur? Ante literas enim gentis Hebræorum, in qua unius Dei cultus emicuit *, ex qua secundum carnem venit Dominus noster, nec ipse quidem Pythagoras fuit, à cuius posteris Platonem Theologiam didicisse isti asserunt. Ita consideratis temporibus sit multò credibilius istos potius de literis nostris habuisse, quæcunque bona & vera dixerunt, quàm de Platonis Dominum nostrum Iesum Christum, quod dementissimum est credere. Narratione autem historica, cum præterita etiam hominum instituta narrantur, non inter humana instituta ipsa historia numeranda est: quia iam quæ transierunt, nec infecta fieri possunt, in ordine temporum habenda sunt, quorum est conditor & administrator Deus. Aliud est enim facta narrare, aliud docere facienda. Historia facta narrat fideliter atque utiliter: libri autem haruspicum, & quæque similes literæ facienda vel observanda intendunt docere, monitoris audaciâ, non iudicis fide.

Cap. xxix.
Cognita
herbarum
& simi in
vatum non
est supersti-
tiosa.

EST enim narratio demonstrationi similis, qua non præterita, sed præsentia iudicantur ignaris. In quo genere sunt quæcunque de locorum situ, naturisque animalium, lignorum, lapidum, herbarum, aliorumve corporum scripta sunt. De quo genere superius egimus, eamque cognitionem valere ad ænigmata scripturarum solvenda docuimus: non ut pro quibusdam signis adhibeantur, tanquam ad remedia vel machinamenta superstitionis alicuius: nam & illud genus iam distinctum ab hoc licito & libero separauimus. Aliud est enim dicere, tritam istam herbam si biberis, venter non dolebit: & aliud est dicere, istam herbam collo si suspenderis, venter non

non dolebit. Ibi enim probatur contemperatio salubris: hic significatio superstitiosa damnatur. Quanquam ubi præcantationes, & inuocationes, & characteres non sunt, plerumque dubium est utrum res quæ alligatur, aut quoquo modo adiungitur sanando corpori, vi naturæ valeat, quod liberè adhibendum est: an significatiua quadam obligatione proueniat, quod tantò prudentius oportet cauere Christianum, quantò efficacius prodesse videbitur. Sed ubi latet quæ causa quid valeat, quo animo quisque utatur interest, duntaxat in sanandis vel temperandis corporibus, siue in medicina, siue in agricultura: syderum autem cognoscendorum non narratio, sed demonstratio est, quorum perpauca scriptura commemorat. Sicut autem plurimis notus est lunæ cursus, qui etiam ad passionem Domini anniuersariè celebrandam solenniter adhibetur: sic paucissimis cæterorum quoque syderum vel ortus vel occasus, vel alia quælibet momenta sine vllò sunt errore notissima. Quæ per se ipsam cognitio, quanquam superstitione non alligetur *, non multum tamen ac propè nihil adiuuat tractationem diuinarum scripturarum, & infructuosa intentione plus impedit. Et quia familiaris est perniciosissimo errori fatua fata cantantium, commodius honestiùsque contemnitur. Habet autem præter demonstrationem præsentium, etiam præteritorum narrationi simile aliquid, quod à præsentis positione motuque syderum, & in præterita eorum vestigia regulariter licet recurrere. Habet etiam futurorum regulatas coniecturas, non suspiciosas & ominosas, sed ratas & certas: non ut ex eis aliquid trahere in nostra fata & euenta tentemus, qualia Genethliacorum deliramenta sunt, sed quantum ad ipsa pertinet sydera. Nam sicut is qui computat lunam, cum hodie inspexerit quota sit, & ante quotlibet annos quota fuerit, & post quotlibet annos quota futura sit, potest dicere: sic de vnoquoque syderum, qui ea peritè computat, respondere consueuerunt. De qua tota cognitione, quantum ad vsum eius atinet, quid * mihi videretur aperti.

al. * quodam non alligetur.

al. * quod

ARTIVM etiam cæterarum, quibus aliquid fabricatur, vel quod remaneat post operationem artificis ab illo effectum, sicut domus & scamnum & vas aliquod, atque alia huiusmodi: vel quæ ministerium quoddam exhibent operanti Deo, sicut medicina & agricultura & gubernatio: vel quarum om-

CAP. XXX.
Artis Mechanicae in se ipsius.
vsat.

nis effectus est actio, sicut saltationum & cursuum & ludamini-
num. Harum ergo cunctarum artium de præteritis experi-
menta faciunt etiam futura conjici: nam nullus earum artifex
membra mouet in operando, nisi præteritorum memoriam
cum futurorum expectatione contextat. Harum autem co-
gnitio tenuiter in ipsa humana vita cursimque vsurpanda est,
non ad operandum, nisi fortè officium aliquod cogat, de quo
nunc non agimus, sed ad iudicandum, ne omnino nesciamus
quid scriptura velit insinuare, cum de his artibus aliquas figu-
ratas locutiones inserit.

CAP. XXV.
Dialectica.

Sophisma-
ta.

Hoc syllo-
gismo qui-
dam ador-
tus Dioge-
nem, ipse
facta à
Diogene
conuersio-
ne captus
decideba-
tur.
Ecccl. 37.23.

1. Cor. 15. 16.

RESTANT ea quæ non ad corporis sensus, sed ad ratio-
nem animi pertinent, vbi disciplina regnat disputationis &
numeri. Sed disputationis disciplina ad omnia genera quæ-
stionum, quæ in literis sanctis sunt penetranda & dissoluenda,
plurimum valet: tantum ibi cauenda est libido rixandi, &
puerilis quædam ostentatio decipiendi aduersarium. Sunt
enim multa quæ appellantur sophismata, falsæ conclusiones
rationum, & plerumque ita veras imitantes, vt non solum
tardos, sed ingeniosos etiam minus diligenter attentos dece-
pant. Proposuit enim quidam, dicens ei cum quo loqueba-
tur: Quod ego sum, tu non es. At ille consensit. Verum enim
erat ex parte, vel eo ipso quod iste insidiosus, ille simplex erat.
Tunc iste addidit. Ego autem homo sum. Hoc quoque cum
ab illo accepisset, conclusit dicens. Tu igitur non es homo.
Quod genus captiosatum conclusionum, Scriptura quantum
exilimo detestatur illo loco, vbi dictum est: *Qui sophisticè lo-
quitur, odibilis est.* Quamquam etiam sermo non captiosus, sed
tamen abundantius quam grauitatem decet, verborum orna-
menta consecrans, sophisticus dicitur. Sunt etiam veræ con-
nexiones ratiocinationis falsas habentes sententias, quæ con-
sequuntur errorem illius cum quo agitur. Quæ tamen ad hoc
inferuntur à bono & docto homine, vt in his erubescens ille,
cuius errorem consequuntur, eundem relinquat errorem:
quia si in eodem manere voluerit, necesse est vt etiam illa quæ
damnat, tenere cogatur. Non enim vera inferebat Apostolus,
cum diceret: *Neque Christus resurrexit: & illa alia: Inanis est
predicatio nostra, inanis est & fides vestra:* & deinceps alia quæ
omnino falsa sunt, quia & Christus resurrexit, & non erat
inanis predicatio eorum qui hoc annunciabant, nec fides eo-

rum qui hoc credebant : sed ista falsa verissimè connectebantur illi sententiæ , qua dicebatur , non esse resurrectionem mortuorum. Istis autem falsis repudiatis, quoniam vera erant si mortui non resurgunt, consequens erit resurrectio mortuorum. Cum ergo sint veræ connexiones, non solum verarum, sed etiam falsarum sententiarum, facile est veritatem connexionum etiam in scholis illis discere, quæ præter Ecclesiam sunt. Senrentiarum autem veritas in sanctis libris ecclesiasticis inuestiganda est.

IPS A rainen veritas connexionum non instituta, sed animaduersa est ab hominibus & norata, ut eam possint vel discere vel docere. Nam est in rerum ratione peperua & diuinitus instituta. Sicur enim qui natrat ordinem temporum, non eum ipse componit: & locorum situs aut naturas animalium vel stipium vel lapidum qui ostendit, non res ostendit ab hominibus institutas: & ille qui demonstrat sydera, eorumque motus, non à se vel ab homine aliquo rem institutam demonstrat: sic etiam qui dicit, cum falsum est quod consequitur, necesse est ut falsum sit quod præcedit, verissimè dicit, neque ipse facit ut ita sit, sed tantum ita esse demonstrat. Ex hac regula illud est quod de Apostolo Paulo commemorauimus: præcedit enim non esse resurrectionem mortuorum, quod dicebant illi, quorum errorem destruere volebat Apostolus. Porro illam sententiam præcedentem, qua dicebant non esse resurrectionem mortuorum, necessariò sequitur, Neque Christus resurrexit. Hoc autem quod sequitur, falsum est, Christus enim resurrexit. Falsum est ergo & quod præcedit. Præcedit autem, non esse resurrectionem mortuorum. Est ergo resurrectio mortuorum. Quod rorum breuiter ita dicitur, Si non est resurrectio mortuorum, neque Christus resurrexit: Christus autem resurrexit, est igitur resurrectio mortuorum. Hoc ergo ut consequenti ablato, auferatur etiam necessariò quod præcedit, non instituerunt homines, sed ostenderunt. Et hæc regula pertinet ad veritatem connexionum, non ad veritatem sententiarum.

SED in hoc loco de resurrectione cum ageretur, & regula connexionis vera est, & ipsa in conclusione sententia. In falsis autem sententijs, connexionis veritas est isto modo. Faciamus aliquem concessisse, si animal est cochlea, vocem habet.

CAP. XXXII.
Homines
ordinem
temporis
non
instituerunt,
sed ani-
maduer-
runt,

CAP. II.
Conclusio
sylogismi
falsa,

Hoc concessio, cum probatum fuerit vocem cochleam non habere, quoniam consequenti ablato, illud quod præcedit aufertur, concluditur non esse animal cochleam. Quæ sententia falsa est, sed ex concessio falso vera est conclusionis connexionio. Veritas itaque sententiæ per seipsam valet, veritas autem connexionionis ex eius cum quo agitur opinione vel concessione consistit. Ideo autem, ut supra diximus, infertur vera connexionione quod falsum est, ut eum, cuius errorem corrigere volumus, pœniteat concessisse præcedentia, quorum consequentia videt esse respuenda. Iam hinc intelligere facile est, sicut in falsis sententijs veras, sic in veris sententijs falsas conclusiones esse posse. Fac enim aliquem proposuisse, si iustus est ille, bonus est, & esse concessum. Deinde assumplisse, non est autem iustus. Quo item concessio, intulisse conclusionem. Non est igitur bonus. Quæ tamen vera sunt omnia, non est tamen vera regula conclusionis. Non enim sicut ablato consequenti aufertur necessario quod præcedit, ita etiam ablato præcedenti aufertur necessario quod consequitur, quia verum est cum dicimus: Si orator est, homo est. Ex qua propositione si assumamus, Non est autem orator, non erit consequens cum intuleris, Non est igitur homo.

CAP. 34.
Aliud est
nosse leges
conclusionis
num, quam
res intelli-
gere.

QUA PROPTER aliud est nosse regulas connexionum, aliud sententiarum veritatem. In illis discitur quid sit consequens, quid non consequens, quid repugnans. Consequens est, Si orator est, homo est. Inconsequens, Si homo est, orator est. Repugnans, Si homo est, quadrupes est. Hic ergo de ipsa connexionione iudicatur. In veritate autem sententiarum ipsæ per se sententiæ non earum connexionio consideranda est: sed veris certis que sententijs, cum incertæ vera connexionione iunguntur, etiam ipsæ certæ fiant necesse est. Quidam autem sic se iactant, cum veritatem connexionionum didicerint, quasi sententiarum ipsa sit veritas. Et rursus, quidam plerumque retinentes veram sententiam malè se contemnunt, quia leges conclusionis ignorant: cum melior sit qui novit esse resurrectionem mortuorum, quam ille qui novit consequens esse, ut si resurrectio mortuorum non est, neque Christus resurrexerit.

CAP. 35.
Definitio,
Divisio,
Partitio.

ITEM scientia definiendi, diuidendi, atque partiendi, quanquam etiam rebus falsis plerumque adhibeatur, ipsa tamen falsa non est, neque ab hominibus instituta, sed in rerum

ratione composita. Non enim quia & fabulis suis eam poetæ, & opinionibus erroris sui vel falsi philosophi, vel etiam hæretici, hoc est falsi Christiani adhibere consueuerunt, propterea falsum est, neque in definiendo, neque in diuidendo aut partiendo aliquid complectendum esse quod ad rem ipsam non pertinet, aut aliquid quod pertinet prætereundum. Hoc verum est, etiam si ea quæ definiuntur aut distribuuntur vera non sint: nam & ipsum falsum definitur, cum dicimus, falsum esse significationem rei non ita se habentis ut significatur, siue aliquo alio modo. Quæ definitio vera est, quamuis falsum verum esse non possit. Possumus etiam diuidere, dicentes, duo esse genera falsi: vnum eorum quæ omnino esse non possunt, alterum eorum quæ non sunt, quamuis esse possint. Nam qui dicit septem & tria vndecim esse, id dicit quod omnino esse non potest: qui verò dicit calendis, verbi gratia, Ianuariis pluuisse, ramentis factum non sit, id ramentis dicit quod fieri potuerit. Definitio igitur & diuisio falsorum potest esse verissima, quamuis falsa ipsa utique vera non sint.

SVNT etiam quædam præcepta vberioris disputationis, quæ iam eloquentia nominantur, quæ nihilominus vera sunt, quamuis eis possint etiam falsa persuaderi. Sed quia & vera esse possunt, non est facultas ipsa culpabilis, sed eâ malè vtentium peruersitas. Nam neque hoc ab hominibus institutum est, ut veritatis expressio conciliet auditorem, aut ut facile quod intendit, insinuet brevis & aperta narratio, & varietas eius sine fastidio teneat intentos, & cæteræ huiusmodi observationes: quæ siue in falsis siue in veris causis, veræ sunt tamen, in quantum vel sciri vel credi aliquid faciunt, aut ad expectandum fugiendumne animos mouent, & inuentæ potius quod ira se habeant, quam ut ita se haberent institutæ.

SED hæc pars cum discitur, magis ut proferamus ea quæ intellecta sunt, quam ut intelligamus adhibenda est. Illa verò conclusionum & definitionum & distributionum plurimum intellectorem adiuuat: tantum absit error, quo videtur homines sibi ipsam beatæ vitæ veritatem didicisse, cum ista didicerint, quamquam plerumque accidar, ut facilius homines res eas assequantur, propter quas assequendas ista discuntur, quam taliū præceptorū nodosissimas & spinosissimas disciplinas. Tanquam si quispiā dare volens præcepta ambulandi, mo-

Cap. 16.

Eloquentia
non semper
vera per-
suadet.

CAP. 17.

Rhetorica
ad sermones,
dilectica
ad iudican-
dam vitas.

neat non esse leuandum pedem posteriorem, nisi cum posuerit priorem, deinde minutatim quemadmodum articulorum & poplitum cardines oporteat mouere describat. Vera enim dicit, nec aliter ambulari potest: sed facilius homines hoc faciendo ambulant, quam animaduertunt cum faciunt, aut intelligunt cum audiunt. Qui autem ambulare non possunt, multo minus ea curant, quæ nec experiendo possunt attendere. Ita plerumque citius ingeniosus videt non esse ratam conclusionem, quam præcepta eius capit: tardus autem non eam videt, sed multò minus quod de illa præcipitur. Magisque in his omnibus ipsa spectacula veritatis sæpe delectant, quam ex eis in disputando aut iudicando adiuuamur, nisi fortè quod exercitatoria reddunt ingenia, si etiam maligniora aut inflatoria non reddant: hoc est, ut aut decipere verisimili sermone atque interrogationibus ament, aut aliquid magnum, quo se bonis atque innocentibus anteponan, se assecutos putent, qui ista didicerunt.

CAP. LV.
Numeri.

IAM verò numeri disciplina cuilibet tardissimo clarum est, quod non sit ab hominibus instituta, sed potius indagata atque inuenta. Non enim sicut primam syllabam Italiae, quam breuem pronunciauerunt veteres, voluit Virgilius, & longa facta est: ita quisquam facere poterit cum voluerit, ut ter tria, aut non sint nouem, aut non possint efficere quadratam figuram, aut non ad ternarium numerum tripla sint, ad senarium fescupla, ad nullum dupla, quia intelligibiles numeri fessilem non habent. Siue ergo in seipsis considerentur, siue ad figurarum aut sonorum aliarumue motionum leges numeri adhibeantur, incommutabiles regulas habent, neque vllò modo ab hominibus institutas, sed ingeniosorum sagacitate compertas. Quæ tamen omnia quisquis ita dilexerit, ut iactare se inter imperitos velit, & non potius querere vnde sint vera, quæ tantummodò vera esse persenserit: & vnde quædam non solum vera, sed etiam incommutabilia quæ incommutabilia esse non comprehenderit: ac sic à specie corporum vsque ad humanam mentem perueniens, cum & ipsam mutabilem inuenerit, quod nunc docta, nunc indocta sit, constituta tamē inter incommutabilem supra se veritatem, & mutabilia infra se cætera, ad vnius Dei laudem atque dilectionem cuncta conuertere, à quo cuncta esse cognoscit, doctus videri potest, sapiens autem nullo modo.

QUAMOBREM videtur mihi studiosis & ingeniosis adoleſcentibus, & timentibus Deum, beatamque vitam quærentibus ſalubriter præcipi, vt nullas doctrinas quæ præter Eccleſiam Chriſti exercentur, tanquam ad beatam vitam caſpandam ſecurè ſequi audeant, ſed eas ſobriè diligenterque diiudicent. Et ſi quas inuenerint ab hominibus inſtitutas varias propter diuerſas voluntates inſtituentium, & ignotas propter ſuſpiciones errantium, maximè ſi habeant etiam cum dæmonibus initam ſocietatem per quarundam ſignificationum quaſi quædam pacta atque conuenta, repudient penitus & deteſtentur, alienent etiam ſtudia à ſuperſtitiis & luxuriolis hominum inſtitutis. Illa verò inſtituta hominum, quæ ad ſocietatem conuenientium valent, pro ipſa huius vitæ neceſſitate non negligant. In cæteris autem doctrinis, quæ apud gentes inueniuntur, præter hiftoriam rerum, vel præteriti temporis, vel præſentis ad ſenſus corporis pertinentium, quibus etiam vtilium artium corporalium experimenta & coniecturæ annumerantur, & præter rationem diſputationis & numeri nihil vtile eſſe arbitror. In quibus omnibus tenendum eſt, Ne quid nimis: & maximè in iis quæ ad corporis ſenſus pertinentia, voluuntur temporibus, & continentur locis. Sicut autem quidam de verbis omnibus & nominibus Hebræis & Syris & Ægyptiis, vel ſi qua alia lingua in Scripturis ſanctis inueniri poteſt, quæ in eis ſine interpretatione ſunt poſita, fecerunt vt ea ſeparatim interpretarentur: quod & Euſebius fecit de temporum hiftoria propter diuinorum librorum quæſtiones quæ vſum eius flagitant. Quod ergo hi fecerunt de his rebus, vt non ſit neceſſe Chriſtiano in multis propter pauca laborare: ſic video poſſe fieri, ſi quem eorum qui poſſunt, benignam ſanè operam fraternæ vtilitati deleat impendere, vt quoſcunque terrarum locos, quæue animalia vel herbas atque arbores, ſiue lapides vel metalla incognita, ſpecièsque quaſlibet Scriptura cõmemorat, ea generatim digerens, ſola expoſita literis mandet. Poteſt etiam de numeris fieri, vt eorum tantummodò numerorum expoſita ratio conſcribatur, quos diuina ſcriptura meminit. Quorum aliqua aut omnia fortè iam facta ſunt, ſicut multa quæ à bonis doctiſque Chriſtianis elaborata atque conſcripta arbitramur, non inuenimus: ſed ſiue propter turbas negligentium, ſiue propter in-

uidorum occultationes latent: quod utrum de ratione disputandi fieri possit, ignoro. Et videtur mihi fieri non posse, quia per totum textum Scripturarum colligata est neruorum vice: & ideo magis ad ambigua soluenda & explicanda, de quibus post loquimur, legentes adiuvat, quam ad incognita signa, de quibus nunc agimus agnoscenda.

Cap. XL.
Ab Esbni.
et si qui d.
bene d. h. a.
in nostrum
viam est
conuertit
dum.

Exod. 3.
v. 22. & 23.
v. 35.

PHILOSOPHI autem qui vocantur, si qua forte vera & fidei nostræ accommodata dixerunt, maximè Platonici, non solum formidanda non sunt, sed ab eis etiam tanquam inuultis possessoribus in usum nostrum vendicanda. Sicut enim Ægyptij non solum idola habebant & onera graua, quæ populus Israel detestaretur & fugeret, sed etiam vasa atque ornamenta de auro & argento & vestem, quæ ille populus exiens de Ægypto, sibi potius, tanquam ad usum meliorem, clauculo vendicauit, non auctoritate propria, sed præcepto Dei, ipsi Ægyptijs nescienter comodantibus ea quibus non bene utebantur: sic doctrinæ omnes gentilium non solum simulata & superstitiosa signimenta, grauēsque sarcinas superuacanei laboris habent, quæ vnusquisque nostrum duce Christo de societate gentilium exiens, debet abominari atque deuotare: sed etiam liberales disciplinas vsui veritatis aptiores, & quædam morum præcepta vtilissima continent, de quæ ipso vno Deo colendo nonnulla vera inueniuntur apud eos: quod eorum tanquam aurum & argentum, quod non ipsi instituerunt, sed de quibusdam quasi metallis diuinæ providentiæ, quæ vbique infusa est, eruerunt, & quo peruersè atque iniuriosè ad obsequia dæmonum abutuntur, cum ab eorum misera societate sese animo separat, debet ab eis auferre Christianus ad usum iustum prædicandi Euangelij. Vestem quoque illorum, id est, hominum quidem instituta, sed tamen accommodata humanæ societati, qua in hac vita carere non possumus, accipere atque habere licuerit in usum conuertenda Christianum: nam quid aliud fecerunt multi boni fideles nostri? Nonne aspiciamus quanto auro & argento & velle suffarcinatus exiit de Ægypto Cyprianus doctor suauissimus, & Martyr beatissimus? quanto Lactantius? quanto Victorinus, Optatus, Hilarius? Ut de viuis taceam, quanto innumerabiles Græci. Quod prior ipse fidelissimus Dei famulus Moyses fecerat, de quo scriptum est, quod eruditus fuit omni.

Ad. 7. 22.

omni sapientia Ægyptiorum. Quibus omnibus viris superstitionosa gentium consuetudo, & maximè illis temporibus, cum Christi iugum decutiens, Christianos persequeretur, disciplinas quas viles habebat, nunquam commodaret, sicut in usum vnius Dei colendi, quo vanus idolorum cultus extingueretur, conuersum iri suspicaretur: sed dederunt aurum & argentum & vestem suam exeunti populo Dei de Ægypto, nescientes quemadmodum illa quæ dabant in Christi obsequium redderentur. Illud enim in Exodo factum, sine dubio figuratum est vt hoc præsignaret: quod sine præiudicio alterius, aut paris, aut melioris intelligentiæ dixerim.

SEd hoc modo instructus diuinarum scripturarum studiosus, cum ad eas perscrutandas accedere cœperit, illud Apostolicum cogitare non cesser: *Scientia inflat, charitas adificat*. Ita enim sentiet quamuis de Ægypto diues exeat, tamen nisi pascha egerit, saluum se esse non posse. *Pascha autem nostrum immolatus est Christus*. Nihilque magis immolatio Christi nos docet, quàm illud quod ipse clamat, ranquam ad eos quos in Ægypto sub Pharaone vider laborare: *Venite ad me qui laboratis & onerati estis, & ego reficiam vos: tollite iugum meum super vos, & discite à me, quia mitis sum & humilis corde, & inuenietis requiem animabus vestris: iugum enim meum suauis est, & sarcina mea leuis*. Quibus nisi miribus & humilibus corde, quos non inflat scientia, sed charitas ædificat? Meminerint ergo eorum qui pascha illo tempore per vmbra imaginariam celebrabant, cum signari posset sanguine agni iuberentur, lussopo fuisse signatos. Hæc herba mitis & humilis est, nihil fortius & penetrabilius eius radicibus: vt in charitate radicati & fundati possimus comprehendere cum omnibus sanctis quæ sit latitudo & lōgītudo & altitudo & profundum, id est crucē Domini cuius latitudo dicitur in rranuerso ligno quo extendūtur manus: lōgītudo à terra vsque ad ipsam latitudinem, quo à manibus & infra totū corpus affigitur: altitudo à latitudine sursum vsque ad summum, cui adhæret caput: profundū verò quod terræ infixum absconditur. Quo signo crucis, omnis actio Christiana describitur, bene operari in Christo, & ei perseueranter inhaerere: sperare cœlestia, sacramenta nō prophanare. Per hanc actionē purgati valebimus cognoscere etiam supereminentem scientiam charitatis Christi, qua æqualis est Patri,

Cap. vii.
Studium
Theologia
quali ani-
mā requi-
ras.
1. Cor. 8.1.
1. Cor. 5.7.
Matth. 11
28. 29-30.

Ephes. 3.17.

Iohan. 23. per quem facta sunt omnia, vt impleamur in omnem plenitudinem Dei. Est etiam in hyssopo v s purgatoria, ne instante scientia de diuitiis ab Ægypto ablatis, superbē aliquid pulmo tumidus anhelet: *Asperges me, inquit, hyssopo & mundabor, lauabū me, & super niuem dealbabor. Auditu meo dabis exultationem & letitiam.* Deinde annectit consequenter, vt ostendat purgationem à superbia significari hyssopo: *Et exultabunt ossa humiliata.*

Cap. XLII.
Sacra Scriptura cum
prophana
comparatio.

QUANTVM autem minor est auri argenti, vestisque copia, quam de Ægypto secum ille populus abstulit, in comparatione diuitiarum quas postea Hierosolymæ consecutus est, quæ maximè in Salomone Rege ostenduntur: tanta sit cuncta scientia quæ quidem est utilis collecta de libris gentium, si diuinarum scripturarum scientiæ comparetur. Nam quidquid homo extrā didicerit, si noxium est, ibi damnatur: si vtile est, ibi inuenitur. Et cū ibi quisque inuenerit omnia quæ vtiliter alibi didicit, multò abundantius ibi inueniet ea quæ nusquam omnino alibi, sed in illarum tantummodò Scripturarum mirabili altitudine & mirabili humilitate discuntur. Hac igitur intruditione prædictum cū signa incognita lectorem non impedierint, mitem & humilem corde subiugatum leniter Christo, & oneratum sarcina leui, fundatum & radicarum & ædificatum in charitate, quam scientia inflare non possit; accedat ad ambigua signa in Scripturis consideranda & discutienda, de quibus iam tertio volumine dicere aggrediar, quod Dominus donare dignabitur.

LIBER TERTIVS.

Cap. I.
Summa superiorum
librorum.



HOMO timens Deum, voluntatem eius in Scripturis sanctis diligenter inquit. Et ne amet certamina pietate mansuetus, præmunitus etiam scientia linguarum, ne in vet bis locutionibusque ignotis hæreat, præmunitus etiam cognitione quarundam rerum necessariorum, ne vim naturarum earum, quæ propter similitudinem adhibentur, ignoret, adiuuante etiam codicum veritate quam solers emendationis diligentia

procurauit, veniat ita instructus ad ambigua Scripturarum discutienda atque soluenda. Vt autem signis ambiguis non decipiatur, quantum per nos instrui potest: fieri autem potest, vt istas vias quas ostendere volumus, tanquam pueriles vel magnitudine ingenij, vel maioris illuminationis claritate derideat: sed tamen vt dicere cœperam, quantum per nos instrui potest, qui eo loco animi est, vt per nos instrui valeat, sciat ambiguitatem Scripturæ aut in verbis propriis esse, aut in translatis: quæ genera in secundo libro demonstrauimus.

SEd cum verba propria faciunt ambiguum Scripturam, CAP. II.
Distinctio
quantum
faciat. primò prouidendum est, ne malè distinxerimus, aut pronunciauerimus. Cum ergo adhibita intentio incertum esse prouiderit, quomodò distinguendum, aut quomodò pronuncian- dum sit, consulat regulam fidei, quam de Scripturarum planioribus locis & Ecclesiæ auctoritate percepit, de qua satis egimus, cum de rebus in primo libro loqueremur. Quod si ambæ vel etiam omnes, si plures fuerint, partes ambiguitatē secundum fidem sonuerint, textus ipse sermonis à præcedentibus & consequentibus partibus, quæ ambiguitatem illam in medio posuerunt, restat consulendus: vt videamus cuinam sententiæ de pluribus quæ se ostendunt ferat suffragium, eam- que sibi contexi patiatur.

Iam nunc exempla considera. Illa hæretica distinctio: *In* Ioh. 1. 1.
principio erat verbum, & verbum erat apud Deum, & Deus erat: vt alius sensus sit, Verbum hoc erat in principio apud Deum: non vult verbum Deum confiteri. Sed hoc regulæ fidei refellendum est, quâ nobis de Trinitatis æqualitate præscribitur, vt dicamus, *Et Deus erat verbum*: deinde subiungamus, *Hoc erat in principio apud Deum*. Illa verò distinctionis ambiguitas neutra parte resistit fidei, & ideo textu ipso sermonis diiudicanda est, ubi ait Apostolus, *Et quid eligam ignoro, compellor autem ex duobus, concupiscentiam habens dissolui, & esse cum Christo*: Phil. 1. 22.
multo enim magis optimum, manere in carne necessarium propter vos. Incertum enim est utrum ex duobus concupiscentiam habens, an compellor autem ex duobus, vt illud adiungatur, concupiscentiam habens dissolui, & esse cum Christo. Sed quoniam ita sequitur, *Multo enim magis optimum*, apparet eum eius optimi dicere se habere concupiscentiam, vt cum ex duobus compellatur, alterius tamen

habeat concupiscentiam, alterius necessitatem: concupiscentiam scilicet esse cum Christo, necessitatem manere in carne. Quæ ambiguitas vno consequenti verbo diiudicatur, quod positum est, *enim*: quam particulam qui abstulerunt interpretes, illa potius sententia ducti sunt, ut non solum compelli ex duobus, sed etiam duorum habere concupiscentiam videretur. Sic ergo distinguendum est: *Et quid eligam ignoro, compellor autem ex duobus*: quam distinctionem sequitur, *concupiscentiam habens dissolui, & esse cum Christo*. Et tanquam quæreretur, quare huius rei potius habeat concupiscentiam? *Multo enim magis optimum*, inquit. Cur ergo è duobus compellitur? Quia est manendi necessitas quam ita subiecit, *Manere in carne necessarium propter vos*. Vbi autem neque præscripto fidei, neque ipsius sermonis textu ambiguitas explicari potest, nihil obest secundum quamlibet earum quæ ostenduntur sententiam distinguere. Veluti est illa ad Corinthios: *Hæc ergo promissiones habentes, charissimi, mundemus nos ab omni coinquinatione carnis & spiritus, perficientes sanctificationem in timore Domini: capite nos, nemini noeuimus*. Dubium est quippe vtrum mundemus nos ab omni coinquinatione carnis & spiritus, secundum illam sententiam, ut sit sancta & corpore & spiritu: an mundemus nos ab omni coinquinatione carnis, ut alius sit sensus, *Et spiritus perficientes sanctificationem in timore Domini: capite nos*. Tales igitur distinctionum ambiguitates, in potestate legentis sunt.

CAP. III.
Distinctio
in pronun-
tando.

Quæcunqve autem de ambiguis distinctionibus diximus, eadem obseruanda sunt & in ambiguis pronuntiationibus. Nam & ipsæ nisi nimia lectoris vitientur incuria: aut regulis fidei corriguntur, aut præcedentis vel consequentis contextione sermonis: aut si neutrum horum adhibetur ad correctionem, nihilominus dubiæ remanebunt, ut quolibet modo lector pronunciauerit, non sit in culpa. Nisi enim fides reuocet, qua credimus Deum non accusaturum electos suos, & Christum non condemnaturum electos suos, potest illud sic pronuciari: *Quis accusabit aduersus electos Dei?* Ut hanc interrogationem quasi responsio subsequatur: *Deum qui iustificat*. Et iterum interrogetur: *Quis est qui condemnat?* Et respondeatur: *Christus Iesus qui mortuus est*. Quod credere quia dementissimum est, ita pronuciabitur,

Rom. 8. 33.
34.

vt præcedat percontatio, sequatur interrogatio.

Inter percontationem autem & interrogationem hoc veteres interesse dixerunt, quòd ad percontationem multa responderi possunt: ad interrogacionem verò, aut non, aut etiam. Pronunciabitur ergo ita, vt post percontationem qua dicimus, *Quis accusabit aduersus electos Dei?* Illud quod sequitur sono interrogantis enuncietur, *Deus qui iustificat?* vt tacitè respondeatur, non. Et item percontemur, *Quis est qui condemnat?* rursumque interrogemus, *Christus Iesus qui mortuus est: magis autem qui resurrexit, qui est in dextera Dei, qui & interpellat pro nobis?* vt vbiq; tacitè respondeatur, Non. At verò illo loco vbi ait, *Quid ergo dicemus?* quia gentes que non sectabantur iustitiam, apprehenderunt iustitiam: nisi post percontationem qua dictum est, *Quid ergo dicemus?* responsio subiiciatur, *Quia gentes que non sectabantur iustitiam, apprehenderunt iustitiam:* textus consequens non cohærebit. Qualibet autem voce pronuncietur illud quod Nathanael dixit: *A Nazareth potest aliquid boni esse:* siue affirmantis, vt illud solùm ad interrogacionem pertineat quod ait, *A Nazareth:* siue totum cum dubitatione interrogantis, non video quomodò discernatur: vterque autem sensus fidem non impedit.

Est etiã ambiguitas in sono dubio syllabarũ, & hæc utique ad pronunciationem pertinens. Nam quod scriptum est, *Non est absconditum à te os meum quod fecisti in abscondito,* non elucet legenti vtrum correpta litera os pronunciet, an producta. Si enim corripiat, ab eo quod sunt ossa: si autem producat, ab eo quod sunt ora, intelligitur numerus singularis. Sed talia linguæ præcedentis inspectione diiudicantur: nam in Græco non *os*, sed *os* positum est. Vnde plerumque loquendi consuetudo vulgaris utilior est significandis rebus, quàm integritas literata. Mallem quippe cum barbarismo dici, *Non est absconditum à te os meum*, quàm vt ideo esset minus apertum, quia magis Latinum est. Sed aliquando dubium syllabæ sonus etiam vicino verbo ad eandem sententiam pertinente diiudicatur. Sicut est illud Apostoli: *Quæ prædico vobis sicut prædixi, quoniam qui talia agunt, regnum Dei non possidebunt.* Si tantummodò dixisset, *Quæ prædico vobis*, neque subiunxisset, *Sicut prædixi*, non nisi ad codicem præcedentis linguæ recurrendum esset, vt cognoscereamus vtrum in eo quod dixit, præ-

dico, producenda an corripienda esset media syllaba: nunc autem manifestum est producendam esse. Non enim ait, sicut prædicaui, sed sicut prædixi.

CAP. IV.

Ambiguitas sermonis qua ratione exprimitur.
1. Theſ. 3. 7.

NON solum autem istæ, sed etiam illæ ambiguitates quæ non ad distinctionem vel ad pronuntiationem pertinent, similiter considerandæ sunt, qualis illa est ad Thessalonicenses, *Propterea consolati sumus fratres in vobis*. Dubium est enim utrum ò fratres, an hos fratres. Neutrum autem horum est contra fidem: sed Græca lingua hos casus pares non habet, & ideo illā inspectā renunciatur vocatiuus, id est ò fratres. Quod si voluisset interpres dicere, *propterea consolationem habuimus fratres in vobis*: minus seruitum esset verbis, sed minus de sententia dubitaretur: aut certè si adderetur, *nostri*, nemo fere ambigeret vocatiuum esse casum, cum audiret: Propterea consolati sumus fratres nostri in vobis. Sed iam hoc periculosius permittitur. Ita factum est in illa ad Corinthios, cum ait Apostolus: *Quotidie morior, per vestram gloriam, fratres, quam habeo in Christo Iesu*. Ait enim quidam interpres: *Quotidie morior, per vestram iuro gloriam*: quia in Græco vox iurantis manifesta est sine ambiguo sono. Rarissimè igitur & difficillimè inueniri potest ambiguitas in propriis verbis, quantum ad libros diuinarum scripturarum spectat, quam non aut circumstantia ipsa sermonis qua cognoscitur scriptorum intentio, aut interpretetum collatio, aut precedentis linguæ soluat inspectio.

CAP. V.

Figuratus sermo si intelligitur, illustrat scripturam.
1. Cor. 3. 6.

SED verborum translatorum ambiguitates, de quibus deinceps loquendum est, non mediocrem curam industriamque desiderant. Nam in principio cauendum est, ne figuratam locutionem ad literam accipias. Et ad hoc enim pertinet, quod ait Apostolus: *Litera occidit, spiritus autem viuificat*. Cum enim figuratè dictum sic accipitur, tanquam propriè dictum sit, carnaliter sapitur. Neque vlla mors animæ congruentius appellatur; quàm cum id etiam quod in ea bestiis antecedit, hoc est intelligentia carni subiicitur sequendo literam. Qui enim sequitur literam, translata verba sicut propria tenet: neque illud quod proprio verbo significatur, refert ad aliam significationem. Sed si sabbatum audierit, verbigratia, non intelligit nisi vnum diem de septem, qui continuo volumine repetuntur. Et cum audierit sacrificium, non excedit cogitatione illud quod fieri de victimis peco-

rum terrenisq̃ue fructibus solet. Ea demum est miserabilis animæ seruitus, signa pro rebus accipere, & supra creaturam corpoream oculum mentis ad hauriendum æternum lumen leuare non posse.

Quæ tamen seruitus in Iudæo populo longè à cæterarum gentium more distabat, quandoquidem rebus temporalibus ita subiugati erant, vt vnus eis in omnibus commendaretur Deus. Et quamquam signa rerum spiritualium pro ipsis rebus obseruarent, nescientes quò referrentur, id tamen insitum habebant, quòd tali seruitute vni omnium, quem non videbant, placerent Deo. Quam custodiam tanquam sub pædago paruulorum fuisse scribit Apostolus. Et ideo qui talibus signis pertinaciter inhæserunt, contemnentem ista Dominum, cum iam tempus reuelationis eorum venisset, ferre non potuerunt: atque inde calumnias, quòd sabbato curaret, moliti sunt principes eorum: populusque signis illis tanquam rebus astrictus, non credebat Deum esse: vel à Deo venisse, quicquid ea sicut à Iudæis obseruabantur, nollet attendere. Sed qui crediderunt, ex quibus facta est prima Ecclesia Hierosolymitana, satis ostenderunt quanta utilitas fuerit eo modo sub pædago custodiri, vt signa quæ temporaliter imposita erant seruientibus, ad vnius Dei cultum, qui fecit cælum & terram, opinionem obseruantium religarent. Namque illi quia proximi spiritualibus fuerunt, in ipsis enim temporalibus & carnalibus vocibus * atque signis, quamuis quomodo spiritualiter essent intelligenda, nescirent; quia vnum tamen didicerant venerari æternum Deum, tam capaces extiterunt Spiritus sancti, vt omnia sua venderent, eorūque precium indigentibus distribuendum, ante Apostolorum pedes ponerent, seque totos dedicarent Deo tanquam templum nouum, cuius terrenæ imagini, hoc est templo veteri seruiebant. Non enim hoc vllas ecclesias gentium fecisse scriptum est, quia non tam propè inuenti erant qui simulacra manufacta deos habebant.

Et si quando aliqui eorum illa tanquam signa interpretari conabantur, ad creaturam colendam venerandamque referebant. Quid enim mihi prodest simulacrum, verbi gratia, Neptuni, non ipsum habendum Deum, sed eo significari vniuersum mare, vel etiam omnes aquas cæteras, quæ fonti-

Cap. V. I.
Seruitus le-
git.

Gal. 3. 24.

Matt. 23. 3.
Luc. 6. 7.

al * rois.

Cap. VII.
De cultari-
bus simila-
ritatibus &
creatura-
rum.

* Claudia.
10.

bus prouunt: sicut à quodam poëta * illorum describitur: si bene recolo, ita dicente,

*Tu Neptune pater, cui tempora cana crepanti
Cincta salo resonant, magnus cui perpete mento
Profluit Oceanus, & flumina crinibus errant.*

Hæc siliqua intra dulce testorium sonantes lapillos quatit. Non est autem hominum, sed porcorum cibus. Nouit quid dicam, qui Euangelium nouit. Quid ergo mihi prodest quòd Neptuni simulacrum ad illam significationem refertur, nisi fortè vt neutrum colam? Tam enim mihi statua quælibet, quàm mare vniuersum, non est Deus. Fateor tamen altiùs deosmersos esse, qui opera hominum Deos putant, quàm qui opera Dei. Sed nobis vnus diligendus & colendus Deus præcipitur, qui fecit hæc omnia, quorum illi simulacra venerantur, vel tanquam Deos, vel tanquam signa & imagines Deorum. Si ergo signum vtiliter institutum pro ipsa re sequi, cui significanda institutum est, carnalis est seruitus, quantò magis inutilem rerum signa instituta pro rebus accipere? Quæ si retuleris ad ea ipsa quæ his significantur, eisque colendis tantum obligaueris, nihilominus seruii carnalique onere atque velamine non carebis.

Cap. VIII.
Christiani
signa inter-
pretantur.

QVAMOBREM Christiana libertas eos, quos inuenit sub signis vtilibus tanquam propè inuentos, interpretatis signis quibus subditi erant, eleuatos ad eas res, quarum illa signa sunt, liberauit. Ex his factæ sunt Ecclesiæ sanctorum Israëlitarum. Quos autem inuenit sub signis inutilibus, non solum seruilem operationem sub talibus signis, sed etiam ipsa signa frustra uit remouitque omnia, vt à corruptione multitudinis simulatorum Deorum, quam sæpe ac propriè Scriptura fornicationem vocat, ad vnius Dei cultum gentes conuerterentur, nec sub ipsis iam signis vtilibus seruituræ, sed exercitaturæ potius animum in eorum intelligentia spiritali.

Cap. IX.
De signis
Israëlitarum
Christianorum.

SUB signo enim seruit qui operatur aut veneratur aliquam rem significantem, nesciens quid significet, qui verò aut operatur, aut veneratur vtile signum diuinitus institutum, cuius vim significationemque intelligit, non hoc veneratur quod videtur & transit, sed illud potius quo talia cuncta referenda sunt. Talis autem homo spiritalis & liber est, etiam tempore seruitutis, quo carnalibus animis nondum oportet signa illa reuelari,

reuelari, quorum iugo edomandi sunt. Tales autem spiritales erant Patriarchæ ac Prophetæ, omnēsque in populo Israël per quos nobis Spiritus sanctus ipsa Scripturarum & auxilia & solatia ministravit. Hoc verò tempore posteaquam resurrectione Domini nostri IESU CHRISTI manifestissimum indicium nostræ libertatis illuxit, ne eorum quidem signorum quæ iam intelligimus operatione gravi onerati sumus: sed quædam pauca pro multis eadēque factū facillima, & intellectu augustissima, & obseruatione castissima, ipse Dominus & Apostolica tradidit disciplina: sicuti est baptismi sacramentum, & celebratio corporis & sanguinis Domini. Quæ unusquisque cum percipit quò deferantur imbutus agnoscit, ut ea non carnali seruitute, sed spiritali potius libertate veneretur. Ut autem literam sequi & signa pro rebus quæ iis significantur accipere seruilis infirmitatis est, ita inutiliter signa interpretari malè vagantis erroris est. Qui autem non intelligit quid significet signum, & tamen signum esse intelligit, nec ipse premitur seruituti. Melius est autem, vel premi incognitis, sed vtilibus signis, quàm inuolueri ea interpretando, à iugo seruitutis eductam ceruicem laqueis erroris inferere.

Hic autem obseruationi qua cauemus figuratam locutionem, id est translatam quasi propriam sequi, adiungenda est etiam illa est, ne propriam quasi figuratam velimus accipere. Demonstrandum est igitur prius modus inueniendæ locutionis, propriæ an figuratæ sit. Et iste omnino modus est, ut quidquid in sermone diuino neque ad morum honestatem, neque ad fidei veritatem propriè referti potest, figuratum esse cognoscas. Morum honestas ad diligendum Deum & proximum, fidei veritas ad cognoscendum Deum & proximum pertinet. Spes autem sua cuique est in conscientia propria, quemadmodum se sentit ad dilectionē Dei & proximi cognitionēque proficere. De quibus omnibus primo libro dictum est. Sed quoniam procliuē est humanum genus, non ex momentis ipsius libidinis, sed potius suæ consuetudinis æstimate peccata, sit plerumque ut quisque hominum ea tantum culpanda arbitretur, quæ suæ regionis & temporis homines vituperare atque damnare consueuerunt, & ea tantum probanda atque laudanda, quæ consuetudo eorum cum quibus viuit admittit: còque contingit, ut si quid Scriptura vel præceperit quod

Cap. x.
Qua ut figuratè dicta, sunt accipienda.

abhorret à consuetudine audientium, vel quod non abhorret culpauerit, si animum eorum iam verbi vinxit auctoritas, figuratam locutionem putent. Non autem præcipit Scriptura nisi charitatem, nec culpatur nisi cupiditatem, & eo modo informat mores hominum.

Item si animum præoccupauit alicuius erroris opinio, quicquid aliter asseruerit Scriptura, figuratum homines arbitrantur. Non autem asserit nisi catholicam fidem, rebus præteritis & futuris & præsentibus. Præteritorum narratio est, futurorum prænuntiatio, præsentium demonstratio. Sed omnia hæc ad eandem charitatem nutriendam atque corroborandam, & cupiditatem vincendam atque extinguendam valent. Charitatem voco motum animi ad fruendum Deo propter ipsum, & se atque proximo propter Deum. Cupiditatem autem motum animi ad fruendum se & proximo & quolibet corpore non propter Deum. Quod autem agit indomita cupiditas ad corrumpendum animum & corpus suum *, flagitium vocatur. Quod autem agit ut alteri noceat, facinus dicitur. Et hæc sunt duo genera omnium peccatorum, sed flagitia priora sunt. Quæ cum exinanierint animum, & ad quandam egestatem perduxerint, in facinora prosiliunt, quibus remoueantur impedimenta flagitiorum aut adiumenta quarantur. Item quod agit charitas quo sibi profit, utilitas est: quod autem agit ut profit proximo, beneficentia nominatur. Et hinc præcedit utilitas, quia nemo potest ex eo quod non habet prodesse alteri. Quanto autem magis regnum cupiditatis destruitur, tanto charitatis augetur.

ad. * corpore
sensum.

CAP. XI.
Quæ ad ostendendam
cupiditatem,
quaque ad
inserendam
charitatem
faciant.
Rom. 1. 5.

QUI CUPID ergo alperum & quasi sœuum factu diuque in sanctis scripturis legitur ex persona Dei vel Sanctorum eius, ad cupiditatis regnum destruendum valet. Quod si perspicue sonat, non est ad aliud referendum quasi figuratè dictum sit. Sicuti est illud Apostoli: *Thesaurizas tibi iram in die ire & reuelationis iusti iudicii Dei, qui reddet unicuique secundum opera sua, iis quidem qui secundum sustinentiam boni operis, gloriam & honorem & incorruptionem querentibus, vitam æternam: iis autem qui ex contentione sunt, & diffidunt veritati, credunt autem iniquitati, ira & indignatio, tribulatio & angustia in omnem animam hominis operantis malum, Iudæi primum & Greci.* Sed hoc ad eos, cum quibus euertitur ipsa cupiditas, quicquam vincere

noluerut. Cùm autē in homine cui dominabantur, regna cupiditatis subuertuntur, illa est aperta locutio: *Qui autem IESV CHRISTI sunt, carnem suam crucifixerunt cum vitiis & concupiscentiis.* Nisi quia & hic quædam verba translata tractantur, sicuti est, *ira Dei, &, crucifixerunt.* Sed non tam multa sunt vel ita posita, vt obtegant sensum & allegoriam, vel ænigma faciant, quam propriè figuratam locutionem voco. Quod autem Hieremia dicitur: *Ecce constitui te hodie super gentes & regna, vt euellas, & destruas, & disperdas & dissipēs:* non dubium quin figurata locutio tota sit, ad eum finem referenda quem diximus.

Gal. 5. 24.

Hier. 2. 20.

Quæ autem quasi flagitiosa imperitis videntur, siue tantum dicta, siue etiam facta sunt, vel ex Dei persona, vel ex hominum, quorum nobis sanctitas commendatur, tota figurata sunt, quorum ad charitatis pastum enucleanda secreta sunt. Quisquis autem rebus prætereuntibus restrictiùs vtitur quàm sese habent mores eorum cum quibus viuit, aut temperans aut superstitiosus est: quisquis verò sic eis vtitur, vt metas consuetudinis bonorum, inter quos versatur, excedat, aut aliquid significat, aut flagitiosus est. In omnibus enim talibus non vsus rerum, sed libido vtentis in culpa est. Neque enim vlllo modo quisquam sobrius crediderit Domini pedes ita vnguento precioso a muliere perfusos, vt luxuriosorum & nequam hominum solent, quorum talia conuiuia detestamur. Odor enim bonus, bona fama est, quam quisquis bonæ vitæ operibus habuerit, dum vestigia Christi sequitur, quasi pedes eius preciosissimo odore perfundit. Ita quod in aliis personis plerumque flagitium est, in diuina vel prophetica persona magnæ cuiusdam rei signum est. Alia quippe est in perditis moribus, alia in Osæ Prophetæ vaticinatione coniunctio meretricis. Nec si flagitiosè in conuiuiis temulentorum & lasciuorum nudantur corpora, propterea in balneis nudum esse, flagitium est.

Cap. x. 1. r.
Facta iudicantur ex circumstantiis.

Osæ 4.

Quid igitur locis & temporibus personisque conueniat, diligenter attendendum est, ne temerè flagitia rephendamus. Fieri enim potest, vt sine aliquo vitio cupidinis vel voracitatis preciosissimo cibo sapiens vtatur, insipiens autem fœdissimæ gulæ flammâ in vilissimum ardeat. Et saniùs quisque maluerit more Domini pisces vesci, quàm lenticulâ more Esau.

nepotis Abraham, aut hordeo more iumentorum. Non enim propterea continentiores nobis sunt pleræque bestię, quia vilioribus aluntur escis. Nam in omnibus huiuscemodi rebus non ex earum rerum natura quibus utimur, sed ex causa utendi & modo appetendi vel probandum est, vel improbandum quod facimus. Regno terreno veteres iusti cœleste regnum imaginabantur, & prænunciabant. Sufficiendæ prolis causâ erat vxorum plurium simul vni viro habendarum inculpabilis consuetudo, & ideo vnâ fœminam maritos habere plurimos honestum non erat: non enim mulier eo est fœcundior, sed meretricia potius turpitudine est, vel quæstum vel liberos vulgò quarere. In huiuscemodi moribus quicquid illorum temporum sancti non libidinosè faciebant, quamuis ea facerent quæ hoc tempore nisi per libidinem fieri non possunt, non culpat Scriptura. Et quicquid ibi tale narratur, non solum historicè ac propriè, sed etiam figuratè ac propheticè acceptum, interpretandum est vsque in finem illum charitatis, siue Dei, siue proximi, siue vtriusque. Sicut enim talares & runicatas tunicas habere apud Romanos veteres flagitium erat, nunc autem honesto loco natis, cum tunicati sunt, non eas habere flagitium est: sic animaduertendum est in cætero quoque vsu rerum abesse oportere libidinem: quæ non solum ipsa eorum inter quos viuit consuetudine nequiter abutitur: sed etiam sæpe fines eius egressa, fœditatem suam, quæ inter claustra morum solennium latitabat, flagitiosissima eruptione manifestat.

*CAP. XIII.
Omnia ad
proximi v-
tilitatem
referenda.*

QUICQUID autem congruit consuetudini eorum, cum quibus vita ista degenda, vel necessitate imponitur, vel officio suscipitur, à bonis & magnis hominibus ad utilitatem & beneficentiam referendum est, vel propriè, sicut & nos debemus, vel etiam figuratè, sicut Prophetis licet.

*Cap. XIV.
Consuetu-
dinem non
esse infir-
miam.*

In quæ facta legenda cum incurrit indocti alterius cōsuetudinis, nisi auctoritate reprimantur, flagitia putant, nec possunt animaduertere totâ conuersatione suam, vel in cōiugiis, vel in conuiujs, vel in vestitu, cæteroque humano victu atque cultu, alijs gentibus & alijs temporibus flagitiosâ videri. Quæ varietate innumerabilium consuetudinum commoti quidam dormitantes, vt ita dicam, qui neque alto somno stultitiæ sopiebantur, nec in sapientiæ lucem poterant cuigilare, puta-

uerunt nullam esse iustitiam per seipsam, sed vnicuique genti consuetudinem suam iustam videri: quæ cum sit diuersa omnibus gentibus, debeat autem incommutabilis manere iustitia, fieri manifestum, nullam vsquam esse iustitiam: non intellexerunt, ne multa commemorem, quod tibi fieri non vis, alij ne feceris, nullo modo posse vlla eorum gentili diuersitate variari. Quæ sententia cum refertur ad dilectionem Dei, omnia flagitia moriuntur: cum ad proximi, omnia facinora. Nemo enim vult corrumpi habitaculum suum, non ergo debet corrumpere habitaculum Dei, seipsum scilicet. Et nemo vult sibi à quoquam noceri: nec ipse igitur cuiquam nocuerit.

Sic euersa tyrannide cupiditatis, charitas regnat iustissimis legibus dilectionis Dei propter Deum, sui & proximi propter Deum. Seruabitur ergo in locutionibus figuratis regula huiusmodi, vt tamdiu versetur diligenti consideratione quod legitur, donec ad regnum charitatis interpretatio perducatur. Si autem hoc iam propriè sonat, nulla putetur figurata locutio.

Si præceptiua locutio est, aut flagitium aut facinus vetans, aut vtilitatem aut beneficentiam iubens, non est figurata. Si autem flagitium aut facinus videtur iubere, aut vtilitatem aut beneficentiam vetare, figurata est. *Nisi manducaueritis, inquit, carnem filij hominis & sanguinem biberitis, non habebitis vitam in vobis*: facinus vel flagitium videtur iubere. Figura est ergo, præcipiens passioni Domini esse communicandum, & suauiter atque vtiliter recondendum in memoria, quod pro nobis caro eius crucifixa & vulnerata sit. Ait Scriptura: *Si esurieris inimicus tuus, ciba illum: si sitis, potum da illi*. Hic nullo dubitante beneficentiam præcipit. Sed quod sequitur: *Hoc enim faciens carbones ignis congeres super caput eius*: malevolentiae facinus putes iuberi. Ne igitur dubitaueris figuratè dictum: & cum possit dupliciter interpretari, vno modo ad nocendum, altero ad præstandum, ad beneficentiam te potiùs charitas reuocet, vt intelligas carbones ignis esse vrentes penitentiae gemitus, quibus superbia sanatur eius qui dolet se inimicum fuisse hominis à quo eius miserie subuenitur. Item cum ait Dominus: *Qui amat animam suam perdet eam*: non vtilitatem vetare putandus est, qua debet quisque conseruare

CAP. XV.
Charitas: sibi
scribitur.

CAP. XVI.
Sibi figura
substitit, ubi
non.

Ioh. 6. 53.

Pro. 25.

21.

Rom. 12.

20.

Ioh. 12. 25.

animam suam: sed figuratè dictum, *perdet animam*, id est, perimat atque amittat vsum eius quem nunc habet, peruersum scilicet atque præposterum, quo inclinatur temporalibus, vt Eccl. 12. 1. terna non quærat. Scriptum est: *Da misericordiam, & ne suscipias peccatorem*. Posterior pars huius sententiæ videtur vetare beneficentiam. Ait enim, *ne suscipias peccatorem*. Intelligas enim figuratè positum pro peccato peccatorem, vt peccatum eius non suscipias.

CAP. XVII.
Non omnia
præcipi om-
nibus.

SÆPE autem accidit, vt quisquis in meliori gradu spiritalis vitæ vel est, vel esse se putat, figuratè dicta esse arbitretur, quæ inferioribus gradibus præcipiuntur: vt verbi gratia, si cælibem amplexus est vitam, & se castrauit propter regnum cælorum, quicquid de vxore diligenda & regenda sancti libri præcipiunt, non propriè, sed translatè accipi oportere contendat. Et quisquis statuit seruare innuptam virginem suam, tanquam figuratam locutionem conetur interpretari Eccl. 7. 27. qua dictum est: *Trade filiam, & grande opus perfeceris*. Erit igitur etiam hoc in obseruationibus intelligendum Scripturarum, vt sciamus alia omnibus communiter præcipi, alia singulis quibusque generibus personarum, vt non solum ad vniuersum statum valetudinis, sed etiam ad suam cuiusque membri propriam infirmitatem medicina pertineat. In iud quippe genere curandum est, quod curandum est, quod ad melius genus non potest erigi.

CAP. XVIII.
Quo tem-
pore quid
præcipi-
um
sic conside-
randum.

ITEM videndum est ne fortè quod in Scripturis veteribus pro illorum temporum conditione, etiamsi non figuratè sed propriè intelligatur, non est flagitium neque facinus, ad ista etiam tempora quis putet in vsum vitæ posse transferri: quod nisi dominante cupiditate, & ipsarum quoque Scripturarum quibus euerrenda est satellitium quærente non faciet: nec intelliget miser ad hanc vtilitatem illa sic esse posita, vt spei bonæ homines salubriter videant, & consuetudinem quam aspernantur posse habere vsum bonum, & eam quam amplexantur esse posse damnabilem, si & ibi charitas vtentium, & hic cupiditas attendatur? Nam si multis vxoribus castè vti quisquā pro tempore potuit, potest alius vnā libidinosè. Magis enim probò multarum fecunditate vtentem propter aliud, quàm vnius carne fruentem propter ipsam. Ibi enim quæritur vtilitas temporum oportunitatibus congrua, hic satiatur cu-

piditas temporalibus voluptatibus implicata. Inferiorisque gradus ad Deum sunt quibus secundum veniam concedit Apostolus carnalem cum singulis coniugibus consuetudinem 1. Cor. 7. 2. propter intemperantiam eorum, quam illi qui plures singuli cum haberent, sicut sapiens in cibo & potu, non nisi salutem corporis, sic in concubitu non nisi procreationem filiorum intuebantur. Itaque si eos in hac vita inuenisset Domini aduentus, cum iam non mittendi sed colligendi lapides tēpus esset, statim seipsos castrarent propter regnum cœlorum. Non enim est in carento difficultas, nisi cum est in habendo cupiditas. Nouerant quippe illi homines etiam in ipsis coniugibus luxuriam esse abocendi intemperantiam, quod Tobia testatur oratio, quando est copulatus vxori. Ait enim, *Benedictus es Domine Deus patrum nostrorum, & benedictum nomen tuum in omnia secula seculorum, benedicant te cœli & omnis creatura tua, tu fecisti Adam, & dedisti illi adiutorium Euam. Et nunc Domine tu scis, quoniam non luxuriæ causa accipio sororem meam, sed ipsa veritate ut miserearis nostri Domine.* Tob. 8. 3. 6

SED qui effœrenata libidine, vel per multa supra disfluentes euagantur, vel in ipsa vna coniuge, non solum excedunt ad liberorum procreationem pertinentem modum, sed etiam inhumanioris intemperantiæ sordes inuerecunda. omnino licentia seuilis cuiusdam libertatis accumulante, non credunt fieri potuisse, vt temperanter multis fœminis antiqui vterentur viri, nihil seruantes in vsu illo nisi congruum tempori propagandæ prolis officium: & quod ipsi laqueis libidinis obstrikti, vel in vna non faciunt, nullo modo in multis fieri posse arbitrantur. Sed isti possunt dicere, ne honorari quidem atque laudari oportere viros bonos & sanctos, quia ipsi, cum honorantur atque laudantur intumescunt superbia, tantò auidiores inanissimæ gloriæ, quantò eos frequentius atque latius lingua blandior ventilauerit: qua ita leues fiunt, vt eos rumoris aura, siue quæ prospera, siue quæ aduersa existimatur, in quasi libet inuehat voragine flagitiorum, aut in facinororum etiam saxa collidat. Videant ergo quàm sibi arduum sit atque difficile, nec laudis esca illici, nec contumeliarum aculeis penetrari, & non ex se alios metiantur.

CREDANT potiùs Apostolos nostros nec cum suspicerentur ab hominibus inflatos fuisse, nec cum despicerentur eli-

CAP. XIX.
Mali alios
de suo aspi-
rant ino-
nio.

CAP. XX.
In quevas
vinendi va-

sione boni
sui sunt si
miles.

fos. Neutra quippe tentatio defuit illis viris. Nam & credentium celebrabantur præconio, & persequentium maledictis infamabantur. Sicut ergo isti pro tempore utebantur his omnibus & non corrumpebantur: sic illi veteres usum fornicationum ad sui temporis convenientiam referentes, non patiebantur eam dominationem libidinis, cui seruiunt qui ista non credunt. Et ideo isti sese nullo modo cohiberent ab inextinguibili filiorum odio à quibus vel uxores vel concubinas suas attentatas, aut attritas esse cognoscerent, si eis fortè tale aliquid accidisset.

Cap. XVI.
Adulterii
David.

Rex autem David cum hoc ab impio atque immuni filio passus esset, non solum ferocientem tolerauit, sed etiam planxit extinctum. Non enim carnali zelo irrititus tenebatur, quem nullo modo iniuriæ suæ, sed peccata filii commouebant. Nam ideo si vinceretur, eum occidi prohibuerat, ut edomito seruaretur poenitendi locus. Et quia non potuit, non orbitatem doluit in eius interitu, sed quia nouerat in quas poenas tam impiè adultera & parricidalis anima raperetur. Namque alio prius filio, qui innocens erat, pro quo ægrotante affligebatur, moriente lætatus est. Ex hoc maxime apparet quam moderatione ac temperantia illi viri feminis utebatur, quod cum in vnam illicitè intruisset Rex idem actu quodam artatus & temporalium rerum prosperitatis abreptus, cuius etiam maritum occidendum præceperat, accusatus est per Prophetam: qui cum ad eum venisset conuincendum de peccato, proposuit ei similitudinem de paupere qui habebat ouem vnam, cuius vicinus cum haberet multas, ad aduentum hospitis sui vnicam potius vicini pauperis ouiculam exhibuit epulandam. In quem commotus David occidi eum iussit, & quadruplicari ouem pauperi, ut se nesciens condemnaret, qui peccauerat sciens. Quod cum ei manifestatum esset, & diuinitus denunciata uisita, diluit poenitendo peccatum. Sed tamen in hac similitudine stuprum tantummodo designatum est de oue vicini pauperis: de marito autem mulieris interempto, hoc est de ipso paupere, qui vnam habebat ouem, occiso, non est per similitudinem interrogatus David, ut in solo adulterio disceret sententiam damnationis suæ. Ex quo intelligitur quanta temperantia multas mulieres habuerit, quando de vna in qua excessit modum à seipso puniri coactus est.

est. Sed quia in isto viro immoderatæ huius libidinis, non permansio, sed transitus fuit, propterea etiâ ab arguente Propheta ille illicitus appetitus hospes vocatus est. Non enim dixit eum Regi suo, sed hospiti suo, vicini pauperis ouem ad epulandum exhibuisse. At verò in eius filio Salomone, non quasi hospes transitum habuit, sed regnum ista libido possedit. De quo Scriptura non tacuit, culpans eum fuisse amatorē mulierum. Cuius tamen initia desiderio sapientiæ flagrauerant, quam cum amore spiritali adeptus esset, amore carnali amisit.

ERGO quanquam omnia vel penè omnia quæ in Veteris Testamenti libris gesta continentur, non solum propriè, sed etiam figuratè accipienda sint: tamen etiam illa quæ propriè lector acceperit, si laudati sunt illi qui ea fecerunt, sed ea tamen abhorrent à consuetudine bonorum, qui post aduentum Domini diuina præcepta custodiunt, figuram ad intelligentiam referat, factum verò ipsum ad mores non transferat. Multa enim sunt quæ illo tempore officiosè facta sunt, quæ modò niti libidinose fieri non possunt.

SI qua verò peccata magnorum virorum legerit, tamen etsi aliquam in eis figuram rerum futurarum animaduertente atque indagare potuerit: rei tamen gestæ proprietatem ad hunc usum assumat, ut se nequaquam recte suis factis iactare audeat, & præ sua iustitia ceteros tanquam peccatores contemnat, cum videat tantorum virorum & cauendas tempestates, & flenda naufragia. Ad hoc enim etiam peccata illorum hominum scripta sunt, ut apostolica illa sententia vbique tremenda sit, qua ait, *Quapropter qui videtur stare, videat ne cadat.* Nulla enim fere pagina est sanctorum librorum, in qua non sonet, quòd Deus superbis resistit, humilibus autem dat gratiam.

MAXIME itaque inuestigandum est, verum propria sit, an figurata locutio quam intelligere conamur. Nam comperto quòd figurata sit, adhibitis regulis rerum quas in primo libro digessimus, facile est eam versare omnibus modis, donec perueniamus ad sententiam veritatis, præsertim cum vsus accesserit pietatis exercitatione roboratus. Inuenimus autem vtrum propria sit an figurata locutio, illa inuentes quæ suprâ dicta sunt.

QVOD cum apparuerit, verba quibus continetur, aut

CAP. XXII.
Non eadem
ratio veteris & nouæ
legis.

CAP. XXIII.
Sanctique
re sunt lapsi.

I. Cor. I. 10.

CAP. XXIV.
Ante omnia
considerandum
genus locutionis.

CAP. XXV.
Idem verum.

bum non
idem significat
ut ubique.

à similibus rebus ducta inuenientur, aut ab aliqua vicinitate attingentibus. Sed quoniam multis modis res similes rebus apparent, non putemus esse præscriptum, ut quod in aliquo loco res aliqua per similitudinem significauerit, hoc eam semper significare credamus. Nam & in vituperatione fermentum posuit Dominus cum diceret: *Cauete à fermento Phariseorum*: & in laude cum diceret, *Simile est regnum celorum mulieri quæ abscondit fermentum in tribus mensuris farine donec fermentaretur totum*. Huius igitur varietatis obseruatio duas habet formas. Sic enim aliud atque aliud res quæque significant, ut aut contraria aut tantummodò diuersa significant. Contraria scilicet, cum aliàs in bono, aliàs in malo res eadem per similitudinem ponitur, sicut hoc est quod de fermento supra diximus. Tale est etiam quod leo significat Christum, ubi dicitur, *Vicis leo de tribu Iuda*: significat & diabolus, ubi scriptum est, *Aduersarius vester diabolus tanquam leo rugiens circumit, quærens quem deuoret*. Ita serpens in bono est: *Astuti ut serpentes*: in malo autem, *Serpens Euam seduxit astutiâ suâ*. In bono panis: *Ego sum panis viuus qui de calo descendi*: in malo autem, panis: *Panes occultos libenter edite*. Sic & alia plurima. Et hæc quidem quæ commemoravi minimè dubiam significationem gerunt, quia exempli gratia commemorari non nisi manifestissima debuerunt. Sunt autem quæ incertum sit in quam partem accipi debeant; sicut: *Calix in manu Domini vini meri plenus est mixto*. Incertum est enim utrum itam Dei significet non vsque ad nouissimam pœnam, idest vsque ad fecem: an potius grâtiâ scripturarum à Iudæis ad Gentes transeuntem, quia inclinauit ex hoc in hoc, remanentibus apud Iudæos obseruationibus quas carnaliter sapiunt, quia fex eius non est exinanita. Cum verò res eadem non in contraria, sed tantum in diuersa significatione ponitur, illud est in exemplū, quod aqua & populum significat, sicut in Apocalypsi legimus, & Spiritum sanctum, unde est illud: *Flumina aqua viua fluent de ventre eius*: & si quid aliud atque aliud, pro locis in quibus ponitur, aqua significare intelligitur. Sic & alia res non singulæ, sed vnaquæque earum non solum duo aliqua diuersa, sed etiam nonnunquam multa significat, pro loco sententiæ, sicut posita reperitur.

Matth. 16.
11.
Luc. 13. 21.

Apoç. 5. 5.
1. Pet. 5. 8.

Matth. 10.
16.

1. Cor. 11. 3.
Ioh. 6. 51.
Prov. 9. 17.

Psal. 74. 9.

Apoç. 17.
15.
Ioh. 7. 38.

VBI autem appetiùs ponuntur, ibi discendum est quomodo in locis intelligantur obscuris. Neque enim meliùs potest intelligi quod dictum est Deo: *Apprehende arma & scutum, & exurge in adiutorium mihi*: quàm ex illo loco ubi legitur: *Domine ut scuto bonæ voluntatis tuæ coronasti nos*. Nec tamen ita ut iam ubicunque scutum pro aliquo munimento legerimus positum, non accipiamus nisi bonam voluntatem Dei. Dictum est enim: *Et scutum fidei in quo possitis*, inquit, *omnes sagittas maligni ignitas extinguere*. Nec tursum ideo debemus in armis huiusmodi spiritualibus scuto tantummodò fidem tribuete, cum alio loco etiam lorica dicta sit fidei: *Induti*, inquit, *loricam fidei & charitatis*.

CAP. XXVI.
Obscura locis
aperiri.
ribus explu-
canda.
Psal. 34. 2.
Psal. 5. 13.

Eph. 6. 16.

QUANDO autem ex eisdem Scripturæ verbis, non vnum aliquid, sed duo vel plura sentiuntur, etiam si latet quid senserit ille qui scripserit, nihil periculi est si quodlibet eorum congruere veritati ex aliis locis sanctarum scripturarum doceri potest: id tamen eo conante qui diuina scrutatur eloquia, ut ad voluntatem perueniatur auctoris, per quem Scripturam illam sanctus operatus est Spiritus: siue hoc assequatur, siue aliam sententiam de illis verbis quæ fidei rectæ non refragatur exsculpat, testimonium habens à quocunque alio loco diuinorum eloquiorum. Ille quippe auctor in eisdem verbis quæ intelligere volumus & ipsam sententiam forsitan vidit, & certè Dei Spiritus qui per eum hæc operatus est, etiam ipsam occuturam lectori vel auditori, sine dubitatione præuidit, imò ut occurreret, quia & ipsa est veritate subnixa, prouidit. Nam quid in diuinis eloquiis largiùs & vberiùs potuit diuinitus prouideri, quàm ut eadem verba pluribus intelligantur modis, quos alia non minus diuina contestantia faciant approbari?

CAP. XXVII.
Eundem lo-
cum vassè
intelligi ni-
hil prohibet.

VBI autem talis sensus eruitur, cuius incertum certis sanctarum scripturarum testimoniis non possit aperiri, restat ut ratione reddita manifestus appareat, etiam si ille cuius verba intelligere quærimus eum fortè non sensit. Sed hæc consuetudo periculosa est. Per Scripturas enim diuinas multò tutiùs ambulatur: quas verbis translatis occupatas cum scrutari volumus, aut hoc inde exeat quod non habeat controuersiam: aut si habet, ex eadem Scriptura ubicunque inuentis atque adhibitis eius testibus terminetur.

CAP. XXVIII.
Humanis
rationibus
non fidenda.
dum.

Cap. XXIX.
Cognitio
troporum
necessaria.

SCIANT autem literati, modis omnibus locutionis, quos Grammatici Græco nomine tropos vocant, auctores nostros vſos fuiſſe, & multipliciùs atque copioſiùs quàm poſſunt exiſtimare vel credere, qui neſciunt eos & in aliis iſta didicerunt. Quos tamen tropos qui nouerunt, agnoſcunt in literis ſanctis, eorùmq; ſcientià ad eas intelligendas aliquantum adiuuantur. Sed hìceos ignaris tradere non decet, ne attem grammatìcam docere videamur. Extrà ſanè vt diſcantur admonéo, quamuis iam ſuperiùs id admonuim, id eſt in ſecundo libro, vbi de linguarum neceſſaria cognitione diſſetui. Nam literæ à quibus ipſa grammatìca nomen accepit, *ῥεχμια* enim Græci litetas vocant, ſigna vtique ſonorum ſunt ad articulatam vocem qua loquimur pertinentium. Iſtorum autem troporum, non ſolum exempla omnium, ſed quorundam etiam nomina in diuinis libris leguntur, ſicut allegoria, ænigma, parabola. Quamuis penè omnes ij tropi qui liberali dicuntur arte cognosci, etiam in eorum reperiantur loquelis, qui nullos grammaticos audierunt, & eo quo vulgus vtitur ſermone contenti ſunt. Quis enim non dicit, ſic floreas? Qui tropus metaphora vocatur. Quis non dicit, piſcinam etiam quæ non habet piſces, nec facta eſt propter piſces, & tamen à piſcibus nomen accepit? Qui tropus catachreſis dicitur. Longum eſt iſto modo cæteros perſequi: nam vſque ad illos peruenit vulgi locutio, qui propterea mirabiliores ſunt, quia contra quàm dicitur ſignificant, ſicuti eſt quæ appellatur ironia vel antiphrasìs. Sed ironia pronunciatione indicat quid velit intelligi, vt cùm dicimus homini mala facienti, res bonas facis. Antiphrasìs verò, vt contraria ſignificet, non voce pronunciantis efficitur: ſed aut verba habet ſua quorum origo contraria eſt, ſicut appellatur lucus, quod minimè luceat: aut conſuevit aliquid ita dici, quamuis dicatur etiam non è contrario: veluti cùm quærimus accipere quod ibi non eſt, & reſpondetur nobis, abundat: aut adiunctis verbis facimus vt à contrario intelligatur quod loquimur, veluti ſi dicamus, caue illum, quia bonus homo eſt. Et quis talia non dicit, indoctus, nec omnino ſciens qui * ſint: vel quid vocentur hì tropi? Quorum cognitio propterea Scripturarum ambiguitatibus diſſoluendis eſt neceſſaria, quia cùm ſenſus ad proprietatem verborum ſi accipiat, abſurdus eſt, quærendum eſt

al * quid

utique ne fortè illo vel illo tropo dictum sit, quod non intelligimus: & sic plerâque inuenta sunt quæ latebant.

TERCONIVS quidam qui contra Donatistas inuidiosissime scripsit, cùm fuerit Donatista, & illic invenitur absurdissimi cordis, ubi eos non omni ex parte relinquere voluit, fecit librum quem Regularum vocavit, quia in eo quasdam septem regulas executus est, quibus quasi clauibus diuinarum Scripturarum aperirentur occulta. Quarum primam ponit de Domino & eius corpore: secundam de Domini corpore bipartito: tertiam de promissis & lege: quartam de specie & genere: quintam de temporibus: sextam de recapitulatione: septimam de diabolo & eius corpore. Quæ quidem considerata, sicut ab illo aperiuntur, non parùm adiuuant ad penetranda quæ testata sunt diuinorum eloquiorum. Nec tamen omnia, quæ ita scripta sunt, ut non faciliè intelligantur, possunt his regulis inueniri, sed aliis modis pluribus quos hoc numero septenario vsque ad eò non est iste complexus, ut idem ipse multa exponat obscura, in quibus harum regularum adhibet nullam, quoniam nec opus est. Neque enim aliquid illic tale versatur aut quæritur. Sicut in Apocalypsi Ioannis quærit, quemadmodum intelligendi sint Angeli Ecclesiarum septem quibus scribere iubetur, & ratiocinatur multipliciter, & ad hoc peruenit ut ipsos Angelos intelligamus Ecclesias. In qua copiosissima disputatione, nihil istarum est regularum, & utique res illic obscurissima quæritur, quod exempli gratia satis dictum sit. Nam colligere omnia nimis longum & nimis operosum est, quæ ita obscura sunt in Scripturis canonicis, ut nihil istorum septem ibi requirendum sit. Iste autem cùm has velut regulas commendaret, tantum eis tribuit, quasi omnia quæ in lege, id est in diuinis libris obscurè posita inuenerimus, his bene cognitis atque adhibitis intelligere valeamus. Ita quippe exorsus est eundem librum ut diceret: Necessarium duxi ante omnia quæ mihi videntur libellum regularum scribere, & secretorum legis veluti clauēs & luminaria fabricare. Sunt enim quædam regulæ mysticæ quæ vniuersæ legis recessus obtinent, & veritatis thesauros aliquibus inuisibiles faciunt. Quarum si ratio regularum sine inuidia ut communiamus accepta fuerit, clausa quæque patefient, & obscura dilucidabuntur, ut quisque prophetiæ immensam syluam,

Cap. xxx.
Regula
TERconii cuiusdam.

Apoc. 10.

perambulans, his regulis quodammodò quasi lucis tramitibus deductus ab errore defendatur. Hic si dixisset: Sunt enim quædam regulæ mysticæ, quæ nonnullos legis recessus obtinent, aut certè quæ legis magnos recessus obtinent: non autem quod ait, vniuersæ legis recessus: neque dixisset, clausa quæque patefient: sed, clausa multa patefient, verum dixisset: nec tam elaborato atque vtili operi suo plus quàm res ipsa polulat dando, in spem falsam lectorem eius cognitorémque misisset. Quod ideo dicendum putavi, vt liber ipse & legatur à studiosis, quia plurimùm adiuuat ad Scripturas intelligendas, & non de illo speretur tantum, quantum non habet: cautè sanè legendus est, non solùm propter quædam, in quibus vt homo errauit: sed maximè propter illa quæ sicut Donatista hæreticus loquitur. Quid autem doceant vel admo-
neant istæ septem regulæ breuiter ostendam.

Hæretici si
quid bene
dixerunt,
legendi, sed
cauti.

CAP. XXXI.
Ticonii re-
gula prima.

Gal. 3. 29.

Esai. 61. 10.

PRIMA de Domino & eius corpore est, in qua scientes aliquando capitis & corporis, id est Christi & Ecclesiæ vnā personam nobis intimari: neque enim frustra dictum est fidelibus: *Ergo Abraha semen estis, cum sis unum semen Abraha, quod est Christus*: non hæsitemus quando à capite ad corpus, vel à corpore transitur ad caput, & tamen non receditur ab vna eademque persona. Vna enim persona loquitur dicens, *Sicut sponsa imposuit mihi mitram, & sicut sponsam ornauit me ornamento*: & tamen quid horum duorum capiti, quid corpori, id est quid Christo, quid Ecclesiæ conueniat, vtrique intelligendum est.

CAP. XXXII.
Regula se-
cunda.

SECUNDA est de Domini corpore bipartito, quod quidem non ita debuit appellari. Non enim reuera Domini corpus est, quod cum illo non erit in æternum. Sed dicendum fuit, de Domini corpore vero atque permixto: aut vero atque simulato, vel quid aliud: quia non solùm in æternum, verumetiani nunc hypocritæ non cum illo esse dicendi sunt, quamuis in eius esse videantur Ecclesia. Vnde poterat ista regula & sic appellari, vt diceretur de permixta Ecclesia. Quæ regula lectorem vigilantem requirit, quando Scriptura cum ad alios iam loquatur, tanquam ad eos ipsos ad quos loquebatur videtur loqui: vel de ipsis cum de aliis iam loquatur, tanquam vnum sit vtrorumque corpus, propter temporalem communionem & communionem sacramentorum. Ad hoc pertinet

in Canticis canticorum: *Fusca sum & speciosa, ut tabernacula Cedar, speciosa sum ut pelles Salomonis.* Non enim ait, Fusca fui ut tabernacula Cedar, & speciosa fui ut pelles Salomonis: sed utrumque se esse dixit propter temporalem unitatem intra una retia piscium bonorum & malorum. Tabernacula enim Cedar ad Hissinaelem pertinent, qui non erit heres cum filio liberæ. Itaque cum de bona parte Deus dicat: *Du-* Esa. 42. 16.
cam cecos in viam quam non noverunt, & semitas quas non no-
verunt calcabunt, & faciam illis tenebras in lucem, & prava in di-
rectum: hac verba faciam, & non derelinquam eos. Mox de
 alia parte quæ malè permixta est, dicit: *Ipsi autem conuersi sunt*
retrosum, quamvis alij iam significantur his verbis. Sed quo-
 niam nunc in vno sunt, tanquam de ipsis loquitur, de quibus
 loquebatur: non tamen semper in vno erunt. Ipse est quippe
 ille seruus commemoratus in Euangelio, cuius Dominus cum Mat. 14. 51.
 venerit diuidet eum, & partem eius cum hypocritis ponet.

TERTIA regula est de promissis & lege, quæ alio modo Caput
XXIII.
Regula ter-
tia.
 dici potest de spiritu & litera, sicut nos eam appellauimus,
 cum de hac re librum scriberemus. Potest etiam sic dici, de
 gratia & mandato. Hæc autem magis mihi videtur magna
 quaestio quam regula, quæ soluendis quaestionibus adhiben-
 da est. Hæc est autem quam non intelligentes Pelagiani, vel
 condiderunt suam hæresim, vel auxerunt. Laborauit in ea
 dissoluenda Ticonius bene, sed non plenè. Disputans enim
 de fide & operibus, opera nobis dixit à Deo dari merito fidei:
 ipsam verò fidem sic esse à nobis, ut nobis non sit à Deo. Nec
 attendit Apostolum dicentem: *Pax fratribus & charitas cum* Eph. 6. 19.
fide à Deo Patre & Domino nostro Iesu Christo. Sed non erat
 expertus hanc hæresim: quæ nostro tempore exorta multum
 nos, ut gratiam Dei quæ per Dominum nostrum Iesum Chri-
 stum est aduersus eam defenderemus, exercuit: & secundum
 id quod ait Apostolus: *Oportet hereses esse, ut probati manifesti* 1. Cor. 11. 19.
fiant in vobis: multò vigilantiores diligentioresque red didit:
 ut aduerteremus in Scripturis sanctis, quod istum Ticonium
 minus attentum, minusque sine hoste sollicitum fugit, etiam
 ipsam scilicet fidem donum illius esse qui eius mensuram uni- Rom. 11. 3.
 cuique partitur. Ex qua sententia quibusdam dictum est,
Vobis donatum est pro Christo, non solum ut in eum credatis, ve-
rum etiam ut pro eo patiamini. Vnde quis dubitet utrumque Phil. 1. 19.

esse Dei donum, qui fideliter atque intelligenter audit verumque donatum? Plura sunt & alia testimonia quibus id ostenditur: sed hoc nunc non agimus, alibi autem atque alibi scriptissimè ista egimus.

Cap. XXIV.

Regula

quarta.

QUARTA verò Ticonij regula est de specie & genere. Sic enim eam vocant, volens intelligi speciem partem, genus autem totum, cuius ea pars est quam nuncupat speciem: sicut vnaquæque ciuitas pars est vtiq; vniuersitatis gentium: hanc ille vocat speciem, genus autem omnes gentes. Neque hic ea discernendi subtilitas adhibenda est quæ à dialecticis traditur, qui inter partem & speciem quid intersit acutissimè disputant. Eadem verò ratio est, si non de vnaquaque ciuitate, sed de vnaquaque prouincia vel gente vel regno tale aliquid in diuinis reperiatur eloquiis. Non solum enim, verbi gratia, de Hierusalem, vel de aliqua gentium ciuitate, siue Tyro, siue Babylone, siue alia qualibet dicitur aliquid in Scripturis sanctis quod modum eius excedat, & conueniat potius omni bus gentibus, verumetiam de Iudæa, de Ægypto, de Assyria, & quacunque alia gente in qua sunt plurimæ ciuitates, non tamen totus orbis, sed pars eius est, dicitur quod transeat eius modum, & congruat potius vniuerso cuius hæc pars est: vel sicut iste appellat, generi cuius hæc species est. Vnde & in notitiam vulgi verba ista venerunt, vt etiam idiotæ intelligant quid specialiter, quid generaliter in quocunque præcepto imperiali sit constitutum. Fit hoc etiam de hominibus, sicut ea quæ de Salomone dicuntur excedunt eius modum & potius ad Christum vel Ecclesiam, cuius ille pars est, relata clarescunt. Nec species semper exceditur: sæpe enim talia dicuntur, quæ vel ei quoque, vel ei fortasse tantummodò apertissimè congruant.

Psalm. 74

Ezech. 36.
17.

Sed cum a specie transitur ad genus, quasi adhuc de specie loquente Scriptura, vbi vigilare debet lectoris intentio, ne quærat in specie quod in genere potest melius & certius inuenire. Facile quippe est illud quod ait Propheta Ezechiel: *Domus Israel habitauit in terra: & polluerunt illam in via sua, & in idolis suis, & peccatis suis: secundum immunditiam menstruata facta est via eorum ante faciem meam: & effudi iram meam super eos, & dispersi illos inter nationes, & ventilaui eos in regiones, secundum vias eorum, & secundum peccata eorum iudicani eos.*

Facile

Facile est, inquam, hoc intelligere de illa domo Israel, de qua dicit Apostolus: *Videte Israel secundum carnem*: quia hæc omnia carnalis populus Israel & fecit & passus est. Alia etiã quæ sequuntur eidem intelliguntur populo conuenire. Sed cùm cœperit dicere: *Et sanctificabo nomen meum sanctum, illud magnum quod pollutum est inser nationes, quod polluistis in medio earum, & scient gentes quia ego sum Dominus*: iam intentus debet esse qui legit, quemadmodum species excidatur & adiungatur genus. Sequitur enim & dicit: *Et dum sanctificabor in vobis ante oculos eorum: & accipiam vos de gentibus, & congregabo vos ex omnibus terris, & inducam vos in terram vestram: & aspergam vos aqua munda, & mundabimini ab omnibus simulacris vestris, & mundabo vos, & dabo vobis cor nouum, & spiritum nouum dabo in vos: & auferam cor lapideum de carne vestra, & dabo vobis cor carneum, & spiritum meum dabo in vos: & faciam ut in iustitiis meis ambuletis, & iudicia mea custodiatis & faciatis: & habitabitis in terra quam dedi patribus vestris, & eritis mihi in populum, & ego ero vobis in Deum: & mundabo vos ex omnibus inmunditiis vestris*. Hoc de Nouo Testamento esse prophetatum, ad quod pertinet non solum vna gens illa in reliquiis suis, de quibus alibi scriptum est: *si fuerit numerus filiorum Israel, sicut arena maris, reliquia salua fient*: verum etiam in cæteris gentes quæ promissæ sunt patribus eorum qui etiam nostri sunt: non ambigit quisquis intuetur, & lauacrum regenerationis hic esse promissum, quod nunc videmus omnibus gentibus redditum: Et illud quod ait Apostolus, cùm noui Testamenti gratiam commendaret, ut in comparatione Veteris emeretur: *Epistola nostra vos estis, scripta non a stramento, sed spiritu Dei viui, non in tabulis lapideis, sed in tabulis cordis carnalibus*: hinc esse respicit & perspicit dictum ubi iste Propheta dicit: *Et dabo vobis cor nouum, & spiritum nouum dabo in vos, & auferam cor lapideum de carne vestra, & dabo vobis cor carneum*. Cor quippe carneum, vnde ait Apostolus, *tabulis cordis carnalibus*, à corde lapideo voluit vitam sentientem discerni, & per vitam sentientem significauit intelligentem.

Sic fit Israël spiritualis, non vnius gentis, sed omnium quæ promissæ sunt patribus in eorum semine quod est Christus. Hic ergo Israël spiritualis ab illo Israël carnali, qui est vnius gentis, nouitate gratiæ, non nobilitate patriæ, & mente, non

gente distinguitur. Sed altitudo prophetica dum de illo vel ad illum loquitur, latenter tranſit ad hunc: & cùm iam de isto vel ad istum loquatur, adhuc de illo vel ad illum loqui videtur: non intellectum ſcripturarum nobis quaſi hoſtiliter inuidens, ſed exercens medicinaliter cor noſtrum. Vnde & illud quod ait: *Et inducam vos in terram veſtram*: & paulò poſt, tanquam idipſum tepetens: *Et habitabitis*, inquit, *in terra quam dedi p.atribus veſtris*, non carnaliter ſicut carnalis Iſrael, ſed ſpiritualiter, ſicut ſpiritualis Iſraël, debemus accipere. Eccleſia quippe ſine macula & ruga ex omnibus gentibus congregata, atque in æternum regnatura cum Chriſto, ipſa eſt terra beatorum, terra viuentium: ipſa eſt intelligenda patribus data, quando eis cetta & immutabili Dei voluntate promiſſa eſt: quoniam ipſa promiſſionis vel prædeſtinationis firmitate iam data eſt, quæ danda ſuo tempore à patribus credita eſt, ſicut de ipſa gratia quæ ſanctis datur, ſcribens ad Timotheum Apoſtolus ait: *Non ſecundum opera noſtra, ſed ſecundum ſuum propoſitum & gratiam qua data eſt nobis in Chriſto Ieſu ante ſæcula æterna, manifeſtata autem nunc per aduentum Saluatoris noſtri*. Datam dixit gratiam, quando nec erant adhuc quibus daretur: quoniam in diſpoſitione ac prædeſtinatione Dei iam factum erat, quod ſuo tempore futurum erat, quo eſſe dicit manifeſtatam. Quamuis hæc poſſint intelligi, & de terra futuri ſæculi, quando erit cælum nouum & terra noua, in qua iniuſti habitare non poterunt. Et ideò rectè dicitur piis, quòd ipſa ſit terra eorum, quæ vlla ex parte non erit impiorum: quia & ipſa ſimiliter data eſt quando danda firmata eſt.

Cap. xxxv.
Regula
quinta.

Luc. 9. 28.
Matt. 17. 1.
& 9. 2.

QVINTAM Ticonius regulam ponit, quam de temporibus appellat, quâ regulâ plerunque inueniti vel coniti poſſit latens in Scripturis ſanctis quantitas temporum. Duobus autem modis vigere dicit hanc regulam, aut tropo ſynecdoche, aut legitiimis numeris. Tropus ſynecdoche, aut à parte totum, aut à toto partem facit intelligi: ſicut vnus I uangelista poſt dies octo factum dicit, quod alius poſt dies ſex, quando in monte diſcipulis tantum tribus præſentibus, facies Domini vt ſol reſplenduit, & veſtimenta eius ſicut nix. Vtrumque enim verum eſſe non poſſet, quod de numero dierum dictum eſt, niſi ille qui dixit, poſt dies octo, intelligatur

partem nouissimam diei ex quo id Christus prædixit futurum, & partem primam diei quo id ostendit impletum, pro totis diebus duobus atque integris posuisse: is verò qui dixit, post dies sex, integros omnes & totos, sed solos medios computasse. Hoc modo locutionis quo significatur à parte totum, etiam illa de resurrectione Christi soluitur quæstio. Pars enim nouissima diei, quo passus est, nisi pro toto die accipiat, id est adiuncta etiam nocte præterita, & nox in cuius parte vltima resurrexit, nisi totus dies accipiat, adiuncto scilicet die illucescente Dominico, non possunt esse tres dies & tres noctes, quibus se in corde terræ prædixit futurum. Legitimos autem numeros dicit, quos eminentius diuina Scriptura commendat, sicut septenarium vel denarium vel duodenarium, & quicumque alij sint quos legendo studiosi libenter agnoscunt. Plerumque enim huiusmodi numeri pro vniuerso tempore ponuntur; sicut *Septies in die laudem dixi tibi*: nihil est aliud quàm, Semper laus eius in ore meo. Tantundem valent, & cum multiplicantur siue per denarium, sicut septuaginta & septingenti, vnde possunt & septuaginta anni Hieremiæ pro vniuerso tempore spiritaliter accipi, quo est apud alienos Ecclesia, siue per seiplos, sicut decem per decem, centum sunt: & duodecim per duodecim, centum quadraginta quatuor, quo numero significatur vniuersitas sanctorum in Apocalypsi. Vnde apparet non solas temporum quæstiones istis numeris esse soluendas: sed latius patere significationes eorum & in multa prosperare. Neque enim numerus iste in Apocalypsi ad tempora pertinet, sed ad homines.

Mat. 11. 40.

Psal. 119. 74.
164.

SEXTAM regulam Ticonius recapitulationem vocat in obscuritate Scripturarum satis vigilanter inuentam. Sic enim dicuntur quædam quasi sequantur in ordine temporis, vel rerum continuatione narrentur, cum ad priora quæ prætermissa fuerant, latenter narratio reuocetur. Quod nisi ex hac regula intelligatur, erratur. Sicut in Genesi: *Et plantauit, inquit, Dominus Deus paradysum in Eden ad Orientem, & posuit ibi hominem quem formauit, & produxit Deus adhuc de terra omne lignum speciosum & bonum in escam.* Ita videtur dictum tanquam id factum sit posteaquam factum posuit Deus hominem in paradysum, cum breuiter vtroque commemorato, id est quod plantauit Deus paradysum, & posuit ibi hominem quem

Caput.
XXVI.
Ordo nar-
rationis in-
uersus, quo
ratione ex-
plicatur.

Gen. 1. 8.

formavit, recapitulando redeat & dicat quod prætermiserat, quomodo scilicet paradysus fuerit plantatus, quia produxit Deus adhuc de terra omne lignum speciosum & bonum in escam. Denique secutus adiunxit: *Et lignum vite in medio paradysi, & lignum scientie boni & mali*. Deinde flumen quo paradysus irrigaretur, diuisum in quatuor principia fluuiorum quatuor explicatur, quod totum pertinet ad institutionem paradysi. Quod ubi terminauit, repetiuit illud quod iam dixerat, & reuera hoc sequebatur atque ait: *Et sumpsit Dominus Deus hominem quem fecerat, & posuit eum in paradiso, &c.* Post illa enim facta ibi est positus homo, sicut nunc ordo ipse demonstrat: non post hominem ibi positum facta sunt ista, sicut prius dictum putari potest, nisi recapitulatio illic vigilanter intelligatur, qua redditum est ad ea quæ fuerant prætermissa.

Itemque in eodem libro, cum commemorarentur generationes filiorum Noë, dictum est: *Hi filij Cham in tribus suis, secundum linguas suas in regionibus suis & in gentibus suis*. Enumeratis quoque filiis Sem, sequitur: *Hi filij Sem in tribus suis, secundum linguas suas in regionibus suis & in gentibus suis*. Et additur de omnibus, *Ha tribus filiorum Noë, secundum generationes eorum & secundum gentes eorum. Ab his dispersa sunt insule gentium super terram post diluuium.* * *Et erat omnis terra labium unum, & vox una omnibus.* Hoc itaque quod adiunctum est: *Et erat omnis terra labium unum, & vox una omnibus*, id est, vna lingua omnium, ita dictum videtur tanquam eo iam tempore quo dispersi fuerant super terram, etiam secundum insulas gentium vna fuerit omnibus lingua communis. Quod procul dubio repugnat superioribus verbis ubi dictum est, *In tribus secundum linguas suas*. Neque enim dicerentur habuisse iam linguas suas singulæ tribus quæ gentes singulas fecerant, quando erat omnibus vna communis: ac per hoc recapitulando adiunctum est, *Et erat omnis terra labium unum & vox una omnibus*, latenter narratione redeunte, ut diceretur quomodo factum sit, ut ex vna omnium lingua fuerint diuisi per multas. Et continuo de illa turris ædificatione narratur, ubi hæc eis iudicio diuino ingesta est pœna superbiæ, post quod factum dispersi sunt super terram secundum linguas suas. Fit ista recapitulatio etiam obscurius, sicut in Euangelio dicit

Gen. 10. 10. secundum.
70.
Ibid. 31.
* Gen. 11. 1.
L. 17. 29.

perdidit omnes : secundum hac eris dies filij hominis quo reuelabitur. Illa hora, qui eris in tecto & vasa eius in domo, non deferat tollere illa. Et qui in agro, similiter non reuertatur retrò : *memineris uxoris Loth* : Nunquid cum Dominus fuerit reuelatus, tunc sunt ista seruanda, ne quisque retrò respiciat, id est vitam præteritam cui renunciauit inquirat, & non potius isto tempore, ut cum Dominus fuerit reuelatus retributionem pro eis quæ quisque seruauit vel contempsit inueniat? Et tamen quia dictum est, *In illa hora*, tunc putantur ista seruanda, cum fuerit Dominus reuelatus, nisi ad intelligendam recapitulationem sensus legentis inuigilet, adiuuante alia Scriptura, quæ ipsorum Apostolorum adhuc tempore clamauit: *Filij nouissima hora est*. Tempus ergo ipsum quo Euangelium prædicatur, quousque Dominus reueletur, hora est in qua oportet ista seruari, quia & ipsa reuelatio Domini ad eandem horam pertinet, quæ die iudicij terminabitur.

Geo. 19. 16.

1. Iosn. 2. 18.

Rom. 1. 5. & 11. 16.

Caput
xxxv 12.
Regula 80.
prima.

SEPTIMA Ticonij regula est, eadèmq; postrema de diabolo & eius corpore. Est enim & ipse caput impiorum, qui sunt eius quodammodò corpus, ituri cum illo in supplicium æterni ignis: sicut Christus caput est Ecclesiæ, quæ est corpus eius futurum cum illo in regno & gloria sempiterna. Sicut ergo in prima regula, quam vocat de Domino & eius corpore, vigilandum est ut intelligatur, cum de vna eadèmq; persona Scriptura loquitur, quid conueniat capiti, quid corpori: sic & in ista nouissima aliquando in diabolum dicitur, quod non in ipso, sed potius in eius corpore posset agnosci, quod habet non solum in eis qui manifestissime foris sunt, sed in eis etiam qui cum ad ipsum pertineant, tamen ad tempus miscentur Ecclesiæ, donec vnusquisque de hac vita exeat, vel à frumento palea ventilabro ultimo separetur: Quod enim scriptum est apud Esaïam: *Quomodo cecidis de caelo Lucifer mansuriens*, & cætera quæ sub figura regis Babyloniarum de eadem persona vel ad eandem personam dicta sunt in ipsa contextione sermonis, de diabolo vtiq; intelliguntur: & tamen quod ibi dictum est: *Constituitur est in terra qui mittit ad omnes gentes*, non totum ipsi capiti congruit. Nam etsi mittit ad omnes gentes diabolus angelos suos, tamen in terra corpus eius, non ipse conteritur, nisi quia ipse est in corpore suo quod contritum sit & puluis, quem proiecit ventus à facie terræ.

Luc. 3. 17.

Esa. 14. 12.

Psal. 1. 4.

Hæ autem omnes regulæ, excepta una quæ vocatur de promissis & lege, aliud ex alio faciunt intelligi, quod est proprium tropicæ locutionis, quæ latius patet quam ut possit, ut mihi videtur, ab aliquo vniuersa comprehendendi. Nam ubicunque velut aliud dicitur ut aliud intelligatur, etsi nomen ipsius tropi in loquendi arte non inuenitur, tropica locutio est. Quæ cum sit ubi fieri solet, sine labore sequitur intellectus, cum verò ubi non solet, laboratur ut intelligatur, ab aliis magis, ab aliis minùs, sicut magis minùsve dona Dei sunt in ingeniis hominum, vel adiutoria tribuuntur. Proinde sicut in verbis propriis, de quibus superius disputauimus, ubi res ut dicuntur intelligendæ sunt: sic in translatis quæ faciunt tropicas locutiones, ubi aliud ex alio intelligendum est, de quibus hucusque quantum visum est satis egimus: non solum admonendi sunt studiosi venerabilium literarum, ut in scripturis sanctis genera locutionum sciant, & quomodo apud eas aliquid dici soleat, vigilanter aduertant memoriterque retineant, verum etiam, quod est præcipuum & maximè necessarium, orent ut intelligant. In eis quippe literis quarum studiosi sunt legunt, quoniam Dominus dat sapientiam, & à facie eius scientia & intellectus, à quo & ipsum studium, si pietate præditum est, acceperunt. Sed hæc satis etiam de signis, quantum ad verba pertinent, dicta sint. Restat ut de proferendis eis quæ sentimus, sequenti volumine quæ Dominus donauerit differamus.

Isa. l. 5.
Prou. 2. 6.

LIBER QVARTVS.

Prologus.



O c opus nostrum quod inscribitur de doctrina Christiana, in duo quædam fueram prima distributione partitus. Nam post præmium quo respondi eis, qui hoc fuerant reprehensuri, duæ sunt res, inquam, quibus nititur omnis tractatio Scripturarum: modus inueniendi quæ intelligendæ sunt, & modus proferendi quæ intellectæ sunt. De inueniendo priùs, de proferendo postea differemus. Quia ergo de inueniendo multa iam diximus, & tria de hac una parte volumina.

absoluimus, Domino adiuuante, de proferendo pauca dicemus, vt si fieri potuerit, vno libro cuncta claudamus, totumque hoc Opus quatuor voluminibus terminetur.

PRIMO itaque expectationem legentium, qui fortè me putant rhetorica daturum esse præcepta, quæ in scholis secularibus & didici & docui, ista prælocutione prohibeo, atque vt à me non expectentur, admoneo: non quòd nihil habeant vtilitatis, sed si quid habent, seorsum dicendum est, si cui fortassis bono viro etiam hæc vacat discere, non autem à me vel in hoc Opere, vel in aliquo alio requirendum.

NAM cum per artem rhetoricam & vera suadeantur & falsa, quis audeat dicere aduersus mendacium in defensoribus suis inermem debere consistere veritatem: vt videlicet illi qui res falsas persuadere conantur, nouerint auditorem vel beneuolum vel intentum vel docilem proœmio facere, isti autem non nouerint? Illi falsa breuiter, apertè, verisimiliter: & isti vera sic narrent, vt audire tædeat, intelligere non pateat, credere postremò non libeat? Illi fallacibus argumentis veritatem oppugnent, asserant falsitatem: isti nec vera defendere, nec falsa valeant refutare? Illi animos audientium in errorem mouentes impellentésque dicendo terreant, contristant, exhilarant, exhortentur ardentem, isti pro veritate lenti frigidique dormitent? Quis ita desipiat, vt hoc sapiat? Cum ergo sit in medio posita facultas eloqui, quæ ad persuadenda seu praua seu recta valeat plurimum, cur non bonorum studio comparatur, vt niliter veritati, si eam mali ad obtinendas peruersas vanásque causas in vsus iniquitatis & erroris vsutuant?

SED quæcunque sunt de hac re obseruationes atque præcepta, quibus cum accedit in verbis plurimorum ornamentisque verborum exercitationis linguæ solertissima consuetudo, fit illa quæ facundia vel eloquentia nominatur, extra istas literas nostras, seposito ad hoc congruo temporis spatio, apta & conuenienti arte discenda sunt eis qui hoc celeriter possunt. Nam & ipsos Romanæ eloquentiæ principes non piguit dicere, quòd hanc artem nisi quis citò possit, nunquam omnino possit perdiscere. Quod vtrum verum sit, quid opus est quærere? Non enim etiam si possint hæc à tardioribus tandem aliquando perdisci, nos ea tantum pendimus, vt eis discendis iam

Cap. v.
*Quid lecto-
ri exprimen-
dum hoc li-
bro.*

Cap. vi.
*Rhetorica
tam falsa
quam vera
persuadet.*

Cap. vii.
*Rhetoricam
nisi quis cito
discat, nunquam
discit.*

Ex Cicerone
de Oratore.

maturas vel etiam graues hominum ætates velimus impendisse. Satis est ut adolescentulorum ista sit cura, nec ipsorum omnium quos utilitati ecclesiasticæ cupimus erudiri, sed eorum quos nondum magis vrgens, & huic rei sine dubio præponenda necessitas occupauit. Quoniam si acutum & feruens adsit ingenium, facilius adhæreret eloquentia legentibus & audientibus eloquentes, quàm eloquentiæ præcepta sectantibus. Nec desunt ecclesiasticæ literæ etiam præter canonem in auctoritatis arce salubriter collocatum, quas legendo homo capax, etsi id non agat, sed tantummodò rebus quæ ibi dicuntur intentus sit, etiam eloquio quo dicuntur, dum in his versatur, imbuitur, accedente vel maximè exercitatione siue scribendi siue dictandi, postremò etiam dicendi, quæ secundum pietatis ac fidei regulam sentit. Si autem tale desit ingenium, nec illa rhetorica præcepta capiuntur, nec si magno labore inculcata quantulacunque ex parte capiantur, aliquid profunt: quandoquidem etiam ipsi qui ea didicerunt, & copiosè ornatèque dicunt, non omnes ut secundum ipsa dicant, possunt ea cogitare cum dicunt, si non de his disputant: imò verò vix vltos eorum esse existimo, qui vtrunque possint, & dicere bene, & ad hoc faciendum præcepta illa dicendi cogitare, cum dicunt. Cauendum est enim ne fugiant ex animo quæ dicenda sunt, dum attenditur ut arte dicantur. Et tamen in sermonibus atque dictionibus eloquentium, impleta teperiuntur præcepta eloquentiæ, de quibus illi ut eloquerentur, vel cum loquerentur, non cogitauerunt, siue illa didicissent, siue ne attigissent quidem. Implent quippe illa quia eloquentes sunt, non adhibent ut sint eloquentes. Quapropter cum ex infantibus loquentes non fiant, nisi locutiones discendo loquentium: cur eloquentes fieri non possint nulla eloquendi arte tradita, sed elocutiones eloquentium legendo & audiendo, & quantum assequi conceditur imitando? Quid quod ita fieri ipsis quoque experimur exemplis? Nam sine præceptis rhetoricis nouimus plurimos eloquentiores plurimis qui illa didicerunt: sine lectis verò & auditis eloquentium disputationibus vel dictionibus neminem. Nam neque ipsa arte grammatica qua discitur locutionis integritas, indigerent pueri, si eis inter homines qui integrè loquerentur, crescere daretur & viuere. Nescientes quippe vlla nomina vitiorum, quicquid vitiorum, cuius-

cuiusquam ore loquentis audirent, sana sua consuetudine reprehenderent & cauerent, sicut rusticos urbani reprehendunt, etiam qui literas nesciunt.

DEBET igitur diuinarum Scripturarum tractator & doctor, defensor rectæ fidei, ac debellator erroris, & bona docere, & mala dedocere: atque in hoc opere sermonis conciliare auersos, reuissos erigere, nescientibus quid agatur, quid expectare debeant intimare. Vbi autem beneuolos, intentos, dociles aut inuenerit, aut ipse fecerit, cætera peragenda sunt, sicut causa postulat. Si docendi sunt qui audiunt, narratione faciendum est, si tamen indigeat ut res de qua agitur innotescat. Ut autem quæ dubia sunt certa fiant, documentis adhibitis ratiocinandum est. Si verò qui audiunt monendi * sunt potius quàm docendi, ut in eo quod iam sciunt, agendo non torpeant, & rebus assensum quas veras esse fatentur accommodent, maioribus dicendi viribus opus est. Ibi obsecrationes, & increpationes, concitationes & coerciones, & quæcunque alia valent ad commouendos animos, sunt necessaria. Et hæc quidem cuncta quæ dixi, omnes ferè homines in iis quæ loquendo agunt *, facere non quiescunt.

Cap. 17.
Officiū do-
ctoris Chri-
stiani.

al. * mouen-
di.

al. * arguēt.

SED cū alij faciant obtusè, deformiter, frigide, alij acutè, ornatè, vehementer, illum ad hoc opus vnde agimus, iam oportet accedere, qui potest disputare vel dicere sapienter, etiam si non potest eloquenter, ut prosit audientibus, etiam si minus prodesset, quàm si & eloquenrer posset dicere Qui verò affluit insipienti eloquentia, tantò magis cauendus est, quantò magis ab eo in iis quæ audire inutile est, delectatur auditor, & cum quoniam disertè dicere audit, etiam verè dicere existimat. Hæc autem sententia nec illos fugit, qui artem rhetoricam docendam putarunt: falsi sunt enim sapientiam sine eloquentia parum prodesse ciuibus, eloquentiam verò sine sapientia nimium obesse plerumque, prodesse nunquam. Si ergo hoc illi qui præcepta eloquentiæ tradiderunt, in eisdem libris in quibus id egerunt veritate instigante coacti sunt confiteri, veram, hoc est supernam, quæ à Patre luminum descendit, sapientiam nescientes: quantò magis nos non aliud sentire debemus, qui huius sapientiæ filij & ministri sumus? Sapienter autem dicit homo tantò magis vel minùs, quantò in Scriptu-

Cap. 7.
De variis
dicendi ge-
neribus.

Verba Cice-
ronis ex 1.
libro De in-
uentione.

Iacobi 17.
c. 3. 25.

ris sanctis magis minúſve profecit. Non dico in eis multum legendis memoriæque mandandis, ſed bene intelligendis, & diligenter earum ſenſibus indagandis. Sunt enim qui eas legunt, & negligunt: legunt vt teneant, negligunt ne intelligant. Quibus longè ſine dubio præferendi ſunt, qui verba earum minus tenent, & cor earum ſui cordis oculis vident. Sed verſi- que ille melior, qui & cùm volet eas dicit, & ſicut oportet in- telligit. Huic ergo qui ſapienter debet dicere, etiam quod non poteſt eloquenter, verba Scripturarum tenere maximè neceſſarium eſt. Quantò enim ſe pauperiorem cernit in ſuis, tantò eum oportet in iſtis eſſe ditiorẽ: vt quod dixerit ſuis verbis, probet ex illis, & qui propriis verbis minor erat, ma- gnoꝝ teſtimonio quodammodo creſcat. Probando enim de- lectat, qui minus poteſt delectare dicendo. Porro qui non ſo- lùm ſapienter, verumetiam eloquenter vult dicere, quoniam profeſſò plus proderit, ſi vtrumque potuerit, ad legendos vel audiendos & exercitatione imitandos eloquentes eum multo libentiùs, quàm magiſtris artis rhetoricæ vacare præcipio: ſi tamen ij qui leguntur & audiuntur, non ſolùm eloquenter, ſed etiam ſapienter dixiſſe vel dicere veraci prædicatione lau- dantur. Qui enim eloquenter dicunt, ſuauiſter: qui ſapien- ter, ſalubriter audiuntur. Propter quod non ait ſcriptura,

Sap. 6. d. 26. Multitudo eloquentium, ſed Multitudo ſapientium ſanctas eſt orbis terrarum. Sicut autem ſæpe ſumenda ſunt & amara ſalu- bria, ita ſemper vitanda eſt pernicioſa dulcedo. Sed ſalubri ſuauiſſe, vel ſuaui ſalubritate, quid melius? Quantò enim magis illic appetitur ſuauiſſe, tantò faciliùs ſalubritas pro- deſt. Sunt ergo eccleſiaſtici viri qui diuina eloquia non ſolùm ſapienter, ſed eloquenter etiam tractauerunt. Quibus legen- dis magis non ſufficit tempus, quàm deeſſe ipliſtudentibus & vacantiſſe poſſunt.

Cap. vi.
In ſacris
eſſe ſanctam
eloquentiã.

Hic aliquis forſitan quaerit, vtrum autores noſtri, quorum ſcripta diuinitùs inſpirata canonem nobis ſaluberrimã auto- ritate fecerunt, ſapientes tantummodo, an eloquentes etiam nuncupandi ſunt? Quæ quidem quaſtio apud meipſum & apud eos qui mecum quod dico ſentiunt, faciliſſimè ſoluitur. Nam vbi eos intelligo non ſolùm nihil eis ſapientius, verum- etiam nihil eloquentius mihi videri poteſt. Et audeo dicere, omnes qui rectè intelligunt quod illi loquuntur, ſimul intel-

ligere non eos aliter loqui debuissē. Sicut est enim quæ tam eloquentia quæ magis ætatem iuuenilem decet, est quæ senilem, nec iam dicenda est eloquentia, si personæ non congruat eloquentis: ita est quædam quæ viros summa auctoritate dignissimos planèque diuinos decet. Hac illi locuti sunt, nec ipsos decet alia, nec alios ipsa: ipsis enim congruit, alios autem quantò videtur humilior, tantò altiùs non ventositate, sed soliditate transcendit. Vbi verò non eos intelligo, minùs quidem mihi apparet eorum eloquentia, sed eam tamen non dubito esse talem, qualis est ubi intelligo. Ipsa quoque obscuritas diuinorum salubriumque dictorum tali eloquentiæ miscenda fuerat, in qua proficere noster intellectus, non solum inuentione, verumetiam exercitatione deberet. Possem quidem si vacaret, omnes virtutes & ornamenta eloquentiæ, de quibus instantur isti qui linguam suam nostrorum aucto- rum linguæ non magnitudine, sed timore præponunt, ostendere in istorum literis sacris, quos nobis erudiendis, & ab hoc seculo prauo in beatum seculum transferendis, prouidentia diuina prouidit. Sed non ipsa me plus quàm dici potest in illa eloquentia delectant, quæ sunt his viris cum oratoribus gentilium poetisve communia. Illud magis admiro & stupeo, quòd istà nostrà eloquentià ita vsi sunt per alteram quandam eloquentiam suam, vt nec eis deesset, nec emineret in eis: quia eam nec improbari ab illis, nec ostentari oportebat: quorum alterum fieret si vitaretur, alterum putari posset, si facillè agnosceretur. Et in quibus fortè locis agnoscitur à doctis, tales res dicuntur, vt verba quibus dicuntur non à dicente adhibita, sed ipsis rebus velut sponte subiuncta videantur: quasi sapientiam de domo sua, id est pectore sapientis procedere intelligas, & tanquam inseparabilem famulam etiam non vocatam sequi eloquentiam.

QVI S enim non videat quid voluerit dicere, & quàm sapienter dixerit Apostolus: *Gloriamur in tribulationibus, scientes quia tribulatio patientiam operatur, patientia autem probationem, probatio verò spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.* Hic si quis, vt ita dixerim, imperitè peritus artis eloquentiæ præcepta Apostolum secutum fuisse contendat, non à Christianis doctis, indoctisque ridebitur? Et tamen a-

Cap. vii.
Pulchrè dicitur adductis exemplis in Sacris literis inesse germanam eloquentiã, quæ sapientia adhaeret velut inse-

parabiles ca-
met.
Rpm. 5. 25.

gnosceat hęc figura quę κλιμαξ Gręcę, Latine verò à quibus-
dam est appellata gradatio, quoniam scalam dicere nolue-
runt, cùm verba vel sensa connectuntur alterum ex altero : si-
cut hęc, ex tribulatione patientiam, ex patientia probationem,
ex probatione spem connexam videmus. Agnosceat & aliud
decus, quoniam post aliqua pronunciationis voce singula fi-
nita, quę nostri membra & cęsa, Gręci autem *ῥήματα* & *ἀντιμύηται*
vocat, sequitur ambitus siue circumitus quem *περιόδοι* illi ap-
pellant, cuius membra suspenduntur voce dicētis, donec vlti-
mo finiantur. Nam eorum quę præcedunt circumitum, mem-
brum illud est primum, quoniam tribulatione patientiam ope-
ratur : secundum, patientia autem probationem : tertium,
probatio verò spem. Deinde subiungitur ipse circumitus, qui
tribus peragitur membris : quorum primum est, spes autem
non confundit : secundum, quia charitas Dei diffusa est in
cordibus nostris : tertium, per Spiritum sanctum qui datus est
nobis. At hęc atque huiuscemodi in elocutionis arte tradun-
tur. Sicut ergo Apostolum præcepta eloquentiæ secutum
fuisse non dicimus, ita quod eius sapientiam secuta sit elo-
quentia, non negamus.

1. Cor. 11.
26.

Scribens ad Corinthios in secunda epistola, redarguit
quosdam qui erant ex Iudæis pseudoapostoli, eique detrahe-
bant. Et quoniam seipsum prædicare compellitur, hanc sibi
velut insipientiam tribuens, quàm sapienter dicit, quàmque
eloquenter? Sed comes sapientiæ, dux eloquentiæ, illam se-
quens, istam præcedens & sequentem non respuens. *Iterum
dico, inquit, ne quis me existimet insipientem esse, alioquin velut
insipientem suscipite me, ut & ego modicum quid glorier. Quod
loquor, non loquor secundum Deum, sed quasi in stultitia in hac
substantia gloria: quoniam quidem multi gloriantur secundum car-
nem, & ego gloriabor. Libenter enim sustinctis insipientes, cùm sitis
ipsi sapientes. Toleratis enim si quis vos in servitutem redigit, si
quis decuratur, si quis accipit, si quis extollitur, si quis in faciem vos
cedit: secundum ignobilitatem dico, quasi nos infirmati simus. In
quo quis audet, in insipientia dico, audio & ego. Hebræi sunt? &
ego. Israëlita sunt? & ego. Semen Abrahe sunt? & ego. Ministri
Christi sunt? & ego. Insipiens dico, super ego*. In laboribus pla-
rimum, in carceribus abundantius, in plagis supra modum, in
mortibus frequenter. A Iudæis quinquies quadraginta una minis*

Supr. ego,
Gręcę *ὑπερ*
ἐγώ, id est,
ego amplius,
sine magis
ego : verbu

accepi. Ter virgis casus sum, semel lapidatus sum, ter naufragium feci: nocte & die in profundo maris fui. In itineribus saepe, ^{angis red-} periculis fluminum, periculis latronum, periculis ex genere, periculis ex gentibus, periculis in ciuitate, periculis in deserto, periculis in mari, periculis in falsis fratribus. In labore & arumna, in vigiliis sapius, in fame & siti, in ieiuniis multis, in frigore & nuditate, prater illa quae extrinsecus sunt, incursum in me quotidianas, sollicitudo omnium ecclesiarum. Quis infirmatur, & ego non infirmor? Quis scandalizatur, & ego non vror? Si gloriari oportet, in iis quae infirmitatis meae sunt, gloriabor. Quanta sapientia ista sunt dicta vigilantes vident.

Quanto verò eloquentiae cucurterint flumine, & qui stertit aduertit. Portò autem qui nouit agnoscit, quod ea caesa, quae commata Graeci vocant, & membra, & circumitus, de quibus paulò antè disserui, cum decentissima varietate interponerentur, totam istam speciem dictionis, & quasi eius vultum, quo etiam indocti delectantur mouenturque, fecerunt. Nam vnde cepimus hunc locum inferere, circumitus sunt, primus minimus, hoc est bimembris, minùs enim quàm duo membra circumitus habere non possunt, plura verò possunt: ergo ille primus est: *Iterum dico, ne quis me existimet insipientem esse.* Sequitur alius trimembris: *Alioquin velut insipientem suscipite me, ut & ego modicum quid glorier.* Tertius qui sequitur membra habet quatuor: *Quod loquor, non loquor secundum Deum, sed quasi in stultitia, in hac substantia gloriae.* Quartus duo habet: *Quandoquidem multi gloriantur secundum carnem, & ego gloriabor.* Et quintus habet duo: *Libenter enim sustinetis insipientes, cum sitis ipsi sapientes.* Etiam sextus bimembris est: *Toleratis enim, si quis vos in seruitutem redigit.* Sequuntur tria caesa: *Si quis denorat, si quis accipit, si quis extollitur.* Deinde tria membra: *Si quis in faciem vos cadit, secundum ignobilitatem dico, quasi nos infirmati simus.* Additur trimembris circumitus: *In quo tamen quis audeat, in insipientia dico, audeo & ego.* Hinc iam singulis quibusque caesis interrogando positis, singula itidem caesa responsione redduntur, tria tribus: *Hebraei sunt? & ego. Israelita sunt? & ego. Semen Abrahae sunt? & ego.* Quarto autem caeso simili interrogatione posito, non alterius caesi, sed membri oppositione respondet: *Ministri Christi sunt? Insipiens dico, super ego.* Iam caesa quatuor sequentia, remota decentissime

Artificium
rhetorice.

interrogatione funduntur: *In laboribus plurimum, in carceribus abundantius, in plagis supra modum, in mortibus frequenter.* Deinde interponitur brevis circumitus, quoniam suspensa pronuntiatione distinguendum est: *A Iudeis qui quies.* ut hoc sit vnum membrum, cui connectitur alterum, *quadraginta vna minus accepi.* Inde reditur ad casu, & ponuntur tria: *Ter virgis casus sum, semel lapidatus sum, ter naufragium feci.* Sequitur membrum: *Nocte ac die in profundo maris fui.* Deinde quatuordecim casu decentissimo impetu profluunt: *In itineribus saepe, periculis fluminum, periculis latronum, periculis ex genere, periculis ex gentibus, periculis in civitate, periculis in deserto, periculis in mari, periculis in falsis fratribus, in labore & arumna, in vigiliis saepius, in fume & siti, in ieiuniis multis, in frigore & nuditate.* Post hæc interponit trimembrem circumitum: *Præter illa quæ extrinsecus sunt, incursum in me quotidianus, sollicitudo omnium Ecclesiarum.* Et hinc * duo membra perconatione subiungit: *Quis infirmatur, & ego non infirmor? Quis scandalizatur, & ego non vror?* Postremo totus iste quasi anhelans locus, bimbri circumitu terminatur: *Si gloriari oportet, in iis quæ infirmitatis meæ sunt gloriabor.* Quod verò post hunc impetum interposita narratiuncula quodammodo requiescit, & requiescere facit auditorem, quid decoris, quid delectationis habeat, satis dici non potest. Sequitur enim dicens: *Deus & Pater Domini nostri Iesu Christi scit, qui est benedictus in secula, quod non mentior.* Ac deinde quomodo periclitatus fuerit, & quomodo euasit breuissimè narrat. Longum est cætera persequi, vel in aliis sanctarum Scripturarum locis ista monstrare. Quid si etiam figuras locutionis quæ illa arte traduntur, in iis saltem quæ de Apostoli eloquio commemoravi, ostendere voluissent? Nonne facilius graves homines nimium, quàm quisquam studiosorum tibi sufficientem putarent? Hæc omnia quando à magistris docentur, pro magno habentur, magno precio emuntur, magna iactatione venduntur. Quam iactationem etiam ego redolere vereor, dum ista sic dissero. Sed malè doctis hominibus respondendum fuit, qui nostros auctores contemnendos putant, non quia non habent, sed quia non ostentant quam nimis isti diligunt eloquentiam. Sed fortè quis putat, tanquam eloquentem nostrum elegisse me apostolum Paulum. Videtur enim vbi ait: *Et si imperitus*

4. * huic.

2. Cor. 11. 2.

1. Cor. 11. 6.

sermone, sed non scientia: quasi concedendo obtrectatoribus sic locutus, non tanquam id verum agnosceret, confitendo. Si autem dixisset: Imperitus quidem sermone, & non addidisset, sed non scientia, nullo modo aliud posset intelligi. Scientiam planè non cunctatus est profiteri, sine qua esse doctor Gentium non valeret. Certè si quid eius proferimus ad exemplum eloquentiæ, ex illis epistolis utique proferimus, quas etiam ipsi obtrectatores eius, qui sermonem præsentis contemp-
2. Cor. 10. 12.
 tibilem putari volebant, graues & fortes esse confessi sunt. Dicendum ergo mihi aliquid esse video & de eloquentia Prophetarum, vbi per tropologiam multa obteguntur. Quæ quantò magis translatis verbis videntur operiri, tantò magis cùm fuerint aperta dulcescunt. Sed hoc loco tale aliquid commemorare debeo, vbi quæ dicta sunt non cogar exponere, sed commendare tantùm quomodò dicta sint. Et ex illius Prophetæ libro potissimum hoc faciam, qui se pastorem vel armentarium fuisse dicit, atque inde diuinitus ablatum atque missum, vt Dei populo prophetaret. Non autem secundum
Amos 7. 15.
 septuaginta interpretes, qui etiam ipsi diuino spiritu interpretati, ob hoc aliter videntur nonnulla dixisse, vt ad spiritalem sensum scrutandum magis admoneretur Lectoris intentio, vnde etiam obscuriora nonnulla, quia magis tropica, sunt eorum: sed sicut ex Hebræo in Latinum eloquium Presbytero Hieronymo vtriusque linguæ perito interpretante translata sunt. Cùm igitur argueret impios, superbos, luxuriosos, & fraternæ ideo negligentissimos charitatis, rusticus, vel ex rustico iste Prophetæ exclamauit, dicens: *Vae vobis qui*
Amos 6. 1.
opulenti estis in Sion, & confiditis in monte Samaria, optimates capita populorum, ingredientiæ pompaticè domum Israel, transite in Calanne, & videte, & ite inde in Emath magnam, & descendite in Geth Palæstinorum, & ad optima quæque regna horum, si latior terminus eorum termino vestro est. Qui separati estis in diem malum, & appropinquatis folio iniquitatis. Qui dormitis in lectis eburneis, & lasciuitis in stratis vestris: qui comeditis agnum de grege, & vitulos de medio armenti: qui canitis ad vocem psalterij. Sicut Dauid putauerunt se habere vasa cantici, bibentes in phialis vinum, & optimo vnguento delibuti, & nihil patiebantur super contritione Ioseph. Nunquidnam isti qui Prophetas nostros tanquam ineruditos & elocutionis ignaros veluti docti discreti-

que contemnunt, si aliquid eis tale vel in tales dicendum fuisset, aliter se voluissent dicere, qui tamen eorum infante non fuissent? Quid enim est quod illo eloquio aures sobria plus desiderent? Primum ipsa inuectio, quasi sopitis sensibus ut cui-gilarent, quo fremitu illisa est? *Ne vobis qui opulenti estis in Sion, & confiditis in monte Samaria, optimates capita populorum, ingredientiés pompaticè domum Israel.* Deinde ut beneficiis Dei, qui eis ampla spacia regni dedit, ostendat ingratos, quoniam confidebant in monte Samaria, ubi utique idola colebantur: *Transite, inquit, in Calanne, & videte, & ite inde in Emath magnam, & descendite in Geth Palaëstinorum, & ad optima quaque regna horum, si latior terminus eorum termino vestro est.* Simul etiam cum ista dicuntur, locorum nominibus tanquam luminibus ornatur eloquium, quæ sunt Sion, Samaria, Calanne, Emath magna, & Geth Palaëstinorum. Deinde verba quæ his* adiunguntur locis decentissimè, variantur: *Opulenti estis, confiditis, transite, ite, descendite.* Consequenter denunciatur futura sub iniquo Rege propinquare captiuitas, cum adiungitur: *Qui separati estis in diem malum, & appropinquatis folio iniquitatis.* Tunc subiiciuntur merita luxuriæ: *Qui dormitis in lectis eburneis; & lasciuitis in stratis vestris: qui comeditis agnum de grege, & vitulos de medio armenti.* Ista sex membra tres bimembres circumitus reddiderunt. Non enim ait: *Qui separati estis in diem malum, qui appropinquatis folio iniquitatis, qui dormitis in lectis eburneis, qui lasciuitis in stratis vestris, qui comeditis agnum de grege, & vitulos de medio armenti:* quod si ita diceretur, esset quidem & hoc pulchrum, ut ab vno pronomine repetito singula sex membra decurrerent, & pronunciantis voce singula finirentur. Sed pulchrius factum est, ut eidem pronomini essent bina subnexa, quæ tres sententias explicarent: vnam ad captiuitatis prænunciationem, *Qui separati estis in diem malum, & appropinquatis folio iniquitatis:* alteram ad libidinem; *Qui dormitis in lectis eburneis, & lasciuitis in stratis vestris:* ad voracitatem verò tertiam pertinentem: *Qui comeditis agnum de grege, & vitulos de medio armenti:* ut in potestate sit pronunciantis, utrum singula finiat, & membra sint sex: an primum & tertium & quintum voce suspendat, & secundum primo, quartum tertio, sextum quinto connectendo, tres bimembres circumitus

al. * hic.

cumitus decentissimè faciat: vnum quo calamitas imminens, alterum quo lectus impurus, tertium quo prodiga mentia monstraretur. Deinde luxuriosam remordet aurium voluptatem: vbi cum dixisset, *Qui canitis ad vocem psalterij*, quoniam potest exerceri sapienter à sapiētibus musica, mirabili decore dicendi inuectionis impetu relaxato, & non ad illos, sed de illis iam loquens, vt nos musicam sapientis à musica luxuriantis distinguere commoneret, non ait, *Qui canitis ad vocem psalterij*, & sicut Dauid putatis vos habere vasa cantici: sed cum illud ad illos dixisset, quod luxuriosi audire deberent; *Qui canitis ad vocem Psalterij*: impetitiū quoque eorum aliis quodammodò indicauit, adiungens, *Sicut Dauid putauerunt se habere vasa cantici, bibentes in phialis vinum, & optimo vnguento delibuti*. Tria hæc melius pronunciantur, si suspensis duobus prioribus membris circuitu tertio finiantur. Iam verò quod his omnibus adiicitur; *Et nihil patiebantur super contritione Ioseph*, siue continuatim dicatur, vt vnum sit membrum: siue decentius suspendatur, & *nihil patiebantur*, & post hanc distinctionem inferatur, *super contritione Ioseph*, atque sit bimembris circumitus: miro decore non dictum est, nihil patiebantur super contritione fratris, sed positus est pro fratre Ioseph, vt quicumque frater proprio significaretur eius nomine, cuius ex fratribus fama præclara est, vel in malis quæ pendit, vel in bonis quæ rependit. Iste certè tropus vbi Ioseph quemcumque fratrem facit intelligi, nescio vtrum illa quam didicimus & docuimus arte tradatur. Quàm sit tamen pulcher, & quemadmodum afficiat legentes atque intelligentes, non opus est cuiquam dici, si ipse non sentit. Et plura quidem quæ pertinent ad præcepta eloquentiæ, in hoc ipso loco quem pro exemplo posuimus possunt reperiri. Sed bonum auditorem non tam si diligenter discutiatur instruit, quàm si ardeenter pronuncietur accendit. Neque enim hæc humana industria composita, sed diuina mente sunt fusa & sapienter & eloquenter, non intentà in eloquentiam sapientià, sed à sapientia non recedente eloquentia. Si enim, sicut quidam disertissimi atque acutissimi viri videre ac dicere potuerunt, ea quæ velut oratoria arte discuntur, non obseruantur & notarentur, & in hanc doctrinam redigerentur, nisi prius in oratorum inuenirentur ingeniis: quid mirum si & in istis inue-

niuntur, quos ille misit, qui facit ingenia? Quapropter & eloquentes quidem, non solum sapientes, canonicos nostros auctores doctorésque fateamur, tali eloquentia, qualis personis eiusmodi congruebat.

Cap. viii.
Qualis debeat esse sermo doctoris eius.
gelici.

SED nos etiam de literis eorum, quæ sine difficultate intelliguntur nonnulla sumimus elocutionis exempla, nequaquam tamen putate debemus imitandos eos nobis esse in iis quæ ad exercendas & eliminandas quodammodò mentes legentium, & ad rumpenda fastidia atque acuenda studia discere volentium, cælandos quoque siue ut ad pietatem conuertantur, siue ut à mysteriis secludantur animos impiorum, vtili ac salubri obscuritate dixerunt. Sic quippe illi locuti sunt, ut posteriores qui eos rectè intelligerent & exponerent, alteram gratiam, disparem quidem, veruntamen subsequenter in Dei Ecclesia reperirent. Non ergo expositores eorum ita loqui debent, ut tanquam se ipsi exponendos simili autoritate proponant: sed in omnibus sermonibus suis primitus ac maxime ut intelligantur elaborent ea quantum possunt perspicuitate dicendi, ut aut multum tardus sit qui non intelligat, aut in rerum quas explicare atque ostendere volumus difficultate ac subtilitate, non in nostra loquutione sit causa, quo minus tardius quod dicimus possit intelligi.

Cap. ix.
Perspicuitas orationis.

SUNT enim quædam quæ sua vi non intelliguntur, aut vix intelliguntur, quantolibet & quantumlibet, quamvis planissimè dicentis versentur eloquio, quæ in populi audientiam, vel rarè, si aliquid vrget, vel nunquam omnino mittenda sunt. In libris autem qui ita scribuntur, ut ipsi sibi quodammodò lectorem teneant, cum intelliguntur, molesti non sint volentibus legere: cum autem non intelliguntur, molesti non sint nolentibus legere. Et in aliquorum colloquutionibus non est hoc officium deferendum, ut vera quamvis difficillima ad intelligendum quæ ipsi iam percepimus, cum quantocunque labore disputationis ad aliorum intelligentiam perducamus: si tenet auditorem vel collocutorem discendi cupiditas, nec mentis capacitas desit, quæ quoquo modo intimata possit accipere, non curante illo qui docet quanta eloquentia doceat, sed quantà euidentiâ

Cap. x.
Quæ ratio.

Civis euidentiæ diligens appetitus aliquando negligit verba cultiora, nec curat quid bene sonet, sed quid bene indicet

atque intimet quod ostendere intendit. Vnde ait quidam, cum de tali genere locutionis ageret, esse in ea quandam diligentem negligentiam. Hæc tamen sic detrahit ornatum, ut sordes non contrahat. Quamvis in bonis doctōribus tanta docendi cura sit vel esse debeat, ut verbum quod nisi obscurum sit vel ambiguum, Latinum esse non potest, vulgi autem more sic dicitur ut ambiguitas obscuritasque vitetur, non sic dicatur ut à doctis, sed potius ut ab indoctis dici solet. Si enim non piguit dicere interpretes nostros; *Non congregabo conventicula eorum de sanguinibus*: quoniam senserunt ad rem pertinere, ut eo loco pluraliter enunciaretur hoc nomen, quod in Latina lingua tantummodò singulariter dicitur: cur pietatis doctorem pigeat imperitis loquentem ossum potius quàm os dicere, ne ista syllaba non ab eo quod sunt ossa, sed ab eo quod sunt ora intelligatur, ubi * Aphræ aures de correptione vocalium vel productione non iudicant. Quid enim prodest locutionis integritas, quàm non sequitur intellectus audientis, cum loquendi omnino nulla sit causa, si quod loquimur non intelligunt, propter quos ut intelligant loquimur? Qui ergo docet vitabit omnia verba quæ non docent. Et si pro eis alia integra quæ intelligantur potest dicere, id magis eliget. Si autem non potest, siue quia non sunt, siue quia in præsentia non occurrunt, utetur etiam verbis minus integris, dum tamen res ipsa doceatur atque discatur integrè. Et hoc quidem non solum in colloctionibus, siue fiant cum aliquo vno, siue cum pluribus, verum etiam multo magis in populis, quando sermo promitur, ut intelligatur instandum est: quia & in colloctionibus est cuique interrogandi potestas. Vbi autem omnes tacent ut audiat unus, & in eum intenta ora conuertunt, ibi ut requirat quisque quod non intellexerit, nec moris est nec decoris, ac per hoc debet maximè tacenti subuenire cura dicentis. Solet autem motu suo significare auida multitudo cognoscendi vtrum intellexerit. Quod donec significet, versandum est quod agitur multimoda varietate dicendi, quod in potestate non habent qui præparata, & ad verbum memoriter retenta pronunciant. Mox autem ut intellectum esse constiterit, aut sermo finiendus, aut in alia transeundum est. Sicut enim gratus est qui cognoscenda enubilat, sic onerosus est qui cognita inculcat, eis duntaxat quorum tota ex-

ne perfluenta
fuit oratio.

Psalm. 115. 4.

al. vasis.

pectatio in dissoluenda eorum quæ panduntur difficultate pendebat. Nam delectandi gratia etiam nota dicuntur, vbi non ipsa, sed modus quo dicuntur attenditur. Quod si & ipse iam notus est, atque auditoribus placet, penè nihil interest vtrum is qui dicit, dictor vel lector sit. Solent enim & ea quæ commodè scripta sunt, non solum ab iis quibus primitus innotescunt iucundè legi, verum ab iis etiam quibus iam nota sunt, neque adhuc illa de memoria deleuit obliuio, non sine iocunditate relegi, vel ab utrisque libenter audiri. Quæ autem quisque iam oblitus est, cum commonetur, docetur. Sed de modo delectandi nunc non ago, de modo autem quo docendi sunt qui discere desiderant, loquor. Is autem est optimus, quo fit vt qui audit, verum audiat, & quod audit intelligat. Ad quem finem cum ventum fuerit, nihil tunc amplius de ipsa re tanquam diutius docenda laborandum est, sed fortè de commendanda vt in corde figatur. Quod si faciendum videbitur, ita modestè faciendum est, ne perueniatur ad tædium.

Cap. xi.
*Quare con-
natis docere
discendum
perspicuè.*

PRORSUS hæc est in docendo eloquentia, qua fit discendo non vt libeat quod horrebat, aut vt fiat quod pigebat, sed vt appareat quod latebat. Quod tamen si fiat insuauiter, ad paucos quidem studiosissimos tuus peruenit fructus, qui ea quæ discenda sunt, quamuis abiectè incultèque dicantur scire desiderant. Quod cum adepti fuerint, ipsa delectabiliter veritate pascuntur: bonorumque ingeniorum insignis est indoles, in verbis verum amate, non verba. Quid enim prodest clauis aurea, si aperire quod volumus non potest? Aut quid obest lignea, si hoc potest, quando nihil querimus nisi patere quod clausum est? Sed quoniam inter se habent nonnullam similitudinem vscientes atque discentes, propter fastidia plurimorum, etiam ipsa sine quibus viui non potest, alimenta con-dienda sunt.

Cap. xii.
*Oratoris est
docere, dele-
ctare, flecte-
re.*

DIXIT ergo quidam eloquens, & verum dixit, ita dicere debere eloquentem, vt doceat, vt delectet, vt flectat. Deinde addidit, docere necessitatis est, delectare suauitatis, flectere victoriæ. Horum trium quod primo loco positum est, hoc est docendi necessitas, in rebus est constituta quas dicimus, reliqua duo in modo quo dicimus docendo. Qui ergo dicit cum docere vult, quædiu non intelligitur, nondum se existimet di-

xisse quod vult ei quem vult docere. Quia etsi dixit quod ipse intelligit, nondum illi dixisse putandus est, à quo intellectus non est. Si verò intellectus est, quocunque modo dixerit, dixit. Quod si etiam delectare vult eum cui dicit, aut flectere: non quocunque modo dixerit faciet, sed interest quomodo dicat ut faciat. Sicut est autem ut teneatur ad audiendum delectandus auditor: ita flectendus, ut moueatur ad agendum. Et sicut delectatur si suauiter loquaris: ita flectitur si amet quod polliceris, timeat quod minaris, odicit quod arguis, quod commendas amplectatur, quod dolendum exaggeras doleat, cum quid lætandum præ dicas gaudcat, misereatur eorum quos miserandos ante oculos dicendo constituis, fugiat eos quos cauendos terrendo proponis: & quicquid aliud grandi eloquentia fieri potest ad commouendos animos auditorum, non quid agendum sit ut sciant, sed ut agant quod agendum esse iam sciunt. Si autem adhuc nesciunt, prius utique docendi sunt quam mouendi. Et fortasse rebus ipsis cognitis ita mouebuntur, ut eos non opus sit maioribus eloquentiæ viribus iam moueri. Quod tamen cum opus est, faciendum est. Tunc autem opus est, quando cum scierint quid agendum sit, non agunt, ac per hoc docere necessitatis est. Possunt enim homines & agere & non agere quod sciunt. Quis autem dixerit eos agere debere quod nesciunt? Er ideo flectere necessitatis non est, quia non semper opus est, si tantum docenti vel etiam delectanti consentit auditor. Ideo autem victoriæ est flectere, quia fieri potest ut doceatur & delectetur, & non assentiatur. Quid autem illa duo proderunt, si desit hoc tertium? Sed neque delectare necessitatis est: quandoquidem cum docendo vera monstrantur, quod ad officium docendi pertinet, non eloquio agitur, neque hoc attenditur, ut vel ipsa vel ipsum delectet eloquium, sed per se ipsa quoniam vera sunt manifestata delectant. Unde per unque delectant etiam falsa patefacta atque conuicta. Neque enim delectant, quia falsa sunt, sed quia falsa esse verum est: delectat & dictio qua hoc verum esse monstratum est.

PROPTER eos autem quibus fastidientibus non placet CAP. XIII. Dicendo flectendo animi. veritas, si alio quocunque modo, nisi eo modo dicatur ut placeat & sermo dicentis, datus est in eloquentia non paruus etiam delectationi locus. Quæ tamen addita non sufficit du-

ris, quos nec intellexisse, nec docentis elocutione delectatos esse profuerit. Quid enim hæc duo conferunt homini, qui & confitetur verum, & collaudat eloquium, nec inclinat assensum, propter quem solum cum aliquid suadet, tibus quæ dicuntur inuigilat dicentis intentio: Si enim talia docentur, quæ credere vel nosse sufficiat, nihil est aliud eis consentire, nisi confiteri vera esse. Cum verò id docetur quod agendum est, & idè docetur ut agatur, frustra persuadetur verum esse quod dicitur, frustra placet modus ipse quo dicitur, si non ita discitur ut agatur. Oportet igitur eloquentem Ecclesiasticum quando suadet aliquid quod agendum est, non solum docere ut instruat, & delectare ut teneat, verum etiam flectere ut vincat. Ipse quippe iam remanet ad consensionem flectendus eloquentiæ granditate, in quo id non egit vsque ad eius confessionem demonstrata veritas, adiuncta etiam suauitate dictionis.

CAP. XIV.
Dicendi
genus gra-
ue.

Hier. 5. 30.

Psal. 34. 18.

Cum suauitati tantum operæ impensum est ab hominibus, ut non solum non facienda, verum etiam fugienda ac detestanda tor & tanta mala atque turpia, quæ malis & turpibus disertissime persuasa sunt, non ut eis consentiatur, sed sola delectationis gratia leſtentur. Auertat autem Deus ab Ecclesia sua quod de synagoga Iudæorum Hieremias Propheta commemorat, dicens: *Pauor & horrenda facta sunt super terram; Propheta prophetabant iniqua, & Sacerdotes plausum dederunt manibus suis, & plebs mea dilexit sic. Et quid facietis in futurum?* O eloquentia tantò terribilior, quantò purior, & quantò solidior, tantò vehementior: O verè securis concidens petras. Huic enim rei simile esse verbum suum quod per sanctos Prophetas fecit, & per hunc ipsum Prophetam, Deus ipse dixit. Absit itaque, absit à nobis, ut Sacerdotes plaudant manibus iniqua dicentibus, & plebs Dei diligat sic. Absit à nobis, inquam, tanta dementia: nam quid faciemus in futurum? Et certè minus intelligantur, minus placeant, minus moueant quæ dicuntur, vera tamen dicantur & iusta, non iniqua libenter audiantur. Quod utique non fieret, nisi suauiter dicerentur. In populo autem graui, de quo dictum est Deo: *In populo graui laudabo te;* nec illa suauitas delectabilis est, qua non quidem iniqua diliguntur, sed exigua & fragilia bona spumæ verborum ambitu ornantur, quali nec magna atque sta-

bilis decenter & grauius ornarentur. Est tale aliquid in Epistola beati Cypriani : quod idcirco puto vel accidisse vel consultò factum esse, vt sciretur à posteris quam linguam doctrinæ Christianæ sanitas ab ista redundantia reuocauerit, & ad eloquentiam grauiorem modestiorémque restrinxerit, qualis in eius consequentibus literis securè amatur, religiosè appetitur, sed difficillimè impletur. Ait ergo quodam loco, Petamus hanc sedem : dant secessum vicina secreta : ubi dum erratici palmitum lapsus pendulis nexibus per arundines baiulas repunt, viteam porticum frondea tecta fecerunt. Non dicuntur ista nisi mirabiliter affluentissima fecunditate facundia, sed profusione nimia grauitati displicent. Qui verò hæc amant, profectò eos qui non ita dicunt, sed castigatiùs eloquuntur, non posse ita eloqui exultant, non iudicio ista deuitare. Quapropter iste vir sanctus & posse se ostendit sic dicere, quia dixit alicubi, & nolle quoniam postmodum nusquam.

AGIT itaque noster iste eloquens cùm & iusta & sancta & bona dicit : neque enim alia debet dicere : agat ergo quantum potest cùm ista dicit, vt intelligenter, vt libenter, vt obedienter audiatur : & hæc se posse si potuerit, & in quantum potuerit, pietate magis orationum quàm oratorum facultate non dubitet, vt orando pro se ac pro illis quos est allocuturus sit orator antequam dictor*. Ipsa hora iam vt dicat accedens, priusquam exerat proferentem linguam, ad Deum leuet animam sitientem, vt eructet quod biberit, vel quod impleuerit fundat. Cùm enim de vnaquaque re quæ secundum fidem delectationemque tractanda sunt, multa sint quæ dicantur, & multi modi quibus dicantur ab eis qui hæc sciunt, quis nouit quid ad præsens tempus, vel nobis dicere, vel per nos expediat audiri, nisi qui corda omnium videt? Et quis facit vt quod oportet, & quemadmodum oportet dicatur à nobis, nisi in cuius manu sunt & nos & sermones nostri? Ag per hoc discat quidem omnia quæ docenda sunt qui & nosse vult & docere, facultatemque dicendi vt decet virum Ecclesiasticum comparet. Ad horam verò ipsius dictionis illud potius bonæ menti cogitet conuenire quod Dominus ait : *Nolite cogitare quomodo aut quid loquamini, dabitur enim vobis in illa hora quid loquamini : non enim vos estis qui loquimini,*

Cyprianus.

Cap. xv.
Orandus
Deus do-
ctori Ecce-
lesiastico ante
concionem.

* al. doctor.

Sap. 7. 16.

Mat. 10. 19.
10.

sed spiritus Patris vestri qui loquitur in vobis. Si ergo loquitur in eis Spiritus sanctus qui persequentibus traduntur pro Christo, cur non & in eis qui tradunt discipulis Christum?

CAP. XVI.
Non tantum
preces, sed
& studium
necessarium.
Matt. 6. 32.

QVIS QVIS autem dicit non esse hominibus præcipiendum quid vel quemadmodum doceant, si doctores sanctus efficit spiritus, potest dicere, nec orandum nobis esse, quia Dominus ait: *Scit pater vester quid vobis necessarium sit prius quam petatis ab eo.* Aut Apostolum Paulum Timotheo & Titon non debuisse præcipere quid vel quemadmodum præciperent alijs. Quas tres Apostolicas Epistolas ante oculos habere debet, cui est in Ecclesia doctoris persona imposita. Nonne in prima ad Timotheum legitur: *Annuncia hæc, & doce?* Quæ autem sint, supra dictum est. Nonne ibi est: *Seniorem ne increpaveris, sed obsecra, ut patrem?* Nonne in secunda ei dicitur: *Formam habe verborum sanorum quæ à me audisti?* Nonne ibi ei dicitur: *Satis age te ipsum probabilem operarium exhibens Deo, non erubescens verbum veritatis rectè tractantem?* Ibi est & illud: *Prædica verbum, in sta opportundè, importundè, argue, obsecra, increpa in omni longanimitate & doctrina.* Itemque ad Titum, nonne dicit Episcopum iuxta doctrinam fidelis verbi perseverantem esse debere, ut potens sit in doctrina sana & contradicentes redarguere? Ibi etiam dicit: *Tu verò loquere quæ decet sanam doctrinam, senes sobrios esse, & quæ sequuntur: ibi & illud: Hæc loquere & exhortare, & increpa cum omni imperio: nemo te contemnat, admone illos principibus & potestatibus subditos esse, &c.* Quid ergo putamus? Nunquid contra seipsum sentit Apostolus, qui cum dicat doctores operatione fieri Spiritus sancti, ipse illis præcipit quid & quemadmodum doceant? An intelligendum est, hominum officia ipso sancto Spiritu largiente in docendis etiam ipsis doctoribus non debere cessare? & tamen

1. Cor. 3. 7. *neque qui plantas esse aliquid, neque qui rigat, sed Deum qui incrementum dat?* Vnde ipsis quoque ministris sanctis hominibus, vel etiam sanctis Angelis operantibus nemo rectè discit quæ pertinent ad vivendum cum Deo, nisi fiat à Deo docilis, cui dicitur in Psalmo: *Doceme facere voluntatem tuam, quia tu es Deus meus:* Vnde & ipsi Timotheo idem dicit Apostolus, loquens utique ad discipulum doctor: *Tu autem persevera in ijs quæ didicisti, & credita sunt tibi, sciens à quo didicisti.* Sicut enim

1. Tim. 4.
11.

1. Tim. 5. 1.

2. Tim. 1. 13.
2. Tim. 4. 15.

2. Tim. 4. 2.

Tit. 2. 9.

Tit. 2. 1.

Tit. 2. 15.

Tit. 3. 1.

Ps. 142. 10.

1. Tim. 3. 14.

enim corporis medicamenta quæ hominibus ab hominibus adhibentur, non nisi eis profunt, quibus Deus operatur salutem, qui & sine illis mederi potest, cum sine ipso illa non possint, & tamen adhibentur, & si hoc officiosè fiat, inter opera misericordix vel beneficentiæ deputatur: ita & adiumenta doctrinæ tunc profunt animæ adhibita per hominem, cum Deus operatur ut profint, qui potuit Euangelium dare homini, etiam non ab hominibus, neque per hominem.

Quæ ergo dicendo nititur persuadere quod bonum est, nihil horum trium spernens, ut scilicet doceat, ut delectet, ut fleat, oratque agat: ut quemadmodum suprà diximus, intelligenter, libenter obedienterque audiat. Quod cum aptè & conuenienter facit, non immeritò eloquens dici potest, etsi non eum sequatur auditoris assensus. Ad hæc enim tria, id est, ut doceat, ut delectet, ut fleat, etiam tria illa videtur pertinere voluisse idem ipse Romani auctor eloquij, cum itidem dixit: Is igitur erit eloquens qui poterit parua submissè, modica temperatè, magna granditer dicere: tanquam si adderet illa etiam tria, & sic explicaret vnā eandemque sententiam, dicens: Is erit igitur eloquens, qui ut doceat, poterit parua submissè: ut delectet, modica temperatè: ut fleat, magna granditer dicere.

Cap. xvii.
Triplex di-
cendi genus.

In lib. cui
titulus O-
rator.

Hæc autem tria ille sicut ab eo dicta sunt, in causis forensibus posset ostendere. Non autem hoc est in Ecclesiasticis quæstionibus: in quibus huiusmodi quem voluimus informare, sermo versatur. In illis enim ea parua dicuntur, ubi de rebus pecuniariis iudicandum est: ea magna, ubi de salute ac de capite hominum. Ea verò ubi nihil horum iudicandum est, nihilque agitur ut agat siue decernat, sed tantummodò ut delectetur auditor, inter vtrumque quasi media, & ob hoc modica, hoc est moderata dixerunt. Modicis enim modus nomen imposuit. Nam modica pro paruis abusuè non propriè dicimus. In istis autem nostris quandoquidem omnia, maximè quæ de loco superiore populis dicimus, ad hominum salutem, nec temporariam, sed æternam referre debemus, ubi etiam cauendus est æternus interitus, omnia magna sunt quæ dicimus: vsque adeò ut nec de ipsis pecuniariis rebus vel acquirendis vel amittendis parua videri debeant, quæ doctor Ecclesiasticus dicit, siue sit illa magna, siue parua pecunia.

Cap. xviii.
Eadem Ec-
clesiastica ne-
cessaria.
quæ oratori.

Lucæ 16. 10.

Neque enim parua est iustitia, quam profecto & in parua pecunia cultodire debemus, dicente Domino : *Qui in minimo fidelis est, & in magno fidelis est.* Quod ergo minimum est, minimum est : sed in minimo fidelem esse, magnum est. Nam sicut ratio rotunditatis est, ut à puncto medio omnes lineæ pares in extrema ducantur, eadem est & in magno disco quæ in nummulo exiguo : ita ubi parua iustè geruntur, non minuitur iustitiæ magnitudo. De iudiciis denique secularibus, quibus utique nisi pecuniariis cum loqueretur Apostolus : *Audet quisquam vestrum, inquit, aduersus alterum habens negotium iudicari ab iniquis, & non apud sanctos ? An nescitis quia sancti mundum iudicabunt ? Et si in vobis iudicabitur mundus, indigni estis qui de minimis iudicetis ? Nescitis quia Angelos iudicabimus, nedum secularia ? Secularia igitur iudicia si habueritis, eos qui contemptibiles sunt in Ecclesia, hos constituite ad iudicandum. Ad reuerentiam vobis dico. Sic non est inter vos quisquam sapiens, qui possit inter fratrem suum iudicare ? sed frater cum fratre iudicatur, & hoc apud infideles. Iam quidem omnino delictum est, quia iudicia habetis vobiscum. Quare non magis iniquitatem patimini ? Quare non potius fraudamini ? Sed vos iniquitatem facitis & fraudatis, & hoc fratres. An nescitis quia iniusti regnum Dei non hereditabunt ? Quid est quod sic indignatur Apostolus, sic corripit, sic exprobrat, sic increpat, sic minatur ? Quid est quod sui animi affectum tam crebra & tam aspera vocis mutatione testatur ? Quid est postremò quod de rebus minimis tam granditer dicit ? Tantùmne de illo negotia secularia meruerunt ? Absit. Sed hoc facit propter iustitiam, charitatem, pietatem, quæ nulla sobria mente dubitante, etiam in rebus quamlibet paruulis magna sunt. Sanè si moneremus homines quemadmodum ipsa negotia secularia vel pro se vel pro suis apud Ecclesiasticos iudices agere deberent, rectè admoneremus ut agerent tanquam parua submissè. Cum verò de illius viri differamus eloquio, quem volumus earum rerum esse doctorem, quibus liberamur ab æternis malis, atque ad æterna peruenimus bona, ubicunque agantur hæc, siue ad populum, siue priuatim, siue ad vnum, siue ad plures, siue ad amicos, siue ad inimicos, siue in perpetua diuisione, siue in colloctione, siue in tractatibus, siue in libris, siue in Epistolis vel longissimis vel brevissimis, magna sunt : nisi fortè quo-*

1. Co. 6. 1.

niam calix aquæ frigida, res minima atque vilissima est, ideò minimum aliquid atque vilissimum Dominus ait, quòd eum qui dederit discipulo eius, non perdet mercedem suam. Aut verò quando iste doctòr in Ecclesia facit in de sermonem, paruum aliquid debet existimare se dicere, & ideò non temperatè, non granditer, sed submissè sibi esse dicendum. Nonne quando accidit vt de hac re loqueremur ad populum, & Deus adfuit vt non incongruè diceremus, tanquam de illa aqua frigida quædam flamma surrexit, quæ etiam frigida hominum pectora, ad misericordiæ opera faciendâ, spe cælestis mercedis accenderet?

Mat. 10. 41.

Et tamen cùm doctòr iste debeat rerum dictòr esse magnarum, non semper eas debet granditer dicere, sed submissè cùm aliquid docetur, temperatè, cùm aliquid vituperatur siue laudatur. Cùm verò aliquid agendum est, & ad eos loquitur qui hoc agere debent, nec tamen volunt, tunc ea quæ magna sunt, dicenda sunt granditer, & ad flectendos animos congruenter. Et aliquando de vna eademque re magna & submissè dicitur, si docetur: & temperatè, si prædicatur: & granditer, si auersus in de animus vt conuertatur impellitur. Quid enim Deo ipso maius est? Nunquid ideò non dicitur? Aut qui docet vnitatem Trinitatis, debet nisi submissa disputatione agere, vt res ad dignoscendum difficilis, quantum datur, possit intelligi? Nunquid hîc ornamenta & non documenta quærentur? Nunquid vt aliquid agat est flectendus auditor, & non potius vt discat instruendus? Porro cùm laudatur Deus siue de seipso, siue de operibus suis, quanta facies pulchræ ac splendidæ dictionis oboritur ei, qui potest quantum potest laudare, quem nemo conuenienter laudat, nemo quomodocunque non laudat. At si non colatur, aut cum illo vel etiam præ illo colantur idola, siue dæmonia, siue quæcunque creatura, quantum hoc malum sit, atque vt ab hoc malo auertantur homines, debet utique granditer dici.

Cap. 11.
A'ius alio
utendū di-
cendi genere.

SUBMISSÆ dictionis exemplum est apud Apostolum Paulum, vt planius aliquid commemorem, ubi ait: *Dicite mihi sub lege volentes esse, legem non legistis? Scriptum est enim, quòd Abraham duos filios habuit, vnum de ancilla, & vnum de li-
bera. Sed ille qui de ancilla, secundum carnem natus est: qui autem*

Cap. 11.
Exempla ex
sacris literis.
Gal. 4. 21.

Gal. 3. 15.

delibera, per repromissionem: quæ sunt in allegoria. Hæc enim sunt duo Testamenta: vnum quidem in monte Sina in seruitutem generans, quæ est Agar. Sina enim mons est in Arabia, qui coniunctus est huic quæ nunc est Hierusalem, & seruit cum filijs suis. Quæ autem sursum est Hierusalem, libera est, quæ est mater nostra, &c. Itemque ibi ratiocinatur, & dicit: Fratres secundum hominem dico, tamen hominis confirmatum testamentum nemo irritum facit, aut superordinat. Abrahæ dictæ sunt promissiones & semini eius. Non dicit, seminibus, tanquam in multis, sed tanquam in uno, & semini tuo quod est Christus. Hoc autem dico, testamentum confirmatum à Deo, quæ post quadringentos & triginta annos facta est lex, non infirmat ad euacuandas promissiones. Si enim ex lege hereditas, iam non ex promissione. Abrahæ autem per repromissionem donauit Deus. Et quia occurrere poterat audientis cogitationi, ut quid ergo lex data est, si ex illa non est hereditas? ipse sibi hoc obiecit, atque ait velut interrogans: Quid ergo lex? Deinde respondit: Transgressionis gratia proposita est, donec venires semen cui promissum est, disposita per Angelos in manu mediatoris. Mediator autem unus non est, Deus autem vnus est. Et hic occurrebat quod sibi ipse proposuit. Lex ergo aduersus promissam Dei? Et respondit, Absit. Reddiditque rationem, dicens: Si enim data esset lex quæ posset viuificare, omnino ex lege esset iustitia. Sed conclusit Scriptura omnia sub peccato ut promissio ex fide I E S U CHRISTI daretur credentibus, &c. vel si quid eiusmodi est.

Pertinet ergo ad docendi curam non solum aperire clausa, & nodos soluere quæstionum, sed etiam dum hoc agitur, aliis quæstionibus quæ fortassis inciderint, ne id quod dicimus improbetur per illas aut refellatur, occurrete: si tamen & ipsa earum solutio pariter occurrerit, ne moueamus quod auferre non possumus. Fit autem ut cum incidentes quæstioni aliæ quæstiones, & aliæ rursus incidentibus incidentes pertractantur atque soluantur, in eam longitudinem ratiocinationis extendatur intentio, ut nisi memoria plurimum valeat atque vigeat, ad caput vnde agebatur disputator redire non possit. Valdè autem bonum est, ut quicquid contradici potest, si occurrerit, refutetur, ne ibi occurrat vbi non erit qui respondeat: aut præsentem quidem sed tacentem occurrat, & minùs sanatus abscedat. In illis autem Apostolicis verbis dictio temperata est: *Seni orem ne increpaueris, sed obsecra ut patrem, iuniores*

ut fratres, anus ut matres, adolescentulas ut sorores. Et in illis: *Obscuro autem vos fratres per miserationem Dei, ut exhibeatis corpora vestra hostiam viam, sanctam, Deo placentem.* Et totus fere ipsius exhortationis locus temperatum habet elocutionis genus: ubi illa pulchriora sunt in quibus propria propriis tanquam debita reddita decenter excurrunt, sicuti est: *Habentes dona diuersa secundum gratiam quæ data est nobis: siue Prophetiam, secundum regulam fidei: siue ministerium, in ministrando: siue qui docet, in doctrina: siue qui exhortatur, in exhortatione: qui tribuit, in simplicitate: qui præst, in sollicitudine: qui miseretur, in hilaritate. Dilectio siue simulatione: odio habentes malum, adhaerentes bono: charitate fraternitatis inuicem diligentes, honore mutuo praueniens, studio non pigri, spiritu feruentes, Domino seruientes, spe gaudentes, in tribulatione patientes, orationi instantes, necessitatibus sanctorum communicantes, hospitalitatem sectantes. Benedicite persequentibus vos, benedicite & nolite maledicere. Gaudere cum gaudentibus, flere cum flentibus. Id ipsum inuicem sentientes.* Et quàm pulchrè ista omnia sic effusa, bimembri circuitu terminantur? *Non alta sapientes, sed humilibus consentientes.* Et aliquanto post: *In hoc ipso, inquit, perseuerantes: reddite omnibus debita: cui tributum, tributum: cuius vectigal, vectigal: cui timorem, timorem: cui honorem, honorem.* Quæ membratim fusa clauduntur etiam ipso circuitu, quem duo membra continent. *Nemini quicquam debeat, nisi ut inuicem diligatis.* Et post paululum: *Nox præcessit, inquit, dies autem appropinquauit, Abiciamus itaque opera tenebrarum, & induamur arma lucis, sic ut in die honeste ambulemus: non in comessationibus & ebrietatibus, non in cubilibus & impudicijs, non in contentione & emulatione, sed induite * Dominum IESVM CHRISTVM, & carnis prouidentiam ne feceritis in concupiscentijs. Quod si quisquam ita diceret, Et carnis prouidentiam ne in concupiscentiis feceritis: si ne dubio aures clausula numerosiore non ulcere: sed grauiorem interpretet etiam ordinem maluit tenere verborum. Quomodò autem hoc in Græco eloquio sonet, quo est locutus Apostolus, viderint eius eloquij vsque ad ista doctores. Mihi tamen quod nobis eodem verborum ordine interpretatum est, nec ibi videtur currere numerosè. Sanè hunc elocutionis ornatum, qui numerosis fit clausulis, deesse fatendum est auctoribus nostris: quod utrum per interpretes factum sit, an (quod*

*Temperata
dictionis
exemplum
1. Tim 5.1.
Rom 12.1.*

*Distributio
Ibid. 6. &
seqq.*

Rom. 13. 12.

** al. indul-
mini.*

*Numerosus;
inquit Ci-
cero, puta-
tur, non quod
totum con-
stat ex nu-
meris, sed
quod ad
numeros
proximè ap-
cedit.*

magis arbitror) consultò illi hæc plausibilia deuitauerint, affirmare non audeo: quoniam me fateor ignorare. Illud tamen scio, quòd si quisquam huius numerolitatæ peritus, illorum clausulas eorundem numerorum lege componat: quòd facillimè fit mutatis quibusdam verbis, quæ tantundem significatione valent, vel mutato eorum quæ inuenerit ordine: nihil illorum quæ velut magna in scholis grammaticorum aut rhetorum didicit, illis diuinis viris defuisse cognoscet. Et multa reperiet locutionis genera tanti decoris, quæ quidem & in nostra, sed maximè in sua lingua decora sunt, quorum nullum in eis, quibus isti instantur literis inueniuntur.

In prologo
super lib.

Sed cauendum est ne diuinis grauibique sententiis, dum additur numerus, pondus detrahatur. Nam illa musica disciplina, vbi numerus iste plenissimè discitur, vsque adeò non defuit Prophetis nostris, vt vir doctissimus Hieronymus quorundam etiam metra commemoret, in Hebræa duntaxat lingua: cuius vt veritatem seruaret in verbis, hæc inde non transtulit. Ego autem vt de sensu meo loquar, qui mihi quàm aliis & quàm aliorum est vtiq; notior, sicut in meo eloquio, quantum modeste fieri arbitror, non prætermitto istos numeros clausularum: ita in authoribus nostris hoc mihi plus placet, quòd ibi eos rarissimè inuenio. Grande autem dicendi genus hoc maximè distat ab isto temperato genere, quòd non tam verborum ornatibus comptum est, quàm violentum animi affectibus. Nam capit etiam illa ornamenta penè omnia, sed ea si non habuerit, non requirit. Fertur quippe impetu suo, & elocutionis pulchritudinem, si occurrerit, vi rerum rapit, non cura decoris assumit. Satis enim est ei propter quòd agitur, vt verba congruentia non oris elegantur industria, sed pectoris sequantur ardorem. Nam si aurato gemmatòque ferro vir fortis armetur, intentissimus pugne, agit quidem illis armis quòd agit, nò quia preciosa, sed quia arma sunt: idem ipse est tamen, & valet plurimum, etiam cùm rimanti telo miram facit. Agit Apostolus, vt pro Euangelico ministerio patienter mala huius temporis, cum solatio * donorum Dei omnia tolerètur. Magna res est, & granditer agitur, nec defunt ornamenta dicendi: *Ecce, inquit, nunc tempus acceptabile, ecce nunc dies salutis: nullam in quoquam dantes offensionem, vt non repre-*

* al. consolatione
a. Cc. 6. 1.

hendatur ministerium nostrum : sed in omnibus commendantes nosmetipsos ut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in benignitate, in Spiritu sancto, in charitate non ficta, in verbo veritatis, in virtute Dei : per arma iustitia à dextris & à sinistris, per gloriam & ignobilitatem, per infamiam & bonam famam : ut seductores & veraces, ut qui ignoramus & cognoscimur, quasi morientes, & ecce vivimus : ut coerciti & non mortificati : ut tristes, semper autem gaudentes : sicut egentes : multos autem ditantes : tanquam nihil habentes, & omnia possidentes. Vide adhuc ardentem : Os nostrum patet ad vos, o Corinthij, cor nostrum dilatum est : & cetera, quæ persequi longum est. Itemque ad Romanos agit, ut persecutiones huius mundi charitate vincantur, spe certa in adiutorio Dei. Agit autem & granditer & ornate : Scimus, inquit, quoniam diligentibus Deum omnia cooperantur in bonum, ijs qui secundum propositum vocati sunt sancti : quoniam quos ante præsciuit & prædestinauit conformes fieri imaginis filij sui, ut sit ipse primogenitus in multis fratribus. Quos autem prædestinauit, illos & vocavit : & quos vocavit, ipsos & iustificavit : quos autem iustificavit, illos & glorificavit. Quid ergo dicemus ad hæc ? Si Deus pro nobis, quis contra nos ? Qui proprio filio non pepercit, sed pro nobis omnibus tradidit illum, quomodo non etiam cum illo nobis omnia donavit. Quis accusabit adversus electos Dei ? Deus qui iustificat. Quis est qui condemnet ? CHRISTVS IESVS qui mortuus est, magis autem qui resurrexit, qui est in dextera Dei, qui & interpellat pro nobis. Quis nos separabit à charitate Christi ? Tribulatio, an angustia, an persecutio, an fames, an nuditas, an periculum, an gladius ? Sicut scriptum est : Quoniam propter te mortificamur tota die, aestimati sumus ut oves occisionis. Sed in his omnibus supervincimus per eum qui dilexit nos. Certus sum enim quia neque mors, neque vita, neque Angeli, neque principatus, neque presentia, neque futura, neque virtus, neque altitudo, neque profundum, neque creatura alia poterit nos separare à charitate Dei, quæ est in CHRISTO IESU Domino nostro. Ad Galatas autem quamvis tota ipsa Epistola submisso dicendi genere scripta sit, nisi in extremis partibus ubi est eloquium temperatum, tamen interponitur quendam locum eo motu animi, ut sine ullis quidem talibus ornamentis qualia sunt in iis quæ modo posuimus,

Grædiloqua
dilectis
exemplum.

Rom. 8.12

Psal. 43.12

Gal. 4 10.

non posset tamen nisi granditer dici: *Dies, inquit, observatis & menses & annos & tempora: timeo vos ne forte sine causa laboraverim in vobis. Estote sicut & ego, quoniam & ego sicut vos. Fratres precor vos, nihil me laesistis. Scitis quia per infirmitatem carnis iam pridem evangelizavi vobis, & tentationes vestras in carne mea non spreuistis neque respicistis: sed sicut Angelum Dei excepistis me, sicut CHRISTVM IESVM. Quæ ergo fuit beatitudo vestra? Testimonium vobis perhibeo, quoniam si fieri posset, oculos vestros eruissetis & dedissetis mihi. Ergo inimicus factus sum vobis verum predicans. Amulantur vos non bene, sed excludere vos volunt, ut eos amulmini. Bonum est autem in bono amulari semper, & non solum cum præsens sum apud vos. Filsoli mei quos iterum parturio donec formetur Christus in vobis. Vellem autem nunc adesse apud vos, & mutare vocem meam, quia confundor in vobis. Nunquid hic aut contraria contrariis verba sunt reddita, aut aliqua gradatione sibi subnexa sunt, aut cæsa & membra circuitusque sonuerunt? Et tamen non idè tepuit grandis affectus, quo eloquium fetuere sentimus.*

Cap. xxi.
Exempla ex
doctoribus.

SE D Apostolica ista sic clara sunt, ut & profunda sint: atque ita audiscripta memoriæque mandata, ut non solum lectore vel auditore, verum etiam expositore opus habeant, si quis in eis non superficie contentus altitudinem quærat. Quapropter videamus ista genera dicendi in eis qui istorum lectione ad rerum diuinarum atque salubrium scientiam profecerunt, eamque Ecclesiæ ministrarunt. Beatus Cyprianus submissio dicendi genere utitur in eo libro ubi de Sacramento calicis disputat. Soluitur quippe ibi quæstio in qua quæritur, utrum calix Dominicus aquam solam, an eam vino mixtam debeat habere. Sed exempli gratia aliquid inde ponendum est. Post principium ergo Epistolæ, iam soluere incipiens propositam quæstionem: Admonitos autem nos scias, inquit, ut in calice offerendo Dominica traditio seruetur, neque aliud fiat à nobis quam quod pro nobis Dominus prior fecit, ut calix qui in commemorationem eius offertur, vino mixtus offeratur. Nam cum dicat Christus: *Ego sum vitis vera*: sanguis Christi, non aqua est utique, sed vinum: nec potest videri sanguis eius quo redempti & viuificati sumus esse in calice, quando vinum desit calici, quo Christi sanguis ostenditur, qui Scripturarum omnium Sacramento ac testi-

Cyprianus
in epist. de
Sacramento
Calicis, sub
medium.

Submissa
dictæonis
exemplum.

Ioan 15.1.

monio

monio prædicatur. Inuenimus enim in Genesi circa Sacramentum Noë hoc idem præcurrit, & figuram Dominicæ passionis illic extitisse, quod vinum bibit, quod inebriatus est, quod in domo sua nudatus est, quod fuit recubans nudis & patentibus femoribus, quod nuditas illa patris à medio filio denotata est, à maiore verò & minore contexta: & cætera quæ necesse non est exequi, cum satis sit hoc solum complecti, quod Noë typum futuræ veritatis ostendens, non aquam sed vinum biberit: & sic imaginem Dominicæ passionis expresserit. Item in sacerdote Melchisedech Domini sacramenti præfiguratum videmus mysterium, secundum quod Scriptura diuina testatur & dicit, Et Melchisedech rex Salem, protulit panem & vinum. Fuit autem sacerdos Dei summi, & benedixit Abraham. Quod autem Melchisedech typum Christi portaret, declarat in psalmis Spiritus sanctus, ex persona Patris ad Filium dicens, *Ante Luciferum genui te: Tu es Sacerdos in æternum secundum ordinem Melchisedech.* Hæc & alia quæ sequuntur huius Epistolæ, submissæ dictionis modum seruant, quod facile est explorare legentibus.

Sanctus quoque Ambrosius cum agat rem magnam de Spiritu sancto, ut eum Patri & Filio demonstratæ qualem: submissio tamen dicendi genere vitur, quoniam res suscepta non ornamenta verborum, aut ad flectendos animos commotionis affectum, sed rerum documenta desiderat. Ergo inter cætera in principio huius operis ait: Commorus * oraculo Genæ, cum audisset quod deficientibus licet populorum milibus, in vno viro Dominus plebem suam ab hostibus liberaret, obtulit hæc dum caput: cuius carnem secundum præcepta Angeli, & azyma supra petram posuit, & ea iure perfudit: quæ simul ut virgæ cacumine quam gerebat Angelus Dei contigit, de petra ignis erupit, atque ita sacrificium quod offerebatur absumptum est. Quo indicio declaratum videtur, quod petra illa typum habuerit corporis Christi, quia scriptum est: *Bibebant de consequenti petra, petra autem eras Christus.* Quod utique non ad diuinitatem eius, sed ad carnem relatum est, quæ sitientium corda populorum perenni riuo sui sanguinis inundauit. Iam tunc igitur in mysterio declaratum est, quia Dominus IESVS in carne sua, totius mundi

Gen 9. 22.

Gen. 14. 18.

Pf. 109. 4.

Ambrosius l. 1.
de Spiritu
sancto, in
prologo,
initia.

Isa. 6. 19.
et ad quo
mortuus.

1. Cor. 10.

„ peccata crucifixus aboleret; nec solum delicta factorum, sed
 „ etiam cupiditates animorum. Caro enim hædi ad culpam
 „ facti refertur, ius ad illecebras cupiditatum, sicut scriptum
 num. 1. 4. „ est: *Quia concupivit populus cupiditatem pestimam, & dixerunt,*
 „ *Quæ nos cibabit carne!* Quodd igitur extendit Angelus virgam,
 „ & tetigit petram, de qua ignis exiit, ostendit quod caro Do-
 „ mini spiritu repleta diuino, peccata omnia humanæ condi-
 Lucæ 12. „ tionis exureret. Vnde & Dominus ait: *Ignem veni mittere in*
 49. „ *terram: & cætera*, in quibus rei docenda ac probanda maxi-
 mè incumbit.

Cypria- „ De genere temperato est apud Cyprianum virginitatis illa
 nus in „ laudatio: Nunc nobis ad virgines sermo est, quarum quod
 epistola de „ sublimior gloria est, maior & cura. Flos est ille Ecclesiastici
 habitus „ germinis, decus atque ornamentum gratiæ spiritualis, læta in-
 virginu „ doles laudis & honores, opus integrum atque incorruptum,
 qua in ci „ Dei imago respondens ad sanctimoniam Domini, illustrior
 pit, Dilec „ portio gregis Christi. Gaudet per ipsas, atque in illis largiter
 plina cu „ floret sanctæ matris Ecclesiæ gloriosa fecunditas: quantò
 stot. „ que plus gloriosa virginitas numero suo addit, tantò plus
 Fest ini „ gaudium matris augetur. Et alio loco in fine Epistolæ: *Quo-*
 stum. „ *modo*, inquit, *portauimus imaginem eius qui de limo est, sic portemus*
 vbi supra „ *& imaginem eius qui de celo est.* Hanc imaginem virginitas por-
 1. Cor. 15 „ tat, portat integritas, sanctitas portat & veritas: portant dis-
 49. „ ciplinæ Dei memores, iustitiam cum religione retinentes, ita-
 „ biles in fide, humiles in timore, ad omnem tolerantiam for-
 „ tes, ad sustinendas iniurias mites, ad faciendam misericor-
 „ diam faciles, fraterna pace vnanimes atque concordēs. Quæ
 „ vos singula, ô bonæ virgines, obseruare, diligere, implere de-
 „ betis, quæ Deo & Christo vacantes, ad Dominum cui vos
 „ dicastis, maiore & meliore parte præceditis: prouectæ, an-
 „ nis, iunioribus facite magisterium: minores natu, præbete
 „ comparibus incitamentum, hortamentis vos mutuis excitate,
 „ æmulis de virtute documentis ad gloriam prouocate, dura-
 „ te fortiter, spiritualiter pergite, peruenite feliciter, tantum
 „ mementote tunc nostri, cum incipiet in vobis virginitas ho-
 „ norari.

De virgini- „ Ambrosius etiam genere dicendi temperato & ornato pro-
 bus lib. 2. in „ fessis virginibus proponit tanquam sub exempli forma quod
 principio. „ moribus imitentur, & dicit: Virgo erat, non solum cor-

pore, sed etiam mente, quæ nullo doli ambitu sincerum
 adulteraret affectum, corde humilis, verbis grauis, animi pru-
 dens, loquendi parcius, legendi studiosior: non in incerto di-
 uitiarum, sed in prece pauperis spem reponens, intenta operi,
 verecunda sermoni, arbitrii mentis solita non hominem sed
 Deum quaerere: nullum lædere, bene velle omnibus, assur-
 gere maioribus natu, æqualibus non inuidere, fugere iactan-
 tiam, rationem sequi, amare virtutem. Quando ista vel vultu
 læsit parentes? quando dissensit à propinquis? quando fasti-
 diuit humilem? quando irritis debilem? quando vitauit ino-
 pem? Eos solos sollicita cœtus virorum inuisere, quos miseri-
 cordia non erubesceret, neque præteriret verecundia. Nihil
 toruum in oculis, nihil in verbis procax, nihil in actu inuere-
 cundum: non gestus fractior, non incessus solutior, non vox
 petulantior, vt ipsa corporis species simulachrum fuerit men-
 tis, & figura probitatis. Bona quippe domus in ipso vestibulo
 debet agnoscì, ac primo prætendat ingressu, nihil intus latere
 tenebrarum, tanquam lucernæ lux intus posita, foris luceat.
 Quid ergo exequar ciborum parsimoniam, officiorum redun-
 dantiam: alterum vltra naturam superfuissè, alterum ipsi na-
 turæ penè defuisse? Illic nulla intermissa tempora, hîc conge-
 minati ieiunio dies: & si quando reficiendi successisset volun-
 tas, cibus plerunque obuius qui mortem arceret, non deli-
 cias ministraret, &c.

Hæc autem propterea in exemplo huius temperati generis
 posui, quia non hîc agit vt virginitatem voueant quæ non-
 dum vouerunt, sed quales esse debeant quæ iam votæ sunt.
 Nam vt aggrediatur animus tantum ac tale propositum, gran-
 di vrique dicendi genere debet excitari & accendi. Sed mar-
 tyr Cyprianus de habitu virginum, non de suscipiendo vir-
 ginitatis proposito scripsit. Ille verò Episcopus etiam ad hoc
 eas magno accendit eloquio. Verùm ex eo quod ambo ege-
 runt, dictionis grandis exempla memorabo. Ambo quippe
 inuecti sunt in eas, quæ formam pigmentis colorant, vel po-
 tiùs decolorant: quorum prior ille cùm hoc ageret, ait inter
 cætera: Si quis pingendi artifex vultum alicuius & speciem
 & corporis qualitatem æmulo colore signasset, & signato iam
 consummatoque simulachro, manus alius inferret, vt iam
 formata, iam picta quasi peritior reformaret, grauis prioris ar-

Grædus
 generis ex-
 emplum.

cc^m episto-
 la de ha-
 bitu vir-
 ginitatis
 cc^m B. pau-
 lo (p. 115)
 d. 115.

„ tificis iniuria & iusta indignatio videretur. Tu te existimas
 „ impunè laturam tam improbæ temeritatis audaciam, Dei ar-
 „ tificis offensam? Vt enim impudica circa homines, & incesta
 „ fucis ienocinantibus non sis, corruptis violatîsque quæ Dei
 „ sunt, peior adultera detineris. Quòd ornari te putas, quòd
 „ putas comi, impugnatio est ista diuini operis, præuaticatio est
 „ veritatis. Monentis Apostoli vox est: *Expurgate vetus fermen-*
 „ *tum, ut sis noua conuersio, sicut estis azymi. Etenim pascha no-*
 „ *strum immolatus est Christus. Itaque festa celebremus, non in fer-*
 „ *mento veteri, neque in fermento malitiæ & nequitia, sed in azymis*
 „ *sinceritatis & veritatis.* Num sinceritas perseuerat & veritas,
 „ quando quæ sincera sunt polluantur, & colorum adulterinis
 „ medicaminum fucis in mendacium vera mutantur? Domi-
 „ nus tuus dicit: *Non potes facere capillum unum album aut ni-*
 „ *grum:* & tu ad vincendam Domini tui vocem vis te esse po-
 „ tiorem audaci conatu, & sacrilego contemptu? Crines tuos
 „ inficis, malo præfagio futurorum capillos iam tibi flamm-
 „ eos auspicaris? Longum est inserere omnia quæ sequun-
 „ tur.

Amb. l. 1.
 de virgi-
 nibus,
 ante me-
 dium.

„ Ille verò posterior vt in tales diceret: Hinc illa, inquit, nas-
 „ cuntur incentiua vitiorum, vt quæ sitis coloribus ora depin-
 „ gant, dum viris displicere formidant, & de adulterio vultus,
 „ meditantur adulterium castitatis. Quanta amentia hîc effi-
 „ giem mutare naturæ, picturam quærere? Et dum verentur
 „ maritale iudicium, perdiderunt suum. Prior enim de se pro-
 „ nunciat, quæ cupit mutare quod nata est: ita dum alij studet
 „ placere, prius ipsa sibi displicet. Quem iudicem mulier ve-
 „ riorem requirimus deformitatis tuæ, quàm teipsam quæ vi-
 „ deri times? Si pulchra es, cur absconderis? Si deformis, cur te
 „ formosam esse mentiris, nec tuæ conscientia, nec alieni gra-
 „ tiam erroris habitura? Ille enim alteram diligit, tu alteri vis
 „ placere: & irascere si amet alteram, qui adulterare in te do-
 „ cetur. Mala * magistra es iniuriæ tuæ. Lenocinari enim re-
 „ fugit, etiam quæ passa est lenonem. Ac licet vilis mulier, non
 „ alteri tamen, sed sibi peccat. Tolerabiliora propemodum in
 „ adulterio crimina sunt: ibi enim pudicitia, hîc natura adulte-
 „ ratur. Satis, vt existimo, apparet scæminas ne suam fucis adul-
 „ terent formam, & ad pudorem & ad timorem hac facundia
 „ vehementer impelli. Proinde neque submissum neque tem-

al. Malè

peratū, sed grande omnino genus hoc elocutionis agnoscimus. In his autem quos duos ex omnibus proponere volui, & in aliis Ecclesiasticis viris & bona & benè, id est sicut res postulat, acutè, ornatè, ardentè dicentibus, per multa eorum scripta vel dicta possunt hæc tria genera reperiri, & assidua lectione vel auditione admixta etiam exercitatione studentibus inolescere.

Nec quisquam præter disciplinam esse existimet ista miscere, imò quantum congruè fieri potest, omnibus generibus dictio varianda est. Nam quando proluxa est in vno genere, minùs detinet auditorem. Cùm verò sit in aliud ab alio transitus, etiam si longiùs eat, decentiùs procedit oratio: quamvis habeant & singula genera varietates suas in sermone eloquentium, quibus non sinuntur in eorum qui audiunt frigesce-
re vel tepescere sensibus. Veruntamen faciliùs submissum solum quàm solum grande diutiùs tolerari potest. Commotio quippe animi quantò magis excitanda est, ut nobis assentiat auditor, tantò minùs in ea diu teneri potest, cùm fuerit quantum satis est excitata. Et idèd cauendum est, ne dum volumus altiùs erigere quod erectum est, etiam inde decidat, quòd fuerat excitatione perductum. Interpositis verò quæ sunt dicenda submissiùs, bene reditur ad ea quæ opus est granditer dici, ut dictiois impetus sicut maris æstus alterner. Ex quo fit ut grande dicendi genus, si diutiùs est dicendum, non debeat esse solum, sed aliorum generum interpositione varietur: citamen generi dictio tota tribuatur, cuius copia prævaluit.

Cap. XXII.
De dictio-
varianda est.

INTEREST enim quod genus cui generi interponatur vel adhibeatur certis & necessariis locis: nam & in grandi genere semper aut penè semper temperata debent esse principia. Et in potestate est eloquentis, ut dicantur nonnulla submissè etiam quæ possent granditer dici, ut ea quæ dicuntur granditer, ex illorum fiant comparatione grandiora, & eorum tanquam umbris luminosiora reddantur. In quocunque autem genere aliqua quæstionum vincula soluenda sunt, acumine opus est, quod tibi submissum genus propriè vendicat. Ac per hoc eo genere utendum est & in aliis duobus generibus, quando eis ista incidunt, sicut laudandum aliquid vel vituperandum: ubi nec damnatio, nec cuiusquam liberatio, nec

Cap. XXIII.
De mixto
distinctione
generis.

ad actionem quamlibet assensio requiritur : in quocunque alio genere occurrerit, genus adhibendum & interponendum est temperatum. In grandi ergo genere inveniunt locos suos duo cætera, & in submisso similiter. Temperatum autem genus non quidem semper, sed tamen aliquando submisso indiger, si (ut dixi) * quæstio cuius nodus est solvendus, incurrat : vel quando nonnulla, quæ ornari possent, idèd non ornantur, sed submisso sermone dicuntur, ut quibusdam quasi theoris ornamentorum præbeant eminentiorem locum. Grande autem genus temperata dictio non requirit * : ad delectandos quippe animos, non ad mouendos ipsa suscipitur.

* al. sicut dixi, si quæstio.

* al. temperatam dictionem requirit.

CAP. XXIV.
Sublime dicendi genus quid efficiat.

Non sanè si dicenti crebriùs & vehementiùs acclametur, idèd granditer putandus est dicere : hoc enim & acumina submissi generis, & ornamenta faciunt temperati. Grande autem genus plerùnque pondere suo voces premit, sed lachrymas exprimit. Denique cùm apud Cæsaream Mauritanix populo dissuaderem pugnam civilem, vel potiùs plus quàm civilem, quam cateruam vocabant : neque enim ciues tantummodò, verumetiam propinqui, & fratres, postremò parentes ac filij lapidibus inter se in duas partes diuisi, per aliquot dies continuos, certo tempore anni solenniter dimicabant, & quisque ut quemque poterat occidebat : egi quidem granditer quantum valui, ut tam crudele atque inueteratum malum de cordibus & moribus eorum auellerem, pelleremque dicendo : non tamen egisse aliquid me putaui, cùm eos audirem acclamantes, sed cùm flentes viderem. Acclamationibus quippe se doceri & delectari, flekti autem lachrymis indicabant. Quod ubi aspexi, immanem illam consuetudinem à patribus & auis, longèque à maioribus traditam, quæ peccata eorum hostiliter obsidebat, vel potiùs possidebat, deuictam, antequam re ipsa id ostenderent, credidi. Moxque sermone finito ad agendas Deo gratias corda atque ora conuertit. Et ecce iam ferme octo vel ampliùs anni sunt, propitio Christo, ex quo illic nihil tale tentatum est. Sunt & alia multa experimenta, quibus didicimus homines quid in eis fecerit sapientis granditas dictionis, non clamore potiùs quàm gemitu, aliquando etiam lachrymis, postremò vitæ mutatione monstrasse. Submisso etiam dicendi genere sunt plerique

mutati, sed ut quod non sciebant, scirent: aut quod eis videbatur incredibile, crederent: non autem ut agerent quod agendum iam nouerant, & agere nolebant. Ad huiusmodi namque duritiam flectendam, debet granditer dici. Nam & laudes & vituperationes quando eloquenter dicuntur, cum sint in genere temperato, sic afficiunt quosdam, ut non solum in laudibus & vituperationibus eloquentia delectentur, verum & ipsi laudabiliter appetant, fugiantque vituperabiliter viuere. Sed nunquid omnes qui delectantur, mutantur: sicut in grandi genere omnes qui flectuntur, agunt, & in submisso genere omnes qui docentur sciunt, aut credunt verum esse quod nesciunt?

Vnde colligitur illa duo genera quod efficere intendunt, hoc eis esse maximè necessarium, qui sapienter & eloquenter volunt dicere. Illud verò quod agitur genere temperato, id est ut eloquentia ipsa delectet, non est propter seipsum usurpandum, sed ut rebus quæ utiliter honesteque dicuntur, si nec docente indigent eloquio nec mouente, quia & scientes & fauentes auditores habent, aliquantò promptius ex ipsa delectatione elocutionis accedat vel tenacius adhæreat assensus. Nam cum eloquentiæ sit vniuersale officium in quocunque istorum trium generum, dicere aptè ad persuasionem, finis autem id quod intenderis persuadere dicendo: in quocunque istorum trium generum dicit quidem eloquens aptè ad persuasionem, sed nisi persuadeat, ad finem non peruenit eloquentiæ. Persuadet autem in submisso genere vera esse quæ dicit. Persuadet in grandi, ut agantur quæ agenda iam esse sciuntur, nec tamen aguntur. Persuadet in genere temperato, pulchrè ornatèque se dicere: quo sine nobis quid opus est? Appetant eum qui lingua gloriantur, & se in panegyricis talibusque dictionibus iactant, ubi nec docendus, nec ad aliquid agendum mouendus, sed tantummodò est delectandus auditor. Nos verò istum finem referamus ad alterum finem, ut scilicet quod efficere volumus cum granditer dicimus, hoc etiam isto velimus, id est ut bona morum diligentè, vel deuitentur mala: si ab hac actione non sic alieni sunt homines, ut ad eam grandi genere dictionis urgendi videantur: aut si iam id agunt, ut agant studiosius, atque in eo firmiter perseuerent. Ita sit ut etiam temperati generis ornatu

CAP. XXV.
*Dicendum
ut persuadamus.*

non iactanter, sed prudenter utamur: non eius sine contenti, quo tantummodò delectatur auditor, sed hoc potius agentes, ut etiam ipso ad bonum, quod persuadere volumus, adiuuetur.

Cap. 11^{vt.}
¶ *Et cum an-*
dentium
voluptate
dicamus.

ILLA itaque tria quæ suprà posuimus, cum qui sapienter dicit, si etiam eloquenter vult dicere, id agere debere ut intelligenter, ut libenter, ut obedienter audiatur, non sic accipienda sunt tanquam singula illis tribus dicendi generibus ita tribuantur, ut ad submissum intelligenter, ad temperatum libenter, ad grande pertineat obedienter audiri: sed sic potius ut hæc tria semper intendat, & quantum potest agat: etiam cum in illorum singulo quoque versatur. Nolumus enim fastidiri, etiam quod submissè dicimus, ac per hoc volumus non solum intelligenter, verum etiam libenter audiri. Quid autem agimus diuinis testimoniis docendo quod dicimus, nisi ut obedienter audiamur, id est ut credatur eis, opitulante

Psal. 92. 5.

illo cui dictum est: *Testimonia tua credibilia facta sunt valdè?* Quid etiam cupit nisi ut sibi credatur, qui aliquid licet submisso eloquio discipientibus narrat? Et quis cum velit audire, nisi auditorem nonnulla etiam suauitate detineat? Nam si non intelligatur, quis nesciat nec libenter eum posse, nec obedienter audiri? Plerumque autem dictio ipsa submissa dissoluit difficillimas quæstiones, & inopinata manifestatione demonstrat: dum sententias acutissimas de nescio quibus quasi cauernis, unde non sperabatur, eruit & ostendit: dum aduersarij conuincit errorem, & docet falsum esse quod ab illo dici videbatur inuietum: maximè quando adest ei quoddam decus non appetitum, sed quodammodò naturale: & quando nonnulla non iactatiuncula, sed quasi necessaria, atque

* al. extorta.

(ut ita dicam) ipsis rebus extorta * numerositas clausularum, tantas acclamationes excitat, ut vix intelligatur esse submissa. Non enim quia neque incedit ornata neque armata, sed tanquam nuda congredditur, idè non aduersarium neruis lacertisque collidit, & obstitentem subruit ac destruit membris fortissimis falsitatem. Unde autem crebrè & multum acclamatur ita dicentibus, nisi quia veritas sic demonstrata, sic defensa, sic inuicta delectat? Et in hoc igitur genere submisso iste noster doctor & dictor id agere debet, ut non solum intelligenter, verum etiam libenter & obedienter audia-

tur.

Metaphora
venusta.

tur. Illa quoque eloquentia generis temperari apud eloquentem Ecclesiasticum, nec inornata relinquitur, nec indecenter ornatur: nec solū hoc appetit ut delectetur, quod solū apud alios proficitur: verū etiam in iis quæ laudat siue vituperat, illis appetendis vel firmius tenendis, illis autē vitandis vel respuendis, vult utique obedienter audiri. Si autem non auditur intelligenter, nec libenter potest. Proinde illa tria, ut intelligant qui audiunt, ut delectentur, ut obediant, etiam in hoc genere agendum est, ubi tenet delectatio principatum. Iam verò ubi mouere & flectere grandi genere opus est auditori, quod tunc est opus, quando & veraciter dicit, & suauiter confitetur, & tamen non vult facere quod dicitur, dicendum est proculdubio grandire. Sed quis mouetur, si nescit quod dicitur? Aut quis tenetur ut audiat, si non delectatur? Vnde & in isto genere, ubi ad obedientiam cordurum dictionis granditate flectendum est, nisi & intelligenter & libenter qui dicit audiatur, non potest obedienter audiri.

HABET autem ut obedienter audiatur quantacunque granditate dictionis maius pondus vita dicentis: Nam qui sapienter & eloquenter dicit, viuunt autem nequiter, erudit quidem multos discendi studiosos, quamuis animæ suæ sit inutilis, sicut scriptum est: *Scribe & Pharisei in cathedra Moysi sederunt; quæ dicunt facite, quæ autem faciunt, facere nolite: dicunt enim & non faciunt*, vnde ait & Apostolus: *Sive occasione, sive veritate Christus annuncietur*. Christus autem veritas est, & tamen etiam non veritate annunciari veritas potest, id est ut prauo & fallaci corde quæ recta & vera sunt prædicentur. Sic quippe annuncietur IESVS CHRISTVS ab eis qui sua quæ-
runt, non quæ IESVS CHRISTI. Sed quoniam boni fideles non quemlibet hominum, sed ipsum Deum obedienter audiunt, qui ait: *Quæ dicunt, facite: quæ autem faciunt, facere nolite: dicunt enim, & non faciunt*; idē audiuntur vtiliter, qui etiam vtiliter non agunt. Sua enim quærare student, sed sua docere non audent: de loco scilicet superiore sedis Ecclesiasticæ, quam sana doctrina constituit. Propter quod ipse Dominus, prius quàm de talibus quod commemoravi diceret, præmisit, *super Cathedram Moysi sederunt*. Illa ergo cathedra, non eorum sed Moysi, coge-
bat eos bona dicere, etiam non bona facien-

Cap. xxvii.
Obediuntius
audiri cu-
ius vitæ
rationi res-
ponder.
Mat. 23. 1.

Phil. 1. 18.

Phil. 2. 17.

Mat. 23. 3.

tes. Agebant ergo suam in vita sua: docere aurem suam, cathedra illos non permittebar aliena. Multis itaque profunt dicendo quæ non faciunt: sed longè pluribus prodesse faciundo quæ dicunt. Abundant enim qui malæ vitæ suæ defensionem ex ipsis suis præpositis & doctoribus quærunt, respondentes corde suo, aut etiam si ad hoc erumpunt ore suo, atque dicentes, Quod mihi præcipis, cur ipse non facis? Ira fit ut cum non obedienter audiant, qui se ipse non audit, & Dei verbum quod eis prædicatur, simul cum ipso prædicatore contemnant. Denique Apostolus scribens ad Timotheum, cum dixisset: *Nemo adolescentiam tuam contemnat*: subiecit unde non contemneretur, atque ait: *Sed forma esto fidelium in sermone, in conuersatione, in dilectione, in fide, in castitate.*

Cap. xxviii.
Sapienter
dicere.

TALIS doctor ut obedienter audiat ut impudenter, non solum submissè ac temperatè, verum etiam granditer dicit, quia non contemptibiliter uiuit. Sic namque elegit bonam vitam, ut etiam bonam non negligat famam, sed prouideat bona coram Deo & hominibus, quantum potest illum timendo, his consulendo. In ipso etiam sermone malit rebus placere quam verbis: nec existimet dici melius, nisi quod dicitur verius: nec doctor verbis seruiat, sed verba doctori.

1. Cor. 8. 11.

2. Cor. 1. 17.

Hoc est enim quod Apostolus ait: *Non in sapientia verbi, ne euacuetur crux Christi.* Ad hoc enim valet etiam quod ait ad

2. Tim. 2.
14.

Timotheum: *Noli verbis contendere: ad nihil enim utile est, nisi ad subuersionem audientium.* Neque enim hoc idè dictum est,

Tit. 2. 9.

ut aduersariis oppugnantibus veritatem, nihil nos pro veritate dicamus. Er ubi erit quod cum ostenderet qualis esse Episcopus debeat, ait inter cætera: *Ut potens sit in doctrina sana & contradicentes possit redarguere.* Verbis enim contendere, est non curare quomodo error veritate vincatur, sed quomodo tua dictio dictioni præferatur alterius. Porro qui non verbis contendit, siue submissè, siue temperatè, siue granditer dicat, id agit verbis ut veritas pateat, veritas placeat, veritas moueat: quoniam nec ipsa quæ præcepti finis, & plenitudo legis est charitas, vilo modo recta esse potest, si ea quæ diliguntur non vera sed falsa sunt. Sicut autem cuius pulchrum corpus & deformis est animus, magis dolendus est, quam si deforme haberet & corpus: ita qui eloquenter ea quæ falsa sunt di-

cunt, magis miserandi sunt, quàm si talia deformiter dicerent. Quid est ergo non solùm eloquenter, verum etiam sapienter dicere, nisi verba in submisso genere sufficientia in temperato splendèntia, in grandi vehementia, veris tamen rebus quas audire oporteat adhibere? Sed qui vtrumque non potest, dicat sapienter quod non dicit eloquenter, potiùs quàm dicat eloquenter, quod non dicit sapienter.

S 1 autem ne hoc quidem potest, ita conuerfetur, vt non solùm præmium sibi compareret, sed etiam præbeat aliis exemplum, & sit eius quasi copia dicendi forma viuendi. Sunt sanè quidam qui bene pronunciare possunt, quid autem pronunciant, excogitare non possunt. Quòd si ab aliis fumant eloquenter sapienterque conscriptum, memoriaque commendent, atque ad populum proferant, si eam personam gerunt, non improbè faciunt. Sic enim, quod profectò vtile est, multi prædicatores veritatis sunt, nec multi magistri, si vnius veri magistri id ipsum dicant omnes, & non sint in eis schismata. Nec deterrendi sunt isti voce Hieremiæ Prophetæ, per quem Deus arguit eos qui furantur verba eius, vnusquisque à proximo suo. Qui enim furantur, alienum auferunt: verbum autem Dei non est ab eis alienum, qui obtemperant ei: potiùsque ille dicit aliena, qui cùm dicat bene, viuit malè. Quæcunque enim bona dicit, eius excogitari videntur ingenio, sed ab eius moribus aliena sunt. Eos itaque dixit Deus furari verba sua, qui boni volunt videri, loquendo quæ Dei sunt, cùm mali sint faciendo quæ sua sunt. Nec sanè ipsi dicunt bona, quæ dicunt, si diligenter attendas. Quomodò enim dicunt verbis, quod negant factis? Non enim frustra de talibus ait Apostolus: *Confitentur se nosse Deum, factis autem negant.* Modo ergo quodam ipsi dicunt, & rursus alio modo ipsi non dicunt, quoniam vtrumque vetum est quod ait veritas. De talibus enim loquens: *Qua dicunt, inquit, facite: quæ autem faciunt, facere nolite:* hoc est, quod ex ore illorum auditis, facite: quod in opere videtis, facere nolite: dicunt enim, inquit, & non faciunt. Ergo quamuis non faciant, dicunt tamen. Sed alio loco tales arguens: *Hypocrite, inquit, quomodo potestis bona loqui, cùm sitis mali?* Ac per hoc & ea quæ dicunt, quando bona dicunt, non ipsi dicunt, voluntate scilicet atque opere negando quod dicunt. Vnde contingit, vt

Cap. xxix.
Diuersos esse
verbi
præcones
secundū
lingua
ingenij,
vita diuer
sitatum.

Hier. 23. 30.

Tit. 16.

Mat. 23. 3.

Mat. 23. 34.

homo disertus & malus sermonem quo veritas prædicetur, dicendum ab alio non diserto sed bono ipse componat. Quod cum sit, ipse à seipso tradit alienum, ille ab alieno accipit suum. Cum verò boni fideles bonis fidelibus hanc operam commodant, utrique sua dicunt: quia & Deus ipsorum est, cuius sunt illa quæ dicunt: & ea sua faciunt, quæ non ipsi componere potuerunt, qui secundum illa compositis vivunt.

CAP. XXX.
Orandus
Deus, ut
adsit nobis
dicentibus.
Hest. 14. 15.

SIVE autem apud populum vel apud quoslibet iamiamque dicturus, siue quod apud populum dicendum, vel ab eis qui voluerint aut potuerint legendum est dictaturus, oret ut Deus sermonem bonum det in os eius. Si enim regina oravit Hester, pro suæ gentis temporaria salute locutura apud Regem, ut in os eius Deus congruum sermonem daret; quanto magis orare debet, ut tale munus accipiat, qui pro æterna hominum salute in verbo & doctrina laborat. Illi verò qui ea dicturi sunt quæ ab aliis acceperunt, & antequam accipiant orent pro eis à quibus accipiunt, ut eis detur quod per eos accipere volunt: & cum acceperint, orent ut bene & ipsi proficiant, & illi ad quos proferunt sumant: & de prospero exitu dictionis eidem gratias agant, à quo id se accepisse non dubitant, ut qui gloriatur, in illo gloriatur, in cuius manu sunt & nos & sermones nostri.

Sap. 7. 16.

Cap. XXXI.
Excusatur
prolixitas
libri.

LONGIOR euasit liber hic quam volebam, quamque putaueram. Sed legenti vel audienti, cui gratus est, longus non est: cui autem longus est, per partes eum legat, qui habere vult cognitum. Quem verò eius cognitionis piget, de longitudine non queratur. Ego tamen Deo nostro gratias ago, quod in his quatuor libris non qualis ego essem, cui multa defunt, sed qualis esse debeat, qui in doctrina sana, id est Christiana, non solum sibi, sed aliis etiam laborare studet, quantum acunque potui facultate disserui.



S A N C T I
AVRELII AVGVSTINI
DE VERA RELIGIONE LIBER.

Argumentum huius libri ex Retract. lib. 1. c. 13.

IN Etiam de vera religione librum scripsi, in quo multipliciter & copiosissimè disputatur vnum verum Deum, id est, Trinitatem, Patrem & Filium, & Spiritum sanctum, religione vera colendum: & quanta misericordia eius, per temporalem dispensationem concessa sit hominibus Christiana religio, quæ vera religio est, & ad eundem cultum Dei quemadmodum sit homo quadam * vita sua coaptandus. Maximè tamen contra duas * ad suavitatem.

CVM omnis vitæ bonæ ac beatæ via in vera religione sit constituta, qua vnus Deus colitur, & purgatissima pietate cognoscitur, principium naturarum omnium à quo vniuersitas & inchoatur & perficitur & continetur: hinc euidentiùs error deprehenditur eorum populorum, qui multos deos colere, quàm vnum verum Deum, & Dominum omnium maluerunt, quòd eorum sapientes, quos Philosophos vocant, scholas habebant dissidentes & templa communia. Non enim vel populos vel sacerdotes latebat, de ipsorum deorum natura quàm diuersa sentirent, cum suam quisque opinionem publicè profiteri non formidaret, atque omnibus si posset persuadere moliretur, omnes tamen cum sectatoribus suis diuersa & aduersa sentientibus, ad sacra communia nullo prohibente veniebant. Non nunc agitur quis eorum verius senserit, sed certè illud satis, quantum mihi videtur, apparet, aliud eos in religione suscepisse cum po-

Q ij,

CAP. I.
Philosophi
de religione
quid senserint.

pulo, & aliud eodem ipso populo audiente defendisse priuatim.

Cap. II.
De diis
quid Sacra-
res senserit.
* al. tanquã.

SOCRATES tamen * audacior cæteris fuisse perhibetur, iurando per canem quemlibet, & lapidem quemlibet, & quiddid iuraturus esset in promptu, & quasi ad manum occurrisset. Credo intelligebat qualiacunque opera naturæ, quæ administralte, diuina prouidentia gignerentur, multo quàm hominum & quorumlibet opificum esse meliora, & idè diuinis honoribus digniora, quàm ea quæ in templis colebantur. Non quod verè lapis & canis essent colenda sapientibus, sed vt hoc modo intelligerent qui possent, tanta superstitione demersos esse homines, vt emergentibus hic esset tam turpis demonstrandus gradus: ad quem venire si pueret, viderent quantò magis pudendum esset in turpiore consistere. Simul & illos qui mundum istum visibilem, summu Deum esse opinabantur, admonerat turpitudinis suæ, docens esse consequens, vt quilibet lapis tanquam summi Dei particula iure coleretur. Quod si execrarentur, mutarent sententiam, & vnum Deum colerent *, quem solum supra mentes nostras esse, & à quo omnem animam & totum istum mundum fabricatum esse constaret. Postea suauius ad legendum, quàm potentiùs ad persuadendum scripsit Plato, Non enim sic isti nati erant, vt populorum suorum * opinionem ad verum cultum veri Dei à simulachrorum superstitione, atque ab huius mundi vanitate conuerterent. Itaque & ipse Socrates cum populo simulachra venerabatur, & post eius damnationem mortemque nemo ausus est iurare per canem, nec appellare quemcumque lapidem Iouem, sed hæc tantummodo memoriæ literisque mandare. Quod vtrum timore seueritatis, an aliqua cognitione tempotum fecerint, iudicare non est meum.

Cap. III.
Paganis mi-
ri conuersi
ad Christiã.

ILLVD tamen fidentissimè dixerim, pace horum omnium, qui eorum libros peruiaciter diligunt, Christianis temporibus quænam religio potissimùm tenenda sit, & quæ ad veritatem ac beatitatem via est, non esse dubitandum. Si enim Plato ipse viueret, & me interrogantem non aspernaretur, vel potiùs, si quis eius discipulus eo ipso tempore quo vivebat, cum interrogaret: cum sibi ab illo persuaderetur, non corporeis oculis, sed pura mente veritatem videri, cui quæ-

eunque anima inhæsisset, eam beatam fieri atque perfectam: ad quam percipiendam nihil magis impedire, quàm viram libidinibus deditam & falsas imagines rerum sensibilibus, quæ nobis ab hoc sensibili mundo per corpus impressæ, varias opiniones errorisq; generarent: quomobrem sanandum esse animum ad intuemdam incommutabilem rerum formam, & eodem modo semper se habentem, atque vndique sui similem pulchritudinem, nec distentam locis, nec tempore variatam, sed vnum atque idem omni ex parte seruantem, quam non crederent esse homines, cum ipsa verè summæque sit: cætera nasci, occidere, fluere, labi, & tamen inquantum sunt, ab illo æterno Deo per eius veritatem fabricata consistere: in quibus animæ tantum rationali & intellectualem datum est, ut eius æternitatis contemplatione perfruatur atque afficiatur, orneturque ex ea, æternamque vitam possit mereri. Sed dum nascentium atque transeuntium rerum amore ac dolore sauciatur *, & dedita consuetudini huius vitæ atque sensibus corporis, inanibus evanescit imaginibus, irridet eos, qui dicunt esse aliquid, quod nec istis videatur oculis, nec ullo phantasmate cogitetur, sed mente sola & intelligentia cerni queat.

Cum hæc ergo à magistro sibi persuaderentur, si ex eo quæreret ille discipulus, vtrum si quisquam existeret vir magnus atque diuinus, qui talia populis persuaderet credenda saltem, si percipere non valerent, aut si qui possent percipere, non prauis opinionibus multitudinis implicati, vulgaribus obruerentur erroribus, cum diuinis honoribus dignum iudicaret responderet credo ille, non posse hoc ab homine fieri, nisi quem fortè ipsa Dei virtus atque sapientia ab ipsa rerum natura exceptum, nec hominum magisterio, sed intima illuminatione ab incunabulis illustratum, tanta honestate gratia, tanta firmitate roboraret, tanta denique maiestate subueheret, ut omnia contemnendo quæ prauis homines cupiunt, & omnia perpetiundo, quæ horrescunt, & omnia faciendo quæ mirantur, genus humanum ad tam salubrem fidem summo amore atque auctoritate cōuerteret. De honoribus verò eius frustra se consuli, cum facile possit existimari quantum honoris debeatur sapientiæ Dei, qua gestante & gubernante illo pro vera salute generis humani, magnum aliquid proprium,

* ad fatiam
rim,

& quod supra homines esset mereretur. Quæ si facta sunt, si literis monumentis que celebrantur, si ab vna regione terrarum, in qua sola vnus colebatur Deus, & vbi talem nasci oportebat, per totum orbem terrarum missi electi viri, virtutibus atque sermonibus diuini amoris incendia concitarunt: si confirmata saluberrima disciplina, illuminatas terras posteris reliquerunt: & ne de præteritis loquar, quæ potest quisque non credere, si hodie per gentes populosque prædicatur:

Ioan. 1. 1.

In principio erat Verbum, & Verbum erat apud Deum, & Deus erat Verbum: hoc erat in principio apud Deum, omnia per ipsum facta sunt, & sine ipso factum est nihil. Si ad hoc percipiendum, diligendum, persciendum, vt anima sanetur, & tantæ lucis hauriendæ mentis acies conualescat, dicitur avaris: Nolite vobis

Matt. 6. 19.

condere thesauros in terra, vbi tinea & arugo exterminant, & vbi fures effodiunt & furantur; sed thesaurizate vobis thesauros in celo, vbi neque tinea neque rubigo exterminat, neque fures effodiunt, neque furantur: vbi enim est thesaurus tuus, ibi est & cor tuum. Dicitur luxuriosis: Qui seminat in carne, de carne metes corruptionem:

Galat. 6. 8.

qui seminat in spiritu, de spiritu metes vitam æternam. Dicitur superbis: Qui se exultat humiliabitur, & qui se humiliat exaltabitur.

Lucæ 14. 11.

Matt. 5. 18.

Dicitur iracundis: Accipisti aliam, para alteram maxillam. Dicitur discordiosis: Diligite inimicos vestros.

Lucæ 6. 35.

Matt. 5. 44.

Dicitur superstitiosis: Regnum Dei intra vos est. Dicitur curiosis: Nolite quaerere quæ videntur, sed quæ non videntur: quæ enim videntur, temporalia sunt: quæ autem non videntur, æterna sunt.

Lucæ 17. 21

Postremo dicitur omnibus: *Nolite diligere mundum neque ea quæ in mundo sunt: quoniam omne quod in mundo est, concupis-*

1. Cor. 4. 18.

1. Ioh. 2. 15

centia carnis est, & concupiscentia oculorum, & ambitio sæculi. Si hæc per totum orbem iam populis leguntur, & cum veneratione libentissimè audiuntur: si post tantum sanguinem, tantos ignes, tot cruces martyrum, tantò fertiliss & vberius vsque ad barbaras nationes Ecclesiæ pullularunt: si tot iuuenum & virginum millia contemnentium nuptias, castæque viuentium, iam nemo miratur: quod cum fecisset Plato, vsque adedò peruersam temporum suorum timuit opinionem, vt perhibeatur sacrificasse naturæ, vt tanquam peccatum illud aboleretur: si hæc sic accipiuntur, vt quomoddò antea talia disputare, sic nunc contra disputare monituosum sit: si tali pollicitatione atque sponsioni per omnes terrarum partes quas

quas homines incolunt, sacra Christiana traduntur : si hæc quotidie leguntur in Ecclesijs, & à Sacerdotibus exponuntur : si tundunt pectora qui conantur hæc implere, si tam innumerabiles aggrediuntur hanc viam, vt desertis diuitiis & honoribus huius mundi ex omni hominum genere vni Deo summo totam vitam dicare volentium, desertæ quondam insula, ac nularum terrarum solitudo compleatur : si denique per vrbes atque oppida, castella, vicos & agros etiam villasque priuatas in tantum apertè persuadetur & appetitur à terrenis auersio, & in vnum Deum verumque conuersio, vt quotidie per vniuersum orbem humanum genus vna penè voce respondeat, *Sursum corda se habere ad Dominum*, quid adhuc osecitamus erapulam helternam, & in mortuis secudibus diuina eloquia perscrutamur ? Si quando autem ad disputationem venit, Platonico nomine ora crepantia, quam peccatus vero plenum, magis habere gestimus.

In Canone
Missæ.

QVI ergo sensibilem istum mundum contemnere & animam virtute purgandam, summo Deo subiicere atque subiugare, vanum aut malum putant, alia ratione refellendi sunt : si tamen cum his dignum est disputare. Qui autem bonum & appetendum fatentur, cognoscant Deum & cedant Deo, per quem populis iam omnibus hæc credenda persuasa sunt. Quod utique ab ipsis fieret, si tantum valerent : aut si non fieret, crimen inuidentiæ vitare non possent. Ergo cedant ei à quo factum est, nec curiositate aut inani instantia impedian- tur quo minùs agnoscant, quid intersit inter paucorum tumidas coniecturas, & manifestam salutem correptionemque populorum. Illi enim si reuiuiscerent, quorum isti nomini- bus gloriantur, & inuenirent refertas Ecclesias, templaque deserta, & à cupiditate bonorum temporalium & fluentium ad spem vitæ æternæ, & bona spiritalia & intelligibilia vocari & currere humanum genus, dicerent fortasse (si tales essent quales fuisse memorantur) hæc sunt quæ nos persuadere populis non ausi sumus, & eorum potiùs consuetudini cessimus, quàm illos in nostram fidem voluntatemque traduximus. Itaque si hanc vitam illi viri nobiscum rursus agere potuissent, viderent profectò cuius autoritate faciliùs consuleretur hominibus, & paucis mutatis verbis atque sententiis Christiani fierent, sicut plerique recentiorum nostrorumque tem-

Cap. 17.
De amore
calèstium

Platonici
minimum
abunt à
Christianis.

*In Phædra,
item 6. de
Legibus, ac
Timæo.*

porum Platonici fecerunt. Aut si hoc non faterentur neque facerent, in superbia & inuidia remanentes, nescio vtrum possent ad ea ipsa quæ appetenda & desideranda esse dixerant, cum istis sordibus viscoque reuolare. Nam tertio vicio curiositatis in percontandis dæmonibus, quo isti maximè cum quibus nunc agitur pagani à Christiana salute reuocantur: quia nimis puerile est, nescio vtrum tales illi præpedirentur viri.

*Cap. v.
In quibus
fælis vera
religio.
* al. habe-
bat.*

SEd quoquo modo se habeat * Philosophorum iactantia, illud cuius intelligere facile est, religionem ab eis non esse querendam, qui eadem sacra suscipiebant cum populis, & de suorum deorum natura ac summo bono, diuerlas contrariâque sententias in scholis suis eadem teste multitudine personabant. Quòd si hoc vnum tantum vitium Christiana disciplina sanatum videremus, ineffabili laude prædicandam esse, neminem negare oporteret. Hæreses namque tam innumerabiles à regula Christianitatis auersæ, testes sunt non admitti ad communicanda Sacramenta eos, qui de Patre Deo, & Sapientia eius, & munere diuino aliter sentiunt, & hominibus persuadere conantur, quàm veritas postulat. Sic enim creditur, & docetur quod est humanæ salutis caput, non aliam esse Philosophiam, id est, sapientiæ studium, & aliam religionem, cum ij quorum doctrinam non approbamus, nec Sacramenta nobiscum communicant. Quod in illis minùs mirandum est, qui eorum quoque Sacramentorum ritu dispares esse voluerunt, sicut nescio qui serpentini, qui appellantur Manichæi*, sicut alij nonnulli. Sed in illis magis animaduertendū hoc magisque prædicandum, qui paria Sacramenta celebrantes, tamen quia sententiâ dispares sunt, & errores suos animosiùs defendere quàm cautiùs corrigere maluerunt, exclusi à Catholica communione, & à participatione, quamuis parium Sacramentorum, propria vocabula propriò que conuentus, non in sermone tantum, sed etiam in superstitione meruerunt: vt Photiniani, Ariani, multique præterea. Nam de iis qui schismata fecerunt, alia quæstio est. Posset enim eos area Dominica vsque ad tempus vltimæ ventilationis velut paleas sustinere, nisi vento superbiæ nimia leuitate cessissent, & sese à nobis vtrò separassent. Iudæi verò quamuis vni omnipotenti Deo supplicent, sola tamen tem-

** al. sicut
Maoichæi.*

poralia & visibilia bona de illo expectantes, rudimenta novi populi ab humilitate surgentia, in ipsis suis scripturis nimia securitate noluerunt advertere, atque ita in veteri homine remanserunt. Quæ cum ita sint, neque in confusione paganorum, neque in purgamentis hæreticorum, neque in languore schismaticorum, neque in cæcitate Iudæorum quærenda est religio, sed apud eos solos, qui Christiani, Catholici, vel Orthodoxi nominantur, id est, integritatis custodes, & recta sectantes.

Hæc enim Ecclesia Catholica per totum orbem valide latetque diffusa, omnibus errantibus vitur ad profectus suos, & ad eorum correctionem cum euigilare voluerint. Vitur enim gentibus ad materiam operationis suæ, hæreticis ad probationem doctrinæ suæ, schismaticis ad documentum stabilitatis suæ, Iudæis ad comparisonem pulchritudinis suæ. Alios ergo inuitat, alios excludit, alios relinquit, alios antecedit, omnibus tamen gratiæ Dei participandæ dat potestatem: siue illi informandi sint adhuc, siue reformandi, siue recolligendi, siue admittendi. Carnales autem suos, id est, viuentes aut sentientes carnaliter, tanquam paleas tolerat, quibus in area frumenta tutiora sunt, donec talibus tegminibus exuantur. Sed quia in hac area pro voluntate quilibet, vel palea vel frumentum est, tamdiu sustinetur peccator aut error cuiuslibet, donec aut accusatorem inueniat, aut prauam opinionem pertinaci animositate defendat. Exclusi autem aut pœnitendo redeunt, aut in nequitiam malè liberi defluunt ad admonitionem nostræ diligentia: aut schisma faciunt ad exercitationem nostræ patientiæ: aut hæresim aliquam gignunt ad examen siue occasionem nostræ intelligentiæ. Hi sunt exitus Christianorum carnalium, qui non poterunt corrigi aut sustineri. Sæpè etiam finit diuina providentia per nonnullas nimium turbulenta carnalium hominum seditiones expelli de congregatione Christiana, etiam bonos viros. Quam contumeliam vel iniuriam suam cum patientissimè pro Ecclesiæ pace tulerint, neque villas nouitates vel schismatis, vel hæresis moliti fuerint, docebunt homines, quàm vero affectu, & quanta synceritate charitatis Deo seruiendum sit. Talium ergo virorum propositum est, aut sedatis remeare turbinibus: aut si id non sinantur, vel eadem

Cap. vi.
Et bonis &
malis uti-
tur Ecclesia.

Constantia
Sanctorum
pro Ecclesia

tempestate perseuerante, vel ne suo reditu talis aut fatior oriatur, tenent voluntatem consulendi, etiam eis ipsis quorum motibus perturbationibusque cesserunt, sine vlla conuenticulorum segregatione vsque ad mortem defendentes, & testimonio iuuantes eam fidem, quam in Ecclesia Catholica prædicari sciunt. Hos coronat in occulto Pater, in occulto videns. Rarum hoc videtur genus, sed tamen exempla non desunt: imò plura sunt quàm credi potest. Ita omnibus generibus hominum & exemplorum ad animarum curationem, & ad institutionem spiritualis populi, vitur diuina prouidentia.

Cap. VII.
Catholica
Ecclesia
laus.

QVAMOBREM cùm ante paucos annos promiserim tibi scribere, charissime mihi Romaniane, quid de vera religione sentirem, tempus nunc esse arbitratus sum, postquam tuas acerrimas interrogationes, sine vilo certo fine fluctuare, ea charitate qua tibi obstrictus sum, diutiùs sustinere non possum. Repudiatis igitur omnibus, qui neque in sacris philosophantur, nec in Philosophia consecrantur: & iis qui vel praua opinione, vel aliqua similitate superbientes, à regula & communione Ecclesiæ Catholicæ deuiarunt: & iis qui sanctarum scripturarum lumen, & spiritualis populi gratiam, quod nouum Testamentum vocatur, habere noluerunt, quos quanta potui breuitate perstrinxi. Tenenda est nobis Christiana religio, & eius Ecclesiæ communicatio quæ Catholica est, & Catholica nominatur, non solum à suis, verum etiam ab omnibus inimicis. Velint enim nolintve ipsi quoque hæretici, & schismatum alumni, quando non cum suis, sed cum extraneis loquuntur, Catholicam nihil aliud quàm Catholicam vocant. Non enim possunt intelligi, nisi hoc eam nomine discernant, quo ab vniuerso orbe nuncupatur. Huius religionis sectanda caput est historia & prophetia dispensationis temporalis diuinæ prouidentiae, pro salute generis humani in æternam vitam reformandi atque reparandi. Quæ cùm credita fuerit, mentem purgabit vitæ modus de diuinis præceptis conciliatus, & idoneam faciet spiritualibus percipiendis, quæ nec præterita sunt, nec futura, sed eodem modo semper manentia, nulli mutabilitati obnoxia, id est, vnum ipsum Deum Patrem & Filium & Spiritum sanctum: quæ Trinitate quantum in hac vita datum est cognita, omnis in-

intellectualis & animalis & corporalis creatura, ab eadem Trinitate creatrice esse in quantum est, & speciem suam habere; & ordinatissimè administrari, sine vlla dubitatione perspicitur: non ut aliam partem totius creaturæ fecisse intelligatur Pater, & aliam Filius, & aliam Spiritus sanctus, sed & simul omnia & vnāquamque naturam Patrem fecisse per Filium in dono Spiritus sancti. Omnis enim res vel substantia vel essentia vel natura, vel si quo alio verbo melius enuncietur, simul hæc tria habet, vt & vnum aliquid sit, & specie propria discernatur à cæteris, & rerum ordinem non excedat.

QVO cognito, satis apparebit quantum homo assequi potest quàm necessariis & inuictis, & iustis legibus, Deo & Domino suo cuncta subiecta sint: ex quo illa omnia quæ primò credidimus, nihil nisi auctoritatem secuti, partim sic intelliguntur, vt videamus esse certissima: partim sic vt videamus fieri posse, atque ita fieri oportuisse, doleamúsque illos hæc non credentes, qui nos antea credentes irridere, quàm nobiscum credere maluerunt. Non enim iam illa hominis Sacrosancta susceptio, & virginis partus, & mors Filij Dei pro nobis, & resurrectio à mortuis, & in cælum ascensio, & confectus ad dexteram Patris, & peccatorum abolitio, & iudicij dies, & corporum resuscitatio, cognita æternitate Trinitatis & mutabilitate creaturæ creduntur tantùm, & non etiam iudicantur ad summi Dei misericordiam, quam generi humano exhibet, pertinere. Sed quoniam verissimè dictum est: *Oportet multas hæreses esse, vt probati manifesti fiant inter vos,* vtamur etiam isto diuinæ prouidentiae beneficio. Ex his enim hominibus hæretici fiunt, qui etiam si essent in Ecclesia, nihilominus errarent. Cùm autem foris sunt, plurimùm profunt, non verum docendo, quod nesciunt; sed ad verum quærendum carnales, & ad verum aperiendum spirituales Catholicos excitando. Sunt enim innumerabiles in Ecclesia sancta Deo probati viri, sed manifesti non fiunt inter nos quamdiu imperitiæ nostræ tenebris delectati dormire malumus, quàm lucem veritatis intueri. Quapropter multi vt diem Dei videant & gaudeant, per hæreticos de somno excitantur. Vtamur igitur etiam hæreticis, non vt eorum approbemus errores, sed vt Catholicam disciplinam aduersus eo-

CAP. VIII.
Varietas sc.
harum pro-
fuit Eccle-
sia.

1. Cor. 11. 19

rum insidias asserentes, vigilantiores & cautiotes simus, etiam si eos ad salutem reuocare non possumus.

Cap. ix.
*Manichaeorum error
de duabus
animabus.*

CREDO autem affuturum Deum, vt ista scriptura praecedente pietate legentibus bonis, non aduersus vnā aliquam, sed aduersus omnes prauas & falsas opiniones possit valere. Contra eos ramen potissimum est instituta, qui duas naturas vel substantias singulis principiis aduersus inuicem rebelles esse arbitrantur. Offensi enim quibusdam rebus, & rursus quibusdam delectati, non earum quibus offenduntur, sed earum quibus delectantur, volunt esse auctorem Deum. Et cum consuetudinem suam vincere nequeunt, iam carnalibus laqueis irreti, duas animas esse in vno corpore existimant: vnā de Deo, quā naturaliter hoc sit quod ipse: alterā de gente tenebrarum, quam Deus nec genuerit, nec fecerit, nec protulerit, nec abiecerit, sed quā suā vitam, suā retrā, suos fetus & animalia, suū postremum habuerit regnum, ingentūque principium: sed quodam tempore aduersus Deum rebellasse, Deum autem cum aliud quod faceret non haberet, & quomodo aliter posset hosti resistere non inueniret, necessitate oppressum misisse huc animā bonā, & quādam particulā suae substantiae, cuius commixtione atque miscela * hostem temperatum esse somniant, & mundum fabricatum. Neque nunc opiniones eorum refellimus, quod partim iam fecimus, partim quantum Deus siuerit faciemus: sed in hoc Opere quomodo aduersus eos fides Catholica tuta sit, & quomodo non perturbent animum ea, quibus commoti homines in eorum cedunt sententiam, rationibus quas Dominus dare dignatur, quantum possumus demonstramus. Illud sanē in primis tenere te volo, qui bene nosti animum meum, non hoc me fugiendae arrogantiae gratia quasi solenniter dicere, quicquid in his literis erroris inueniri poterit, hoc solum mihi esse tribuendum: quicquid autem verum & conuenienter expositum, vni omnium bonorum munus largitori Deo.

Cap. x.
*Error unde,
& quomodo
defenditur
vera religio.
* Id est Spiritum.*

QUAMOBREM sit tibi manifestum atque perceptum, nullum errorem in religione esse potuisse, si anima pro Deo suo non coleret animā *, aut corpus, aut phantasmata sua, aut horum aliqua duo coniuncta, aut certē simul omnia: sed in hac vita societati generis humani siue dolo temporaliter

congruens, æterna meditareretur, vnum Deum colens; qui *vide lib. 1.*
 nisi permaneret incommutabilis, nulla mutabilis natura re- *Retrad. c. 13.*
 maneret. Mutari autem animam posse, non quidem locali-
 ter, sed tamen temporaliter, suis affectionibus quisque co-
 gnoscit. Corpus verò & temporibus & locis esse mutabile,
 cuius aduertere facile est. Phantasmata porro nihil sunt
 aliud quàm de specie corporis corporeo sensu attrahita fig-
 menta; quæ memoriæ mandare vt accepta sunt, vel partiri,
 vel multiplicare, vel contrahere, vel distendere, vel ordina-
 re, vel perturbare, vel quolibet modo figurare cogitando fa-
 cillimum est, sed cùm verum quæritur, cauere & vitare diffi-
 cile. Non ergo creaturæ potiùs, quàm creatori seruiamus, nec
 euanescamus in cogitationibus nostris, & hæc perfecta reli-
 gio est. Æterno enim creatori adhærentes, & nos æternitate
 afficiamur necesse est. Sed quia hoc anima peccatis suis obruta
 & implicata per seipsam videre ac tenere non posset, nul-
 lo in rebus humanis ad diuina capeßenda interposito gradu
 per quem ad Dei similitudinem à terrena vita homo nitere-
 tur, ineffabili misericordia Dei temporali dispensatione per
 creaturam mutabilem, sed tamen æternis legibus seruientem
 ad commemorationem primæ suæ perfectæque naturæ, par-
 tim singulis hominibus, partim verò ipsi hominum generi
 subuenitur. Ea est nostris temporibus Christiana religio,
 quam cognoscere ac sequi, securissima & certissima salus est.
 Defendi autem aduersus loquaces, & aperiri quærentibus,
 multis modis potest. Omnipotente ipso Deo per seipsum de-
 monstrante, quæ vera sunt, & ad hæc intuenda & percipien-
 da, bonas voluntates per bonos Angelos & quolibet homi-
 nes adiuuante. Eo modo autem quisque vtitur, quem videt
 congruere iis cum quibus agit. Ego itaque diu multùmque
 considerans, quales oblatrantes, & quales quærentes exper-
 tus sim, vel qualis ipse, siue cùm latrarem, siue quum quære-
 rem fuerim, hoc modo mihi vtendum putavi: quæ vera esse
 perspexeris, tene, & Ecclesiæ Catholicæ tribue, quæ falsa,
 respue, & mihi qui homo sum ignosce: quæ dubia, crede, do-
 nec aut respuenda esse, aut vera esse, aut semper credenda esse,
 vel ratio doceat, vel præcipiat auctoritas. Intende igitur in
 hæc quæ sequuntur diligenter, & piè quantum potes: tales
 enim adiuuat Deus.

*vide lib. 1.
 Retrad. c. 13.*

CA. XL.
Quæ uita
uita ante
mortem.

De agone
Christiano,
cap. 5.

Sap. 1. d. 13.

Cap. XII.
Lapsus &
reparatio
seculi ho-
minis.

NULLA vita est, quæ non sit ex Deo, quia Deus utique summa vita est, & ipse fons vitæ, nec aliqua vita inquantum vita est, malum est, sed inquantum vergit ad mortem: mors autem vitæ non est, nisi nequitia, quæ ab eo quod nequicquam sit, dicta est: & idèd nequissimi homines, nihili homines appellantur. Vita ergo voluntario defectu deficiens ab eo, qui eam fecit, & cuius essentia fruebatur, & volens contra Dei legem frui corporibus quibus eam Deus præfecit, vergit ad nihilum: & hæc est nequitia, non quia corpus iam nihilum est, nam & ipsum habet aliquam concordiam partium suarum, sine qua omnino esse non posset. Ergo ab eo factum est & corpus, qui omnis concordie caput est. Habet corpus quandam pacem suæ formæ; sine qua prorsus nihil esset. Ergo ille est & corporis conditor, à quo pax omnis est, & qui forma est infabricata, atque omnium formosissima. Habet aliquam speciem sine qua corpus non est corpus. Si ergo quæritur quis instituerit corpus, ille quærat, qui est omnium speciosissimus. Omnis enim species ab illo est. Quis est autem hic, nisi vnus Deus, vna veritas, vna salus omnium, & prima atque summa essentia, ex qua est omne quicquid est, inquantum est, quia inquantum est, quicquid est, bonum est. Et idèd ex Deo non est mors. *Non enim Deus mortem fecit, nec latatur in perditione viuorum*: quoniam summa essentia esse facit omne quod est, vnde & essentia dicitur. Mors autem non esse cogit quicquid moritur, inquantum moritur. Nam si ea quæ moriuntur, penitus morerentur, ad nihilum sine dubio peruenirent: sed tantum moriuntur, quantum minus essentia participant. Quod breuius ita dici potest. tantò magis moriuntur, quantò minus sunt. Corpus autem minus est quàm vita quælibet, quoniam quantulumcunque manet in specie, per vitam manet, siue qua vnumquodque animal, siue qua vniuersa mundi natura administratur. Corpus ergo magis subiaceret morti, & idèd vicinius est nihilo: quapropter vita, quæ fructu corporis delectata negligit Deum, inclinatur ad nihilum, & ista est nequitia.

Hoc autem pacto vita carnalis & terrena efficitur, & ob hoc etiam caro & terra nominatur, & quamdiu ita est, regnum Dei non possidebit, & eripietur ei quod amat. Id enim amat, quod & minus est quàm vita, quia corpus est: & propter

ptet ipsum peccatum quod amatur, sic corruptibile, ut fluendo deferat amatorem suum, quia & ille hoc amando deseruit Deum. Præcepta enim eius neglexit dicentis: Hoc manduca, & hoc noli. Trahitur ergo ad pœnas, quia diligendo inferiora, in egestate voluptatum suarum, & in doloribus apud inferos ordinatur. Quid est enim dolor, qui dicitur corporis, nisi corruptio repentina salutis eius rei, quam malè vtendo anima corruptioni fecit obnoxiam? Quid est autem dolor qui dicitur animi, nisi carere mutabilibus rebus, quibus fruebatur, aut frui se posse sperauerat? Et hoc est totum quod dicitur malum, id est, peccatum, & pœna peccati. Si autem dum in hoc stadio vitæ humanæ anima degit, vincat eas quas aduersum se nutriuit cupiditates fruendo mortalibus, & ad eas vincendas gratia Dei se adiuuari credat, mente illi seruiens, & bona voluntate, sine vlla dubitatione reparabitur, & à multis mutabilibus ad vnum incommutabile reuertetur, reformata per sapientiam non formatam*, sed per quam formantur vniuersa, fruaturque Deo per Spiritum sanctum, quod est donum Dei: ita fit homo spiritualis omnia iudicans, ut ipse à nemine iudicetur, diligens Dominum Deum suum in toto corde suo, in tota anima sua, in tota mente sua, & diligens proximum suum non carnaliter, sed tanquam seipsum. Se autem spiritualiter diligit, qui ex toto quod in eo viuit, Deum diligit. In his enim duobus præceptis tota lex pendet, & Prophætæ. Inde iam erit consequens, ut post mortem corporalem, quam debemus primo peccato, tempore suo atque ordine suo hoc corpus restituatur pristinae stabilitati*, quam non per se habebit, sed per animam stabilitam in Deo. Quæ rursus non per se stabilitur, sed per Deum quo fruitur, ideòque ampliùs quàm corpus vigeat: corpus enim per ipsam vigeat, & ipsa per incommutabilem veritatem, qui Filius Dei vnicus est, atque ita & corpus per ipsum Filium Dei vigeat, quia omnia per ipsum. Dono etiam eius quod animæ datur, id est sancto Spiritu, non solum anima cui datur salua & pacata & sancta fit, sed ipsum etiam corpus viuificabitur, eritque in natura sua mundissimum. Ipse enim dixit: *Mundate quæ intus sunt, & quæ foris sunt munda erunt.* Dicit & Apostolus: *Viuificabis & mortalia corpora vestra pro-*

1. Cor. 13.

Math. 22.
36.1. Retra.
cap. 13.
Imo etiã
& 11. 11.

Iohn. 1. 2. 3.

Mat. 23. 26.
Rom. 6. 6.

11.

L. Cor. 13. 55 *pter spiritum manentem in vobis.* Ablato ergo peccato, auferetur & pœna peccati: & Vbi est malum? vbi est mors contentio tua? vbi est mors aculeus tuus? Vincit enim essentia nihilum, & sic absorbetur mors in victoriam.

CAP. XIII.

*Angelorum
d. s. f. r. e. n. t. i. a.*

Nec aliquid sanctificatis malus Angelus oberit? qui diabolus dicitur: quia & ipse, in quantum Angelus est, non est malus, sed in quantum peruersus propria voluntate. Fatendum est enim, & Angelos natura esse mutabiles, si solus Deus est incommutabilis: sed ea voluntate qua magis Deum quam se diligunt, firmi & stabiles manent in illo, & fruuntur maiestate ipsius, ei vni libentissimè subditi. Ille autem Angelus magis seipsum quam Deum diligendo, subditus ei esse noluit, & intumuit per superbiam, & à summa essentia defecit, & lapsus est: & ob hoc minus est quam fuit, quia eo quod minus erat frui voluit, quam magis voluit sua potentia frui, quam Dei. Quanquam enim non summè, tamen amplius erat, quando eo quod summè est, fruebatur, quoniam Deus solus summè est. Quicquid autem minus est quam erat, non in quantum est, sed in quantum minus est, malum est. Eo enim quo minus est, quam erat, tendit ad mortem. Quid autem mirum si sit ex defectu inopia, & ex inopia inuidencia, qua diabolus utique diabolus est?

CAP. XIV.

*Alibero ar.
bitrio pec-
catum.*

1. Retrahit

cap. 13.

DE FECTVS autem iste qui peccatum vocatur, si tanquam febris inuitum occuparet, rectè iniusta pœna videretur, quæ peccantem consequitur, & quæ damnatio nuncupatur. Nunc verò vsque aded peccatum voluntarium est malum, ut nullo modo sit peccatum, si non sit voluntarium: & hoc quidem manifestum est, ut nulla hinc doctorum paucitas, nulla indoctorum turba dissentiat. Quare aut negandum est peccatum committi, aut fatendum est voluntate committi. Non autem rectè negat peccasse animam, qui & pœnitendo eam corrigi fatetur, & veniam pœnitenti dari, & perseverantem in peccatis iusta lege Dei damnari. Postemò, si non voluntate malè facimus, nemo obiurgandus est omnino, aut monendus: quibus sublati Christiana lex & disciplina, omnis religionis auferatur necesse est. Voluntate ergo peccatur. Et quoniam pec-

cari non dubium est, nec hoc quidem dubitandum video, habere animas liberum voluntatis arbitrium. Tales enim seruos suos meliores esse Deus iudicauit; si ei seruirent liberaliter. Quod nullo modo fieri posset, si non voluntate, sed necessitate seruirent. Liberaliter igitur Deo Angeli seruiunt, neque hoc Deo, sed ipsis prodest. Deus enim bono alterius non indiget, quoniam à seipso est. Quod autem ab eo genitum est, id ipsum est, quia non est factum, sed genitum. Illa verò quæ facta sunt, eius bono indigent, summo scilicet bono, id est summa essentia. Minus autem sunt quàm erant, cum per animæ peccatum minus ad illum mouentur, nec tamen penitus separantur, nam omnino nulla essent. Quod enim affectibus contingit animæ, hoc locis corpori: nam illa mouetur voluntate, corpus autem spacio. Quod autem homini à peruerso Angelo persuasum dicitur, etiam ad hoc utique voluntate consensit. Nam si necessitate id fecisset, nullo peccati crimine teneretur.

Quod verò corpus hominis cum ante peccatum esset in suo genere optimum, post peccatum factum est imbecillum, & morti destinatum, quanquam iusta vindicta peccati sit, plus tamen clementiæ Dei quàm seueritatis ostendit. Ita enim nobis suadet à corporis voluptatibus ad æternam essentiam veritatis amorem nostrum oportere conuerti. Et est iustitiæ pulchritudo cum benignitatis gratia concordans, ut quoniam bonorum inferiorum dulcedine decepti sumus, amaritudine pœnarum erudiamur. Nam ita etiam nostra supplicia diuina providentia moderata est; ut & in hoc corpore tam corruptibili ad iustitiam tendere liceret, & deposita omni superbia, vni Deo vero collum subdere, nihil de seipso fidere, illi vni se regendum tuendumque committere. Ita ipso duce homo bonæ voluntatis molestias huius vitæ in vsum fortitudinis vertit. In copia verò voluptatum prosperisque successibus temporalium, temperantiam suam probat & roborat: acuit in tentationibus prudentiam, ut non solum in eas non inducatur, sed fiat etiam vigilantior, & in amorem veritatis, quæ sola non fallit, ardentior.

SED cum omnibus modis medeatur animis Deus pro temporum opportunitatibus, quæ mira sapientia eius ordinantur, de quibus aut non est tractandum, aut inter pios perfe-

Cap. xv.
A peccatis
quoniam
respi-
citur.

Cap. xvi.
Christus cur
aduocetur.

Ioan. 1. 14.

* V. de lib. 1

Retrat. c. 13

Math. 12. d.

48.

Luc. 2. 31.

Ioan. 1. 4.

Ioan. 19.

17.

Atque tractandum est, nullo modo beneficentiùs consuluit generi humano, quàm cùm ipsa sapientia Dei, id est vnicus Filius consubstantialis Patri & coeternus, totum hominem suscipere dignatus est, & *Verbum caro factum est, & habitauit in nobis*. Ita enim demonstraui carnalibus, & non valentibus intueri mente veritatem, corporeisq; sensibus deditis, quàm excelsum locum inter creaturas habeat humana natura, quodd non solùm visibiliter, nam id poterat, & in aliquo æthereo corpore ad nostrorum aspectum tolerantiam temperato, sed etiam hominibus in vero homine apparuit: ipsa enim natura suscipienda erat quæ liberanda. Etne quis fortè sexus à suo creatore se contemptum putaret, virum suscipit, natus est ex fœmina. Nihil egit vi *, sed omnia suadendo & monendo: veteri quippe seruitute transacta, tempus libertatis illuxerat, & opportunè iam homini suadebatur, atque salubriter, quàm libero esset creatus arbitrio. Miraculis conciliauit fidem Deo qui erat, passione homini quem gerebat. Ita loquens ad turbas vt Deus, nunciatam sibi matrem negauit. Et tamen, vt Euangelium loquitur, puer parentibus subditus erat. Doctrinà enim Deus apparebat, ætatibus homo. Item aquam in vinum conuersurus vt Deus: *Recede à me mulier*, inquit, *quid mihi & tibi est? Nondum venit hora mea*. Cùm autem venisset hora, qua vt homo moreretur, de cruce cognitam matrem commendauit discipulo, quem præ cæteris diligebat. Satellites voluptatum diuitias perniciosè populi appetebant: pauper esse voluit. Honoribus & impetibus inhiabant: Rex fieri noluit. Carnales filios magnum bonum putabant: tale coniugium prolemque contempsit. Contumelias superbissimè horrebant: omne genus contumeliarum sustinuit. Iniurias intolerabiles esse arbitrabantur: quæ maior iniuria quàm iustum innocentemque damnari? Dolores corporis excrebantur: flagellatus atque cruciatus est. Mori metuebant: morte mulctatus est. Ignominiosissimum mortis genus crucem putabant: crucifixus est. Omnia quæ habere cupientes non rectè vivebamus, carendo vilia fecit. Omnia quæ vitare cupientes à studio deuiabamus veritatis, perpetiundo deiecit. Non enim vllum peccatum committi potest, nisi dum appetuntur ea quæ ille contempsit, aut fugiuntur quæ ille sustinuit. Tota itaque vita eius in terris per

hominem quem suscipere dignatus est, disciplina morum fuit. Resurrectio verò eius à mortuis, nihil hominis perire naturæ, cum omnia salua sunt Deo, satis indicauit, & quemadmodum cuncta seruiant creatori suo, siue ad vindictam peccatorum, siue ad hominis liberationem, quàmque facillè corpus animæ seruiat, cum ipsa subiicitur Deo. Quibus perfectis non solum nulla substantia malum est, quod fieri nunquam potest, sed etiam nullo malo afficitur, quod fieri peccatum & vindictam potuit. Et hæc est disciplina naturalis Christianis minus intelligentibus plena fide digna, intelligentibus autem omni errore purgata.

I AM verò ipse totius doctrinæ modus, partim apertissimus * rationibus, partim similitudinibus, in dictis, in factis, in Sacramentis, ad omnem animæ instructionem, exercitatio nemque accommodatus, quid aliud quàm rationalis disciplinæ regulam impleuit? Nam & mysteriorum expositor ad ea dirigitur, quæ apertissimè dicta sunt. Et si ea tantum essent quæ facillimè intelliguntur, nec studiosè quæreretur, nec suauiter inueniretur veritas. Neque si essent in Scripturis Sacramenta, & in Sacramentis non essent signacula veritatis, satis cum cognitione actio conueniret. Nunc verò quoniam pietas timore inchoatur, charitate perficitur, populus timore constrictus tempore seruitutis in veteri lege multis Sacramentis onerabatur. Hoc enim talibus vtile erat ad desiderandam gratiam Dei, quæ per Prophetas ventura canebatur. Quæ ubi venit, ab ipsa Dei sapientia homine assumpto, à quo in libertatem vocati sumus, pauca Sacramenta saluberrima constituta sunt, quæ societatem Christiani populi, hoc est sub vno Deo liberæ multitudinis continerent. Multa verò quæ populo Hebræo, hoc est sub eodem vno Deo compeditæ multitudini erant imposita, ab actione remota sunt, in fide atque interpretatione remanserunt. Ita nunc nec seruiliter alligant, & exercent liberaliter animum. Quisquis autem idèd negat vtrumque testamentum ab vno Deo esse posse, quia non eisdem Sacramentis tenetur populus noster, quibus Iudæi tenebantur vel adhuc tenentur: potest dicere non posse fieri, vt vnus paterfamilias iustissimus aliud imperet eis quibus seruitutem duriorẽ vilem iudicet, aliud eis quos in filiorum gradum adoptare dignatur. Si

Cap. xviii.
Vetustissimum Testamentum quomodo differat.
* ad apertissimam rationibus.

autem præcepta vitæ mouent, quod in veteri lege minora sunt, in Euangelio maiora, & ided putatur non ad vnum Deum vtraque pertinere: potest qui hoc putat perturbari, si vnus medicus alia per ministros suos imbecillioribus, alia per semetipsum valentioribus præcipiat ad reparandam, vel obtinendam salutem. Vt enim ars medicinæ cum eadem maneat, neque vlllo pacto ipsa mutetur, mutat tamen præcepta languentibus, quia mutabilis est nostra valetudo: ita diuina prouidentia cum sit ipsa omnino incommutabilis, mutabili tamen creaturæ variè subuenit, & pro diuersitate morborum aliis alia iubet aut vetat, vt à vitio vnde mors incipit, & ab ipsa morte ad naturam suam & essentiam, ea quæ deficiunt, id est ad nihilum tendunt, reducat & firmet.

Cap. xviii.
CREATVRA
quare immu-
tabiles.

SEd dicis mihi, Quare deficiunt? Quia mutabilia sunt. Quare mutabilia sunt? Quia non summè sunt. Quare non summè sunt? Quia inferiora sunt eo à quo facta sunt. Quis ea fecit? Qui summè est. Quis hic est? Deus incommutabilis Trinitas, quoniam & per summam sapientiam ea fecit, & summa benignitate conseruat. Cur ea fecit? Vt essent: ipsum enim quantuluncunque esse, bonum est: quia summum bonum est summè esse. Vnde fecit? Ex nihilo. Quoniam quicquid est, quantulacunque specie sit, necesse est: ita & si minimum bonum, tamen bonum erit, & ex deo erit. Nam quoniam summa species summum bonum est, minima species minimum bonum est. Omne autem bonum, aut deus, aut ex deo est. Ergo ex deo est etiam minima species. Sanè quod de specie, hoc etiam de forma dici potest. Neque enim frustra tam speciosissimum, quàm etiam formosissimum in laude ponitur. Id ergo est vnde fecit deus omnia, quod nullam speciem habet, nul' amque formam, quod nihil est aliud quàm nihil. Nam illud quod in comparatione perfectorum informe dicitur, si habet aliquid formæ, quamuis exiguum, quamuis inchoatum, nondum est nihil, ac per hoc id quoque inquantum est, non est nisi ex deo. Quapropter etià si de aliqua informi materia factus est mundus, hæc ipsa facta est omnino de nihilo. Nam & quod nondum formatum est, tamen aliquo modo vt formari possit, inchoatum est, dei beneficio formabile est: bonum est enim esse formatum. Nonnullum ergo bonum est & capacitas formæ: & ided bonorum omnium

Plato in Ti-
mao.

auctor, qui præstitit formam, ipse fecit etiam posse formari. Ita omne quod est, inquantum est : & omne quod nondum est, inquantum esse potest ex Deo habet. Quod alio modo sic dicitur: Omne formatum; inquantum formatum est : & omne quod nondum formatum est, inquantum formari potest, ex Deo habet. Nulla autem res obtinet integritatem naturæ suæ, nisi in suo genere salua sit. Ab eo autem est omnis salus, à quo est omne bonum : & omne bonum ex Deo, salus igitur omnis ex Deo.

Hinc iam cui oculi mentis patent, nec pernicioso studio vanæ victoriæ caligant atque turbantur, faciliè intelligit, omnia quæ viciantur, & moriuntur, bona esse, quanquam ipsum vitium, & ipsa mors malum sit. Nisi enim salute aliqua priuarentur, non eis noceret vitium vel mors : sed si non noceret vitium, nullo modo esset vitium. Si ergo saluti aduersatur vitium, & nullo dubitante salus bonum est : bona omnia sunt quibus aduersatur vitium. Quibus autem aduersatur vitium, ipsa viciantur. Bona sunt ergo quæ viciantur, sed idèd viciantur, quia non summa bona sunt. Quia igitur bona sunt, ex Deo sunt : quia non summa bona sunt, non sunt Deus. Bonum ergo quod viciari non potest, Deus est. Cætera autem omnia bona ex ipso sunt, quæ per seipsa possunt viciari, quia per seipsa nihil sunt : per ipsum autem partim non viciantur, partim vitiata sanantur.

Cap. xix.

Omnia bona ex Deo.

Est autem vitium primum animæ rationalis, voluntas ea faciendi quæ vetat summa & intima veritas : ita homo de paradiso in hoc seculum expulsus est, id est ab æternis ad temporalia, à copiosis ad egena, à firmitate ad infirma : non ergo à bono substantiali ad malum substantiale, quia nulla substantia malum est : sed à bono æterno ad bonum temporale, à bono spiritali ad bonum carnale, à bono intelligibili ad bonum sensibile, à bono summo ad bonum infimum. Est igitur quoddam bonum, quod si diligit anima rationalis, peccat, quia infra illam ordinatum est : quare ipsum peccatum malum est, non ea substantia quæ peccando diligitur. Non ergo arbor illa mala est, quæ in medio paradisi plantata esse scribitur, sed diuini præcepti transgressio. Quæ quum consequentem habet iustam damnationem, contigit ex illa arbore, quæ contra vetitum tacta est, dignoscantia boni & mali : quia.

Cap. xx.

Vnde animæ vitium.

cùm suo peccato anima fuerit implicata, luendo pœnas, discit quid intersit inter præceptum, quod custodire noluit, & peccatum quod fecit: atque hoc modo malum, quod cauendo non didicit, discit sentiendo: & bonum quod non obtemperando minùs diligebat, ardentius diligit comparando. Vitium ergo animæ est quod fecit, & difficultas ex vitio pœna est quam patitur, & hoc est totum malum. Facere autem & pati, non est substantia, quapropter substantia non est malum. Sic enim nec aqua malum est, nec animal quod vitit in aëre: nam istæ substantiæ sunt. Sed malum est voluntaria præcipitatio in aquam, & suffocatio quam merfus patitur. Stilus ferreus alia parte qua scribamus, alia qua deleamus à fabro factus est, & in suo genere pulcher, & ad vsum nostrum accommodatus. At si quispiam ea parte scribere qua deletur, & ea velit delere qua scribitur, nullo modo stilum malum fecerit, cùm ipsum factum iure vituperetur: quòd si corrigat, vbi erit malum? Si quis repente meridianum solem intueatur, percussus oculi turbabuntur: num idè aut sol malum erit aut oculi? Nullo modo: sunt enim substantiæ: sed malum est inordinatus aspectus, & ipsa quæ consequitur perturbatio. Quod malum non erit, cùm oculi fuerint recreati, & lucem suam congruenter aspexerint. Neque cùm eadem lux quæ ad oculos pertinet, pro luce sapientiæ quæ ad mentem pertinet, colitur, ipsa sit malum: sed superstitio malum est, qua creaturæ potiùs quàm creatori seruitur. Quod malum omnino nullum erit, cùm anima recognito creatore, ipsi vni se subiecerit, & cætera per eum subiecta sibi esse persenserit. Ita omnis corporea creatura, si tantummodò possideatur ab anima quæ diligit Deum, bonum est infimum, & in genere suo pulchrum: quoniam forma & specie continetur. Si autem diligatur ab anima quæ negligit Deum, ne sic quidem malum sit ipsa: sed quoniam peccatum malum est, quo ita diligitur, sit pœnalis dilectori suo, & eum implicat ærumnis, & pascit fallacibus voluptatibus: quia neque permanent, neque satiant, sed torquent doloribus. Quia cùm ordinem suum peragit pulchra mutabilitas temporum, deserit amantem species concupita, & per cruciatum sentientis discedit à sensibus, & erroribus agitat: vt hanc esse primam speciem putet, quæ omniū infima est, natura scilicet corporea
quam

quam per lubricos sensus caro malè dilecta nunciauerat, vt cum aliquid cogitat, intelligere se credat vmbri illusum phantasmatum. Si quando autem non tenens integram diuinæ providentiæ disciplinam, sed tenere se arbitrans carni resistere conatur, vsque ad visibilium rerum imagines peruenit, & lucis huius quam certis terminis circumscriptam videt, immensa spacia cogitatione format inaniter, & hanc spem sibi futuræ habitationis pollicetur; nesciens oculorum concupiscentiam se trahere, & cum hoc mundo ire velle extra mundum, quem propterea ipsum esse non putat, quia eius clariorem partem per infinitum falsa cogitatione distendit. Quod non solum de hac luce, sed etiam de aqua, postremo de vino, de melle, de auro, de argento, de ipsis denique pulpis, vel sanguine, vel ossibus quorumlibet animalium, & cæteris huiusmodi rebus facillimè fieri potest. Nihil enim est corporis, quod non vel vno viso possit innumerabiliter cogitari, vel in paruo spacio visum possit eadem imaginandi facultate per infinita diffundi: sed facillimum est execrari carnem, difficillimum autem non carnaliter sapere.

Hæc ergo peruersitate animæ, quæ contingit peccato atque supplicio, sit omnis natura corporea, illud quod per Salomonem dicitur: *Vanitas vanitatum & omnia vanitas: quæ abundantia homini in omni labore eius, quo ipse laborat sub sole.* Neque enim frustra est additum vanitatum, quia si vanitantes detrahas, qui tanquam prima sectantur extrema, non erit corpus vanitas, sed in suo genere, quamuis extremam pulchritudinem sine vlllo errore monstrabit. Temporalium enim specierum multiformitas ab vnitæte Dei hominem lapsum per carnales sensus diuerberauit, & mutabili varietate multiplicauit eius affectum: ita facta est abundantia laboriosa, & si dici potest, copiosa egestas, dum aliud & aliud sequitur, & nihil cum eo permanet. Sic à tempore frumenti, vini & olei sui multiplicatus est, vt non inueniatur id ipsum, id est naturam incommutabilem & singularem, quam secutus non erreret, & assecutus non doleat. Habebit enim etiam consequentem redemptionem corporis sui, quod iam non corrumpetur. Nunc verò corpus quod corrumpitur aggrauat animam, & deprimat terrena inhabitatio sensum multa cogitantem,

CAP. XXI.
ANIMA 5.
BUS RIBUS
LEDUCIUR.
Eccle. 1. 2.

Psal. 4. 2.

Sap. 9. 15.

val. numerū
in enā pul-
chritudi-
nem.

Cap. XXII.
Auctor verū
anteponen-
dus.

quia rapitur in ordinem successionis extrema corporum pulchritudo. Nam idēō extrema est, quia simul non potest habere omnia, sed cū alia cedunt atque succedunt, temporalium formarum numeros in pulchritudinem * complent.

ET hoc totum non propterea malum quia transit. Sic enim & versus in suo genere pulcher est, quamvis duæ syllabæ simul dici nullo modo possint. Nec enim secunda enunciat, nisi prima transierit, atque ira per ordinem peruenitur ad finem, ut cū sola vltima sonat, non secum sonantibus superioribus, formam tamen & decus metricum præteritis contexta perficiat. Nec idēō ramen ars ipsa qua versus fabricatur, sic temporali obnoxia est, ut pulchritudo eius per mensuras morarum digeratur: sed simul habet omnia quibus efficitur versus, non simul habentem omnia, sed posterioribus priora tollentem, propterea tamen pulchrum, quia extrema vestigia illius pulchritudinis ostendat, quam constanter atque incommutabiliter ars ipsa custodit. Itaque ut nonnulli peruersi magis amant versus quàm artem ipsam qua conficitur versus, quia plus se auribus quàm intelligentiæ dediderunt: ira multi temporalia diligunt, conditricem verò ac moderatricem temporum diuinam prouidentiam non requirunt, atque in ipsa dilectione temporalium nolunt transire quod amant: & tam sunt absurdi, quàm si quisquam in recitatione præclari carminis vnā aliquam syllabam solam perpetuò vellet audire: sed tales auditores carminum non inueniuntur, talibus aurem rerum æstimatoribus plena sunt omnia: propterea quia nemo est qui non faciliè non modò torum versus, sed etiam totum carmen possit audire: totum autem ordinem sæculorum sentire nullus hominum potest. Huc accedit quòd carminis non sumus partes, sæculorum verò partes damnatione facti sumus. Illud ergo canitur sub iudicio nostro, ista peraguntur de labore nostro. Nulli autem victo ludi agonistici placent, sed tamen cū eius dedecore decori sunt. Et hæc enim quædam imitatio veritatis est. Nec ob aliud à talibus prohibemur spectaculis, nisi ne vmbri rerum decepti, ab ipsis rebus quarum illæ vmbrae sunt aberremus. Ita vniuersitatis huius conditio atque administratio, solis impiis animis damnatisque non placet, sed etiam cum mi-

seria earum, multis vel in terra victricibus, vel in cælo sine periculo spectantibus placet: nihil enim iustum displicet iusto.

VO CIRCA cùm omnis anima rationalis aut peccatis suis misera sit, aut rectè factis beata, omnis autem irrationalis aut cedat potentiori, aut pareat meliori, aut comparetur æquali, aut certamen exerceat, aut damnato uoceat, & omne corpus suæ animæ seruiat, quantum pro eius meritis, & pro rerum ordine finitur, nullum malum est naturæ vniuersæ, sed sua cuique culpa fit malum. Porro quum anima per Dei gratiam regenerata, & in integrum restituta, & illi subdita vni à quo est creata, instaurato etiam corpore in pristinam firmitatem, non cum mundo possideri, sed mundum possidere cœperit, nullum ei malum erit: quia ista infima pulchritudo temporalium vicissitudinum, quæ cum ipsa peragebatur, sub ipsa peragetur, & erit, vt scriptum est; *Cælum nouum & terra noua*, non in parte laborantibus animis, sed in vniuersitate regnantibus: *Omnia enim vestra*, inquit Apostolus, *vos autem Christi, Christus autem Dei*. Et: *Caput mulieris vir, caput viri Christus, caput autem Christi Deus*. Quoniam igitur vitium animæ non natura eius, sed contra naturam eius est, nihilque aliud est quàm peccatum & pœna peccati, inde intelligitur nullam naturam, vel si meliùs ita dicitur, nullam substantiam siue essentiam malum esse. Neque de peccatis pœnisque eius animæ efficitur, vt vniuersitas vlla deformitate turpetur. Quia rationalis substantia, quæ ab omni peccato munda est Deo subiecta, subiectis sibi cæteris dominatur. Ea verò quæ peccauit, ibi ordinata est, vbi esse tales decet, vt Deo conditore atque rectore vniuersitatis decora sint omnia. Et est pulchritudo vniuersæ creaturæ per hæc tria inculpabilis, damnatione peccatorum, exercitatione iustorum, perfectione beatorum.

QV AMOBREM ipsa quoque animæ medicina, quæ diuina prouidentia, & ineffabili beneficentia geritur, gradatim distinctèque pulcherrima est. Distribuitur enim in auctoritatem atque rationem. Auctoritas fidem flagitat, & rationi præparat hominem. Ratio ad intellectionem cognitionemque perducit. Quanquam neque auctoritatem ratio penitus deserit, cùm consideratur cui sit credendum, & certè summa est

Cap. xxi. 1.
Omnia sub-
stantia bona.

Isa. 65. 17.
Apo. 21. 1.
1. Cor. 3. 21.
1. Cor. 11. 3.

Cap. xxi. 1.
Animarum
medicina.

ipfius iam cognita atque perfpicua veritatis auctoritas. Sed quia in temporalia devenimus, & eorum amore ab æternis impedimur, quædam temporalis medicina, quæ non scientes, sed credentes ad salutem vocat, non naturæ & excellentiæ, sed ipsius temporis ordine prior est. Nam in quemcunque locum quisque ceciderit, ibi debet incumbere ut resurgat. Ergo ipsis carnalibus formis quibus detinemur, nitendum est ad eas cognoscendas quas caro non nunciat. Eas autem carnales voco quæ per carnem sentiri queunt, id est per oculos, per aures, cæterósque corporis sensus. His ergo carnalibus vel corporalibus formis inhaerere amore pueros, necesse est, adolescentes verò propè necesse est, hinc iam procedente ætate non est necesse.

Cap. xiv.
*Altra uia
 cur cessave-
 rint.*

QVONIAM igitur diuina providentia, non solum singulis hominibus quasi priuatim, sed vniuerso generi humano tanquam publicè consulit, quid cum singulis agitur, Deus scit qui agit, atque ipsi cum quibus agitur sciunt. Quid autem agatur cum genere humano, per historiam commendari voluit, & per prophetiam. Temporalium autem rerum fides, siue præteritarum, siue futurarum, magis credendo quàm intelligendo valet. Sed nostrum est considerare, quibus vel hominibus, vel libris credendum sit, ad colendum rectè Deum, quæ vna salus est. Huius rei verò prima disceptatio est, utrum iis potiùs credamus, qui ad multos deos, an iis qui ad vnum Deum colendum nos vocant. Quis dubitet eos potissimum sequendos qui ad vnum vocant, præsertim cum illi multorum cultores, de hoc vno Domino cunctorum, & rectore consentiant? Et certè ab vno incipit numerus. Priùs ergo isti sequendi sunt, qui vnum Deum summum solum verum Deum, & solum colendum esse dicunt. Si apud hos veritas non eluxerit, tum demum migrandum est. Sicut enim in ipsa rerum natura maior est auctoritas vnus ad vnum omnia redigentis, nec in genere humano multitudinis vlla potentia est nisi consentientis, id est vnum sentientis: ita in religione qui ad vnum vocant eorum maior, & fide dignior esse debet auctoritas. Altera consideratio est dissensionis eius; quæ de vnus Dei cultu inter homines orta est. Sed accepi-mus maiores nostros eo gradu fidei, quo à temporalibus ad æterna conscenditur, viuibilia miracula, non enim aliter po-

terant, secutos esse: per quos id actum est, vt necessaria non essent posteris. Cùm enim Ecclesia Catholica per totum orbem diffusa atque fundata sit, nec miracula illa in nostra tempora durare permisa sunt, ne animus semper visibilia quæreretur, & eorum consuetudine frigeretur genus humanum, quorum nouitate flagrauit: nec iam nobis dubium esse debet iis esse credendum, qui cùm ea prædicarent, quæ pauci assequuntur, se tamen sequendos populis persuadere potuerunt. Nunc enim agitur quibus credendum sit, antequam quisque sit idoneus ineundæ rationi de diuinis, & de inuisibilibus rebus: nam ipsi rationi purgatoris animæ, quæ ad perspicuam veritatem peruenit, nullo modo auctoritas humana præponitur, sed ad hanc nulla superbia humana perducit. Quæ si non esset, non essent hæretici, neque schismatici, nec carne circumcisi, nec creaturæ simulacrorumque cultores. Hi autem si non essent ante perfectionem populi, quæ promittitur, multò pigrius veritas quæreretur.

DISPENSATIO ergo temporalis, & medicina diuinæ prouidentiae, erga illos qui peccato mortalitatem meruerunt, sic traditur: primò vnus cuiuslibet hominis nascentis natura, & eruditio cogitatur. Prima huius ætas infantia in nutrimenti corporalibus agitur, penitus obliuiscenda crescenti. Eam pueritia sequitur, vnde incipimus aliquid meminisse. Huic succedit adolescentia, cui iam propagationem prolis natura permittit, & patrem facit. Porro adolescentiam iuuentus excipit, iam exercenda muneribus publicis, & domanda sub legibus: in qua vehementior prohibitio peccatorum, & pœna peccantium seruiliter coëtcens, carnalibus animis atrociores impetus libidinis gignit, & omnia commissa congenerat. Non enim simplex peccatum est, non solùm malum, sed etiam vetitum admittere. Post labores autem iuuentutis seniori pax nonnulla conceditur. Inde vsque ad mortem deterior ætas ac decolor, & morbis subiectior debilibusque perducit. Hæc est vita hominis viuientis, ex corpore & cupiditatibus rerum temporalium colligati. Hic dicitur vetus homo & exterior & terrenus, etiamsi obtineat eam quam vulgus vocat felicitatem, in bene constituta terrena ciuitate, siue sub Regibus, siue sub Principibus, siue sub legibus, siue sub his omnibus. Aliter enim bene constitui populus non

*Vide lib.
1. R. c. 11.*

*Cap. xxvi.
Vetus homo.
uus homo.*

*Li. 1. de gen.
citra Mani-
chaos, 6. 23.*

potest, etiam qui terrena sectatur. Habet quippe & ipse modum quandam pulchritudinis suæ. Hunc autem hominem quem veterem, & exteriorem & terrenum descripsimus, siue in suo genere moderatum, siue etiam seruilis iustitiæ modum excedentem, nonnulli agunt totum ab istius vitæ ortu vsque ad occasum. Nonnulli autem istam vitam necessariò ab illo incipiunt, sed renascuntur interiùs, & cæteras eius partes suo robore spiritali, & incrementis sapientiæ corrumpunt & necant, & in cælestes leges donec post visibilem mortem totum instauretur astringunt. Ille dicitur nouus homo, & interior & cælestis, habens & ipse proportionem non annis, sed profectibus distinctas quasdam spirital'es ætates suas. Primam in vberibus vtilis historiæ, quæ nutrit exemplis. Secundam iam obliuiscens humanam, & ad diuina tendentem, in qua non auctoritatis humanæ sinu continetur, sed ad summam & incommutabilem legem passibus rationis innititur. Tertiam iam fidentiore, & carnalem appetitum rationis robore maritantem, gaudentemque intrinsecus in quadam dulcedine coniugali: cum anima menti copulatur, & velamento pudoris obnubitur, ut iam rectè viuere non cogatur, sed etiam si omnes concedant, peccare non libeat. Quartam iam id ipsum multò firmitus ordinatiusque facientem & emicantem in virum perfectum, atque aptam & idoneam omnibus & persecutionibus, & mundi huius tempestatibus ac fluctibus sustinendis atque frangendis. Quintam pacatam atque ex omni parte tranquillam, viuentem in opibus, & abundantia incommutabilis regni, summæ atque ineffabilis sapientiæ. Sextam omnimodæ mutationis in æternam vitam, & vsque ad totam obliuionem vitæ temporalis transeuntem in perfectam formam, quæ facta est ad imaginem & similitudinem Dei. Septima enim iam quies æterna est, & nullis ætatibus distinguenda beatitudo perpetua. Ut enim finis veteris hominis mors est, sic finis noui hominis vita æterna. Ille namque homo peccati est, iste iustitiæ.

CAP. XXVII.
Veriusque
hominis de-
cursus.

SICUT autem isti ambo nullo dubitante ita sunt, ut vnum eorum, id est veterem atque terrenum possit in hac tota vita vnus homo agere, nouum verò & cælestem nemo in hac vita possit nisi cum vetere: nam & ab ipso incipiat necesse est, & vsque ad visibilem mortem cum illo, quamuts eo deficiente,

se proficiente perduret. Sic proportionē vniuersum genus humanum, cuius tanquam vnius hominis vita est ab Adam vsque ad finem huius sæculi, ita sub diuinæ prouidentię legibus administratur, vt in duo genera distributum appareat. Quorum in vno est turba impiorum terreni hominis imaginem ab initio sæculi vsque ad finem gerentium. In altero series populi vni Deo dediti, sed ab Adam vsque ad Ioannem Baptistam terreni hominis vitam gerentis seruii quadam iustitia: cuius historia vetus Testamentum vocatur, quasi terrenum pollicens regnum, quæ tota nihil aliud est quàm imago noui populi & noui Testamenti pollicentis regnum cælorum. Cuius populi vita interim temporalis incipit à Domini aduentu in humilitate vsque ad diem iudicij, quando in claritate venturus est. Post quod iudicium vetere homine extincto, erit illa mutatio quæ angelicam vitam pollicetur.

Omnes enim resurgemus, sed non omnes immutabimur. Resurget ergo pius populus, vt veteris hominis sui reliquias transformet in nouum. Resurget autem impius populus, qui ab initio vsque ad finem veterem hominem gesserit, vt in secundam mortem præcipitur. Ætatem autem articulos qui diligenter legunt, inueniunt: nec zizania nec paleas perhorrescunt. Impius namque pio viuit, & peccator iusto, vt eorum comparatione alacrius, donec perficiantur, assurgant.

1. Cor. 15. 51.

- QVISQVIS autem populi terreni temporibus vsque ad illuminationem interioris hominis meruit peruenire, genus humanum pro tempore adiuuit, exhibens ei quod ætas illa poscebat, & per prophetiam intimans id quod exhibere opportunum non erat: quales Patriarchæ ac Propheta inueniuntur abiis, qui non pueriliter insiliunt, sed piè diligenterque pertractant diuinarum & humanarum rerum tam bonum, & tam grande secretum. Quod etiam temporibus noui populi à magnis, & spiritualibus viris Ecclesiæ Catholicæ alumnis video cautissimè prouideri: ne quid populariter agant, quod nondum esse temporis vt cum populo agatur intelligunt: alimenta lactea largè auidis infirmioribus pluribus atque instantèr infundunt, validioribus autem cibis cum sapientibus paucis vescuntur. Sapientiam enim loquuntur inter perfectos, carnalibus verò & animalibus, quamuis nouis hominibus, adhuc tamen paruulis, nonnulla obtegunt,

Cap. xxviii.
Quis, qui-
bus, quomo-
do tradida.

1. Cor. 13. 5.

sed nulla mentiuntur. Non enim honoribus suis vanis consulunt & inanibus laudibus, sed vtilitati eorum cum quibus societatem vitæ huius inire meruerunt. Hæc enim lex est diuinæ prouidentiae, vt nemo à superioribus adiuuetur ad cognoscendam, & percipiendam gratiam Dei, qui non ad eadem puro affectu inferiores adiuuerit. Ita de peccato nostro quod in homine peccatore ipsa natura nostra commisit, & genus humanum factum est magnum decus ornamentumque terrarum, & tam decenter diuinæ prouidentiae procuratione administratur, vt ars ineffabilis medicinæ ipsam vitiorum friditatem in nescio quam sui generis pulchritudinem vertat.

CAP. XXIX.
*Humana
natura præ-
eminentia.*

ET quoniam de auctoritatis beneficentia, quantum in præsentia satis visum est, locuti sumus: videamus quatenus ratio possit progredi à visibilibus ad inuisibilia, & à temporalibus ad æterna conscendens. Non enim frustra & inaniter ingruere oportet pulchritudinem cæli, ordinem siderum, candorem lucis, dierum & noctium vicissitudines, lunæ menstrua curricula, anni quadrifariam temperationem, quadripartitis elementis congruentem, tantam vim seminum, species numerosque gignentium, & omnia in suo genere modum proprium naturamque seruantia. In quorum consideratione non vana & peritura curiositas exercenda est, sed gradus ad immortalia & semper permanentia faciendus. Proximum enim est, attendere quæ ista sit natura vitalis, quæ cuncta ista sentit: quæ profectò quoniam vitam dat corpori, præstantior eo sit necesse est. Non enim qualiūcunque moles, quanquam ista visibili luce præfulgeat, si vita careat, magni æstimanda est. Quælibet namque viua substantia cuilibet non viuæ substantiæ naturæ lege præponitur. Sed quia irrationabilia quoque animantia viuere atque sentire nemo ambigit, illud in animo humano præstantissimum est, non quo sentit sensibilia, sed quo iudicat de sensibilibus. Nam & vident acutiùs & cæteris corporis sensibus acriùs corpora attingunt pleræque bestię quàm homines: sed iudicare de corporibus non sentientis tantum vitæ, sed etiam ratiocinantis est, qua illæ carent, nos excellimus. Iam verò illud videre facilitum est, præstantiorem esse iudicantem, quàm illa res est, de qua iudicatur. Non solum autem rationalis vita de sensibilibus,

bilibus, sed de ipsis quoque sensibus iudicat: cur in aqua remum infractum oporteat apparere cum rectus sit, & cur ita per oculos sentire necesse sit: nam ipse aspectus oculorum renunciat id potest iudicare autem nullo modo. Quare manifestum est, ut sensualem vitam corpori, ita rationalem vtri-
que præstare.

*Ex p. r. a
Excidit
suppleto
na.*

*Cap. xxx.
Lex sup. a
mentum ho-
mini, v. r. i.
tati docent.*

IT A Q V E si rationalis vita secundum seipsam iudicat, nulla iam est natura præstantior. Sed quia clarum est eam esse mutabilem, quando nunc perita, nunc imperita inuenitur, tantò autem melius iudicat quantò est peritior, & tantò est peritior, quantò alicuius artis vel disciplinæ vel sapientiæ particeps est, ipsius artis natura quærenda est. Neque nunc artem intelligi volo quæ notatur experiendo, sed quæ ratiocinando indagatur. Quid enim præclarum nouit, qui nouit ea impensa quæ calce & arena confit, tenaciùs lapides coherere, quàm luto? Aut qui tam eleganter ædificat, ut quæ plura sunt, paria patibus respondeant, quæ autem singula sunt, medium locum teneant? Quanquam iste sensus iam sit rationi veritatiq; vicinior. Sed certè quærendum est, cur nos offendat, si duabus fenestris non super inuicem, sed iuxta inuicem locatis, vna earum maior minòrue sit, cum æquales esse potuerint: si verò super inuicem fuerint, ambæque de medio quamuis impares non ita offendat illa inæqualitas: & cur non multùm curemus, quantò sit vna earum aut maior aut minor, quia dux sunt. In tribus autem sensus ipse videtur expetere ut aut impares non sint, aut inter maximam & minimam ita sit media, ut tantò præcedat minorem, quantò à maiore præceditur. Ita enim primò quasi natura ipsa consulit quid probet. Vbi potissimum notandum est, quemadmodum quod solum inspectum minus displicuerit, in melioris comparatione respuatur: ita reperitur nihil esse aliud artem vulgarem, nisi rerum expectarum placitarumque memotiam, vsu quodam corporis atque operationis adiuncto: quo si careas, iudicare de operibus possis, quod multò est excellentius, quamuis operati artificiosa non possis. Sed cum in omnibus artibus conuenientia placeat, quæ vnâ salua & pulchra sunt omnia, ipsa verò conuenientia æqualitatem vnitatemque appetat, vel similitudine parium partium, vel gradatione disparium, quis est qui summam æqualitatem vel

t. Retr. c. 13.

similitudinem in corporibus inueniat, audeátque dicere, cum diligenter consideraerit quodlibet corpus verè ac simpliciter vnum esse; cum omnia vel de specie in speciem, vel de loco in locum transeundo mutantur, & partibus constent sua loca obtinentibus, per quæ in spacia diuersa diuiduntur: Porro ipsa vera æqualitas æ similitudo, arque ipsa vera & prima vnitas, non oculis carneis, neque vllò tali sensu, sed mente intellecta conspicitur. Vnde enim qualiscunque in corporibus appeteretur æqualitas, aut vnde conuinceretur, longè plurimùm differre à perfectà, nisi ea quæ perfectà est, mente videretur: si tamen quæ facta non est, perfectà dicenda est. Et cum omnia quæ sensibilibus pulchra sunt, siue naturâ edita, siue artibus elaborata, locis & temporibus sint pulchra, vt corpus & corporis motus: illa æqualitas & vnitas menti tantummodò cognita, secundùm quam de corporea pulchritudine sensu internuncio iudicatur, nec loco tumida est, nec mutabilis tempore. Non enim rectè dici potest secundùm eam iudicari rotundum canthum, & non secundùm eam rotundum vasculum: aut secundùm eam rotundum vasculum, & non secundùm eam rotundum denarium. Similiter in temporibus atque in motibus corporum, ridiculè dicitur, secundùm eam iudicari æquales annos, & non secundùm eam æquales menses: aut secundùm eam æquales menses, & non secundùm eam æquales dies. Sed siue per hæc spatia, siue per horas, siue per breuiora momenta conuenienter moueatur aliquid, eadem vna & incommutabili æqualitate iudicatur. Quod si minora & maiora spatia figuratum atque motionum secundùm eam legem parilitatis vel similitudinis, vel congruentiæ iudicantur, ipsa lex maior est his omnibus, sed potentia. Cæterùm spatio aut loci aut temporis, nec maior nec minor: quia si maior esset, non secundùm eam iudicaretur minora: si autem minor esset, non secundùm eam iudicaretur maiora. Nunc verò cum secundùm totam quadraturæ legem iudicetur & forum quadratum, & lapis quadratus, & tabella, & gemma quadrata: rursus secundùm totam æqualitatis legem iudicentur conuenire sibi motus pedum currentis formicæ, & secundùm eam gradientis elephantis: quis eam dubitet locorum interuallis ac temporum, nec maiorem esse, nec minorem, cum potentia superet omnia? Hæc autem lex omnium

*Canthus,
summa cur.
natura vo-
ta, siue ferru
quod illic
apud i. xv.*

artium cùm sit omnino incommutabilis, mens verò humana cui talem legem videre concessum est, mutabilitatem pati possit erroris, satis apparet supra mentem nostram esse legem, quæ veritas dicitur.

Nec iam illud ambigendum est, incommutabilem naturam, quæ supra rationalem animam sit, Deum esse: & ibi esse primam vitam & primam essentiam, ubi est prima sapientia. Nam hæc est illa incommutabilis veritas, quæ lex omnium artium rectè dicitur, & ars omnipotentis artificis. Itaque cùm se anima sentiat, nec corporum speciem morumque iudicare secundum seipsam, simul oportet agnoscat præstare suam naturam ei naturæ, de qua iudicat: præstare autem sibi eam naturam, secundum quam iudicat, & de qua iudicare nullo modo potest. Possum enim dicere, quare similia sibi ex utraque parte respondere membra cuiusque corporis debeant, quia summa æqualitate delector, quam non oculis corporis, sed mentis contueor. Quapropter tantò meliora esse iudico, quæ oculis cerno, quanto pro sua natura viciniora sunt iis, quæ animo intelligo. Quare autem illa ita sint, nullus potest dicere: nec ita debere esse quisquam sobriè dixerit, quasi possint esse non ita. Quare autem nobis placeant, & cur ea quantò melius sapimus, vehementissimè diligamus, ne id quidem quisquam, si ea ritè intelligit, dicere audebit. Ut enim nos & omnes animæ rationales secundum veritatem de inferioribus rectè iudicamus, sic de nobis, quando eidem cohæremus, sola ipsa veritas iudicat. De ipsa verò nec Pater, non enim minor est quam ipse, & ideò quæ Pater iudicat, per ipsam iudicat. Omnia enim quæ appetunt unitatem, hanc habent regulam vel formam, vel exemplum, vel si quo alio verbo dici se sinit, quoniam sola eius similitudinem à quo esse accepit implevit: si tamen accepit, non incongruè dicitur pro ea significatione, qua Filius appellatur: quia non de seipso est, sed de primo summoque principio, qui Pater dicitur: *ex quo omnis paternitas in celo & in terra nominatur.* Pater ergo non iudicat quenquam, sed omne iudicium deicit Filius: & spiritalis homo iudicat omnia, ipse autem à nemine iudicatur, id est à nullo homine, sed à sola ipsa lege secundum quam iudicat omnia, quoniam & illud verissimè dictum est: *Operes nos omnes exhiberi ante tribunal Christi.* Omnia ergo iudi-

Cap. x. xi.
Legem istam
mā cognos-
cere sibi est,
iudicare
nequaquam.

Eph. 3. 15.
1. an. 5. 11.
1. Cor. 2. 15.

1. Cor. 5. 10.

eat, quia super omnia est quando cum Deo est. Cum illo autem est, quando purissimè intelligit, & tota charitate quod intelligit, diligit. Ita etiam quantum potest, lex ipsa etiam ipse sit, secundum quam iudicat omnia, & de qua iudicare nullus potest. Sicut in istis temporalibus legibus, quanquam de his homines iudicent cum eas instituunt, tamen cum fuerint institutæ atque firmatæ, non licebit iudici de ipsis iudicare, sed secundum ipsas. Conditor tamen legum temporalium, si vir bonus est & sapiens, illam ipsam consulit æternam, de qua nulli animæ iudicare datum est: ut secundum eius incommutabiles regulas, quid sit pro tempore iubendum vetandumque discernat. Æternam igitur legem mundis animis fas est cognoscere, iudicare non fas est. Hoc autem interest, quod ad cognoscendum satis est, ut videamus ita esse aliquid vel non ita: ad iudicandum verò addimus aliquid quo significemus posse esse & aliter: velut cum dicimus, ita esse debet, aut ita esse debuit, aut ita esse debebit, ut in suis operibus artifices faciunt.

Cicero de
legibus

Cap. xxxii.
Rerum sim-
plicitas ve-
stigium est
Dei.

Sed multis finis est humana delectatio, nec volunt tendere ad superiora, ut iudicent cur ista visibilia placeant. Itaque si quæram ab artifice, vno arcu constructo, cur alterum pariem contra in alteram partem molitur? Respondebit, credo, ut paria paribus ædificij membra respondeant. Porro si pergam quærere, id ipsum cur eligat, dicet hoc decere, hoc esse pulchrum, hoc delectare cernentes: nihil audebit ampliùs. Inclinator enim recumbit oculis, & vnde pendeat non intelligit. At ego virum intrinsecus oculatum, & inuisibiliter videntem non desinam commonere cur ista placeant, ut index esse audeat ipsius delectationis humanæ. Ita enim superfertur illi, nec ab ea tenetur, dum non secundum ipsam, sed ipsam iudicat. Et priùs quæram utrum ideò pulchra sint, quia delectant: an ideò delectent, quia pulchra sunt. Hic mihi sine dubitatione respondebitur, ideò delectare, quia pulchra sunt. Quæram ergo deinceps, quare sint pulchra. Et si titubabitur, subiiciam utrum ideò quia similes sibi partes sunt, & aliqua copulatione ad vnam convenientiam rediguntur. Quod cum ita esse compererit, interrogabo utrum hanc ipsam vnitatem, quam conuincuntur appetere, summè impleant, an longè infra iaceant, & eam quodammodo men-

tiantur. Quod si ita est; quis non admonitus videat, neque ullam speciem, neque vllum omnino esse corpus, quod non habeat vnitatis quaecunque vestigium, neque quantumvis pulcherrimum corpus, cum interuallis locorum necessario aliud alibi habeat, posse assequi eam quam sequitur vnitatem? quare si hoc ita est, flagitabo ut respondeat, vbi videat ipse vnitatem hanc, aut vnde videat: quam si non videret, vnde cognosceret, & quid imitaretur corporum species, & quid implere non posset. Nunc verò cum dicit corporibus, vos quidem nisi aliqua vnitatis contineret, nihil essetis, & rursus si vos essetis ipsa vnitatis, corpora non essetis, rectè illi dicitur: Vnde illam nosti vnitatem, secundum quam iudicas corpora, quam nisi videres, iudicare non posses quod eam non impleant. Si autem his corporeis oculis eam videres, non verè diceres, quanquam eius vestigio teneantur, longè tamen ab ea distare: nam istis oculis corporeis non nisi corporalia vides: mente igitur eam videmus. Sed vbi videmus? Si hoc loco esset vbi corpus nostrum est, non eam videret, qui hoc modo in oriente de corporibus iudicat. Non ergo ista continetur loco, & cum adest vbicunque iudicanti, nusquam est per spatia locorum, & per potentiam nusquam non est.

Quod eam si corpora mentiuntur, non est credendum mentientibus, ne incidamus in vanitates vanitantium: sed querendum potius est, cum idem mentiantur, quia eam videntur ostendere oculis carneis, cum illa mente pura videatur, utrum intantum mentiantur in quantum ei similia sunt, an in quantum eam non assequuntur. Nam si assequerentur, quod imitantur implerent. Si autem implerent, omnino essent similia. Si omnino essent similia, nihil inter illam naturam & istam interesset. Quod si ita esset, non eam mentirentur: id enim esset quod illa est. Nec tamen mentiuntur diligentius considerantibus, quia ille mentitur qui vult videri id quod non est: quod autem non volens aliud putatur quam est, non mentitur, sed fallit tantum. Nam ita discernitur mentiens à fallente, quod inest omni mentienti voluntas fallendi, etiam si non ei credatur: fallens autem esse non potest, qui non fallit. Ergo corporea species, quia nullam voluntatem habet, non mentitur: si verò etiam non putetur esse

Cap. xxxvi.
Non sentiens
corporis, sed
iudicium
mentiuntur.

Differunt
mentiens &
fallens.

quod non est, nec fallit. Sed ne ipsi quidem oculi fallunt, non enim renunciare possunt animo nisi affectionem suam. Quod si non solum ipsi, sed etiam omnes corporis sensus ita renunciant ut afficiuntur, quid ab eis amplius exigere debeamus ignoro. Tolle itaque vanitantes, & nulla erit vanitas. Si quis remum frangi in aqua opinatur, & cum inde auferatur integrari, non malum habet internuncium, sed malus est iudex. Nam ille pro sua natura non potuit aliter in aqua sentire, nec aliter debuit: si enim aliud est aer, aliud aqua, iustum est ut aliter in aere, aliter in aqua sentiat. Quare oculus rectè videt: ad hoc enim factus est ut tantum videat: sed animus peruersè iudicat, cui ad contemplandam summam pulchritudinem mens, non oculus factus est. Ille autem vult mentem conuertere ad corpora, oculos ad Deum. Quærit enim intelligere carnalia, & videre spiritalia, quod fieri non potest.

Cap. XLIV.
*Conspicienda
 phantasmata
 ea quomodo
 iudicemur*

Quare ista peruersitas corrigenda est, quia nisi fecerit quod sursum est deorsum, & quod deorsum est sursum, regno celorum aptus non erit. Non ergo summa quæramus in infimis, nec ipsi infimis inhæreamus. Iudicemus ea, ne cum ipsis iudicemur, id est tantum eis tribuamus, quantum species meretur extrema, ne cum in nouissimis prima quæramus, à primis inter nouissima numeremur. Quod nihil ipsis nouissimis obest, sed nobis plurimum. Nec ideo diuinæ providentiæ administratio minus decora sit, quia & iniusti iustè, & fœdi pulchrè ordinantur. Et si propterea nos fallit rerum visibilibus pulchritudo, quia vnitatem continetur, & non implet unitatem, intelligamus si possumus non ex eo quod est nos falli, sed ex eo quod non est. Omne quippe corpus verum corpus est, sed falsa unitas. Non enim summè vnum est, aut intantum id imitatur ut impleat: & tamen nec corpus ipsum esset, nisi utcumque vnum esset. Porro utcumque vnum esse non posset, nisi ab eo quod summè vnum est, id haberet. O anime pericaces, date mihi, qui videat sine vlla imaginatione visorum carnalium. Date mihi, qui videat omnis vnus principium non esse, nisi vnum solum à quo sit omne vnum, siue illud impleat, siue non impleat. Qui videat date, non qui litiget, non qui videri velit se videre, quod non videt. Date qui resistat sensibus carnis, & plagis quibus per illos in anima

vapulavit: qui resistat consuetudini hominum, resistat laudibus hominum, qui compungatur in cubili suo, qui resculpat suum spiritum, qui non foris diligit vanitates, & quærat mendacia, qui iam sibi nouerit dicere: Si vna Roma est, quam circa Tyberim nescio quis Romulus dicitur condidisse, falsa est ista quam cogitans fingo, non enim est ipsa, nec ibi sum modò: nam quid ibi agatur modò, utique scirem. Si vnus est sol, falsus est iste quem cogitans fingo. Nam ille curricula sua certis locis & temporibus peragit. Istum verò ego vbi volo, & quando volo constituo. Si vnus est ille amicus meus, falsus est iste quem cogitans fingo. Nam ille vbi sit nescio, iste ibi fingitur vbi volo. Ego ipse certè vnus sum, & hoc loco esse sentio corpus meum, & tamen figmento cogitationis pergo quolibet, & loquor cum quolibet. Falsa sunt hæc: nec quisquam intelligit falsa. Non ergo intelligo quum ista contemplor, & istis credo, quia verum esse oportet quod intellectu contemplor. Nunquid fortè sunt ista quæ phantasmata dici solent? Vnde ergo impleta est anima mea illusionibus? Vbi est verum quod mente conspicitur? Ita cogitanti iam dici potest. Illa lux vera est, qua hæc non esse vera cognoscis. Per hanc illud vnum vides, quo iudicas vnum esse quicquid aliud vides, nec tamen hoc esse quod illud est quicquid mutabile vides.

psal. 4.3.

Cap. xxv.
Vacandum
ut Deum
cognoscas.

Sap. 1.

Quod si hæc intueri palpitat mentis aspectus, quiescite, nolite certare, nisi cum consuetudine corporum: ipsam vincite, & victa erunt omnia. Vnum certè quærimus, quò simplicius nihil est. Ergo in simplicitate cordis quæramus illum. Agite ocium, inquit, & agnoscetis quia ego sum Dominus, non ocium desidæ, sed ocium cogitationis, ut à locis & temporibus vacetis. Hæc enim phantasmata tumoris & volubilitatis, constantem vnitatem videre non sinunt. Loca offerunt quod amemus, tempora surripiunt quod amamus, & relinquunt in aninia turbas phantasmatum, quibus in aliud atque aliud cupiditas incitetur. Ita fit inquietus & æruosus animus, frustra tenere à quibus tenetur exoptans. Vocatur ergo ad ocium, id est ut ista non diligit, quæ diligere sine labore non possunt. Sic enim eis dominabitur, sic non tenebitur; sed tenebit. *Iugum enim meum*, inquit, *leue est*. Huic iugo qui subiectus est, subiecta habet cætera. Non ergo laborabit, non

Mat. 11. 29.

IOAN. I. 12.

enim resistit, quod subiectum est. Sed miseri amici huius mundi, cuius Domini erunt, si filij Dei esse voluerint, quoniam *dedit eis potestatem filios Dei fieri*. Amici ergo huius mundi ram timent ab eius amplexibus separari, ut nihil eis sit laboriosius, quàm non laborare.

CAP. XXXVI.

Vnde falsi

tam ostendunt

et verum

SED cui saltem illud manifestum est, falsitatem esse, quæ id putatur esse quod non est, intelligit eam esse veritatem, quæ ostendit id quod est. At si corpora intantum fallunt, inquantum non implent illud vnum quod conuincuntur imitari, à quo principio vnum est quicquid est, ad cuius similitudinem quicquid nititur, naturaliter approbamus, quia naturaliter improbamus quicquid ab vnitate discedit, atque in eius dissimilitudinem tendit: datur intelligi esse aliquid quod illius vnus solius, à quo principio vnum est quicquid aliquo modo vnum est, ita simile sit ut hoc omnino impleat, ac sit id ipsum, & hoc est veritas & verbum in principio, & verbum Deus apud Deum. Si enim falsitas ex iis est quæ imitantur vnum, non inquantum id imitantur, sed inquantum adimplere non possunt: illa est veritas quæ adimplere potuit, & id esse quod est illud: ipsa est quæ illud ostendit sicut est: vnde & verbum eius & lux eius rectissime dicitur. Cætera illius vnus similia dici possunt inquantum sunt, intantum enim & vera sunt: hæc autem ipsa eius similitudo, & ideo veritas. Ut enim veritate sunt vera, quæ vera sunt, ita similitudine similia sunt, quæcunque similia sunt. Ut ergo veritas forma verorum est, ita similitudo forma similium est. Quapropter vera quoniam intantum vera sunt, inquantum sunt, intantum autem sunt, inquantum principalis vnus similia sunt: ea forma est omnium quæ sunt, quæ est summa similitudo principij: & veritas est, quia sine vlla dissimilitudine est. Vnde falsitas oritur, non rebus ipsis fallentibus, quæ nihil aliud ostendunt sentienti quàm speciem suam, quam profus pulchritudinis acceperunt gradu: neque ipsis sensibus fallentibus, qui pro natura sui corporis affecti, non aliud quàm suas affectiones præsentanti animo nunciant: sed peccata animas fallunt cum verum quærunt, relicta & neglecta veritate. Nam quoniam opera magis quàm artificem atque ipsam artem dilexerunt, hoc errore puniuntur, ut in operibus artificem artemque conquirant: & cum inuenire nequie-

runt,

rint : Deus enim non corporalibus sensibus subiacet, sed ipsi menti supereminet, ipsa opera existiment esse & artem & artificem.

Hinc oritur omnis impietas, non modò peccantium, sed etiam damnatorum pro peccatis suis. Non enim tantùm scrutari creaturam contra præceptum Dei, sed ea frui potius quàm ipsa lege & veritate volunt, quòd primi hominis peccatum deprehenditur, malè vteutis libero arbitrio. Sed hoc quoque in ipsa damnatione addunt, vt non modò diligant, sed etiam seruiant creaturæ potius quàm creatori, & eam colant per partes eius, à summis vsque ad ima venientes. Sed aliqui se in hoc tenent, vt pro summo Deo animam colant, & primam intellectualem creaturam, quam per veritatem Pater fabricauit ad ipsam veritatem semper intuendam, & per seipsam, quia omnimodò ei simillima est. Deinde veniunt ad viram genitalem, per quam creaturam visibilia & temporalia gignentia Deus æternus & incommutabilis operatur. Hinc ad animalia, & inde ad ipsa corpora colenda dilabuntur, & in his primò eligunt pulchriora, in quibus cælestia maximè excellunt. Ergo in primis solis corpus occurrir, & in eo nonnulli remanent. Aliqui & lunæ splendorem religione dignum putant: est enim nobis, vt perhibetur, propinquior, vnde viciniorem speciem habere sentitur. Alij etiam cæterorum siderum corpora adiungunt, & totum cælum cū stellis suis. Alij cælo æthereo copulant aërem, & istis duobus superioribus elementis corporeis subiiciunt animas suas. Sed inter hos illi sibi videntur religiosissimi, qui vniuersam simul creaturam, id est mundum totum cum omnibus quæ in eo sunt, & vitam qua spiratur & animatur, quam quidam corpoream, quidam incorpoream esse crediderunt: hoc ergo totum simul vnum Deum magnum esse arbitrantur, cuius partes sint cætera. Non enim vniuersæ creaturæ auctorem conditorémque nouerunt. Inde est quòd in simulacra præcipitantur, & ab operibus Dei vsque in opera sua demerguntur, quæ tamen adhuc visibilia sunt.

Est enim alius deterior & inferior cultus simulacrorum, quo phanasmata sua colunt, & quicquid animo errante cum superbia vel timore cogitando imaginati fuerint, religionis

Cap. xxviii
Tempi: ius
id. solatrum.

Retr. 6.13

Cap. xxxviii.
Triplex in
mundo tem-
pla: io.

* ad. vñ. l. a.
p. 1118.

1. 105. 1. 14.

Matt. 4. 4.

1114:

nomine obferuant, donec fiat in anima nihil omnino colendum esse, & errare homines qui superstitioni se inuoluunt, & misera se implicant seruitute. Sed frustra hoc sentiunt: non enim efficiunt vt non seruiant: remanent quippe ipsa vitia, quibus vt illa colenda opinarentur attracti sunt. Seruiunt enim cupiditati triplici, vel voluntatis*, vel excellentiæ, vel spectaculi. Nego esse quēquam istorum, qui nihil colendum existimant, qui non aut carnalibus gaudiis subditus sit, aut potentiam vanam foueat, aut aliquo spectaculo delectatus infaniat. Ita nescientes diligunt temporalia, vt inde beatitudinem expectent. His autem rebus quibus quisque beatus vult effici, seruiat necesse est, velit nolit. Nam quocunque duxerint, sequitur: & quisquis ea visus fuerit auferre posse, metuitur. Possunt autem auferre ista, & scintilla ignis, & aliqua parua bestiola. Postremò, vt omitam innumerabiles aduersitates, tempus ipsum auferat necesse est omnia transeuntia. Itaque cū omnia temporalia transeuntia mundus iste concludat, omnibus mundi partibus seruiunt, qui propterea putant nihil colendum esse, ne seruiant. Veruntamen quanquam in hac rerum extremitate miseri iaceant, vt vitia sua sibi dominari patiantur vel libidine, vel superbia vel curiositate damnati, vel duobus horum, vel omnibus: quamdiu sunt in hoc stadio vitæ humanæ, licet eis congrredi & vincere; si prius credant, quod intelligere nondum valent, & non diligant mundum: *Quoniam omne quod in mundo est, sicut diuinitus dictum est, concupiscentia carnis est, & concupiscentia oculorum, & ambitio seculi.* Hoc modo tria illa sunt notata: nam concupiscentia carnis, voluptatis infimæ amatores significat: concupiscentia oculorum, curiosos: ambitio seculi, superbos. Triplex etiam tentatio in homine quem veritas ipsa suscepit, cauenda monstrata est. *Dic, inquit tentator, lapidibus istu ut panes fiant.* At ille vnus & solus Magister: *Non, inquit, in solo pane vixit homo, sed in omni verbo Dei.* Ita enim dominam docuit esse oportere cupiditatem voluptatis, vt nec famelicendum sit: Sed fortē dominationis temporalis fastu decipi poterat, qui carnis voluptate non potuit: omnia ergo regna mundi monstrata sunt ei, & dictum est: *Omnia tibi dabo, si prostratus adoraueris me.* Cui responsum est: *Dominum Deum innum adorabis, & illi soli seruias.* Ita calcata est superbia. Sub-

iecta est autem extrema etiam curiositatis illecebra: non enim ut se de fastigio templi præcipitaret vrgebat, nisi causa tantum aliquid experiendi. Sed neque hic vidus est, & ided respondit, ut intelligeremus non opus esse ad cognoscendum Deum, tentationibus visibiliter diuina explorare molientibus: *Non tentabis*, inquit, *Dominum Deum tuum*. Quamobrem quisquis intus verbo Dei pascitur, non quærit in ista eremo voluptatem. Qui vni Deo tantum subiectus est, non quærit in monte, id est, in terrena elatione iactantiam. Quisquis æterno spectaculo incommutabilis veritatis adhærescit, non per fastigium huius corporis, id est per hos oculos præcipitatur, ut temporalia & inferiora cognoscat.

Quid igitur restat, vnde non possit anima recordari primam pulchritudinem quam reliquit, quando de ipsis suis vitis potest? Ita enim sapientia Dei pertendit à fine vsque ad finem fortiter. Ita per hanc summus ille artifex opera sua in vnum finem decoris ordinata contexuit. Ita illa bonitas à summo vsque ad extremum nulli pulchritudini, quæ ab ipso solo esse posset inuidit, ut nemo ab ipsa veritate deiiciatur, qui non excipitur ab aliqua effigie veritatis. Quare in corporis voluptate quid teneat, nihil aliud inuenies quam conuenientiam: nam si resistentia pariunt dolorem, conuenientia pariunt voluptatem. Recognosce ergo quæ sit summa conuenientia: noli foras ire, in teipsum redi, in interiore homine habitat veritas, & si tuam naturam mirabilem inuenieris, transcede & teipsum. Sed memento cum te transcendis, ratiocinantem animam te transcendere. Illuc ergo tende, vnde ipsum lumen rationis accenditur. Quod enim peruenit omnis bonus ratiocinator, nisi ad veritatem? Cum ad seipsam veritas non vtiq; ratiocinando perueniat, sed quod ratiocinantes appetunt ipsa sit, vide ibi conuenientiam, qua superior esse non possit, & ipse conueni cum ea. Confitere te non esse quod ipsa est: siquidem se ipsa non quærit, tu autem ad ipsam quarendo venisti, non locorum spacio, sed mentis affectu, ut ipse interior homo cum suo inhabitatore, non inima & carna, sed summa & spiritali voluntate conueniat. Aut si non cernis quæ dico, & an vera sint dubitas, cerne saltem vtrum te de his dubitare non dubites, & si certum est te esse dubitantem, quare vnde sit certum: non illic

Cap xxxi.
Ex rebus
conditis
quærenda
deprehen-
datur summa
veritas.

1020. 19.

tibi omnino solis huius lumen occurrit, sed lumen verum quod illuminat omnem hominem venientem in hunc mundum. Quod his oculis videri non potest, nec illis quibus phantasmata cogitantur, per eosdem oculos animæ impacta, sed illis quibus ipsis phantasmatibus dicitur: non estis vos quod ego quero, neque illud estis vnde ego vos ordino, & quod mihi inter vos scdum occurrerit, improbo, quod pulchrum approbo, cum pulchrius sit illud vnde improbo & approbo: quare hoc ipsum magis approbo, & non solum vobis, sed illis omnibus corporibus vnde vos hausi, antepono. Deinde regulam ipsam quam vides, concipe hoc modo: Omnis qui se dubitantem intelligit, verum intelligit, & de hac re quam intelligit certus est. De vero igitur certus est. Omnis igitur qui vtrum sit veritas dubitat, in seipso habet verum vnde non dubitet, nec vllum verum nili veritate verum est. Non itaque oportet eum de veritate dubitare, qui potuit vnde decunque dubitare. Vbi videntur hæc, ibi est lumen sine spacio locorum & temporum, & sine vlllo spaciorem talium phantasmate. Nunquid ista ex aliqua parte corrumpi possunt, etiamsi omnis ratiocinator intereat, aut potius apud carnales inferos veretascant? Non enim ratiocinatio talia facit, sed inuenit. Ergo antequam inueniantur, in se manent, & cum inueniuntur, nos innouant.

CAP. XL.
Diabolus
tentatio co-
di. in deco-
re vniuersi.
2. Cor. 4.

ITA renascitur interior homo, & exterior corrumpitur de die in diem. Sed interior exteriorem respicit, & in sua comparatione scdum videt: in proprio tamen genere pulchrum & corporum conuenientia letantem, & corrumpentem quod in bonum suum conuertit, alimenta scilicet carnis: quæ tamen corrupta, id est amittentia formam suam, in membrorum istorum fabricam migrant, & corrupta reficiunt, in aliam formam per conuenientiam transcuntia: & per vitalem motum diiudicantur quodammodo, vt ex eis in structuram huius visibilis pulchri quæ apta sunt assumantur, non apta verò per incongruos meatus eiiciantur. Quotum aliud feculentissimum redditur terræ ad alias formas assumendas, aliud per totum corpus exhalat, aliud totius animalis latentes numeros accipit, & iuchoatur in prolem, & siue conuenientia duorum corporum, siue tali aliquo phantasmate commotum, per genitales vias ab ipso vertice defluit in infima

voluptate. Iam vetò in matre per certos numeros temporum in locorum numerum coaptatur, vt suas regiones quæque membra occupent, & si modum parilitatis seruauerint, luce coloris adiuncta nascitur corpus quod formosum vocatur, & à suis dilectoribus amatur acerrimè: non tamen in eo plus placet forma quæ mouetur, quàm vita quæ mouet. Nam illud animal si nos amet, allicit violentiùs: si oderit autem, succensemus, & ferre non possumus, etiam si formam ipsam præbeat fruendi. Hoc totum est voluptatis regnum, & ima pulchritudo, subiacer enim corruptioni: quod si non esset, summa putaretur. Sed adest diuina prouidentia, quæ hanc ostendat, & non malam, proptet tam manifesta veltigia primorum numerorum, in quibus sapientiæ Dei non est numerus, & extremam tamen esse: miscens ei dolores & morbos & distortionem membrorum, & tenebras coloris, & animorum similitudines ac dissensiones, vt ex his admoneamur incommutabile aliquid esse quærendum. Et hoc facit per infima ministeria eorum quibus id agere voluptatis est, quos exterminatores & Angelos iracundiæ, diuinæ Scripturæ nominant, quamuis ipsi nesciant quid de se agatur boni. His similes sunt homines, qui gaudent miseriis alienis, & risu sibi & ludicra spectacula exhibent, vel exhiberi volunt euersionibus & erroribus aliorum. Atque ita in his omnibus boni admoventur & exercentur & vincunt, & triumphant & regnant. Mali verò decipiuntur, cruciantur, vincuntur, damnantur & seruiunt, non vni omnium summo Domino, sed vltimis seruis, illis videlicet Angelis, qui doloribus & miseriis damnatorum pascuntur, & pro ista maleuolentia bonorum liberatione torquentur. Ita ordinantur omnes officiis & finibus suis in pulchritudinem vniuersitatis, vt quod horremus in parte, si cum toto consideremus, plurimum placeat: quia nec in ædificio iudicando vnum tantum angulum considerare debemus, nec in homine pulchro solos capillos, nec in bene pronunciante solum digitorum motum, nec in lunæ cursu aliquas tridui tantum figuras. Ista enim quæ propterea sunt infima, quia partibus imperfectis tota perfecta sunt, siue in statu, siue in motu pulchra sentiantur, tota considerata sunt, si rectè volumus iudicare. Verum enim nostrum iudicium, siue de toto, siue de parte iudicet, pulchrum est: vni-

Psal. 146. j.

v. Confess.
lib. 3. c. 3.

uerso quippe mundo superfertur, nec alicubi parti eius in quantum verum iudicamus, adhæremus. Error autem non itter parti adhærens eius, ipse per se scdus est. Sed sicut niger color in pictura cum toto sit pulcher; sic totum istum agonem decenter edit incommutabilis diuina prouidentia, aliud victis, aliud certantibus, aliud victoribus, aliud spectatoribus, aliud quietis & solum Deum contemplantibus tribuens: cum in his omnibus non sit malum nisi peccatum, & pœna peccati, hoc est defectus voluntarius à summa essentia, & labor in vltima non voluntarius. Quod alio modo dici potest, libertas à iustitia, & seruitus sub peccato.

Cap. xli.
Duplex ex-
terioris ho-
minis cor-
ruptio.

Rom. 13.1.

CORRUMPITVR autem homo exterior aut profectu interioris, aut defectu suo. Sed profectu interioris ita corrumpitur, vt totus in melius reformetur, & restitatur in integrum in nouissima tuba, vt iam non corrumpatur neque corrumpat. Defectu autem suo in pulchritudines corruptibiliores, id est pœnarum ordinem præcipitur. Nec miremur quodd adhuc pulchritudines nomino: nihil enim est ordinatum quod non sit pulchrum. Et sicut ait Apostolus: *Omnis ordo à Deo est.* Necesse est autem fateamur meliorem esse hominem plorantem, quam latantem vermiculum: & tamen vermiculi laudem sine vilo mendacio copiosè possum dicere, considerans nitorem coloris, figuram teretem corporis, priora cum mediis, media cum posterioribus congruentia, & vnitatis appetentiam pro suæ naturæ humilitate seruantia, nihil ex vna parte formatum, quod non ex altera parili dimensione respondeat. Quid iam de anima ipsa dicam, vegetante modulum corporis sui, quomodo eum numerosè moueat, quomodo appetat convenientia, quomodo vincat aut caueat obsistentia quantum potest, & ad vnum sensum incolumitatis referens omnia, vnitatem illam conditricem naturarum omnium, multò euidentius quàm corpus insinuet: loquor de vermiculo animante qualicunque. Cineris & stercoreis laudem verissimè atque vberimè plerique dixerunt. Quid ergo mirum est, si hominis animam quæ vbiunque sit & qualiscunque sit, omni corpore est melior, dicam pulchrè ordinari, & de pœnis eius alias pulchritudines fieri, cum ibi non sit quando misera est, vbi beatos esse decet. sed ibi sit vbi esse miseros decet? Prorsus nemo nos fallat. Quicquid rectè

Cito apud
Ciceronem
in Catona
maiora.

vituperatur, in melioris comparatione respuitur. Omnis enim natura quamvis extrema, quamvis infima, in comparatione nihili iure laudatur. Et tunc cuique non est bene, si melius esse potest. Quare si nobis potest bene esse cum ipsa veritate, malè sumus cum quolibet vestigio veritatis: multò ergo deterius cum extremitate vestigij, quando carnis voluptatibus adhæremus. Vincamus ergo huius cupiditatis vel blanditias vel molestias, subiugemus nobis hanc feminam, si viri sumus. Nobis ducibus, & ipsa erit melior, nec iam cupiditas, sed temperantia nominabitur. Nam cum ipsa ducit, nos autem sequimur, cupiditas illa & libido, nos verò temeritas & stulticia nuncupamur. Sequamur Christum caput nostrum, ut & nos sequatur cui caput sumus. Hoc & feminis præcipi potest, non maritali, sed fraterno iure, quo iure in Christo nec masculus nec femina sumus. Habent enim & illæ virile quiddam unde femineas subiugent voluptates, unde Christo seruiant, & imperent cupiditati. Quod in multis viduis & virginibus Dei, in multis etiam maritalis, sed iam fraternè coniugalia iura seruantibus Christiani populi dispensatione manifestum est. Quòd si ab ea parte cui dominari Deus nos iubet, atque ut in nostram possessionem restituamur & hortatur & opitulatur: si ergo ab hac parte per negligentiam & impietatem vir subditus fuerit, id est mens & ratio, erit quidem homo turpis & miser: sed destinatur in hac vita, & post hanc vitam ordinatur, quòd eum destinari, & ubi ordinari sumus ille rector & Dominus iudicat. Nulla itaque fœditate vniuersa creatura maculari permittitur.

AMBULEMVS ergo dum diem habemus, id est, dum ratione uti possumus, ut ad Deum conuersi, verbo eius quod verum lumen est, illustrari mereamur, ne nos tenebræ comprehendant. Dies est enim præsentia illius luminis, quod illuminat omnem hominem venientem in hunc mundum. Hominem dixit, qui ratione uti potest: & ubi cecidit, ibi incumbere debet ut surgat. Si ergo voluptas carnis diligitur, ea ipsa diligentius consideretur, & quum ibi recognita fuerint quorundam vestigia numerorum, quærendum est ubi sine tumore sint. Ibi enim magis vnum est quod est. Et si tales sunt in ipsa motione vitali, quæ in feminibus operatur, magis ibi mirandi sunt quam in corpore. Si enim numeri seminum

Cap. xlii.
Vnitiatis
pulchritudo
in quibus.

sicut ipsa semina tumerent, de dimidio grano fici, arbor dimidia nasceretur, neque de animalium seminitus etiam non totis, animalia tota & integra gignerentur, neque tantillum & vnum semen vim haberet sui cuiusque generis innumerabilem. De vno quippe secundum suam naturam possunt, vel segetes segetum, vel sylvarum sylvarum, vel greges gregum, vel populi populorum per sæcula propagari, ut nullum folium sit, vel nullus pilus per tam numerosam successionem, cuius non ratio in illo primo & vno semine fuerit. Deinde illud cogitandum est, quàm numerosas, quàm suaves sonorum pulchritudines verberatus aer traiciat cantante luscinia, quas illius auiculæ anima non tam liberè cum liberet fabricaretur, nisi vitali motu incorporaliter haberet impressas. Hoc & in cæteris animantibus, quæ ratione carentia sensu tamen non carent, animaduerti potest. Nullum enim horum est, quod non vel in sono vocis, vel in cætero motu atque operatione membrorum numerosum aliquid, atque in suo genere moderatum gerat, non aliqua scientia, sed tamen intimis naturæ terminis, ab illa incommutabili numerorum lege modulatis.

Cap. XLIII.
Ex ordine
veræ cognos-
ci Deum.

REDEAMVS ad nos, & omittamus ea quæ cum arbutis, & bestiis habemus communia. Vno namque modo hirundo nidificat, & vnumquodque auium genus vno aliquo suo modo. Quid est ergo in nobis, quo & de illis omnibus iudicamus, quas figuras appetant, & quatenus impleant, & nos in ædificiis aliisque corporeis operibus, tanquam Domini omnium talium figurarum, innumerabilia machinamur? Quid est in nobis, quod intus intelligit has ipsas visibiles corporum moles proportionem magnas esse, vel paruas, & omne corpus habere dimidium quantulumcunque sit, & si dimidium, innumerabiles partes? Itaque omne granum milij suæ parti tantæ, quantam in hoc mundo nostrum corpus tenet, tam magnum esse quàm mundus est nobis, totumque istum mundum figurarum ratione pulchrum esse, non mole: magnum autem videri, non pro sua quantitate, sed pro breuitate nostrâ, id est animalium quibus est plenus, quæ rursus cum habeant infinitatem diuisionis, non ipsa per se, sed in aliorum, & maximè ipsius vniuersi comparatione tam parua sunt. Nec in spacio temporum alia ratio est, quia ut omnis loci, sic omnis tempo-

ris

ris longitudo habet dimidium sui : quamvis enim sit brevissima , & incipit & progreditur & desinit. Itaque non potest nisi habere dimidium , dum ibi diuiditur quæ transit ad finem. Ac per hoc & brevis syllabæ tempus in comparatione longioris breue , & hora brumalis æstivæ horæ comparata minor est. Sic mora vnius horæ ad diem , & dies ad mensem , & mensis ad annum , & anni ad lustrum , & lustrum ad maiores circuitus , & ipsi ad vniuersum tempus relati breues sunt, cùm illa ipsa numerosa successio , & quædam gradatio , siue localium , siue temporalium spaciolorum , non timore vel mora , sed ordinata conuenientia pulchra iudicetur. Ipse autem ordinis modus viuere in veritate perpetua , nec mole vastus , nec protractione volubilis , sed potentia super omnes locos magnus , æternitate super omnia tempora immobilis : sine quo tamen nec vllius molis vastitas in vnum redigi , nec vllius temporis productio potest ab errore cohiberi , & aliquid esse vel corpus vt corpus sit , vel motus vt motus sit. Ipsum est vnum principale , nec per finitum , nec per infinitum crassum , nec per finitum nec per infinitum mutabile. Non enim habet aliud hic , aliud alibi , aut aliud nunc , aliud postea : quia summè vnus est Pater veritatis , Pater suæ sapientiæ , quæ nulla ex parte dissimilis , similitudo eius dicta est , & imago , quia de ipso est. Itaque etiam Filius rectè dicitur ex ipso , cætera per ipsum. Præcessit enim forma omnium summè implens vnum de quo est , vt cætera quæ sunt inquantum sunt vni similia , per eam formam fierent.

Hora: inaequales intelligis. quæ pro loco solis in ædifico variantur. nã brumalis dies totidè habet horas quot æstiuus, licet breuior sit.

HORVM alia sic sunt per ipsam , vt ad ipsam etiam sint , vt omnis rationalis , & intellectualis creatura , in qua homo rectissime dicitur factus ad imaginem & similitudinem Dei : non enim aliter incommutabilem veritatem posset mente conspiciere. Alia verò ita sunt per ipsam facta , vt non sint ad ipsam. Et idè rationalis anima si creatori suo seruiat à quo facta est , per quem facta est , & ad quem facta est , cuncta ei cætera seruiunt : & vita vltima quæ tam vicina illi est , & est adiutorium eius , per quod imperat corpori : & ipsum corpus , extrema natura & essentia : cui omni modo cedenti ad arbitrium dominabitur , nullam de illo sentiens molestiam : quia iam non ex ipso nec per ipsum quæret beatitudinem , sed ex Deo per seipsam percipiet. Reformatum ergo corpus

*CAP. XLIV.
Dei imago
Filius, ad
quam facta
quidam.*

ac sanctificatum, sine detrimento corruptionis, & sine onere difficultatis administrabit. *In resurrectione enim nec nubent neque nubentur, sed erunt sicut Angeli in calis. Esca verò ventri, & venter escis. Deus autem & hunc & illas destruet, quoniam non est regnum Dei esca & potus, sed iustitia & pax & gaudium.*

Cap. XLV.
Voluptatis
imbecillitas
pretendit
nos ad
sublimiora.

QVAPROPTER etiam in ista corporis voluptate inuenimus vnde commoneamur eam contemnere: non quia malum est natura corporis, sed quia in extremi boni dilectione turpiter volutatur, cui primis inhæret fruique concessum est. Cum trahitur auriga, & suæ temeritatis dat pœnas, quicquid illud est quo utebatur, accusat: sed imploret auxilium, iubeat Dominus rerum, obstitatur equis, alia iam spectacula de illius præcipitatione facientibus, & nisi subueniatur de morte facturis, restituatur in locum, super rotas collocetur, habenarum iura reddantur, regat cautiùs obtemperantes, & edomitas bestias: tunc sentiet quàm bene currus, & tota illa iunctio fabricata sit, quæ ruina eius, & ipsum affligerat, & cursum decentissimæ moderationis amiserat: quia & huic corpori imbecillitatem peperit animæ malæ vtentis auiditas in paradiso, vsurpans veritum cibum contra medici disciplinam, qua semper eterna continetur salus. Si ergo in ista ipsa visibilis carnis imbecillitate, vbi beata vita esse non potest, inuenitur admonitio beatæ vitæ propter speciem de summo bono vsque ad ima venientem: quantò magis in appetitione nobilitatis & excellentiæ, & in omni superbia vanaque pompa huius mundi? Quid enim aliud in ea homo appetit, nisi solus esse si fieri possit cui cuncta subiecta sint, peruersa scilicet imitatione omnipotentis Dei? Quem si subditus imitaretur, secundum præcepta eius viuendo, per eum haberet subdita cætera, nec ad tantam deformitatem veniret, ve beiliolam timeret, qui vult hominibus imperare. Habet ergo & superbia quendam appetitum vnitatis & omnipotentia: sed in rerum temporalium principatu, quæ omnia transeunt tanquam vmbra. Inuicti esse volumus, & rectè: habet enim hoc animi nostri natura post Deum, à quo ad eius imaginem factus est: sed eius præcepta erant seruanda, quibus seruatis nemo nos vinceret. Nunc verò dum ipsa cuius verbis turpiter consensimus, domatur dolore pariendo, & nos in

terra laboramus, & cum magno dedecore superamur ab omnibus, quæ nos commouere ac perturbare potuerint. Itaque nolumus ab hominibus vinci, & iram non possumus vincere. Qua turpitudine quid execrabilius dici potest? Fatemur hominem hoc esse quod nos sumus, qui tamen & si habeat vitia, non est tamen ipse vitium. Quamto igitur honestius homo nos vincit quam vitium? Quis autem dubitet immane vitium esse inuidentiam, qua necesse est torqueatur, & subiiciatur qui non vult in rebus temporalibus vinci? Melius est ergo vt homo nos vincat, quam inuidentia, vel quodlibet aliud vitium.

SED nec ab homine vinci potest, qui vitia sua vicerit. Non enim vincitur, nisi cum ei eripitur ab aduersario quod amat. Qui ergo amat id solum, quod amanti etipi non potest, ille indubitanter inuidus est, nec vlla cruciatur inuidia. Id enim diligit, ad quod diligendum, & percipiendum quantum plures venerint, tanto eis vberius gratulatur. Diligit enim Deum ex toto corde, & ex tota anima, & ex tota mente, & diligit proximum tanquam seipsum. Non ergo illi inuidet vt sit quod ipse est, imò adiuuat etiam quantum potest. Nec potest amittere proximum quem diligit tanquam seipsum, quia neque in seipso ea diligit quæ oculis subiacent, aut vllis aliis corporeis sensibus. Ergo apud semetipsum habet quem diligit tanquam seipsum. Ea autem est regula dilectionis, vt quæ sibi vult bona prouenire, & illi velit, & quæ accidere sibi mala non vult, & illi nolit: hanc voluntatem erga omnes homines seruat. Nam erga neminem operandum est malum. Et dilectio proximi malum non operatur. Diligamus ergo vt præceptum est etiam inimicos nostros, si verè inuidi esse volumus. Non enim per seipsum quisquam hominum inuidus est, sed per illam incommutabilem legem, cui quicunque seruiunt soli sunt liberi. Sic enim eis quod diligunt auferri non potest. Quæ res vna inuidus facit & perfectos viros. Nam si vel ipsum hominem homo dilexerit, non tanquam seipsum, sed tanquam iumentum aut balneas aut auiculam pictam vel garrulam, id est vt ex eo aliquid temporalis voluptatis aut commodi capiat, seruiat necesse est, non homini, sed, quod est turpius, tam fædo & detestabili vitio, quod non amat hominem sicut homo amandus est. Quo vitio dominan-

Cap. XLVI.

Charitas

erga Deū &

proximum.

Mat. 22. 37.

Tob. 4. 18.

Rom. 13. 10.

Matt. 5. 44.

te, vsque ad extremam vitam, vel potius mortem perducitur. Sed nec sic quidem ab homine homo diligendus est, vt diliguntur carnales fratres vel filij vel coniuges, vel quique cognati, vel affines aut ciues. Nam & dilectio ista temporalis est. Non enim vllas tales necessitudines haberemus, quæ nascendo & moriendo contingunt, si natura nostra in præceptis, & imagine Dei manens, in istam corruptionem non relegaretur. Itaque ad pristinam perfectamque naturam nos ipsa veritas vocans, præcipit vt carnali consuetudini resistamus, docens neminem aptum esse regno Dei, qui non istas carnales necessitudines oderit. Neque hoc cuiquam inhumanum videri debet. Magis enim est inhumanum, non amare in homine quod homo est, sed amare quod vilius est: hoc est enim non in eo amare illud, quod ad Deum pertinet, sed amare illud quod ad se pertinet. Quid ergo mirum si ad regnum non peruenit, qui non communem sed priuatam rem diligit? Imò vtrunque ait quispiam: imò illud vnum, dicit Dominus. Dicit enim verissimè Veritas: *Nemo potest duobus dominis seruire*. Nemo enim potest perfectè diligere quod vocatur, nisi oderit vnde reuocatur. Vocatur autem ad perfectam naturam humanam, qualem ante peccatum nostrum Deus fecit: reuocatur autem ab eius dilectione, quam peccando meruimus. Quare oderimus oportet, vnde vt liberemur optamus. Oderimus ergo temporales necessitudines, si æternitatis charitate flagramus. Diligat homo proximum tanquam seipsum. Cerrè enim sibi ipsi nemo est pater, aut filius, aut affinis, aut aliquid huiusmodi, sed tantum homo. Qui ergo diligit aliquem tanquam seipsum, hoc in eo debet diligere quod sibi ipse est. Corpora verò non sunt quod nos sumus. Non ergo in homine corpus est expetendum aut desiderandum. Valer enim ad hoc etiam quod præceptum est: *Non concupiscas rem proximi tui*. Quapropter quisquis in proximo aliud diligit, quàm sibi ipse est, non cum diligit tanquam seipsum. Ipsa igitur natura humana sine carnali conditione diligenda est, siue sit perficienda siue perfecta. Omnes sub vno Deo parte cognati sunt qui eum diligunt, & faciunt voluntatem ipsius. Et inuicem sibi sunt & patres cum sibi consulunt, & filij cum sibi obtemperant, & fratres, maxime quia eos vnus pater testamento suo ad vnâ hereditatem vocat.

1. R. 11. c. 13.

Matt. 6. 14.

Ecc. 10. 17.

QUA PROPTER cur iste non inuidus sit hominem diligendo, cum in eo nihil præter hominem diligit, id est creaturam Dei ad eius imaginem factam, nec ei possit deesse perfecta natura quam diligit, cum ipse perfectus est? Sicut enim, verbi gratia, si quisquam diligit bene cantantem, non hunc aut illum, sed tantum bene cantantem quemlibet, cum sit cantor ipse perfectus, ita vult omnes tales esse, ut tamen ei non desit quod diligit, quia ipse bene cantat. Nam si cuiquam inuidet bene cantanti, non iam illud diligit, sed aut laudem, aut aliquid aliud, quod bene cantando vult peruenire, & potest ei minui vel auferri, si & alius bene cantauerit. Qui ergo inuidet bene cantanti, non amat bene cantantem, sed rursus qui eo indiget, non bene cantat. Quod multò accommodatius de bene viuente dici potest, quia inuidere nulli potest: quod enim perueniunt bene viuentes, tantundem est omnibus, nec minus sit cum plures habuerint. Et potest esse tempus quo bonus cantor cantare non decenter queat, & indigeat voce alterius, qua sibi exhibeatur, quod diligit tanquam si alicubi conuiuetur, ubi eum cantare turpe sit, sed deceat audire cantantem: bene autem viuere semper decet. Quare quisquis hoc & diligit & facit, non solum non inuidet imitantibus, sed his se præbet libentissimè atque humanissimè quantum potest, nec tamen eis indiget. Nam quod in illis diligit, in seipso habet totum atque perfectum. Ita cum diligit proximum tanquam seipsum, non inuidet ei, quia nec sibi ipsi: præstat ei quod potest, quia & sibi ipsi: nec eo indiget, quia nec seipso: tantum Deo indiget, cui adhærendo beatus est. Nemo autem illi eripit Deum. Ille ergo verissimè atque certissimè inuidus homo est qui cohæret Deo, non ut ab eo aliquid boni extra mereatur, sed cui nihil aliud quàm ipsum hæere Deo bonum est.

Hic vir quamdiu est in hac vita, utitur amico ad rependendam gratiam, utitur inimico ad patientiam, utitur quibus potest ad beneficentiam, utitur omnibus ad beneuolentiam. Et quanquam temporalia non diligit, ipse rectè utitur temporalibus, & pro eorum forte hominibus consulit, si æqualiter non potest omnibus. Quare si aliquem familiarium suorum promptius quàm quemlibet alloquitur, non eum magis diligit, sed ad eum habet maiorem fiduciam, & apertio-

rem temporis ianuam. Tractat enim temporis deditos tantò meliùs, quantò minus ipse obligatus est temporì. Cùm itaque omnibus quos pariter diligit prodesse non possit, nisi coniunctioribus prodesse malit, iniustus est. Animi autem coniunctio maior est quàm locorum aut temporum, quibus in hoc corpore iunguntur, sed ea maxima est quæ omnibus præualeat. Non ergo ille affligitur morte cuiusquam, quoniam qui toto animo Deum diligit, nouit nec sibi perire quod Deo non perit. Deus autem dominus est & viuorum & mortuorum. Non cuiusquam miseria miser est, quia nec cuiusquam iustitia iustus est. Et vt nemo illi iustitiam & Deum, sic nemo aufert beatitudinem. Et si aliquando fortè alicuius peticulo, vel errore vel dolore commouetur, vsque ad illius auxilium, aut correctionem, aut consolationem, non vsque ad suam subuersionem valere patitur. In omnibus autem officiosis laboribus futuræ quietis certa expectatione non frangitur. Quid enim ei nocebit, qui bene vt etiam inimico potest? Eius enim præsidio atque munimento inimicitias non pertimescit, cuius præcepto & dono diligit inimicos. Huic viro in tribulationibus parum est non contristari, nisi etiam gaudeat, *sciens quòd tribulatio patientiam operatur, patientia probationem, probatio spes, spes autem non confundit: Quoniam charitas Dei diffusa est in cordibus nostris per Spiritum sanctum qui datus est nobis.* Quis huic nocebit? Quis hunc subiugabit? Homo qui prosperis rebus proficit, asperis quid profecerit discit. Cùm enim mutabilium bonorum adeit copia, non eis confidit: sed cùm subtrahuntur, agnoscitur vtrum eum non ceperint. Quia plerunque cùm adsunt nobis, putamus quod non ea diligamus: sed cùm abesse cœperint, inuenimus qui simus. Hoc enim sine amore nostro aderat, quod sine dolore discedit. Videtur ergo vincere cùm vincatur, qui superando ad id peruenit, quod cum dolore amissurus est: & vincit cùm vinci videatur, quisquis cedendo ad id petuenit quod non amittit inuitus.

Cap. LVIII
qua se per-
fecta iustitia.

QUEM ergo delectat libertas, ab amore mutabilium rerum liber esse appetat: & quem regnare delectat, vni omnium regnatori Deo subditus hæreat, plus cum diligendo quàm seipsum. Et hæc est perfecta iustitia, qua potius potiora, & minùs minora diligimus. Sapientem animam atque

perfectam talem diligit qualem illam videt : stultam non talem , sed quia esse perfecta & sapiens potest : quia nec scipsum debet stultum diligere. Nam qui se diligit stultum, non proficiet ad sapientiam : nec fiet quisquis qualis cupit esse, nisi se oderit qualis est. Sed donec ad sapientiam perfectionemque veniatur , eo animo ferat stultitiam proximi, quo suam ferret, si stultus esset, & amaret sapientiam. Quapropter si & ipsa superbia veræ libertatis , & veri regni umbra est , etiam per ipsam nos commemorat diuina providentia, quid significemus vitiosi, & quò debeamus redire correcti.

I AM verò cuncta spectacula, & omnis illa quæ appellatur curiositas, quid aliud quærit quàm de rerum cognitione laticitiam ? Quid ergo admirabilius, quid speciosius ipsa veritate, ad quam omnis spectator pervenire se cupere confitetur, cum vehementer ne fallatur inuigilat, & inde se iactat siquid acutius cæteris , & vinacius in spectando cognoscat & iudicet? Ipsum denique præstigiatores nihil aliud quàm fallaciam profitentem diligenter intuentur, & cautissimè observant, & si eluduntur, quia sua non possunt, illius delectantur scientia qui eos eludit. Nam si & ille nesciret quibus causis fallantur intuentes, vel nescire crederetur, pariter erranti nullus plauderet. Si quis autem de populo vnus eum deprehenderit, maiorem illo laudem se mereri putat, non ob aliud, nisi quia decipi fallique non potuit. Si autem multis apertus sit, non ille laudatur, sed iridentur cæteri qui talia deprehendere nequeunt. Ita omnis palma cognitioni datur & artificio, & comprehensioni veritatis, ad quam nullo modo perveniunt qui foris eam quærunt. Itaque in tantas nugas, & turpitudines meri sumus, ut cum interroganti quid sit melius, verum an falsum, ore vno respondeamus, verum esse melius iocis & ludis, tamen ubi nos utique non vera, sed falsa delectant, multò propensius quàm præceptis ipsius veritatis hæreamus. Ita nostro iudicio & ore punimur, aliud ratione approbantes, aliud vanitate sectantes. Tandiu autem est ludicrum, & iocularis aliquid, quandiu nouimus in cuius veri comparatione rideatur. Sed diligendo talia excidimus à vero, & non iam inuenimus quarum rerum imitamenta sint, quibus tanquam primis pulchris iniungamus, & ab eis receden-

CAP. XLII.
Omnibus
præferenda
veritas

Epicuri.
Stoici.
Manichæi.

tes amplexamur nostra phantasmata. Nam redeuntibus nobis ad inuestigandam veritatem, ipsa in itinere occurrunt, & nos transire non sinunt, nullis viribus, sed magnis insidiis latrocinantia, non intelligentibus quàm larè pateat quod dictum est: Cauete à simulachris. Itaque alij per innumerabiles mundos vana cogitatione volutati sunt. Alij Deum esse non posse, nisi corpus igneum putauerunt. Alij caudorem lucis immensa per infinita spacia vsquequaque porrectum, ex vna tamen parte quasi nigro quodam cuneo fissum: duo aduersa regna opinantes, & talia rebus constituentes principia, cum suis phantasmatibus fabulati sunt. Quos si iurare cogam, vtrum hæc vera esse sciant, fortasse non audeant, sed vicissim dicant: Tu igitur ostende quid verum sit. Quibus si nihil respondeam, nisi vt illam lucem quærant qua eis apparet & certum est, aliud esse credere, aliud intelligere, iurarent & ipsi, nec oculis videri posse istam lucem nec cum aliqua locorum vastitate cogitari, & nusquam non præsto esse quærentibus, & nihil ea certius atque serenius inueniri. Quæ rursus omnia quæ de hac luce mentis nunc à me dicta sunt, nulla alia quàm eadem luce manifesta sunt. Per hanc enim intelligo vera esse quæ dicta sunt, & hæc me intelligere per hanc rursus intelligo. Et hoc rursus & rursus cum quisque se aliquid intelligere intelligit, & id ipsum rursus intelligit, in infinitum pergere intelligo, & nulla hic esse spacia cuiusquam tumoris aut volubilitatis intelligo: intelligo etiam non me posse intelligere nisi viuam, & me viuaciorem intelligendo fieri, certius intelligo. Æterna enim vita vitam temporalem viuacitate ipsa superat. Nec quid sit æternitas, nisi intelligendo conspicio. Mentis quippe aspectu omnem mutabilitatem ab æternitate seiungo, & in ipsa æternitate nulla spacia temporis cerno, quia spacia temporis præteritis & futuris rerum motibus constant. Nihil autem præterit in æterno, & nihil futurum est: quia & quod præterit esse desinit, & quod futurum est, nondum esse cœpit. Æternitas autem tantummodò est, nec fuit quasi iam non sit, nec erit quasi adhuc non sit. Quare sola ipsa vetissimè dicere potuit humanæ menti: *Ego sum qui sum*. Et de illa vetissimè dici poterat: *Qui est, misit me*.

Eto. 3. 14.

Cap. L.
Scripturam

CVI si nondum possumus inhxerere, obiurgemus saltem nostra

et interpre-
tationum
ratio.

nostra phantasmata, & tam nugatorios & deceptorios ludos de spectaculo mentis eiiciamus. Vtatur gradibus quos nobis diuina prouidentia fabricare dignata est. Cum enim figmentis ludicris nimium delectati euanesceremus in cogitationibus nostris, & totam vitam nostram in quædam vana somnia verteremus, rationali * creatura seruiere legibus suis: per sonos ac literas, ignem, fumum, nubes, columnam, quasi quædam verba visibilia cum infantia nostra parabolis ac similitudinibus quodammodò ludere, & interiores oculos nostros luto huiusmodi curare non aspernata est ineffabilis misericordia Dei. Distinguamus ergo quam fidem debeamus historiæ, quam fidē debeamus intelligentiæ, quid mandemus memoriæ, verum esse nescientes, sed credentes tamen. Et ubi sit verum quod non venit & transit, sed semper eodem modo manet. Qui sit modus interpretandæ allegoriæ, quæ per sapientiam dicta creditur in Spiritu sancto. Vtrum à visibilibus antiquioribus ad visibilia recentiora eam perducere sufficiat. An vsque ad animæ affectiones atque naturam, an vsque ad incommutabilem æternitatem: an aliæ significant gesta visibilia, aliæ motus animorum, aliæ legem æternitatis, an aliqua inueniatur in quibus hæc omnia inuestiganda sint. Et quæ sit stabilis fides, siue historica & temporalis, siue spiritalis & æterna, ad quam omnis interpretatio auctoritatis dirigenda sit. Et quid profit ad intelligenda, & obtinenda æterna, ubi finis est omnium bonarum actionum, fides rerum temporalium. Et quid intersit inter allegoriam historiæ, & allegoriam facti, & allegoriam sermonis, & allegoriam Sacramenti. Et quomodò ipsa locutio diuinarum scripturarum secundum cuiusque linguæ proprietatem accipienda sit. Habet enim omnis lingua sua quædam propria genera locutionum, quæ cum in aliam linguam transferuntur, videntur absurda. Quid profit tanta loquendi humilitas, vt non solùm ira Dei & tristitia, & à somno expergefactio, & memoria, & obliuio, & alia nonnulla quæ in bonos homines cadere possunt, sed etiam pœnitentiæ, zeli, crapulæ nomina, & alia huiusmodi in sacris libris inueniantur? Et vtrum oculi Dei & manus & pedes, & alia huius generis membra, quæ in Scripturis nominantur, ad visibilem formam humani corporis referenda sint, an ad significationes intelligibilium & spiritalium potentia-

f. * irratio-
nali.

*Allegoria
quadru-
plex. Quod
cuius lin-
gua habet
propria
quædam lo-
cutionis ge-
nera.*

rum, sicut galca & scutum, & gladius & cingulum, & cætera talia. Et quod maximè quærendum est, quid profit generi humano, quòd sic nobilium per rationalem & genitalem, & corporalem creaturam sibi seruientem diuina prouidentia locuta est. Quo vno cognito, omnis ab animo proteruitas puerilis excluditur, & introducitur sacrosancta religio.

Cap. LI.
Scripturarum
persecutio.

Sap. 8.2.

Cap. LII.
Et vitæ iust
occulis ad
virtutem.

Rom. 1.20.

OMISSIS igitur & repudiatis nugis theatricis & poëticiis, diuinarum Scripturarum consideratione, & tractatione pascamus animum atque potemus vanæ curiositatis fame ac siti fessum & æstuantem, & inanibus phantasmatibus tanquam pictis epulis, frustra refici satiarique cupientem. Hoc verè liberali, & ingenuo ludo salubriter erudiamur. Si nos miracula spectaculorum, & pulchritudo delectant, illam delideremus videre sapientiam, quæ pertendit à fine vsque ad finem fortiter, & disponit omnia suauiter. Quid enim mirabilius, vi incorporea mundum corporeum fabricante & administrante? Aut quid pulchrius ordinante & ornante?

Sed autem omnes fatentur per corpus ista sentiri, & animum meliorem esse quàm corpus, nihilne per se animus ipse conspiciet, aut quod conspiciet potest esse, nisi multò excellentius longèque præstantius? Imò verò commemorati ab iis quæ indicamus, intueti quid sit secundum quod iudicamus, & ab operibus artium conuersi ad legem artium, eam speciem mente contuebimur, cuius comparatione fœda sunt, quæ ipsius benignitate sunt pulchra. Inuisibilia enim Dei à creatura mundi per ea quæ facta sunt intellecta conspiciuntur, & sempiterna eius virtus & diuinitas. Hæc est à temporalibus ad æterna regressio, & ex vita veteris hominis in nouum hominem reformatio. Quid est autem vnde homo commoveri non possit ad virtutes capeffendas, quando de ipsis vitis potest? Quid enim appetit curiositas, nisi cognitionem quæ certa esse non potest, nisi rerum æternarum, & eodem modo se semper habentium? Quid appetit superbia nisi potentiam, quæ refertur ad agendi facilitatem, quam non inuenit nisi anima perfecta & Deo subdita, & ad eius regnum summa charitate conuersa? Quid appetit voluptas corporis nisi quietem, quæ non est nisi vbi nulla est indigentia, & nulla cor-

ruptio : Cauendi sunt ergo inferiores inferi, id est post hanc vitam pœnæ grauiiores, vbi nulla potest esse commemoratio veritatis, quia nulla ratiocinatio. Ided nulla ratiocinatio, quia non eam perfundit lumen verum, quod illuminat omnem hominem venientem in hunc mundum. Quare festinemus, & ambulemus cum dies præsto est, ne nos tenebræ comprehendant. Festinemus à secunda morte liberari, vbi nemo est qui memor Dei sit, & ab inferno, vbi nemo confitebitur Deo.

Ioan. 1. 9.

Ioan. 11. 35.

Psal. 6. 6.

SED miseri homines quibus cognita vilescunt, & nouitatibus gaudent, libentiùs discunt quàm norunt, cum cognitio sit finis discendi. Et quibus vilis est facilitas actionis, libentiùs certant quàm vincunt, cum victoria sit finis certandi. Et quibus vilis est corporis salus, malunt vèsci quàm satiari, & malunt frui genitalibus membris, quàm nullam talem commotionem pati. Inueniuntur etiam qui malunt dormire quàm non dormire, cum omnis illius voluptatis sit finis, non esurire ac sitire, & non desiderare concubitum, & non esse corpore fatigato. Quare qui fines ipsos desiderant, priùs curiositate carent, cognoscentes eam esse certam cognitionem quæ intus est, & ea perfruentes quantum in hac vita queant. Deinde accipiunt actionis facilitatem peruiacia posita, scientes maiorem esse facilioremque victoriam non resistero animositati cuiusquam, & hoc quantum in hac vita queunt sentiunt. Postremò etiam quietem corporis, abstinendo ab iis rebus sine quibus agi hæc vita potest : ita gustant quàm suavis est Dominus. Nec erit eis dubium quid post hanc vitam futurum sit, & perfectionis suæ fide, spe & chatitate nutriuntur. Post hanc autem vitam & cognitio perficietur, quia ex parte nunc scimus, cum autem venerit quod perfectum est, non erit ex parte, & pax omnis aderit. Nunc autem alia lex in membris meis repugnat legi mentis meæ, sed liberabit nos de corpore mortis huius, gratia Dei per IESVM CHRISTVM Dominum nostrum. Quia ex magna parte concordamus cum aduersario, dum cum illo sumus in via : & tota sanitas, & nulla indigentia, & nulla fatigatio aderit corpori : quia corruptibile hoc tempore atque ordine suo quo resurrectio carnis futura est, induetur incorruptione. Non mirum autem, si hoc dabitur iis, qui in cognitione solam veritatem amant, & in

Cap. 1. 11. 1.
Scopi stultorum ac sapientium,

Psal. 33. 9.

1. Cor. 13. 9.
6. 10.

Rom. 7. 21.

1. Cor. 15. 53

actione solam pacem, & in corpore solam sanitatem. Hoc enim in eis perficietur post hanc vitam, quod in hac vita plus diligunt.

Cap. lxx.
Præmia di-
neris post
hanc vitam.

Mat. 22. 13.

QUI ergo malè vtuntur tanto mentis bono, vt extra eam visibilia magis appetant, quibus ad concupiscenda diligenda intelligibilia commemorari debuerunt, dabuntur eis exteriores tenebræ. Harum quippe initium est carnis prudentia, & sensuum corporeorum imbecillitas. Et qui certaminibus delectantur, alienabuntur à pace, & summis difficultatibus implicabuntur. Initium enim summæ difficultatis est bellum atque contentio. Et hoc significare arbitror, quodd ligantur ei manus & pedes, id est facilitas omnis aufertur operandi. Et qui sitire & esurire volunt, & in libidinem ardescere & defatigari, vt libenter edant, & bibant, & concumbant, & dormiant, amant indigentiam, quod est initium summorum dolorum. Perficietur ergo in eis quod amant, vt ibi sint vbi eis sit ploratus & stridor dentium. Plures enim sunt qui hæc omnia simul vitia diligunt, & quorum vita est spectare, contendere, manducare, bibere, concumbere, dormire, & in cogitatione sua nihil aliud quàm phantasmata, quæ de tali vita colligunt, amplexari, & ex eorum fallacia superstitionis, vel impietatis tegulas fingere quibus decipiuntur, & quibus inhærent, etiam si ab illecebris carnis se abstinere conentur. Quia non bene vtuntur talento sibi commisso, id est mentis acie qua videntur omnes, qui docti aut vt bani aut faceti nominantur excellere. Sed habent eam in sudario ligatam, aut in terra obrutam, id est delicatis & superfluis rebus, aut terrenis cupiditatibus inuolutam & oppressam. Ligantur ergo his manus & pedes, & mittentur in tenebras exteriores, ibi erit ploratus & stridor dentium. Non quia ipsa dilexerunt, quis enim hæc diligit? sed quia illa quæ dilexerunt, initia sunt istorum, & necessariò dilectores suos ad ista perducunt. Qui enim magis amant ite quàm redire aut petuenire, in longinquiora mittendi sunt, quoniam caro sunt & spiritus ambulans, & non reuertens. Qui verò bene vtuntur vel ipsis quinque sensibus corporis ad credenda, & prædicanda opera Dei, & nutriendam charitatem ipsius, vel actione vel cognitione ad pacificandam naturam suam, & cognoscendum Deum, intrant in gaudium Domini sui. Propterea

Mat. 77. 39.

Mat. 25. 28.

Mat. 25. 28.

talentum quod malè videnti aufertur , illi datur qui talentis quinque bene vsus est : non quia transferri potest acumen intelligentiæ , sed ita significatum est, posse hoc amittere negligentes , & impios ingeniosos , & ad eam peruenire diligentes & pios, quamuis ingenio tardiores. Non enim datum est illud talentum ei, qui acceperat duo : habet enim & hoc, qui iam in actione , & cognitione bene viuit, sed ei qui acceperat quinque. Nondum enim habet ad æterna contemplanda idoneam mentis aciem, qui visibilibus tantùm, id est temporalibus credit: sed habere potest, qui horum omnium sensibilibum Deum artificem laudat, & cum persuadet fide, & expectat spe, & querit charitate.

QVÆ cùm ita sint, hortor vos omnes homines charissimi & proximi mei, meque ipsum hortor vobiscum, vt ad id quod nos per sapientiam suam Deus hortatur , quanta possumus celeritate curramus. Non diligamus mundum, quoniam omnia quæ in mundo sunt, concupiscentia carnis, & concupiscentia oculorum est, & ambitio sæculi. Non diligamus per carnis voluptatem corrumpere, atque corrumpi, ne ad miserabiliorem corruptionem dolorum tormentorùmque veniamus. Non diligamus certamina, ne Angelis qui talibus gaudent in potestatem demur, humiliandi, vinciendi, verberandi. Non diligamus visibilia spectacula , ne ab ipsa veritate aberrando, & amando vmbras, in tenebras proiciamur. Non sit nobis religio in phantasmatibus nostris. Melius est enim qualecunque verum, quàm omne quicquid pro arbitrio fingi potest. Et ramen animam ipsam, quamuis anima vera sit, cùm falsa imaginatur, colere non debemus. Melior est vera stipula, quàm lux inani cogitatione pro suspicantis voluntate formata: & tamen stipulam quam sentimus & tangimus, dementis est credere colendam. Non sit nobis religio humanorum operum cultus. Meliores enim sunt ipsi artifices qui talia fabricantur, quos tamen colere non debemus. Non sit nobis religio cultus bestiarum. Meliores enim sunt extremi homines, quos tamen colere non debemus. Non sit nobis religio cultus hominum mortuorum : quia si piè vixerunt, non sic habentur vt tales quærant honores : sed illum à nobis coli volunt , quò illuminante lætantur meriti sui nos esse consortes. Honorandi ergo sunt propter imitationem, non adorandi.

Cap. xv.
Epilogus
exhortans
ad veram religionem.

Opiniones
falsæ de diis.

di propter religionem. Si autem malè vixerunt, vbiunque sint, non sunt colendi. Non sit nobis religio cultus dæmonum, quia omnis superstitio cum sit magna pœna hominum, & periculosissima turpîtudo, honor est ac triumphus illorum. Non sit nobis religio terrarum cultus & aquarum, quia istis purior & lucidior est aër, etiam caliginosus, quem tamen colere non debemus. Non sit nobis religio etiam purioris aëris, & senioris cultus, quia luce absente inumbratur; & purior illo est fulgor ignis etiam huius, quem tamen quoniam pro voluntate accendimus & extinguimus, colere vtiq; non debemus. Non sit nobis religio cultus corporum æthereorum atque cælestium, quæ quamuis omnibus cæteris corporibus rectè præponantur, melior tamen ipsis est quæcunque vita. Quapropter si animata sunt, melior est quævis anima per se ipsam quàm corpus quodlibet animatum, & tamen animam vitiosam nemo colendam esse censuerit. Non sit nobis religio cultus illius vitæ qua dicuntur arbores viuere, quoniam nullus sensus in illa est. Et ex eo genere est iusta, qua nostri etiam corporis numerositas agitur, qua etiam capilli & ossa viuunt, quæ sine sensu præciduntur. Hac autem melior est vita sentiens, & tamen vitam bestiarum colere non debemus. Non sit nobis religio vel ipsa perfectâ, & sapiens anima rationalis, siue in ministerio vniuersitatis, siue in ministerio partium stabilita, siue quæ in summis hominibus expectat commutationem reformationemque portionis suæ: quoniam omnis vita rationalis si perfectâ est, incommutabili veritati secum intrinsecus sine strepitu loquenti obtemperat, non obtemperans autem vitiosa fit. Non ergo per se excellit, sed per illam cui libenter obtemperat.

*Solus Deus
adorandus.*

Quod ergo colit summus Angelus, id colendum est etiam ab homine vltimo, quia ipsa hominis natura id non colendo facta est vltima. Non enim aliunde sapiens Angelus, aliunde homo, aliunde ille verax, aliunde homo, sed ab vna incommutabili sapientia & veritate. Nam id ipsum actum est temporali dispensatione ad salutem nostram, vt naturam humanam ipsa Dei virtus, & Dei sapientia incommutabilis, & consubstantialis Patri, & coætæna suscipere dignaretur, per quam nos doceret id esse homini colendum, quod ab omni creatura intellectuâli & rationali colendum est. Hoc etiam

ipſos optimos Angelos , & excellentiſſima Dei miniſteria velle credamus , vt vnum cum ipſis colamus Deum , cuius contemplatione beati ſunt. Neque enim & nos videndo Angelos beati ſumus, ſed videndo veritatem, qua etiam ipſos diligimus Angelos, & his congratulamur. Nec inuidemus quod ea paratiores, vel nullis moleſtiis interpedientibus perſequentur : ſed magis eos diligimus, quoniam & nos tale aliquid ſperare à communi Domino iuſſi ſumus. Quare honoramus eos charitate, non ſeruitute. Nec eis templa conſtruimus. Nolunt enim ſe ſic honorari à nobis, quia nos ipſos cùm boni ſumus, templa ſummi Dei eſſe nouerunt. Reſtè itaque ſcribitur, hominem ab Angelo prohibitum ne ſe adoraret, ſed vnum Deum ſub quo ei eſſet & ille conſeruius. Qui autem nos inuitant vt ſibi ſeruiamus, & tanquam Deos colamus, ſimiles ſunt ſuperbis hominibus, quibus ſi liceat, ſimiliter coli volunt : ſed iſtos homines perpeti minus, illos verò colere magis periculolum eſt. Omnis enim hominum dominatus in homines, aut dominantium aut ſeruientium morte finitur. Seruitus autem ſub Angelorum malorum ſuperbia, propter ipſum tempus, quod eſt poſt mortem, magis metuenda eſt. Illud etiam cuius cognoscere facile eſt, quod ſub homine dominante liberæ cogitationes habere conſeſſum eſt. Illos autem dominos in mentibus ipſis formidemus, qui vnus eſt oculus intuenſæ ac percipiendæ veritatis. Quare ſi omnibus poſteſtatibus, quæ dantur hominibus ad regendam reipublicam pro noſtro vinculo ſubditi ſumus, reddentes Caſari quod Caſaris eſt, & Deo quod Dei eſt: non eſt metuendum, ne hoc poſt mortem noſtram aliquis exiſcat.

1. Cor. 3. 17.
Apo. 2. 2.

Mat. 22. 21.

Et aliud eſt ſeruitus animæ, aliud ſeruitus corporis. Inſti autem homines, & in vno Deo habentes omnia gaudia ſua, quando per eorum facta Deus benedicitur, congratulantur laudantibus : cùm verò ipſi tanquam ipſi laudantur, corrigunt errantes quos poſſunt: quos autem non poſſunt, non eis congratulantur, & ab eo vitio corrigi volunt. Quibus ſi ſimiles, vel etiam mundiſiores atque ſanctiores ſunt boni Angeli, & omnia ſancta Dei miniſteria, quid metuimus ne aliquem illorum offendamus, ſi non ſuperſtitioſi fuerimus, cùm ipſis adiuvantibus ad vnum Deum tendentes, & ei vni religantes

i Retv. s. 17.
Religio, à
religando.

animas nostras, vnde religio dicta creditur, omni superstitione careamus? Ecce vnum Deum colo, vnum omnium principium: & vnam sapientiam, qua sapiens est quæcunque anima sapiens est: & ipsum munus, quo beata sunt, quæcunque beata sunt. Quisquis Angelorum diligit hunc Deum, certus sum quòd etiam me diligit. Quisquis in illo manet, & potest humanas preces sentire, in illo me exaudit. Quisquis ipsum habet bonum suum, in ipso me adiuuat, nec mihi eius participationem potest invidere. Dicant ergo mihi adoratores, aut adulatores partium mundi, quem non optimum sibi conciliet, qui hoc vnum colit quod omnis optimus diligit, & cuius cognitione gaudet, & ad quod principium recurrendo sit optimus. Quisquis verò Angelus excessus suos diligit, & veritati esse subditus non vult, & priuato suo latari cupiens à communi omnium bono, & vera beatitudine lapsus est, cui omnes mali subiugandi & premendi sunt, nullus autem bonus, nisi exercendus in potestatem datur: nullo dubitante non est colendus, cuius lætitia est nostra miseria, & cuius damnum est nostra reuersio. Religet ergo nos religio vni omnipotenti Deo: quia inter mentem nostram qua illum intelligimus Patrem & veritatem, id est lucem interiorem per quam illum intelligimus, nulla interposita creatura est. Quare ipsam quoque veritatem nulla ex parte dissimilem in ipso, & cum ipso veneremur, quæ forma est omnium quæ ab vno facta sunt, & ad vnum nituntur. Vnde apparet spiritualibus animis, per hanc formam esse facta omnia, quæ sola implet quod appetunt omnia. Quæ tamen omnia neque fierent à Patre per Filium, neque suis finibus salua essent, nisi Deus summe bonus esset: qui & nulli naturæ quæ ab ipso bona esse posset inuidit, & in bono ipso alia quantum vellent, alia quantum possent vt manerent dedit. Quare ipsum donum Dei cum Patre & Filio æquè incommutabile colere & tenere nos conuenit: vnus substantiæ Trinitatem, vnum Deum à quo sumus, per quem sumus, in quo sumus: à quo discessimus, cui dissimiles facti sumus, à quo perire non permisi sumus: principium ad quod recurrimus, formam quam sequimur, & gratiam qua teconciliamur: vnum Deum quo auctore conditi sumus, & similitudinem eius, per quæ * ad vnitatem reformamur, & pacem qua vnitati adhæremus: Deum qui dixit,

Fiat:

Vera religio.

Spiritus
Deus.

f. * quam.

Fiat : & verbum per quod factum est omne, quod substantia- Gen. 1. 3.
liter & naturaliter factum est, & donum benignitatis eius,
quo placuit & conciliatum est auctori suo, vt non interiret
quicquid ab eo per verbum factum est : vnum Deum quo
creatore viuimus, per quem reformati sapienter viuimus,
quem diligentes & quo fruantes beatè viuimus: vnum Deum Rom. II. 16.
ex quo omnia, per quem omnia, in quo omnia, ipsi gloria in sæcula sæ-
culorum, Amen.



S A N C T I

AVRELII AVGVSTINI

DE MORIBVS ECCLESIAE

Catholicæ Liber.

Argumentum huius libri ex Retract. lib. 1. c. 17.

I*AM baptizatus autem cùm Romæ essem, nec ferre taci-*
tus possem Manichæorum iactantiam, de falsa & fallaci
continentia vel abstinentia, qua se ad imperitos decipien-
dos, veris Christianis, quibus comparandi non sunt, insu-
per præferunt, scripsi duos libros, vnum De moribus Ecclesiæ Catholi-
cæ: alterum De moribus Manichæorum, &c.

I*N aliis libris satis, opinor, egisse nos que madmodum Ma-*
nichæorum inuectionibus, quibus in legem, quod vetus
Testamentum vocatur, imperitè atque impiè feruntur, sese
que inter imperitorum plausus, inani iactatione ventilant,
possimus occurrere : quod breuiter etiam hic commemorari
à me potest. Quis enim mediocriter sanus non facilè intelli-
gar, Scripturarum expositionem ab iis petendam esse, qui ea-
rum doctores se esse profitentur : fierique posse, imò id sem-

*Cap. 1.
Quemodò
delectantur
suisuecuius
manichæorum.*

per accidere, vt multa indoctis videantur absurda, quæ cùm à doctõribus exponuntur, eò laudanda videantur clariùs, quò abiectiùs aspetnanda videbantur, & eò accipiantur aperta dulciùs, quò clausa difficiliùs aperiebantur? Hoc fetè in sanctis veteris Testamenti libris euenit, si modò ille qui eis offenditur, doctorem potiùs eorum pium quàm impium lacetatorem requirat, priùsque studio quærentis, quàm temeritate teprehendentis imbuatur. Nec si ea discere cupiens, in aliquos fortè inciderit vel Episcopos vel Presbyteros, vel cuiuscumque Ecclesiæ Catholicæ Antistites & ministros, qui aut passim caueant nudare mytheria, aut contenti simplici fide, altiora cognoscere non curarint, despereribi scientiam esse veritatis, vbi neque omnes à quibus quæritur docete possunt, neque omnes qui quærunt, discere digni sunt. Er diligentia igitur & pietas adhibenda est: altero fiet vt scientes inueniamus, alteto, vt scire mereamur. Sed quoniam duæ maximæ sunt illecebræ Manichæorum, quibus decipiuntur incauti, vt eos velint habere doctores: vna, cùm scripturas reprehendunt, vel quas malè intelligunt, vel quas malè intelligi volunt: altera, cùm vitæ castæ & memorabilis continentiæ imaginem præferunt: hic liber congruentem Catholicæ disciplinæ sententiam nostram de vita & moribus continebit, in quo forrasse intelligetur & quàm sit facile simulate, & quàn difficile habere virtutem. Eum sanè modum renebo, si potero, vt neque in illorum morbos, qui mihi sunt notissimi, tam grauitè inuehar, quàm illi in ea quæ ignorant. Sanari enim eos potiùs, si fieri potest, quàm oppugnari volo: & ea de Scripturis assumam testimonia, quibus eos necesse sit credere, de nouo scilicet Testamento, de quo tamen nihil proferam eorum quæ solent immixta esse dicere, cùm magnis angustiis coarctantur, sed ea dicam, quæ & aptobare & laudare coguntur. Nec omnino vllam relinquam testem sententiam productam de Apostolica disciplina, cui non de veteri Testamento simili comparem: vt si euigilare tandem deposita perrinacia somniorum suorum, & in Christianæ fidei lucem aspirate voluerint, animaduertant, & quàm non sit Christiana vira quam ostendant, & quàm sit Christi scriptura quàm lacerant.

*Duo quibus
fallunt Ma-
nichæi.*

*Cap. II.
Rationibus.*

VND E igitur exordiar? Ab auctoritate, an à ratione? Na-

turæ quidem ordo ita se habet, ut cum aliquid discimus, rationem præcedat auctoritas. Nam infirma ratio videri potest, quæ cum reddita fuerit, auctoritatem postea per quam firmetur assumit. Sed quia caligantes hominum mentes consuetudine tenebrarum, quibus in nocte peccatorum vitiorumque velantur, perspicuitati sinceritatisque rationis aspectum idoneum intendere nequeunt, saluberrimè comparatum est, ut in lucem veritatis aciem titubantem veluti ramis humanitatis opacata inducat auctoritas. Sed quoniam cum iis nobis res est, qui omnia contra ordinem & sentrunt & loquuntur & gerunt, nihilque aliud maximè dicunt, nisi rationem prius esse reddendam, morem illis geram: & quod fateor in disputando vitiosum esse, suscipiam. Delectat enim me imitari quantum valeo mansuetudinem Domini mei IESU CHRISTI, qui etiam ipsius mortis malo quo nos exuere vellet, indutus est.

RATIONE igitur quæramus quemadmodum sit homini viuendum. Beatè certè omnes viuere volumus: neque quisquam est in hominum genere, qui non huic sententiæ antequam planè sit emissæ, consentiat. Beatus autem quantum existimo neque ille dici potest, qui non habet quod amat, qualecunque sit: neque qui habet quod amat, si noxium sit: neque qui non amat quod habet, etiam si optimum sit. Nam & qui appetit quod adipisci non potest, cruciatur: & qui adeptus est quod appetendum non est, fallitur: & qui non appetit quod adipiscendum esset, ægrotat. Nihil autem istorum animo contingit sine miseria: nec miseria & beatitudo in homine vno simul habitare consueuerunt. Nullus igitur illorum beatus est. Quartum restat, ut video, ubi beata vita inueniri queat, cum id quod est hominis optimum, & amatur & habetur. Quid enim est aliud quod dicimus frui, nisi præsto habere quod diligis? Neque quisquam beatus est, qui non fruitur eo quod est hominis optimum: nec quisquam qui eo fruitur, non est beatus. Præsto ergo esse nobis debet optimum nostrum, si beatè viuere cogitamus. Sequitur ut quæramus quid sit hominis optimum, quod profectò deterius esse quam ipse homo non potest. Quisquis enim quod seipso est deterius sequitur, sit & ipse deterior. Oportet autem omnem hominem id quod optimum est sequi. Non est igitur homine

*prius agit,
obsequens
vultu Ma-
nachianum
cognitum.*

*Cap. 115.
Beatus, qui
eo fruitur
quod homi-
nis optimū
est.*

Frui.

*Hominis
optimum
quid.*

*Dua condi-
tiones sum-
mi boni.*

deterius hominis optimum. Fortasse tale aliquid erit quale ipse homo est. Ita sit sanè, si nihil est homine melius quo perfrui possit. Si autem inuenimus aliquid quod & homine sit excellentius, & præsto esse amanti seipsum homini possit, quis dubitauerit homini ad id nitendum esse ut beatus sit, quod eo ipso qui nititur, manifestum est esse præstantius. Nam si id est beatum esse, ad tale bonum peruenisse quo amplius non potest, id est autem quod dicimus optimum, quo tandem pacto potest in ea definitione includi, qui ad summum bonum suum nondum peruenierit? Aut quomodo summum est, si est aliquid melius quod peruenire possimus? Hoc igitur si est, tale esse debet quod non amittat inuitus. Quippe nemo potest confidere de tali bono, quod sibi eripi posse sentit, etiam si retinere id amplectique voluerit. Quisquis autem de bono quo fruitur non confidit, in tanto timore amittendi beatus esse qui potest?

*Cap. iv.
Homo quid.*

QVÆRAMVS igitur, quid sit homine melius. Quod profecto inuenire difficile est, nisi prius considerato atque discusso, quid sit ipse homo. Nec nunc definitionem hominis à me postulandam puto. Illud est magis quod mihi hoc loco querendum videtur, cum inter omnes penè constet, aut certe id quod satis est, inter me atque illos cum quibus nunc agitur hoc conueniat, ex anima & corpore nos esse compositos.

*Ita Plato a-
nimā dixit
hominē, & v-
pus, organū
vel domici-
lium.*

Quid est ipse homo, utrumque horum quæ nominaui, an corpus tantummodo, an tantummodo anima? Quanquam enim duo sint, anima & corpus, & neutrum vocaretur homo, si non esset alterum. Nam neque corpus homo esset si anima non esset, nec rursus anima homo, si ea corpus non animaretur. Fieri tamen potest ut vnum horum & habeatur homo & vocetur. Quid ergo hominem dicimus? Animam & corpus tanquam bigas vel centaurum: an corpus tantum, quod sit in usum animæ se regentis: tanquam lucetnam, non ignem simul & testam, sed testam solam, tamen propter ignem appellamus: an nihil aliud hominem quam animam dicimus, sed propter corpus quod regit, veluti equitem non simul equum & hominem, sed hominem solum, ex eo tamen quod regendo equo sit accommodatus vocamus? Difficile est istam controuersiam diiudicare, aut si ratione facile oratione longum est. Quem laborem ac moram suscipere ac

subire non opus est. Siue enim vtrumque, siue anima sola nomen hominis teneat, non est hominis optimum quod optimum est corporis, sed quod aut corpori simul & animæ, aut soli animæ optimum est, id est optimum hominis.

CORPORIS autem si quærimus quid optimum sit, id certè ratio cogit fateri, per quod sit vt sese corpus quam optimè habeat. Nihil est autem omnium quæ vegetant corpus anima melius atque præstantius. Est ergo summum corporis bonum, non voluptas eius, non indolentia, non vires, non pulchritudo, non velocitas, & si quid aliud in bonis corporis numerari solet, sed omnino anima. Nam & ista quæ commemorata sunt, præsentia sui exhibet corpori, & quod antecedit omnibus, vitam. Quamobrem non videtur mihi anima esse summum hominis bonum, siue animam simul & corpus, siue animam solam hominem dicimus. Vt enim corporis summum bonum id inuenit ratio, quod est corpore melius, & quo ei vigor & vita præbetur: ita siue corpus & anima, siue anima per se homo sit, inueniendum est, si quid animam præcedit ipsam, quod cum anima sequitur, sit in suo genere quàm potest optima. Quod si reperire potuerimus, id erit profectò quod ambagibus remotis omnibus, summum hominis bonum iure meritòque nominandum est. Aut si corpus est homo, quin hominis optimum anima ipsa sit, recusare non possum. Sed certè cùm de moribus agitur, cùm quærimus quinam vitæ modus sit tenendus vt beatitudinem possimus adipisci, non corpori præcepta dantur, non corporis inuestiganda est disciplina. Postremò bonos mores ea nostra pars actura est, quæ eos inquirat & discat, & hæc animæ sunt propria. Non igitur de corpore cùm de virtute obtinenda satagimus, quæstio est. Quod si est consequens, sicuti est, vt ipsum corpus cum ab anima regitur, quæ virtutis compos est, multò & melius regatur & honestius, eoque optimè sese habeat quo est optima illa quæ sibi iusta lege dominatur, id erit hominis optimum quod animam optimam facit, etiam si hominem corpus vocemus. An verò si mihi auriga obtemperans, equos quibus præest agit ac regit eommodissimè, atque ipse quò mihi est obedientior mea liberalitate perfruitur, negare quisquam potest non solùm quòd auriga, verùm etiam

Cap. v.
Corp. riu
optimum
quid sit.

quod equi sese optimè habent, mihi deberi? Itaque siue tantum corpus, siue tantum anima, siue vtrunque homo sit, non mihi maximè querendum videtur, nisi quid animam faciat optimam: nam eo percepto, non potest homo non aut optimè, aut certè multo melius sese habere, quàm si hoc vnum de-
fuisset.

Cap. vi.
Aliud bene,
aliud beatè
vivere.

Nemo autem dubitauerit, quin virtus animam faciat optimam. Sed rectissimè queri potest, vtrum ista virtus etiam per se, an nisi in anima esse non possit. Oboritur iterum altissima & longissimi sermonis indigens questio: sed hoc bene vtar fortasse compendio: spero Deum adfuturum, vt quantum imbecillitas nostra patitur, de tantis rebus non modò dilucidè, sed etiam breuiter doceamus. Quodlibet enim eorum sit, siue etiam per se esse possit virtus sine anima, siue nisi animæ inesse non possit, proculdubio aliquid anima sequitur vt virtutem assequatur: id erit aut ipsa anima, aut virtus, aut aliquid tertium. At si seipsam sequitur vt virtutem adipiscatur, stultum nescio quid sequitur: stulta est enim ante adeptam virtutem. Summa sunt autem vota sequentium, vt id quod quisque sequitur, assequatur. Aut igitur optabit non assequi, quod sequitur anima, quo nihil absurdius & peruersius dici potest: aut cum se sequitur stulta, eandem stultitiam quam vitat assequitur. Si autem virtutem sequitur, hanc assequi cupiens, quomodò sequitur id quod non est, aut quomodò assequi cupit quod habet? * Aut igitur virtus est præter animam, aut si non placet vocare virtutem nisi habitum ipsum & quasi sapientis animæ qualitatem, quæ nisi in anima esse non potest, oportet vt * aliquid aliud sequatur anima, vt ei virtus possit innasci: quia neque nihil sequendo, neque stultitiam sequendo potest, quantum ratio mea fert, ad sapientiam peruenire. Hoc igitur aliud quod sequendo anima virtutis atque sapientiæ compos sit, aut homo sapiens est, aut Deus. Sed supra dictum est, tale quiddam esse debere, quod inuiti amittere nequeamus. Quis verò cuiusdandum putet, hominem sapientem, si eum sequi satis putauerimus, auferri nobis non inodò recusantibus, sed etiam repugnantibus posse? Deus igitur restat, quem si sequimur, bene: si assequimur, non tantum bene, sed etiam beatè viuimus. Quem si qui esse negant, quid ego cogitem quo illis sermone suadendum sit,

*Vide Trac.
9^{ta} leq^{na}.

*Vide cap.
v^{te} de Ca-
stus Rud.

cum quibus vtrum omnino sermocinandum sit, nescio: Quod tamen si videbitur, longè aliud principium, alia ratio, alius ingressus ineundus est, quàm in præsentiarum suscepimus. Nunc itaque cum illis mihi res est, qui Deum esse non negant. Neque id tantùm, sed etiam non ab eo negligi res humanas fatentur. Nullum enim arbitror aliquo religionis nomine teneri, qui non saltem animis nostris diuina prouidentia consuli exiltimet.

SED quomodò sequimur quem non videmus? Aut quomodò videmus, qui non solùm homines, sed etiam insipientes homines sumus? Quanquam enim non oculis, sed mente cernatur, quæ tandem mens idonea reperiri potest, quæ cum stultitiæ nube obtegatur, valeat illam lucem vel etiam concutitur haurire? Confugiendum est igitur ad eorum præcepta quos sapientes fuisse probabile est. Hactenus potuit ratio perducì. Versabatur namque non veritate certior, sed consuetudine securior in rebus humanis: At vbi ad diuina peruentum est, auertit sese, intueri non potest, palpat, æstuat, inhiat amore, reuerberatur luce veritatis, & ad familiaritatem tenebrarum suarum, non electione, sed fatigatione conuertitur. Quàm hic formidandum est, quàm tremendum, ne maiorem inde concipiat anima imbecillitatem, vbi quietem fessa conquirat. Ergo refugere in tenebrosa cupientibus per dispensationem ineffabilis sapientiæ, nobis illa opacitas auctoritatis occurrat, & mirabilibus rerum, vocibusque librorum veluti signis temperatioribus * veritatis, vmbriisque blandiatur: quid potuit pro salute nostra fieri ampliùs? Quid beneficentius, quid liberalius diuina prouidentia dici potest, quæ à legibus suis hominem lapsum, & propter cupiditatem rerum mortalium iure ac merito mortale sobolem propagantem, non omnino deseruit? Habet enim potestas illa iustissima, miris & incomprehensibilibus modis per quasdam secretissimas successiones rerum sibi seruientium quas creauit, & securitatem vindicandi, & clementiam liberandi. Quod quidem quàm sit pulcrum, quàm magnum, quàm Deo dignum, quàm postremò id quod quæritur verum, nequaquam intelligere poterimus: nisi ab humanis & proximis incipientes, veræ religionis fide præceptisque seruatis, non deserimus viam quam nobis Deus & Patriarcharum segregatione, &

Cap. VII.
Deus auctoritate
Scripturarum
vestigandus.

Auctoritas
Scripturarum

* ad temperatioribus.

Sûmma fides

Oeconomia
diuina erga
iustitiam bon-

vinū prae-
cipua myste-
ria.

legis vinculo, & Prophetarum praefatio, & suscepti ho-
minis Sacramento, & Apostolorum testimonio, & Martyrum
sanguine, & Gentium occupatione muniuit. Quare deinceps
nemo ex me quaerat sententiam meam, sed potius audia-
mus oracula, nostrasque ratiunculas diuinis submittamus af-
fatibus.

Cap. viii.
Deus iūsti-
tiam, quod
summa
amore in-
tendere in-
demur.

Mat. 22-27.

Rom. 8.28.
Pr. omnia,
legis & vide-
tur omnia.

VIDEAMVS quemadmodum ipse Dominus in Euange-
lio nobis praecepit esse viuendum: quomodo etiam Pau-
lus Apostolus. Has enim scripturas illi condemnare non au-
dent. Audiamus ergo quem finem bonorum nobis Christe
praescribas, nec dubium est quin is erit finis, quod nos summo
amore tendere iubes: *Diliges, inquit, Dominum Deum tuum.*
Dic mihi etiam quaeso te, qui sit diligendi modus: vereor
enim ne plus minusve quam oportet, inflammet desiderio &
amore Domini mei. *Ex toto, inquit, corde tuo.* Non est satis.
Ex tota anima tua. Ne id quidem satis est. *Ex tota mente tua.*
Quid vis amplius? Vellem fortasse si viderem quid posset esse
amplius. Quid ad haec Paulus? *Scimus, inquit, quoniam diligen-
tibus Deum omnia procedunt in bonum.* Dicat etiam ipse dilectionis
modum. *Quis ergo, inquit, nos separabit à charitate Christi?*
*Tribulatio, an angustia, an persecutio, an fames, an nuditas, an pe-
riculum, an gladius?* Audiuius quid diligere, & quantum dili-
gere debeamus: ed est omnino tendendum, ad id omnia
consilia nostra referenda. Bonorum summa, Deus nobis est.
Deus est nobis summum bonum. Neque infra remanendum
nobis est, neque ultra quaerendum: alterum enim periculo-
sum, alterum nullum est.

Cap. ix.
Conciliū
veteris &
novi Te-
stamenti.

Deut. 6.5.

Rom. 8.1.

AGE nunc inuelligemus, vel potius attendamus, praesto
enim est & facillime videtur, verum his sententiis ex Euan-
gelio atque Apostolo prolatis, etiam Testamenti veteris au-
thoritas congruat. Quid dicam de superiore sententia, cum
manifestum sit omnibus eam de lege, quae per Moysen data
est esse depromptam? Ibi enim scriptum est: *Diliges Dominum*
Deum tuum, ex toto corde tuo, & ex tota anima tua, & ex tota mente
tua. Quid autem illi quod ab Apostolo dictum est, compara-
re de veteri Testamento possim, ne diutius quaerem ipse
subiecit. Cum enim dixisset nulla tribulatione, nulla angus-
tia, nulla persecutione, nulla necessitate inopiae corporalis,
nullo periculo, nullo gladio nos à charitate Christi separatis
statim

statim subiunxit: *Sicut scriptum est, Quia propter te * afficimur tota die, aestimati sumus ut oves occisionis.* Hæc illi solent à corruptoribus Scripturarum immissa esse dicere, usque adeò nihil habent quod contradicant, ut hæc miseri respondere cogantur. Sed quis non intelligat conuictorum hominum aliam non esse potuisse ultimam vocem? A quibus tamen quæro, utrum istam sententiam in veteri Testamento esse negent, an non congruere sententiæ Apostolicæ affirmant? At illud primum libris docebo. In hoc autem altero tergiuer-santes homines, & per abrupta fugientes, aut in pacem reuocabo, si voluerint respicere aliquantum & considerare quod dictum est: aut eos intelligentia cæterorum, qui sine cupiditate iudicant insectabor. Quid enim potest amicus quàm istæ sibi consonare sententiæ? Nam tribulatio, angustia, persecutio, fames, nuditas, periculum, hominem in hac vita constitutum grauiter afficiunt. Hæc itaque omnia verbo illo vno concluduntur testimonio veteris legis, quod dictum est, *Propter te afficimur.* Gladius restabat, qui non ærumnosam vitam affert, sed quam inuenerit admit. Huic ergo respondet, *Aestimati sumus ut oves occisionis.* Charitas verò ipsa non potuit significari expressius *, quàm quod dictum est, *Propter te.* Fac ergo, non in Paulo Apostolo compertum istud testimonium, sed à me esse prolatum. Nunquid nam tibi demonstrandum est, hæretice, nisi aut scriptum in vetere lege non esse, aut Apostolo non conuenire? Quorum si nihil dicere audeas: vrgeris enim cùm & codex legitur, quo planum sit scriptum esse, & homines intelligant ad id quod Apostolus dixit nihil posse aptius conuenire: cur ergo valere aliquid putas, quod scripturas corruptas esse insimulare audeas? Postremò quid responsurus es ei, qui tibi dicat, Ego sic intelligo, ego sic accipio, ego sic credo: nec ob aliud lego illos libros, nisi quod ibi omnia Christianæ fidei concinere video. Illud potius dic, si audeas, & aduersus me dicere cogitas, non esse credendum quòd Apostoli & Martyres propter Christum affecti grauibz ærumnis dicuntur, quòd à persecutoribus ut oves occisionis aestimati sunt. Quod si non potes dicere, quid calumniaris in quo libro inueniam, quod me oportere credere confiteris?

AN illud dicis, concedere te quidam, Deum esse diligen-

B b

Pl. 43. 41.
* Agnosce
l. 1. R. et ac.
c. 7. se men
doso vltim
codice, eum
ligendu sit.
morte affi-
cimur,
grat
baptizandi

* al. pressur

Cap. x.

*De Dio
quid deceat
Ecclesia.
Gen. 1.1.*

*Duo dñi
michaorū.*

** Indes.*

*Deus in cō
mutabilis.*

dum, sed non illum Deum quem colunt ij qui Testamenti veteris auctoritatem recipiunt. Non ergo illum Deum colendum esse dicitis, qui fecit cælum & terram? Iste namque per omnes partes illorum voluminum prædicatur: vos autem fatemini vniuersum istum mundum, qui nomine cæli & terræ significatur, habere auctorem & fabricatorem Deum, & Deum bonum. Cum exceptione quippe vobiscum loquendum est, quando Deus nominatur. Duos enim Deos, vnum bonum, alterum malum esse perhibetis. Quod si dicitis colere vos & colendum arbitrari Deum, à quo factus est mundus, non tamen eum esse quem veteris Testamenti commendat auctoritas: impudenter facitis, qui alienum animum atque sententiam quam bene atque vtiliter accepimus, malè interpretari conamini, frustra omnino. Neque enim vestræ stultæ atque impiæ disputationes vllō modo cum piorum doctissimorumque hominum sermonibus, per quos in Ecclesia Catholica Scripturæ illæ volentibus dignisque aperiuntur, comparari queunt. Longè prorsus aliter quàm putatis Lex & Prophetæ intelliguntur à nobis. Desinite errare, non colimus poenitentem Deum, non inuidum, non indigum, non crudelem, non quærentem de hominum vel pecorum sanguine voluptatem, non cui flagitia & scelera placeant, non possessionem suam terræ * quadam particula terminantem. In has enim atque huiusmodi nugas grauiter copiosè que inuehi soletis. Quare nos inuectio vestra non tangit, sed aniles quasdam, vel etiam pueriles opiniones, eo ineptiore, quo vellementiore oratione peruellitis. Qua quisquis mouetur & ad vos transit, non Ecclesiæ nostræ damnat disciplinam, sed eam se ignorare demonstrat. Quamobrem siquid humani corde geritis, si curæ vobis vosmetipsi estis, quærite potius diligenter & piè quomodo illa dicantur. Quærite miseri: nam talem fidem qua Deo inconueniens aliquid creditur, nos vehementius & vberius accusamus: nam & in illis quæ dicta sunt, cum sic intelliguntur vt litera sonat, & simplicitatem corrigimus & pertinaciam deridemus. Et alia multa quæ vos intelligere non potestis vetat eos credere Catholica disciplina, qui non annis, sed studio atque intellectu excedentes quandam mentis pueritiam, in canos sapientiæ promouentur. Nam & credere Deum loco aliquo quamuis infinito,

per quantitatis quæcunque spatia contineri, quàm sit stultum docetur : & de loco in locum, vel ipsum, vel aliquam eius partem moueri atque transire, arbitrari nefas habetur. Iam verò aliquid eius substantiæ atque naturæ commutationem vel conuersionem quolibet modo pati posse si quis opinetur, miræ dementiæ impietatisque damnabitur : ita fit vt apud nos inueniantur pueri quidam, qui humana forma Deum cogitent, atque ita se habere suspicentur, qua opinione nihil est abiectius : sed inueniantur item multi senes, qui eius maiestatem, non solum super humanum corpus, sed etiam super ipsam mentem manere inuiolabilem atque incommutabilem, eadem ipsa mente conspiciant. Quas ætates, non tempore, sed virtute atque prudentia discernendas esse iam dictum est. Apud vos autem nemo quidem reperitur, qui Dei substantiam humani corporisfiguratione describat : sed rursus nemo qui * ab humani erroris labe seiungat. Itaque illi quos quasi vagientes Ecclesiæ Catholicæ vbera sustentant, si ab hæreticis non fuerint deprædati, pro suo quisque captu viribusque nutriuntur, perducunturque alius sic, alius autem sic; primum in virum perfectum, deinde ad maturitatem canonicæ sapientiæ perueniunt, vt eis quantum volunt viuere ac beatissimè viuere liceat.

S A C R T I O igitur Dei, beatitudinis appetitus est: consecutio autem, ipsa beatitudo. At eum sequimur diligendo, coniequimur vero, non cum hoc omnino efficiatur quod est ipse, sed ei proximi, cumque mirifico & intelligibili modo contingentes, cuiusque veritate & sanctitate penitus illustrati atque comprehensi. Ille namque ipsum lumen est, nobis autem ab eodem illuminari licet. Maximum ergo quod ad beatam vitam ducit, primumque mandatum est: *Diliges Dominum Deum tuum ex toto corde tuo & anima & mente. Diligentibus enim Deum, omnia procedunt in bonum.* Quamobrem paulò post idem Paulus: *Certus sum, inquit, quòd neque mors, neque vita, neque Angeli, neque virtus, neque instantia, neque futura, neque altitudo, neque profundum, neque creatura alia poterit nos separare à charitate Dei, quæ est in CHRISTO IESU Domino nostro.* Si igitur diligentibus Deum omnia procedunt in bonum: & summum bonum quod etiam optimum dicitur, non modò diligendum esse nemo ambigit, sed ita diligendum ut nihil amplius diligere de-

* *Vide lib.
contra epist.
Amanichaei,
cap. 23.*

CAP. XI.
Deus, unicus
deus, et
idemque sum-
mus et
optimus
hominum
bonorum.

Deut. 6. 5.
Mat. 22. 37.

Rom. 18.
18 & 19.

Mat. 23. 37.

beamus : idque significatur & exprimitur quod dictum est. *Ex tota anima, & ex toto corde, & ex tota mente* : quis quæso dubitauerit his omnibus constitutis, & firmissimè creditis, nihil nobis aliud esse optimum, ad quod adipiscendum postpositis cæteris festinare oporteat, quàm Deum? Item si nulla res ab eius charitate nos separat, quid esse non solum melius, sed etiam certius hoc bono potest? Sed singula breuiter attendamus. Nemo nos inde separat, minando mortem. Id ipsum enim quodd diligimus Deum, mori non potest, nisi dum non diligit Deum : cum mors ipsa sit non diligere Deum, quod nihil est aliud quàm ei quicquam in diligendo atque sequendo præponere. Nemo inde separat pollicendo vitam. Nemo enim ab ipso fonte separat, pollicendo aquam. Non separat Angelus : non enim est Angelus cum inhæremus Deo nostra mente potentior. Non separat virtus : nam si virtus hic illa nominata est, quæ aliquam potestatem in hoc mundo habet, toto mundo est omnino sublimior mens inhærens Deo. Sin virtus illa dicta est, quæ ipsius animi nostri rectissima affectio est : si in alio est, fauet vt coniungamur Deo : si in nobis est, ipsa coniungit. Non separant instantes molestiæ : hoc enim leuiotes eas sentimus, quo et vnde nos separare moliuntur, arctius inhæremus. Non separat promissio futurorum : nam & quicquid boni futurum est, certius promittit Deus : & nihil est ipso Deo melius, qui iam profectò bene sibi inhærentibus præsens est. Non separat altitudo neque profundum : etenim si hæc verba scientiæ fortè altitudinem vel profunditatem significant, non ero curiosus, ne sciungar à Deo, nec cuiusquam doctrina me ab eo separat, vt quasi depellat errorem, à quo nemo prorsus nisi separatus erraret. Si verò altitudine & profundo superna & inferna huius mundi significantur, quis mihi cælum polliceatur, vt à cæli fabricatore sciungar? Aut quis terreat infernus, vt Deum deseram, quem si nunquam deseruisssem, inferna nescirem? Postremò quis me locus ab eius charitate diuelleret, qui non vbique totus esset, si vllò contineretur loco?

Cap. xxi.
Charitate
Deo conne-
ctimur dum
illi subiecti-
mur.

NON, inquit, separat alia creatura. O altissimorum mysteriorum virum. Non fuit contentus dicere creatura, sed alia, inquit, creatura, admonens etiam id ipsum quo diligimus Deum, & quo inhæremus Deo, id est animum atque mentem

creaturam esse. Alia ergo creatura corpus est : & si animus res quædam est intelligibilis, id est quæ tantum intelligendo innotescit, alia creatura est omne sensibile, id est quod per oculos, vel aures, vel olfactum, vel gustum, vel tactum, quasi quandam notitiam sui præbeat : atque id deterius sit necesse est, quàm quod intelligentia sola capitur. Ergo cum etiam Deus dignis animis notus non nisi per intelligentiam possit esse, cum tamen sit ipsa qua intelligitur mente præstantior, quippe qui creator eius atque auctor eius est, verendum erat ne animus humanus, eo quod intrer inuisibilia & intelligibilia numeratur, eiusdem se naturæ arbitratetur esse cuius est ipse qui creauit, & sic ab eo superbia decideret, cui charitate iungendus est. Fit enim Deo similis quantum datum est, dum illustrandum illi atque illuminandum se subiicit. Et si maxime ei propinquat subiectione ista qua similis fit, longè ab eo fiat necesse est, audacia qua vult esse similior. Ipsa est quæ legibus Dei obtemperare detrectat, dum suæ potestatis esse cupit vt Deus est. Quando ergo magis longè discedit à Deo, non loco sed affectione atque cupiditate ad inferiora quàm est ipse, tantò magis stultitia miseriæque completur. Dilectione igitur redit in Deum, qua se illi non componere, sed supponere affectat. Quod quando fecerit instantius ac studiosius, tantò erit beator atque sublimior, & illo solo dominante liberrimus. Quamobrem nosse debet se esse creaturam. Debet enim creatorem suum credere sicui est, inuiolabili & incommutabili semper manere natura veritatis atque sapientiæ : in se autem cadere posse stulticiam atque fallaciam, vel propter errores quibus exui desiderat, confiteri. Sed tursus cauere debet, ne ab ipsius Dei charitate, qua sanctificatur vt beatissimus maneat, aliterius creaturæ, id est huius sensibilis mundi amore separetur. * Non igitur separat nos alia creatura, siquidem & nos ipsi creatura sumus, à charitate Dei, quæ est in CHRISTO IESU Domino nostro.

* *Vid. l. 4.
Conf. c. 9.*

D I C A T nobis idem Paulus quis iste sit CHRISTVS IESVS CAP. XVII.
Dominus noster : *Vocatus*, inquit, *prædicamus Christum*, Dei vir-
tutem & Dei sapientiam. Quid ipse Christus ? *Nonne*, inquit,
ego sum veritas ? Si ergo quærimus quid sit bene viuere, id est
ad beatitudinem bene viuendo tendere, id erit profectò
parabilesq,
Dicit.

1. Cor. 1. 24.
1 Ioan. 14. 6.
Deut. 6. 5.

amare virtutem, amare sapientiam, amare veritatem, & amare ex toto corde, & ex tota anima, & ex tota mente virtutem, quæ inuiolabilis & inuicta est, sapientiam cui stultitia non succedit, veritatem quæ conuerti atque aliter quàm semper est sese habere non nouit. Per hanc ipse cernitur pater, dictum est enim: *Nemo venit ad patrem, nisi per me.* Huic habemus per sanctificationem. Sanctificati enim plena & integra charitate flagrant, quia sola efficitur ut à Deo non auertamur, eique potius quàm huic mundo conformemur.

1 Ioan. 14. 6.

Prædestinatus enim, ut ait idem Apostolus, *conformes nos fieri à imaginibus eius.* Fit ergo per charitatem ut conformemur Deo, & ex eo conformati atque configurati, & circumcisi, ab hoc mundo non confundamur, cum iis quæ nobis debent esse subiecta. Fit autem hoc per Spiritum sanctum. *Spes enim,* inquit,

Rom. 8. 29.

non confundit, quoniam charitas Dei diffusa est in cordibus nostris, per Spiritum sanctum qui datus est nobis. Nullo modo autem redintegrari possemus per Spiritum sanctum, nisi & ipse semper integer & incommutabilis permaneret. Quod profectò non posset, nisi Dei naturæ esset ac ipsius substantiæ, cui soli incommutabilitas, atque (ut ita dicam) inuertibilitas semper est: *Creatura enim,* neque hoc ego, sed idem Paulus clamat, *vanitati subiecta est.* Neque nos potest à vanitate separare, veritatique connectere quod subiectum est vanitati. * Et hoc nobis Spiritus sanctus præstat, creatura igitur non est.

Rom. 5. 5.

Quia omne quod est, aut Deus, aut creatura est. Quia omne quod est, aut Deus, aut creatura est.

1 Cor. 1. 24.
Rom. 8. 29.
* Hic ali
quid deesse
videtur,
velut, &
proinde
Deus est,
quia &c.
Cap. 21 v.
Trinitati
suum bono
distributione
habemus.
Rom. 11. 36.

Deum ergo diligere debemus trinam quandam vnitatem, Patrem & Filium & Spiritum sanctum, quod nihil aliud dicam esse, nisi id ipsum esse. Est enim verè summæque Deus, ex quo omnia, per quem omnia, in quo omnia. Hæc verba Pauli sunt. Quid deinde subiicitur? *Ipsi gloria.* Sincerissimè omnino. Neque enim ait ipsis: nam vnus est Deus. Quid est autem, *ipsi gloria,* nisi ipsi optima & summa & latè patens fama? quanto enim melius atque diffusius diffamatur, tantò diligitur & amatur ardentius. Quod cum sit, nihil aliud ab humano genere, quàm certo & constanti gradu in optimam vitam & beatissimam pergitur. Non arbitror cum de moribus ac vita sit quæstio, ampliùs esse requirendum, quod sit hominis summum bonum, quò referenda sunt omnia. Id enim esse patuit, & ratione quantum valuimus, & ea quæ nostræ rationi antecellit

au^{toritate} diuina, nihil aliud quàm ipsum Deum. Nam quid erit optimum hominis, nisi cui inhærere est beatissimum? Id autem est solus Deus, cui hærere certè non valemus, nisi dilectione, amore, charitate.

Q V O D si virtus ad beatam vitam nos ducit, nihil omnino esse virtutem affirmauerim, nisi summum amorem Dei. Namque illud quod quadripartita dicitur virtus, ex ipsius amoris vario quodam affectu, quantum intelligo, dicitur. Itaque illas quatuor virtutes, quarum vtinam ita fir in mentibus vis, vt nomina in ore sunt omnium, sic etiam definire non dubitem: vt temperantia sit amor, integrum se præbens ei quod amatur: fortitudo amor, faciliè tolerans omnia propter quod amatur: iustitia amor soli amaro seruiens, & propterea rectè dominans: prudentia amor, ea quibus adiuuatur ab eis quibus impeditur, sagaciter seligens. Sed hunc amorem non cuiuslibet, sed Dei esse diximus, id est * summi Boni, summæ Sapientię, summæque Concordię. Quare definire etiam sic licet, vt temperantiam dicamus esse amorem, Deo sese integrum incorruptumque seruientem: fortitudinem amorem, omnia propter Deum faciliè perferentem: iustitiam amorem Deo tantum seruientem, & ob hoc bene imperantem cæteris quæ homini subiecta sunt: prudentiam amorem, bene discernentem ea, quibus adiuuetur in Deum, ab iis quibus impeditur ipse est.

H I S D E M singulis virtutibus quinam viuendi modus ducatur, paucis explicabo, si prius testimoniis Noui Testamenti quibus vtor iamdiu, de Veteri etiam paria, vt pollicitus sum, comparauero. Num enim Paulus tantum dicit, Deo nos esse debere subiectos, ita vt in medio quod separet nihil sit? Nonne & Propheta commodissimè, hoc & breuissimè significat, cum dicit, *Mihi autem adherere Deo bonum est*? Nonne quod ibi latissimè de charitate dictum est, hic vno verbo continetur quod ait, *inhærere*? Item quod addidit, *bonum est*, nonne ad illud respicit, quod ibi positum est, *Diligentibus Deum omnia procedunt in bonum*: ita vt vna sententia duobusque verbis Propheta & vim & fructum charitatis ostendat. Cumque ibi dictum sit, *Dei Filium Dei virtutem esse atque sapientiam*: cumque virtus ad operationem, sapientia verò ad disciplinam pertinere intelligatur: vnde in Euangelio duo

Cap. xv.
Nihil aliud
esse virtutem
nisi summum
amorem Dei:
quod probat
inductione
per quatuor
virtutes
cardinales,
quas per a-
morem Dei
definientias
esse ostendit.

* His verbis
Ternitatem,
designat.

Cap. xvi.
Quatuor
virtutes as-
serit à Scri-
pturis.
1. Cor. 13. 27.
Rom. 8. 35.

Psal. 73. 28.

Rom. 8. 13.

1. Cor. 1. 53.

Ioan. 1.3.

ipfa signantur, cùm dicitur, *Omnia per ipsum facta sunt* : nam hoc operationis atque virtutis est. Deinde quoad disciplinam veique cognitionem attinet; *Et vita*, inquit, *erat lux hominum* : potuitne quicquam magis concinere lus testimonis noui Testamenti, quàm illud quod in Vetere dictum est de sapientia, *Attingit autem a fine usque ad finem fortiter, & disponit omnia suauiter* ?

Sap. 8.2.

Namque attingere fortiter, magis virtutem significat : disponere autem omnia suauiter, quali artem ipsam atque rationem. Sed si hoc videtur obscurum, vide quæ sequuntur : *Et omnium*, inquit, *Dominus dilexit illam : doctrix est enim disciplina Dei, & electrix operum illius*. Videtur hic nihil adhuc de operatione dictum : nec enim hoc est eligere opera quod operari ; ergo vt hæc ad disciplinam pertineant, opus virtuti debetur, vt sit plena quam volumus demonstrare sententia. Lege igitur deinceps quod annexum est. *Quod si honesta est*, inquit, *possessio, quæ concupiscitur in vita, quid sapientia est honestius, quæ omnia operatur* ? Potestne quicquam præclarius aut manifestius, aut verò etiam vberius proferri ? Audi aliud, si patum putas, quod idem sonet : *Et sobrietatem sapientia docet*, inquit, *& iustitiam & virtutem*. Sobrietas mihi

Vide lib.

1. Ret. c.7.

ad ipsam cognitionem veri videtur pertinere, id est, ad disciplinam : iustitia verò & virtus ad actionem atque ad operationem. Quibus duobus, id est agendi efficacia, & sobrietate contemplandi, quæ Dei virtus & Dei sapientia, id est Dei Filius, dilectoribus suis donat, quid comparandum sit nescio, cùm idem Propheta statim dicat quanti sint ista pendenda : nam ita positum est, *Sobrietatem enim sapientia docet, & iustitiam, & virtutem, quibus utilius nihil est in vita hominibus*. Hæc fortasse quispiam non de filio Dei dicta esse arbitretur. Quid

Sap. 8.1.

ergo aliud ostendit quod dictum est, *Generositatem magnificat, contubernium habens Dei* ? An verò generositas solet significare aliud quàm patentes ? Contubernium verò nonne cum ipso

1. Cor. 1.15.

Patre æqualitatem clamat atque asserit ? Deinde cùm Paulus dicat, *Filium Dei esse Dei sapientiam* ; & ipse dominus : *Nemo nouit Patrem, nisi vnigenitus filius* : quid potuit à Propheta

Mat. 11.27.

congruentius dici, quàm illud quod dictum est : *Et tecum sapientia quæ nouit opera tua, quæ adfuit tunc cùm orbem terrarum*

Sap. 9.

faceres, & sciebat quid placitum esset oculis tuis ? Quod autem

Ioan. 14.6.

Hebr. 1.1.

Christus est veritas, quod idem ostenditur cùm splendor Patris

trijs

eris nuncupatur, num est quicquam in circuitu solis, nisi
splendor ipse quem gignit? Quid ergo potuit apertius & cla-
rius ex veteri Testamento huic sententiæ consonare, quàm
illud quod dictum est: *Et veritas tua in circuitu tuo?* Postremò
dicit ipsa Sapientia in Euangelio: *Nemo venit ad Patrem, nisi*
per me. Dicit per Prophetam: *Sensum tuum ergo quis scit, nisi tu*
de deris sapientiam? Et paulò pòst: *Et quæ tibi placent, didicerunt*
homines, & per sapientiam sanati sunt. Dicit Paulus: *Charitas*
Dei diffusa est in cordibus nostris per Spiritum sanctum qui datus est
nobis. Dicit Propheta: *sanctus enim Spiritus disciplina effugiet*
dolum. Vbi enim dolum, charitas nulla est. Dicit Paulus: *Con-*
formes fieri nos imaginis Filij Dei. Dicit Propheta: *Signatum*
est super nos lumen vultus tui Domine. Ostendit Paulus, Deum
esse spiritum sanctum, & idèd non esse creaturam. Dicit
Propheta: *Et miseris Spiritum sanctum de altissimè.* Solus enim
Deus altissimus, quo nihil est altius. Ostendit Paulus, Trini-
tatem istam vnum Deum esse, cùm dicit: *Ipsi gloria.* Dicitur
in veteri Testamento: *Audi Israel, Dominus Deus tuus, Deus*
vnus est.

Quid vultis amplius? Quid impetite atque impie scinitis?
quid indoctas animas noxia suasionè peruertitis? Vtriusque
Testamenti Deus vnus est. Nam vt ista sibi congruunt, quæ
de vtroque posuimus, ita etiam cætera, si diligenter & æquo
iudicio velitis attendere. Sed quia multa dicuntur submis-
sis, & humi repentibus animis, vt accommodatiùs per hu-
mana in diuina confurgant, multa etiam figuratè vt studiola
mens, & quæsitus exerceatur vtilius, & vberius latetur in-
uentis, vos inirifica dispositione Spiritus sancti, ad decipien-
dos vestros auditores, ad illaqueandos abutimini. Quod ip-
sum cur diuina prouidentia vos facere sinat, quàmque verifi-
simè Apostolus dixerit: *Oportet multas hæreses esse, vt probati*
manifesti fiant inter nos, & longum est disputare, & quod di-
cendum est vobis. Non est vestrum ista intelligere. Non pa-
rum mihi cogniti estis. Crassas omnino mentes & corporeo-
rum simulachrorum pestifero pastu morbidas ad diuina iudi-
canda deferitis, quæ multo altiora sunt quàm putatis: quate-
nobiscum modò non sic agendum est, vt ea iam intelligatis,
quod fieri non potest, sed vt intelligere aliquando cupiatis.
Facit enim hoc simplex & pura charitas Dei, quæ maximè

Gal. 88.

Ioan. 14. 6.

Sap. 9. 18.

Rom 5. 5.

Sap. 1. 5.

Rom 8. 19.

Psalm. 4. 7.

Sap. 9. 17.

R. m. 11. 36.

Deut. 6. 4.

Cap. XVII.

Apostrophe

ad Mani-

chæos vt re-

spiciant.

1. Cor. 11. 19

Charitas

*facit ut di-
uina intel-
ligere possi-
mus.*

spē&atur in moribus, de qua multa iam diximus: quæ inspi-
rata Spiritu sancto perducit ad Filium, id est, ad sapientiam
Dei, per quam Pater ipse cognoscitur. Nam si sapientia &
veritas non totis animi viribus concupiscatur, inueniri nullo
pacto potest. At si ita quærat, ut dignum est, subtrahere se-
se atque abscondere à suis dile&toribus non potest. Hinc est
illud, quod in ore habere etiam vos soletis, quod ait Iesvs:

Matt. 7. 7. *Petite, & accipietis: quærite, & inuenietis: pulsate, & aperietur vo-
bis. Nihil est occultum, quod non reuelabitur.*

Amore petitur, amore quæritur, amore pulsatur, amore reuelatur, amore de-
nique in eo quod reuelatum fuerit permanetur. Ab hoc amo-
re sapientiæ diligentiaque quærendi, non deteremur veteri
Testamento, quod semper mendacissimè dicitis, sed ad hæc
vehementissimè concitatur. Audite itaque aliquando, &
aduertite quæso sine pertinacia quid per Prophetam dicatur:

Sap. 6. 13. *Clara est, inquit, & quæ nunquam marcescit sapientia, & facile vi-
detur ab ijs qui diligunt illam, & inuenitur ab ijs qui quærunt il-
lam: præoccupat qui se concupiscunt, ut illis se ostendat. Qui vigila-
uerit ad illam, non laborabit; aspidem enim illam inueniet fori-
bus suis. Cogitare enim de illa, sensus est consummatus: & qui vigi-
lauit propter illam, citò erit securus: quia dignos se ipsa circuit
quærens, & in vijs ostendit se illis hilariter, & omni prouidentia oc-
currit illis. Initium enim illa verissimum, discipline concupiscentia
est. Cura ergo disciplina dilectio est, & dilectio custodia legum il-
lius est. Custodia autem legum, confirmatio incorruptionis est, incor-
ruptio autem facit proximum Deo. Concupiscentia itaque sapientiæ
deducit ad regnum. Itane tandem adhuc aduersus ista latrabi-
tis? Nonne ita posita & nondum intellecta, cuius significant
altum se quiddam, & ineffabile continere? O utinam pos-
setis intelligere quæ dicta sunt, Confestim abiiceretis om-
nes ineptias fabellarum, & vanissimas imaginationes cor-
porum, totòque vos magna alacritate, sincero amore, fir-
missima fide, sanctissimo Ecclesiæ Catholicæ gremio conde-
retis.*

Cap. xviii. *POTERAM pro mea mediocritate discutere singula, &
eruere ac demonstrare quæ accepi, in quorum excellentia &
in catholi-
ca sola per
se & ueritate
ex utriusque
Testamenti
consensu.* altitudine plerunque verba deficiunt: sed quandiu latratis,
non est faciendum. Non enim frustra dictum est: *Nolite san-
ctum dare canibus.* Ne succenseatis. Et ego latraui & canis

fui, quando mecum iure non docendi cibo, sed refellendi
fustibus agebatur. Si autem in vobis esset charitas, de qua
nunc agitur, vel etiam si fuenit aliquando, quantam cognos-
cendæ veritatis magnitudo desiderat, adierit Deus qui osten-
dat vobis: neque apud Manichæos esse Christianam fidem,
quæ ad summum apicem sapientiæ veritatisque perducit, qua
perfrui, nihil est aliud nisi beatè viuere; neque esse vsquam,
nisi in Catholica disciplina. Quid enim aliud videtur Apo-
stolus Paulus optare, cum dicit: *Huius rei gratia flecto genua*
mea ad Patrem Domini nostri IESU CHRISTI, à quo omnis paterni-
tas in celis & in terra nominatur, ut det vobis secundum diuitias
gloriae suae fortitudinem, corroborari per spiritum in interiori homi-
ne, habitare Christum per fidem in cordibus vestris: ut in charitate
radicati & fundati, possitis comprehendere cum omnibus sanctis,
quæ sit altitudo, & longitudo, & latitudo, & profundum; cognoscere
*etiam supereminentem scientiam charitatis * Christi, ut implea-*
*mini in omni plenitudine * Dei?* Potestne quicquam dici ma-
nifestius? Obsecro vigilate paululum, videte Testamenti
vtriusque concordiam, qui sit in moribus vitæ modus, & quò
sint referenda omnia, satis aperiante & docente amore dei.

Eph. 3. 14

* al. sciētia
charitatē
* al. omnem
plenitudi-
nem.

Matth. 7. 7
Eph. 3. 17.

Concitant Euangelia, cum dicitur, *Petite, querite, pulsate.*
Concitat Paulus dicendo: *Ut in charitate radicati & fundati,*
possitis comprehendere. Concitat etiam Propheta, cum dicit,
facile sapientiam ab iis qui eam diligunt, querunt, concupis-
cunt, vigilant, cogitant, curant, posse cognosci. Salus animi &
via beatitudinis vtrarumque Scripturarum pace monstnan-
tur, & vos latrare potiùs aduersus hæc, quàm his obtemperare
diligitis. Breui dicam quod sentio: Audite doctos Ecclesiæ
Catholicæ viros tanta pace animi, & eo voto quo vos * ego
audiui, nihil opus erit nouem annis quibus me ludificastis.
Longè omnino, longè breuiore tempore, quid intersit inter
veritatem vanitatēque cernetis.

* al. eos;
Augustinus
nōnē annis
manichæis,
vide l. 4.
Conf. c. 1.
Ca. xix.
Temperan-
tiam probat
ex sacrili-
taria;

S E D tempus est ad illas virtutes quatuor reuerti, & ex his
singulis eruere ac ducere viuendi modum. Itaque priùs tem-
perantiam videamus, quæ nobis amoris illius quo innecti-
mur deo, integritatem quandam & incorruptionem pollice-
tur. Munus enim eius est in coërcendis sedandisque cupidi-
tatibus, quibus inhiamus in ea quæ nos auertunt à legibus
dei, & à fructu bonitatis eius, quod est (vt breui explicem)

al. * sedes.
Vide Augl.
3 de l. b. arb.
cap. 17.

1. Tim. 6. 10.

1. Co. 15. 22.

Col. 3. 9.

1. Co. 15. 47.

1. Cor. 4. 16.

Psal. 50. 22.

Cap. xii.
Temperantia
in eis ut so-
lum Deum
amemus, &
sensibilia
contemna-
mus.

1. Cor. 4. 18.

beata vita. Ibi enim est fides veri *, cuius contemplatione perfruentes, eique penitus adhærentes, proculdubio beati sumus: inde autem decedentes, magnis erroribus doloribûsque implicamur. Namque, ut ait Apostolus, *radix omnium malorum cupiditas, quam quidam sequentes, naufragauerunt à fide, & in seuerunt se doloribus multis.* Quid peccatum animæ in veteri Testamento satis apertè bene intelligentibus in ipsius hominis, qui erat in paradiso, præuaricatione signatur. *In Adam* quippe omnes morimur, ut ait idem, & *in Christo omnes resurgemus.* O alta mytheria. Sed reprimam me. Non enim modò suscepi docere vos recta, sed dedocere praua, si potero, id est si Deus annuerit proposito in vos meo. Dicit ergo Paulus, radicem omnium malorum esse cupiditatem per quam etiam lex vetus primum hominem lapsum esse significat. Monet Paulus, *ut exuamus nos veterem hominem, & induamus nouum.* Vult autem intelligi, Adam qui peccauit, veterem hominem: illum autem quem suscepit in Sacramento dei Filius, ad nos liberandos nouum. Dicit namque alio loco: *Primus homo de terra terrenus, secundus homo de calo celestis. Qualis terrenus, tales & terreni: qualis celestis, tales & celestes. Sicut portauimus imaginem terreni, portemus & imaginem celestis: hoc est, exuite veterem, & induite nouum.* Omne igitur officium temperantiæ, est exuere veterem hominem, & in deo renouari: id est, contemnere omnes corporeas illecebras, laudèmq; popularem, totumque amorem ad inuisibilia, & diuina conferre. Vnde illud sequitur quod mirificè dictum est: *Etsi exterior homo noster corrumpitur, sed interior renouatur de die in diem.* Audi & Prophetam canentem: *Cor mundum crea in me Deus, & spiritum rectum innoua in visceribus meis.* Quid contra istam conuenientiam dici, nisi à cæcis latratoribus potest?

ILLECEBRÆ autem corporis fixæ sunt in his omnibus, quæ corporeus sensus attingit, quæ à nonnullis etiam sensibilia nominantur: in quibus maximè lux ista visibilis excelsit, quia & in ipsis sensibus nostris, quibus anima per corpus utitur, nihil est oculis præferendum: & ideo in Scripturis sanctis, visibilium nomine sensibilia cuncta significantur. Itaque in nouo Testamento sic ab istorum amore prohibemur:

Non respicientes, inquit, ea quæ videntur, sed quæ non videntur.

Quæ enim videntur, temporalia sunt : quæ autem non videntur, æterna. Ex quo intelligi potest, quod Christiani non sint qui Solem & Lunam non modò diligendos, sed etiam colendos putant. Quid enim videmus, si Solem & Lunam non videmus? Veriti autem sumus conuerti ad ea quæ videntur. Non sunt igitur etiam ista diligenda ei, qui amorem illum incorruptum deo cogitat exhibere. Sed erit mihi alius locus, quo de istis diligentius requiretur. Non enim nunc de fide, sed de vita dicere institui, per quam meremur scire quod credimus. Amandus igitur solus deus est, omnis verò iste mundus, id est, omnia sensibilia contemnenda, vtendum autem his ad huius vitæ necessitatem.

GLORIA verò popularis sic in nouo Testamento abiicitur atque contemnitur. *Si hominibus, inquit Apostolus, place-
re vellem, Christi seruus non essem.* Est item aliud quod de corporibus per imagines quasdam concipit anima, & eam vocat rerum scientiam. Quamobrem rectè etiam curiosi esse prohibemur, quod magnum temperantiæ munus est. Hinc illud est: *Cauete ne quis vos seducat per Philosophiam.* Et quia ipsum nomen Philosophiæ si consideretur, rem magnam totòque animo appetendam significat. Siquidem Philosophia est amor studiûmque sapientiæ, cautissimè Apostolus ne ab amore sapientiæ detertere videretur, subiecit: *Et elementa huius mundi.* Sunt enim qui desertis virtutibus, & nescientes quid sit Deus, & quanta maiestas semper eodem modo manentis naturæ, magnum aliquid se agere putant, si vniuersam istam corporis molem, quam mundum nuncupamus, curiosissimè intentissimèque perquirant. Vnde tanta etiam superbia gignitur, vt in ipso cælo, de quo sæpe disputant, sibi met habitare videantur. Reprimat igitur se anima ab huiusmodi vanæ cognitionis cupiditate, si se castam deo seruare disposuit. Tali enim amore plerunque decipitur, vt aut nihil putet esse, nisi corpus: aut etiam auctoritate commota, fateatur aliquid esse incorporeum, de illo tamen nisi per imagines corporeas cogitare non possit, & tale aliquid esse credere, quale fallax corporis sensus infligit. Ad hoc etiam valet quod præcipitur cauendum esse à simulachris. Huic ergo auctoritati noui Testamenti, qua iubemur nihil mundi huius diligere, illa maximè sententia qua dictum est: *Nolite conformari huic mundo:*

Cap. xxi.
Gloria popularis & curiositas
sacris literis
damnata.
Gal. 2. 10.

Col. 2. 8.

1. Io. 2. 17.

Rom. 12.

simul enim demonstrandum est ei rei quemque conformari quam diligit. Huic ergo auctoritati si de veteri Testamento quæram quid comparem, plura quidem inuenio, sed vnus Salomonis liber, Ecclesiastes qui dicitur, copiosissimè in summum contemptum omnia ista perducit. Incipit enim sic: *Vanitas vanitatum* *, dixit Ecclesiastes, *vanitas vanitatum, & omnia vanitas: quæ abundantia homini in omni labore suo quem ipse laborat sub sole?* Hæc verba omnia si attendantur, si perpendantur, si discutiantur, multa inueniuntur pernecessaria iis qui hunc mundum fugere, & refugere in Deum desiderant. Sed longum est, & aliò festinat oratio. Tali tamen principio constituto, exequitur omnia, vanitantes esse eos qui rebus huiusmodi falluntur. Id ipsum autem quo falluntur vanitatem vocans, non quòd Deus ista non creauerit, sed quia subiicere se homines volunt iis rebus per peccata, quæ illis per rectè facta diuina lege subiectæ sunt. Quid est enim aliud, falsis bonis illudi atque decipi, quàm incepto inferiora miranda, & appetenda arbitrari? Habet igitur vitæ temperans in huiusmodi rebus mortalibus & fluentibus, vitæ regulam vtroque Testamento firmatam: vt eorum nihil diligat, nihil per se appetendum putet, sed ad vitæ huius atque officiorum necessitatem quantum satis est, vsurper, vtentis modestia, non amantis affectu. Hæc dicta sint de temperantia pro rerum magnitudine breuiter, pro instituto tamen opere fortasse copiosius quàm oportebat.

* Videl.
1. Retr. c. 7.

Vita Regula
viroque Testamento
firmata.

Cap. xxii.
Fortitudinē
præstat a-
por Dei.

DE fortitudine verò non multa dicenda sunt. Amor namque ille de quo loquimur, quem tota sanctitate inflammatum esse oportet in Deum, in non appetendis istis temperans, in amittendis fortis vocatur. Sed inter omnia quæ in hac vita possidentur, corpus homini grauissimum vinculum est, iustissimis Dei legibus, propter antiquum peccatum, quo nihil est ad prædicandum notius, nihil ad intelligendum secretius. Hoc ergo vinculum ne concutiatur atque vexetur, laboris & doloris: ne auferatur atque perimatur, mortis terrore animam quatit. Amat enim illud vi consuetudinis, non intelligens, si eo bene atque scienter vtatur, resurrectionem reformationemque eius ope ac lege diuina sine vlla molestia iuri suo subditam fore: sed cum se hoc amore tota in Deum conuerterit, his cognitis, mortem non modò contemnet, verum

etiam desiderabit. Sed restat cum dolore magna conflictatio. Nihil est tamen tam durum atque ferreum, quod non amoris igne vincatur. Quò cum se anima rapit in deum, super omnem carnificinam libera, & admiranda volitabit pennis pulcherrimis & integerrimis, quibus ad dei complexum amor castus innititur. Nisi verò amatores auri, amatores laudis, amatores sceminarum, amatoribus suis deus sinat esse fortiores, cum ille non amor, sed congruentius cupiditas vel libido nominetur. In qua tamen apparet quantus sit impetus animi ad ea quæ diliguntur indefesso * cursu per immania quæque tendentis, argumentoque nobis est, quàm sint omnia perferenda, ne deferamus deum, si tanta illi ut deferant, perferunt.

QVId ergo hic noui Testamenti auctoritates colligam, vbi dictum est: *Tribulatio patientiam operatur, patientia probationem, probatio verò spem*: & non solum dictum, sed etiam exemplis eorum, qui dixerunt probatum atque firmatum: de veteri potius Testamento, in quod illi rabiè sæuiunt, excita-
 bo exemplum patientiæ. Neque illum commemorabo virum, à quo in magnis cruciatibus corporis & horribili tæbe membrorum, non modò sustinentur humana, sed diuina etiam disputantur. In cuius singulis vocibus satis elucet, si quis æquo animo attendat, quanti pendenda sint ista, quæ cum volunt homines per dominationem tenere, ab his ipsis potius per cupiditatem tenentur, & rerum mortalium serui fiunt, dum imperitè domini esse desiderant. Amisit namque ille omnes diuitias, & factus repente pauperrimus, tam inconcussam animam tenuit, & infixum deo, ut satis demonstraret, non illas sibi fuisse magnas, sed se illis, sibi autem deum. Quo animo si esse possent nostri temporis homines, non magnopere in nouo Testamento ab istorum possessione prohiberemur, ut perfecti esse possemus. Multò enim mirabilius est, non inhaerere istis quamuis possideas, quàm omnino ea non possidere. Sed quoniam de dolore atque cruciatibus corporis tolerandis nunc agitur, relinquo istum virum, licet magnum, licet inuictum, virum tamen. Offerunt enim mihi Scripturæ illæ stupendæ fortitudinis sceminam; & ad eam iam me transire compellunt. Quæ cum septem liberis tyranno atque carnifici prius viscera omnia, quàm vnum

Cap. xxxi.
Fortitudi-
nis monita
ex exempla
ex Scriptu-
ris.
Rom. 5. 3. 4 7

Iob. 1. 14.

1. Mac. 3.

verbum sacrilegum impendit: cùm eius hortatione filij roborarentur, in quorum membris ipsa torquebatur, latura tamen etiam proprio munere, quod eos ferre præceperat. Quid ad tantam patientiam quæso addi potest? Quid tamen mirum si omnibus medullis conceptus Dei amor, & tyranno, & carnifici, & dolori, & corpori, & sexui, & affectui resistebat? An non audierat: *1. Pet. 2. 11. in conspectu Domini mors Sanctorum eius?* Non audierat: *Melior vir patiens fortissimo?* Non audierat: *Omne quod tibi applicitum fuerit, accipe, & in dolore sustine, & in humilitate tua habe patientiam: quoniam in igne probatur aurum & argentum?* Non audierat: *Vasa figuli probat fornax, & homines istos tentatio tribulationis?* Imò verò & hæc, & alia plura perceperat, quæ vno sancto Dei Spiritu, ut in istis noui Testamenti, sic in illis qui soli adhuc erant libris diuina præcepta fortitudinis conscripta sunt.

Cap. xxiiv.
De iustitia
& prudentia.
Matt. 6. 24.
Rom. 1. 25.
1. Cor. 6. 13.

QVID de iustitia quæ ad Deum pertinet? Nonne cùm & Dominus dicat: *Non potestis duobus dominis seruire: & Apostolus redarguat eos, qui creaturæ potius quam creatori seruiunt,* in veteri Testamento prius dictum est: *Dominum Deum tuum adorabis, & illi soli seruias?* Sed quid opus est hinc plura dicere, cùm sententiis talibus ibi plena sint omnia? Hanc ergo iustitia vitæ regulam dabit huic amatori, de quo sermo est: ut deo quem diligit, id est summo bono, summæ sapientiæ, summæ paci libentissimè seruiat: cæteraque omnia partim subiecta sibi regat, partim subiicienda præsumat. Quæ norma viuendi, ut docuimus, vtriusque Testamenti auctoritate roboratur. Nec de prudentia diutius differendum est, ad quam dignoscencia pertinet appetendorum & vitandorum. Quæ si desit, nihil eorum de quibus jam dictum est, effici potest. Huius autem excubitiæ atque diligentissima vigilantia est, ne subrepente paulatim mala suasionem fallamur: unde sæpe dominus, *Vigilate*, clamat: & *Ambulate*, inquit, *dum lumen habetis, ne vos tenebræ comprehendant.* Itémque dicitur: *Nescitis quia modicum fermentum totam massam corrumpit?* Quid autem proferri manifestius de veteri Testamento contra istam dormitationem animi potest, per quam fit ut non sentiamus quasi minutatim serpentem perniciem, quam illud quod à Propheta dictum est: *Qui spernit modica, paulatim decidet?* De quæ

Prudentia.

Matt. 24. 42.
Ioan. 12. 35.
1. Cor. 5. 6.

Eccles. 19. 1.

qua sententia, si opportunum esset festinantibus, copiosissimè disputarem : atque id si à nobis nunc susceptum munus flagitaret, fortasse demonstrarem, quàm sint alta mysteria, quæ imperitissimi & sacrilegi homines deridendo, non illi quidem paulatim iam decidunt, sed magno lapsu præcipientes eunt.

Quid ampliùs de moribus disputem ? Si enim Deus est summum hominis bonum, quod negare non potestis, sequitur profectò, quoniam summum bonum appetere, est bene vivere : ut nihil sit aliud bene vivere, quàm *totò corde, tota anima, tota mente Deum diligere* : à quo existit, ut incorruptus in eo amor atque integer custodiatur, quod est temperantiæ : & nullis frangatur incommotis, quod est fortitudinis : nulli alij seruiari, quod est iustitiæ : vigilet in discernendis rebus, ne fallacia paulatim dolùsque subrepat, quod est prudentiæ. Hæc est hominis vna perfectio, qua sola impetrat ut veritatis sinceritate perfruaturs : hæc nobis Testamento utroque concinitur, hæc nobis hinc atque inde suadetur. Quid adhuc Scripturas quas ignoratis calumniamini ? Nescitis quanta imperitia lacessatis libros : quos & soli reprehendunt, qui non intelligunt : & soli intelligere nequeunt, qui reprehendunt ? Non enim eos aut vllus inimicus cognoscere sinitur, aut esse nisi amicus cognitis potest. Diligamus igitur deum ex toto corde, ex tota anima, ex tota mente, quicunque ad vitam æternam peruenire proposuimus. Vita enim æterna est totum præmium, cuius promissione gaudemus : nec præmium potest præcedere merita, & priùs homini dari quàm dignus est. Quid enim hoc iniustius, & quid iustus deo ? Non ergo debemus postulare præmium antequam mereamur accipere. Hic fortasse non incongruè quæritur, æterna ipsa vita quid sit. Sed eius largitorem potius audiamus : *Hæc est*, inquit, *vita æterna, ut cognoscant te verum Deum, & quem misisti IESVM* Cap. xv. Officiu qua. in hoc vitam. in ex deo. proutis, ad hoc vitam. tenant, ut videntur. tunc ex toto corde.

CHRISTVM. Meritum. Æterna igitur vita est ipsa cognitio veritatis. Quamobrem videte quam sint peruersi atque præposterii, qui se se arbitrantur dei cognitionem tradere, ut perfecti simus, cum perfectotum ipsa sit præmium. Quid ergo agendum est ? quid quæso, nisi ut eum ipsum quem cognoscere volumus, priùs plena charitate diligamus ? Vnde illud exoritur, quod ab

Ioan. 17. 3.

início satis egimus, nihil in Ecclesia Catholica salubrius fieri, quàm vt rationem præcedat auctoritas.

Cap. xxvi.
Dilectio sui
& proximi.

SED cætera videamus, videtur enim de homine ipso, id est, de amatore ipso nihil actum: sed parum dilucidè qui hoc arbitratur intelligit. Non enim fieri potest, vt seipsum qui deum diligit, non diligat: imò verò solus se nouit diligere, qui deum diligit. Siquidem ille se satis diligit, qui sedulò agit, vt summo & vero perfruat bono: quòd si nihil est aliud quàm deus, sicut ea quæ dicta sunt docuerunt, quis cunctari potest, quin sese amet, qui amator est dei? quid inter ipsos homines, nullumne esse amoris vinculum debet? Imò verò ita debet, vt nullus certior gradus ad amorem dei fieri posse credatur, quàm hominis erga hominem charitas. Pro-

Mat. 22. 39.

mat nobis ergo alterum præceptum dominus, de vitæ præceptis interrogatus: non enim contentus fuit vno, qui sciret aliud deum esse, aliud hominem: atque interesse tantum, quantum inter eum qui creauit, & id quod ad creatoris similitudinem creatum est. Dicit ergo secundum præceptum esse: *Diliges proximum tuum sicut teipsum.* Te autem ipsum salubriter diligis, si plus quàm te diligis deum. Quod ergo agis tecum, id agendum cum proximo est: hoc est, vt ipse etiam petfecto amore diligat deum. Non enim cum diligis tanquam teipsum, si non ad id bonum ad quod ipse tendis, adducere satagis. Illud est enim vnum bonum, quod omnibus tecum tendentibus non sit angustum. Ex hoc præcepto nascuntur officia societatis humanæ, in quibus non errare difficile est. Agendum autem in primis est, vt beneuoli simus, id est, vt nulla malitia, nullo dolo malo aduersus hominem utamur.

Non diligit
proximum,
nisi qui illi
ad Deum
adducere
satagit.

rom. 13. 10.

Quid enim homini homine propinquius? Accipite etiam quid Paulus dicat: *Dilectio*, inquit, *proximi, malum non operatur.* Breuissimis vtot testimoniis, sed (nisi fallor) idoneis, & quibus suscepæ rei testimoniis, nam quis ignorat quàm multa, & quanti ponderis verba in illis libris de charitate proximi vsquequaque diffusa sint? Sed cum duobus modis peccetur iu homine, vno si lædarut, alio si cum potest non adiuetur: eaque ipsa sint quibus mali homines esse dicantur, quorum neutrum qui diligit, facit: satis opinor quod volumus demonstrat ista sententia, Dilectio proximi malum non opera-

cur. Etsi ad bona peruenire non possumus, nisi mala operari destiterimus, ista sunt quasi cunabula charitatis dei, quibus diligimus proximum: vt quoniam dilectio proximi malum non operatur, hinc ad illud ascendamus quod dictum est: *Scimus, quoniam diligentibus Deum omnia procedunt in bonum.* Sed nescio quomodo aut pariter ista in plenitudinem perfectionemque consurgunt, aut inchoatur prius dei amor, & prius perficitur proximi. Ad incipiendum enim citius nos fortasse in se diuina charitas rapit, sed facilius minora perficimus. Quoquomodo autem res se habeat, illud maximè tenendum est, ne se quisquam credat, contempto proximo ad beatitudinem & ad deum quem diligit esse venturum. Atque vtinam vt facile est bene instituto & benigno diligere proximum, ita facile esset vel consulere, vel nihil nocere. Non enim ad hæc satis est voluntas bona, sed opus est magna quadam ratione atque prudentia, qua nemo vti potest, nisi Deus ille fons omnium bonorum id tribuerit. De qua re, quantum arbitror difficillima, tentabimus dicere pro suscepto opere pauca quædam, spem totam constituentes in eo, cuius solius ista dona sunt.

ROM. 8. 13.

HO MO igitur vt homini apparet, anima rationalis est, mortali atque terreno vtens corpore. Partim ergo corpori, partim verò animæ hominis benefacit, qui hominem diligit. Ad corpus quod pertinet, medicina nominata est: ad animam autem disciplina. Sed medicinam nunc voco, quicquid omnino corporis vel tuetur vel instaurat salutem. Ad hanc itaque pertinent, non ea tantum quæ arcorum exhibet, qui propriè medici nominantur: sed etiam cibus & potus, tegmen & lectum, defensio denique omnis atque munitio, qua nostrum corpus aduersus etiam externos ictus casusque seruatur: nam & fames & sitis & frigus & æstus, & quicquid extrinsecus grauiter infligitur, salutem de qua nunc agitur manere non sinunt. Quare illa omnia, quibus huiusmodi malis incommodisve resistitur, qui officiosè atque humaniter præbent, misericordes vocantur, etiamsi sapientes * vsq; ad eum sint, vt iam nullo animi dolore turbenrur. Nam quis ignoret ex eo appellatam esse misericordiam, quòd miserum cor faciat condolentis alieno malo? Et quis non concedat ab omni miseria liberum esse debere sapientem, cum subuenit inopi,

CAP. XXVII.
Beneficentia in proximum pertinet
duo.

1. Ritr. c. 7.

Stuici.

cùm esurienti cibum præstat, potúmque sitiēti, cùm vestit nudum, cùm peregrinum tecto recipit, cùm oppressum liberat, cùm denique humanitatem suam vsque ad sepulturam porrigit mortuorum? Etiam si id faciat mente tranquilla, nullis aculeis doloris instinctus, sed adductus officio bonitatis, misericors tamen vocandus est. Huic enim nihil obest nomen, cùm absit miseria. Stulti verò, cùm misericordiam quasi vitium deuitant, quia officio satis moueri nequeunt, si nec perturbatione commouentur, congelascunt potiùs rigore inhumanitatis, quàm rationis tranquillitate serenantur. Itaque multò prudentius Deus etiam ipse misericors dicitur: qui quemadmodum dicatur, restat intelligere iis qui sese idoneos religione studioque præstiterint: ne cùm verbis doctorum ineptè vtimur, indoctorum animas priùs durescere vitando misericordiam, quàm benignitatem appetendo mitescere faciamus: atque vt misericordia iubet, ista nos ab homine pellere incommoda, sic innocentia prohibet inferre.

Cap. xxviii
Beneficentia in animam proximam.

QVOD autem attinet ad disciplinam, per quam ipsi animo sanitas instauratur, quæ si absit, nihil ad depellendas miseras salus ipsa corporis valet, difficillima omnino res est. Atque vt in corpore dicebamus, aliud esse morbos & vulnera curare, quod pauci homines bene facere possunt, aliud autem famem sitimque sopire, & cætera in quibus subuenire hominem homini vulgò passimque conceditur: sic in animo sunt quædam in quibus excellentia illa, & rara magisteria non admodum desiderantur: vt cùm hortamur & moneamus, vt hæc ipsa indigentibus exhibeantur, quæ corpori exhibenda esse diximus. Cùm enim hæc facimus, ope corpori: cùm autem docemus vt fiant, disciplina animo subuenimus. Sunt verò alia, quibus multi modi variique morbi animorum magna quadam, & prorsus ineffabili ratione sanantur: quæ medicina nisi diuinitus populis mitteretur, nulla spes salutis esset, tam immoderata progressionem peccantibus: quanquam & illa corporis, si aliùs rerum originem repetas, non inuenitur vnde ad homines manare potuerit, nisi à Deo, cui rerum omnium status salutemque tribuenda est.

Hæc tamen disciplina, de qua nunc agimus, quæ animi medicina est, quantum in Scripturis ipsis diuinis colligi licet, in

duo distribuitur, coercitionem & instructionem. Coercitio timore, instructio verò amore perficitur, eius dico cui per disciplinam subuenitur: nam qui subuenit, nihil horum duorum habet, nisi amare. In his duobus Deus ipse, cuius bonitate atque clementia sit omnino ut aliquid simus, duobus Testamentis vetere & nouo disciplinæ nobis regulam dedit. Quanquam enim utrumque in utroque sit, præualet tamen in vetere timor, amor in nouo: quia ibi seruitus, hic libertas ab Apostolis prædicatur. De quorum testamentorum admirabili quodam ordine diuinòque concentu, longissimum est dicere, & multi religiosi doctique dixerunt. Multos libros res ista flagitat, ut pro merito quantum ab homine potest explicari & prædicari queat. Qui ergo diligit proximum, agit quantum potest ut sanus corpore sanusque animo sit: sed cura corporis ad sanitatem animi referenda est. Agit ergo his gradibus, quod ad animum pertinet, ut primò timeat, deinde diligat Deum. Hi mores sunt optimi, per quos nobis etiam ipsa provenit, ad quam omni studio rapimur, agnitio veritatis. Atque in his duobus conuenit cum Manichæis, id est, ut Deum & proximum diligamus: sed hoc in veteri Testamento negant contineri: in quo quantum errant, satis (ut opinor) apparet ex iis quas superius protulimus de utroque sententiis. Veruntamen ut breue aliquid dicam, sed tale cui resistere sit mera dementia: nonne animaduertunt hæc ipsa duo, quæ laudare coguntur, quàm importunissimè à Domino in Euangelio de vetere Testamento esse prolata negent, ubi scriptum est: *Diliges Dominum Deum tuum ex toto corde tuo, & ex tota anima tua, & ex tota mente tua*, vel illud alterum: *Diliges proximum tuum tanquam teipsum*? Aut si hæc negare non audent, premuntur enim luce veritatis: illud negare audeant, salubria esse ista præcepta, his mores optimos contineri: negent si possunt, & dicant, non oportere Deum diligi, non oportere proximum diligi: neque *diligentibus Deum omnia procedere in bonum*, neque *dilectionem proximi malum non operari*, quibus duobus saluberrimè atque optimè humana vita disponitur. Quæ si dicunt, non solum illis cum Christianis, sed ne cum hominibus quidem ratio est. Sin hæc dicere non audent, cogunturque confiteri esse diuina, quid eos libros vnde ista prolata

Coercitio
Instructio.

Testamentū
vetus & nouum.

Per bonos
mores pro-
uenit agni-
tiō veritatis.

Deut. 6. 5.
Mat. 22. 37.
Leuit. 19. 18.

Rom. 8. 28.
Rom. 13. 10.

sunt impietate nefaria laceſſere atque improbare non deſi-
nunt? An illi diſturi ſunt, non eſſe conſequens, vt omnia ibi
bona ſint, vbi hæc inuenire potuimus? Nam hoc ſolent dice-
re. Cui ego tergiuerſationi quid reſpondeam, & quemadmo-
dum occurram, non facilè video. Diſcutiámne verba ſingula
veteris Teſtamenti, vt in his ſummam cum Euangelio eſſe
concordiam peruiacibus indoctisq; demonſtrem? Sed
quando iſtud erit? Quando aut ego ſufficiam, aut ipſi patien-
tur? Quid ergo faciam? Deſerámne cauſam, & eos in ſenten-
tia quamuis improba & falſa, tamen difficili ad diſſoluendum
deliteſcere ſinam? Non faciam: aderit de proximo Deus ipſe,
cuius illa præcepta ſunt; nec me in tantis anguſtiis inopem ac
deſertum eſſe patietur.

Cap. xxix.
de Scrip-
turam an-
tiquitate.

QVAMOBREM adeſtote animis Manichæi, ſi qui fortè
illa ſuperſtitione ita tenemini, vt euadere aliquando poſſitis.
Adeſtote, inquam, ſine pertinacia, ſine ſtudio reſtitendi: nam
aliter vobis pernicioſiſſimum eſt iudicare. Certè enim nemi-
ni dubium eſt, nec auerſi vos ita eſtis à vero, vt non intelliga-
tis, ſi diligere Deum & proximum, bonum eſt, quod negare
nemo poteſt, quicquid in his duobus præceptis pendet, virtu-
perari iure non poſſe. Quid ergo in iis pendeat, ridiculum eſt
ſi à me querendum eſſe putas: ipſum Chriſtum audi, audi
(inquam) Chriſtum, audi Dei ſapientiam. *In hiis*, inquit,
duobus præceptis tota lex pendet, & omnes Propheta. Quid hoc lo-
co poteſt dicere impudentiſſima pertinacia? Non hoc Chri-
ſtum dixiſſe? At in Euangelio verba eius iſta conſcripta ſunt.
Falſum eſſe ſcriptum? Quid hoc ſacrilegio niſi impium re-
periri poteſt? Quid iſta voce impudentius? Quid audacius?
Quid ſceleratius? Simulachrorum cultores, qui Chriſti etiam
nomen oderunt, nunquam hoc aduerſus Scripturas illas auſi
ſunt dicere. Conſequetur namque omnium literarum ſum-
ma peruerſio, & omnium qui memoriz mandati ſunt libro-
rum abolitio, ſi quod tanta populorum religione roboratum
eſt, tanta hominum & temporum conſenſione firmatum, in
hanc dubitationem adducitur, vt ne hiſtoriz quidem vulga-
ris fidem poſſit grauitatè que obtinere. Poſtremò quid de
Scripturis vllis proferre poteris, vbi mihi vt hac voce non
liceat, ſi contra meam ratiocinationem intentionè que pro-

feratur? Illud verò quis ferre possit, quod nos notissimis ac iam in manibus omnium libris constitutis credere vetant, & iis quæ ipsi proferunt, imperant ut credamus?

Si de Scriptura dubitandum est, de qua magis quàm quæ diffamari non meruit, quæ verè potuit sub nomine alio tota mentiri? At si istam obdis inuito, & auctoritatis exaggeratione cogis in fidem: egone de illa, quam constanter latissimè diuulgatam video, & Ecclesiarum per totum orbem dispersarum contestatione firmatam, dubitabo miser: & quod est miserius, te auctore dubitabo, cùm si exemplaria proferres, altera tenere non deberem, nisi ea quæ plurium consensione commendarentur? Nunc verò nihil te proferente quod conferas: præter inanissimam vocem temeritatisque plenissimam, putabis vsque adeò genus humanum esse peruersum & diuinæ prouidentiae ope desertum, ut illis Scripturis, non à te prolatis alias quibus redarguantur, sed tua tantùm verba præponat? Proferendus est namque tibi alius codex eadem continens, sed tamen incorruptus & verior, vbi sola desint ea quæ hic immissa esse criminari. Ut si, verbi causa, Pauli Epistolam, quæ ad Romanos scripta est, corruptam esse contedis, aliam proferas incorruptam, vel alium codicem potius, in quo eiusdem Apostoli eadem Epistola sincera, & incorrupta conscripta sit. Non faciam, inquis, ne ipse corrupisse credar. Hoc enim soletis dicere, & verum dicitis: nihil prorsus aliud suspiciabuntur, vel mediocriter cordati homines, si hoc feceris. Vide ergo tu ipse quid de auctoritate tua iudicaueris: & intellige vtrum tuis verbis contra illas Scripturas credere debeant, si codici ob hoc solùm quòd abs te profertur, magis temeritatis est credere.

SE D. quid hinc plura? Quis enim non videat eos qui contra Scripturas Christianas hæc audent dicere, ut illud non sint quod homines suspicantur, certè tamen non esse Christianos? Nam Christianis hæc data est forma viuendi, ut diligamus Dominum Deum nostrum ex toto corde, & ex tota anima, & ex tota mente: deinde proximum nostrum tanquam nosmetipsos, in his enim duobus præceptis tota lex pendet, & omnes Prophete. Merito Ecclesia Catholica mater Christianorum verissima, non solùm ipsum Deum, cuius adeptio vita est beatissima, purissimè acque castissimè colendum prædicas, nullam nobis adorandam

Cap. xxx.
Apostrophe
ad Ecclesiam
totius sa-
piens ma-
gistrum.
Deut. 6. 5.
Mat. 22. 37.
Doctrina
Catholica
Ecclesia.

creaturam inducens, cui seruire jubeamur: & ab illa incorrupta & inuolabili æternitate, cui soli homo subiiciendus est, cui soli rationalis anima coherendo non misera est, excludens omne quod factum est, quod obnoxium commutationi, quod subditum tempori, neque confundens, quod æternitas, quod veritas, quod denique pax ipsa distinguit, nec rursus separans quod maiestas vna coniungit: sed etiam proximi dilectionem atque charitatem ita complecteris, ut variorum morborum quibus pro peccatis suis animæ ægrotant, omnis apud te medicina præpolleat. Tu pueriliter pueros, fortiter iuuenes, quietè senes, prout cuiusque non corporis tantum, sed & animi ætas est, exerces ac doces. Tu feminas viris suis non ad explendam libidinem, sed ad propagandam prolem, & ad rei familiaris societatem casta & fidei obedientia subiicis. Tu viros coniugibus non ad illudendum imbecillio rem sexum, sed sinceri amoris legibus præficis. Tu parentibus filios libera quadam seruitute subiungis, parentes filiis pia dominatione præponis. Tu fratribus fratres religionis vinculo firmiore atque arctiore quàm sanguinis nectis. Tu omnem generis propinquitatem & affinitatis necessitudinem, seruatis naturæ voluntatibusq; nexibus mutua charitate constringis. Tu dominis seruos non tam conditionis necessitate, quàm officij delectatione doces adhærere. Tu dominos seruis summi Dei scilicet communis Domini consideratione placabiles, & ad consulendum quàm coërcendum propensiores facis. Tu ciues ciuibus, gentes gentibus, & prorsus hominibus homines primorum parentum recordatione, non societate tantum, sed quadam etiam fraternitate coniungis. Doces Reges prospicere populis, mones populos se subdere Regibus. Quibus honor debeat, quibus affectus, quibus reuerentia, quibus timor, quibus consolatio, quibus admonitio, quibus cohortatio, quibus disciplina, quibus obiurgatio, quibus supplicium sedulò doces: ostendens quemadmodum & non omnibus omnia, & omnibus charitas, & nulli debeat iniuria.

*Vide lib.
I. Ret. c. 7.*

Iam verò cum hæc humana dilectio inhaerentem vberibus tuis nutriuerit & roborauerit animum, sequendo Deo factum idoneum: ubi eius maiestas ex tanta parte quanta homini, dum terræ huius inhabitator est, sufficit, aperire se cœperit,

perit, tantus charitatis ardor innascitur, & tantum diuini amoris confutgit incendium, vt exultis omnibus vitiis, & homine purgato atque sanctificato, satis appareat quàm diuinè dictum sit: *Ego sum ignis consumens: & Ignem veni mittere in mundum.* Quæ duæ voces vnius Dei in duobus Testamentis signatæ, sanctificationem animæ concordī attestatōne declarant, vt fiat aliquando illud quod item in Nouam Scripturam de Veteri assumptum est: *Absorpta est mors in victoriam.* Vbi est mors aculeus tuus? ubi est mors contentio tua? Quod vnum isti hæretici intelligere si valerent, nusquam profectò Deum nisi apud te atque in tuo gremio, minimè superbi & bene pacati venerantur. Meritò apud te diuina præcepta latè diffusèque seruantur. Meritò apud te bene intelligitur, quàm sit grauius cognita, quàm incognita lege peccare. Aculeus enim mortis peccatum, virtus autem peccati lex, qua grauius feriat & interimat contempti præcepti conscientia. Meritò apud te visum est, quàm sit sub lege operatio vana, cùm libido animum vastat, & cohibetur pænæ metu, non amore virtutis obruitur. Meritò tibi tam multi hospitales, multi officiosi, multo misericordes, multi docti, multi casti, multi sancti, multi vique ad eò Dei amore flagrant, vt eos in summa continentia atque mundi huius incredibili contemptu etiam solitudo delectet.

QVOD est, quæso, quod vident, qui non possunt hominem non diligere, & tamen possunt hominem non videre? Profectò illud quicquid est, præstantius est tibus humanis, cuius contemplatione potest homo sine homine viuere. Iam enim accipite Manichæi perfectorum Christianorum, quibus summa castitas non laudanda tantùm, sed etiam cauellenda visa est, mores & continentiam singularem: ne vos impudenter iactare apud animos imperitorum quasi difficillima reum abstinentia, siquid in vobis pudoris est, audeatis. Nec ea dicam, quæ vos ignoratis, sed quæ nobis occultatis. Quis enim nescit summæ continentia hominum Christianorum multitudinem per totum orbem in dies magis magisque diffundi, & in Oriente maximè atque Ægypto, quod vos nullo modo potest latere. Nihil de iis dicam quos paulò antè commemorauī, qui secretissimi penitus ab omni hominum conspectu, pane solo, qui eis per certa interualla temporum as-

Deut. 4. 24.
Heb. 11. 19.
Lucæ 12. 49.

1. Cor. 15. 55

Cap. XXXI.
Manichæorum
continentia
p-
sonis Ana-
choretarum
& anobis
latè usitam,

Anachoræ.
14

fertur, & aqua contenti, desertissimas terras incolunt, perfruentes colloquio Dei, cui puris mentibus inhaeserunt, & eius pulchritudinis contemplatione beatissimi, quæ nisi Sanctorum intellectu percipi non potest. Nihil, inquam, de his loquat: videntur enim nonnullis res humanas plus quam oporteret deferuisse, non intelligentibus quantum nobis eorum animus in orationibus prosit, & vita ad exemplum, quorum corpora videre non sinimur. Sed hinc disputare longum & superuacaneum puto: nam hoc tam excellens fastigium sanctitatis, cui non sua sponte mirandum & honorandum videtur, oratione nostra videri qui potest? Tantum illi admonendi sunt, qui sese inaniter iactant, intantum processisse temperantiam & continentiam sanctissimorum Catholice fidei Christianorum, ut restringenda nonnullis, & quasi ad humanos fines reuocanda videatur. Vsq; adeo supra homines illorum animos euasisse, ab iis etiam quibus id displicet, iudicatur.

Canebat.

Sed si hoc excedit nostram tolerantiam, quis non illos miretur & prædicet, qui contemptis atque desertis mundi huius illecebris, in communem vitam castissimam sanctissimamque congregati, similitudinem agunt, viuentes in orationibus, in lectionibus, in disputationibus: nulla superbia tumidi, nulla peruicacia turbulenti, nulla inuidencia liuidi; sed modesti, vetecundi, pacati, concordissimam vitam & intentissimam in Deum, gratissimum munus ipsi offerunt, à quo ista posse meruerunt. Nemo quicquam possidet proprium, nemo cuiquam onerosus est. Operantur manibus ea, quibus & corpus pasci possit, & à Deo mens impediri non possit. Opus autem simul tradunt eis quos Decanos vocant, eo quod sint denis præpositi, ut neminem illorum cura sui corporis tangat, neque in cibo, neque in vestimento, neque si quid aliud opus est, vel quotidianæ necessitati, vel mutatae (ut adsolet) valetudini. Illi autem Decani cum magna sollicitudine omnia disponentes, & præsto facientes quicquid illa vita propter imbecillitatem corporis postulat, traditionem * tamen etiam ipsi reddunt vni, quem Patrem vocant. Hi verò Patres non solum sanctissimi moribus, sed etiam diuina doctrina excellentissimi, omnibus rebus excelsi, nulla superbia consulunt iis quos filios vocant, magna sua in iubendo auctoritate, ma-

* *Foris* 13
tionem

gna illorum in obtemperando voluntate. Conueniunt autem diei tempore extremo de suis quisque habitaculis, dum adhuc ieiuni sunt ad audiendum illum Patrem, & conueniunt ad singulos Patres terna, vt minimum, hominum milia: nam etiam multo numerosiores sub vno agunt. Audiunt autem incredibili studio, summo silentio affectiones animorum suorum, prout eos pepulerit dissidentis oratio, vel gemitu, vel fletu, sed modesto & clamore vacuo gaudium * significantes. Corpus deinde reficitur, quantum saluti & salubritati sat est, coërcente vnoquoque concupiscentiam, ne se profundat, vel in ea ipsa quæ præsto sunt parca & vilissima. Ita non solum à carnibus & vino abstinent pro sufficientia domandarum libidinum, sed ab iis etiam quæ tantò concitatiùs ventris & gutturis prouocant appetitum, quantò quasi mundiora nonnullis videntur: quo nomine solet turpe desiderium exquisitorum ciborum, quod à carnibus alienum est, ridiculè turpiterque defendi. Sanè quicquid necessario victui redundat (nam redundat plurimum ex operibus manuum, & epularum restrictione) tanta cura egentibus distribuitur, quanta non ab ipsis qui distribuunt comparatum est. Nullo modo namque satagunt, vt hæc sibi abundant, sed omni modo agunt, vt non apud se remaneat quod abundauerit, vsque adeò vt oneratas etiam naues in ea loca mittant, quæ inopes incolunt. Non opus est plura de re notissima dicere.

* Redundare
videtur ex
sic gaudium.

Monastica
paupertas.

Hæc est etiam vita fœminarum Deo sollicitè castèque seruientium, quæ habitaculis segregatæ ac remotæ à viris quàm longillimè decet, pia tantum illis charitate iunguntur & imitatione virtutis: ad quas iuuenum nullus accessus est, neque ipsorum quamuis grauissimorum & probatissimorum senum, nisi vsque ad vestibulum necessaria præbendi quibus indigent gratia. Lanificio namque corpus exercent atque sustentant, vestesque ipsas fratribus tradunt, ab iis inuicem quod victui opus est reluentes. Hos mores, hanc vitam, hunc ordinem, hoc institutum si laudare velim, neque dignè valeo, & vereor ne iudicare videar per seipsum tantummodò, expositum placere non posse, si super narratoris simplicitatem cothurnum etiam laudatoris addendum putauero. Hæc Mani-

Sanctimo-
niales.

chæi reprehendite, si potestis. Nolite ex eis hominibus & discernere inuali dis ostentate nostra zizania.

Cap. xxvii.
Gloriosum
laur.

NE QVÆ tamen ita sese angustæ habent Ecclesiæ Catholice mores optimi, ut eorum tantum vitas quos commemoravi arboriter esse laudandas. Quam enim multos Episcopos optimos viros, sanctissimosque cognoui, quam multos Presbyteros, quam multos Diaconos, & huiusmodi ministros divinatorum Sacramentorum, quorum virtus eò mihi mirabilior & maiore prædicatione dignior videtur, quod difficilius est eam in multiplici hominum genere, & in ista vita turbulentiore servare. Non enim sanatis magis quam sanandis hominibus præfunt. Perpetienda sunt vitia multitudinis ut curentur, & prius toleranda quam sedanda est pestilentia. Difficillimum est hic tenere optimum vitæ modum, & animum pacatum atque tranquillum. Quippe, ut breviter explicem, hi agunt ubi vivere discitur, illi ubi vivitur.

Cap. xxxiii.
Aliud genus in civitate simul viventium.

NE C IDEO tamen laudabile Christianorum genus contempserim, eorum scilicet qui in civitatibus degunt, à vulgari vita remotissimi. Vidi ego diversorium sanctorum Mediolani, non paucorum hominum, quibus vnus Presbyter præerat vir optimus & doctissimus. Romæ etiam plura cognoui, in quibus singuli gravitate atque prudentia & diuina scientia præpollentes, cæteris secum habitantibus præfunt, Christiana charitate, sanctitate & libertate viventibus: ne ipsi quidem cuiquam onerosi sunt, sed Orientis more, & Pauli Apostoli auctoritate manibus suis se transigunt. Ieiunia etiam prorsus incredibilia multos exercere didici, non quoti die semel sub noctem reficiendo corpus, quod est vsquequaque vtitatissimum, sed continuum triduum vel amplius sæpissime sine cibo ac potu ducere. Neque hoc in viris tantum, sed etiam in fæminis: quibus item multis viduis & virginibus simul habitantibus, & lana ac tela victu non queritantibus, præfunt singulæ grauissimæ probatissimæque non tantum in instituendis componendisque moribus, sed etiam instruendis mentibus peritæ ac paratæ. Atque inter hæc nemo vrgetur in aspera, quæ ferre non potest, nulli quod recusat imponitur, nec idèò condemnatur à cæteris, quod in eis se imitandis fa-

Ieiunia tri-
duna.

totum inualidum : meminerunt enim quantopere Scripturis omnibus commendata sit charitas : meminerunt, *Omnia mun-* Tit. 1. 15.
da mundis : & , *Non quod intrat in os vestrum vos coinquinat, sed* Mat. 15. 12.
quod exit. Itaque non reiiciendis generibus ciborum quasi pollutis, sed concupiscentiæ perdomandæ, & dilectioni fratrum retinendæ inuigilat omnis inductia. Meminerunt : *Es-* 1. Cor. 6. 13.
ca ventri, & venter esciæ, Deus autem & hunc & illas destruet. Et 1. Cor. 3. 2.
alibi: Neque si manducauerimus, abundabimus: neque si non man- Rom. 14. 12.
ducauerimus, egebimus. Et illud præ cæteris : *Bonum est fratres*
non manducare carnes, neque bibere vinum, neque in quo frater tuus
offenditur. Hic enim ostendit quàm sint ad finem charitatis hæc omnia dirigenda. *Alius enim credit manducare omnia, qui*
autem infirmus est, olus (inquit) manducet : qui manducat, non
manducantem non spernat: & qui non manducat, manducantem non
iudicat : Deus enim illum assumit. Tu quis es, qui iudicas alienum
seruum ? Suo Domino stat aut cadit : stabis autem, potens est enim
Deus statuere eum. Et paulò post: *Qui manducat, Domino man-*
ducat, & gratias agit Deo : & qui non manducat, Domino non man-
ducat, & gratias agit Deo. Et item in consequentibus: *Itaque*
unusquisque nostrum pro se rationem reddet. Non ergo amplius iu-
dicemus inuicem, sed hoc iudicate magis, ne ponatis offendiculum
fratri vel scandalum. Scio & confido in Domino IESU, quia nihil
commune per ipsum, nisi ei qui existimat quid commune esse, illi com-
mune est.

Potuitne magis ostendere non in ipsis rebus quibus vescimur, sed in animo esse vim quandam, quæ ad eum valeat maculandum: & propterea iis etiam, qui ad hæc contemnenda sunt idonei, certòque sciunt non se pollui, siquid ciborum sine turpi cupiditate altitudine mentis assumpserint, charitatem tamen esse intuendam : vide quid sequatur : nam si propter escam frater tuus contristatur, iam non secundum charitatem ambulas. Lege cætera, nam longum est omnia interponere, & inuenies præceptum iis, qui possunt ista contemnere, id est, firmioribus & securioribus : idèd tamen esse temperandum, ne offendantur illi, quibus adhuc pro sua imbecillitate huiusmodi opus est temperantia.

Hæc illi de quibus agebam norunt & tenent : Christiani sunt enim, non hæretici : intelligunt Scripturas secundum Apostolicam disciplinam, non secundum superbum & com-

^b Sic enim
incipit
Epistola quam
fundamenti
appellabāt:
manichæus
Apostolus
Iesu Chri-
sti, &c.
1. Cor. 6. 12.

mentitum nomen Apostolatus * : vbi non manducantem nemo
incipit *Epist. quam* *fundamentum* *appellabatur* *manichæus* *Apostolus* *Iesu Christi,* &c.
L. Cor. 6. 13. spernit, manducantem nemo indicat : qui infirmus est, olus mandu-
cat. Multi tamen firmi propter infirmos idem faciunt : mul-
tis non est causa ista faciendi, sed quoddam viliori victu vivere
placet, minimèque sumptuoso corporis sustentaculo ætatem
tranquillissimam ducere. *Omnia enim mihi licita sunt,* inquit,
sed ego non redigar sub potestate vllius. Ira multi neque vescun-
tur carnibus, neque tamen eas immundas supersticiosè pu-
tant. Itaque iidem ipsi, qui sani temperant, si ratio valetudi-
nis cogat, ægroti sine vlla formidine accipiunt. Multi vinum
non bibunt, nec tamen eo se coinquinari arbitrantur : nam
& quibusdam languidioribus, & prorsus omnibus qui sine
illo nequeunt salutem corporis obtinere, humanissimè ac
modestissimè præberi faciunt. Et stultè nonnullos recusantes,
fraternè admonent, ne vana superstitione debiliores ci-
tius quàm sanctiores fiant. Legunt eis Apostolum discipulo
1 Tim. 5. 23. præcipientem, *ut aliquantum vini sumat propter frequentes infir-*
mitates suas. Ita pietatem sedulo exercent : corporis verò exer-
1 Tim. 4. 8. *citationem,* ut ait idem Apostolus, *ad exiguum tempus pertinere*
noverunt. Continent se igitur ij qui possunt, qui tamen sunt
innumerales, & à carnibus & à vino duas ob causas :
vel propter fratrum imbecillitatem, vel propter suam liber-
tatem. Charitas præcipuè custoditur : charitati victus, cha-
ritati sermo, charitati habitus, charitati vultus aptatur : coi-
tur in vnā conspiraturque charitatem : hanc violare tan-
quam Deum nefas ducitur : huic si quis resistit, expugna-
tur atque eiicitur : hanc si quis offendit, vno die durare
non sinitur. Sciunt ita commendatam esse à Christo & Apo-
stolis, ut si hæc vna absit, inania : si hæc adsit, plena sint om-
nia.

Cap. XXXIV.
 De maiorū
 Christiano-
 rum moribus
 non vitupe-
 randam Ec-
 clesiam.

ISTIS Manichæi si potestis obstitite, istos intuemini, istos sine mendacio, si audetis, & cum contumelia nominare: istorum ieiuniis vestra ieiunia, castitati castitatem, vestitum vestitui, epulas epulis, modestiam modestiæ, charitatem denique charitati, & quod res maximè postulat, præceptis præcepta conferte. Iam videbitis quid inter ostentationem & sinceritatem, inter viam rectam & errorem, inter fidem atque fallaciam, inter robur & tumorem, inter beatitudinem & miseriam, inter unitatem & confissionem, postremò quid inter

superstitionis fœnas, & portum religionis interfit. Nolite mihi colligere professores nominis Christiani, nec professionis suæ vim aut scientes aut exhibentes. Nolite confectari turbas imperitorum, qui vel in ipsa vera religione superstitioni sunt, vel ita libidinibus dediti, ut obliti sint quicquid promiserint Deo. Noui multos esse sepulcrorum & picturarum adoratores: noui multos esse, qui luxuriosissimè super mortuos bibant, & epulas cadaueribus exhibentes, super sepultos seipsos sepeliant, & voracitates ebrietatèsque suas deputent religioni. Noui multos esse, qui renunciauerunt verbis huic sæculo, & se omnibus huius sæculi molibus opprimi velint, oppressique lætentur. Nec mirum est in tanta copia populorum, quòd non vobis desint, quorum vita vituperata decipiatis incautos, & à Catholica salute auertatis, cum in vestra paupertate * magnas patiamini angustias, dum à vobis exigitur vel vnus ex iis quos electos vocatis, qui præcepta illa ipsa custodiat, quæ irrationabili superstitione defenditis. Sed & illa quàm vana sint, quàm noxia, quàm sacrilega, quemadmodum à magna parte vestrum, atque adeò penè ab omnibus vobis non obseruentur, alio volumine ostendere institui. Nunc vos illud admono, ut aliquando Ecclesiæ Catholicæ maledicere desinatis, vituperando mores hominum, quos & ipsa condemnat, & quos quotidie tanquam malos filios corrigere studet. Sed qui, unque illorum bona voluntate Deique auxilio corriguntur, quod amiserant peccando, pœnitendo recuperant. Qui autem voluntate mala in pristinis vitiis perseuerant, aut etiam addunt grauiora prioribus, in agro quidem Domini sinuntur esse, & cum bonis seminibus crescere, sed veniet tempus quo zizania separentur. Aut si iam propter ipsum Christianum nomen magis in palea quàm in spinis esse arbitrandi sunt, veniet etiam qui arcam purget, & à frumentis paleam separet, & singulis partibus pro suo cuiusque merito, quod oportet, summa æquitate distribuat.

* al. paucitate.

Mat. 13. 30.

Mat. 3. 12.

Vos interea quid fruitis, quid exexamini studio partium? Quid tanti erroris longa defensione implicamini? Fruges in agro, frumenta in area quærite: apparebunt facillè, seque offerent ipsa quærentibus. Quid nimis in purgamenta

Cap. xxv.
Manichæi
damnant
matrimo-
nia & pos-
sessiones.

oculos intenditis? Quid ab opimi horti vbertate imperitos homines sepium asperitate terretis? Est certus aditus, quamvis paucioribus notus, qua possit intrari, quem vos aut esse non creditis, aut inuenire non vultis. Sunt in Ecclesia Catholica innumerabiles fideles, *qui hoc mundo non utantur, sunt qui vuantur sicut non videntes*, ut ab Apostolo dicitur quod illis temporibus iam probatum est, quibus ad idolorum cultum Christiani cogebantur. Quot enim tunc perniciosi homines, quot patres familias rusticani, quot negotiatores, quot militares, quot primates urbium suarum, quot denique senatores, utriusque sexus, hæc omnia vana & temporalia relinquentes, quibus vique quamvis vterentur, non detinebantur, mortem pro salubri fide ac religione subierunt, demonstraueruntque infidelibus à se potius illa omnia, quam se ab eis esse possit. *foris, & peccatosi.*

Quid calumniamini, quòd fideles ac iam baptismate renouati, procreate filios, & agros ac domos pecuniâ neque ullam possidere non debeant? Permittit hoc Paulus. Nam quod negari non potest, fidelibus scripsit, post multorum quippe vitiolorum enumerationem, qui regnum Dei non possidebunt: *1. Cor. 6. 11. Et hæc quidem fuistis, inquit, sed abluti estis, sed sanctificati estis, sed iustificati estis in nomine Domini IESV CHRISTI, & in spiritu Dei nostri.* Ablutos proculdubio, & sanctificatos nemo nisi fideles, & eos qui huic mundo renunciauerint, intelligere audebit. Sed quoniam ostendit quibus scripserit, videamus verum his illa permittat. Ita enim sequitur: *Omnia mihi licita sunt, sed non omnia expediunt: Omnia mihi licita sunt, sed ego sub nullius redigar potestate. Escæ ventri, & venter escæ, Deus autem & hæc & hunc destruet. Corpus autem non fornicationi, sed Domino, & Dominus corpori. Deus verò suscitauit Dominum, & nos quoque suscitabit per virtutem suam. An nescitis quoniam corpora vestra membra Christi sunt? Tollens ergo membra Christi, efficiam membra meretricis? Absit. An nescitis, quoniam qui adhæret meretrici, unum corpus efficitur? Erunt enim, inquit, duo in carne una, Qui autem adhæret Domino, unus spiritus est. Fugite fornicationem. Omne peccatum quodcumque fecerit homo, extra corpus est: qui autem fornicatur, in corpus inuenit peccat. An nescitis quoniam membra vestra templum est Spiritus sancti, qui in vobis est,*

bius est, quem habetis à Deo, & non estis vestri? Empli enim essu pressio magno, glorificate & portate Deum in corpore vestro. De quibus autem scripsistis mihi, Bonum est homini mulierem non tangere: propter incontinentiam autem unusquisque uxorem suam habeat, & unaquaque virum suum habeat. Vxori vir debitum reddat, similiter autem & uxor viro. Mulier sui corporis potestatem non habet, sed vir, similiter autem & vir sui corporis potestatem non habet, * sed mulier. Nolite frandare inuicem, nisi forte ex consensu ad tempus, ut vacetis orationi: & iterum reuertimini in idipsum, ne vos teneat satanas propter intemperantiam vestram. Hoc autem dico secundum indulgentiam, non secundum imperium. Volo autem omnes homines esse sicut meipsum, sed unusquisque proprium habet donum à Deo, alius quidem sic, alius vero sic.*

1. Cor. 7.1

al.*habeat.

al.*habeat.

Satisne vobis videtur Apostolus & fortibus demonstrasse quid summum sit, & imbecillioribus permisisse quod proximum est? Nam non attingere mulierem, summum ostendit esse, cum ait, *Vellem omnes homines esse sicut meipsum.* Huic autem summo conjugalis castitas proxima est, ne homo fornicatione vastetur. Nunquid propterea istos dixit adhuc fideles non esse, quia coniugibus utuntur? Quandoquidem hac castitate coniugij, & ex se inuicem ipsos qui coniuncti sunt, si alter eorum fuerit infidelis, & eam quæ inde nascitur prolem sanctificari dixit: *Sanctificatus est enim, inquit, viri fidelis in muliere fidelis; & sanctificata est mulier infidelis per virum fidelem: alioquin filij vestri immundi essent, nunc autem sancti sunt.* Quid obstrepitis pertinaciâ tantæ veritati? Quid lacem Scripturarum vanis umbris obnubilare conamini? Nolite iam dicere Catechumenis licere uti coniugibus, fidelibus autem non licere: Catechumenis licere habere pecuniam, fidelibus autem non licere. Nam & multi sunt qui *viuantur tanquam non videntes.* Et illo sacrosancto lauacro inchoatur innovatio noui hominis, ut proficiendo perficiatur, in aliis citius, in aliis tardius: à multis tamen proceditur in nouam vitam, si quisquam non inimicè, sed diligenter intendit. Ipse quippe, sicut ait Apostolus, *Et si exterior homo noster*

1. Cor. 4.19.

corrumpitur, sed interior renouatur de die in diem. Apostolus de die in diem interiorem hominem renouari dicit ut perficiatur, & vos à perfectione vultis incipiat: Quod utinam veli-

ris. Sed queritis potiùs, non unde erigatis inualidos, sed unde fallatis incautos. Hoc enim non debuiltis tantà dicere audacià, nec si vos in eis ipsis nugatoriis mandatis vestrìs perfectos esse constaret. Cum verò nouerit vestra conscientia eos quos in sectam vestram introducitis, cum vobis familiaris iungi cœperint, multa inuenturos quæ in vobis esse cum alios accusaretis, nemo suspicabatur: quæ tandem impudentia est, perfectionem in Catholicis imbecillioribus querere, ut inde imperitos auertas, & eam nullo modo apud te iis quos auerteris exhibere? Sed ne quid in vos temerè iam videamur effundere, iste sit huius voluminis modus, ut ad demonstranda præcepta vitæ vestræ, morèsq; memorabiles aliquando veniamus.



S A N C T I
AVRELII AVGVSTINI
ENCHIRIDION
DE FIDE, SPE, ET CHARITATE,
Ad Laurentium vrbis Romæ Primicerium.

Argumentum huius libri ex secundo libro Retract. c. 63.



CRIPSI etiam librum De fide, spe & charitate, cum à me ad quem scriptus est postulasset, ut aliquod Opusculum haberet meum de suis manibus non recessurum; quod genus Græci enchiridion vocant. Vbi satis diligenter mihi videor esse complexus, quomodo sit colendus Deus, quam sapientiam esse hominis utique veram divina scriptura definit. Hic liber sic incipit:

DICI non potest, dilectissime fili LAURENTI, quantum tua eruditione delecter, quantumque te cupiam esse sapientem, non ex eorum numero de quibus dicitur: *Vbi sapiens, ubi scriba, ubi conquisitor huius seculi? Nonne stultam fecit Deus sapientiam huius mundi?* Sed ex eorum numero de quibus dictum est: *Multitudo sapientum sanitas est orbis terrarum.* Et quales vult Apostolus fieri, quibus dicit, *Volo autem vos sapientes quidem esse in bono, simplices autem in malo.* Sicut autem nemo à seipso esse potest, ita etiam nemo à seipso sapiens esse potest, sed ab illo illustrante, de quo scriptum est: *Omnis sapientia à Deo est.*

HOMINIS autem sapientia pietas est. Habes hoc in libro sancti Iob: nam ibi legitur, quod ipsa sapientia dixerit

Cap. 1.
Sapientia ex
Scripturis.
1. Cor. 1. 20.

Sap. 6. 16.
Rom 16. 19.

Eccl. 1. 2.

Cap. 18.
Pietas est
sapientia.

F f ij

Iob 13. 18.

homini: *Ecce pietas est sapientia*. Si autem quæras quam dixerit eo loco pietatem, distindis in Græco reperies *θεοσεβειαν*, qui est Dei cultus. Dicitur enim Græcè pietas & aliter, id est, *δυνάμει*, quo nomine significatur bonus cultus, quamvis & hoc præcipuè referatur ad colendum Deum. Sed nihil est commodius illo nomine, quo euidenter Dei cultus expressus est, cum quid esset hominis sapientia diceretur. Quærisne aliquid dici breuius, qui petis à me ut breuiter magna dicantur? An hoc ipsum tibi fortasse desideras breuiter aperiri, atque in sermonem colligi breuem, quonam modo sit colendus Deus?

Cap. III.
Cultus di-
minus qui-
bus conijlet.

Hic si respondero, fide, spe, charitate colendum Deum, profectò dicturus es, breuius hoc dictum esse quàm velis, ac deinde petiturus ea tibi breuiter explicari, quæ ad singula tria ista pertineant, quid credendum scilicet, quid sperandum, quid amandum sit. Quod cum fecero, ibi erunt omnia illa quæ in Epistola tua querendo posuisti. Cuius exemplum si est penes te, facile est ut ea reuoluas & relegas: si autem non est, commemorante me recolas.

Cap. IV.
Ratio & fi-
dei.

Vides enim tibi, ut scribis, librum à me fieri, quem Enchiridion (ut dicunt) habeas, & de tuis manibus non recedat: continens postulata, id est, quid sequendum maximè, quid propter diuersas principaliter hæreses sit fugiendum: in quantum ratio pro religione contendat, vel quid in ratione, cum fides sit sola*, non conueniat: quid primum, quid vltimum teneatur: quæ totius definitionis summa sit: quod certum propriumque fidei Catholicæ fundamentum. Hæc autem omnia quæ requiris proculdubio scies, diligenter sciendo quid credi, quid sperari debeat, quid amari: hæc enim maximè, imò verò sola in religione sequenda sunt. His qui contradicunt, aut omnino à Christi nomine alienus est, aut hæreticus. Hæc sunt defendenda ratione, vel à sensibus corporis inchoata, vel ab intelligentia mentis inuenta. Quæ autem nec corporeo sensu experti sumus, nec mente assequi valui-mus aut valemus, eis sine vlla dubitatione credenda sunt testibus, à quibus ea quæ diuina vocari iam meruit Scripturâ confecta est: qui ea siue per corpus, siue per animum diuinitus adiuti, vel videre, vel etiam prævidere potuerunt.

* forte, cum
fide, si sic
sola.

Cap. V.

Cum autem initio fidei quæ per dilectionem operatur, imbuta

Fundam-
entum fidei.
Gal. 3. 6.

mens fuerit, tendit bene viuendo etiam ad speciem peruenire ubi est sanctis & perfectis cordibus nota ineffabilis pulchritudo, cuius plena visio est summa felicitas. Hoc est nimirum quod requiris, quid primum, quid vltimum teneatur: inchoari fide, perfici specie. Hæc etiam totius definitionis est summa. Cæterum verò propriumque fidei Catholicæ fundamentum, Christus est: *Fundamentum enim aliud*, ait Apostolus, *nemo potest ponere præter id quod positum est, quod est Christus Iesus*. Neque hoc idem negandum est proprium fundamentum esse fidei Catholicæ, quia putari potest aliquibus hæreticis hoc nobiscum esse commune. Si enim diligenter quæ ad Christum pertinent cogitentur, nomine tenus inuenitur Christus apud quoslibet hæreticos, qui se Christianos vocari volunt, re verò ipsa non est apud eos. Quod ostendere nimis longum est, quoniam commemorandæ sunt omnes hæreses siue quæ fuerunt siue quæ sunt, siue quæ poterunt esse sub vocabulo Christiano, & quàm sit hoc verum per singulas quæque monstrandum est. Quæ disputatio tam multorum est voluminum, ut etiam infinita videatur.

1. Cor. 3. 11.

Cap. vi.

Tu autem Enchiridion à nobis postulas, id est quod manibus possit altringi, non quod armaria possit onerare. Vrgitur ad illa tria redeamus per quæ diximus colendum Deum, fidem, spem, charitatem, facile est ut dicatur quid credendum, quid sperandum, quid amandum sit. Sed quemadmodum aduersus eorum qui diuersa sentiunt calumnias defendatur, operosioris vberiorisque doctrinæ est. Quæ ut habeatur non breui enchiridio manus debet impleri, sed grandi studio peritus accendi.

NAM ecce tibi est symbolum & Dominica oratio, quid breuius auditur aut legitur? quid facilius memoriæ commendatur? Quia enim de peccato graui miseria premebatur genus humanum, & diuina indigebat misericordia, gratiæ Dei tempus Propheta præuidens ait: *Et eris, Omnis quicumque inuocauerit nomen Domini saluus erit*: propter hoc Dominica oratio. Sed Apostolus cum ad ipsam gratiam commendandam hoc propheticum commemorasset testimonium, continuò subiicit: *Quomodo autem inuocabunt in quem non crediderunt?* propter hoc symbolum. In his duobus tria illa intuerentur? Fides credit, spes & charitas orant. Sed sine fide esse non

Cap. vii.
Symbolum &
oratio Do-
minica.

Ioel 2. 32.

Rom. 10. 14.

possunt, ac per hoc & fides orat. Propterea quippe dictum est,
Quomodo innocabunt, in quem non creaserant?

Cap. viii.
 Fides, spes,
 charitas.

QVI D autem sperari potest quod non creditur? Porro etiam aliquid quod non speratur, credi potest. Quis nanque fidelium poenas non credit impiorum, nec sperat tamen? Et quisquis eas imminere sibi credit ac fugaci mori animi exhorret, rectius timere dicitur quam sperare. Quæ duo Lucas distinguens ait;

Licet sperare timenti.

Non autem ab alio Poëta quamuis meliore propriè dictum est.

Hunc ego si potui tantum sperare dolorem.

Denique nonnulli in arte grammatica verbi huius vtuntur exemplo ad ostendendam improptiam distinctionem, & aiunt: *Sperare* dixit, pro *timere*. Est itaque fides & malarum rerum & bonarum: quia & bona creduntur & mala, & hoc fide bona, non mala. Est etiam fides & præteritarum rerum, & præsentium & futurarum. Credimus enim mortuum Christum, quod iam præterit. Credimus sedere ad dexteram Patris, quod nunc est. Credimus venturum ad iudicandum viuos & mortuos, quod futurum est. Item fides & suarum rerum est & alienarum. Nam & se quisque credit aliquando esse cœpisse, nec fuisse utique sempiternum, & alia atque alia: nec solum de alii. hominibus multa, quæ ad religionem pertinent, verum etiam de Angelis credimus. Spes autem non nisi bonarum rerum est, nec nisi futurarum, & ad eum pertinentium qui earum spem gerere perhibetur. Quæ cum ita sint, propter has causas distinguenda erit fides à spe: sicut vocabulo, ita & rationabili differentia. Nam quod attinet ad non videre, siue quæ creduntur, siue quæ sperantur, fidei speique commune est. In Epistola quippe ad Hebræos, qua teste vti sunt illustres Catholice regulæ defensores, fides esse dicta est conuictio rerum quæ non videntur. Quamuis quando se quisque non verbis, non rebus, non denique vllis argumentis, sed præsentium rerum euidentiæ scit credidisse, hoc est, fidem accommodasse, non ita videtur absurdum, ut rectè reprehendatur in verbo, eique dicatur: Vidisti, ergo non credidisti. Vnde putari potest non esse consequens, ut non videatur res quæcunque creditur: sed melius hanc appellamus fidem quam diuina eloquia docuerunt, earum sc-

Hebr. xi. i.

hæc rerum quæ non videntur. De spe quoque ait Apostolus: *Rom. 8. 24.*
Spes quæ videtur, non est spes. Quod enim videt quis, quid sperat? Si
autem quod non videmus speramus, per patientiam expectamus.
 Cum ergo bona nobis futura esse creduntur, nihil aliud quàm
 sperantur. Iam de amore quid dicam, sine quo fides nihil
 prodest: Spes verò sine amore esse non potest. Denique, ut ait
 Apostolus Iacobus. *Et daemones credunt, & contremiscunt:* nec
 tamen sperant vel amant, sed potiùs quod speramus & ama- *Iac. 2. 19.*
 mus credendo venturum esse formidant. Propter quod A- *Gal 5. 6.*
 postolus Paulus, *fidem quæ per dilectionem operatur*, approbat at-
 que commendat, quæ utique sine spe esse non potest. Proinde
 nec amor sine spe est, nec sine amore spes, neque utrumque si-
 ne fide.

Cum ergo quaeritur, quid credendum sit quod ad religio- *Cap. 17.*
 nem pertineat, non rerum natura ita rimanda est, quemad- *Quid credi-*
 modum ab eis quos Physicos Græci vocant; nec metuen- *dum Chri-*
 dum est quemadmodum ab eisdem, ne aliquid de vi & nu- *sti. 18.*
 mero elementorum, de motu atque ordine & defectibus si-
 derum, de figura cæli, de generibus & naturis animalium,
 fructuum, lapidum, fontium, fluminum, montium, de spatiis
 locorum & temporum, de signis imminantium tempestatum,
 & alia sexcenta de iis rebus quas illi vel inuenerunt vel in-
 uenisse se existimant: Christianus ignoret: quia nec ipsi om-
 nia repererunt tanto excellentes ingenio, flagrantes studio,
 abundantes otio, & quædam humana coniectura inuestigan-
 tes, quædam verò historica experientia perscrutantes, & in eis
 quæ se inuenisse gloriantur, plura opinantes potiùs quàm
 scientes. Satis est Christiano rerum creatarum causam, siue
 cælestium, siue terrestrium, siue visibilium, siue inuisibilium,
 non nisi bonitatem credere Creatoris, qui vnus & verus est
 Deus: nullamque esse naturam quæ non aut ipse sit, aut ab ip-
 so: eumque esse Trinitatem, Patrem scilicet & Filium à Patre
 genitum: & Spiritum sanctum ab eodem Patre procedentem,
 sed vnum eundemque Spiritum & Patris & Filij.

Ab hac summa & æqualiter & immutabiliter bona Trini- *Cap. 1.*
 tate creata sunt omnia, & nec summè nec æqualiter nec im- *Uniuersita-*
 mutabiliter bona, sed tamen bona etiam singula. Simul verò *rum.*
 vniuersa valde bona, quia ex omnibus consistit vniuersitatis
 admirabilis pulchritudo.

Cap. xi.
Mala quare
sint.

IN qua etiam illud quod malum dicitur, bene ordinatum & loco suo positum, eminentius commendat bona, ut magis placeant & laudabilia sint dum comparantur malis. Neque enim Deus omnipotens, quod etiam infideles fatentur, rerum cui summa potestas, cum summè bonus sit, ullo modo sineret mali esse aliquid in operibus suis, nisi usque adeò esset omnipotens & bonus, ut beneficeret etiam de malo. Quid est autem aliud quod malum dicitur, nisi priuatio boni? Nam sicut corporibus animalium nihil est aliud morbis & vulneribus affici, quàm sanitate priuari. Neque enim id agitur cum adhibetur curatio, ut mala ista quæ inerant, id est morbi & vulnera recedant hinc, & alibi sint, sed utique ut non sint. Non enim vlla substantia, sed carnalis substantiæ vitium est vulnus aut morbus: cum caro sit ipsa substantia, profectò aliquod bonum est, cui accidunt ista mala, id est, priuationes eius boni, quod dicitur sanitas: ita etiam & animorum quæcunque sunt vitia, naturalium sunt priuationes bonorum. Quæ cum sanantur, non aliquò transferuntur, sed ea quæ ibi erant, nusquam erunt, quando in illa sanitate non erunt.

Cap. xii.
Natura
corruptio.

NATURÆ igitur omnes, quoniam naturarum pro fus omnium summè conditor bonus est, bonæ sunt. Sed quia non sicut earum conditor summè atque incommutabiliter bonæ sunt, idè in eis & minui bonum & augeri potest. Sed bonum minus malum est, quamuis quantumcunque minus est, remaneat aliquid necesse est, si adhuc natura est unde natura sit: neque enim si qualiscunque aut quantulacunque natura est, consumi bonum quod natura est, nisi & ipsa consumatur, potest. Meritò quippe natura incorrupta laudatur. Porro si & incorruptibilis sit, quæ corrumpi omnino non possit, multo est proculdubio laudabilior. Cum veò corrumpitur, idè malum est eius corruptio, quia eam quæcunque priuare bono: nam si nullo bono priuat, non nocet: nocet autem auimendo bonum. Quamdiu itaque natura corrumpitur, non est ei bonum quo priuetur: ac per hoc si naturæ aliquid remanebit quod iam corrumpi nequeat, profectò natura incorruptibilis erit, & ad hoc tam magnum bonum corruptio non pertinet. At * si corrumpi non desinet, nec bonum utique habere desinet, quo eam possit priuare corruptio. Quamlibet priuatus

al. • Et

tus totamque consumpserit, idèd nullum bonum inerit, quia natura nulla erit. Quocirca bonum consumere non potest corruptio, nisi consumendo naturam. Omnis ergo natura bonum est, magnum si corrumpi non potest, paruum si potest: negari tamen bonum esse nisi stultè atque imperitè prorsus non potest. Quæ si corruptione consumitur, nec ipsa corruptio remanebit, nulla ubi esse possit subsistente natura.

A c per hoc nullum est quod dicitur malum, si nullum sit bonum: sed bonum omni malo carens, integrum bonum est. Cui verò inest malum, vitiatum vel vitiosum bonum est: nec malum vnquam potest esse vllum, vbi bonum est nullum. Vnde res mira conficitur, vt quia omnis natura, inquantum natura est, bonum est: nihil aliud dici videatur, cum vitiosa natura mala esse natura dicitur, nisi malum esse quod bonum est; nec malum esse, nisi quod bonum est, quia omnis natura bonum est: nec res aliqua mala esset, si res ipsa quæ mala est, natura non esset. Non igitur potest esse malum, nisi aliquod bonum. Quod cum dici videatur absurdè, connexio tamen ratiocinationis huius velut ineuitaliter nos cõpellit hoc dicere. Et cauendum est ne incidamus in illam sententiam propheticam, vbi legitur; *Ve is qui dicunt quod bonum est malum, & quod malum est bonum: qui dicunt dulce amarum, & amarum dulce: qui dicunt tenebras lucem, & lucem tenebras.* Et tamen Dominus ait, *Malus homo de malo thesauro cordis sui profert mala.* Quid est autem malus homo, nisi mala natura: quia homo, natura est? Porro si homo aliquod bonum est, quia natura est, quid est malus homo, nisi malum bonum? Tamen cum duo ista discernimus, inuenimus nec idèd malum quia homo est, nec idèd bonum quia iniquus est: sed bonum quia homo, malum quia iniquus. Quisquis igitur dicit, malum est hominem esse, aut quod bonum est iniquum esse, ipse incidit in propheticam illam sententiam: *Ve is qui dicunt quod bonum est malum, & quod malum est bonum.* Opus enim Dei culpat quod est homo, & vitium hominis laudat quod est iniquitas. Omnis itaque natura etiam si vitiosa est, inquantum natura est, bona est: inquantum vitiosa est, mala est.

Cap. xi. n.
Quomodo
idm malū
sit & bonū.

Isa. i. 10.

Matt. 13. 35.

Isa. i. 10.

Cap. xiv.

QVAPROPTER in iis contrariis, quæ mala & bona vo-

Gg

Contraria.

cantur, illa dialecticorum regula deficit, qua dicunt, Nulli rei duo simul inesse contraria. Nullus enim aer simul est & tenebrosus & lucidus: nullus cibus aut potus simul dulcis est & amarus: nullum corpus simul ubi album, ibi & nigrum: nullum simul ubi deforme, ibi & formosum. Et hoc in multis ac penè in omnibus contrariis reperitur, ut in una re simul esse non possint. Cum autem bona & mala nullus ambigat esse contraria, non solum simul esse possunt, sed etiam mala omnino sine bonis, & nisi in bonis esse non possunt, quamvis bona sine malis esse possint. Potest enim homo vel Angelus non esse iniustus: iniustus autem non potest esse nisi homo vel Angelus: & bonum, quod homo: bonum, quod Angelus: malum, quod iniustus. Et hæc duo contraria ira simul sunt, ut si bonum non esset, in quo malum esset, prorsus nec malum esse potuisset: quia non modò ubi consisteret, sed unde oriretur corruptio non haberet, nisi esset quod corrumpetur: quod nisi bonum esset, nec corrumpetur: quoniam nihil est aliud corruptio, quàm boni exterminatio. Ex bonis igitur mala orta sunt, & nisi in aliquibus bonis non sunt; nec erat aliàs unde oriretur vlla mali natura: nam si esset, inquantum natura esset, profectò bona esset: & aut incorruptibilis natura magnum esset bonum, aut etiam natura corruptibilis nullo modo esset, nisi aliquod bonum, quod bonum corrumpendo posset ei nocere corruptio.

*Cap. xv.**Quomodo
mala ex
bonis.**Matt. 7. 18.*

Sed cum mala ex bonis orta esse dicimus, non putetur hoc Dominicæ sententiæ refragari, qua dicit: *Non potest arbor bona fructus malos facere. Non potest enim*, sicut Veritas dicit, *colligi vna de spinis*, quia non potest vna nasci de spinis. Sed ex bona terra & vires nasci posse videmus & spinas. Et eodem modo tanquam arbor mala fructus bonos, id est, opera bona, non potest facere voluntas mala. Sed ex bona hominis natura oriri voluntas & bona potest & mala. Nec fuit prorsus unde primèus oriretur voluntas mala, nisi ex Angeli & hominis natura bona. Quod & ipse Dominus eodem loco, ubi de arbore & fructibus loquebatur, apertissimè ostendit. Ait enim: *Aut facite arborem bonam & fructum eius bonum; aut facite arborem malam & fructum eius malum*: satis admonens ex arbore quidem bona malos, aut ex mala bonos nasci fructus non pos-

Mat. 17. 33.

se : ex ipsa tamen terra, cui loquebatur, vtramque arborem oriri posse.

Quæ cum ita sint, quando nobis Maronis ille versus

Cap. xvij.
Felicitas
vra.
Georg. l.

Felix qui potuit rerum cognoscere causas:

Non nobis videatur ad felicitatem consequendam pertinere, si sciamus causas magnarum in mundo corporalium motionum, quæ abditissimis naturæ sinibus occulantur,

Vnde tremor terræ, quæ vi maria alta tumescant,

Obicibus ruptis, rursusque in seipsa residunt.

Et cætera huiusmodi : sed bonarum & malarum rerum causas nosse debemus. Et id hætenus quatenus eas homini in hac vita erroribus ærumnisque plenissima, ad eisdem errores, & ærumnas euadendas nosse conceditur. Ad illam quippe felicitatem tendendum est, ubi nulla quatiāmur ærumna, nullo errore fallamur : nam si causæ corporalium motionum noscendæ nobis essent, nullas magis nosse quàm nostræ valetudinis deberemus. Cum verò eis ignoratis, medicos quærimus, quis non videat quod de secretis cæli & terræ nos latet, quanta sit patientia nesciendum.

Quamvis enim error quanta possumus cura cauendus

Cap. xviii.
Error quid
sit.

sit, non solum in maioribus, verumetiam in minoribus rebus, nec nisi rerum ignorantia possit errari : non est tamen consequens, ut continuò errer quisquis aliquid nescit, sed quisquis se existimat scire quod nescit : pro vero quippe approbat falsum, quod est erroris proprium. Veruntamen in qua re quisquis errer, interest plurimum : nam in vna eademque re & nescienti sciens, & erranti non errans, recta ratione præponitur. In diuersis autem rebus, id est cum iste sciat alia, ille alia : & iste utiliora, ille minus utilia vel etiam noxia : quis non in eis quæ ille scit, ei præferat nescientem ? sunt enim quedam quæ nescire quàm scire sit melius. Itemque nonnullis errare profuit aliquando, sed in via pedum, non in via morum. Nam nobis ipsi accidit, ut in quodam biuio falleremur, & non iremus per eum locum, ubi opperens transitum nostrum Donatistarum manus armata subfederat : atque ita factum est, ut eò quò tendebamus, per deuium circuitum veniremus : cognitisque insidiis illorum, nos gratularemur errasse, atque inde gratias ageremus Deo. Quis ergo viato-

tem sic errantem sic non erranti lattoni præponere dubitaue-
rit : Et fortasse idem apud illum summum Poëtam loquens
quidam miser amator :

Ecloga 2.

Vt vidi, inquit, vespere, vt me malus abstulit error.

Quoniam est & error bonus, qui non solum nihil obsit, ve-
rum etiam prosit aliquid. Sed diligentius considerata verita-
te, cum nihil sit aliud errare, quam verum putare quod fal-
sum est, falsumque quod verum est : vel certum habere pro
incerto, incertumve pro certo; siue falsum, siue sit verum : id-
que tam sit in animo deforme atque indecens, quam pul-
chrum ac decorum esse sentimus, vel in loquendo, vel in as-
sentiendo *est est, non non*; profecto & ob hoc ipsum est vita
ista misera qua viuimus, quod ei nonnunquam vt non amit-
tatur, error est necessarius. Absit vt talis sit illa vita, vbi est
animæ nostræ ipsa veritas vita, vbi nemo fallit, fallitur nemo.
Hic autem homines fallunt atque falluntur, miseriorésque
sunt, cum mentiando fallunt, quam cum mentientibus cre-
dendo falluntur. Vsq; adeo tamen rationalis natura refu-
git falsitatem, & quantum potest deuitat errorem, vt falli no-
lint etiam quicumque amant fallere. Non enim sibi qui men-
titur videtur errare, sed alium in errorem mittere credentem
sibi : & in ea quidem re non errat quam mendacio contegit, si
nouit ipse quid verum sit : sed in hoc fallitur, quod putat sibi
suum non obsesse mendacium, cum magis facienti quam pa-
tienti obsit omne peccatum.

Cap. LVIII.
Mendaciâ.

VERVM difficillima & latebrosissima hic gignitur quæ-
stio, de qua iam grandem librum cum respondendi necessi-
tas nos vrgeret, absoluimus. Vtrum ad officium hominis
iusti pertineat aliquando mentiri. Nonnulli enim eousque
progrediuntur, vt & peierare, & de rebus ad Dei cultum per-
tinentibus, ac de ipsa Dei natura falsum aliquid dicere, non-
nunquam bonum piumque opus esse, contendunt. Mihi au-
tem videtur peccatum esse quidem omne mendacium, sed
multum interesse quo animo & quibus de rebus quisque
mentiatur. Non enim sic peccat ille qui consulendi, quomo-
do ille qui nocendi voluntate mentitur. Haud verò tantum
nocet qui viatorem mentiando in diuersum iter mittit, quan-
tum is qui viam vitæ, mendacio fallente deprauat. Nemo sanè
mentiens iudicandus est, qui dicit falsum quod putat

verum: quoniam quantum in ipso est, non fallit ipse, sed fallitur. Non itaque mendacij, sed aliquando temeritatis arguendus est, qui falsa incautius credita pro veris habet. Potiusque econtrariò, quantum in ipso est, mentitur ille qui dicit verum, quod putat falsum. Quantum enim ad animum eius attinet, quia non quod sentit hoc dicit, non verum dicit, quamuis verum inueniatur esse quod dicit: nec villo modo liber est à mendacio, qui ore nesciens verum loquitur, sciens autem voluntate mentitur. Non consideratis itaque rebus ipsis de quibus aliquid dicitur, sed sola intentione dicentis, melior est qui nesciens falsum dicit, quoniam id verum putat, quàm qui mentiendi animum sciens gerit, nesciens verum esse quod dicit. Ille namque aliud non habet in animo, aliud in verbo: huic verò qualecunque per seipsum sit quod ab eo dicitur, aliud tamen clausum in pectore, aliud in lingua promptum est: quod malum est proprium mentientis. In ipsarum autem quæ dicuntur consideratione rerum tantum interest, qua in se quisque fallatur siue mentiat, ut cum falli quàm mentiri minus sit malum, quantum pertinet ad hominis voluntatem, tamen longè tolerabilius sit in iis quæ à religione sunt seiuncta, mentiri, quàm in iis sine quorum fide vel notitia Deus coli non potest, falli. Quod ut illustretur exemplis, intueamur quale sit, si quispiam dum mentitur viuere nunciat aliquem mortuum: & alius dum fallitur, credat iterum Christum post quamlibet longa tempora moriturum: nonne illo modo mentiri, quàm isto modo falli incomparabiliter præstat: multoque minoris mali est, in illum errorem aliquem inducere, quàm in istum ab aliquo induci?

In quibusdam ergo rebus magno, in quibusdam paruo, in quibusdam nullo malo, in quibusdam etiam nonnullo bono fallimur. Nam magno malo fallitur homo, cum hoc non credit quod ad vitam ducit æternam: vel hoc credit quod ad mortem ducit æternam. Paruo autem malo fallitur, qui falsum pro vero approbando, incidit in aliquas molestias temporales, quibus tamen adhibita fidelis patientia, conuerit eas in usum bonum. Veluti si quisquam bonum hominem putando qui malus est, aliquid ab eo patiatur mali. Qui verò malum hominem ita bonum credit, ut nihil ab eo patiatur

Cap. xxi.
Fallidi mor-
di vrg.

foris* ma-
lo.
IIa. 3. 20.

mali, nullo modo * fallitur: nec in eum cadit illa prophetica destinatio: *Va g s qui dicunt quod malum est bonum.* De ipsis enim rebus quibus homines mali sunt, non de hominibus dictum intelligendum est. Vnde qui adulterium dicit bonum, rectè arguitur illa voce prophetica. Qui verò ipsum hominem dicit bonum, quem putat callum, & nescit adulterum, non in doctrina rerum bonarum & malarum, sed in occultis humanorum fallitur morum: vocans hominem bonum, in quo putat esse, quod esse non dubitat bonum, & dicens malum adulterum, & bonum callum: sed hunc bonum dicens nesciendo adulterum esse, illum malum, nesciendo callum. Porro si per errorem euadit quisque perniciem, sicut superius dixi nobis in itinere contigisse, etiam aliquid boni homini errore confertur. Sed cum dico in quibusdam rebus nullo malo aliquem, vel nonnullo etiam bono falli, non ipsum errorem dico nullum malum vel nonnullum bonum; sed malum quod non venit, vel bonum quod venit errando, id est ex ipso errore quid non eueniat, vel quid proveniat: nam ipse per se ipsum error aut magnum in re magna, aut paruum in re parua, tamen semper est malum. Quis enim nisi errans malum neget approbare falsa pro veris, aut improbare vera pro falsis, aut habere incerta pro certis, vel certa pro incertis. Sed aliud est bonum hominem putare qui malus est, quod est erroris: & aliud est ex hoc malo aliud malum non pati, si nihil noceat homo malus, qui est putatus bonus. Itemque aliud est ipsam viam putare, quæ non est ipsa, & aliud est ex hoc erroris malo aliquid boni consequi, velut est ab insidiis malorum hominum liberari.

Cap. xx.
quis error
contingit
dnt,

Act. 11. 9.

Excid. 10.

NESCIO sanè verum etiam eiusmodi errores, cum homo de malo homine bene sentit, qualis sit nesciens: aut pro eis quæ per sensus corporis capimus, occurrunt similia, quæ spiritu tanquam corpore, aut corpore tanquam spiritu sentiuntur. Quale putabat esse Apostolus Petrus, quando existimabat se visum videre, repente de claustris & vinculis per Angelum liberatus. Aut in ipsis rebus corporeis lene putatur esse quod asperum est, aut dulce quod amarum est, aut benè olere quod putidum est, aut tonare cum rheda transiit, aut illum esse hominem cum alius sit, quando duo sibi simillimi sunt, quod in geminis sæpe contingit: vnde ait ille, *Gratusque*

parentibus error: & cetera talia etiam peccata dicenda sunt. *al. * sunt.*

Nec quaestio nodosissima, quæ homines acutissimos Academicos torset, nunc mihi enodanda suscepta est, utrum aliquid debeat sapiens approbare, ne incidat in errorem, si pro veris approbaverit falsa, cum omnia (sicut affirmant) vel occulta sint, vel incerta. Vnde tria confeci volumina in initio conversionis meæ, ne impedimento nobis essent, quæ tanquam in ostio contradicebant. Et utique fuerat remouenda inueniendæ desperatio veritatis, quæ illorum videtur argumentationibus roborari. Apud illos ergo error omnis putatur esse peccatum, quod vitari non possit contendunt, nisi omnis suspendatur assensus. Errare quippe dicunt eum quisquis assentitur incertis: nihilque certum esse in hominum visu, propter indiseretam ** similitudinem falsi*, etiam si quod videtur, forte sit verum, acutissimis quidem, sed impudentissimis confutationibus disputant. Apud nos autem *iustus ex* *Ab: c. 1. 4.*

fide vivit. At si tollatur assensus, & fides tollitur: quia sine assensione nihil creditur. Et sunt vera, quamvis non videantur, quæ nisi credantur, ad vitam beatam, quæ non nisi æterna est, non potest perueniri. Cum istis verò utrum loqui debeamus ignoro, qui non solum victuros in æternum, sed in præsentia se vivere nesciunt: imò nescire se dicunt quod nescire non possunt. Neque enim quisquam sinitur nescire se vivere, quandoquidem si non vivit, non potest aliquid scire vel nescire: quoniam non solum scire, verumetiam nescire non nisi viventis est. Sed videlicet non assentiendo quod vivant, ea uere sibi videntur errorem, cum etiam errando conuincantur vivere: quoniam non potest qui non vivit errare. Sicut ergo nos vivere non solum verum, sed etiam certum est: ita verà & certa sunt multa, quibus non assentiri, absit ut sapientia potius quàm dementia nominanda sit.

In quibusdam autem rebus nihil interest ad capeffendum Dei regnum, utrum credantur, an non: vel utrum vera siue sint siue putentur, an falsa: in his errare, id est, aliud pro alio putare, non arbitrandum est esse peccatum: aut si est, minimum esse atque leuissimum. Postremò quaecunque illud & quantumcunque sit, ad illam viam non pertinet, qua imus ad Deum: quæ via fides est Christi, *quæ per dilectionem operatur.* *Cap. xxi. Error imaginis xxi.* *Galat. 5. 6.*

4^{ta}. 12. 9.

Gen. 37. 33.

ille parentibus etror : aut ab hac via deuiabat Apostolus Petrus , quando se existimans visum videre , aliud pro alio sic putabat , vt à corporum imaginibus , in quibus se esse arbitrabatur , vera , in quibus erat , corpora non dignosceret , nisi cum ab illo Angelus , per quem fuerat liberatus , abscessit : aut ab hac via deuiabat Iacob Patriarcha , quando viuentem filium à bestia credebatur occisum . In his atque huiusmodi falsitatibus , salua fide , quæ in Deum nobis est , fallimur : & via non relicta , quæ ad illum nos ducit , erramus : qui errores etiam si peccata non sunt , tamen in malis huius vitæ deputandi sunt : quæ ita subiecta est vanitati , vt approbentur hic falsa pro veris , respuantur vera pro falsis , teneantur incerta pro certis . Quamuis enim hæc ab ea fide absint , per quam ad veram certamque atque æternam beatitudinem tendimus : ab ea tamen miseria non absunt , in qua adhuc sumus . Nullo modo quippe falleremur in aliquo vel animi vel corporis sensu , si iam vera illa atque perfecta felicitate frueremur .

Cap. xxi.
Omnis mendacium,
peccatum.

PORRO autem omne mendacium idèd dicendum est esse peccatum , quia homo non solum quando scit ipse quid verum sit , sed etiam si quando errat & fallitur sicut homo , hoc debet loqui quod animo gerit : siue illud verum sit , siue putetur & non sit . Omnis autem qui mentitur , contra id quod animo sentit loquitur , voluntate fallendi . Et utique verba propterea sunt instituta , non per quæ se inuicem homines fallant , sed per quæ in alterius quisque notitiam cogitationes suas perferat . Verbis igitur uti ad fallaciam , non ad quod instituta sunt , peccatum est . Nec idèd vllum mendacium putandum est non esse peccatum , quia possumus aliquando alicui prodesse mentiendo . Possumus enim & furando aliquando alicui prodesse , si pauper cui palam datur , sentit commodum , & diues cui clam tollitur , non sentit incommodum : nec idèd tale furtum quisquam dixerit non esse peccatum . Possumus & adulterando prodesse , si aliqua , nisi ad hoc ei consentiatur , appareat amando moritura , & si vixerit poenitendo purganda : nec idèd peccatum tale negabitur adulterium . Si autem meritò nobis placet castitas , quid quæso offendit veritas , vt propter alienam vtilitatem illa non violetur adulterando , & violetur ista mentiendo ? Non idèd mendacium

cium poterit aliquando laudari, quia nonnunquam pro salute quorundam mentimur. Peccatum ergo est, sed veniale, quod benevolentia excusat, & ided fallacia damnat. Plurimum quippe * ad bonum profecisse homines, qui non nisi pro salute hominis inveniuntur, non est negandum: sed in eorum tali profectu meritò laudatur, vel etiam temporaliter remuneratur benevolentia, non fallacia: quæ vt ignoscatur satis est, non vt etiam prædicetur, maximè in heredibus testamenti noui, quibus dicitur: *Sit in ore vestro est est, non non: quod enim amplius est, à malo est.* Propter quod malum, quia subreptè in hac mortalitate non delinit, etiam ipsi coheredes Christi dicunt, *Dimitte nobis debita nostra.*

al. quidē.

Matt. 9. 17.

Matt. 6. 12.

Hic itaque pro huius breuitatis necessitate tractatis, quoniam causæ cognoscendæ sunt rerum bonarum & malarum, quantum viæ satis est quæ nos perducatur ad regnum, vbi erit vita sine morte, sine errore veritas, sine perturbatione felicitas: nequaquam dubitare debemus rerum quæ ad nos pertinent bonarum causam non esse nisi bonitatem Dei: malarum verò ab immutabili bono deficientem boni mutabilis voluntatem, prius Angeli, hominis postea.

Cap. xxix.

Causa bonorum & malorum.

Hoc primum est creaturæ rationalis malum, id est prima priuatio boni: deinde etiam iam nolentibus subintravit ignorantia rerum agendarum, & concupiscentia noxiarum, quibus comites subinferuntur error & dolor: quæ duo mala quando imminetia sentiuntur, ea fugitantis animi motus vocatur metus. Porro animus cum adipiscitur concupita, quamuis perniciofa vel inania, quoniam id errore non sentit, vel delectatione morbida vincitur, vel vana etiam lætitia ventilatur. Ex his morborum non vbertatis, sed indigentia: tanquam fontibus omnis miseria naturæ rationalis emanat.

Cap. xxxi.

Malorum origo.

Quæ tamen natura in malis suis non potuit amittere beatitudinis appetitum. Verum hæc communia mala sunt & hominum & Angelorum pro sua malitia Dei iustitia damnatorum. Sed homo habet & pœnam propriam, qua etiam corporis morte punitus est. Mortis quippe supplicium Dominus ei comminatus fuerat, si peccaret: sic cum munerans libero arbitrio, vt tamen regeter imperio, terteret exitio atque

Cap. xxxv.

Beatitudinis appetitus.

Gcn. 2. 17.

in paradisi felicitate tanquam in vmbra vitæ, vnde iustitia custodita in meliora conscenderet, collocavit.

Cap. xvi.
peccatu
Adam.

HINC post peccatum exul effectus, stirpem quoque suam, quam peccando in se tanquam in radice vitiauerat, pœna mortis & damnatione obstrinxit: vt quicquid proles ex illo & simul damnata per quam peccauerat coniuge, per carnalem concupiscentiam, in qua inobedientiæ pœna similis retributa est, nasceretur, traheret originale peccatum, quo traheretur per errores dolorisque diuersos ad illud extremum cum desertoribus Angelis vitiatoribus & possessoribus & conforribus suis sine fine supplicium. *Sic per unum hominem peccatum intravit in mundum, & per peccatum mors: & ita in omnes homines pertransiit, in quo omnes peccaverunt.* Mundum quippe appellavit eo loco Apostolus vniuersum genus humanum.

ROM. 5. 12.

Cap. xvii.
Pœna primi
peccati
deserit
Angelus.

ITA ergo res se habebant: iacebat in malis, vel etiam volebatur, & de malis in mala præcipitabatur totius humani generis massa damnata: & adiuncta parti eorum qui peccauerunt Angelorum, luebat impiæ desertionis dignissimas pœnas. Ad iram quippe Dei pertinet iustam, quicquid cæca & indomita concupiscentia faciunt libenter mali, & quicquid manifestis operis pœnis patiuntur inuiti: non sanè Creatoris desistente bonitate, & malis Angelis subministrare vitam, viuacemque potentiam, quæ subministratio si auferatur, interibunt: & hominum quamuis de propagine vitiata damnataque nascentium formare semina & animare & ordinare membra per temporum ætates, per locorum spatia vegetare sensus, alimenta donare. Melius enim iudicauit de malis bene facere, quàm mala nulla esse permittere. Et si quidem in melius hominum reformationem nullam prorsus esse voluisset, sicut impiorum nulla est Angelorum, nonne merito fieret, vt natura quæ Deum deseruit, quæ præceptum sui Creatoris, quod custodire facillimè posset, sua malè vtens potestate calcauit atque transgressa est, quæ sui in se Creatoris imaginem ab eius lumine contumaciter auersa violauit, quæ salubrem seruitutem ab eius legibus malè libero abruptis arbitrio, vniuersa in æternum defereretur ab eo, & pro suo merito pœnam penderet sempiternam? Planè ita faceret, si tan-

tum iustus non etiam misericors esset, suamque indebitam misericordiam multò euidentius in indignorum potiùs liberatione monstraret.

ANGELIS igitur aliquibus impia superbia deferentibus Deum, & in huius aëris imam caliginem de superna cælesti habitatione deiectis, residuus numerus Angelorum in æterna cum Deo beatitudine & sanctitate permansit. Neque enim ex vno Angelo lapso atque damnato cæteri propagati sunt, vt eos sicut homines originale malum obnoxia successione vinculis obligaret, atque vniuersos traheret ad debitas pœnas: sed eo qui diabolus factus est, cum sociis impietatis elato, & ipsa cum eis elatione prostrato; cæteri piâ obedientia Domino cohæserunt, accipientes etiam quod illi non habuerunt, certam scientiam, qua essent de sua sempiterna & nunquam casura stabilitate securi.

PLACUIT itaque vniuersitatis Creatori atque moderatori Deo, vt quoniam non tota multitudo Angelorum Deum deferendo perierat, ea quæ perierat, in perpetua perditione remaneret: quæ autem cum Deo illa deferente persisterat, de sua certissimè cognita semper futura felicitate securi gauderet: alia verò creatura rationalis, quæ in hominibus erat, quoniam peccatis atque suppliciis, & originalibus & propriis tota perierat, ex eius parte reparata, quod Angelicæ societati ruina illa diabolica minuerat, suppleret. Hoc enim promissum est resurgentibus sanctis, quod erunt æquales Angelis Dei. Itaque superna illa Hierusalem mater nostra ciuitas Dei, nulla ciuium suorum numerositate fraudabitur, sed vberiore etiam copia fortasse regnabit. Neque enim numerum aut sanctorum hominum, aut immundorum dæmonum nouimus, in quorum locum succedentes filij sanctæ matris Ecclesiæ, quæ sterilis apparebat in terris, in ea pace de qua illi ceciderunt, sine vilo temporis termino permanebunt. Sed illorum ciuium numerus, siue qui est, siue qui futurus est, in contemplatione est eius artificis, qui vocat ea quæ non sunt, tanquam ea quæ sunt, atque in mensura & numero & pondere cuncta disponit.

VERVM hæc pars generis humani, cui liberationem Deus regnumque promissit æternum, nunquid meritis operum suorum reparari potest? Absit. Quid enim boni operari potest

Hh ij

Cap. xviii.
Causa de-
ferentia An-
gelorum.
Iob. 4. 18.
1. Pet. 2. 4.
Iuxta 1. 6.

Cap. xxi.
Hominis ppi
suscipit in
locum Ange-
lorum sicut
scriptum.

Luc. 20. 36.
Gal. 4. 16.
V. 12. de ci-
ui. Dei. c. 2.

Isa. 54. 1.

Rom. 4. 24.
Sap. 11. 22.

Cap. xxii.
meritis gra-
tia, liberum
a finitum.

perditus, nisi quantum fuerit à perditione liberatus? Nunquid libero voluntatis arbitrio? Et hoc absit: nam libero arbitrio malè vtens homo, & se perdidit & ipsum. Sicut enim qui se occidit, vtique viuendo se occidit, sed se occidendo non viuuit, nec seipsum potest resuscitare cùm occiderit: ita cùm libero peccaretur arbitrio, victore peccato amissum est

1. Petri 1. 19. & liberum arbitrium: à quo enim quis deuictus est, huic & seruus

addictus est. Petri certè Apostoli est ista sententia. Quæ cùm veta sit, qualis, quæso, potest serui addicti esse libertas, nisi quando eum peccare delectat? Liberaliter enim seruit, qui sui domini voluntatem libenter facit. Ac per hoc ad peccandum liber est, qui peccati seruus est. Vnde ad iustè faciendum liber non erit, nisi à peccato liberatus, esse iustitiæ cœperit

seruus. Ipsa est veta libertas propter recti facti licentiam*: simul & pia seruitus propter præcepti obedientiam. Sed ista libertas ad benefaciendum vnde erit homini addicto & vendito, nisi redimat ille cuius illa vox est: *Si vos filius liberauerit,*

Ioan. 8. 36. *tunc verè liberi eritis?* Quod antequam fieri in homine incipiat, quomodò quisquam de libero arbitrio in bono gloriatur opere, qui nondum libet est ad operandum bene, nisi se vana superbia inflatus extollat, quam cohibet Apostolus dicens:

Eph. 1. 8. *Gratia salui facti estis per fidem?*

Cap. xxxi. Et ne ipsam saltem fidem sic sibi homines arrogarent, vt
Fides. non intelligerent diuinitus esse donatam, sicut idem Aposto-
1. Cor. 7. 25. lus alio loco dicit, se vt fidelis esset misericordiam consecutum: hinc quoque adiunxit atque ait: *Et hoc non ex vobis, sed*

Eph. 2. 10. *Dei donum est, non ex operibus, ne fortè quis extollatur.* Et ne putarentur fidelibus bona opera defutura, rursus adiecit: *Ipsi enim sumus sumentum creati in CHRISTO IESV in operibus bonis, quæ preparauit Deus, vt in illis ambulemus.* Tunc ergo efficimur verè libeti, cùm Deus nos fingit, id est, format, & creat, non vt homines, quod iam fecit, sed vt boni homines simus, quod nunc gratia sua facit: vt simus in CHRISTO IESV noua creatura, secundum quod dictum est: *Cor mundum crea in me Deus.* Neque enim cor eius quantum pertinet ad naturam cordis humani, non iam creauerat Deus, sed renouationem animæ demorantis in corde Propheta postulat.

Cap. xxxii. ITEM ne quisquam etiam non de operibus, de ipso gloriatur
Bona volū- libero arbitrio voluntatis, tanquam ab ipso incipiat meritum,
tas à Deo.

eui tanquam debitum reddatur præmium bene operandi, ipsa libertas, audiat eundem gratiæ præconem dicentem: *Deus est enim qui operatur in vobis & velle & operari pro bona voluntate.* Et alio loco: *Igitur non volentis neque currentis, sed miserentis est Dei.* Cum proculdubio si homo eius ætatis est ut ratione iam utatur, non possit credere, sperare, diligere nisi velit, nec peruenire ad palmam supernæ vocationis Dei, nisi voluntate cucurrerit. Quomodo ergo non volentis neque currentis, sed miserentis est Dei, nisi quia & ipsa voluntas, sicut scriptum est, à Deo preparatur? Alioquin si propterea dictum est, *Non volentis neque currentis, sed miserentis est Dei*: quia ex utroque fit, id est ex voluntate hominis, & misericordia Dei: ut sic dictum accipiamus, *Non volentis, neque currentis, sed miserentis est Dei*: tanquam diceretur, non sufficit sola voluntas hominis, si non sit etiam misericordia Dei. Non ergo sufficit sola misericordia Dei, si non sit etiam voluntas hominis: ac per hoc si rectè dictum est, non volentis hominis, sed miserentis est Dei, quia id voluntas hominis sola non implet, cur non & econtrariò rectè dicitur, non miserentis est Dei, sed volentis est hominis, quia id misericordia Dei sola non implet? Porro si nullus Christianus dicere audebit, non miserentis est Dei, sed volentis est hominis, ne Apostolo apertissimè contradicat: restat ut propterea rectè dictum intelligatur, non volentis neque currentis, sed miserentis est Dei, ut totum Deo detur, qui hominis voluntatem bonam & præparat adiuuandam, & adiuuat præparatam. Præcedit enim bona voluntas hominis multa Dei dona, sed non omnia: quæ autem non præcedit ipsa, in eis est & ipsa. Nam utrumque legitur in sanctis eloquiis: *Et misericordia eius præueniet me: Et misericordia eius subsequetur me.* Nolentem præuenit ut velit, volentem subsequitur ne frustra velit. Cur enim admonemur orare pro inimicis nostris utique nolentibus piè viuere, nisi ut Deus in illis operetur ut velint? Item cur admonemur petere ut accipiamus, nisi ut ab illo fiat quod volumus à quo factum est ut velimus? Oramus ergo pro inimicis nostris ut misericordia Dei præueniat eos, sicut præuenit & nos: oramus autem pro nobis, ut misericordia eius subsequatur nos.

TENEBA TUR itaque iusta damnatione genus humanum, & omnes erant iræ filij, de qua ita scriptum est: *Quoniam*

phil. 2. 13.
Rom. 9. 16.

phil. 1. 14.

prou. 8. 37.
eccles. 1. 70.

1. sal. 58. 11.
1. sal. 22. 60.

Mat. 5. 44.

Luc. 12. 9.
Mat. 7. 7.

Cap. xxxix
Omnes nati
sumus ob.

maxi peccati, omnes dies nostri defecerunt, & in ira tua defecimus. Anni nostri sicut araneæ meditantur, de qua ira dicit etiam Iob: Homo enim natus ex muliere, brevis vita & plenus ira, de qua ira dicit etiam

Iob 14. 1. Dominus IESVS: *Qui credit in Filium, habet vitam æternam: qui autem non credit in Filium, non habet vitam æternam, sed ira Dei manet super eum*: non ait, veniet, sed manet super eum. Cum hac quippe omnis homo nascitur, propter quod dicit Apo-

Eph 2. 3. stolus: *Fuimus enim & nos natura filij iræ, sicut & ceteri*. In hac ira cum essent homines per originale peccatum, & tantò grauius & perniciosius, quantò maiora vel plura insuper addiderunt, necessarius erat mediator, hoc est reconciliator, qui hanc iram sacrificij singularis, cuius erant vmbre omnia sacrificia legis & Prophetarum, oblatione placaret, vnde dicit

Heb. 9. 6. & 9. 11. Apostolus: *Si enim cum inimici essemus, reconciliati sumus Deo per mortem Filij eius, multò magis reconciliati nunc in sanguine eius salui erimus ab ira per ipsum*. Cum autem Deus irasci dicitur, non eius significatur perturbatio qualis est in animo irascentis hominis; sed ex humanis motibus translato vocabulo, vindicta eius, quæ non nisi iusta est, iræ nomen accepit.

Quò ergo per mediatorem reconciliamur Deo, & accipimus Spiritum sanctum, vt ex inimicis efficiamur filij: quotquot enim spiritu Dei aguntur, hi filij sunt Dei: hæc est gratia Dei per IESVM CHRISTVM Dominum nostrum.

Quò modo dicatur Deus irasci, non eius significatur perturbatio qualis est in animo irascentis hominis; sed ex humanis motibus translato vocabulo, vindicta eius, quæ non nisi iusta est, iræ nomen accepit.

Quò ergo per mediatorem reconciliamur Deo, & accipimus Spiritum sanctum, vt ex inimicis efficiamur filij: quotquot enim spiritu Dei aguntur, hi filij sunt Dei: hæc est gratia Dei per IESVM CHRISTVM Dominum nostrum.

De quo mediatore longum est, vt quanta dignum est, tanta dicantur, quamuis ab hominibus dignè dici non possint. Quis enim hoc solum congruentibus explicet verbis, quòd verbum caro factum est, & habitauit in nobis, vt crederemus in Dei Patris omnipotentis vnicum Filium natum de Spiritu sancto & MARIA Virgine? Ita quippe verbum caro factum est, à diuinitate carne suscepta, non in carnem diuinitate mutata. Carnem porro hic hominem debemus accipere, à parte totum significante locutione, sicut dictum est: *Quoniam ex operibus legis non iustificabitur omnis caro*, id est omnis homo. Nam nihil naturæ humanæ in illa susceptione fas est dicere defuisse, sed naturæ ab omni peccati nexu omnimodo liberæ: non qualis de vtroque sexu nascitur per concupiscentiam carnis cum obligatione delicti, cuius reatus per regenerationem diluitur; sed qualem de Virgine nasci oportebat, quam fides matris non libido com-

Rom. 3. 20. Cap. xxxiv. Christus mediator. Ioh. 1. 14.

ceperat. Quod si vel per nascentem corrumpereetur eius integritas, non iam ille de virgine nasceretur: eumque falso, quod abstulit, de Virgine MARIA natum tota confiteretur Ecclesia, quæ imitans eius matrem, quotidie parit membra eius, & virgo est. Lege, si placeat, de virginitate sanctæ MARIE meas litteras missas ad illustrem virum, quem cum honore ac dilectione nomino Volusianum.

Epist. 3.

PROINDE *Christus Iesus* Dei Filius est, & Deus & homo est. Deus ante omnia secula; homo in nostro seculo. Deus quia Dei verbum, *Deus enim erat verbum*: homo autem quia in vnitatem personæ accessit verbo anima rationalis & caro. Quocirca inquantum Deus est, *ipse & Pater unum sunt*: inquantum autem homo, *Pater maior est illo*. Cum enim esset vnicus Dei Filius, non gratiâ, sed naturâ, vt esset etiam plenus gratia, factus est & hominis filius: idemque ipse vtrumque ex vtroque vnus Christus: quia *cum in forma Dei esset, non rapinam arbitratus est, quod natura erat, id est, esse æqualis Deo. Exin amittit autem se, formam serui accipiens*, non amittens vel minuens formam Dei. Ac per hoc & minor est factus, & mansit æqualis, vtrumque vnus, sicut dictum est: sed aliud propter verbum, aliud propter hominem. Propter enim verbum æqualis Patri, propter hominem minor. Vnus Dei Filius, idemque hominis filius: vnus hominis filius: idemque Dei filius: non duo filij Dei, Deus & homo, sed vnus Dei filius: Deus sine initio, homo à certo initio, Dominus noster IESVS CHRISTVS.

Cap. XXIV.
Christus &
Deus & ho-
mo.Ioan. 10. 30.
Ioan. 14. 28

Phil. 2. 6.

Hic omnino granditer & euidenter Dei gratia commendatur. Quid enim natura humana in homine Christo meruit, vt in vnitatem personæ vnici Filij Dei singulariter esset assumpta? Quæ bona voluntas, cuius boni propositi studium, quæ bona opera præcessere, quibus mereretur iste homo, vt vna fieret persona cum Deo? Nunquid antea fuit homo, & hoc ei singulare beneficium præstitum est, vt singulariter promereretur Deum? Nempe ex quo homo esse cœpit, non aliud cœpit esse homo quàm Dei Filius: & hoc vnicus, & propter Deum verbum, quod illo suscepto *caro factum est*, vtrique Deus: vt quænamadmodum est vna persona quilibet homo, anima scilicet rationalis & caro, ita sit Christus vna persona, verbum & homo. Vnde naturæ humanæ tanta glo-

Cap. XXVI.
Gratia in-
dicti Christi
humani. 22.

Ioan. 1. 24.

ria nullis præcedentibus meritis sine dubitatione gratuita: nisi quia magna hîc & sola Dei gratia fideliter & sobriè considerantibus euidenter ostenditur: vt intelligant homines per eandem gratiam se iustificari à peccatis, per quam factum est, vt homo Christus nullum habere posset peccatum: Sic & eius matrem Angelus salutauit, quando ei futurum annunciauit hunc partum: *Aue*, inquit, *gratia plena*, & paulò pòst: *Inuenisti*, ait, *gratiam apud Deum*. Et hæc quidem gratia plena, & inuenisse gratiam apud Deum dicitur, vt Domini sui, in id Domini omnium mater esset. De ipso autem Ioannes Euangelista cùm dixisset, *Et verbum caro factum est, & habitauit in nobis, & vidimus*, inquit, *gloriam eius quasi vnigeniti à Patre, plenum gratia & veritatis*. Quod ait, *Verbum caro factum est*: hoc est, plenum gratiæ, quod ait, *Gloria vnigeniti à Patre*: hoc est, plenum veritatis. Veritas quippe ipsa, vnigenitus Dei Filius non gratiâ, sed naturâ, gratia suscepit hominem tanta vnitæ personæ, vt idem ipse etiam esset hominis filius.

Lucæ 1.28.

Cap. xxviii
Natiuitas
Christi.
Mat. 1.30.

Idem namque IESVS CHRISTVS Filius Dei vnigenitus, idem vnicus Dominus noster, natus est de Spiritu sancto & MARIA Virgine. Et utique Spiritus sanctus Dei donum est, quod quidem & ipsum est æquale donanti. Et idè Deus est etiam Spiritus sanctus, Patre Filioque non minor. Ex hoc ergo quod de Spiritu sancto est secundum hominem natiuitas Christi, quid aliud quàm ipsa gratia demonstratur? Cùm enim Virgo quæsiuisset ab Angelo, quomodò id fieret quod ei nunciabat, quando quidem illa virum non cognosceret, respondit Angelus: *Spiritus sanctus superueniet in te, & virtus Altissimi obumbrabit tibi: ideoque & quod nascetur ex te sanctum, vocabitur Filius Dei*. Et Ioseph cùm vellet eam dimittere, suspicatus adulteram quam sciebat non de se grauidam; tale responsum ab Angelo accepit: *Noli timere accipere Mariam coniugem tuam: quod enim in ea natum est, de Spiritu sancto est: id est, quod tu esse de alio viro suspicaris, de Spiritu sancto est*.

Luc. 1.35.

Mat. 1.10.

Cap. xxviii
Christus
quomodo
concepit
de Spiritu
sancto.

NUNQVID tamen idè dicturi sumus patrem hominis Christi esse Spiritum sanctum, vt Deus Pater verbum genuerit, Spiritus sanctus hominem, ex quâ vtraque substantia Christus vnus esset, & Dei Patris Filius secundum verbum, & Spiritus

Spiritus sancti Filius secundum hominem ; quod quasi eum Spiritus sanctus tanquam pater eius de matre virgine genuisset ? Quis hoc dicere audebit ? Nec opus est ostendere di'putando quanta alia sequantur absurda , cum hoc ipsum iam ita sit absurdum , vt nullæ fideles aures id valeant sustinere. Proinde sicut * confitemur , Dominus noster IESVS CHRISTVS, qui de Deo Deus, homo autem natus est de Spiritu sancto & MARIA Virgine, vtraque substantia diuina scilicet atque humana, Filius est vnicus Dei Patris omnipotentis, de quo procedit Spiritus sanctus. Quomodo ergo dicimus Christum natum de Spiritu sancto, si non eum genuit Spiritus sanctus ? An quia fecit eum ? quoniam Dominus noster IESVS CHRISTVS in quantum Deus est, omnia per ipsum facta sunt : in quantum autem homo est , & ipse factus est, sicut Apostolus dicit : *Factus est ex semine David secundum carnem.* al. * sic.
Sed cum illam creaturam quam Virgo concepit & peperit, quamuis ad solam personam Filij pertinentem , tota Trinitas fecerit, neque enim separabilia sunt opera Trinitatis, cur in ea facienda solus Spiritus sanctus nominatus est ? An & quando vnus trium in aliquo opere nominatur, vniuersa operari Trinitas intelligitur ? Ita verò est, & exemplis doceri potest. Sed non est in hoc diutius immorandum. Illud enim mouet quomodo dictum sit, *Natus de Spiritu sancto*, cum Filius nullo modo sit Spiritus sancti. Neque enim quia mundum istum fecit Deus , dici eum fas est Dei Filium , aut eum natum de Deo, sed factum, vel creatum, vel conditum, vel institutum ab illo, vel si quid huiusmodi rectè possumus dicere. Hunc ergo cum confiteamur natum de Spiritu sancto & MARIA Virgine, quomodo non sit filius Spiritus sancti, & sit filius Virginis MARIE, cum & de illo & de illa sit natus, explicare difficile est. Proculdubio quippe non sic de illo vt de Patre : sic autem de illa vt de matre natus est. Ioan. 1. 32
Rom. 1. 32
Mat. 1. 20

NON igitur concedendum est quicquid de aliqua renascitur, continuò eiusdem rei filium nuncupandum. Vt enim omittam alia : aliter de homine nasci filium, aliter capillum, pediculum vel lumbricum, quorum nihil est filius. Vt ergo hæc omittam, quoniam tantæ rei deformiter comparantur, certe qui nascuntur ex aqua & Spiritu sancto, non aquæ si-

Cap. XXXIX
Vox nasci,
variè acci-
piuntur.

lios eos titè dixerit quispiam, sed planè dicuntur filij Dei patris & matris Ecclesiæ. Sic ergo de Spiritu sancto natus est Filius Dei Patris non Spiritus sancti. Nam & illud quod de capillo & de cæteris diximus, ad hoc tantùm valet vt admoneamur, non omne quod de aliquo nascitur, etiam filium eius de quo nascitur posse dici. Sicut non omnes qui dicuntur alicuius filij, consequens est vt de illo etiam nati esse dicantur, sicut sunt qui adoptantur. Dicuntur etiam filij gehennæ, non ex illa nati, sed in illam præparati, sicut filij regni qui præparantur in regnum.

Cap. XL.
*Christi natura esse de Spiritu sancto
vbi supra.*

CVM itaque de aliquo nascatur aliquid etiam non eo modo vt sit filius, nec rursus omnis qui dicitur filius, de illo sit natus cuius dicitur filius, profectò modus iste, quo natus est Christus de Spiritu sancto non sicut filius, & de Maria Virgine sicut filius, insinuat nobis gratiam Dei: qua homo nullis præcedentibus meritis, in ipso exordio naturæ suæ quo esse cæpit, verbo Dei copularetur in tantam personæ vnitatem, vt idem ipse esset filius Dei, qui filius hominis, & filius hominis qui filius Dei: ac sic in naturæ humanæ susceptione fieret quodammodo ipsa gratia illi homini naturalis, quæ nulum peccatum possit admittere. Quæ gratia propterea per Spiritum sanctum fuerat significanda quia ipse propriè sic est Deus, vt dicatur etiam Dei donum. Vnde sufficienter loqui perlongum esset: si tamen id fieri potest, valde potius disputationis est.

Ioann. 4.
Act. 8. 10.

Cap. XLI.
Christi peccatum factus.

1. Pet. 2. 21.
Rom. 8. 3.

Osee 4.

1. Cor. 5.

1. Cor. 5. 21.

NVLLA igitur voluptate carnis concupiscentiæ seminatus siue conceptus est, & idèd nullum peccatum originaliter trahens, Dei quoque gratia verbo Patris vnigenito, non gratiâ Filio, sed naturâ, in vnitæte personæ modo mirabili & ineffabili adiunctus & concretus, & idèd nullum peccatum & ipse committens, tamen propter similitudinem carnis peccati, in qua venerat, dictus est & ipse peccatum sacrificandus ad diluenda peccata. In veteri quippe lege peccata vocabantur sacrificia pro peccatis. Quod verè ille factus est cuius erant vmbrae illa. Hinc Apostolus cùm dixisset: *Obsecramus pro Christo reconciliari Deo*; continuò subiunxit atque ait: *Eum qui non nouerat peccatum, pro nobis peccatum fecit, vt nos simus iustitia Dei in ipso.* Non ait, vt in quibusdam mendosis codicibus legitur, *Is qui non nouerat peccatum, pro nobis peccatum fe-*

cit: tanquam pro nobis Christus ipse peccauerit; sed ait, *Eam qui non nouerat peccatum*, id est, Christum, pro nobis peccatum fecit Deus, cui reconciliandi sumus: hoc est sacrificium pro peccatis, per quod reconciliari valeremus. Ipse ergo peccatum, vt nos iustitia; nec nostra, sed Dei simus: nec in nobis, sed in ipso: sicut ipse peccatum non suum, sed nostrum: nec in se, sed in nobis constitutum, *similitudine carnis peccati*, in qua crucifixus est, demonstrauit: vt quoniam peccatum ei non inerat, ita quodammodo peccato moreretur dum moritur carne, in qua erat similitudo peccati, & cum secundum veritatem peccati nunquam ipse vixisset, nostram ex morte veteri, qua in peccato mortui fueramus, teuiuiscentem vitam noua sua resurrectione signaret. Rom. 8. 3.

IPSUM est quod in nobis celebratur, magnum baptismatis Sacramentum, vt quicumque ad istam pertinent gratiani, moriantur peccato sicut ipse peccato mortuus dicitur; quia mortuus est carni, hoc est peccati similitudini: & viuant de la-uacro renascendo, sicut ipse de sepulcro resurgendo, quamlibet corporis ætatem gerant. Cap. xlii. Baptismus.

A PARVULO enim recens nato vsque ad deceptum senem, sicut nullus prohibendus est à baptismo, ita nullus est qui non peccato moriatur in baptismo: sed paruuli tantum originali, maiores autem etiam iis omnibus moriuntur peccatis, quæcunque malè viuendo addiderunt ad illud quod nascendo traxerunt. Cap. xliii. Baptismus infanti & senium.

SED idè etiam ipsi peccato mori plerunque dicuntur, cum proculdubio non vni, sed multis peccatis omnibusque moriantur, quæcunque iam propria commiserunt, vel cogitatione, vel locutione, vel opere: quia etiam per singularem numerum pluralis numerus significari solet, sicut ait ille: Cap. xlii. Figura in qua nuntio- nis accipi- tur pro numero.

Vterumque armato milite complent:

Æncid. 2.

Quamuis hoc multis militibus fecerint. Et in nostris literis legitur: *Ora ergo ad Dominum, vt auferat à nobis serpentem*. Non ait setpentes, quos patiebatur populus, vt hoc diceret, & innumerabilia talia. Cum verò & illud originale vnum plurali numero significatur, quando dicimus in peccatorum remissionem baptizari paruulos, nec dicimus in remissionem peccati: illa est contraria locutio, quæ per pluralem Num. 21. 7.

locutionem significatur numerus singularis. Sicut de Hero-
de mortuo in Euangelio dictum est : *Mortui sunt enim qui
querebant animam pueri*. Non dictum est mortuus est. Et in
Exodo : *Fecerunt*, inquit, *sibi deos aureos* : cum vnum vitulum
fecerint tantum, de quo dixerunt : *Hi sunt dy sui Israel, qui edu-
xerunt te de terra Egypti*. Et hic ponentes pluralem pro singu-
lari.

QVAMVIS & in illo peccato vno, quod per vnum homi-
nem intrauit in mundum, & in omnes homines pertransiit,
propter quod etiam paruuli baptizantur, possint intelligi
plura peccata, si vnum ipsum in sua quasi membra diuidatur
singula. Nam & superbia est illic, quia homo in sua potius
esse quàm in Dei potestate dilexit : & sacrilegium, quia Deo
non credidit : & homicidium, quia semetipsum præcipit aut
in mortem : & fornicatio spiritalis, quia integritas mentis hu-
manæ serpentina suasionem corrupta est : & furtum, quia cibis
prohibitis vsurpatus est : & auaritia, quia plus quàm illi suf-
ficere debuit, appetiuit ; & si quid aliud in hoc vno admissio-
diligenti consideratione inueniri potest.

PARENTVM quoque peccatis paruulos obligati, non
solum primorum hominum, sed etiam suorum, de quibus ip-
si nati sunt, non improbabiler dicitur. Illa quippe diuina
sententia, *Reddam peccata patrum in filios* : tenet eos vtique an-
tequam per regenerationem ad Testamentum nouum inci-
pian pertinet. Quod Testamentum prophetabatur, cum
diceretur per Ezechielem, non accepturos filios peccata pa-
trum suorum, nec vltius futuram in Israël parabolam il-
lam : *Patres manducauerunt vnam acerbam, & dentes filiorum ob-*

stupuerunt. Idè enim quisque renascitur, vt soluat in eo
quicquid peccati est cum quo nascitur. Nam peccata quæ
malè agendo postea committuntur, possunt & pœnitendo sa-
nari, sicut etiam post baptismum fieri videmus. Ac per hoc
non ob aliud est instituta regeneratio, nisi quia vitiosa est ge-
neratio, vsque adè vt etiam de legitimo matrimonio pro-
creatus dicat : *In iniquitatibus conceptus sum, & in peccatis*

mater mea me in utero aluit. Neque hic dixit, In iniquitate vel
peccato, cum & hoc rectè dici posset ; sed iniquitates & pec-
cata dicere maluit. Quia & in illo vno quod in omnes homi-
nes pertransiit, atque tam magnum est, vt in eo mutaretur &

Mat. 1. 10.
Exo. 32. 31.

Cap. xlv.
V. o peccat
cõprehendi
plura.
Rom. 5. 13.

Gen. 3. 6.

Cap. xlv.
Peccatis pa-
rum obli-
gati filios.
Ezo. 34. 7.

Ezec. 18. 10.

Psal. 50. 7.

Rom. 5. 12.

conuerteretur in necessitatem mortis humana natura, sicut supra disserui, reperiuntur plura peccata, & alia parentum, quæ etsi non ita possunt mutare naturam, reatu tamen obligant filios, nisi gratuita gratia & misericordia diuina subueniat.

SED de peccatis aliorum parentum, quibus ab ipso Adam usque ad patrem suum, progenitoribus suis, quisque succedit, non immerito disceptari potest: utrum omnium malis actibus & multiplicatis delictis originalibus qui nascitur, implicetur, ut tantò peius quantò posterius quisque nascatur: an propterea Deus in tertiam & quartam generationem de peccatis parentum eorum posteris comminetur, quia iram suam quantum ad progenitorum suorum culpas non extendit vlterius moderatione miserationis suæ: ne illi quibus regenerationis gratia non confertur, nimia sarcina in ipsa sua æterna damnatione premerentur, si cogerentur ab initio generis humani omnium præcedentium parentum suorum originaliter peccata contrahere, & pœnas pro eis debitas pendere. An aliud aliquid de re tanta in Scripturis sanctis diligentius perscrutatis atque tractatis, valeat vel non valeat reperiri, temerè non audeo affirmare.

ILLUD tamen vnum peccatum, quod tam magnum in loco & habitu tantæ felicitatis admissum est, ut in vno homine originaliter, atque (ut ita dixerim) radicaliter totum genus humanum damnaretur, non soluitur ac diluitur nisi per vnum mediatorem Dei & hominum hominem CHRISTVM IESVM, qui solus potuit ita nasci ut ei non opus esset renasci.

NON enim renascebantur, qui baptismo Ioannis baptizabantur, à quo & ipse baptizatus est, sed quodam præcursorio illius ministerio qui dicebat, *Parate viam Domino*; huic vni in quo solo renasci poterant parabatur. Huius enim baptismus est non in aqua tantum, sicut fuit Ioannis, verum etiam in Spiritu sancto, ut de illo Spiritu regeneretur quisque in Christum credit, de quo Christus regeneratus regeneratione non eguit. Vnde vox illa Patris quæ super baptizarum facta est: *Ego hodie genui te*, non vnum illum temporis diem quo baptizatus est, sed immutabilis æternitatis ostendit, ut illum

Cap. XLVII.
*Quousque
maiora pec-
cata propa-
gentur, n. n.
scilicet desi-
niendum.*
220. 10. 5.

Ca. XLVIII.
*Abolitio o-
iginalis
peccati.*
1. Tim. 2. 5.

Cap. XXX.
*Christus bap-
tizatus à
Ioanne.*
Matt. 3. 13.
Luc. 3. 4.

Marc. 1. 8.

Psal. 2. 7.
Heb. 1. 5.

hominem ad vnigeniti personam pertinere monstraret. Vbi enim dies nec hesterni sine inchoatur, nec initio et aeterni terminatur, semper hodiernus est. In aqua ergo voluit baptizari à Ioanne, non vt eius iniquitas vlla dilueretur, sed vt magna commendaretur humilitas. Ita quippe nihil in eo baptismus quod ablueret, sicut mors nihil quod puniret, inuenit: vt diabolus veritate iustitiæ, non violentia potestatis oppressus & victus, quoniam ipsum sine vlllo peccati merito iniquissimè occiderat, per ipsum iustissimè amitteret quos peccati merito detinebat. Vtrumque igitur ab illo, id est, & baptismus & mors, certæ dispensationis causâ, non miseranda necessitate, sed miserante potius voluntate susceptum est: vt vnus peccatum tolleretur mundi, sicut vnus peccatum misit in mundum, hoc est in vniuersum genus humanum.

Cap. L.
Gratiâ ab-
lerti omnia
peccata
Rom. 5. 16.

NISI quòd ille vnus vnum peccatum misit in mundum, iste verò vnus non solum vnum illud, sed cuncta simul abstulit quæ addita inuenit, vnde dicit Apostolus: *Non sicut per vnum peccatum, ita est & donum: nam iudicium quidem ex vno in condemnationem, gratia autem ex multis delictis in iustificationem:* quia utique illud vnum quod originaliter trahitur, etiam si solum sit, obnoxios damnationi facit; gratia verò ex multis delictis iustificat hominem, qui præter illud vnum quod communiter cum omnibus originaliter traxit, sua quoque propria multa commisit.

Cap. LI.
Remitti in
Christo li-
beramur.

VERVM TAMEN quod paulò post dicit, *Sicut per vnus delictum in omnes homines ad condemnationem, ita & per vnus iustitiam in omnes homines ad iustificationem vitæ:* satis indicat ex Adam neminem natum, nisi damnatione detineri, & neminem nisi in Christo renatum à damnatione liberari.

Cap. LII.
Baptismi
mysterium

DE qua per vnum hominem pœna, & per vnum hominem gratia, cum locutus fuisset, quantum illi Epistolæ suæ loco sufficere iudicauit, deinde sacri baptismatis in cruce Christi grande mysterium commendauit: eo modo vt intelligamus nihil aliud esse in Christo baptismum, nisi mortis Christi similitudinem: nihil autem aliud mortem Christi crucifixi, nisi remissionis peccati similitudinem: vt quemadmodum in illo vera mors facta est, sic in nobis vera remissio peccatorum: & quemadmodum in illo vera resurrectio, ita in nobis vera

Iustificatio. Ait enim, *Quid ergo dicemus? Permanebimus in peccato, ut gratia abundet?* Dixerat enim superius: Vbi enim abundavit peccatum, ibi superabundavit gratia. Et ideo quaestio- nem sibiipſi proposuit, utrum propter abundantiam gratiae consequendam in peccato sit permanendum. Sed respon- dit: *Abſit.* Atque subiecit: *Si mortui sumus peccato, quomodo vi- nemus in illo?* Deinde ut ostenderet nos mortuos esse pecca- to: *An ignoratis, inquit, quoniam quisunque baptizati sumus in CHRISTO IESU, in morte ipsius baptizati sumus?* Si ergo hinc ostendimur mortui esse peccato, quia in morte Christi bap- tizati sumus, profecto & paruuli qui baptizantur in Christo, peccato moriuntur, quia in morte ipsius baptizantur. Nul- lo enim excepto dictum est: *Quicumque enim baptizati sumus in CHRISTO IESU, in morte ipsius baptizati sumus.* Et ideo dictum est, ut probaretur mortuos non esse peccato. Cui autem pec- cato paruuli renascendo moriuntur, nisi quod nascendo tra- xerunt? Ac per hoc etiam ad ipsos pertinet quod sequitur, dicens: *Conſipulti enim sumus illi per baptismum in mortem, ut quemadmodum surrexit Christus à mortuis per gloriam Patris, ita & nos in novitate vitae ambulemus. Si enim complantati facti su- mus similitudini mortis eius, simul & resurrectionis erimus, hoc ſcientes, quia vetus homo noster simul crucifixus est, ut euacuetur cor- pus peccati, ut ultra non ſerviamus peccato. Qui enim mortuus est, iustificatus est à peccato. Si autem mortui sumus cum Christo, credi- mus quia simul etiam vivemus cum illo, ſcientes quia Christus re- surgens à mortuis, iam non moritur, & mors illi ultra non domina- bitur. Quod enim mortuus est peccato, mortuus est ſemel: quod au- tem vivit, vivit Deo. Ita & vos exiſtimate vos mortuos quidem eſſe peccato, vivere autem Deo in Christo Ieſu. Hinc enim probate cœperat non eſſe nobis permanendum in peccato, ut gratia abundaret, & dixerat: *Si mortui sumus peccato, quomodo vivemus in eo?* Atque ut ostenderet, mortuos non eſſe peccato, subie- cit: *An ignoratis, quoniam quisunque baptizati sumus, in Christo Ieſu, in morte illius baptizati sumus?* Sic itaque totum locum istum conſecluit, ut cœpit. Mortem quippe Christi ſic inſinua- vit, ut etiam ipſum mortuum diceret eſſe peccato. Cui pecca- to, niſi carnis, in qua erat, non peccatum, ſed ſimilitudo pec- cati, & ideo nomine appellat peccati? Baptizatis itaque in morte Christi, in qua non ſolùm maiores, verùm etiam par-*

ROM. 6. 11.

uuli baptizantur, ait: *Sic & vos*, id est quemadmodum Christus, *sic & vos existimate vos mortuos esse peccato, vivere autem Deo in Christo Iesu.*

Cap. LIII.
Cruz, sepul-
tura, resur-
rectio, & as-
censio quo-
modo ad nos
pertinent.
Gal. 5. 24.

QUI CQVI digitur gestum est in cruce Christi, in sepultura, in resurrectione tertio die, in ascensione in cælum, & in sedere ad dexteram Patris: ita gestum est, ut his rebus non mysticè tantùm dicti, sed etiam gestis configuraretur vita Christiana quæ hic geritur. Nam propter eius crucem dictum est:

ROM. 6. 4.

Qui autem Iesu Christi sunt, carnem suam crucifixerunt cum vitiis & concupiscentiis. Propter sepulturam: *Consepulti enim sumus cum Christo per baptismum in mortem.* Propter resurrectionem: *Vt quemadmodum Christus resurrexit à mortuis per gloriam Patris,*

COL. 3. 1.

ita & vos in nouitate vite ambulemus. Propter ascensionem verò in cælum, sedemque ad dexteram Patris: *Si autem resurrexistis cum Christo, quæ sursum sunt querite, ubi Christus est ad dexteram Dei sedens; quæ sursum sunt sapite, non quæ super terram: mortui enim estis, & vita vestra abscondita est cum Christo in Deo.*

Cap. LV.
Inducium.
1. Tim. 4. 1.

IA M verò quod de Christo confitemur futurum, quoniam de cælo venturus est, viuos iudicaturus & mortuos, non pertinet ad vitam nostram quæ hic geritur, quia nec in rebus gestis eius est, sed in fine seculi gerendis. Ad hoc pertinet quod Apostolus secutus adiunxit: *Cum Christus appaierit vita vestra, tunc, & vos apparebitis cum illo in gloria.*

Cap. LV.
Iudicium vi-
ui & mor-
tuis.

DVOBVS autem modis accipi potest, quòd viuos & mortuos iudicabit: siue ut viuos intelligamus, quos hic nondum mortuos, sed adhuc in ista carne viuentes inuenturus est eius aduentus. Mortuos autem qui de corpore priùs quàm veniat exiere vel exituri sunt: siue viuos iustos, mortuos autem iniustos, quoniam iusti quoque iudicabuntur. Aliquando enim iudicium Dei ponitur in malo, vnde illud est: *Qui autem male egerunt, in resurrectionem iudicij.* Aliquando & in bono, secundum quod dictum est: *Deus in nomine suo saluum me fac, & in virtute tua iudica me.* Per iudicium quippe Dei sit ipsa bonorum malorumque discretio, ut liberandi à malo, non perdendi cum malis, boni ad dexteram segregentur: propter quod ille clamabat: *Iudica me Deus.* Et quid dixerat velut exponens: *Et discerne, inquit, causam meam, de gente non sancta.*

IOAN. 5. 29.
PL. 33.

Et in virtute tua iudica me. Per iudicium quippe Dei sit ipsa bonorum malorumque discretio, ut liberandi à malo, non perdendi cum malis, boni ad dexteram segregentur: propter quod ille clamabat: *Iudica me Deus.* Et quid dixerat velut exponens: *Et discerne, inquit, causam meam, de gente non sancta.*

MAT. 25. 31.
PL. 41. 2.

Cum autem de *Iesu Christo* Filio Dei vnicò Domino nostro, quod ad breuitatem confessionis pertinet dixerimus, adiungimus sic credere nos & in Spiritum sanctum, vt illa Trinitas compleatur quæ Deus est; deinde sancta commemoratur Ecclesia. Vnde datur intelligi rationalem creaturam ad Hierusalem liberam pertinentem, post commemorationem Creatoris, id est summæ illius Trinitatis fuisse subdendam. Quoniam quicquid de homine Christo dictum est, ad vnitatem personæ Vnigeniti pertinet. Rectus itaque confessionis ordo poscebat, vt Trinitati subiungeretur Ecclesia, tanquam habitatori domus sua, & Deo templum suum & conditori ciuitas sua. Quæ tota hic accipienda est, non solum ex parte qua peregrinatur in terris à solis ortu vsque ad occasum laudans nomen Domini, & post vetustatis captiuitatem cantans canticum nouum: verum etiam ex illa quæ in cælis semper ex quo condita est, coherat Deo, nec vllum sui casus malum experta est. Hæc in sanctis Angelis beata persistit, & suæ parti peregrinanti sicut oportet opitulatur: quia vtraque vna erit consortio æternitatis, & nunc vna est vinculo charitatis, quæ tota instituta est ad colendum vnum Deum. Vnde nec tota, nec vlla pars eius vult se coli pro Deo, nec cuiquam esse deus pertinenti ad templum dei, quod ædificatur ex diis quos facit non factus deus. Ac per hoc Spiritus sanctus si creatura non creator esset, profectò creatura rationalis esset. Ipse enim esset summa creatura, & idèò in regula fidei non poneretur ante Ecclesiam, quia & ipse ad Ecclesiam pertineret in illa eius parte quæ in cælis est. Nec haberet templum, sed etiam ipse templum esset. Templum autem habet de quo dicit Apostolus: *Nescitis quia corpora vestra templum sunt Spiritus sancti qui in vobis est, quem habetis à Deo?* De quibus alio loco dicit: *Nescitis quia corpora vestra membra Christi sunt?* Quomodò ergo Deus non est, qui templum habet? Aut minor Christo est, cuius membra templum habet? Neque enim aliud templum eius, & aliud templum Dei est, cum idem dicat Apostolus: *Nescitis quia templum Dei estis.* Quod vt probaret, adiecit: *Et Spiritus Dei habitat in vobis.* Deus ergo habitat in templo suo, non solum Spiritus sanctus, sed etiam Pater & Filius, qui etiam de corpore suo, per quod factus est caput Ecclesiæ, quæ in homini-

1 Cor. 1. 19. bus est, ut sit ipse in omnibus primatum tenens ait: *Soluite templum hoc, & in triduo suscitabo illud.* Templum ergo dei, hoc est totius summx illius Trinitatis, sancta est Ecclesia, scilicet vniuersa in cælo & in terra.

Cap. LVII. *Stabilis*
Angelorū.
 1. Pet. 2. 4. SED de illa quæ in cælis est, affirmare quid possumus, nisi quod nullus in ea malus est, nec quisquam deinceps de illa cecidit aut casurus est, ex quo *Deus Angelis peccantibus non perperit*, sicut scribit Apostolus Petrus, *sed carceribus caliginis inferni retrudens tradidit in iudicio puniendos reservari.*

Cap. LVIII. *Verabula*
Angelorū.
 Heb. 1. 11. QVOMODO autem se habeat beatissima illa & superna
 Psal. 109. societas, quæ ibi sint differentia personarum, ut cum omnes tanquam generali nomine Angeli nuncupentur, (sicut in Epistola ad Hebræos legimus: *Cui enim Angelorum Deus dixit aliquando, Sede à dextris meis?* hoc quippe modo significauit omnes vniuersaliter Angelos dici:) sint tamen & illic Archangeli: & utrum iidem Archangeli nominentur virtutes,

Psal. 145. atque ita dictum sit, *Laudate eum omnes Angeli eius, laudate eum omnes virtutes eius;* ac si diceretur, *Laudate eum omnes Angeli eius, laudate eum omnes Archangeli;* & quid inter se distent quattuor illa vocabula, quibus vniuersam ipsam cælestem societatem videtur Apostolus esse complexus dicendo: *Sive sedes, sive dominationes, sive principatus, sive potestates;* dicant qui possunt, si tamen possunt probare quod dicunt, ego me ista ignorare confiteor. Sed nec illud quidem certum habeo, utrum ad eandem societatem pertineant, sol & luna & cuncta sidera, quamuis nonnullis lucida corpora esse, non cum sensu vel intelligentia videantur.

Cap. LIX. *Corpora Angelorum.*
 ITEM QVÆ Angeli, quis explicet cum quilibet corporibus apparuerint hominibus, ut non solum cernerentur, verum etiam tangerentur, & rursus non solida corpulentia, sed spiritali potentia quasdam visiones, non oculis corporeis, sed spiritalibus vel mentibus ingerant, vel dicant aliquid non ad aurem forinsecus, sed intus in animo hominis, etiam ibidem ipsi constituti, sicut scriptum est in Prophetarum libro: *Et dixit mihi Angelus qui loquebatur in me:* non enim ait, qui loquebatur ad me, sed in me. Vel appareant & in somnis, & colloquantur more somniorum. Habemus quippe in Evangelio: *Ece Angelus Domini apparuit illi in somnis dicens.* His enim modis velut indicant se Angeli contra stabilia corpora

Zach. 3. 1.

Matt. 1. 20
 Gen. 28. 4. &
 19. 1.

non habere. Faciuntque difficillimam quæstionem, quomodo Gen. 32. 24. patres eis pedes lauerint, quomodo Iacob cum Angelo tam solida contrectatione luctatus sit. Cum ista quæruntur, & ea sicut potest quisque coniectat, non inutiliter exercentur ingenia, si adhibeatur disceptatio moderata, & absit error opinantium se scire quod nesciunt. Quid enim opus est ut hæc atque huiusmodi affirmantur vel negentur vel definiantur cum discrimine, quando sine crimine nesciuntur.

MAGIS opus est diiudicare atque dignoscere, cum se Cap. LXI. Arius fatalis error. satanas transfigurat velut Angelum lucis, ne fallendo in aliqua perniciofa seducat. Nam quando sensus corporis fallit, mentem verò non mouet à vera rectaque sententia, qua quisque vitam fidelem gerit, nullum est in religione periculum. Vel cum se bonum fingens, ea facit siue dicit, quæ bonis Angelis congruunt, etiam si credatur bonus, non est error Christianæ fidei periculosus aut morbidus. Cum verò per hæc aliena ad sua incipit ducere, tunc eum dignoscere, nec ire post eum, magna & necessaria vigilantia est. Sed quotusquisque hominum idoneus est omnes mortiferos eius dolos euadere, nisi regat atque tueatur deus? Et ipsa huius rei difficultas ad hoc est utilis, ne sit spes sibi quisque aut homo alter alteri, sed deus suis omnibus. Id enim nobis potius expedire prorsus piorum ambigit nemo.

Hæc ergo quæ sanctis Angelis & virtutibus dei est Ecclesia, tunc nobis sicuti est innotescet, cum ei coniuncti fuerimus in finem, ad simul habendam beatitudinem sempiternam. Cap. LXI. Ecclesiam angelorum & nostram. Ista verò quæ ab illa peregrinatur in terris, eo nobis notior est quòd in illa sumus, & quia hominum est, quod & nos sumus. Hæc sanguine mediatoris nullum habentis peccatum, ab omni redempta est peccato, eiusque vox est; Rom. 8. 34. *Si deus pro nobis, quis contra nos? Qui filio proprio suo non pepercit, sed pro nobis omnibus tradidit illum.* Non enim pro Angelis mortuus est Christus. Sed idèd etiam pro Angelis fit quicquid hominum per eius mortem redimitur & liberatur à malo: quoniam cum eis quodammodò redit in gratiam post inimicitias quas inter homines & sanctos Angelos peccata fecerunt, & ex ipsa hominum redemptione ruinæ illius Angelicæ detrimenta reparantur.

ET utique nouerunt sancti Angeli docti à Deo, cuius ve- Cap. LXII.

*Christus
instaurat
omnia.
Eph. 1. 10.*

ritatis æterna contemplatione beati sunt, quanti numeri supplementum de genere humano integritas illius ciuitatis ex-
pectet. Propter quod ait Apostolus, instaurari omnia in Christo quæ in cælis sunt, & quæ in terris. In ipso quippe instaurantur quæ in cælis sunt, cum id quod inde in Angelis lapsum est ex hominibus redditur. Instaurantur autem quæ in terris sunt, cum ipsi homines qui prædestinati sunt ad æternam vitam à corruptionis vetustate renouantur. Ac sic per illud singulare sacrificium, in quo mediator est immolatus, quod vnum multæ in lege victimæ figurabant, pacificentur cælestia cum terrestribus, & terrestria cum cælestibus. Quoniam sicut idem Apostolus dicit: *In ipso complacuit omnem plenitudinem diuinitatis inhabitare, & per eum reconciliari omnia in ipsum, pacificans per sanguinem crucis eius, siue quæ in cælis sunt, siue quæ in terris.*

Col. 1. 19.

*Cap. LXIII.
Pax regni
cælestis
Phil. 4. 7.*

Pax ista præcellit, sicut scriptum est, *omnem intellectum*, neque sciri à nobis nisi cum ad eam venerimus potest. Quomodo enim pacificentur cælestia nisi in nobis, id est, concordando nobiscum? Nam ibi semper est pax, & inter se vniuersis intellectualibus creaturis, & cum suo creatore. Quæ pax præcellit, ut dictum est, omnem intellectum, sed vtrique notum, non eorum qui semper vident faciem humanus. Nos autem quantumcunque sit in nobis intellectus humanus, ex parte scimus, & videmus nunc per speculum in enigmate. Cum vero æquales Angelis Dei fuerimus, tunc quemadmodum & ipsi videbimus faciem ad faciem, tantamque pacem habebimus erga eos, quantam & ipsi erga nos, quia tantum eos dilecturi sumus, quantum ab eis diligimur. Itaque pax eorum nota nobis erit, quia & nostra talis ac tanta erit, nec præcellet tunc intellectum nostrum. Dei vero pax quæ illic est erga eos, & nostrum & illorum intellectum siue dubitatione præcellet. De ipso quippe beata est rationalis creatura quæcunque beata est, non ipse de illa: vnde secundum hoc melius accipitur quod scriptum est: *Pax Dei quæ præcellit omnem intellectum*, ut in eo quod dicit omnem, nec ipse intellectus sanctorum Angelorum possit esse exemptus, sed Dei solius. Neque enim & ipsius intellectum pax eius excellit.

1. Cor. 13. 12.

1. Th. 2. 36.

Pax Dei.

*Cap. LXIV.
Remissio
peccatorum.*

CONCORDANT autem Angeli nobiscum etiam nunc cum remittuntur nostra peccata. Idem post commemoratio-

nem sanctæ Ecclesiæ in ordine confessionis ponitur, remissio peccatorum. Per hanc enim stat Ecclesiæ quæ in terris est, per hanc non petit quod *perierat*, & *inuentum est*. Excepto Luc. 15. 24. quippe baptismatis munere, quod contra originale peccatum donatum est, ut quod generatione attractum est, regeneratione detrahatur, & tamen actiua quoque peccata quæcunque corde, ore, opere commissa inuenerit, tollit. Hac ergo excepta magna indulgentia, unde incipit hominis renouatio, in qua soluitur omnis reatus & ingeneratus & additus, ipsa etiam vita cætera iam ratione utentis ætatis, quantalibet præpolleat fecunditate iustitiæ, sine remissione peccatorum non agitur. Quoniam filij Dei quamdiu mortaliter viuunt, cum morte configunt. Et quamuis de illis sit veraciter dictum: *Quotquot spiritu Dei aguntur, hi filij sunt Dei*: sic tamen Rom. 8. 14. spiritu dei excitantur, & tanquam filij dei proficiunt ad deum, 53p. 9. 15. ut etiam spiritu suo, maxime aggrauante corruptibili corpore, tanquam filij hominum quibusdam moribus humanis deficiant ad seipsos, & ideo peccent. Interest tamen quantum. Neque enim quia peccatum est omne crimen, ideo crimen Peccatum. est etiam omne peccatum. Crimen. Itaque sanctorum hominum vitam, quamdiu in hac morte uiuitur, inueniri posse dicimus sine crimine: *peccatum autem si dixerimus quia non habemus*, ut ait sanctus Apostolus, *nosmetipsos seducimus, & veritas in nobis non est.* 1. Io. 1. 8.

SED neque de ipsis criminibus quamlibet magnis remittendis in sancta Ecclesia, Dei desperanda est misericordia agentibus penitentiam secundum modum sui cuiusque peccati. In actione autem penitentiae, ubi tale crimen commissum est, ut is qui commisit à Christi etiam corpore separetur, non tam consideranda est mensura temporis quam doloris. *Cor enim contritum & humiliatum Deum non spernit.* Verum quia Cap. 111. plerumque dolor alterius cordis occultus est alteri, neque in Penitentia. aliorum notitiam per verba vel quæcunque alia signa procedit, cum sit coram illo cui dicitur: *Gemitus meus à te non est absconditus* rectè constituuntur ab iis qui Ecclesiæ præsunt tempora penitentiae, ut fiat etiam satis Ecclesiæ, in qua remittuntur ipsa peccata: extra eam quippe non remittuntur. Ipsa Psal. 50. 19. namque propriè Spiritum sanctum pignus accepit, sine quo Psal. 37. 10. 1. Cor. 12. 13.

non remittuntur vlla peccata, ita vt quibus dimittuntur consequantur vitam æternam.

Cap. LVII.
In scilicet
sunt pecca-
ta præsumpti-
onem præscribit.
Eccl. 40.1.

MAGIS enim propter futurum iudicium fit remissio peccatorum. In hac autem vita vsque adedè valet quod scriptum est : *Grave iugum super filios Adam à die exitus de ventre matris eorum usque in diem sepulture in matrem omnium* : vt etiam paruulos videamus post lauacrum regenerationis diuersorum malorum afflictione cruciari : vt intelligamus, totum quod salutaribus agitur Sacramentis, magis ad spem futurorum bonorum, quàm ad retentionem vel adoptionem præsentium pertinere. Multa etiam mala hic videntur ignosci & nullis suppliciis vindicari, sed eorum poenæ referuantur in posterum. Neque enim frustra ille propriè dicitur dies iudicij, quando venturus est iudex viuorum atque mortuorum. Sicut e contrario vindicantur hic aliqua, & tamen si remittuntur, profectò in futuro seculo non nocebunt. Propterea de quibusdam temporalibus poenis quæ in hac vita peccantibus irrogantur, eis quorum peccata delentur ne referuantur in finem, ait Apostolus : *Si enim nosmetipsos iudicaremus, à Domino non iudicemur. Cum iudicamur autem à Domino, corripiamur, ne cum hoc mundo damnemur.*

Mat. 12.36
Act. 10.42.

1. Cor. 11.31.

Cap. LVIII.
Titulus fidei
an sit presu-
mpti.

V. 1. de ciu.
c. 11.
Purgatoriū.
1. Cor. 1.15.
* ferit. pu-
niendi.

Cap. 14.15.
c. 16.

Gal. 5.6.

CREDVNTVR autem à quibusdam etiam ij qui nomen Christi non relinquunt, & eius lauacro in Ecclesia baptizantur, nec ab ea vlllo schismate vel hæresi præciduntur, in quantilibet sceleribus viuant, quæ nec diluant poeniten do, nec cleemosynis redimant, sed in eis vsque ad huius vitæ vltimum diem pertinacissimè perseuerent, salui futuri per ignem : licet pro magnitudine facinorum flagitiorumque diuturno, non tamen æterno igne puniri *. Sed qui hoc credunt, & tamen Catholici sunt, humana quadam beneuolentia mihi falli videntur. Nam Scriptura diuina aliud consultata respondet. Librum autem de hac quaestione scripsi, cuius titulus est, de fide & operibus. Vbi secundum Scripturas sanctas, quantum Deo adiuuante potui, demonstraui eam fidem saluos facere, quam satis euidenter expressit Paulus Apostolus dicens : *In Christo enim Iesu neque circumciso quicquam valet, neque præputium, sed fides quæ per dilectionem operatur.* Si autem malè & non bene operatur, procul dubio, secun-

dùm Apostolum Iacobum, *mortua est in semetipsa*. Qui rursus Iac. 1. 17.
ait: *Si fidem dicas se quisquam habere, opera autem non habeat, nunquid poterit fides saluare eum?* Porro autem si homo scelera-
tus propter fidem solam per ignem saluabitur, & sic est acci-
piendum quod ait beatus Paulus Apostolus: *ipse autem saluus* 1. Cor. 5. 15.
erit, sic tamen quasi per ignem; poterit ergo saluare sine operibus
fides, & falsum erit quod dixit eius coapostolus Iacobus. Fal-
sum erit & illud quod idem ipse Paulus dixit: *Nolite, inquit,* 1. Cor. 6. 9.
errare, neque fornicatores, neque idolis seruientes, neque adulteri, ne-
que molles, neque masculorum concubitores, neque fures, neque auari,
neque maledici, neque ebriosi, neque rapaces regnum Dei possidebunt.
Si enim etiam in istis perseverantes criminibus, tamen pro-
pter fidem Christi salui erunt, quomodò in regno Dei non
erunt?

SED quia hæc Apostolica manifestissima & apertissima Cap. XVIII
testimonia esse falsa non possunt, illud quod obscurè dictum
est de iis qui superædificant supra fundamentum quod est
Christus, non aurum, non argentum, non lapides pretiosos,
sed ligna, fœnum, stipulam; de his enim dictum est, quod per
ignem salui erunt, quoniam fundamenti merito non peri-
bunt: sic intelligendum est, ut iis manifestis non inueniatur
esse contrarium. Ligna quippe & fœnum & stipula non ab-
surdè accipi possunt rerum secularium, quamvis licitè con-
cessarum, tales cupiditates, ut amitti sine animi dolore non
possint. Cùm autem iste dolor vrit, si Christus in corde fun-
damenti locum habet, id est, ut ei nihil anteponatur, & ma-
lit homo, qui tali dolore vritur, rebus quas ita diligit, magis
carere quàm Christo, per ignem sit saluus. Si autem res hu-
iusmodi temporales ac seculares tempore tentationis malue-
rit tenere quàm Christum, eum in fundamento non habuit:
quia hæc priore loco habuit, cùm in ædificio prius non sit
aliquid fundamento. Ignis enim de quo locutus est eo loco
Apostolus Paulus, talis debet intelligi, ut ambo per eum
transeant, id est, & qui ædificat supra hoc fundamentum aurum, ar- 1. Cor. 13. 12.
gentum, lapides pretiosos: & qui ædificat ligna, fœnum, stipulam.
Cùm enim hoc dixisset, adiunxit: *Vniuscuiusque opus quale sit,*
ignis probabis. Si cuius opus permanferit, quod superædificauit, mer-
cedem accipiet. Si cuius opus autem exustum fuerit, damnum patie-
tur: ipse autem saluus erit, sic tamen quasi per ignem. Non

Ecd. 17. 6.

1. Cor. 7. 32.

ergo vnius eorum , sed vtriusque opus ignis probabit. Est quidem ignis tentatio tribulationis , de quo apertè alio loco scriptum est: *Vasa figuli probat fornax, & homines iustos tentatio tribulationis.* Ille ignis in hac interim vita facit quod Apostolus dixit, si accedat duobus fidelibus, vni scilicet *cogitanti qua Dei sunt, quomodo placeat Deo*, hoc est *adificanti super Christum fundamentum, aurum, argentum, lapides preciosos*: alteri autem *cogitanti ea qua mundi sunt, quomodo placeat uxori*, id est, *adificanti super idem fundamentum ligna, fœnum, stipulam.* Illius enim opus non exurit, quia non ea dilexit quorum amissione crucietur. Exurit autem opus huius, quoniam sine dolore non pereunt, quæ cum amore possellæ sunt. Sed quoniam alterutra conditione proposita, eis potius carere malit quàm Christo, nec timore amittendi talia deserit Christum, quamuis doleat dum amittit, saluus est quidem; sic tamen quasi per ignem. Quia vrit eum rerum dolor quas dilexerat amissarum, sed non subuertit neque consumit fundamenti stabilitate atque incorruptione munitum.

Cap. LXX.

Per ignem
saluari
post hanc
vitam.

T A L E aliquid etiam post hanc vitam fieri, incredibile non est, & verum ita sit, quæri potest. Et aut inueniri aut latere nonnullos fideles per ignem quandam purgatorium, quando magis minúsve bona pereuntia dilexerunt, tantò, tardius citiusque saluari: non tamen tales de quibus dictum est, *quod regnum Dei non possidebunt*, nisi conuenienter pœnitentibus eadem crimina remittantur. Conuenienter autem dixi, ut steriles in eleemosynis non sint, quibus tantum tribuit Scriptura diuina, ut earum tantummodò fructum se imputaturum prænunciet Dominus dextris, & earum tantummodò sterilitatem sinistris, quando his dicturus est: *Venite benedicti Patris mei, percipite regnum Dei.* Illis autem: *Ite maledicti in ignem æternum.*

Mat. 13. 34.

Cap. LXX.

In fœda cri-
mina pœni-
tus reuoluen-
da.

S A N E cauendum est ne quisquam existimet infanda illa crimina, qualia qui agunt, regnum Dei non possidebunt, quotidie perpetranda, & eleemosynis quotidie redimenda. In melius quippe est vita mutanda, & per eleemosynas de peccatis præteritis est propitiandus Deus, non ad hoc emendus quodammodò, ut ea semper liceat impunè committere. Ne-
mu enim dedit laxamentum peccandi, quamuis miserando
deleat

deleat iam facta peccata, si non satisfactio congrua negligatur.

DE quotidianis autem breuibus leuibusque peccatis, sine quibus hæc vita non ducitur, quotidiana oratio fidelium satisfacit. Eorum est enim dicere, *Pater noster qui es in celis*: qui iam Patri tali regenerati sunt ex aqua & Spiritu sancto. Delet omnino hæc oratio minima & quotidiana peccata. Delet & illa à quibus vita fidelium sceleratè etiam gesta, sed pœnitendo in melius mutata discedit: si quemadmodum veraciter dicitur, *Dimitte nobis debita nostra*: quoniam non desunt quæ dimittantur, ita veraciter dicatur, *Sicut & nos dimittimus debitoribus nostris*, id est, si fiat quod dicitur: quæ & ipsa eleemosyna est veniam petenti homini ignoscere.

Cap. LXXI.
Oratione
Dominica
expians le-
uiera pec-
cata.

Matt. 6. 12.

Ac per hoc ad omnia quæ vtili misericordia fiunt, valet quod Dominus ait, Date eleemosynam, & ecce omnia munda sunt vobis. Non solum autem qui dat esurienti cibum, siti-
cienti potum, nudo vestimentum, peregrinanti hospitium, fugienti latibulum, ægro vel incluso visitationem, captiuo redemptionem, debili subuectionem, cæco deductionem, tristi consolationem, non sano medelam, erranti viam, deli-
beranti consilium, & quod cuique necessarium est indigentibus: verum etiam & qui dat veniam peccanti *, eleemosynam dat: & qui emendat verberare in quem potestas datur, vel coërcet aliqua disciplina, & tamen peccatum eius quo ab illo læsus est aut offensus, dimittit ex corde, vel orat ut ei dimitratur, non solum in eo quod dimittit atque orat, verum etiam in eo quod corripit, & aliqua emendatoria pœna pleat, eleemosynam dat, quia misericordiam præstat. Multa enim bona præstantur inuitis, quando eorum consulitur vtilitati, non voluntati: quia ipsi sibi inueniuntur esse inimici, amici verò eorum potius illi quos inimicos putant, & reddunt errando mala pro bonis, cum reddere mala Christianus non debeat pro malis. Multa itaque sunt genera eleemosynarum, quæ cum facimus, adiuuamur ut dimittantur nobis nostra peccata.

Cap. LXXII.
Eleemosy-
narum ge-
nera.
Luc. 11. 41.

* ad petēdū

SED ea nihil est maius, quæ ex corde dimittimus, quod in nos quisque peccauit. Minus enim magnum est erga eum esse beneuolum, siue etiam beneficium qui tibi mali nihil fece-

Cap. LXXIII.
Diligere
inimicum.

rit. Illud multò grandius & magnificentissimæ bonitatis est, ut tuum quoque inimicum diligas, & ei qui tibi malum vult, & si potest facit, tu bonum semper velis, faciasque cum possis, illius memor exempli qui in cruce pendens pro suis exorabat persecutoribus, suosque admonuit, dicens: *Diligite inimicos vestros, benefacite eis qui vos oderunt, & orate pro eis qui vos persequuntur.* Sed quoniam perfectorum sunt ista filiorum Dei, quò quidem se debet omnis fidelis extendere, & humanum animum ad hunc affectum orando Deum secumque agendo luctandòque perducere: tamen quia hoc tam magnum bonum tantæ multitudinis non est, quantam credimus exaudiri cum in oratione Dominica dicitur: *Dimitte nobis debita nostra, sicut & nos dimittimus debitoribus nostris*, proculdubio verba sponsonis huius implentur, si homo qui nondum ita profecit, ut iam diligat inimicum, tamen quando rogatur ab homine qui peccauit in eum, ut ei dimittat, dimittit ex corde: quia etiam sibi roganti vult utique dimitti, cum orat & dicit: *Sicut & nos dimittimus debitoribus nostris*, id est, sic dimitte debita nostra rogantibus nobis, sicut & nos dimittimus rogantibus debitoribus nostris.

Cap. LXXV.
Peccata non
dimittitis.

IOHN. 14. 6.

MAT. 6. 14.

I AM verò qui eum in quem peccauit hominem rogat, si peccato suo mouetur ut roget, non est adhuc deputandus inimicus, ut eum diligere sit difficile, sicut difficile erat quando inimicitias exercebat. Quisquis autem roganti & peccati sui poenitenti non ex corde dimittit, nullo modo existimet à Domino sua peccata dimitti, quoniam mentiri veritas non potest. Quem verò lateat Euangelij auditorem siue l-ctorem, quis dixerit, *Ego sum veritas*? Qui cum docuisset orationem, hanc in ea positam sententiam vehementer commendauit dicens: *Si enim dimiseritis hominibus peccata eorum, dimittet & vobis Pater vester celestis delicta vestra. Si autem non dimiseritis hominibus, nec Pater vester dimittet vobis peccata vestra.* Ad tam magnum tonitruum qui non expergiscitur, non dormit, sed mortuus est: & tamen potens est ille etiam mortuos suscitare.

Cap. LXXV.
Eleemosynas
sceleratis vi-
uentium.
LUC. 11. 41.

S ANE qui sceleratissimè viuunt, nec curant talem vitam morésque corrigere, & inter ipsa facinora & flagitia sua eleemosynas frequentare non cessant, frustra tibi idè blandiuntur, quoniam Dominus ait: *Date eleemosynam, & ecce omnia*

munda sunt vobis. Hoc enim quàm latè pateat, non intelligunt. Sed vt intelligant, attendant quibus dixerit. Nempe in Euangelio sic scriptum est : Cùm loqueretur, rogauit illum quidam Phariseum vt pranderet apud se, & ingressus recubuit. Phariseus autem cepit intra se reputans dicere, quare non baptizatus esset ante prandium ? Et ait Dominus ad illum : Nunc vos Pharisei quod de foris est calicis & catini, mundatis : quod autem intus est vestrum, plenum est rapina & iniquitate. Stulti, nonne qui fecit id quod foris est, etiam id quod intus est fecit ? Videte vt etiam id quod intus est, mundum fiat. Veruntamen quod superest, date eleemosynam, & ecce omnia munda sunt vobis. Itane hoc intellegendi sumus, vt Phariseis non habentibus fidem Christi, etiam si non in eum crediderint, nec renati fuerint ex aqua & Spiritu sancto, munda sint omnia, tantùm si eleemosynas dederint, sicut isti eas dandas putant : cùm sine immundi omnes quos non mundat fides Christi, de qua scriptum est : Mundans fide corda eorum, & dicat Apostolus : Immundis autem & infidelibus nihil est mundum, sed polluta sunt eorum & mens & conscientia. Quomodò ergo Phariseis omnia munda essent, si eleemosynas darent, & fideles non essent ? Aut quomodò fideles essent, si in Christum credere atque in eius renasci gratia noluissent ? Et tamen verum est quod audierant, Date eleemosynā, & ecce omnia munda sunt vobis.

Qui autem vult eleemosynā ordinatè dare, à seipso debet incipere, & eam sibi primùm dare. Est enim eleemosyna opus misericordiæ, verissimèque dictum est : *Miserere animæ tuæ placens Deo.* Propter hoc renascimur, vt Deo placeamus, cui meritò displicet quod nascendo contraximus. Hæc est prima eleemosyna quam nobis dedimus, quoniam nos ipsos miseros per miserantis Dei misericordiam requisuimus, iustum iudicium eius confitentes, quo miseri effecti sumus, de quo dicit Apostolus : *Iudicium quidem ex vno in condemnationem.* Et magnæ charitati eius gratias agentes, de qua idem ipse dicit gratiæ prædicator : *Commendat autem suam dilectionem Deus in nobis, quoniam cùm adhuc peccatores essemus, Christus pro nobis mortuus est, vt & nos veraciter de nostrâ miseria iudicantes, & Dei charitatem quam donauit ipse diligentes, piè rectèque viuamus.* Quod iudicium & charitatem Dei cùm Pharisei præterirent, decimabant tamen propter eleemosy-

Lucæ II. 37.

Act. 15.

Tit. 2.

Cap. XXXVI.

Ordo chari-

tatis & miseri-

cordiæ.

Eccl. 30. 24.

Rom. 5. 16.

Mat. 23. 23.

nas quas faciebant etiam quæque minutissima fructuum suorum : & ided non dabant eleemosynas à seipſis incipientes , ſecumque prius miſericordiam facientes , ſicut iſti eas dandas putant. Propter quem dilectionis ordinem dictum eſt : *Diligis proximum tuum ſicut teipſum*. Cùm ergo increpaſſet eos quòd forinſecus ſe lauabant , intus autem rapina & iniquitate pleni eſſent , admonens quandam eleemoſynam quam ſibi homo primitus debet dare , & interiora mundare :

Luc. 10. 27.

Matt. 23. 25.

Luc. 11. 41. *Vcruntamen*, inquit, *quod ſupereſt, date eleemoſynam, & ecce omnia munda ſunt vobis*. Deinde vt oſtenderet quid admonuiſſet , & quid ipſi facere non curarent , ne illum putarent eleemoſynas eorum ignorare, *Sed vae vobis*, inquit, *phariſeis*, tanquam diceret : Ego quidem commonui vos ad eleemoſynam dandam per quam vobis omnia munda ſint, ſed vae vobis qui decimatis mentam & rutam & omne olus : has enim noui eleemoſynas veltras, ne de illis me vos nunc admonuiſſe arbitremini : & præteritis iudicium & charitatem Dei, qua eleemoſyna poſſetis ab omni inquinamento interiori mundari, vt vobis munda eſſent & corpora quæ lauatis : hoc eſt enim omnia, & interiora ſcilicet & exteriora. Sicut alibi legitur :

Mat. 23. 27. *Mundate que intus ſunt, & que foris ſunt munda erunt*. Sed ne iſtas eleemoſynas quæ fiunt de fructibus terræ, reſpiſſe videretur : *Hæc*, inquit, *oportuit facere*, id eſt, iudicium & charitatem Dei : & *illa non omittere*, id eſt, eleemoſynas fructuum terrenorum.

Ca. lxxvii. Non ergo ſe fallant, qui per eleemoſynas quaſlibet largiſſimas fructuum ſuorum vel cuiuſcunque pecuniæ, impunitatem ſe emere exiſtimant in facinorum ſuorum immanitate ac flagitiorum nequitia permanendi : non ſolùm enim hæc faciunt, ſed ita diligunt, vt in eis ſemper optent tantùm ſi poſſint impunè verſari. *Qui autem diligit iniquitatem, odit animam ſuam* : & qui odit animam ſuam, non eſt in eam miſericors, ſed crudelis. Diligendo eam quippe ſecundùm ſeculum, odit eam ſecundùm Dēum. Si ergo vellet ei dare eleemoſynam, per quam munda illi eſſent omnia, odiſſet eam ſecundùm ſeculum, & diligeret eam ſecundùm Deum. Nemo autem dat eleemoſynam quamlibet, niſi vnde det ab illo accipiat qui non eget, & ided dictum eſt : *Miſericordia eius præueniet me*.

Pſal. 10. 5.

Iſa. 11. 25.

Pſal. 58. 11.

Quæ sint autem leuia & quæ grauia peccata, non humano, sed diuino sunt pensanda iudicio. Videmus enim quædam ab ipsis quoque Apostolis ignoscendo fuisse concessa: quale illud est quod venerabilis Paulus coniugibus ait: *Nolite fraudare inuicem, nisi ex consensu ad tempus, ut vacetis orationi: & iterum ad id ipsum reuertimini, ne vos tentet satanas propter incontinentiam vestram*: quod putari posset non esse peccatum, misceri scilicet coniugi non filiorum procreandorum causa, quod bonum est nuptiale, sed carnalis etiam voluptatis: ut fornicationis, siue adulteri, siue cuiusquam alterius imunditiæ mortiferum malum quod turpe est etiam dicere, quod potest tentante satana libido pertrahere, incontinentium deuict infirmitas. Posset ergo (ut dixi) hoc putari non esse peccatum, nisi addidisset: *Hoc autem dico secundum veniam, non secundum imperium*. Quis autem iam esse peccatum neget, cum dari veniam facientibus Apostolica auctoritas fateatur? Tale quiddam est ubi dicit: *Audes quisquam vestrum aduersus alterum negotium habens iudicari apud iniquos, & non apud sanctos?* Et paulò post: *Secularia igitur iudicia si habueritis*, inquit, *eos qui contemptibiles sunt in Ecclesia, hos colloca te ad iudicandum. Ad reuerentiam vobis dico. Sic non est inter vos quisquam sapiens qui possit inter fratrem & fratrem iudicare: sed frater cum fratre iudicio contendit, & hoc apud infideles*. Nam & hic posset putari iudicium habere aduersus alterum, non esse peccatum, sed tantummodò id extra Ecclesiam velle iudicari, nisi securus adiungeret: iam quidem omnino delictum est inter vos, quia iudicia habetis vobiscum. Et ne quisquam hoc ita excusaret, ut diceret iustum se habere negotium, sed iniquitatem se pati, quam velit à se iudicum sententia remoueri: continuò talibus cogitationibus vel excusationibus occurrit atque ait: *Quare non magis iniquitatem patimini? Quare nò potius fraudamini?* Ut ad illud redeatur quod Dominus ait: *Si quis voluerit tunicam tuam tollere, & iudicio tecum contendere, dimitte illi & pallium*. Et alio loco: *Qui abstulerit, inquit, tua, noli repetere*. Prohibuit itaque suos de secularibus rebus cum aliis hominibus habere iudicium. Ex qua doctrina dicit Apostolus esse delictum. Tamen cum finit in Ecclesia talia iudicia finiri inter fratres, fratribus iudicantibus, extra Ecclesiam verò terribiliter vetat: manifestum est etiam

Ca. 2. xvi. ff.
Peccata le-
uia.

1. Cor. 7. 5.

1. Cor. 6. 2.

Mat. 5. 40.
Luc. 6. 30.

1. Cor. 6. 7.

hic quid secundum veniam concedatur infirmis. Propter hæc atque huiusmodi peccata, & alia, licet iis minora, quæ fiunt vicihorum & cogitationum offentionibus Apostolo Iacobo confitente ac dicente : *In multis enim offendimus omnes: oportet ut quotidie crebriusque oremus Dominum atque dicamus : Dimitte nobis debita nostra; nec in eo quod sequitur mentiamur: sicut & nos dimittimus debitoribus nostris.*

1a. 3. 1.

Mat. 6. 2.

Cap. LXXIV.
Qualia
videntur
esse interdum
gravissima.

Mat. 5. 11.

SUNT autem quæ leuissima putarentur, nisi in Scripturis demonstrarentur opinione grauiora. Quis enim dicentem fratri suo fatue, reum gehennæ putaret, nisi veritas diceret? Cui tamen vulneri subiecit continuo medicinam, præceptum fraternæ reconciliationis adiungens. Mox quippe ait : *Si ergo offers munus inum ad altare, & ibi recordatus fueris, quia frater tuus habet aliquod aduersum te, &c.* Aut quis æstimaret quam magnum peccatum sit, dies obseruare & menses & annos & tempora : sicut obseruant qui certis diebus siue mensibus siue annis volunt vel nolunt aliquid inchoare, eo quodd secundum vanas doctrinas hominum fausta vel infauista existiment tempora : nisi huius mali magnitudinem ex timore Apostoli pensarem, qui talibus ait : *Timeo vos ne forte sine causa laborauerim in vobis.*

Gal. 4. 11.

Cap. LXXV.
Peccata hor-
renda vsu
videntur
oriâ lenia.

Psal. 9.

Isa. 5. 7.

Gen. 18. 10.

HINC accidit, quodd peccata quamuis magna & horrenda cum in consuetudinem venerint, aut parua aut nulla esse creduntur : vsque adeo ut non solum non occultanda, verum etiam iam prædicanda ac diffamanda videantur : quando sicut scriptum est : *Laudatur peccator in desideriis anime suæ, & qui iniqua gerit benedicitur.* Talis in diuinis libris iniquitas clamor vocatur. Sicut habes apud Isayam Prophetam de vinea mala : *Expectant, inquit, ut faceret iudicium, fecit autem iniquitatem, & non iustitiam, sed ciuilem.* Vnde est illud in Genesi : *Clamor Sodomorum & Gomorrhæorum multiplicatus est.* Quia non solum iam apud eos non puniebantur illa flagitia, verum etiam publicè velut lege frequentabantur. Sic nostris temporibus ita multa mala, etiam non talia, in apertam consuetudinem iam venerunt, ut pro his non solum excommunicare aliquem Læicum non audeamus, sed nec Clericum degradare. Vnde cum exponerem ante aliquot annos Epistolam ad Galatas, in eo ipso loco ubi ait Apostolus : *Timeo vos ne forte sine causa laborauerim in vobis, exclamare compulsus sum : Vae*

Tomo 4.
Galat. 4. 11.

peccatis hominum quæ sola inusitata exhorreſcimus, vſitata verò pro quibus abluendis filij Dei ſanguis effuſus eſt, quamvis tam magna ſint, vt omnino claudant contra ſeſe faciant regnum Dei, ſæpe videndo omnia tolerare, ſæpe tolerando nonnulla etiam facere cogimur. Atque vtinam, ô Domine, non omnia quæ non poterimus prohibere, faciamus. Sed videro vtrum me immoderatus dolor incautè aliquid compulerit dicere.

Hoc nunc dicam quod quidem & in aliis opusculorum meorum locis ſæpe iam dixi. Duabus ex cauſis peccamus: aut non videndo quid facere debeamus, aut non faciendo quod debere fieri iam videmus. Quorum duorum illud ignorantia malum eſt, hoc infirmitatis. Contra quæ quidem pugnare nos conuenit, ſed proſectò vincimur, niſi diuinitus adiuuemur, vt non ſolum videamus quid faciendum ſit, ſed etiam accedente ſanitate delectatio iuſtitia vincat in nobis earum rerum delectationes quas vel habere cupiendo, vel amittere metuendo ſcientes videntèſque peccamus: iam non ſolum peccatores, quod etiam cum per ignorantiam peccabamus, verum etiam legis præuaticatores, cum id non facimus quod faciendum iam eſſe nouimus, vel facimus quod non faciendum eſſe iam ſcimus. Quapropter non ſolum ſi peccauimus vt ignoſcar, propter quod dicimus, *Dimitte nobis debita noſtra, ſicut & nos dimittimus debitoribus noſtris*: verum etiam ne peccemus vt regat, propter quod dicimus, *Ne nos inferas in tentationem*; ille rogandus eſt cui dicitur in Pſalmo: *Dominus illuminatio mea & ſalus mea*: vt illuminatio detrahat ignorantiam, ſalus infirmitatem.

NAM & ipſa pœnitentia quando digna cauſa eſt ſecundum morem Eccleſiæ vt agatur, pletunque infirmitate non agitur: quia & pudor timor eſt diſplicendi, dum plus delectat hominum æſtimatio, quàm iuſtitia qua ſe quiſque humiliat pœnitendo. Vnde non ſolum cum agitur pœnitentia, verum etiam vt agatur, Dei miſericordia neceſſaria eſt. Alioquin non diceret Apoſtolus de quibuſdam: *Ne forſet det illis Deus pœnitentiam*. Et vt Petrus amare heret, præmiſit Euangelium, & ait: *Reſpexit eum Dominus*.

QUI verò in Eccleſia remitti peccata non credens, contemnit tantam diuini muneris largitatem, & in hac obſti-

Cap. IX. VI.
Peccati cauſa
ſa dua.

Mat. 6. 12.

Pſal. 16. 1.

Cap. XXXIX
Miſericor-
dia Dei ne-
ceſſaria vbi-
que.

1. Tim. 2. 25

Luc. 11. 61.

Cap. LXXXVII.
Peccatum
in Spiritu.

sanctum.

De verbis
Domini,
serm. 11. &
epist. 50. in
fine.Cap. LXXXIV.
Carnis re-
surrectio.

natione mentis diem claudit extremum, reus est illo irremissibili peccato in Spiritum sanctum, in quo Christus peccata dimittit. De qua quaestione difficili in quodam propter hoc solum conscripto libello enucleatissime quantum potui disputaui.

IAM verò de resurrectione carnis non sicut quidam reuixere, iterumque sunt mortui, sed in æternam vitam, sicut Christi ipsius caro resurrexit, quemadmodum possum breuiter disputare, & omnibus quaestionibus quæ de hac re moueri assolent satisfacere, non inuenio. Resurrectionem tamen carnem omnium quicumque nati sunt hominum atque nascuntur, & mortui sunt atque morientur, nullo modo dubitare debet Christianus.

Cap. LXXXV.
Fetus abortiuus.
Lib. 11. de
ciuit. Dei. c.
12. & 13.

VND E primò occurrit de abortiuis fœtibus quaestio, qui iam quidem nati sunt in vteris matrum, sed nondum ita ut iam possint renasci. Si enim resurrecturos eos dixerimus, de iis qui iam formati sunt, tolerari potest utcumque quod dicitur. Informes verò abortus quis non procliuius perire arbitretur, sicut semina quæ concepta non fuerint? Sed quis negare audeat, etsi affirmare non audeat, id æturam resurrectionem, ut quicquid formæ defuit impleatur? Atque ita non desit perfectio quæ accessura erat tempore, quemadmodum non erunt vitia quæ accesserunt tempore: ut neque in eo quod aptum & congruum dies allaturi fuerant, natura fraudetur: neque in eo quod aduersum atque contrarium dies attulerant, natura turpetur: sed integretur quod nondum erat integrum, sicut instaurabitur quod fuerat vitiatum.

Cap. LXXXVI.
Fetus in
utero quando
vivere incipiat.

Ac per hoc scrupulosissime quidem inter doctissimos quaeri ac disputari potest, quod utrum ab homine inueniri possit ignoro, quando incipiat homo in utero viuere. Vtrum sit quædam vita & occulta, quæ nondum motibus viuientis appareat. Nam negare vixisse puerperia, quæ propterea membra tim exsecantur ut eiiciantur ex vteris prægnantium, ne matres quoque si mortua ibi relinquantur occidant, impudentia nimia videtur. Ex quo autem incipit homo viuere, ex illo utique iam mori potest. Mortuus verò, ubicunque illi mors potuit evenire, quomodo ad resurrectionem non pertineat mortuorum, reperire non possum.

NEQVE

NE QVE enim & monstra quæ nascuntur & viuunt, quamlibet citò moriantur, aut resurrectione negabuntur, aut ita resurrectione credenda sunt, ac non potius correctæ emendatæque natura. Absit enim vt illum bimembrem, qui nuper natus est in Oriente, de quo & fratres fidelissimi qui eum viderunt retulerunt, & sanctæ memoriæ Hieronymus Presbyter scriptum reliquit: Absit, inquam, vt vnum hominem duplicem ac non potius duos, quod futurum fuerat, si gemini nascerentur, resurrectiones existimemus. Ita cætera quæ singuli quique partus vel amplius vel minùs aliquid habendo, vel quadam nimia deformitate monstra dicuntur, ad humanæ naturæ figuram resurrectione reuocabuntur: ita vt singulæ animæ singula sua corpora obtineant, nullis coherrentibus etiam quæcunque coherrentia itata fuerant: sed seorsum sibi singulis sua membra gestantibus, quibus humani corporis completur integritas.

Ca. lxxviii.
Mysticis
factis.

Hier. ad
Rom.
Lib. 6. ad
cui. Dicitur.

NON autem perit Deo terrena materies de qua mortaliū creatur caro: sed in quemlibet puluerem cineremve soluat, in quoslibet halitus auræque diffugiat, in quamcunque aliorum corporum substantiam vel in ipsa elementa vertatur, in quorumcunque animalium etiam hominum cibum cedat carnemque mutetur, illi animæ humanæ puncto temporis reddit, quæ illam primitus vt homo fieret, cresceret, viueret, animauit.

C. lxxviii.
Inflauratio
carnis quo-
cumq. modo
perituræ.

IPS A itaque terrena materies, quæ discedente anima fit cadauer, non ita resurrectione reparabitur, vt ea quæ dilabuntur & in alias atque alias aliarum rerum species formaturque vertuntur, quamuis ad corpus redeant vnde dilapsa sunt, ad eandem quoque corporis partes vbi fuerunt, redire necesse sit. Alioquin si capillis capitis redit quod tam crebra tonsura detrahit, si vnguibus quod toties dempsit exectio immoderata & indecens cogitantibus, & idèd resurrectionem carnis non credentibus occurrit informitas. Sed quemadmodum si statua cuiuslibet solubilis metalli aut igne liquefceret, aut contereretur in puluerem, aut confunderetur in massam, & eam veller artifex rursus ex illius materiæ quantitate reparare, nihil interesset ad eius integritatem, quæ particula materiæ cui membro statuæ redderetur, dum tamen totum ex quo conlucuta fuerat, restituta resumeret: ita Deus mira-

Ca. lxxix.
Superflua
inflauratio
corporibus
non accedens.

Lib. 12. de
cui. Dei. 16.

biliter atque ineffabiliter artifex, de toto quo caro nostra constiterat, eam mirabili & ineffabili celeritate restituet. Nec aliquid attingebit ad eius redintegrationem, vtrum capilli ad capillos redeant, & vngues ad vngues: an quicquid eorum perierat mutetur in carnem, & in partes alias corporis reuocetur, curante artificis providentia ne quid indecens fiat.

Cap. xc.
Corporibus
suis decor
addatur.

Nec illud est consequens, vt ided diuersa sit statura reuiuiscantium singulorum, quia fuerat diuersa viuentium, aut macri cum eadem macie, aut pingues cum eadem pinguedine reuiuiscant. Sed si hoc est in consilio creatoris, vt in effigie sua cuiusque proprietates & discernibilis similitudo seruetur, in cæteris autem corporis bonis æqualia cuncta reddantur: ita modificabitur illa in vnoquoque materies, vt nec aliquid ex ea pereat, & quod alicui defuit ille suppleat, qui etiam de nihilo potuit quod voluit operari. Si autem in corporibus resurgentium rationabilis inæqualitas erit, sicut est vtrumque quibus cantus impletur: hoc fiet cuique de materia corporis sui, quod & hominem reddat Angelicis cætibus, & nihil inconueniens eorum ingerat sensibus. Indecorum quippe aliquid ibi non erit, sed quicquid futurum est, hoc decebit, quia nec futurum est si non decebit.

Cap. xci.
Resurgent
corpora om-
ni vitio li-
bera.
1. Co. 15. 44
Sap. 9. 15.
1. ad. 5. 17.

RESURGENT igitur Sanctorum corpora sine vllō vitio, sine vlla deformitate, sicut sine vlla corruptione, onere, difficultate. In quibus tanta facilitas, quanta felicitas erit. Propter quod & spiritalia dicta sunt, cum proculdubio corpora sint futura, non spiritus. Sed sicut nunc corpus animale dicitur, quod tamen corpus, non anima est: ita tunc spiritale corpus erit, corpus tamen non spiritus erit. Proinde quantum attinet ad corruptionem, quæ nunc aggrauat animam, & ad vitia, quibus caro aduersus spiritum concupiscit, tunc non erit caro sed corpus, quia & cælestia corpora perhibentur. Propter quod dictum est: *Caro & sanguis regnum Dei non possidebunt.* Et tanquam exponens quid dixerit: *Neque corruptio*, inquit, *in corruptionem possidebit.* Quod prius dixit, *caro & sanguis*, hoc posteriùs dixit *corruptio*; & quod prius *regnum Dei*, hoc posteriùs *in corruptionem*. Quantum autem attinet ad substantiam, etiam tunc caro erit. Propter quod & post resurrectionem

1. Co. 15. 50.

Luc. 14. 19.

corpus Christi caro appellatum est. Sed ideò ait Apostolus: *Seminatur corpus animale, resurget corpus spiritale*: quoniam tanta
 erit tunc concordia carnis & spiritus, viuificantem spiritu sine
 sustentaculi alicuius indigentia subditam carnem, vt nihil
 nobis repugnet ex nobis, sed sicut foris neminem, ita nec in-
 tus nos ipsos patiamur inimicos.

QUI CUNQUE verò ab illa perditionis massa quæ facta
 est per hominem primum, non liberantur per vnum mediato-
 rem Dei & hominum, resurgent quidem etiam ipsi vnusquis-
 que cum sua carne, sed vt cum diabolo & Angelis eius pu-
 niantur. Vtrum sanè ipsi cum vitiis & deformitatibus suorum
 corporum resurgant; quicunque in eis vitiosa & deformati-
 a membra gestant, inquirendo laborare quid opus est? Neque
 enim fatigare nos debet incerta eorum habitudo vel pulchri-
 tudo, quorum erit certa & sempiterna damnatio. Nec mo-
 ueat quomoddò in eis erit corpus incorruptibile, si dolere
 poterit, aut quomoddò corruptibile si mori non poterit:
 Non est enim vera vita, nisi vbi feliciter viuatur: nec ve-
 ra incorruptio, nisi vbi salus nullo dolore corrumpitur. Vbi
 autem infelix mori non finitur, vt ita dicam, mors ipsa non
 moritur: & vbi dolor perpetuus non interimit sed affligit, ipsa
 corruptio non finitur. Hæc in sanctis scripturis secunda mors
 dicitur.

Nec prima tamen mors, qua suum corpus anima relin-
 quere cogitur, nec secunda qua pœnale corpus animam re-
 linquere non permittitur, homini accidisset, si nemo peccas-
 set. Mitissima sanè omnium pœna erit eorum, qui præter
 peccatum, quod originale traxerunt, nullum insuper addi-
 derunt: & in cæteris qui addiderunt, tantò quisque tolerabi-
 liorem ibi habebit damnationem, quantò hic minorem ha-
 buit iniquitatem.

REMANENTIBVS itaque Angelis & hominibus repro-
 bis in æterna pœna, tunc Sancti scient plenius quid boni eis
 contulerit gratia. Tunc rebus ipsis euidentibus apparebit
 quod in Psalmo scriptum est: *Misericordiam & iudicium can-
 tabo tibi Domine*. Quia nisi per indebitam misericordiam
 nemo liberatur, & nisi per debitum iudicium nemo dam-
 natur.

TUNC non latebit quod nunc latet, cùm de duobus par-

Cap. xxi.
Corpora dñi
naturum.
1. Tim. 2. 5.

Lib. 11. de
cin. diu. 6. 5.

Apoc. 2. 11
& 10. 14.

Cap. xxi.
Infantium
conditio.

Cap. xxi.
Sancti ple-
nitus cognos-
cent bonita-
tem Dñi.
Psal. 100. 15.

Cap. xxi.

Qua nunc
occulis a-
liis reuela-
buntur.

uulis vnus esset assumendus per Dei misericordiam, alius per iudicium relinquendus; in quo is qui assumeretur agnosceret, quid sibi per iudicium deberetur, nisi misericordia subveniret: cur ille potius quam iste fuerit assumptus, cum causa vna esset ambobus: cur apud quosdam non factæ sunt virtutes, quæ si factæ fuissent, egissent illi homines poenitentiam, & factæ sint apud eos qui non fuerant credituri. Aper- tissimè namque Dominus dicit: *Va tibi Corozaim, & va tibi*

Mat. II. 23.

Bethsaida, quia si in Tyro & Sidone facta fuissent virtutes quæ factæ sunt in vobis, olim in cilicio & cinere poenitentiam egissent.

Nec utique Deus iniuste noluit saluos fieri, cum possent salui esse, si vellet. Tunc in clarissima luce sapientiæ videbitur quod nunc piorum fides habet, antequam manifesta cognitione videatur, quàm certa & immutabilis & efficacissima sit voluntas Dei, quàm multa possit & non velit, nihil autem velit quod non possit, quàmque sit verum quod in Psalmo canitur: *Deus autem noster in calo & in terra omnia quaecunque voluit fecit.* Quod utique non est verum, si aliqua voluit, & non fecit. Et quod est indignius, ideò non fecit, quoniam ne fieret quod volebat omnipotens, voluntas hominis impediuit. Non ergo sit aliquid nisi omnipotens fieri velit, vel sinendo ut fiat, vel ipse faciendo.

Cap. xvi.
Omnipotens
Deus.

Nec dubitandum est Deum facere bene etiam sinendo fieri quaecunque sunt malè. Non enim hoc nisi iusto iudicio finit. Et profectò bonum est omne quod iustum est. Quamvis ergo ea quæ mala sunt, in quantum mala sunt non sint bona: tamen ut non solum bona, sed etiam sint & mala, bonum est. Nam nisi esset hoc bonum ut essent & mala, nullo modo esse sinerentur ab omnipotente bono. Cui procul dubio quàm facile est quod vult facere, tam facile est quod non vult esse, non sinere. Hoc nisi credamus, periclitatur ipsum nostræ fidei confessionis initium, qua nos in Deum Patrem omnipotentem credere consitemur. Neque enim veraciter ob aliud vocatur omnipotens, nisi quia quicquid vult potest, nec voluntate cuiuspiam creaturæ voluntatis omnipotentis impeditur effectus.

Cap. xvii.
De simulâdis
& pendendis
voluntatibus
Dei.

Quam ob rem videndum est quemadmodum sit de Deo dictum, quia & hoc Apostolus verissimè dixit, *quia omnes homines vult saluos fieri.* Cum enim non omnes, sed multò plu-

res non fiunt salui, videtur utique non fieri quod Deus vult 2. Tim. 3. 4.

fieri, humana scilicet voluntate impediente voluntatem Dei. Quando enim quaeritur causa, cur non omnes salui fiant, responderi solet, quia ipsi nolunt. Quod quidem de paruulis dici non potest, quorum nondum est velle, seu nolle. Nam quod infanti motu faciunt, si eorum voluntati iudicaretur esse tribuendum, quando baptizantur, cum resistent quantum possunt, etiam nolentes saluos eos fieri diceremus. Sed apertius Dominus in Euangelio compellans impiam ciuitatem :

Quoties, inquit, volui colligere filios tuos sicut gallina pullos suos & noluisti : tanquam Dei voluntas superata sit hominum voluntate, & infirmis nolendo impredientibus non potuerit facere potentissimus quod volebat. Et ubi est illa

omnipotentia qua *in caelo & in terra omnia quaecunque voluit fecit*, si colligere filios Hierusalem voluit, & non fecit? An potius & illa quidem filios suos ab ipso colligi noluit, sed ea

quoque nolente filios eius collegit ipse quos voluit : quia in caelo & in terra non quaedam voluit & fecit, quaedam vero voluit & non fecit, sed omnia quaecunque voluit fecit.

¶ Quid porro tam impie desipiat ut dicat Deum malas hominum voluntates quas voluerit, quando voluerit, ubi voluerit, in bonum non posse conuertere? Sed cum facit, per misericordiam facit; cum autem non facit, per iudicium non facit. Quoniam *cuius vult miseretur, & quem vult indurat*. Quod

cum diceret Apostolus, gratiam, commendabat : ad cuius commendationem de illis in Rebeccae utero geminis fuerat iam locutus : quibus *nondum natis, nec aliquid agentibus boni*

seu mali, ut secundum electionem propositum Dei maneret, non ex operibus, sed ex vocante dictum est ei, quia maior seruiet minori.

Propter quod adhibuit alterum propheticum testimonium, ubi scriptum est : *Iacob dilexi, Esau autem odio habui*. Sentiens autem quemadmodum posset hoc quod dictum est permouere eos qui penetrare intelligendo non possunt hanc altitudinem gratiae, *Quid ergo dicemus*, ait? *Nunquid iniquitas est*

apud Deum? Abiit. Iniquum enim videtur ut sine ullis bonorum malorumve operum meritis, vnum Deus diligat, odiatque *

alterum. Quia in re si futura opera vel bona huius vel mala illius, quae Deus utique praesciebat, vellet intelligi, nequaquam diceret, *non ex operibus*, sed diceret, ex futuris ope-

Mm iij

ribus, eoque modo istam solueret quaestionem : imò nullam quam solui opus esset faceret quaestionem. Nuuc verò cùm respondisset, *absit*, id est, absit vt sit iniquitas apud Deum, mox vt probaret nulla hoc iniquitate Dei fieri, inquit : *Moyse enim dicit, Miserebor cui misertus ero, & misericordiam prestabo cui misericors fuero. Quis enim nisi insipiens Deum iniquum putet, siue iudicium pœnale ingerat digno, siue misericordiam præster indigno ? Denique infert & dicit : Igitur non volentis, neque currentis, sed miserentis est Dei.* Ambo itaque gemini natura filij iræ nascebantur, nullis quidem operibus propriis, sed originaliter ex Adam vinculo damnationis obstricti. Sed qui dixit, *miserebor cui misertus ero, & misericordiam prestabo cui misericors fuero*, Iacob dilexit per misericordiam gratuitam, Esau autem odio habuit per iudicium debitum. Quod cùm deberetur ambobus, in altero alter agnouit non de suis distantibus meritis sibi esse gloriandum, quod in eadem causa idem supplicium non incurrit, sed de diuinæ gratiæ largitate, quia non volentis neque currentis, sed miserentis est Dei. Altissimo quippe ac saluberrimo Sacramento vniuersa facies, atque (vt ita dixerim) vultus sanctarum scripturarum, bene intuentes id admonere inuenitur, vt qui gloriantur, in Domino gloriatur.

CVM autem Apostolus misericordiam Dei commendasset in eo quod ait, *Igitur non volentis neque currentis, sed miserentis est Dei* : deinde vt etiam iudicium commendaret, quoniam in quo non fit misericordia, non iniquitas fit, sed iudicium, non est quippe iniquitas apud Deum, continuò subiicit atque ait : *Dicit enim scriptura Pharaoni, Quia ad hoc te excitavi, vt ostendam in te potentiam meam, & vt annuncietur nomen meum in vniuersa terra.* Quibus dictis ad vtrumque concludens, id est, ad misericordiam & ad iudicium, inquit : *Ergo cuius vult miseretur Deus, & quem vult obdurat.* Miseretur, scilicet magna bonitate, obdurat nulla iniquitate, vt nec liberatus de suis meritis gloriètur, nec damnatus nisi de suis meritis conqueratur. Sola enim gratia Redemptos discernit à perditis, quos in vnâ perditionis concreuerat massam ab origine ducta causa communis. Hoc autem qui eo modo audit vt dicat, *quis adhuc conqueritur ? Nam voluntati eius quis resistit ?* tanquam propterea malus non videatur esse culpam-

Exo. 33. 19.

Rom. 9. 16.
Eph. 2. 3.

1. Co. 10. 17.

Cap. xcix
misericordia
& iudicium
Dii.

Exo 9. 16.

Rom. 9. 18.

dus, quia *Deus cuius vult misereatur, & quem vult obdurat*: absit
 vt pudeat nos hoc respondere, quod respondisse videmus
 Apostolum? *O homo tu quis es qui respondeas Deo? Nunquid*
dicis figmentum ei qui se finxit, quid me fecisti sic? An non habet po-
testatem figulus luti ex eadem massa facere, aliud quidem vas in ho-
norem, aliud verò in contumeliam? Hoc enim loco quidam Itul-
 ti putant Apostolum in responsione defecisse, & inopia red-
 dendæ rationis repressisse contradictoris audaciam. Sed ma-
 gnum habet pondus quod dictum est, *O homo tu quis es?* Et in
 talibus quæstionibus ad suæ capacitatis considerationem re-
 uocat hominem verbo quidem breui, sed re ipsa magna est
 redditio rationis. Si enim non capit hæc, quis est qui respon-
 deat Deo? Si autem capit, magis non inueniet quid respon-
 deat. Videt enim si capit, vniuersum genus humanum tam
 iusto iudicio diuino in apostolica radice damnatum, vt etiam
 si nullus indeliberaretur, nemo rectè posset Dei vituperare
 iustitiam: & qui liberantur, sic oportuisse liberari: vt ex
 pluribus non liberatis, atque in damnatione iustissima de-
 relictis, ostenderetur quid meruisset vniuersa conspersio,
 & quò etiam istos debitum iudicium Dei duceret, nili eius
 indebita misericordia subueniret: vt volentium de suis me-
 ritis gloriari, *omne os obstruatur: & qui gloriatur, in Domino glo-*
rietur.

Rom. 9. 10.
 Lib. 15 de
 ciu. Dei. 1.

Rom. 3. 19.
 1. Cor. 1. 30.

Hæc sunt *magna opera Domini, exquisita in omnes voluntates*
eius; & tam sapienter exquisita, vt cum angelica & humana
 creatura peccasset, id est, non quod ille, sed quod voluit ipsa
 fecisset, etiam per eandem creaturæ voluntatem, qua factum
 est quod Creator noluit, impletet ipse quod voluit: bene
 vtens & malis, tanquam summè bonus, ad eorum damnatio-
 nem quos iustè prædestinauit ad pœnam, & ad eorum salu-
 tem quos benignè prædestinauit ad gratiam. Quantum enim
 ad ipsos attinet, quod Deus noluit fecerunt: quantum
 verò ad omnipotentiam Dei, nullo modo id efficere value-
 runt. Hoc quippe ipso quod contra voluntatem Dei fece-
 runt, de ipsis facta est voluntas eius. Propterea namque *ma-*
gna opera Domini exquisita in omnes voluntates eius, vt miro
 & ineffabili modo non fiat præter eius voluntatem, quod
 etiam contra eius sit voluntatem: quia non fieret si non

Cap. c.
 Nihil sit cõ-
 tra volunta-
 tem Dei.
 Psal. 110. 2.

fineret : nec utique nolens finit, sed volens. Nec fineret bonus fieri malè , nisi omnipotens etiam de malo facere posset bene.

Cap. ci.
Bona voluntas, aliud est, aliud hominis.

ALIQUANDO autem bona voluntate homo vult aliquid quod Deus non vult, etiam ipse bona multò amplius multòque certius voluntate : nam illius mala voluntas esse nunquam potest. Tanquam si bonus filius patrem velit vivere, quem Deus bona voluntate vult mori. Et tursus fieri potest, ut hoc velit homo voluntate mala quod Deus vult bonæ. Velut si malus filius velit mori patrem, velit hoc etiam Deus. Nempe ille vult quod non vult Deus, iste verò id vult, quod vult & Deus : & tamen bonæ voluntati Dei pietas illius potius consonat, quamvis aliud volentis, quàm huius idem volentis impietas. Tantum interest quid velle homini, quid Deo congruat, & ad quem finem suam quisque referat voluntatem, ut aut approbetur aut improbetur. Nam Deus quasdam voluntates suas utique bonas ita implet per malorum hominum voluntates malas. Sicut per Iudæos malevolos bona voluntate Patris Christus pro nobis occisus est.

Mat. 16. 23.

Quod tantum bonum factum est, ut Apostolus Petrus quando id fieri nolebat, Satanas ab ipso qui occidi venerat diceretur. Quàm bonæ appatebant voluntates piorum fidelium, qui nolebant Apostolum Paulum Hierusalem pergere, ne ibi pateretur mala quæ Propheta Agabus prædixerat : & tamen Deus hæc illum pati volebat pro annuncianda fide Christi, exerceens martyrem Christi. Neque enim iste bonam voluntatem suam implevit per Christianorum voluntates bonas, sed per Iudæorum malas : & ad eum potius pertinebant qui nolebant quod volebat, quam illi per quos volentes factum est quod volebat, quia id ipsum quidem, sed ipse per eos bona, illi autem mala voluntate fecerunt.

Cap. cii.
Voluntas Dei.

SED quantalibet sint voluntates vel Angelorum vel hominum, vel bonorum vel malorum, vel illud quod Deus vel aliud volentes quàm Deus, omnipotentis voluntas Dei semper inivicta est : quæ mala esse nunquam potest, quia etiam cum mala itroget, iusta est, & profectò quia iusta est, mala non est. Deus igitur omnipotēs siue per misericordiam, cuius vult misereatur siue per iudicium quem vult obduret, nec iniquè

quæ aliquid facit, nec nisi volens quicquam facit, & en r i a
quæcunque vult facit.

A c per hoc cùm audimus & in sacris literis legimus, quòd
velit omnes homines saluos fieri : quauis certum sit nobis
non omnes homines saluos fieri, non tamen idèò debemus
omnipotentissimæ Dei voluntati aliquid derogare, sed ita in-
telligere quod scriptum est: *Qui vult omnes homines saluos fie-
ri* : tanquam diceretur, nullum hominem fieri saluum, nisi
quem saluum fieri ipse voluerit : non quòd nullus sit homi-
num, nisi quem saluum fieri velit, sed quòd nullus fiat nisi
quem velit, & idèò sit rogandus vt velit, quia necesse est fie-
ri si voluerit. De orando quippe Deo agebat Apostolus, vt
hoc diceret. Sic enim intelligimus id quod in Euangelio
scriptum est : *Qui illuminat omnem hominem*, non quia nul-
lus est hominum qui non illuminetur, sed quia nisi ab ipso
nullus illuminatur. Aut certè sic dictum est : *Qui omnes ho-
mines vult saluos fieri*, non quòd nullus hominum esset quem
saluum fieri noller, qui virtutes miraculorum facere noluit
apud eos quos dicit acturos fuisse pœnitentiam si fecisset : sed
vt omnes homines omne genus humanum intelligamus per
quascunque differentias distributum, reges, priuatos, nobi-
les, ignobiles, sublimes, humiles, doctos, indoctos, integri
corporis, debiles, ingeniosos, tardicordes, facuos, diuites,
pauperes, mediocres, mares, feminas, infantes, pueros, ado-
lescentes, iuuenes, seniores, senes : in linguis omnibus, in
moribus omnibus, in artibus omnibus, in professionibus om-
nibus, in voluntatum & conscientiarum varietate innu-
merabili constitutos, & si quid aliud differentiarum est in homi-
nibus. Quid est enim eorum vnde non Deus per vnigenitum
suum Dominum nostrum per omnes gentes saluos fieri ho-
mines velit, & idèò faciat, quia omnipotens velle inaniter
non potest quodcunque voluerit ? Præceperat enim Apo-
stolus, vt oraretur pro omnibus hominibus, & specialiter ad-
diderat, pro regibus & iis qui in sublimitate sunt, qui putari
poterant fastu & superbia seculari à fidei Christianæ humili-
tate abhorrete. Proinde dicens: *Hoc enim bonum est coram sal-
uatore nostro Deo*, id est, vt etiam pro talibus oretur : statim vt
desperationem tolleretur, addidit : *Qui omnes homines vult sal-
uos fieri, & in agnitionem veritatis venire*. Hoc quippe Deus

Cap. cxi.
Excutitur
dictu. 1. 30.
Nels. Quis
vult omnes
saluos fieri.
1. Tim. 2. 4.

Ioan. 1. 9.

1. Tim. 2. 4.

Luc. II. 45.

bonum iudicauit, vt orationibus humilium, dignaretur salutem præstare sublimium. Quod vtique iam videmus impletum. Isto locutionis modo & Dominus est vsus in Euangelio, vbi ait Phariseis: *Decimatis mentam & rutam & omne olus.* Neque enim Pharisei & quæcunque aliena & omnium per omnes terras alienigenarum omnia olera decimabant. Sicut ergo hic omne olus, omne olcrum genus: ita & illic omnes homines, omne hominum genus intelligere possumus: & quocunque alio modo intelligi potest, dum tamen credere non cogamur aliquid omnipotentem Deum voluisse fieri, factumque non esse: qui sine vllis ambiguitatibus si in caelo & in terra, sicut & veritas cantat, *omnia quaecunque voluit, fecit*, profectò facere noluit quodcunque non fecit.

Psal. III. 11.

Cap. CIV.
Præsentia
dei.

QVAPROPTER etiam primum hominem Deus in ea salute in qua conditus erat, custodire voluisset, eumque opportuno tempore post genitos filios sine interpositione mortis ad meliora perducere, vbi iam non solum peccatum non committere, sed nec voluntatem posset habere peccandi, si ad permanendum sine peccato sicut factus erat, perpetuam voluntatem habiturum esse præscisset. Quia verò eum malè vsutum libero arbitrio, hoc est peccaturum esse præsciebat, ad hoc potius præparauit voluntatem suam, vt bene ipse faceret, etiam de malefaciente, ac sic hominis voluntas mala non euacuaretur, sed nihilominus impleteretur omnipotentis bona.

Cap. CV.
Vultus
nostre
quæ
futura sit.

Si enim oportebat priùs hominem fieri, vt & bene velle posset & malè, nec gratis si bene, nec impunè si malè: postea verò sic erit, vt malè velle non possit, nec idèò libero patebit arbitrio. Multo quippe liberius erit arbitrium, quod omnino non poterit seruire peccato. Neque enim culpanda est voluntas, aut voluntas non est, aut libera dicenda non est, qua beati esse sic volumus, vt esse miseri non solum nolimus, sed nequaquam prorsus velle possumus. Sicut ergo nunc etiam anima nostra nolle infelicitatem, ita tunc nolle iniquitatem semper habitura est. Sed ordo prætermittendus non fuit, in quo Deus voluit ostendere, quam bonum sit animal rationale quod etiam peccare possit, quamuis sit melius quod peccare non possit: sicut minor fuit immortalitas, sed tamen fuit in qua

posset etiam mori, quamvis maior futura sit in qua non possit mori.

ILLAM natura humana perdidit per liberum arbitrium, & hanc est acceptura per gratiam quam fuerat, si non peccasset, acceptura per meritum: quamvis sine gratia nec tunc vllum meritum esse potuisset. Quia etsi peccatum in solo libero arbitrio erat constitutum, non tamen iustitiæ retinendæ sufficiebat liberum arbitrium, nisi participatione immutabilis boni diuinum adiutorium præberetur. Sicut enim moti est in hominis potestate cum velit, nemo est enim qui non seipsum, ut nihil aliud dicam, vel non velle potest occidere, ad vitam verò tenendam voluntas non satis est, si adiutoria siue alimentorum siue quorumcunque tutaminum desint. Sic homo in paradiso ad se occidendum relinquendo iustitiæ idoneus erat per voluntatem, ut autem ab eo teneretur vita iustitiæ, parum erat velle, nisi ille qui eum fecerat adiuuaret. Sed post illam ruinam maior est misericordia Dei, quando & ipsum liberum arbitrium liberandum est à seruitute, cui dominatur cum morte peccatum. Nec omnino per seipsum, sed per solam Dei gratiam, quæ in fide Christi posita est, liberatur: ut voluntas ipsa, sicut scriptum est, à Domino præparetur, qua cætera Dei munera capiantur per quæ veniatur ad inunus æternum.

VNDË & ipsam vitam æternam, quæ certè metes est opertum bonorum, gratiam Dei appellat Apostolus: *Stipendium enim*, inquit, *peccati mors, gratia autem Dei vita æterna in Christo Jesu Domino nostro.* Stipendium pro opere militiæ debitum redditur, non donatur: ideo dixit, *Stipendium peccati mors*: ut mortem peccato non immeritò illatam, sed debitam demonstraret. Gratia verò nisi gratis sit, *gratia non est*, intelligendum est igitur etiam ipsa hominis bona merita esse Dei munera, quibus cum vita æterna redditur, quid nisi gratia pro gratia redditur? Sic ergo factus est homo rectus, ut & manere in ea rectitudine posset, non sine adiutorio diuino, & suo fieri peruersus arbitrio: & utrumlibet horum elegisset, Dei voluntas fieret, aut etiam ab illo, aut certè de illo. Proinde quia suam maluit facere quàm Dei, de illo facta est voluntas Dei, qui ex eadem massa perditionis quæ de illius stirpe profluxit, *facit aliud vas in honorem, aliud in contumeliæ*; in honorem, per mi-

Cap. cxi.
Liberum
arbitrium
& gratia.

Cap. cxii.
Gratia &
stipendium
peccati.
Rom. 6. 23.

Rom. 11. 6.

Rom. 9. 21.

fericordiam; in contumeliam, periudicium : ut nemo gloriatur in homine, ac per hoc nec in se.

Cap. cxi.
Mediator
Christus.
2. Tim. 2. 5.
Heb. 11. 15.

NAM neque per ipsum liberaremur vnum mediatorem Dei & hominum, Christum *Iesum*, nisi esset & Deus. Sed cum factus est Adam homo scilicet rectus, mediatore non opus erat. Cum verò genus humanum peccata longè separauerunt à Deo, per mediatorem, qui solus sine peccato natus est, vixit & occisus est, reconciliari nos oportebat Deo usque ad carnis resurrectionem in vitam æternam: ut & humana superbia per humilitatem Dei argueretur ac sanaretur, & demonstraretur homini quàm longè à Deo recesserat, cum per incarnatum Deum reuocaretur, & per hominem Deum exemplum obedientie contumaci homini præberetur, & Unigenito suscipiente formam serui, quæ nihil antè meruerat, fons gratiæ panderetur, & carnis etiam resurrectio redemptionis promissa in ipso redemptore præmonstraretur, & per eandem naturam quam se decepisse latabatur diabolus vincesset: nec tamen homo gloriaretur, ne iterum superbia nasceretur; & si quid aliud de tanto mediatoris Sacramento à proficientibus videri & dici potest, aut tantum videri, etiam si non dici potest.

Cap. cx.
Locus animarum usque ad iudicium futurum.

TEMPVS autem quod inter hominis mortem & ultimam resurrectionem interpositum est, animas abditis receptaculis continet, sicut vnaquæque digna est vel requie vel ærumna, pro eo quod sortita est in carne cum viveret.

Cap. cx.
Bona opera pro defunctis.

NE QVE negandum est, defunctorum animas pietate suorum viuentium releuari, cum pro illis sacrificium mediatoris offertur, vel eleemosynæ in Ecclesia fiunt. Sed eis hæc profunt, qui cum viuerent, ut hæc sibi postea prodesse possent, metuerunt. Est enim quidam viuendi modus, nec tam bonus ut non requirat ista post mortem, nec tam malus ut ei non profint ista post mortem. Est verò talis in bono, ut ista non requirat, & est rursus talis in malo, ut nec his valeat, cum ex hac vita transierit, adiuuari. Quocirca hæc omne meritum comparatur, quo possit post hanc vitam releuari quispiam vel grauari. Nemo autem se speret quod hæc neglexerit cum obierit apud Deum promereri. Non igitur ista quæ pro defunctis commendandis frequentat Ecclesia, illi Apostolicæ

sunt aduersa sententia, qua dictum est: *Omnes enim astabimus ante tribunal Christi, ut referat unusquisque secundum ea quae per corpus gessit, siue bonum, siue malum*: quia etiam hoc meritum sibi quisque cum in corpore uiueret comparauit, ut ei possent ista prodesse. Non enim omnibus profunt. Et quare non omnibus profunt, nisi propter differentiam uitae quam quisque gessit in corpore? Cum ergo sacrificia siue altaris siue quarumcunque eleemosynarum pro baptizatis defunctis omnibus offeruntur, pro valde bonis gratiarum actiones sunt: pro non valde malis, propitiationes sunt: pro valde malis etiam nulla sunt adiumenta mortuorum, qualescunque uiuorum consolationes sunt. Quibus autem profunt, aut ad hoc profunt, ut sit plena remissio, aut certe tolerabilior fiat ipsa damnatio.

POST resurrectionem uero facto uniuerso completoque iudicio, suos fines habebunt ciuitates duae, una Christi, altera diaboli: una bonorum, altera malorum; utraque tamen Angelorum & hominum. Istis uoluntas, illis facultas non poterit ulla esse peccandi: uel ulla conditio moriendi, istis in aeterna uita uerè felicitèrque uiuentibus, illis infelicitèr in aeterna morte sine moriendi potestate durantibus, quoniam utriusque sine fine. Sed in beatitudine isti alius alio praeftabilius, in miseria uerò illi alius alio tolerabilius permanebunt.

FRUSTRA itaque nonnulli, imò quàm plurimi aeternam damnatorum poenam, & cruciatus sine intermissione perpetuos, humano miserauitur affectu, atque ita futurum esse non credunt: non quidem scripturis aduersando diuinis, sed pro suo motu dura quæque molliendo, & in leniorem flectendo sententiam, quæ putant in eis terribilius esse dicta, quam uerius. *Non enim obliuiscetur, inquit, misereri Deus, aut contine-*

Cap. cxi.
duacitatem
et post in
dicium.

Cap. cxii.
pena im-
pietatis an
aeterna.

Psal. 76. 10.

Mat. 25. 46.

atum est: *Iussi autem in vitam eternam*. Sed pœnas damnatorum certis temporum intervallis existiment, si hoc eis placeat, aliquatenus mitigari: etiam sic quippe intelligi potest *manere in illis ira Dei*, hoc est ipsa damnatio. Hæc enim vocatur ira Dei, non divini animi perturbatio: ut in ira sua, hoc est manente ira sua, non tamen contineat miserationes suas, non æterno supplicio finem dando, sed levamen adhibendo vel interponendo cruciatibus. Quia nec Psalmus ait, ad finiendam iram suam, vel post iram suam, sed *in ira sua*. Quæ si sola esset quanta ibi minima cogitari potest, perire à regno Dei, exulare à ciuitate Dei, alienari à vita Dei, carere tam magna multitudine dulcedinis Dei quam abscondit timentibus se, perfecit autem sperantibus in se, tam grandis est pœna, ut ei nulla possint tormenta quæ nouimus comparari, si illa sit æterna, ista autem sint quamlibet multis seculis longa.

MANEBIT ergo sine fine mors illa perpetua damnatorum, id est, alienatio à vita Dei, & omnibus erit ipsa communis, quamlibet homines de varietate pœnarum, de dolorum releuatione vel intermissione pro suis humanis motibus suspicentur, sicut manebit communiter omnium vita æterna Sanctorum, quamlibet bonorum distantia concorditer fulgeant.

Cap. cxv.
Confessio
fidei.
I. Cor. 3.
Heb. 5. 11.

Ex ista fidei confessione quæ breuiter symbolo continetur, & carnaliter cogitata lac est paruulorum, spiritualiter autem considerata atque tractata cibus est fortium, nascitur spes bona fidelium, cui charitas sancta comitatur; sed de iis omnibus quæ fideliter sunt credenda, ea tantum ad spem pertinent quæ in oratione Dominica continentur. *Male estus est enim omnis, sicut diuina testantur eloquia, qui spem ponit in homine*: ac per hoc in semetipso qui se, cum ponit, huius maledicti vinculo innectitur. Ideo non nisi à Domino Deo petere debemus qui quid speramus nos vel bene operaturos vel pro bonis operibus adepturos.

Cap. cxv.
Oratio de
misericordia.

PROINDE apud Euangelistam Matthæum septem petitiones continere Dominica videtur oratio: quarum in tribus æterna poscuntur, in reliquis quatuor temporalia, quæ tamen propter æterna consequenda sunt necessaria. Nam quod

dicimus, *Sanctificetur nomen tuum, veniat regnum tuum, fiat voluntas tua sicut in celo & in terra* : quod non absurdè quidam intellexerunt in spiritu & corpore, omnino retinenda sunt sine fine: & hic inchoata quantumcunque proficimus augentur in nobis : perfecta verò, quod in alia vita sperandum est, semper possidebuntur. Quod verò dicimus, *Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris, & ne nos inferas in tentationem, sed libera nos à malo*; quis non videat ad præsentis vitæ indigentiam pertinere? In illa itaque vita æterna ubi nos semper speramus futuros, & nominis Dei sanctificatio, & regnum eius & voluntas eius in nostro spiritu & corpore perfectè atque immortaliter permanebunt. Panis verò quotidianus idèò dictus est, quia hic est necessarius, quantus animæ carniq; tribuendus est, siue spiritualiter, siue carnaliter, siue utroque intelligatur modo. Hic est etiam quam poscimus remissio, ubi est commissio peccatorum : hic tentationes quæ nos ad peccandum vel illiciunt vel impellunt : hic denique malum unde cupimus liberari, illic autem nihil est istorum.

Matt. 6. 9.

Luc. 11. 2.

E V A N G E L I S T A verò Lucas in oratione Dominica petitiones non septem, sed quinque complexus est: nec ab isto vtiq; discrepauit, sed quomodo istæ septem sunt intelligenda, ipsa sua breuitate commonuit. Nomen quippe Dei sanctificatur in spiritu, Dei autem regnum in carnis resurrectione venturum est. Ostendens ergo Lucas terriam petitionem duarum superiorum esse quodammodo repetitionem, magis eam prætermittendo fecit intelligi. Deinde tres alias adiungit, de pane quoridiano, de remissione peccatorum, de tentatione vitanda. At verò quod ille in ultimo posuit, *sed libera nos à malo*, iste non posuit, ut intelligeremus ad illud superius quod de tentatione dictum est, pertinere. Idèò quippe ait, *sed libera*, non ait, & libera, tanquam vnam petitionem esse demonstrans. Non hoc, sed hoc, ut sciat vnusquisque in eo se liberari à malo quod non inferitur in tentationem.

Cap. cxxv.
Eadem oratio
secundum
Lucam.

I A M porro charitas, quam duabus istis, id est, fide ac spe maiorem dixit Apostolus, quando in quocunque maior est, tantò melior est in quo est. Cum enim quaeritur, vtrum quisque sit homo bonus, non quaeritur quid credat aut speret, sed

Cap. cxxvii.
Charitas.
1. Cor. 13. 13.

quid amet. Nam qui rectè amat, proculdubio rectè credit & sperat: qui vero non amat, inaniter credit, etiamsi sunt vera quæ credit: inaniter sperat, etiamsi ad veram felicitatem doceantur pertinere quæ sperat, nisi & hoc credat ac speret, quòd sibi petenti donari possit ut amet: Quamuis enim sperare sine amore non possit, fieri tamen potest ut id non amet sine quo ad id quod sperat non potest peruenire. Tāquam si speret vitam æternam, quamuis non amet iustitiam sine qua nemo ad illam peruenit. Ipsa est autem fides Christi quam commendat Apostolus, quæ per dilectionem operatur, & quod in dilectione nondum habet, petit ut accipiat, quærit ut inueniat, pulsatur ut aperiatur ei. Fides namque impetrat quod lex imperat: nam sine Dei dono, id est, sine Spiritu sancto, per quem diffunditur charitas in cordibus nostris, iubere lex poterit, non iuuare, & præuicacitorem insuper facere, qui de ignorantia se excusare non possit. Regnat enim carnalis cupiditas ubi non est Dei charitas.

Gal. 5. 6.

Matth. 7. 7.

Rom. 5. 5.

Cap. cxxviii.

Quatuor
gradus ad
fili statem
secundum
quatuor di-
tates.

2. Pet. 2. 19.

Rom. 5. 10.

Galat. 5. 17.

Abac. 2. 4.

SEd cum in altissimis ignorantie tenebris nulla resistente ratione viuatur secundum carnem, hæc sunt prima hominis. Deinde cum per legem cognitio fuerit facta peccati, si nondum diuinus adiuuat spiritus, secundum legem volens viuere vincitur, & sciens peccat, peccatoque subditus seruit: A quo enim quis deuictus est, huic & seruus additus est: id agente scientia mandati, ut peccatum operetur in homine omnem concupiscentiam, cumulo præuicationis adiecto, atque ira quod scriptum est impleatur: Lex subintravit ut abundaret delictum. Hæc sunt secunda hominis. Si autem respexerit Deus ut adimplenda quæ mandat ipse adiuuare credatur & agi homo coeperit Dei spiritu, concupiscitur aduersus carnem fortiore robore charitatis: ut quamuis sit adhuc quod homini repugnet ex homine, nondum tota infirmitate sanata, ex fide tamen iustus uiuat, iustæque uiuat in quantum non cedit malæ concupiscentiæ, vincente dilectione iustitiæ. Hæc sunt tertia bonæ spei hominis: in quibus si pia perseuerantia quisque proficiat, postrema pax restat, quæ post hanc vitam in requie spiritus, deinde in resurrectione etiam carnis implebitur. Hæc sunt quatuor differentiarum, prima est ante legem, secunda sub lege, tertia sub gratia, quarta in pace plena atque perfecta. Sic est & Dei populus ordinatus per temporum

temporum interualla sicut Deo placuit, qui in mensura, numero & pondere cuncta disponit. Nam fuit primitus ante legem: secundò sub lege, quæ per Moysen data est: deinde sub gratia, quæ reuelata est per primum mediatoris aduentum. Quæ quidem gratia nec antea defuit quibus impartiri eam oportuit, quamuis pro temporis dispensatione velata & occulta. Neque enim antiquorum quicumque iustorum præter Christi fidem salutem potuit inuenire. At verò uisi & illis cognitus fuisset, non potuisset nobis per eorum ministerium aliàs apertius, aliàs occultius prophetari.

IN quacunque autem quatuor istarum velut ætatum singulum quemque hominem gratia regenerationis inuenerit, ibi ei remittuntur præterita vniuersa peccata: & reatus ille nascendo contractus, renascendo dissoluitur. Tàmque multum valet quòd *spiritus ubi uult spirat*, ut quidam secundum illam seruitutem sub lege esse non nouerint, sed cum mandato incipiant adiutorium habere diuinum.

ANTE QUAM possit autem homo capax esse mandati, secundum carnem uiuat necesse est: sed si iam Sacramento regenerationis imbutus est, nihil ei mox oberit si tunc ex hac vita migrauerit. Quia idèd Christus mortuus est & resurrexit, ut & uiuorum & mortuorum dominetur, nec tenebit regnum mortis eum, pro quo mortuus est ille liber in mortuis.

OMNIA igitur præcepta diuina referuntur ad charitatem, de qua dicit Apostolus: *Finis autem præcepti est charitas, de corde puro, & conscientia bona, & fide non ficta*. Omnis itaque præcepti finis est charitas, id est, ad charitatem refertur omne præceptum. Quod verò ita sit vel timore pænæ, vel aliqua intentione carnali, ut non referatur ad illam charitatem, quam diffundit spiritus sanctus in cordibus nostris, nondum fit quemadmodum fieri oportet, quamuis fieri videatur. Charitas quippe ista Dei est & proximi, & utique in his duobus præceptis tota tenet & Propheta. Adde Euangelium, adde & Apostolos: non enim aliunde vox ista est, *Finis præcepti est charitas*; &, *Deus charitas est*. Quæcunque ergo mandat Deus, ex quibus vnum est: *Non machaberis*, & quæcunque non iubentur, sed spiritali consilio monentur, ex quibus vnum est: *Bonum est homini mulierem non tangere*, tunc rectè fiunt cum referuntur ad diligendum Deum, & proximum propter Deum, & in hoc seculo, &

Sap. 11. 21.

Ioan. 1. 17.

Cap. cxx.
renascentia
spiritus.

Ioan 3. 8.

Cap. cxx.
Sacramentum
regenera-
tionis.Rom 14. 9
1. 21. 27. 6.Cap. cxx.
Charitas.
1. 2. 1. 5.

Rom. 5. 5.

Mat. 22. 40.

1. Ioan. 4. 16,
Mat. 5. 27.

1. Cor. 7. 1.

in futuro : nunc Deum per fidem, tunc per speciem, & ipsum proximum nunc per fidem. Non enim scimus mortales corda mortalium, tunc autem illuminabit Dominus abscondita tenebrarum, & manifestabit cogitationes cordium. Et tunc laus erit unicuique à Deo : quia id laudabitur & diligetur à proximo in proximo, quod ne lateat, ab ipso illuminabitur Deo. Minuitur autem cupiditas charitate crescente, donec veniat hic ad tantam magnitudinem qua maior esse non possit.

1. Cor. 4. 5.

Ioan. 15. 13.

fit. Maiorem enim charitatem nemo habet, quam ut animam suam quis ponat pro amicis suis. Ibi autem quis explicet quanta charitas erit, ubi cupiditas quam vel coercendo superet nulla erit : quando summa sanitas erit, quando contentio mortis nulla erit.

Cap. cxxxi.
Cur hoc opus
conscriptum
sit.

Sed sit aliquando huius voluminis finis, quod ipse videris, utrum Enchiridion vel appellare debeas vel habere. Ego tamen cum spernenda tua in Christo *Iesu* studia non putarem, bona de te credens, in adiutorio nostri Redemptoris confidens ac sperans, teque in eius membris plurimum diligens, librum ad te sicut valui, utinam tam commodum quam prolixum, de fide, spe & charitate conscripsi.





S A N C T I
AVRELII AVGVSTINI
HIPPONENSIS EPISCOPI.
DE SERMONE DOMINI IN MONTE
secundùm Matthæum.

LIBER PRIMVS.



*S*ERMONEM quem locutus est Dominus noster
Iesus Christus in monte, sicut in Euangelio se-
 cundùm Matthæum legimus, si quis piè sobriè-
 que considerauerit, puto quòd inueniet in eo,
 quod ad mores optimos pertinet, perfectum vi-
 tæ Christianæ modum. Quod polliceri non temere aude-
 mus, sed ex ipsis eiusdem Domini verbis conijcimus. Nam
 sic ipse sermo concluditur, vt appareat in eo præcepta esse
 omnia quæ ad informandam vitam pertinent. Sic enim di-
 cit: *Omnis ergo qui audit verba mea hæc & facit ea, assimilabo*
eum viro sapienti, & reliqua vsque ad eum locum, Et facta est Cap. 7.
Vide lib. 1.
Retrac. 4. 19.
ruina eius magna. Cùm ergo non dixit, *qui audit verba mea*
tantùm, sed addidit dicens: *Qui audit verba mea hæc,* faris, vt
 arbitror, significauit, hæc verba quæ in monte locutus est,
 tam perfectè instruere vitam eorum qui voluerint secundùm
 ea viuere, vt meritò comparentur ædificanti super petram.
 Hoc dixi, vt appareat istum sermonem omnibus præceptis
 quibus Christiana vita informatur esse perfectum. Nam de
 hoc capitulo diligentius suo loco tractabitur.

Huius igitur sermonis initium sic assumitur: *Cùm vidisset* Mat. 5. 1.
autem Iesus turbas multas, ascendit in montem, & cùm sedisset, ac-

cesserunt ad eum discipuli eius, & aperiens os suum docebat eos dicens. Si queritur quid significet mons, bene intelligitur significare maiora præcepta iustitiæ, quia minora erant quæ Iudæis data sunt. Vnus tamen Deus per sanctos Prophetas & famulos suos, secundum ordinatissimam distributionem temporum, dedit minora præcepta populo, quem adhuc timore alligari oportebat: & per Filium suum maiora populo, quem charitate iam liberari conuenerat. Cum autem minora minoribus, maiora maioribus dantur, ab eo dantur qui solus nouit congruentem suis temporibus generi humano exhibere medicinam. Nec mirum est quod dantur præcepta maiora propter regnum cælorum, & minora data sunt propter regnum terrenum, ab eodem vno Deo qui fecit cælum & terram. De hac ergo iustitia, quæ maior est, per Prophetam dicitur, *Iustitia tua sicut montes Dei*: & hoc bene significat, quod ab vno magistro, solo docendis tantis rebus idoneo, docetur in monte. Sedens autem docet, quod pertinet ad dignitatem magisterij. *Et accedunt ad eum discipuli eius*, ut audiendis illis verbis, hi essent etiam corpore viciniore, qui præceptis implendis etiam animo propinquabant. *Et aperiens os suum & docebat eos dicens.* Ista circumlocutio qua scribitur, *Et aperiens os suum*, fortassis ipsa mora commendat aliquantò longiorem futurum esse sermonem; nisi forte non vacet quod nunc eum dictum est aperuisse os suum, quod ipse in lege veteti, aperire soleret ora Prophetarum. Quid ergo dicit? *Beati pauperes spiritu, quoniam ipsorum est regnum cælorum.* Legimus scriptum de appetitione rerum temporalium: *Omnia vanitas & præsumptio spiritus.* Præsumptio autem spiritus, audaciam & superbiam significat. Vulgò etiam magnos spiritus superbi habere dicuntur, & rectè, quandoquidem spiritus etiam ventus vocatur. Vnde scriptum est: *Ignis grandis nix glacies spiritus procellarum.* Quis verò nesciat superbos inflatos dici, tanquam vento distentos? Vnde est etiam illud Apostoli: *Scientia inflat, charitas verò ædificat.* Quapropter rectè hic intelliguntur pauperes spiritu, humiles & timentes Deum, id est non habentes inflantem spiritum. Nec aliunde omnino incipere oportuit beatitudinem; siquidem peruentura est ad summam sapientiam. *Initium autem sapientiæ timor Domini.* Quoniam & econtrariò, *Initium omnis peccati su-*

Psal. 33. 7.

Mat. 5. 3.

Eccl. 1. 2. &
6. 9.

Psal. 148. 8.

1. Cor. 8. 1.

Eccl. 1. 16.

perbia scribitur. Superbi ergo appetant & diligant regna ter-

PL 110. 10.
PROV. 9. 10.
Ecd. 10. 15.
Cap. 11. *

Beati autem pauperes spiritu, quoniam ipsorum est regnum

celorum. Beati mites, quoniam ipsi hereditate possidebunt terram.

Illam credo tetram, de qua in Psalmo dicitur: Spes mea es tu,

portio mea in terra viventium. Significat enim quandam solidi-

tatem & stabilitatem hereditatis perpetuæ, ubi anima per bo-

num affectum, tanquam loco suo requiescit, sicut corpus in

terra: & inde cibo suo alitur, sicut corpus ex terra: ipsa est

requies & vita Sanctorum. Mites autem sunt qui cedunt im-

probitatibus & non resistunt in malo, sed vincunt in bono ma-

lum. Rixentur ergo immites & dimicent pro terrenis & tem-

poralibus rebus. Beati autem mites, quoniam ipsi hereditate possi-

debunt terram, de qua pelli non possunt.

Beati lugentes, quoniam ipsi consolabuntur. Luctus est tristitia

de amissione charorum: conuersi autem ad Deum, ea quæ in

hoc mundo chara amplectebantur amittunt. Non enim gau-

dent his rebus, quibus ante gaudebant: & donec fiat in illis

amor æternorum, nonnulla mœstitia sauciantur. Consola-

buntur ergo Spiritu sancto, qui maxime propterea paracle-

rus nominatur, id est, consolator, ut temporalia amittentes

æterna læticia perfruantur. Beati qui esuriunt & sitiunt iusti-

tiam, quoniam ipsi saturabuntur. Iam istos amatores dicit veri &

inconcussi boni. Illo ergo cibo saturabuntur, de quo ipse

Dominiis dicit: Meus cibus est ut faciam voluntatem Patris mei,

quod est iustitia: & illa aqua de qua quisquis biberit, ut

idem dicit, Fiet in eo fons aquæ salientis in vitam æternam.

Beati misericordes, quoniam ipsorum miserebitur Deus. Beatos

esse dicit qui subueniunt miseris, quod eis ita rependitur, ut

de miseria liberentur. Beati mundi cordes, quoniam ipsi Deum vi-

debunt. Quam ergo stulti sunt qui Deum istis exterioribus

oculis, quærunto cum corde videatur, sicut alibi scriptum est:

Et in simplicitate cordis querite illum. Hoc est enim mundum

cor, quod est simplex cor: & quemadmodum lumen hoc vi-

deri non potest nisi oculis mundis, ita nec Deus videtur nisi

mundum sit illud quo videri potest. Beati pacifici, quoniam ip-

si filij Dei vocabuntur. In pace perfectio est ubi nihil repugnat,

& ideo filij Dei pacifici, quoniam nihil resistit Deo, & utique

filij similitudinem patris habere debent. Pacifici autem in

Psal. 141.

Ioan. 4. 34.

Sap. 22.

femeripsis sunt, qui omnes animi sui motus componentes & subijcientes rationi, id est, menti & spiritui, carnalésque concupiscentias habentes edomitas, sunt regnum Dei. In quo ita sunt ordinata omnia, vt id quod est in homine præcipuum & excellens, hoc imperet cæteris non reluctans, quæ sunt nobis bestiisq; communia. Atque id ipsum quod excellit in homine, id est, mens & ratio, subijciatur potiori, quod est ipsa veritas vnigenitus Filius Dei. Neque enim imperare inferioribus potest nisi superic ri seipse subiiciat. Et hæc est pax quæ datur in terra hominibus bonæ voluntatis, hæc vita consummati perfectique sapientis. De huiusmodi regno pacatissimo & ordinatissimo missus est foras princeps huius seculi, qui peruersis inordinatisque dominatur. Hac pace intrinsecus constituta atque firmata, quasunque persecutiones ille qui foras missus est, forinsecus concitauerit, augeat gloriam quæ secundum Deum est. Non aliquid in illo ædificio labefactans, sed deficientibus machinis suis innotescere faciens quanta firmitas intus extructa sit à Deo.

Cap. III. SEQUITVR, *Beati qui persecutionem patiuntur propter iustitiam, quoniam ipsorum est regnum cælorum*: Sunt autem omnes istæ octo sententiæ. Iam enim cætera compellans loquitur ad illos qui aderant dicens: *Beati eritis cum vobis maledicent & persequentur vos*. Superiores autem sententias generaliter dirigebat. Non enim dixit, beati pauperes spiritu, quoniam vestrum est regnum cælorum, sed *quoniam ipsorum est*, inquit, *regnum cælorum*. Neque beati mites, quoniam vos possidebitis terram: sed *quoniam ipsi possidebunt terram*. Et ita cæteras vsque ad octauam sententiam, vbi ait, *Beati qui persecutionem patiuntur propter iustitiam, quoniam ipsorum est regnum cælorum*. Inde iam incipit loqui præsentem compellans, cum & illa quæ supra dicta sunt ad eos etiam pertinerent qui præsentem audiebant: & hæc postea quæ videntur præsentibus specialiter dici, pertineant etiam ad illos qui absentes vel post futuri erant. Quapropter iste sententiarum numerus diligenter considerandus est. Incipit enim beatitudo ab humilitate. *Beati pauperes spiritu*, id est, non inflati, dum se diuinæ auctoritati subdit anima, timens post hanc vitam ne pergat ad pœnas, etiam si fortè in hac vita beata sibi esse videatur. Inde venit ad diuinarum scripturarum cognitionem, vbi oportet

eam se mitem præbere pietate, ne id quod imperitis videtur absurdum, vituperare audeat, & peruiacibus concertationibus efficiatur indocibilis. Inde iam incipit scire, quibus nodis seculi huius per carnalem consuetudinem ac peccata teneatur. Itaque hoc tertio gradu, in quo scientia est, lugetur amissio summi boni, quia inhæretur extremis. In quarto autem gradu labor est, ubi vehementer incumbitur, ut sese animus auellat ab eis quibus pestifera dulcedine innexus est. Hic ergo esurit & sicitur iustitia, & multum necessaria est fortitudo, quia non relinquitur sine dolore quod cum delectatione retinetur. Quinto autem gradu perseverantibus in labore dature euadendi consilium, quia nisi quisque adiuuetur à superiore, nullo modo sibi est idoneus, ut sese tantis miseriæ implicamentis expediat. Est autem iustum consilium, ut qui se à potentiori adiuuari vult, adiuuet & infirmiores in quo est ipse potentior. Itaque *beati misericordes, quia ipsorum miserebitur Deus.* Sexto gradu est cordis munditia de bona conscientia bonorum operum, valens ad contemplandum summum illud bonum quod solo puro & sereno intellectu cerni potest. Postremò est septima ipsa sapientia, id est, contemplatio veritatis, pacificans totum hominem & suscipiens similitudinem Dei, quæ ita concluditur: *Beati pacifici, quoniam ipsi filij Dei vocabuntur* Oçtau a tanquam ad caput redit, quia consummatum perfectumque ostendit & probat. Itaque in prima & in oçtau a nominatum est regnum cælorum: *Beati pauperes spiritu, quoniam ipsorum est regnum cælorum.* Et *beati qui persecutionem patiuntur propter iustitiam, quoniam ipsorum est regnum cælorum.* Cum iam dicitur, *Quis nos separabit à charitate Christi? Tribulatio, an angustia, an persecutio, an fumes, an nuditas, an periculum, an gladius?* Septem sunt ergo quæ perficiunt, nam oçtau a clarificat, & quod perfectum est demonstrat, ut per hos gradus perficiantur & cæteri tanquam à capite rursus exordians.

VIDE TUR ergo mihi etiam septiformis operatio Spiritus sancti, de quo Isayas loquitur, his gradibus sententiisque congruere. Sed interest ordinis. Nam ibi enumeratio ab excellentioribus cœpit, hîc verò ab inferioribus. Ibi namque incipit à sapientia Dei, & desinit ad timorem Dei, sed initium sapientiæ timor Domini est. Quapropter si gradatim

Rom. 8. 35.

Cap. IV.

Isa. 33. 1

tanquam ascendentes numeremus, primus ibi est timor Dei, secunda pietas, tertia scientia, quarta fortitudo, quintum consilium, sextus intellectus, septima sapientia. Timor Dei congruit humilibus, de quibus hic dicitur: *Beati pauperes spiritu, quoniam ipsorum est regnum celorum*: id est, non inflati, non superbi, de quibus Apostolus dicit: *Noli altum sapere, sed time*, id est, noli extolli. Pietas congruit mitibus. Qui enim piè quærit, honorat sanctam scripturam, & non reprehendit quod nondum intelligit, & propterea non resistit, quod est mitem esse. Vnde hic dicitur: *Beati miseres, quoniam ipsi hereditate possidebunt terram*. Scientia congruit lugentibus, qui iam cognouerunt in Scripturis quibus malis vincti teneantur, quæ tanquam bona & vilia ignorantes appetierunt, de quibus hic dicitur, *Beati qui lugent nunc*. Fortitudo congruit esurientibus & sitientibus. Laborant enim desiderantes gaudium de veris bonis, & amorem à terrenis & corporalibus auertere cupientes. De quibus hic dicitur: *Beati qui esuriunt & sitiunt iustitiam*. Consilium congruit misericordibus; hoc enim vnum remedium est de tantis malis euadendi, vt dimittamus sicut nobis dimitti volumus: & adiuuemus, in quo possumus alios, sicut & nos in quo non possumus cupimus adiuuari. De quibus hic dicitur: *Beati misericordes, quoniam ipsorum miserebitur Deus*, & reliqua. Intellectus congruit mundis corde, tanquam purgato oculo, quo cerni possit quod corporeus oculus non vidit, nec auris audiuit, nec in cor hominis ascendit. De quibus hic dicitur: *Beati mundicordes*, & reliqua. Sapientia congruit pacificis, in quibus iam ordinata sunt omnia, nullusque motus aduersus rationem rebellis est, sed cuncta obtemperant spiritui hominis, cum & ipse obtemperet Deo, de quibus hic dicitur: *Beati pacifici*, vnum autem præmium quod est regnum celorum, pro his gradibus variè nominatum est. In primo sicut oportebat positum est regnum celorum, quod est perfectæ summæque sapientiæ animæ rationalis. Sic itaque dictum est, *Beati pauperes spiritu, quoniam ipsorum est regnum*; tanquam diceretur: *Initium sapientia timor Domini*. Mitibus hereditas, tanquam testamentum patris cum pietate quærentibus: *Beati miseres, quoniam ipsi hereditate possidebunt terram*. Lugentibus consolatio, tanquam scientibus quid amiserint, & quibus meriti sunt: *Beati qui luge*
nt

ROM. II. 10.

MAT. 5. 6.

ISA. 64. 4.

I. COR. 2. 9.

gent nunc, quoniam ipsi consolabuntur. Eturiensibus & sitientibus saturitas, tanquam refectio laborantibus, fortiterque cor-
rantibus ad salutem: *Beati qui esuriunt & sitiunt iustitiam, quoniam ipsi saturabuntur.* Misericordibus misericordia, tanquam vero & optimo consilio vrentibus, ut hoc eis exhibeatur a potentiore quod inuvalidioribus ipsi exhibent: *Beati misericordes, quoniam ipsorum miserebitur Deus.* Mundis corde, facultas videndi Deum, tanquam purum oculum ad intelligenda æterna gerentibus: *Beati mundicordes, quoniam ipsi Deum videbunt.* Pacificis Dei similitudo, tanquam perfectè sapientibus formatisque ad imaginem Dei per regenerationem renouati hominis: *Beati pacifici, quoniam ipsi filij Dei vocabuntur.* Et ista quidem in hac vita possunt compleri, sicut completa esse in Apostolis, credimus. Nam illa omnimoda & in Angelicam formam mutatio, quæ post hanc vitam promittitur, nullis verbis exponi potest: *Beati ergo qui persecutionem patiuntur propter iustitiam, quoniam ipsorum est regnum cælorum.* Hæc octaua sententia, quæ ad caput redit perfectumque hominem declarat, significatur fortasse & circumcisione octaua die in veteri testamento: & Domini resurrectione post sabbatum, qui est utique octauus, idemque primus dies: & celebratione octauarum feriarum quas in regeneratione noui hominis celebramus: & numero ipso Pentecostes. Nam septenatio numero septies multiplicato, quo sunt quadraginta nouem, quasi octauus additur ut quinquaginta compleantur. Et tanquam redeatur ad caput, quo die missus est Spiritus sanctus, eo in regnum cælorum ducimur, & hereditatem accipimus, & consolamur, & pascimur, & misericordiam consequimur, & mundamur, & pacificamur. Atque ita perfecti, omnes extrinsecus illatas molestias pro veritate & iustitia sustinemus.

Phil. 5. 1. 2. 3.
1. 2. 3. 4. 5. 6. 7. 8. 9. 10.

Cap. 7.
Mat. 5. 11.

BEATI eritis, inquit, cum vobis maledicent & persequentur, & dicent omne malum aduersum vos mentientes propter me. Gaude-
te & exultate, quoniam merces vestra multa est in cælis. Animadu-
uertat quisquis delicias huius seculi & facultates rerum tem-
poralium quaerit in nomine Christiano, intrinsecus esse bea-
titudinem nostram, sicut de anima Ecc. siatica or. propheticus dicitur: *Omnis gloria eius filia regis ab in. us,* nam extrinse-
cus maledicta & persecutiones & detractiones promittun-

Pl. 44. 3.

tur: de quibus tamen magna merces est in cælis, quæ sentitur in corde patientium, eorum qui iam possunt dicere: *Gloriamur in tribulationibus, scientes quod tribulatio patientiam operatur, patientia autem probationem, probatio verò spem, spes autem non confundit: quia charitas Dei diffusa est in cordibus nostris, per Spiritum sanctum qui datus est nobis.* Non enim ista perpeti fructuosum est, sed ista pro Christi nomine non solum æquo animo, sed etiam cum exultatione tolerare. Nam multi hæretici, nomine Christiano animas decipientes, multa talia patiuntur. Sed idè excluduntur ab ista mercede, quia non dictum est tantum: *Beati qui persecutionem patiuntur*, sed additum est, *propter iustitiam.* Vbi autem sana fides non est, non potest esse iustitia: *Quia iustus ex fide vivit.* Neque schismatici aliquid sibi ex ista mercede promittant, quia similiter ubi charitas non est, non potest esse iustitia. *Dilectio enim proximi: malum non operatur.* Quam si haberent, non dilaniarent corpus Christi, quod est ecclesia. Quæri autem potest quid intersit quod ait: *Cum vobis maledicent, & omne malum dicent aduersum vos, cum maledicere, hoc sit, malum dicere.* Sed aliter maledictum iactatur cum contumelia coram illo cui maledicatur, sicut Domino nostro dictum est: *Nonne verum dicimus, quia Samaritanus es, & demonium habes?* Aliter cum absentis fama læditur, sicut de illo item scribitur: *Alii dicebant, quia Propheta est; alii autem dicebant, non, sed seducis populum.* Persequi autem est vim inferre vel insidiis appetere, quod fecit qui eum tradidit, & qui eum crucifixerunt.

Quid est sanè quod etiam hoc non est nudè positum, vt diceretur: *Et dicent omne malum aduersum vos*, sed additum, *mentientes*: additum est etiam, *propter me?* Propter eos additum puto, qui volunt de persecutionibus & de famæ suæ turpitudine gloriari: & idè dicete ad se pertinere Christum, quia multa de illis dicuntur mala: cum & vera dicantur, quando & de illorum errore dicuntur; & si aliquando etiam nonnulla falsa iactantur, quod temeritate hominum plerumque accidit, non tamen propter Christum ista patiuntur. Non enim Christum inquit, qui non secundum veram fidem & Catholicam disciplinam Christianus vocatur. *Gaudere, inquit, & exultate, quoniam merces vestra multa est in cælis.* Non hic cælos dici puto superiores partes huius visibilis mundi. Non

Rom. 5. 2.

Abac. 1. 4.

Rom. 1. 17.

Rom. 13. 10.

Col. 1. 14.

Ioan. 8. 48.

Ioan. 7. 12.

enim merces nostra, quæ inconcussa & æterna esse debet, in rebus volubilibus & temporalibus collocanda est: sed in cælis dictum puto, in spiritalibus firmamentis, ubi habitat sempiterna iustitia: in quorum comparatione terra dicitur anima iniqua, cui peccanti dictum est: *Terra es & in terram ibis.*

Gen. 3. 19.

De his cælis dicit Apostolus: *Quoniam conuersatio nostra in cælis est.* Sentiunt ergo iam istam mercedem qui gaudent spiritalibus bonis, sed tunc ex omni parte perficietur, cum etiam hoc mortale induerit immortalitatem: *Ita enim persecuti sunt,* inquit, *& Prophetas qui ante vos fuerunt.* Nunc persecutionem generaliter posuit, & in maledictis & in dilaceratione famæ: & bene exemplo adhortatus est, quia vera dicentes solent persecutionem pati: nec tamen idè Prophetæ antiqui timore persecutionis à veritatis prædicatione defecerunt.

phil. 3. 20.

1. Co. 15. 54.

Mat. 5. 12.

RECTISSIME itaque sequitur: *Vos estis sal terræ.* Ostendens fatuos esse iudicandos, qui temporalium bonorum, vel copiam sectantes, vel inopiam metuentes amittunt æterna, quæ nec dari possunt ab hominibus, nec auferri. *Itaque si sal infatuatum fuerit in quo salietur:* id est, si vos per quos condiendi sunt quodammodò populi, metu persecutionum temporalium amiseritis regna cælorum: qui erunt homines per quos et vobis error auferatur, cum vos elegerit Deus, per quos errorem auferat cætorum? Ergo ad nihilum valet sal infatuatum, nisi ut mittatur foras & calcetur ab hominibus. Non itaque calcatur ab hominibus qui patitur persecutionem, sed qui persecutionem timendo infatuatur. Calcati enim non potest nisi inferior, sed inferior non est, qui quamvis corpore multa in terra sustinear, corde tamen fixus in cælo est. *Vos estis lumen mundi.* Quomodo dixit superius sal terræ; sic nunc dicit, *lumen mundi.* Nam neque superius ista terra accipienda est, quam pedibus corporeis calcamus: sed homines qui in terra habitant, vel etiam peccatores, quorum condiendis & extinguendis putoribus, Apostolicum salem Dominus misit. Et hic mundum non cælum & terram, sed homines qui sunt in mundo vel diligunt mundum oportet intelligi, quibus illuminandis Apostoli missi sunt.

Cap. vi.

Mat. 5. 13.

Non potest ciuitas abscondi supra montem posita: id est, fundata super insignem magnamque iusticiam, quam significat etiam ipse mons in quo disputat Dominus. *Neque accendunt lucer-*

Mat. 5. 14.

nam & ponunt eam sub modio. Quid putamus, ita esse dictum sub modio, vt occultatio tantum lucernæ accipienda sit, tanquam si diceret: Nemo accendit lucernam & occultat illam. An aliquid etiam modius significat, vt hoc sit ponere lucernam sub modio, superiora facere corporis commoda, quam prædicationem veritatis: vt idèd quisque veritatem non prædicet, dum timet ne aliquid in rebus corporalibus & temporalibus molestiæ patiatur? Et bene modius dicitur: Siue propter retributionem mensuræ, quia ea quisque recipit quæ gessit in corpore: *Vt illic*, inquit, *recipiat unusquisque quæ gessit in corpore*, & tanquam de hoc modio corporis alio loco dicitur: *In quâ mensura mensi fueritis, in ea remetietur vobis.* Siue quoniam temporalia bona quæ corpore peraguntur, certa eorum mensura & inchoantur & transeunt, quam fortasse significat modius: æterna verò & spiritalia nullo tali fine coërentur. Non enim ad mensuram dat Deus spiritum. Sub modio ergo lucernam ponit, quisquis lucem bonæ doctrinæ commodis temporalibus obscurat & tegit. Super candelabrum autem, qui corpus suum ministerio Dei subicit, vt superior sit prædicationis veritatis, & inferior servitus corporis; per ipsam tamen corporis servitutem excellentior luceat doctrina, quæ per officia corporalia, id est, per vocem & linguam & cæteros corporis motus in bonis operibus insinuat discentibus. Super candelabrum ergo ponit lucernam cum dicit Apostolus: *Non sic pugno tanquam aerem cadens, sed castigo corpus meum & servituti subijcio, ne forè alijs prædicans ipse reprobus inveniatur.* Quod verò ait: *Vt luceat omnibus qui in domo sunt.* Domum puro dictam habitationem hominum, id est, ipsum mundum, propter id quod superius ait: *Vos estis lumen mundi.* Aut si domum quisque vult accipere Ecclesiam, nec hoc est absurdum.

Cap. xxi. Si c luceat, inquit, *lumen vestrum coram hominibus, ut videant bona facta vestra, & glorificent patrem vestrum qui in celis est.* Si tantummodò diceret, sic luceat lumen vestrum coram hominibus, vt videant bona facta vestra: finem constituisse videretur in laudibus hominum, quas quærunt hypocritæ, & qui ambiunt ad honores & captant inanissimam gloriam. Contra quos dicitur: *Si adhuc hominibus placerem, Christi servus non essem.* Et per Prophetam: *Qui hominibus placent confusi sunt*

1. Cor. 9. 10.

Mat. 7. 2.

Ioan. 3. 3.

1. Cor. 9. 29.

Gal. 1.
Gal. 5.

quod a Deo nihil fecit illos. Et iterum: Deo confrangit in coram
 quibus hominibus placent. Et rursum Apostolus: Non est in
 inanis gloria cupidi. Et ipse iterum: Probat autem se homo, & tunc
 in semetipso habebit gloriam, & non in altero. Non ergo tantum
 dixit, ut videant bona opera vestra, sed addidit, & glorificent Pa-
 trem vestrum qui in caelis est, ut hoc ipsum quod homo per bona
 opera placet hominibus, non ibi finem constituat ut homi-
 nibus placeat, sed referat hoc ad laudem Dei, & propterea
 placeat hominibus ut in illo glorificetur Deus. Hoc enim
 laudantibus expedit, ut non hominem, sed Deum honorent.
 Sicut in ipso homine quem portabat *, Dominus ostendit,
 ubi admiratae sunt turbae paralytico sanato virtutes eius, si-
 cut in Evangelio scriptum est, *Timuerunt, & glorificaverunt*
Deum qui dedit potestatem talem hominibus. Cuius imitator Apo-
 stolus Paulus dicit: *Tantum autem audientes erant, quoniam*
aliquando vos persequeretur, nunc euangelizat fidem, quam aliquan-
do vastabat, & in me glorificabant Deum.

* ut qui

portabat eum.

Mat. 9. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Gal. 1. 1.

Posteaquam ergo cohortatus est audientes, ut se praepara-
 rent ad omnia sustinenda pro veritate atque iustitia, & non
 absconderent bonum quod accepturi erant, sed ea beneuo-
 lentia discerent ut ceteros docerent, non ad laudem suam,
 sed ad gloriam Dei bona sua opera referentes: incipit eos
 iam informare & docere quid doceant, tanquam si quærent
 dicentes: Ecce volumus omnia sustinere pro tuo nomine, &
 doctrinam tuam non abscondere, sed quid est hoc ipsum
 quod vetas abscondi, & pro quo iubes omnia tolerari? Nun-
 quid aliud dicturus es contra ea quæ in lege scripta sunt?
 Non, inquit.

NOLITE enim putare, quoniam veni solvere legem aut Prophe-
tas: non veni solvere, sed adimplere. In hac enim senten-
 tia sensus duplex est, secundum utrumque tractandum
 est. Nam qui dicit, *non veni solvere legem, sed adimplere:* aut ad-
 dendo dicit quod minus habet, aut faciendo quod habet. Il-
 lud ergo prius consideremus quod primò posuit. Nam qui
 addidit quod minus habet, non utique soluit quod inuenit,
 sed magis perficiendo confirmat, & idè sequitur, & dicit:
Amen dico vobis, donec transeat calum & terra, iota unum, aut
unus apex non præteribit à lege, donec omnia fiant. Dum enim
 fiunt etiam illa quæ adduntur ad perfectionem, multò magis

Cap. 11. 1.

Matt. 5. 17.

Vide illud
Retract. 39.

fiunt illa quæ præmissa sunt ad inchoationem. Quòd autem ait : *Iota vnum, aut vnus apex non transibit à lege*, nihil potest aliud intelligi nisi vehemens expressio perfectionis, quando per literas singulas demonstrata est : inter quas literas iota minor est cæteris, quia vno ductu fit : apex autem est etiam ipsius aliqua in summo particula. Quibus verbis ostendit in lege ad effectum etiam minima quæque perducì. Deinde subiicit : *Qui enim soluerit vnum de mandatis istis minimis, & docuerit sic homines, minimus vocabitur in regno cælorum.* Mandata ergo minima significantur per vnum iota & vnum apicem. Qui ergo soluerit & docuerit sic, id est, secundum id quod soluit, non secundum id quod inuenit & legit, minimus vocabitur in regno cælorum : & fortasse idèd non erit in regno cælorum, vbi nisi magni esse non possunt. *Qui autem fecerit & docuerit sic* : Qui autem fecerit, hoc est, qui autem non soluerit : & docuerit sic, secundum id quod non soluit : quòd verò magnus vocabitur in regno cælorum, sequitur vt etiam sit in regno cælorum, quòd magni admittuntur : ad hoc enim pertinet quod sequitur.

Cap. 12.

Dico enim vobis, quia nisi abundauerit iustitia vestra plusquam Scribarum & Phariseorum, non intrabitis in regnum cælorum : id est, nisi non solùm illa minima legis præcepta impleueritis quæ inchoant hominem, sed etiam ista quæ à me adduntur, qui non veni soluere legem, sed implere, non intrabitis in regnum cælorum. Sed dicis mihi : Si de illis mandatis minimis cùm superiùs loqueretur dixit, minimum vocari in regno cælorum quisquis vnum eorum soluerit, & secundum suam solutionem docuerit : magnum autem vocari quisquis ea fecerit & sic docuerit, & ex eo iam in regno cælorum futurum esse quia magnus est : quid opus est addi præceptis legis minimis, si iam in regno cælorum potest esse, quia magnus est quisquis ea fecerit & sic docuerit ? Quapropter sic est accipienda illa sententia : *Qui autem fecerit & docuerit sic, magnus vocabitur in regno cælorum* : id est, non secundum illa minima, sed secundum ea quæ ego dicturus sum. Quæ sunt autem ista ? *Vt abundet iustitia*, inquit, *vestra super Scribarum & Phariseorum* : quia nisi abundauerit iustitia, non intrabitis in regnum cælorum. Ergo qui soluerit illa minima & sic docuerit minimus vocabitur : qui autè fecerit illa minima, & sic docue-

rit, non iam magnus habendus est & idoneus regno cælorum, sed tamen non tam minimus quam ille qui soluit. Vt autem sit magnus atque illi regno aptus, facere debet & docere, sicut Christus nunc docet: id est, vt abundet iustitia eius super Scribarum & Phariseorum. Iustitia Phariseorum est, vt non occidant: iustitia eorum qui intraturi sunt in regnum cælorum, vt non irascantur sine causa. Minimum est ergo non occidere, & qui illud soluerit, minimus vocabitur in regno cælorum. Qui autem illud impleuerit vt non occidat, non continuò magnus erit & idoneus regno cælorum: sed tamen ascendit aliquem gradum, perficietur autem si nec irascitur sine causa. Quòd si perfecerit, multò remotior erit ab homicidio. Quapropter qui docet vt non irascamur, non soluit legem ne occidamus, sed implet potius, vt & foris dum non occidimus, & in corde dum non irascimur, innocentiam custodiamus.

Audistis ergo, inquit, quia dictum est antiquis. Non occides. Qui autem occiderit, iudicio reus erit. Ego autem dico vobis, quia omnis qui irascitur fratri suo sine causa, reus erit iudicio; qui autem dixerit fratri suo racha, reus erit concilio: qui autem dixerit fatue, reus erit gehenna ignis. Quid interest inter reum iudicio, & reum concilio, & reum gehennæ ignis? Nam hoc postremum grauissimum sonat, & admonet gradus quosdam factos à leuioribus ad grauiora, donec ad gehennam ignis veniretur. Et ideò si leuius est reum esse iudicio quàm reum esse concilio, ita leuius est reum esse concilio, quàm esse reum gehennæ ignis. Itaq; oportet leuius esse intelligatur irasci sine causa fratri quàm dicere racha, & rursus leuius esse dicere racha, quàm dicere fatue. Non enim reatus ipse haberet gradus, nisi gradatim etiam peccata cōmemorarentur. Vnum autem hic verbum obscurum positum est, quia nec Græcum, nec Latinum est, racha, cætera verò in sermone nostro vsitata sunt. Nonnulli autem de Græco trahere voluerunt interpretationem huius vocis, putantes pannosum dici racha, quoniam Græcè dicitur pannus; *ῥαχά*. A quibus tamen cūm quæritur quid dicatur Græcè pannosus, non respondent racha: sed deinde non posset Latinus interpres vbi posuit racha, pannosum ponere, nec vti verbo quod & in Latina lingua nullum sit, & in Græca inusitatum. Probabilius est ergo, quod audiui à quodam Hebræo, cūm.

Ergo. 10. 13.

Vide lib. 1.

Retra. 1. 19.

Rachaguid.

id interrogassem : dixit enim esse vocem non significantem aliquid , sed indignantis animi motum exprimentem. Has interiectiones Grammatici vocant , particulas orationis significantes commoti animi affectum : velut eum dicitur à dolente, heu : velut ab irascente, hem. Quæ voces quarumque linguarum sunt propriæ , nec in aliam linguam facile transferuntur. Quæ causâ utique coëgit tam Græcum interpretem quâ Latinum vocem ipsam ponere, cum quomodo eam interpretaretur non inueniret. Gradus itaque sunt in istis peccatis, ut primò quisque irascatur, & eum motum retineat corde conceptum. Iam si extorserit vocem indignantis ipsa commotio, non significantem aliquid, sed illum animi motum ipsa eruptione testantem, qua feriatur ille cui irascitur, plus est utique quàm si surgens ira silentio premeretur. Si verò non solum vox indignantis audiat, sed etiam verbum quod iam certam eius vituperationem in quem profertur designet & notet, quis dubitet amplius hoc esse quàm si solus indignationis sonus ederetur. Itaque in primo vnum est, id est, ira sola: in secundo duo, & ira & vox quæ iram significat: in tertio tria, & ira & vox quæ iram significat, & in voce ipsa certæ vituperationis * expressio.

Tres gradus
ira.

* ad indignationis.

Vide nunc etiam tres reatus, iudicii, concilij, & gehennæ ignis. Nam in iudicio adhuc defensionis datur locus. In concilio autem quanquam & iudicium esse solet, tamen quia interesse aliquid hoc loco fateri cogit ipsa distinctio, videtur ad concilium pertinere sententiæ prolatio : quando non iam cum ipso reo agitur, vtrum damnandus sit, sed inter se qui iudicant conferunt quo supplicio damnari oporteat quem constat esse damnandum. Gehenna verò ignis, nec damnationem habet dubiam sicut iudicium, nec damnari penam, sicut concilium : in gehenna verò ignis certa est & damnatio & pœna dānati. Videntur ergo aliqui gradus in peccatis & in reatu, sed quibus modis inuisibiliter exhibeantur pœnæ meritis animarum, quis potest dicere? Audiendum est itaque quantum intersit inter iustitiam Phariseorum, & iustitiam maiorem quæ in regnum cælorum introducit. Quod cum sit gravius occidere quàm verbo irrogare convitium, ibi occisio reum facit iudicio, hic autem ira facit reum iudicio, quod

trium

trium illorum peccatorum leuissimum est: quia illic quaestio-
nem homicidij inter homines agitabant: hic autem omnia
diuino iudicio dimittuntur, ubi finis damnatorum est gehen-
nae ignis. Quisquis autem dixerit quod grauiore supplicio in
maiore iustitia punitur homicidium, si gehenna ignis puni-
tur conuictum, cogit intelligi esse differentias gehennarum.
Sanè in tribus istis sententiis subauditio verborum intuen-
da est. Habet enim prima sententia omnia verba necessaria, vt
nihil subaudiatur: *Qui irascitur*, inquit, *fratri suo sine causa,*
reus eris iudicio. In secunda verò cum ait; *Qui autem dixerit*
fratri suo racha, subauditur, sine causa, & ita iungitur, *reus eris*
concilio. Iam in tertia ubi ait: *Qui autem dixerit fatue*, duo
subaudiuntur, & fratri suo, & sine causa. Hoc est vnde de-
fenditur quod Apostolus Galatas vocat stultos, quos etiam
fratres nominat, non enim id fecit sine causa. Ideò autem
hic frater subaudiendus est, quia de inimico postea dicitur,
quomodo etiam ipse tractandus sit maiore iustitia. Deinde
hic sequitur: *Si ergo obtuleris munus tuum ad altare, & illic re-
cordatus fueris, quòd frater tuus habet aliquid aduersum te, relinque*
ibi munus tuum ante altare, & vade prius reconciliari fratri tuo. Et
tunc veniens offer munus tuum. Hinc itaque apparet de fratre
dictum esse superius, quoniam sententia quæ sequitur, ea con-
iunctione connectitur vt superiori attestetur: non enim ait,
Si autem obtuleris munus tuum in altare, sed ait:

Si ergo obtuleris munus tuum ad altare. Nā si irasci fas non est fra-
tri suo sine causa, aut dicere racha, aut dicere fatue, multo mi-
nus fas est animo tenere aliquid, vt in odiū indignatio cōuer-
tatur. Ad quod pertinet etiā quod alio loco dicitur: *Non occi-
das solum super iracundiam vestram.* Iubemur ergo illatū munus ad
altare, si recordati fuerimus aliquid aduersum nos habere
fratrem, ante altare relinquere, & pergere ac reconciliari fra-
tri, deinde venire & munus offerre. Quòd si accipiatur ad li-
teram, fortassis aliquis credat ita fieri oportere, si præsens fra-
ter sit. Non enim diutius differri potest, cum munus tuum
relinquete ante altare iubearis. Si ergo de absente, & quod
fieri potest, etiam trans mare constituto aliquid tale veniat in
mentem, absurdum est credere ante altare munus relinquen-
dum, quod post terras & maria perterrita offeras Deo. Et ideò
prorsus intrò ad spiritalia refugere cogimur, vt hoc quod di-

ctum est sine absurditate possit intelligi. Altare itaque spiritualiter, in-interiore Dei templo ipsam fidem accipere possumus, cuius signum est altare visibile. Quodlibet enim munus offerimus Deo, siue prophetiam, siue doctrinam, siue orationem, siue hymnum, siue Psalmum, & si quid tale aliud spiritualium donorum animo occurreret, acceptum esse non potest Deo, nisi fidei sinceritate fulciatur, & ei fixæ atque immobile tanquã altari imponatur, ut possit integrum atque ilibatum esse quod loquimur. Nam multi hæretici non habentes altare, id est, veram fidem, blasphemias pro laude dixerunt, terrenis videlicet opinionibus aggrauati, votum suum tanquam in terram proiicientes. Sed debet esse sana etiam offerentis intentio. Et propterea cum tale aliquid oblaturi sumus in corde nostro, id est, in interiore Dei templo. *Templum enim Dei sanctum est, inquit, quod estis vos: & in interiore homine habitare Christum per fidem in cordibus vestris:* si in mentem venerit quodd aliquid habeat aduersum nos frater, id est, si nos eum in aliquo læsimus, tunc enim ipse habet aduersum nos.

1. Cor. 3. 17.
Eph. 3. 17.

Nam nos aduersus illum habemus, si ille nos læserit, ubi non opus est pergere ad reconciliationem: non enim veniam postulabis ab eo qui tibi fecit iniuriam, sed tantum dimittes, sicut tibi dimitti à Domino cupis, quod ipse committetis. Pergendum est ergo ad reconciliationem, cum in mentem venerit quodd nos fortè fratrem in aliquo læsimus. Pergendum est ergo non pedibus corporis, sed motibus animi, ut te humili affectu prosterne fratri ad quem chara cogitatione euecteris, in conspectu eius cui munus oblaturus es. Ita enim etiam si præsens sit, poteris eum non simulato animo lenire, atque in gratiam reuocare veniam postulando, si hoc prius coram Deo feceris: pergens ad eum non pigro motu corporis, sed celerissimo dilectionis affectu; Atque inde veniens, id est, intentionem reuocans ad id quod agere cœperas, offers munus tuum. Quis autem hoc facit ut fratri suo vel non irascatur sine causa, vel racha non dicat sine causa, vel eum fatuum non appellet sine causa, quod totum superbissimè admittitur: vel fortè si in aliquo horum lapsus fuerit, quod est vnum remedium, supplici animo veniã deprecetur, quod quisquis nõ fecerit inanis iactantię spiritu inflatur. *Beati*

ergo pauperes, quoniam iporum est regnum celorum. Nunc iam videamus quod sequitur.

EST O, inquit, aduersario tuo beneuolus citò dum es in via cum eo, ne forte te tradat aduersarius iudici, & index tradat te ministro & in carcerem mittaris. Amen dico tibi non exies donec reddas nouissimum quadrantem. Iudicem intelligo Christum: Pater autem non iudicat quemquam, sed omne iudicium dedit Filio. Ministrum intelligo Angelum: Et Angeli, inquit, ministrabant ei: & cum Angelis suis venturum credimus ad iudicandos viuos & mortuos. Carcerem intelligo pœnas, videlicet tenebrarum, quas alio loco exteriores vocat, credo propterea quòd intrinsecus sit in ipsa mente, vel etiam si quid secretius cogitari potest, gaudium diuinorum prœmiorum. De quo dicitur seruo bene merito: *Intra in gaudium Domini tui.* Quemadmodum etiam & in hac ordinatione Reipublicæ, vel à secretario, vel à prætorio iudicis extra mittatur, qui in carcerem traditur. De soluendo autem nouissimo quadrante, potest non absurdè intelligi, aut pro eo positum quod nihil relinquitur impunitum. Sicut loquentes etiam dicimus vsque ad fecem, cum volumus exprimere aliquid ita exactum vt nihil relinqueretur: vel vt significarentur nomine quadrantis nouissimi terrena peccata. Quarta enim pars distinctorum membrorum huius mundi, & ea nouissima, terra inuenitur: vt incipias à cælo, secundum aërem numeres, aquam tertiam, quartam terram. Potest ergo conuenienter videri dictum; Donec soluas nouissimum quadrantem, id est, donec soluas terrena peccata. Hoc enim & peccator audiuit: *Terra es & in terram ibis.* Donec soluas autem quod dictum est, minor si non eam significat pœnam, quæ vocatur æterna. Vnde enim soluitur illud debitum, vbi iam non datur pœnitendi & correptiùs viuendi locus? Ita enim fortasse hic positum est, *Donec soluas*, quomodò in illo vbi dictum est: *sede à dextris meis, donec ponam omnes inimicos tuos sub pedibus tuis.* Non enim cum fuerint inimici sub pedibus positi, desinet ille sedere ad dextram. Aut illud Apostoli: *Oportet enim illum regnare, donec ponat inimicos suos pedibus suis.* Non enim cum positi fuerint, desinet regnare. Quemadmodum ergo ibi intelligitur, de quo dictum est: *Oportet eum regnare donec ponat omnes inimicos suos sub pedibus suis*, semper regnaturū, quoniam

Cap. 11.
Mat. 5. 25.Iohn. 5. 22.
Matt. 4. 11Ivi 1. 3. 12 &
2. 25. & 25.
10.

Mat. 7. 24.

Gen. 1. 19.

Psal. 109. 1

1. Cor. 15. 25.

semper illi erunt sub pedibus; ita hic accipi potest, de quo dictum est : *Non exies inde donec solus nouissimum quadrantem*, semper non exiturum esse, quia semper soluit nouissimum quadrantem, dum sempiternas pœnas terrenorum peccatorum luit. Neque ita hoc dixerim vt diligentiorẽ tractationem videat ademisse de pœnis peccatorum, quomodò in scripturis dicantur æternæ, quanquam quolibet modo vitandæ sint potius quàm sciendæ.

Sed videamus iam quis sit ipse aduersarius cui iubemur esse beneuoli citò, cum sumus cum illo in via. Aut enim diabolus est, aut homo, aut caro, aut Deus, aut præceptum eius. Sed diabolo non video quomodò iubeamur beneuoli esse, id est, concordēs aut consentientes. Namque alij quod Græcè positum est *imôn* interpretati sunt concors, alij consentiens. Sed neque beneuolentiam diabolo iubemur exhibere, vbi enim beneuolentia ibi amicitia, neque quisquam dixerit amicitiam cum diabolo esse faciendam. Neque concordare cum illo expedit cui semel renuntiando bellum indiximus, & quo victo coronabimur. Neque consentire illi iam oportet, cui si uunquam consensissemus, nunquam in istas incidissemus misérias. De homine autem quanquam iubeamur cum omnibus quantum in nobis est pacem habere, vbi utique & beneuolentia & concordia & consensus potest intelligi : non video tamen quomodò accipiam ab homine nos iudici tradi, vbi Christum iudicem intelligo, ante cuius tribunal omnes oportet exhiberi sicut dicit Apostolus. Quomodò ergo iudici traditurus est, qui ante iudicem pariter exhibebitur? Aut si propterea traditur quisque iudici, quia hominem læsit, quamuis illo non tradente qui læsus est, multò commodius accipitur à lege ipsa reum tradi iudici contra quam fecit cum hominem læderet. Quia & si occidendo quis nocuerit homini, non erit iam tempus quo concordet cum eo, quia iam non est cum illo in via, id est, in hac vita. Nec tamen idèò non sanabitur pœnitendo, & ad illius misericordiam cum sacrificio contribulati cordis refugiendo qui donat peccata conuersis ad se, & qui plus gaudet de vno pœnitente, quàm de nonaginta nouem iustis. Carni verò multò minus video quomodò beneuoli vel concordēs vel consentientes esse iubeamur. Magis enim peccatores amant carnem suam & concordant cum illa & consentiunt ei. Qui

verò eam seruituti subiiciunt, non ipsi ei consentiunt, sed eam sibi consentire cogunt.

Fortasse ergo iubemur Deo consentire & illi esse beneuoli, vt ei reconcilemur, à quo peccando recessimus, vt aduersarius noster dici possit. Quibus enim resistit, rectè dicitur eorum aduersarius. *Deus enim superbis resistit, humilibus autem dat gratiam.* Et, *Initium omnis peccati superbia.* Initium autem superbiae hominis apostatare à Deo. Et Apostolus dicit: *Si enim cum inimici essemus reconciliati sumus Deo per mortem filij eius, multò magis reconciliati salui erimus in vita ipsius.* Ex quo intelligi potest, nullam naturam malam inimicam Deo esse, quandoquidem & ipsi reconciliantur qui inimici fuerunt. Quisquis ergo in hac via, id est, vita, non fuerit reconciliatus Deo per mortem Filij eius, tradetur iudici ab illo: *Quia Pater non iudicat quenquam, sed omne iudicium dedit Filio;* atque ita cætera quæ in hoc capitulo scripta sunt consequuntur, de quibus iam tractauimus.

Vnum solùm est quod huic intellectui difficultatem facit, quomodò possit rectè dici, in via nos esse cum Deo, si hoc loco ipse accipiendus est aduersarius impiorum, cui iubemur citò reconciliari. Nisi fortè quia ipse vbique est, nos autem cum in hac via sumus, cum illo vtique sumus. *Si enim ascendero in calum, inquit, tu illic es: si descendero in infernum, ades. Si recipiam pennas meas in directum, & habitabo in nouissimo maris. Et enim illuc manus tua deducet me, & tenebit me dextera tua.* Aut si non placet impios dici esse cum Deo, quanquam nusquam non præsto sit Deus, quemadmodum non dicimus cæcos esse cum luce, tametsi oculos eorum lux circumfundat, vnum reliquum est, vt hic aduersarium præceptum Dei esse intelligamus. Quid enim sic aduersatur peccare volentibus quàm præceptum Dei, id est, lex eius & scriptura diuina quæ data nobis ad hanc vitam, vt sit nobiscum in via, cui non oportet contradicere, ne nos tradat iudici, sed ei oportet consentire citò? Non enim quisquam nouit quando de hac vita exeat. Quis autem consentit scripturæ diuinæ, nisi qui legit & audit, piè deferens ei culmen auctoritatis, vt quod intelligit non propter hoc oderit quòd peccatis suis aduersari sentit, sed magis diligit correptionem suam, & gaudeat quòd morbis suis donec sanentur non parcatur? Quod verò aut

obscurum, aut absurdum illi sonat, non inde concitet contradictionum certamina, sed oret ut intelligat, beneuolentiam tamen & reuerentiam tantæ auctoritati exhibendam esse meminerit. Sed quis hoc faciat nisi quisquis ad testamentum patris aperiendum & cognoscendum, non litium imitatione acetbus, sed pietate mitis accesserit? *Beati ergo mites, quoniam ipsi hereditate possidebunt terram.* Videamus sequentia.

Cap. 11.
Elo. 10. 14.

Audistis quia dictum est antiquis, non mœchaberis. Ego autem dico vobis, quia omnis qui viderit mulierem ad concupiscendum eam, iam mœchatus est eam in corde suo. Iustitia ergo minor est, non mœchari corporum coniunctione. Iustitia vetò maior est regni Dei, non mœchari in corde. Multò facilius custodit ne mœchetur in corpore, quisquis non mœchatur in corde. Illud ergo confirmauit qui hoc præcepit: Non enim venit legem soluere sed implere. Sanè considerandum est quòd non dixit, omnis qui concupierit mulierem, sed *qui viderit mulierem ad concupiscendum eam*, id est hoc sine & hoc animo attenderit ut eam concupiscat: quod iam non est titillari delectatione carnis, sed plenè consentire libidini, ita ut non refrænetur illicitus appetitus, sed si facultas data fuerit satietur. Nam tria sunt quibus impletur peccatum, suggestione, delectatione & consensione. Suggestio, siue per memoriam fit, siue per corporis sensus, cum aliquid videmus aut audimus, vel olfacimus, vel gustamus, vel tangimus. Quòd si frui delectauerit, delectatio illicita refræanda est. Velut cum ieiunamus & visis cibis palati appetitus assurgit, non fit nisi delectatione: sed huic tamen non consentimus, si eam dominantis rationis iute cohibemus. Si autem consensio facta fuerit, plenum peccatum erit. Notum autem Deo in corde nostro, etiam si factò non innotescat hominibus. Ita ergo sunt isti gradus, quasi à serpente suggestio fiat, id est lubrico & volubili, hoc est temporali corporum motu: quia & si quæ talia phantasmata intus versantur in anima, de corpore forinsecus tracta sunt: & si quis occultus præter istos quinque sensus motusque corporis animum tangit, est etiam ipse temporalis & lubricus: & ideò quantò illabatur occultius ut cogitationem contingat, tantò conuenientius serpenti comparatur.

Tria ergo hæc ut dicere cœperam, similia sunt illi gesta rei quæ in Genesi scripta est, ut quasi à serpente fiat suggestio & quædam suasio. In appetitu autem carnali tanquam in Eva delectatio. In ratione vero tanquam in viro consensio: quibus peccatis, tanquam de paradiso, hoc est de beatissima luce iustitiæ in mortem homo expellitur, iustissimè omnino. Non enim cogit qui suadet. Et omnium naturæ in ordine suo gradibus suis pulchræ sunt, sed de superioribus in quibus rationalis animus ordinatus est, ad inferiora non est declinandum. Nec quisquam hoc facere cogitur, & idèd si fecerit, sine iusta defensione punitur. Non enim hoc committit inuitus. Veruntamen delectatio ante consuetudinem vel nulla est, vel tam tenuis ut propè nulla sit. Cui consentire magnum peccatum est cum illicita est. Cum autem quisque consenserit, committit peccatum in corde. Si autem etiam in factum processerit, videtur satiari, & extingui cupiditas. Sed postea cum suggestio repetitur, maior accenditur delectatio: quæ tamen adhuc multo minor est quàm illa quæ assiduis factis in consuetudinem vertitur. Hanc enim vincere difficillimum est: & tamen etiam ipsam consuetudinem si se quisque non deferat, & Christianam militiam non reformidet, illo duce atque adiutore superabit: ac sic in pristinam potestatem atque ordinem & vir Christo & mulier viro subiicitur.

Gen. 3.1.

2. Cor. 11. 3.
1. Jo. 5. 13.

Sicut ergo tribus gradibus ad peccatum peruenitur, suggestione, delectatione, consensione: ita istius peccati tres sunt differentiæ, in corde, in facto, in consuetudine, tanquam tres mortes. Una quasi in domo, id est cum in corde consensitur libidini: altera iam prolata, quasi extra portam cum in factum procedit assensio: tertia cum vi consuetudinis malæ tanquam mole terrena premitur animus, quasi in sepulchro iam putens. Quæ tria genera mortuorum Dominum resuscitasse, quisquis Euangelium legit, agnoscit. Et fortasse considerat quas differentiæ habeat etiam ipsa vox resuscitantis, cum alibi dicit: *Puella surge*. Et alibi: *iuuenis tibi dico surge*. Alibi: *Infirmus in spiritu & fleuit, & rursus fremuit*; & post deinde voce magna exclamavit; *Lazarus veni foras*.

Matt. 9. 25.
Luc. 7. 14.
Ioan. 11. 43.

Quapropter nomine mæchantium, qui hoc capitulo commemorantur, omnem carnalem & libidinofam concupiscen-

Col. 3. 5.
E. h. 5. c.

tiam oportet intelligi. Cùm enim tam assiduè idololatriam Scriptura fornicationem dicat, Paulus autem Apostolus auaritiam idololatriæ nomine appellat, quis dubitet omnem malam concupiscentiam rectè fornicationem vocari : quando anima neglecta superiore lege qua regitur, inferiorum naturatum turpi voluptate, quali mercede prostituta, corrumpitur ? Et ideo quisquis carnalem delectationem aduersus rectam voluntatem suam rebellare sentit per consuetudinem peccatorum, cuius indomitæ violentia traditur in captiuitatem, recolat quantum potest qualem pacè peccando amiserit, & exclamet : *Infelix ego homo, quis me liberabit de corpore mortis huius ? Gratia Dei per Iesum Christum Dominum nostrum.* Ita enim cùm se infelicem exclamat, lugendo implorat consolatoris auxilium. Nec paruus est ad beatitudinem accessus, cognitio infelicitatis suæ, & ideo, *Beati etiam lugentes, quoniam ipsi consolabuntur.* Deinde sequitur & dicit.

Rom. 7. 24

Mat. 5. 5.

Cap. VIII.
Mat. 5. 29.

Si autem oculus tuus dexter scandalizat te, erue eum & projice abs te. Expedit enim tibi ut pereat unum membrorum tuorum quàm totum corpus tuum eat in gehennam. Hic verò magna opus est fortitudine ad membra præcidenda. Quicquid enim est quod significat oculus, sine dubio tale est quod vehementer diligitur. Solet enim & ab eis qui vehementer volunt exprimere dilectionem suam ita dici : Diligo eum ut oculos meos, aut etiam plusquam oculos meos. Quod autem additum est, *dexter*, fortasse ad augendam vim dilectionis valet. Quanquam enim ad videndum illi oculi corporis communiter intendantur, & si ambo intendantur æqualiter possint, amplius tamen formidant homines dextrum amittere. Ut iste sit sensus : Quicquid illud est quod ita diligis, ut pro dextro oculo habeas, si scandalizat te, id est, si tibi impedimento est ad veram beatitudinem, *erue illum & projice abs te.* Expedit enim tibi ut pereat unum horum quæ ita diligis ut tanquam membra tibi hæreant, quàm totum corpus tuum eat in gehennam.

Sed quoniam sequitur de manu dextera, & similiter dicitur : *Si dextera manus tua scandalizat te, abscinde eam & projice abs te : expedit enim tibi ut pereat unum membrorum tuorum, quàm totum corpus tuum eat in gehennam :* cogit quærere & diligentius, quid dixerit oculum. In qua quæstione nihil mihi occurrit

currit congruentius, quàm dilectissimum amicum. Nam hoc est utique quod membrum rectè possumus appellare, quod vehementer diligimus: & hunc consiliarium, quia oculus sit tanquam demonstrat iter & in rebus diuinis, quia dexter est, ut finiter sit dilectus quidem consiliarius, sed in rebus terrenis ad necessitatem corporis pertinentibus, de quo scandalizante superfluum erat dicere, quandoquidem nec dextro parcendum sit. In rebus autem diuinis consiliarius scandalizans est, si in aliquam perniciosam hæresim nomine religionis atque doctrinæ conatur inducere. Ergo & dextera manus accipitur dilectus adiutor & minister in diuinis operibus: nam quoniam in oculo contemplatio, sic in manu actio rectè intelligitur, ut sinistra manus intelligatur in operibus quæ huic vitæ & corpori sunt necessaria.

DICTUM est autem, *Quicumque dimiserit uxorem suam, & illi libellum repudiij.* Hæc iustitia minor est Phariseorum, cui non est contrarium quod Dominus dicit: *Ego autem dico vobis, quicumque dimiserit uxorem suam exceptâ fornicationis causâ, facit eam mæchari, & qui solutam à viro duxerit mæchatur.* Non enim qui præcepit dari libellum repudiij, hoc præcepit, ut vxor dimittatur; sed qui dimiserit, inquit, *des illi libellum repudiij*: ut iracundiam temerariam proicientis uxorem libelli cogitatio temperaret. Qui ergo dimittendi moram quæsiuit, significauit quantum potuit duris hominibus, se nolle dissidium. Et idè ipse Dominus alio loco de hoc interrogatus ita respondit: *Hoc Moyses propter duritiam vestram facit.* Quantumvis enim durus esset qui velit dimittere uxorem, cum cogitaret libello repudiij dato iam sine periculo eam posse nubere alteri, facillè placaretur. Dominus ergo ad illud confirmandum ut non facillè vxor dimittatur, solam causam fornicationis excepit: cæteras verò vniuersas molestias si quæ fortè extiterint, iubet pro fide coniugali, pro castitate fortiter sustineri: & mæchum dicit etiam virum qui eam duxerit quæ soluta est à viro. Cuius rei Apostolus Paulus terminum ostendit, quia tamdiu obseruandum dicit quamdiu vir eius uiuit. Illo autem mortuo, dat nubendi licentiam. Hanc etiam regulam ipse tenuit, & in ea non suum consilium sicut & nonnullis monitis, sed præceptum Domini iubentis ostendit, cum ait: *Eis autem quæ nuptæ sunt præcipio, non ego, sed Do-*

Cap. xiv.
Mat. 19.

Deut. 24. 1.
Mat. 19. 7.

1. Cor. 7. 10.

R r

minus, mulierem à viro non discedere. Quòd si discesserit, manere innuptam, aut viro suo reconciliari, & vir uxorem non dimittat. Credo simili forma, vt si dimiserit non ducat aliam, aut reconcilietur vxori. Fieri enim potest vt dimittat vxorem causa fornicationis, quam Dominus exceptam esse voluit. Iam verò si nec illi nubere conceditur viuo viro à quo recesserit, neque huic alteram ducere viua vxore quam dimisit: multò minus fas est illicita cum quibuscumque stupra committere. Beatiora sanè coniugia iudicanda sunt, quæ siue filiis procreatis, siue etiam ista terrena prole contempta, continentiam inter se pari consensu seruare potuerint: quod neque contra illud præceptum sit, quo Dominus dimitti coniugem vetat. Non enim dimittit qui cum ea non carnaliter, sed spiritaliter viuuit, & illud seruatur quod per Apostolum dicitur: Reliquum est, vt qui habent uxores, quasi non habentes sint.

1. COR. 7. 19.

CAP. XV.

LUC. 14. 16.

ILLVD magis solet sollicitare animum paruulorum, qui tamen secundum præcepta Christi iam viuere gestiunt, quod alio loco ipse Dominus dicit: *Quisquis venit ad me, & non odit patrem suum, & matrem, & uxorem, & filios, & fratres, & sorores, insuper & animam suam, non potest meus esse discipulus.* Videri enim potest contrarium minus intelligentibus, quod hic vetat dimitti vxorem, exceptâ causâ fornicationis: alibi verò discipulum suum negat esse posse quenquam qui non oderit vxorem. Quòd si propter concubitus dixerit, non etiam patrem & matrem & fratres & sorores in eadem conditione poneret. Sed quàm verum est, quod regnum cælorum vim patitur, & qui vim faciunt diripiunt illud. Quanta enim vi opus est, vt homo diligat inimicos, & oderit patrem & matrem & vxorem & filios & fratres. Vtrumque enim iuber, qui ad regnum cælorum vocat. Et quomodò hæc non sint contraria inter se, ipso duce ostendere facile est: sed eâ intellectu implere difficile est, quanquam & hoc eodem ipso a liuante facillimum. Regnum enim æternum quò discipulos suos, quos etiam fratres appellat, vocare dignatus est, non habet huiusmodi necessitates temporales. *Non est Indes, neque Græcus, neque masculus, neque femina, neque seruus, neque liber: sed omnia & in omnibus Christus.* Et ipse Dominus dicit: *In resurrectione enim neque nubent neque uxores ducent, sed erunt sicut Angeli Dei in cælis.* Oportet ergo vt quisque illius

Galat. 3. 28.

MAT. 23. 0.

LUC. 20. 18.

regni vitam iam hic meditari voluerit, oderit non ipsos homines, sed istas necessitudines temporales quibus ista quæ transitura est vita fulcitur, quæ nascendo, moriendoque peragitur: quod qui non odit, necdum amat illam vitam ubi nulla erit conditio nascendi, atque moriendi quæ copulat terrena coniugia. Itaque si aliquem bene Christianum, qui tamen habet uxorem, quamvis cum ea adhuc filios generet, interrogem, utrum in illo regno habere velit uxorem: memor utriusque promissorum Dei & vitæ illius, *ubi corruptibile hoc inducit incorruptionem, & mortale hoc inducit immortalitatem*: iam magno vel cetere aliquo amore suspensus, cum execratione respondebit, se vehementer id nolle. Rursus si interrogem, utrum uxorem suam post resurrectionem accepta Angelica immutatione, quæ Sanctis promittitur, secum ibi vivere velit: tam vehementer se id velle quàm illud nolle respondebit. Sic inuenitur verus & bonus Christianus diligere in vna fœmina creaturam Dei, quam reformari & renouari desiderat: odisse autem coniunctionem copulationemque corruptibilem atque mortalem: hoc est diligere in ea quod homo est, odisse quod vxor est.

Ita etiam diligit inimicum, non in quantum inimicus est, sed in quantum homo est: ut hoc ei velit prouenire quod sibi, id est ut ad regnum cælorum correctus renouatusque perveniat. Hoc & de patre & de matre & cæteris vinculis sanguinis intelligendum est: ut in eis oderimus quod genus humanum nascendo & motiendo sortitum est, diligamus autem quod nobiscum potest ad illa regna perducere: ubi nemo dicit pater meus, sed omnes omnino vni Deo, Patet noster: nec mater mea, sed omnes illi Hierusalem, mater nostra: nec frater meus, sed omnes de omnibus, frater noster. Coniugium verò cum illo simul nobis in vnum redactis, quasi vnus coniugis erit, qui nos de prostitutione huius seculi sui sanguinis effusione liberavit. Necesse est ergo ut oderit ea quæ transeunt discipulus Christi, in his quos secum ad ea venire desiderat quæ semper permanebunt: & tantò magis hæc in eis oderit, quantò magis eos diligit. Potest igitur Christianus cum coniuge concorditer vivere: siue indigentiam carnalem cum ea supplens, quod secundum veniam, non secundum imperium dicit Apostolus: siue filiorum propagationem,

quod iam nonnullo gradu potest esse laudabile : siue fraternam societatem , sine vlla corporum commixtione , habens vxorem tanquam non habens , quod est in coniugio Christianorum excellentissimum atque sublime : vt tamen oðerit in ea omnes temporales necessitates , & diligat spem sempiternæ beatitudinis. Odimus enim sine dubio , quod certè vt aliquando non sit optamus : sicut istam ipsam præsentis temporis vitam,quam temporalem si non odissemus,non desideraremus futuram,quæ non est tempori obnoxia. Pro hac enim vita posita est anima, de qua ibi dictum est : *Qui non oderit in seipso & animam suam, non potest esse meus discipulus.* Huic namque vitæ cibus est necessarius iste corruptibilis, de quo ipse Dominus dicit : *Nonne anima plus est quam esca, id est hæc vita cui necessaria est esca ? Et quod dicit, vt animam suam ponat pro ouibus suis ; hanc vtique vitam dicit, cum se pro nobis moriturum esse pronuntiat.*

EXORITVR hîc altera quæstio : Cum Dominus causa fornicationis permittat dimitti vxorem , quatenus hoc loco intelligenda sit fornicatio : vtrum quousque intelligunt omnes, id est vt eam fornicationem credamus dictam quæ in stupris committitur ? An quemadmodum Scripturæ solent fornicationem vocare, sicut supra dictum est, omnem illicitam corruptionem, sicut est idololatria vel auaritia, & ex eo iam omnis transgressio legis propter illicitam concupiscentiam? Sed consulamus Apostolum, ne quid temere dicamus. *Hii qui sunt in coniugio, inquit, præcipio non ego sed Dominus, vxorem a viro non discedere : quod si discesseris, manere innuptam, aut viro suo reconciliari.* Potest enim fieri vt discedat ea causa qua Dominus permittit. Aut si fœminæ licet virum dimittere etiam præter causam fornicationis, & non licet viro, quid respondendum de hoc quod dixit posteriùs : *Et vir vxorem ne dimittat ?* Quare non addidit, excepta causa fornicationis, quod Dominus permittit? Nisi quia similem formam vult intelligi, vt si dimiserit, quod causâ fornicationis permittitur, maneat sine vxore, aut reconcilietur vxori. Non enim malè reconciliaretur vir illi mulieri, quam cum lapidare nemo ausus esset, dicit ei Dominus : *Vade & vide deinceps ne pecces.* Quia & qui dicit, non licet dimittere vxorem nisi causâ fornicationis, cogit retineri vxorem, si causâ fornicationis non fuerit:

Luc. 14. 16.

Mat. 6. 19.

Ioan. 10. 15

Cap. xvi.

Vide lib. 1

Retr. 6. 29.

1. Cor. 7. 10.

Ioan. 8. 14.

si autem fuerit, non cogit dimittere, sed permittit, sicut dicitur, *Nō licet mulieri nubere alteri viro, nisi viro suo mortuo*. Si ante viri mortem nupserit, rea est: si post viri mortem non nupserit, non est rea. Non enim iussa est nubere, sed permissa. Si enim par forma est in isto iure coniugij inter virum & mulierem, vsque adeò vt non tantum de fœmina idem Apostolus dixerit: *Mulier non habet potestatem sui corporis, sed vir*, sed etiam de illo non tacuit dicens: *similiter & vir sui corporis potestatem non habet, sed mulier*. Si ergo similis forma est, non oportet intelligi licere mulieri virum dimittere, nisi causa fornicationis, sicut & viro.

Considerandum est itaque quatenus fornicationem intelligere debeamus, & consulendus, vt cœperamus, Apostolus. Sequitur enim & dicit: *Cæteris autem ego dico, non Dominus*. Hic primò videndum est quibus cæteris. Dicebat enim superius ex Domini persona his qui sunt in coniugio, nunc verò ex sua persona cæteris dicit. Ergo fortasse his qui non sunt in coniugio. Sed non hoc sequitur. Ita enim subiungit: *Si quis frater habet uxorem infidelem, & hæc consentit habitare cum illo, non dimittat illam*. Ergo etiam nunc his dicit qui sunt in coniugio. Quid sibi ergo vult quod ait, *cæteris*, nisi quia superius eis loquebatur qui sic copulati erant, vt pariter in fide Christi essent: cæteris verò nunc dicit, id est eis qui sic copulati sunt vt non ambo fideles sint? Sed quid eis dicit: *Si quis frater habet uxorem infidelem, & hæc consentit habitare cum illo, non dimittat illam*: Et si qua mulier habet virum infidelem, & hic consentit habitare cum illa, non dimittat virum. Si ergo non præcepit ex Domini persona, sed ex sua persona monet, ita est hoc bonum, vt si quis aliter fecerit non sit præcepti transgressor: sicut de virginibus paulò post dicit, præceptum Domini se non habere, consilium autem dare: atq; ita laudat virginitatem, vt arripiat eam qui * voluerit, non tamen vt si non fecerit, contra præceptum fecisse iudicetur. Aliud enim est quod iubetur, aliud quod monetur, aliud quod ignoscitur. Iubetur mulier à viro non discedere, quòd si discesserit manere innuptam, aut viro reconciliari: Aliter ergo non licet facere. Monetur autem vir fidelis, si habet uxorem infidelem consentientem secum habitare, non eam dimittere. Licet ergo & dimittere, quia non est præceptum Domini ne

1. Cor. 7. 12.

Ibid. 27.
al. quæ.

dimittat, sed consilium Apostoli. Sicut monetur virgo non nubere, sed si nupserit consilium quidem non teuebit, sed contra præceptum non facit. Ignoscitur cum dicitur: *Hoc 1. Cor. 7. 6. autem dico secundum veniam, non secundum imperium.* Quapropter si licet ut dimittatur coniunx infidelis, quamvis melius sit non dimittere, & tamen non licet secundum præceptum Domini ut dimittatur coniunx nisi causa fornicationis, fornicatio est etiam ipsa infidelitas. Quid enim tu dicis Apostole? Certè ut vir fidelis consentientem secum habitare mulierem infidelem non dimittat. Ita, inquit: Cum ergo hoc & Dominus præcipiat, ne dimittat vir uxorem, nisi causa fornicationis, quare hic dicis: *Ego dico, non Dominus?* Quia scilicet idololatria quam sequuntur infideles, & quælibet noxia superstitionis fornicatio est. Dominus autem permisit causa fornicationis uxorem dimitti: sed quia permisit non iussit, dedit locum Apostolo monendi, ut qui voluerit non dimittat uxorem infidelem, quo sic fortasse possit fieri fidelis. *Ibid. Sanctificatus est enim, inquit, vir in fratre infidelem: & sanctificata est mulier infidelis in fratre infidelem.* Credo iam prouenerat ut nonnullæ fœminæ per viros fideles, & viri per uxores fideles in fidem venirent: & quamvis non dicens nomina, exemplis tamen exhortatus est ad confirmandam consilium suum.

Deinde sequitur: *Alioquin filij vestri immundi essent, nunc 1. Lucæ 10. 35. autem sancti sunt.* Iam enim erant paruuli Christiani, qui siue auctore vno ex parentibus, siue utroque consentiente sanctificati erant. Quod non fieret si vno credente dissociaretur coniugium, & non toleraretur infidelitas cori usque ad opportunitatem credendi. Hoc est ergo consilium eius cui credo dictum esse: *Si quid superogaueris, reddens reddam tibi.*

Porrò si infidelitas fornicatio est, & idololatria infidelitas, & auaritia idololatria, non est dubitandum & auaritiam fornicationem esse. Quis ergo iam qui a nlibet illicitam concupiscentiam potest rectè à fornicationis genere separare, si auaritia fornicatio est? Ex quo intelligitur quod propter illicitas concupiscentias, non tantum quæ in stupris cum alienis viris aut fœminis committuntur, sed omnino quælibet quæ animam corpore malè vtentem à lege Dei aberrare faciunt,

et perniciosè turpiterque corrumpi, possit sine crimine & vir vxorem dimittere & vxor virum, quia exceptam facit Dominus causam fornicationis. Quam fornicationem, sicut supra commemoratum est, generalem & vniuersalem intelligere cogimur. Cùm autem ait: *Exceptâ causâ fornicationis*, non dixit cuius ipsorum, viri an fœminæ. Non enim tantùm fornicantem vxorem dimittere conceditur, sed quisquis eam quoque vxorem dimittat à qua ipse cogitur fornicari, causa fornicationis vtique dimittit. Velut si aliquem cogat vxor sacrificare idolis. Qui talem dimittit, causâ fornicationis dimittit, non tantùm illius, sed & suæ: illius quia fornicatur, suæ ne fornicetur. Nihil aurem iniquius quàm fornicationis causâ dimittere vxorem, si & ipse conuincitur fornicari. Occurrit enim illud: *In quo enim alterum iudicas, temetipsum condemnas, eadem enim agis qua iudicas.* Quapropter qui quis fornicationis causa vult abicere vxorem, prior debet esse à fornicatione purgatus, quod similiter etiam de fœmina dixerim.

Rom. x. i.

Quod autem dicit: *Quisquis solutam à viro duxerit mœchatur*, quæri potest vtrum quomodò mœchatur ille qui ducit, sic & illa quam ducit. Iubetur enim & illa manere innupta, aut viro reconciliari. *Sed si discesserit*, inquit, *à viro, maneat innupta.* Multum autem interest vtrum dimittat, an dimittatur. Si enim ipsa virum dimiserit & alteri nupserit, videtur cupiditate mutandi coniugij virum priorem reliquisse, quæ sine dubio adulterina cogitatio est. Si enim dimittatur à viro cum quo esse cupiebat, mœchatur quidem qui eam duxerit secundùm Domini sententiam, sed vtrum & ipsa tali crimine teneatur, incertum est. Quamuis multò minus inueniri possit, quomodò cùm vir & mulier pari consensu sibi misceantur, vnus eorum mœchatus sit, & non sit alter. Huc accedit, quia si mœchatur ille ducendo eam quæ soluta est à viro, quanquam non dimiserit, sed dimissa sit, ipsa eum facit mœchari, quod nihilominus Dominus vetat. Ex quo intelligitur, siue dimissa fuerit, siue dimiserit, oportere illam manere innuptam aut viro reconciliari.

Rursum quaeritur, vtrum si vxoris permisso, siue sterilis, siue quæ concubitum pati non vult, adhibuerit sibi alteram vir,

1. Cor. 7. 4.

non alienam, neque à viro seiunctam, possit esse sine crimine fornicationis ? Et in historia quidem veteris testamenti inuenitur exemplum : sed nunc præcepta maiora sunt, in quæ per illum gradum generatio humana peruenit. Tractanda illa sunt ad distinguendas ætates dispensationis diuinæ prouidentia quæ humano generi ordinatissimè subuenit, non autem ad viuendi regulas vsurpandas. Sed tamen vtrum quod ait Apostolus : *Mulier non habet potestatem sui corporis, sed vir iussimiliter & vir non habet potestatem sui corporis sed mulier* : possit in tantum valere, vt permitrente vxore quæ maritalis corporis potestatem habet, possit vir cum altera, quæ nec aliena vxor sit, nec à viro disiuncta, concubere : sed non ita est existimandum, ne hoc etiam femina, viro permittente, facere posse videatur : quod omnium sensus excludit. Quanquam nonnullæ causæ possint existere, vbi & vxor, manu consensu, pro ipso marito hoc facere debere videatur : Sicut Antiochæ factum esse perhibetur ante quinquaginta ferme annos Constantij temporibus. Nam Acindinus tunc Præfectus qui etiam Consul fuit, cum quendam libiæ auri debitorem miscegeret, nescio vnde commotus, quod plerumque in istis potestatibus perniciosum est, quibus quod libet licet, aut potius putatur licere, comminatus est iurans & vehementer affirmans, quod si certo die quem constituerat, memoratum aurum non exoluere, occideretur. Itaque cum ille teneretur immani custodia, nec se posset debito illo expedire, dies metuendus imminere & propinquare cœpit. Et fortè habebat vxorem pulcherrimam, sed nullius pecuniæ qua subuenire posset viro : Cuius mulieris pulchritudine cum quidam diues esset accensus, & cognouisset maritum eius in illo discrimine constitutum, misit ad eam pollicens pro vna nocte si ei miseri vellet se auri libram daturum. Tum illa quæ se sciret non habere sui corporis potestatem, sed virum suum, pertulit ad eum dicens paratam se esse pro marito id facere, si tamen ipse coniugalis corporis dominus, cui tota illa castitas deberetur, tanquam de re sua pro vita sua vellet id fieri. Egrediente ille gratias, & vt id fieret imperauit, nullo modo iudicans adulterinum esse concubitum, quod & libido nulla & magna mariti charitas se iubente & volente flagitaret. Venit mulier
ad

ad villam illius diuitis, fecit quod voluit impudicus: sed illa corpus non nisi marito dedit, non concubere, vt solet, sed viuere cupienti, accepit aurum. Sed ille qui dedit fraude subtraxit quod dederat, & supposuit simile ligamentum cum terra. Quod vbi mulier iam domui suæ posita inuenit, promissit in publicum eadem mariti charitate clamatura quod fecerit, qua facere coacta est: interpellat Præfectum, fatetur omnia, quam fraudem passa esset ostendit. Tunc vetò Præfectus primò sibi reus, quòd suis minis ad id ventum esset, pronuntiat tanquam in alium sententiam diceret, de Acindini bonis auri libram fisco inferendam, illam verò mulierem dominam in eam terram, vnde pro auro terram accepisset, induci. Nihil hic in aliquam partem disputo, liceat cuique æstimare quod velit. Non enim de diuinis auctoritatibus deprompta historia est, sed tamen narrato hoc facto, non ita respuit hoc sensus humanus quod in illa muliere viro iubente commissum est, quemadmodum antea cum sine vilo exemplo res ipsa poneretur, horruimus. Sed in hoc Euangelij capitulo nihil fortius considerandum est, quàm tantum malum esse fornicationis, vt cum tanto vinculo sibi conjugia constringantur, hæc vna causâ solutionis excepta sit. Quæ sit autem fornicatio, iam tractatum est.

INTERVM, inquit, audistis quia dictum est antiquis: Non per-
iurabis, reddes autem Domino iuramentum tuum. Ego autem dico
vobis non iurare omnino, neque per calum, quia thronus Dei est: ne-
que per terram, quia scabellum est pedum eius. Neque per Hierosoly-
mam, quia ciuitas est magni Regis: neque per caput tuum iuraueris,
quia non potes facere capillum vnum album aut nigrum. Sit autem
sermo vester: est, est, non, nõ: quod autem amplius est, à malo est. Iusti-
tia Phariseorum est non periurare. Hanc confirmat qui vetat
iurare, quod pertinet ad iustitiam regni cælorum. Sicut enim
falsum loqui non potest qui non loquitur, sic periurare non
potest qui non iurat. Sed tamen quoniam iurat qui adhibet
testem Deum, diligenter considerandum est hoc capitulum,
ne contra præceptum Domini Apostolus fecisse videatur,
qui sæpe hoc modo iurauit cum dicit: *Qua autem scribo vobis,*
ecce coram Deo, quia non mentior. Et iterum: *Deus & Pater Do-*
mini nostri Iesu Christi, qui est benedictus in secula, scit quia
non mentior. Tale est etiam illud: *Testis enim mihi est Deus,*

Cap. xvi.
Mat. 5. 34.
Leuit. 19.

Gal. 1. 20.
1 Cor. 17. 31.
Rom. 1. 9.

cui serui in spiritu meo in Euangelio Filij eius, quomodo sine intermissione memoriam vestri facio semper in orationibus meis. Nisi forte quis dicat tunc cauendam esse iurationem cum per aliquid dicitur quod iuratur: vt non iurauerit, quia non dixit per Deum, sed dixit, testis est mihi Deus. Ridiculum est hoc putare. Tamen propter contentiosos aut multum tardos, ne aliquid interesse quis putet, sciat etiam hoc modo iurasse

1. Cor. 15. 31.

Apostolum dicentem: *Quotidie morior, per vestram gloriam.* Quod ne quis existimet ita dictum tanquam si diceretur, vestra gloria me facit quotidie mori, sicut dicitur, per illius magisterium doctus factus est, id est illius magisterio factum est vt perfecte doceretur: Græca exemplaria diiudicant, in quibus scriptum est, *ὅτι τοῦ καὶ νῦν ὁμολογῶ*, quod non nisi à iurante dicitur, ita ergo intelligitur præcepisse Dominum ne iuretur, ne quisquam sicut bonum appetat iusiurandum, & assiduitate iurandi ad periurium per consuetudinem delabatur. Quapropter qui intelligit, non in bonis, sed in necessariis iurationem habendam, refrænet se quantum potest vt non ea utatur, nisi necessitate: cum videt pigros esse homines ad credendum, quod eis vtile est credere, nisi iuratione firmentur. Ad hoc itaque pertinet quod sic dicitur: *Sit autem sermo vester, est, est: non, non.* Hoc bonum est, & appetendum, quod autem amplius est, à malo est, id est si iurare cogaris, scias de necessitate venire infirmitatis eorum quibus aliquid suades. Quæ infirmitas utique malum est, vnde nos quotidie liberari deprecamur cum dicimus: *Libera nos à malo.* Itaque non dixit, quod autem amplius est, malum est. Tu autem non malum facis qui bene vteris iuratione, quæ etsi non bona, tamen necessaria est vt alteri persuadeas quod vtiliter persuades, sed à malo est illius cuius infirmitate iurare cogaris. Sed nemo nouit nisi qui expertus est, quàm sit difficile & consuetudinem iurandi extinguere, & nunquam temere facere quod nonnunquam facere necessitas cogit.

Matt. 5. 37.

Quæri autem potest, cum diceretur: *Ego autem dico vobis, non iurare omnino*; cur additum sit, *neque per calum, quia thronus Dei est*, & cætera vsque ad id quod dictum est, *neque per caput tuum.* Credo propterea, quia non putabant Iudæi se teneri iureiurando, si per ista iurassent, & quoniam audierant: *Reddes autem Domino iusiurandum tuum*, non se putabant Do-

Mat. 6. 14.

mino debere iusiurandum, si per cælum, aut terram, aut per Hierosolymam, aut per caput suum iurarent: quod non videri precipientis, sed illis malè intelligentibus, factum est. Itaque Dominus docet nihil esse tam vile in creaturis Dei, ut per hoc quisque periurandum arbitretur: quando à summis usque ad infima diuina prouidentia creata regerentur, incipiens à throno Dei usque ad capillum album aut nigrum. *Neque per cælum*, inquit, *quia thronus Dei est: neque per terram, quia scabellum pedum eius est*, id est cum iuras per cælum aut terram, non te arbitreris non debere Domino iusiurandum tuum, quia per eum iurare conuinceris cuius cælum thronus est, & cuius scabellum terra est: neque per Hierosolymam, quia ciuitas est magni Regis, melius quàm si diceret, mea, cum tamen hoc dixisse intelligatur. Et quia ipse vtiq; Dominus est, Domino iusiurandum debet qui per Hierosolymam iurat. *Neque per caput tuum iuraueris*. Quid enim poterat quisque magis ad se pertinere arbitrari quàm caput suum? Sed quomodò nostrum est, ubi potestatem faciendi vnius capilli albi aut nigri non habemus? Ergo Deo debet iusiurandum ineffabiliter tenenti omnia & vbique præsenti, quisquis etiam per caput suum iurare voluerit: & hinc etiam cætera intelliguntur quæ omnia vtiq; dici non poterant, sicut illud quod commemorauimus dictum ab Apostolo: *Quotidie morior, per vestram gloriam*. Quam iurationem ut Dominus se debere ostenderet, addidit, *quam habeo in Christo Iesu*. 1. Cor. 15. 4

Veruntamen propter carnales dico, non oportet opinari quod dictum est cælum thronus Dei, & terra scabellum pedum eius, quodd sic habeat Deus collocata membra in cælo & in terra ut nos cum sedemus, sed illa sedes Dei iudicium significat. Et quoniam in hoc vniuerso mundi corpore maximam speciem cælum habear, & terra minimam, tanquam præsentior sit excellenti pulchritudini vis diuina, minimam verò ordinet in extremis atque infinis, sedere in cælo dicitur terramque caleare. Spiritualiter autem sanctas animas cæli nomine significat, & terræ, peccatrices: & quoniam *spiritualis* 1. Cor. 1. 15. *omnia indicat, ipse autem à nemine indicatur*, conuenienter dicitur sedes Dei. Peccator verò cui dictum est: *Terra es & in terram ibis*, G. n. 3. 19. quia per iustitiam meritis digna tribuentem, in infi-

mis ordinatur, & qui in lege manere noluit, sub lege punitur, congruenter accipitur scabellum pedum Dei.

Cap. XVII.

S E D iam ut istam quoque concludamus summam, quid laboriosius aut operosius dici, aut cogitari potest, ubi omnes neros indultriæ suæ animus fidelis exerceat, quàm in vitiosa consuetudine superanda præcidat membra impediencia regnum cælorum, nec dolore frangatur: toletet in coniugali fide omnia quæ quamuis sint molestissima, crimen tamen illicitæ corruptionis, id est fornicationis non habent? Veluti si uxorem quisque habeat, vel sterilem, vel deformem corpore, siue debilem membris, vel cæcam, vel surdam, vel claudam, vel si quid aliud, siue morbis & doloribus languoribusque confectâ: & quicquid excepta fornicatione cogitari potest veliementer horribile, pro fide & societate sustineat, neque solum talem non abiiciat, sed etiam si non habeat non ducat eam, quæ soluta est à viro pulchram, sanam, diuitem, fecundam. Quæ si facere non licet, multo minus sibi licere arbitretur ad vllum alium illicitum concubitus accedere, fornicationemque sic fugiat ut ab omni turpitudine se penitus extrahat. Verum loquatur, neque iurationibus crebris, sed morum probitate commendat. Rebellantes aduersum se omnium malarum consuetudinum innumerabiles turbas, de quibus ut omnes intelligerentur, pauca commemorata sunt, confugiens ad arcem Christianæ militiæ, tanquam de loco superiore prosterнат.

Sed quis tantos labores inire audeat, nisi qui sic flagrat amore iustitiæ, ut tanquam fame & siti vehementissime accensus, & nullam sibi vitam donec ea satietur existimans, vim faciat in regnum cælorum? Non enim aliter poterit esse fortis ad toleranda omnia, quæ in præcidendis consuetudinibus laboriosa & ardua & omnino difficilia seculi huius amatores putant. *Beati ergo qui esuriunt & sitiunt iustitiam, quoniam ipsi saturabuntur.* Veruntamen in his laboribus cum quisque difficultatem patitur, & per dura & aspera gradum faciens circumuallatus variis tentationibus, & hinc atque illinc insurgere præteritæ vitæ molestias intuens, timet ne aggressa implere non possit, arripiat consilium ut auxilium mereatur. Quod est autem aliud consilium, nisi ut infirmitatem aliorum ferat, & eis quantum potest opituletur, qui suæ diuinitus

Mat. 5.6.

desiderat subueniri : Consequenter itaque præcepta misericordiae videamus. Miris autem & misericors vnum videtur. Sed hoc interest, quod mitis, de quo superius tractatum est, qui pietate non contradicit diuinis sententiis, quæ in sua peccata proferuntur, neque illis Dei sermonibus quos nondum intelligit, sed nullum beneficium præstat ei cui non contradicit nec resistit. Misericors autem ita non resistit, ut propter eius correptionem id faciat, quem redderet resistendo peiorem.

SEQUITUR ergo Dominus, & dicit : *Audistis quia dictum est, Oculum pro oculo, dentem pro dente : Ego autem dico vobis non resistere aduersus malum. Sed si quis te percusserit in dexteram maxillam, præbe illi & alteram. Et qui voluerit tecum iudicio contendere & tunicam tuam tollere, dimitte illi & pallium : Et qui te angariauerit mille passus, vade cum illo alia duo. Omni petenti te da, & qui voluerit à te mutuari, ne auersatus fueris. Phariseorum iustitia minor est, non excedere vindictæ modum, ne plus rependat quisque quàm accepit. Et magnus hic gradus est. Nemo enim facile inuenitur qui pugno accepto pugnum reddere velit : & vno conuiitante verbo audito vnum & quod tantundem valeat referre contentus sit : sed siue ira perturbatus immoderatiùs vindicat : siue quia iustum putat, eum qui læserit prior grauiùs lædi, quàm læsus est qui non læserat. Talem animum magna ex parte refrænauit lex in qua scriptum est : *Oculum pro oculo, & dentem pro dente.* Quibus nominibus significatur modus, ut iniuriam vindicta non transeat, & hæc est pacis inchoatio. Perfecta autem pax est, talem penitus nolle vindictam. Inter illud ergo primum quod præter legem est, ut maius malum pro minore malo reddatur : & hoc quod Dominus perficiendis discipulis dicit, ne pro malo vllum malum reddatur : medium quendam locum tenet, ut tantum reddatur quantum acceptum est : per quod à summa discordia ad summam concordiam pro temporum distributione transitus factus est. Quisquis ergo malum infert prior, studio lædendi & nocendi, vide quantum distat ab eo qui nec læsus rependit. Quisquis ergo nulli prior malè fecit, sed tamen læsus rependit grauiùs, vel voluntate vel facto, recessit aliquantum à summa iniquitate & processit ad summam iustitiam, & tamen nondum tenet quod lex quæ per*

Cap. xix.
Mart. 5. 3.
Lxx. 31. 24.

Moyſen data eſt imperauit. Qui ergo tantum reddit quantum accepit, iam donat aliquid : non enim tantam pœnam meretur nocens, quantam ille qui ab eo laſus innocens paſſus eſt.

Hanc ergo inchoatam non ſeueram, ſed miſericordem iuſtitiam ille perfecit qui legem venit implere, non ſoluere. *Matt. 5. 17.* Duos ergo adhuc gradus qui interſunt intelligēdos reliquit, quibus & de ipſo ſūmo miſericordiæ culmine dicere maluit. Nam eſt adhuc quod faciat, qui non implet iſtā magnitudinem præcepti, quæ pertinet ad regnum cælorum : vt non reddat tantum, ſed minus, vt vel pro duobus pugnis vnum, aut pro euulſo oculo autem præcidat. Hinc aſcendens qui omnino nihil rependerit, propinquat præcepto Domini, nec tamen adhuc ibi eſt. Parum enim adhuc videtur Domino ſi pro malo quod acceperis nihil reddas mali, niſi etiam & amplius ſis paratus accipere. Quapropter non ait, ego autem dico vobis, non reddere malum pro malo, quanquam hoc etiam magnum præceptum ſit, ſed ait, non reſiſtere aduerſus malum : vt non ſolū non rependas quod tibi fuerit irrogatum, ſed etiam non reſiſtas quo minus aliud irrogetur. Hoc eſt enim quod etiam conſequenter exponit.

Sed ſi quis te percuſſerit in dexteram maxillam tuam, præbe illi & alteram : non enim ait, ſi quis te percuſſerit, noli tu percutere, ſed para te adhuc percutienti. Quod ad miſericordiā pertinere, hi maxime ſentiunt, qui eis quos multum diligunt, tanquam filiis vel quibuſlibet dilectiſſimis ſuis, ægrotantibus ſeruiunt vel paruulis vel phreneticis : à quibus multa ſæpe patiuntur, & ſi eorum ſalus id exigat, præbent ſe etiam vt plura patiantur, donec vel ætatis vel morbi infirmitas tranſeat. Quos ergo Dominus medicus animarum, curandis proximis inſtruebat, quid eos aliud docere poſſit, niſi vt eorum, quorum ſaluti conſulere vellent, imbecillitates æquo animo tolerarent. Omnis namque improbitas ex imbecillitate animi venit, quia nihil innocentius eſt eo qui in virtute perfectus eſt. Quæri autem poteſt quid ſibi velit dextera maxilla : Sic enim in exemplaribus Græcis, quibus maior fides adhibenda eſt, inuenitur. Nam multa Latina, maxillā tantum habent, non etiam dexteram; Facies eſt autem qua cuiſque cognoscitur. Et legimus apud Apoſtolum : *Toleratis enim*

si quis vos in seruitutem redigit, si quis deuorat, si quis accipit, si quis extollitur, si quis in faciem vos cadit. Deinde continuo subiungit: *secundum ignobilitatem dico*, ut exponat quid sit in faciem cædi, hoc est contemni atque despici. Quod quidem non idèd dicit Apostolus ut illos nō sustinerent, sed ut se magis, qui eos sic diligeret, ut seipsum pro eis veller impendi. Sed quoniā facies non potest dici dextera & sinistra, & tamen nobilitas & secundum Deum & secundum hoc seculum potest esse, ita tribuitur tanquam in dexteram maxillam & sinistram, ut in quocunque discipulo Christi contemptum fuerit quod Christianus est, multo magis in se contemni paratus sit, si quos huius seculi honores habet. Sicut idem Apostolus, cum in eo persequerentur homines nomen Christianum, si taceret de dignitate quam habebat in seculo, nō præbuerat alteram in maxillam cædentibus dexteram. Non enim dicendo, *Ciuis Romanus sum*, non erat paratus hoc in se contemni quod pro minimo habebat, ab eis qui in illo nomen tam pretiosum & salutare contempserant. Nunquid enim idèd minus postea vincula tolerauit, quæ ciuibz Romanis non licebat imponi, aut quenquam de hac iniuria voluit accusare? Et si qui ei propter ciuitatis Romanæ nomen pepercerunt, nec tamen ille idèd non præbuit quod ferirent, cum eos de tanta peruersitate corrigere cupierit patientiā suā, quos videbat in se sinistras partes magis quàm dexteris honorare. Illud est enim tantum attendendum quo animo fecerit omnia, quàm beheuolè & clementer in eos, à quibus ista patiebatur. Nam & Pontificis iussu palma percussus, quod contumeliosè visus est dicere cum ait: *Percutiet te Dominus* A 2. 12. 16.
paries dealbate, minus intelligentibus conuiuium sonat: intelligentibus verò prophetia est. Paries quippe dealbatus, hypocrisis est, id est simulatio sacerdotalem præferens dignitatem, & sub hoc nomine tanquam candido tegmine interiorem quasi luteam turpitudinem occultans. Nam quod humilitatis fuit, mirabiliter custodiuit cum ei diceretur: *Principi sacerdotum maledicis*? Et respondit. Nesciui fratres quia Princeps est Sacerdotum. Scriptum est enim: *Principi populi tui ne maledicas*. Vbi ostendit quanta tranquillitate illud dixisset, quod iratus dixisse videbatur, quod tam citò, tam mansuetè respondit, quod ab indignantibus & perturbatis fieri

A 2. 12. 16.

Exo. 22. 28.

non potest. Et in eo ipso intelligentibus verum dixit: *Nesciui quia Princeps est Sacerdotum*, tanquam si diceret: Ego alium sciuui Principem Sacerdotum, pro cuius nomine ista sustineo, cui maledicere fas non est, & cui vos maledicitis, cum in me nihil aliud quam eius oditis nomen.

Sic ergo oportet non simulatè ista iactare, sed in ipso corde esse ad omnia præparatum, ut possit canere illud propheticum: *Paratum cor meum, Deus, paratum cor meum*. Multi enim alteram maxillam præbere nouerunt, diligere verò illum à quo feriuntur, ignorant. At verò ipse Dominus, qui utique præcepta quæ docuit impleuit, percutienti se in maxillam ministro Sacerdotis non præbuit alteram, sed insuper dixit: *Similè locutus sum exprobra de malo: si bene, cur me caueat?* Non tamen idèd paratus corde non fuit, non solum in alteram maxillam cædi pro salute omnium, sed etiam toto corpore crucifigi.

Ergo & illud quod sequitur: *Et qui voluerit tecum iudicio contendere, & tunicam tuam tollere, remitte illi & vestimentum*, ad præparationem cordis non ad ostensionem operis præceptum rectè intelligitur. Sed de tunica & vestimento quod dictum est, non in eis solis, sed in omnibus faciendum est, quæ aliquo iure temporaliter nostra esse dicimus. Si enim de necessariis hoc imperatum est, quantò magis superflua contemnere conuenit? Veruntamen ea quæ nostra dixi, eo genere includenda sunt, quo Dominus ipse præscripsit dicens: *Si quis vult iudicio tecum contendere, & tunicam tuam tollere*. Omnia ergo illa intelliguntur, de quibus iudicio nobiscum contendendi potest: ita ut à nostro iure in ius illius transeant, qui contendit vel pro quo contendit: sicuti est vestis, domus, fundus, iumentum, & generaliter omnis pecunia. Quod utrum etiam de seruis accipiendum sit, magna quæstio est. Non enim Christianum oportet sic possidere seruum, quomoddè equum aut argentum: quanquam fieri possit, ut maiore pretio valeat equus quam seruus, & multo magis aliquod aureum vel argenteum. Sed ille seruus si rectius & honestius, & ad Deum colendum accommodatiùs abs te Domino educatur aut regitur, quam ab illo potest qui eum cupit auferre: nescio utrum quisquam dicere audeat, ut vestimentum eum debere contemni. Hominem namque homo tanquam semetipsum diligere

gere debet, cui ab omnium Domino; sicute ea quæ sequuntur
 ostendunt, etiam ut inimicos diligat imperatur. Sanè ani-
 maduertendum est, omnem tunicam vestimentum esse, non
 omne vestimentum tunicam esse. Vestimenti ergo nomen
 plura significat quàm nomen tunicæ. Et idè sic dictum esse
 arbitror : *Et qui voluerit tecum iudicio contendere, & tunicam*
tuam tollere, remitte illi & vestimentum; tanquam si diceret, qui
 voluerit tunicam tuam tollere, remitte illi, & si quid aliud in-
 dumenti habes. Idè nonnulli pallium interpretati sunt,
 quod Græcè positum est *ἵματιον*.

Et qui te angariauerit, inquit, *mille passus, vade cum illo alis duo.*
 Et hoc utique non tam ut pedibus agas, quàm ut animo sis
 paratus. Nam in ipsa Christiana historia in qua est auctori-
 tas, nihil tale inuenies factum à Sanctis, vel ab ipso Domino
 in homine, quem suscipere dignatus est, ut viuendi nobis
 præberet exemplum : cum tamen omnibus ferè locis eos in-
 uenias paratos fuisse æquo animo tolerare quicquid eis im-
 probè fuisset ingestum. Sed verbi gratia dictum putamus, va-
 de cum eo alia duo : an tria compleri voluit, quo numero si-
 gnificatur perfectio : ut meminerit quisque cum hoc facit
 perfectam se implere iustitiam, misericorditer perferendo
 infirmitates eorum quos vult sanos fieri. Potest videri pro-
 pterea etiam tribus exemplis hæc præcepta insinuasse. Quo-
 rum primum est, si quis te percusserit in maxillam : Secun-
 dum, si quis tunicam tuam tollere voluerit : Tertium, si quis
 mille te passus angariauerit : in quo tertio exemplo simplo du-
 plum additur, ut triplum compleatur. Qui numerus hoc lo-
 co si non ut dictum est significat perfectionem, illud accipia-
 tur, quòd in præcipiendo tanquam tolerabilius incipiens
 paulatim creuerit, donec perueniret vsque ad duplum aliud
 perferendum. Nam primò præberi voluit alteram maxillam
 cum fuerit dextera percussa, ut minus perferre paratus sis
 quàm pertulisti. Quicquid enim dextera significat, & cha-
 rius est utique quàm id quod sinistra significat, & qui in re
 chariore aliquid pertulit, si & in viliori perferat minus est.
 Deinde illi qui tunicam vult tollere, iubet & vestimentum
 dimitti ; quod aut tantundem est, aut non multò ampliùs,
 non tamen duplum. Tertio de mille passibus, quibus adden-
 da dicit duo millia, vsque ad duplum aliud perfetas iubet. Ita

significans siue aliquanto minus quam iam fuit, siue tantundem, siue ampliùs quisque improbus in te esse voluerit, æquo animo tolerandum esse.

Cap. xx.

In his sanè generibus trium exemplorum nullum genus iniuriæ prætermissum esse video. Namque omnia in quibus improbitatem aliquam patimur, in duo genera diuiduntur, quorum alterum est quod restitui non potest, alterum quod potest. Sed in illo quod restitui non potest, vindictæ solatium quæri solet. Quid enim prodest quod percussus reperiatur? Nunquid propterea aliquid quod in corpore læsum est restituetur in integrum? Sed tumidus animus talia fomenta desiderat. Sanum autem firmumque ista non iuuant, quin potius misericorditer petferendam alterius infirmitatem iudicat, quàm alieno supplicio suam mitigandam quæ nulla est. Neque hic ea vindicta prohibetur, quæ ad correptionem valeat, etiam ipsa enim pertinet ad misericordiam. Nec impedit illud propositum quo quisque paratus est ab eo quem correctum esse vult, plura perferre. Sed huic vindictæ referendæ non est idoneus, nisi quod odium quo solent flagrare qui se vindicæ desiderant, dilectionis magnitudine superauit. Non enim metuendum est ne odisse paruulum filium parentes videantur, cum ab eis vapulat peccans, ne peccet vltcriùs: & certè perfectio dilectionis ipsius Dei Patris imitatione nobis proponitur, cum in sequentibus dicitur: *Diligite inimicos vestros, benefacite his qui oderunt vos, & orate pro eis qui vos persequuntur*, & tamen de ipso dicitur per Prophetam: *Quem enim diligit Dominus corripit, flagellat autem omnem filium quem recipit*. Dicit & Dominus: *Seruus qui nescit voluntatem domini sui & facit digna plagis, vapulabit paucis. Seruus autem qui scit voluntatem domini sui & faciens digna plagis, vapulabit multis*. Non ergo quæritur, nisi vt & ille vindicet cui rerum ordine potestas data est: & ea voluntate vindicet qua pater in paruulum filium, quem per ætatem odisse nondum potest. Hinc enim aptissimum exemplum datur, quo satis appareat, posse peccatum amore potius vindicari quàm impunitum relinquere: vt illum in quem vindicat non pœna miserum, sed correctione beatum velit: paratus tamen, si opus sit, æquo animo plura tolerare ab eo illata quem vult esse correctum, siue in eum habeat potestatem coercendi siue non habeat.

Matt. 5. 44.

Heb. 1. 6.

Prou. 3. 11.

Luc. 12. 47.

Magni autem & sancti viri, qui iam optimè scirent, mortem illam quæ animam dissoluit à corpore, non esse formidandam, secundùm eorum tamen animum qui illam timerent, nonnulla peccata morte punierunt: quo & viuentibus vilis metus incuteretur, & illis qui morte puniebantur, non ipsa mors noceret, sed peccatum quod augeri posset si viuerent. Non temere illi iudicabant, quibus tale iudicium donauerat Deus. Inde est quod Helias multos morte afficit, & propria manu, & igne diuinitus impetrato: cum & alij multi magni & diuini viri eodem spiritu consulendis rebus humanis non tenere fecerint. De quo Helia cùm exemplum dedissent discipuli Domino, commemorantes quid ab eo factum sit, vt etiam ipsis daret potestatem, petendi de cælo ignem ad consumendos eos qui sibi hospitium non præberent: reprehendit in eis Dominus non exemplum Prophetæ sancti, sed ignorantiam vindicandi quæ adhuc erat in rudibus, animaduertens eos non amore correctionem, sed odio desiderare vindictam. Itaque posteaquam eos docuit quid esset diligere proximum tanquam seipsum, infuso etiam Spiritu sancto, quem decem diebus completis post ascensionem suam desuper vt promiserat misit, non defuerunt tales vindictæ, quamuis multò rariùs quàm in veteri Testamento. Ibi enim ex maiore parte seruientes timore premebantur: hic autem maxima dilectione liberi nutriebantur. Nam & verbis Apostoli Petri Ananias & vxor eius, sicut in actibus Apostolorum legimus, exanimis ceciderunt, nec resuscitati sunt, sed sepulti. Sed si huic libro hæretici, qui aduersantur & veteri Testamento, nolunt credere, Paulum Apostolum quem nobiscum legunt intueantur, dicentem de quodam peccatore quem tradidit satanæ in interitum carnis, vt anima salua sit. Et si nolunt hinc mortem intelligere, fortasse enim incertum est, quamlibet vindictam per satanam factam ab Apostolo fateantur, quodd non eam odio, sed amore fecisset manifestat illud adiectum, vt anima salua sit. Aut in illis libris quibus ipsis magnam tribuunt auctoritatem animaduertant quid dicimus, vbi scriptum est Apostolum Thomam imprecatum cuidam à quo palma percussus esset, atrocissimæ mortis supplicium, animam eius tamen cõmendauit vt in futuro ei seculo parceretur: cuius à leone occisi, à cætero corpore

3. REG. 18. 40

4. REG. 1. 17

Luc. 9. 54.

A. 3. 1. 1.

A. 3. 5. 3.

1. Cor. 5. 4.

discerptam manum canis intulit mensis in quibus conuiuabatur Apostolus. Cui scripturæ licet nobis non credere, non enim est in Catholico canone. Illi tamen eam legunt & tanquam incorruptissimam verissimamque honorant, qui aduersus corporales vindictas quæ sunt in veteri Testamento, nescio qua cæcitate acerrimè sæuiunt, quo animo & qua distributione temporum facta sint omnino nescientes. Tenebitur ergo in hoc iniuriarum genere, quod per vindictam luitur, iste à Christianis modus, ut accepta iniuria non surgat odium, sed infirmitatis misericordia paratus sit animus plura perpeti, nec correctionem negligat, qua vel consilio vel auctoritate vel potestate uti potest.

Aliud iniuriarum genus est quod in integrum restitui potest. Cuius duæ species, una ad pecuniam, altera ad operam pertinet. Quapropter illius de tunica vestimento, huius de angaria mille passuum & duum millium exempla subiecta sunt: quia & reddi vestimentum potest, & quem adiuueris opera, potest te etiam ipse si opus fuerit adiuuare. Nisi fortè ira potius distinguendum est, ut prius quod positum est de percussa maxilla, omnia significet quæ sic ingeruntur ab improbis, ut restitui non possint nisi vindicta. Secundum quod positum est de vestimento, omnia significet quæ possunt restitui sine vindicta. Et idèd forasle additum est, *quis voluerit tecum in iudicio contendere*: quia quod per iudicium aufertur non ea vi putatur auferri: cui vindicta debeat. Tertium verò ex utroque confectum sit, ut & sine vindicta, & cum vindicta possit restitui. Nam qui operam indebitam violenter exigit sine vilo iudicio, sicut facit qui angariat hominem improbè & cogit se illicitè adiuuari ab inuito, & pœnam improbitatis potest iuere & operam reddere, si hanc ille repetat qui improbum petulit.

In his ergo omnibus generibus iniuriarum Dominus docet patientissimum & misericordissimum ad plura perferenda paratissimum animum Christiani esse oportere. Sed quoniam parum est non nocere, nisi etiam praestes beneficium quantum potes, consequenter adiungit & dicit: *Omni petenti te da, & qui voluerint mutuari à te, ne auersatus fueris*. Omni petenti, inquit, non omnia petenti, ut id des quod dare honestè & iuste potes. Quid si enim pecuniam petat, qua inno-

centem conetur opprimere ? Quid si postremò stuprum peccat ? Sed ne multa persequar quæ sunt innumerabilia, id profectò dandum est quod nec tibi nec alteri noceat, quantum sciri aut credi ab homine potest : & cui iustè negaueris quod petit, indicanda est ipsa iustitia, vt non eum inanem dimittas. Ita omni petenti te dabis, quamuis non semper id quod petit dabis, sed aliquando melius aliquid dabis, cum petentem iniustè, correxeris. Quod autem ait : *Qui vult à te mutuari, ne auersatus fueris*, ad animam referendum est. *Hilarem enim datorem diligit Deus*. Mutuatur autem omnis qui accipit, etiam si non ipse soluturus est. Cum enim misericordibus Deus plura restituat, omnis qui beneficium præstat forneratur. Aut si non placet accipere mutuantem nisi cum accipit redditurus, intelligendum est Dominum duo ipsa genera præstandi esse complexum. Namque aut donamus quod damus beneuolè, aut reddituro commodamus. Et plerumque homines, qui proposito diuino præmio donare parati sunt, ad dandum quod mutuum petitur pigri fiunt : quasi nihil recepturi à Deo, cum rem quæ datur, ille qui accipit exoluat. Rectè itaque ad hoc beneficij tribuendi genus nos diuina hortatur auctoritas dicens : *Et qui voluerit à te mutuari, ne auersatus fueris* : id est, ne propterea voluntatem alienes ab eo qui petit, quia & pecunia te vacuat, & Deus tibi non redditurus est, cum homo reddiderit, Sed cum id ex præcepto Dei facis, apud illum qui hæc iubet infructuosum esse non potest.

DEINDE adiunxit & dicit : *Audistis quia dictum est antiquis : Diliges proximum tuum, & odieris inimicum tuum*. Ego autem dico vobis, diligite inimicos vestros, & benefacite his qui vos odierunt, & orate pro eis qui vos persequuntur : *ut sitis filij Patris vestri qui in celis est, qui solem suum oriri iubet super bonos & malos, & pluit super iustos & iniustos*. Si enim dilexeritis eos qui vos diligunt, quam mercedem habebitis ? Nonne & publicani hoc faciunt ? Et si sathanæ fratres vestros tantum, quid amplius facitis ? Nonne & Ethnici hoc faciunt ? Estote ergo vos perfecti, sicut & Pater vester qui in celis est perfectus est. Sine ista dilectione, qua etiam inimicos & persecutores nostros diligere iubemur, ea quæ superius dicta sunt implere quis potest ? Perfectio autem misericor-

Cap. xxi.
Mat. 5. 43.

dix, qua plurimum animæ laboranti consulitur, vltra dilectionem inimici porrigi non potest, & ideo sic clauditur: *Esse ergo vos perfecti, sicut & Pater vester qui in calis est perfectus est.* Ita tamen vt Deus intelligatur perfectus tanquam Deus, & anima perfecta tanquam anima. Gradum ramen esse aliquem in Pharisæorum iustitia, quæ ad legem veterem pertinet, hinc intelligitur: quod multi homines eos etiam à quibus diliguntur oderunt, sicut luxuriosi filij parentes coëritores luxuriøsæ suæ. Ascendit ergo aliquem gradum qui proximum diligit, quamuis adhuc oderit inimicum. Eius autem imperio qui venit legem implere non soluere, perficiet beneuolentiam & benignitatem, cum eam vsque ad inimici dilectionem perduxerit. Nam ille gradus quamuis nonnullus sit tam paruus est ramen vt cum publicanis etiam possit esse communis: Nec quod in lege dictum est, *Oderis inimicum tuum*, vox iubentis iusto accipienda est, sed permittentis infirmo.

Oritur hic sanè nullo modo dissimulanda quæstio, quod huic præcepto Domini, quo nos hortatur diligere inimicos nostros, & benefacere his qui nos oderunt, & orare pro his qui nos persequuntur, multæ aliæ Scripturarum partes minus diligenter & sobriè considerantibus videntur aduersæ: quia & in Prophetis inueniuntur multæ imprecationes aduersus inimicos quæ maledictiones purantur, sicut est illud: *Fiat inensæ eorum in laqueum*, & cætera quæ ibi dicuntur: Et illud; *Fiant filij eius pupilli, & uxor eius vidua*, & alia quæ vel suprà vel infrà in eodem Psalmo in personam Iudæ per Prophetam dicuntur, Multa alia vsquequaque in Scripturis reperiuntur, quæ videantur esse contraria, & huic præcepto Domini, & illi Apostolico, quo ait: *Benedicite, & nolite maledicere*; cum & de Domino scriptum sit, quod maledixerit ciuitatibus quæ verbum eius non acceperunt; Et memoratus Apostolus, de quodam ita dixerit: *Reddet illi Dominus secundum opera illius.* Sed hæc faciliè soluuntur, quia & Propheta per imprecationem quod esset futurum cecinit, non oprans voto sed spiritu præuidentis; ita & Dominus, ita & Apostolus: quanquam in horum etiam verbis non hoc inuenitur quod optauerint, sed quod prædixerint. Non enim cum ait

Psal. 68. 23.
Psal. 108. 9.

ROM. 12. 14.
MAT. 23. 31.
LUC. 10. 13.
1. TIM. 4. 14

Dominus : *Va tibi Capharnaum*, aliud sonat nisi aliquid ei mali euenturum merito infidelitatis, quod futurum Dominus non malevolentia optabat, sed diuinitate cernebat. Et Apostolus, non ait, reddat, sed *reddet illi Dominus iuxta opera eius*, quod verbum prænuntiantis est, non imprecantis. Sicut & de illa hypocrisis Iudæorum, de qua iā dictum est, cui euersio nē imminere cernebat, dixit: *Percutiet te Deus, paries dealbate.* A&21. 3.
 Prophetæ autem maximè solent figurâ imprecantis futura prædicere, sicut figurâ præteriti temporis ea quæ ventura erant sæpe cecinerunt, sicut est illud: *Quare fremuerunt gentes,* Psal. 2. 1.
& populi meditati sunt inania? Non enim dixit, quare fremunt gentes, & populi meditantur inania; cū ea non quasi iam transacta meminisset, sed ventura prospiceret. Tale etiam illud est: *Diuiserunt sibi vestimenta mea,* & *super vestem meam miserunt sortem,* & hic enim non dixit, diuident sibi vestimenta mea, & super vestem meam mittent sortem. Nec tamen de his verbis quisquam calumniatur, nisi qui non sentit varietatem istam figuratum in loquendo nihil veritatis rerum minueret, & plurimū affere affectibus animorum.

Sed illud magis vtget istam quæstionem, quod dicit Apostolus Ioannes : *Si quis scit peccare fratrem suum peccatum non ad mortem, postulabit, & dabit illi Dominus vitam qui peccat non ad mortē: Est autem peccatum ad mortem, non pro illo dico, ut roget quis* Apertè enim ostendit esse quosdā fratres pro quibus orare non nobis præcipitur, cū Deus etiam pro persecutoribus nostris orare nos iubeat. Nec illa quæstio solui potest, nisi fateamur esse aliqua peccata in fratribus, quæ inimicorum persecutione grauiora sint. Fratres autem Christiani significari, multis diuinarum scripturarum documentis probari potest. Manifestissimum tamen illud est, quod Apostolus ita ponit: *Sanctificatus est enim vir infidelis in vxore fidei, & sanctificata est mulier infidelis in fratre.* Non enim addidit, nostro, sed manifestum existimauit, cū fratris nomine Christianum intelligi voluit qui infidelem haberet vxorem. Et idē paulo post dicit, *Quod si infidelis discedit, discedat: Non enim seruatus subiectus est frater vel soror in huiusmodi.* Peccatum ergo fratris ad mortem puto esse, cū post agnitionem Dei per gratiam Domini nostri *Iesu Christi* quisque oppugnat fratritatē, & aduersus ipsam gratiam, qua reconciliatus est Deo,

Cap. xxvii.
 1 Ioan. 5. 16.

1. Cor. 7. 14.

Videlib. 2.
 Ritr. 6. 19.

inuidentiæ facibus agitur. Peccatum autem non ad mortem est, si quisquam non amorem per odiû à fratre alienauerit, sed officia fraternitati debita per aliquam infirmitatem animi non exhibuerit. Quapropter & Dominus in cruce ait: *Pater ignosce illis, quia nesciunt quid faciunt*; Nondum enim gratiæ Spiritus sancti participes facti, societatem sanctæ fraternitatis inierant. Et beatus Stephanus in Actibus Apostolorum orat pro eis à quibus lapidatur, quia nondum Christo crediderant, neque aduersus illam communem gratiam diuicabant. Et Apostolus Paulus, propterea credo non orat pro Alexandro, quia iam frater erat, & ad mortem, id est, inuidiæ facibus fraternitatem oppugnando, peccauerat. Pro his autem qui non abruperant amorem ad mortem, sed timori succubuerant, orat, ut eis ignoscatur. Sic enim dicit: *Alexander variis multa mihi mala ostendit, reddet illi Dominus secundum opera eius, quem & tu denita, valde enim restitit nostris sermonibus. Deinde subiungit, pro quibus orat, ita dicens: In prima mea defensione nemo mihi affuit, sed omnes me dereliquerunt, non illis imputetur.*

Ista differentia peccatorum Iudam tradentem à Petro negante distinguit: non quia pœnitenti non sit ignoscendum, ne contra illam sententiam Domini veniamus, quæ præcepit semper ignoscendum esse fratri petenti ut sibi frater ignoscat: sed quia illius peccati tanta laes est, ut deprecandi humilitatem subire non possit, etiam si peccatum suum malâ conscientia & agnoscere & enuntiare cogatur. Cùm enim dixisset Iudas: *Peccavi, quod tradiderim sanguinem iustum*, faciliùs ramen desperatione cucurrit ad laqueum, quàm humilitate veniam deprecatus est. Quapropter multum interest quali pœnitentiæ ignoscat Deus. Multi enim multò citiùs se fatentur peccasse, atque ita sibi succensent ut vehementer se peccasse nollent: sed tamen animam ad humiliandum & obtinendum cor implorandamque veniam non depouunt: quam mentis affectu propter peccati magnitudinem iam de damnatione illos habere credendum est. Et hoc est fortasse peccare in Spiritum sanctum, id est, per malitiam & inuidiam, fraternam oppugnare charitatem post acceptam gratiam Spiritus sancti, quod peccatum Dominus neque hic neque in futuro seculo dimitti dicit.

Vnde

Vnde quæri potest, vtrum in Spiritum sanctum Iudæi peccauerint, quando dixerunt, quod in beelzebub principe demoniorum dæmonia Dominus expelleret; vtrum hoc in ipsum Dominum dictum accipiamus, quia de se dicit alio loco: *Si enim patrem familias beelzebub vocauerunt, quanto magis domesticos eius?* An quoniam de magna inuidia dixerunt, ingrati tam præsentibus beneficiis, quamuis nondum Christiani fuerint, tamen propter ipsam euidentiæ magnitudinem in Spiritum sanctum peccasse credendi sunt? Non enim hoc colligitur de verbis Domini. Quamuis enim in eodem loco dixerit: *Quicumque enim dixerit verbum nequam in Filium hominis remittetur ei, qui autem dixerit aduersus verbū Spiritum sanctum, non remittetur ei, neque in hoc seculo, neque in futuro;* tamen videri potest ad hoc eos monuisse, vt accedant ad gratiam, & post acceptam gratiam non ita peccent, vt tunc peccauerunt. Nunc enim in Filium hominis dixerunt verbum nequam, & potest eis dimitti si conuersi fuerint, & ei crediderint, & Spiritum sanctum acceperint: quo accepto si fraternitati inuidere, & gratiam quam acceperunt oppugnare voluerint, non eis dimitti, neque in hoc seculo neque in futuro. Nam si eos sic haberet condemnatos, vt nullam spem illis reliquisset, non adhuc monendos iudicaret, cum addidit, dicens: *Aut facite arborem bonam & fructum eius bonum, aut facite arborem malam & fructum eius malum.*

Sic itaque accipiatur diligendos inimicos esse, & benefaciendum his qui nos oderunt, & orandum pro his qui nos persequuntur, vt pro quibusdam etiam fratrum peccatis intelligatur non præceptum esse, vt oremus: ne per imperitiam nostram diuina scriptura, quod fieri non potest, à se dissentire videatur. Sed vtrum sicut pro quibusdam non est orandum, ita etiam contra aliquos orandum sit, nondum satis apparet. Generaliter enim dictum est: *Benedicite & nolite maledicere,* Et illud: *Nemini malum pro malo reddentes.* Pro quo autem non oras, non etiam contra illum oras: potes enim videre certam eius pœnam, & penitus desperatam salutem: & non quia odisti eum, idè pro illo non oras; sed quia sentis nihil te posse proficere, & orationem tuam non vis repelli à iustissimo iudice.

Sed quid agimus de his, contra quos oratum à Sanctis ac-

Apoc. 6. 1.
Act. 7. 60.

cipimus: non vt corrigantur, nam hoc modo potiùs pro ipsis oratum est, sed ad illam vltimam damnationem: non sicut contra Domini traditorem per Prophetam, nam illa, vt dictum est, prædictio futurorum, non optatio supplicij fuit: Nec sicut Apollolo contra Alexandium: nam & inde satis dictum est, sed sicut in Apocalypsi Ioannis legimus Martyres orare vt vindicentur, cum ille primus Martyr vt lapidatoribus suis ignosceretur, orauerit. Sed hinc non oportet moueri. Quis enim audeat affirmare, cum illi sancti candidati se vindicari petierint, vtrum contra ipsos homines, an contra regnum peccati petierint? Nam ipsa est sincera & plena iustitiæ & misericordiæ vindicta Martyrum, vt euertatur regnum peccati: non enim contra ipsos homines, sed cōtra regnū peccati petierūt, quo regnante tanta perpassi sunt. Ad cuius euersionē nititur Apostolus, dicens: *Non ergo regnet peccatum in vestro mortali corpore.* Destruitur autem & euertitur peccati regnum, partim correctione hominum, vt caro spiritui subiiciatur: partim damnatione perseuerantium in peccato, vt ira iustitia ordinentur, vt iustis cum Christo regnantibus molesti esse non possint. Intuere Apostolum Paulum, nonne tibi videretur in seipso Stephanum Martyrem vindicare, cum dicit: *Non sic pugno tanquam aerem cedens, sed castigo corpus meum & seruituti subiicio?* Nam hoc in se vtique prosternebar & debilitabat & victum ordinabat, vnde Stephanum cæterosque Christianos fuerat persecutus. Quis ergo conuicit, Martyres sanctos non ralem suam vindictam à Domino esse deprecatos, cum etiam finem huius seculi, in quo tanta exitia pertulerunt, ad suam vindictam potuerunt libenter optare? Quod qui orant, & pro inimicis suis orant qui sanabiles sunt, & contra illos non orant qui insanabiles esse voluerunt: quia Deus quoque puniendo illos non est maleuolus tortor, sed iustissimus ordinator. Sine vlla ergo dubitatione diligamus inimicos nostros, benefaciamus his qui oderunt nos, & oremus pro eis qui nos persequuntur.

CAP. XXIII.
Mat. 5. 41.
Iuan. 1. 12.

QVOD autem consequenter posuimus: *Vt sitis filij Patris vestri qui in calis est*, ex illa regula intelligendum est, qua & Ioannes dicit: *Dei filij potestatem filios Dei fieri.* Vnus enim naturaliter filius est, qui nescit omnino peccare. Nos autem potestate accepta efficiamur filij, inquantum ea quæ ab illo

præcipiuntur implemus. Vnde & Apostolica disciplina adoptionem appellat, qua in æternam hereditatem vocamur, vt coheredes Christi esse possimus. Filij ergo efficitur regeneratione spiritali, & adoptamur in regnum Dei, non tanquam alieni, sed tanquam ab illo facti & creati, hoc est conditi: vt vnum beneficium sit, quo nos fecit esse per omnipotentiam suam, cùm ante nihil essemus: alterum quo adoptauit, vt cum eo tanquam filij vita æterna, pro nostra participatione, frueremur. Itaque non ait, facite ista quia estis filij, sed, facite ista vt sitis filij. Cùm autem ad hoc nos vocat per ipsum Vnigenitum, ad similitudinem suam nos vocat. Ille enim, sicut consequenter dicit, *Solem suum oriri facis super bonos & malos, & pluit super iustos & iniustos.* Siue solem suum non istum carnis oculis visibilem accipias, sed illam sapientiam, de qua dicitur, *Candor est enim lucus æternæ*: De qua item dicitur: *Ortus est mihi iustitiæ sol*: Et iterum; *Vobis autem qui timetis nomen Domini, oriatur sol iustitiæ*: vt etiam pluuiam accipiat irrigationem doctrinæ veritatis, quia & bonis & malis apparuit, & bonis & malis euangelizatus est Christus. Siue istum solem mauis accipere non solùm hominum, sed etiam pecorum corporeis oculis prolatum, & istam pluuiam qua fructus gignuntur, qui ad refectiorem corporis dati sunt. Quod probabilius intelligi existimo, vt ille sol spiritalis non oriatur, nisi bonis & sanctis: quia & hoc ipsum est quod plangunt ini- qui in illo libro qui sapientia Salomonis inscribitur: *Et sol non est ortus nobis*: Et illa pluuiæ spiritalis non irrigat nisi bonos, quia malos significabat vinea, de qua dictum est: *Manda- bo nubibus meis ne pluant super eam.* Sed siue illud, siue hoc intelligas, magna Dei bonitate fit, quæ nobis imitanda præcipitur, si filij Dei esse volumus. Quantum enim huic vitæ solatium afferat lux ista visibilis, & pluuiæ corporalis, quis tam ingratus est vt non sentiat? Quod solatium videmus & iustis in hac vita & peccatoribus communiter exhiberi.

Non autem ait, qui facit solem oriri super bonos & malos, sed addidit suum: id est, quem ipse fecit atque constituit, & à nullo aliquid sumpsit vt faceret: Sicut in Genesi de omnibus luminaribus scribitur: qui propriè potest dicere sua esse omnia quæ de nihilo creauit: vt hinc admoneremur, quanta liberalitate inimicis nostris ex præcepto eius præstare debeat.

V u ij

Rom. 8. 17.
Galat. 4. 5.

Matt. 5. 45.

Sap. 7. 16.
Matth. 4. 2.


Sap. 5. 6.

Isa. 5. 6.

Gen. 1. 5.

Of ex 6. 7.
Mat 5. 7.

mus, quæ nos nō creauimus sed de muneribus eius accepimus. Quis autem potest vel paratus esse ab infirmis iniurias sustinere, quantum eorum saluti prodest : & malle se ampliùs iniquitatis alienæ perpeti, quàm id quod perpeffus est reddere. Omni petenti à se aliquid, vel id quod petit, si habetur, & si recte dari potest, vel consilium bonum vel beneuolum dare animum, nec se auertere ab eo qui mutuari cupit : diligere inimicos, benefacere his qui se oderunt, orare pro eis qui se persequuntur. Quis ergo hæc facit, nisi plenè perfectèque misericors? Quo vno consilio miseria deuittatur, opitulante illo, qui ait: *Misericordiam volo magis quàm sacrificium. Beati ergo misericordes, quia ipsorum miserebitur Deus.* Sed iam commodè fieri puto, vt hic lector tam longo volumine fatigatus respiret aliquantulum, & ad cætera reficiatur in alio libro consideranda.



LIBER SECVNDVS.

Cap. 1.

MISERICORDIAM vsque ad cuius tractationem liber primus terminum accepit, sequitur cordis mundatio, vnde iste sumit exordium. Cordis autem mundatio est tanquam oculus quo videtur Deus, cuius simplicis habendi tantam curam esse oportet, quantam eius rei dignitas flagitat, quæ tali oculo conspici potest. Huic autem oculo magna ex parte mundato difficile est non surrepere sordes aliquas de his rebus, quæ ipsas nostras bonas actiones comitari solent, veluti laus est humana. Siquidem non rectè viuere, perniciosum est: rectè autem viuere, & nolle laudari, quid est aliud quàm inimicum esse rebus humanis, quæ vtrique tantò sunt inferiores, quantò minus placet recta vita hominum. Si ergo inter quos viuis, te rectè viuentem non laudauerint, illi in errore sunt: si autem laudauerint, tu in periculo. Nisi tam simplex cor habueris & mundum, vt ea quæ rectè facis non propter laudes hominum facias; magisque illis rectè laudantibus gratuleris, quibus id quod bonum est placet, quàm ti-

bi : nisi quia rectè viuís, etiam si nemo laudaret, ipsamque laudem tuam tunc intelligas vtilem esse laudantibus, si non te ipsum in tua bona vita, sed Deum honorent, cuius sanctissimum templum est quilibet qui bene vt impleatur quod ait David : *In Domino laudabitur anima mea, audiant mansueti & letentur.* Pertinet ergo ad oculum mundum non intueri in rectè faciendo laudes hominum, & ad eas referre quod rectè facis, id est, propterea rectè facere aliquid, vt hominibus placeas. Sic enim etiam simulare bonum libebit, si non attenditur nisi vt homo laudet : qui quoniam videre cor non potest, potest etiam falsa laudare. Quod qui faciunt, id est, qui bonitatem simulant, duplici corde sunt. Non ergo habet simplex cor, id est mundum cor, nisi qui transcendit humanas laudes, & illum solum intuetur, cum rectè viuít, & ei placere nititur, qui conscientie solus inspector est. De cuius conscientie puritate quicquid procedit, tantò est laudabilius, quantò humanas laudes non desiderat.

Cauete ergo, inquit, facere iustitiam vestram coram hominibus, Matt. 6. 1. *vt videamini ab eis :* id est, cauete hoc animo iuste viuere, & ibi constituere bonum vestrum, vt vos videant homines : *Alioquin mercedem non habebitis,* & reliqua. Non si ab hominibus videamini, sed si propterea iuste viuatis, vt ab hominibus videamini. Nam vbi erit, quod in principio sermonis huius dictum est : *Vos estis lux mundi, non potest ciuitas abscondi supra montem posita,* & reliqua vsque ad id quod ait : *Vt videant opera vestra bona.* Sed non ibi constituit finem : Addidit enim, *Et glorificent Patrem vestrum qui in calis est.* Hic autem, quia hoc reprehendit, si ibi sit finis rectè factorum, id est, si propterea rectè faciamus, vt tantum videamur ab hominibus, posteaquam dixit : *Cauete facere iustitiam vestram coram hominibus vt videamini ab eis,* nihil addidit. In quo apparet, non hoc eum prohibuisse vt rectè fiat coram hominibus, sed ne id eò fortè rectè fiat coram hominibus, vt videamur ab eis, id est, vt hoc intueamur, & ibi finem nostri propositi collocemus. Nam & Apostolus dicit : *Si adhuc hominibus placerem, Christi seruus non essem :* Cum alio loco dicat, *Placere omnibus per omnia, sicut & ego omnibus per omnia placeo.* Quod qui non intelligunt, contrarium putant, cum ille se dixerit non placere ho-

Matt. 5. 14.

Gal. 1. 10.

1. Co. 10. 41.

minibus, quia non idè rectè faciebat vt pla et hominibus
 vt Deo, ad cuius amorem corda hominum volebat conuer-
 tere, eo ipso quo placebat hominibus. Itaque & non se pla-
 cere hominibus rectè dicebat, quia in eo ipso vt Deo place-
 ret intuebatur: & placendum esse hominibus rectè præciple-
 bat, non vt hoc appeteretur tanquam merces rectè facto-
 rum, sed quia Deo placere non posset qui non se his quos sal-
 uos fieri velit præbuerit imitandum: imitari autem illum qui
 sibi non placuerit, nullo pacto quisquam potest. Sicut ergo
 non absurdè loqueretur, qui diceret, in hac opera qua na-
 uem quæro, non nauem quæro, sed patriam: sic Apostolus
 Gal. 1. 10. conuenienter diceret, in hac opera, qua hominibus placeo,
 non hominibus sed Deo placeo: quia non hoc appeto, sed ad
 id refero, vt me imitentur quos saluos fieri volo. Sicut di-
 cit de oblatione quæ fit in Sanctos. Non quia quæro datum,
 sed requiro fructum, id est, quod quæro datum vestrum, non
 hoc quæro, sed fructum vestrum. Hoc enim indicio appare-
 re poterat, quantum profecissent in Deum: cum id libenter
 offerrent, quod non propter gaudium de muneribus, sed pro-
 pter communionem charitatis ab eis quærebatur. Quan-
 quam & cum addidit, & dicit. Alioquin mercedem non ha-
 bebitis apud Patrem vestrum qui in cælis est, nihil aliud de-
 monstrat, nisi id nos cauere oportere, ne humanam laudem
 pro nostrorum operum mercede quæramus, id est eam nos bea-
 tos effici arbitremur.

Cap. 11.

CVM ergo facis eleemosynam, noli tuba canere, & reliqua.
 Noli, inquit, velle innotescere, vt hypocrita. Manifestum est
 enim, hypocritas non quod oculis prætendunt hominum, id
 etiam corde gestare. Sunt autem hypocritæ simulatores, tan-
 quam pronuntiatores personarum alienarum, sicut in theatri-
 cis fabulis. Non enim qui agit partes Agamemnonis in tra-
 gædia, verbi gratia, siue alicuius alterius, ad historiam vel fa-
 bulam quæ agitur pertinentis, verè ipse est, sed simulat eum,
 & hypocrita dicitur. Sic in Ecclesia, vel in omni vita huma-
 na, qui quis se vult videri quod non est, hypocrita est. Si-
 mulat enim iustum & non exhibet, quia totum fructum in
 laude hominum ponit: quam possunt etiam simulantes per-
 cipere, dum fallunt eos quibus videntur boni qui ab eis lau-

dantur. Sed tales ab inspectore cordis Deo mercedem non capiunt, nisi fallaciæ supplicium. *Ab hominibus autem, inquit, perceperunt mercedem suam.* Rectissimèque de his dicitur: *Rececasti à me operari dolosi*, nomen meum habuistis, sed opera mea non fecistis. Illi ergo perceperunt mercedem suam, qui non ob aliud eleemosynam faciunt, nisi vt glorificentur ab hominibus: non si glorificentur ab hominibus, sed si idè faciunt, vt glorificentur, sicut superius tractatum est. Laus enim humana non appeti à rectè faciente, sed sequi debet rectè facientem: vt illi proficiant qui etiam imitari possunt quod laudant, non vt hic putet aliquid eos sibi prodesse quem laudant.

Te autem faciente eleemosynam, nesciat sinistra tua quid faciat dextera tua, & reliqua. Si intellexeris sinistram infideles dici, videbitur nulla esse culpa placere fidelibus velle, cum prorsus nihilominus in quorumlibet hominum laude fructum & finem boni operis constituere prohibeamur. Quod autem ad id pertinet vt te imitentur, quibus rectè facta tua placuerint, non tantum fidelibus, sed etiam infidelibus exhibendum est, vt laudandis bonis operibus nostris Deum honorent & veniant ad salutem. Si autem sinistram inimicum putaueris, vt nesciat inimicus tuus cum eleemosynam facis, cur ipse Dominus inimicis Iudæis circumstantibus misericorditer sanauit homines? Cur Apostolus Petrus sanato eo quem ad portam speciosam debilem miseratus est, etiam iras inimicorum in se atque in alios Christi discipulos pertulit? Deinde si non oportet scire inimicum cum eleemosynam facimus, quomodo cum ipso inimico faciemus, vt illud impleamus præceptum: *Si esurieris inimicus tuus, ciba illum, si sitierit, potum da illi?*

Tertia solet esse carnalium opinio, tam absurda & ridenda, vt non eam commemorarem, nisi expertus essem non paucos eo errore detineri, qui dicunt sinistræ nomine vxorem significari. Vt quoniam in re familiari tenaciores pecuniarum solent esse scemina, lateat eas cum aliquid misericorditer viri earum egenis impendunt propter domesticas lites. Quasi verò soli viri Christiani sint, & non hoc præceptum etiam sceminis datum sit. Cui ergo sinistræ iubetur scemina occultate

Matt. 7.2.

Mat. 6.3.

PROV. 19.27.
ROM. 12.10.

opus misericordiæ suæ ? An etiam vir sinistra erit feminae, quod absurdissimè dicitur ? Aut si quispiam putat inuicem sibi sinistras esse, si ab altero ita erogetur aliquid de re familiaris, ut sit contra alterius voluntatem, non erit Christianum tale coniugium. Sed necesse est, ut quisquis eorum eleemosynam facere voluerit ex præcepto Dei, quemcunque aduersum habuerit inimicus sit præcepto Dei, & idè inter fideles deputetur. Præceptum est autem de talibus, ut bona sua conuersione ac moribus lucrifaciat uxorem maritus fidelis, vel maritum mulier fidelis. Quapropter non sibi debent occultare bona opera sua, quibus inuicendi sunt ab inuicem, ut alter alterum possit ad Christianæ fidei communionem inuitare. Nec furta facienda sunt, ut promereatur Deus. Quòd si occultandum est aliquid, quamdiu alterius infirmitas æquo animo id non potest sustinere, quod tamen iniuste, atque illicitè fit, non tamen ipsam nunc sinistram significari totius capituli consideratione facile apparet, in qua simul inuenietur quam sinistram vocet.

Cauete, inquit, facere iustitiam vestram coram hominibus : Et reliqua. Generaliter hic iustitiam nominauit, deinde particulariter exequitur. Est enim pars aliqua iustitiæ, opus quod per eleemosynam fit, & idè connectit dicendo: *Cùm ergo facis eleemosynam, noli tuba canere:* Et reliqua. Ad hoc respicit, quod superius ait: *Cauete facere iustitiam vestram coram hominibus :* Et reliqua. Quod autem sequitur: *Amen dico vobis, perceperunt mercedem suam,* ad illud respicit quod supra posuit: *Alioquin mercedem non habebitis apud Patrem vestrum qui in calis est.* Deinde sequitur: *Te autem faciente eleemosynam.* Cùm autem dicit, *Te autem faciente,* quid aliud dicit, quàm non quomodò illi? Quid ergo mihi iubet: *Te autem faciente,* inquit, *eleemosynam, nesciat sinistra tua quid faciat dextera tua.* Ergo illi sic faciunt, ut sciat sinistra eorum quid faciat dextera eorum. Quod ergo in illis culparum est, hoc tu facere vetaris. In illis autem hoc culparum est, quòd ita faciunt ut laudes hominum quærant. Quapropter nihil consequentius sinistra videtur significare, quàm ipsam delectationem laudis. Dextera autem signat intentionem implendi præcepta diuina. Cùm itaque conscientia facientis eleemosynam miscet se appetitio laudis humanæ

humanae, sit sinistra conscia operis dexterae : nesciat ergo sinistra tua, quid faciat dextera tua : id est, non se misceat conscientia tuae laudis humanae appetitio, cum in eleemosyna facienda diuinum praeceptum contendis implere, *ut sis eleemosyna tua in abscondito.*

Quid est in abscondito, nisi in ipsa bona conscientia, quae humanis oculis demonstrari non potest, nec verbis aperiri? Quandoquidem multi multa mentiuntur. Quapropter si dextera intrinsecus agit in abscondito, ad sinistram pertinent omnia exteriora, quae sunt viubilia & temporalia. Sit ergo eleemosyna tua in ipsa conscientia, ubi multi eleemosynam faciunt bona voluntate, etiam si pecuniam, vel si quid aliud est quod inopi largiendum est non habent. Multi autem forsori faciunt, & intus non faciunt, qui vel ambitione, vel alicuius rei temporalis gratia volunt misericordes videri, in quibus sola sinistra operari existimanda est. Item alij quasi medium inter utrosque locum tenent, ut & intentione quae in Deo est eleemosynam faciant, & tamen inserat se huic optimae voluntati, nonnulla etiam laudis vel cuiuscunque rei fragilis & temporalis cupiditas. Sed Dominus noster multo vehementius prohibet solam sinistram in nobis operari, quando etiam misceri eam vetat operibus dexterae : ut scilicet non modò sola temporalium rerum cupiditate caueamus eleemosynam facere, sed nec ita in hoc opere attendamus Deum ut sese misceat vel adiungat exteriorum appetitio commodorum. Agitur enim de corde mundando, quod nisi fuerit simplex, mundum non erit. Simplex autem quomodò erit, si duobus dominis seruit, nec vna intentione rerum aeternarum purificat aciem suam, sed eam mortalium quoque fragiliumque rerum amore obnubilat. *Sit ergo eleemosyna tua in abscondito :* Et reliqua. Rectissime omnino & verissime. Si enim prae-mium ab eo expectas qui conscientiae solus inspector est, sufficiat tibi ad promerendum prae-mium ipsa conscientia. Multa latina exemplaria sic habent : *Et pater tuus qui videt in abscondito, reddet tibi palam.* Sed quia in Graecis quae priora sunt non inuenimus, palam, non putauimus hinc aliquid disserendum esse.

Et cum oratis, inquit, nolite fieri sicut hypocritae tristes, qui

Cap. 111.

Matth. 6. 5.

amant in synagogis, & reliqua. Neque hic videri ab hominibus nefas est, sed idèd hoc agere vt videaris ab hominibus: & superfluo totiens eadem dicuntur, cum sit iam vna regula custodienda: qua cognitum est, non si hæc sciant homines, formidandum esse aut fugiendum, sed si hoc animo fiant, vt fructus in eis expetatur placendi hominibus. Seruat etiam ipse Dominus eadem verba, cum adiungit similiter: *Amen dico vobis perceperunt mercedem suam*. Hinc ostendens id se prohibere, vt ea merces appetatur qua stulti gaudent vt laudentur ab hominibus.

Psalm. 4.

Vos autem cum oratis, inquit, *introite in cubicula vestra*. Quæ sunt ista cubicula, nisi ipsa corda, quæ in Psalmo etiam significantur, cum dicitur: *Qua dicitis in cordibus vestris, & in cubilibus vestris compungimini*. Et claudentes ostia, orate, ait: *Patrem vestrum in abscondito*. Parum est intrare cubicula si ostium pateat importunis, per quod ostium ea quæ foris sunt improbè se immergunt & interiora nostra appetunt. Foris autem diximus esse omnia temporalia & vitibilia, quæ per ostium, id est, per carnalem sensum in cogitationes nostras penetrant, & turba vanorum phantasmatum orantibus obstrepunt. Claudendum est ergo ostium, id est, carnali sensui resistendum est, vt oratio spiritualis dirigatur ad Patrem, quæ sit in intimis cordis, vbi oratur Pater noster in abscondito. *Et pater, inquit, vester qui videt in abscondito, reddet vobis*. Et hoc tali clausula terminandum fuit: non enim hoc monet nunc vt oremus, sed quomodo oremus; neque vt superius, vt faciamus eleemosynam, sed quo animo faciamus, quoniam de corde mundando præcepit, quod non mundat nisi vna & simplex intentio in æternam vitam solo & puro amore sapientiæ.

Orantes autem, ait, *nolite multum loqui sicut Ethnici faciunt*. Arbitrantur enim quod in multiloquio suo exaudiantur. Sicut hypocritarum est, præbere se spectandos in oratione, quorum fructus est placere hominibus, ita Ethnicorum, id est, Gentilium in multiloquio suo se putare exaudiri. Et reuera omne multiloquium à Gentilibus venit, qui exercendæ linguæ potius quam mundando animo dant operam. Vt hoc nugatori studij, genus etiam ad precem fundendam transferre conuenit, arbitantes Deum sicut hominem iudicem verbis ad suum

sententiam. *Nolite itaque similes illis esse*, dicit vnus & vnus Magister : *Scit enim Pater vester quid vobis necessarium sit antequam petitis ab eo*. Si enim verba multa ad id proferuntur, vt instruatur & doceatur ignarus, quid eis opus ad rerum omnium cognitorem : cui omnia quæ sunt eo ipso quo sunt loquuntur seseque indicant facta, & ea quæ futura sunt eiusdem artem sapientiámque non latent, in qua sunt & quæ transierunt & quæ transitura sunt omnia, præsentia & non transientia?

Sed quoniam quamuis pauca tamen verba & ipse dicturus est, quibus nos doceat orare, quæri potest cur vel his verbis paucis opus sit ad eum qui scit omnia antequam fiant, & nouit vt dictum est, quid nobis sit necesse antequam petamus ab eo: Primò hic respondetur nõ verbis nos agere debere apud Deum vt impetremus quod volumus, sed rebus quas animo gerimus & intentione cogitationis cum dilectione pura & simplici affectu. Sed res ipsas verbis nos docuisse Dominum nostrum, quibus memoriæ mandatis eas ad tempus orandi recordaremur. Sed rursus quæri potest, siue rebus, siue verbis orandū sit, quid opus sit ipsa oratione, si Deus iam nouit quid nobis necessarium sit : nisi quia ipsa orationis intentio cor nostrum serenat & purgat, capaciùsque efficit ad excipienda diuina munera, quæ spiritaliter nobis infunduntur. Non enim ambitione precum nos exaudit Deus, qui semper paratus est dare suam lucem nobis, non visibilem sed intelligibilem & spiritalem, sed nos non semper parati sumus accipere, cum inclinamur in alia, & rerum temporalium cupiditate tenebramur. Fit ergo in oratione conuersio cordis ad eum qui semper dare paratus est, si nos capiamus quod dederit : & in ipsa conuersione purgatio interioris oculi, cum excluduntur ea quæ temporaliter cupiebantur, vt acies cordis simplicis, ferre possit simplicem lucem, diuinitus sine villo occasu aut immutatione fulgentem : nec solum ferre, sed etiam manere in illa, non tantum sine molestia, sed etiam cum ineffabili gaudio, quo verè ac sinceriter beata vita perficitur.

SED iam considerandum est, quæ nos orare ille præcepit, per quem & discimus quid oremus, & consequimur quod oramus. *Sic itaque orate vos*, inquit, *Pater noster qui es in celis*: Et reliqua. Cum in omni deprecatione beneuolentia concipi-

Cap. xv.
Matt. 6. 9.
Oratio
Dominica
explicatio.

lianda sit eius quem deprecamur ; deinde dicendum quid deprecemur, laude illius ad quem oratio dirigitur solet benevolentia conciliari, & hoc in orationis principio poni solet. In quo Dominus noster nihil aliud nos dicere iussit, nisi, *Pater noster qui es in calis*. Multa dicta sunt in laudem Dei quæ per omnes sanctas scripturas variè latèque diffusa potent quisque considerare cùm legit : nusquam tamen inuenitur præceptum populo Israël, vt diceret, *Pater noster*, aut oraret Patrem Deum; sed Dominus eis insinuat, ut, tanquam seruientibus, id est secundum carnem adhuc viuientibus. Hoc autem dico, cùm mandata legis acciperent quæ obseruare iubebantur. Nam Prophetæ sæpe ostendunt eundem Dominum Deum etiam patrem eorundem esse potuisse, si ab eius mandatis non aberrarent. Sicut est illud : *Filios genui & exaltaui, ipsi autem spreuerunt me*. Et illud, *Ego dixi dy estis, & filij Excelsi omnes*. Et illud : *Si dominus sum, ubi est timor meus; & si pater sum, ubi est honor meus?* Et alia per multa, ubi arguuntur Iudæi, quia filij esse peccando noluerunt, exceptis eis quæ in prophetia dicuntur de futuro populo Christiano, quia patrem Deum ellet habiturus, secundum illud Euangelium : *Dedit eis potestatem filios Dei fieri*. Apostolus autem Paulus dicit : *Quandiu haeres parvulus est, nihil differt à seruo; & spiritum adoptionis nos accepisse commemorat, in quo clamamus: Abba pater*.

Isa. l. 1.
Psal. 81. 6.
Malac. 1. 6.

Ioan. 1. 12.
Gal. 4. 1.

Rom. 8. 15.

Et quoniam quòd vocamur ad æternam hereditatem, vt simus Christi coheredes & in adoptionem filiorum veniamus, non est meritorum nostrorum, sed gratiæ Dei: eandem ipsam gratiam in orationis principio ponimus, cùm dicimus, *Pater noster*. Quo nomine & charitas excitatur. Quid enim charius filiis debet esse quàm pater? Et supplex affectus, cùm homines dicunt Deo, *Pater noster*: & quædam impetrandi præsumptio quæ petitori sumus, cùm priusquam aliquid peteremus tam magnum donum accipimus, vt sinamur dicere : *Pater noster*, Deo. Quid enim iam non det filiis petentibus, cùm hoc ipsum ante dederit, vt filij essent? Postremò quanta cura animum tangit, vt qui dicit: *Pater noster*, tanto patre non sit indignus. Si enim quisquam plebeius senatorem grandioris ætatis ab eo ipso patrem vocare permittatur, sine dubio trepidabit nec facile audebit, cogitans humilitatem generis sui

& opum indigentiam & plebeix personæ vilitatem. Quantò ergo magis trepidandum est appellare patrem Deum, si tantæ sunt labe, tantæque sordes in moribus, vt multò iustius eas à sua coniunctione Deus expellat, quàm ille senator cuiusvis mendici egestatem. Quandoquidem ille hoc contemnir in mendico, quò & ipse potest humanarum rerum fragilitate deuenire. Deus autem in sordidos mores nunquam cadit: & gratias misericordix ipsius, qui hoc à nobis exigit, vt pater noster sit, quod nullo sumptu, sed sola bona voluntate comparari potest. Admonentur etiam hic diuites, vel genere nobiles secundum seculum, cum Christiani facti fuerint, non super bire aduersus pauperes & ignobiles, quoniam simul dicunt Deo, *Pater noster*, quod non possunt verè ac piè dicere, nisi se fratres esse cognoscant.

VTATVR ergo voce noui Testamēti populus nouus, ad eternā hereditatē vocatus, & dicat: *Pater noster qui es in calis*, id est, in sanctis & iustis: Non enim spatio locorum continetur Deus. Sunt enim cæli excelsa mundi corpora, sed tamen corpora quæ non possunt esse nisi in loco. Sed si in cælistanquam in superioribus mundi partibus locus Dei esse creditur, melioris meriti sunt aues, quarum vita est Deo vicinior. Non enim scriptum est, prope est Dominus excelsis hominibus, aut eis qui in montibus habitant, sed scriptum est: *Prope est Dominus obstritis corde*, quod magis pertinet ad humilitatem. Sed quemadmodum terra appellatus est peccator; cùm ei dictum est: *Terra es & in terram ibis*, sic cælum iustus econtrariò dici potest. Iustis enim dicitur: *Templum enim Dei sanctum est, quod estis vos*. Quapropter si in templo suo habitat Deus, & sancti templum eius sunt, rectè dicitur, *qui incalises*, qui es in sanctis. Cap. v.
Psal. 133. 19.
Gen. 3. 29.
1. Cor. 3. 17.

Et accommodatissima ista similitudo est, vt spiritaliter tantum interesse videatur inter iustos & peccatores, quantum corporaliter inter cælum & terram. Cuius rei significandæ gratia, cùm ad orationem stamus, ad orientem conuertimur, vnde cælum surgit: non tanquam ibi sit Deus & quasi cæteras mundi partes deseruerit, qui vbique præsens est, non locorum spatiis, sed maiestate potentix; sed vt admoneatur animus ad naturam excellentiorem se conuertere, id est ad Dominum, cùm ipsum corpus eius quod est terrenum ad

corpus excellentius , id est ad corpus cæleste conuertitur. Conuenit etiam gradibus religionis & plurimum expedit , vt omnium sensibus & paruulorum & magnorum bene sentiantur de Deo : Et ideo qui visibilibus adhuc pulchritudinibus dediti sunt , nec possunt aliquid incorporeum cogitare , quoniam necesse est vt cælum præferant terræ , tolerabilior est opinio eorum si Deum quem adhuc corporaliter cogitant , in cælo potius credant esse quàm in terra. Vt cum aliquando cognouerint dignitatem animæ cæleste etiam corpus excedere , magis eum quærant in anima quàm in corpore etiam cælesti. Et cum cognouerint quantum distat inter peccatorum animas & iustorum , sicut non audebant cum adhuc carnaliter saperent eum in terra collocare , sed in cælo : sic postea meliori fide vel intelligentia magis eum in animis iustorum quam in peccatorum requirant. Recte ergo intelligitur , quod dictum est , *Pater noster qui es in cælis* , in cordibus iustorum esse dictum , tanquam in templo sancto suo. Simul etiam vt qui orat , in se quoque ipso velit habitare quem inuocat , & cum hoc affectu teneat iustitiam , quo munere inuitatur ad inhabitandum animum Deus.

Iam videamus quæ sint petenda : Dictum est enim qui sit qui petitur , & vbi habitat. Primum autem omnium quæ petuntur hoc est , *Sanctificetur nomen tuum*. Quod non sic petitur , quasi non sit sanctum nomen Dei , sed vt sanctum habeatur ab hominibus : id est , ita illis innotescat Deus , vt non existiment aliquid sanctius quod magis offendere timeant. Neque enim quia dictum est ; *Notus in India Deus , in Israël magnum nomen eius* : sic intelligendum est quasi alibi minor sit Deus , alibi maior ; sed ibi magnum est nomen eius , vbi profusæ maiestatis magnitudine nominatur. Ita ibi dicitur sanctum nomen eius , vbi cum veneratione & offensionis timore nominatur. Et hoc est quod nunc agitur , dum Euangelium adhuc vsquequaque per diuersas gentes innotescendo , commendat vnius Dei nomen per administrationem Filij eius.

Cap. vii. DEINDE sequitur , *Adueniat regnum tuum*. Sicut ipse Dominus in Euangelio docet , tunc futurum esse iudicij diem , cum Euangelium prædicatum fuerit in omnibus Gentibus , quæ res pertinet ad sanctificationem nominis Dei. Non enim

& hic ita dictum est, *Adueniat regnum tuum*, quasi nunc Deus non regnet. Sed fortè quis dicat, adueniat dictum esse in terrâ: quasi verò non etiam ipse nunc regnet in terra, semperque in ea regnauerit à constitutione mundi. Adueniat ergo accipiendum est, manifestetur hominibus. Quemadmodum enim etiam præsens lux absens est cæcis & eis qui oculos claudunt: ita Dei regnum quamuis nunquam discedat de terris, tamen absens est ignorantibus: Nulli autem licebit ignorare regnum Dei, cum eius vnigenitus, non solum inreligibiliter sed etiam visibiliter in homine dominico de cælo venerit iudicaturus viuos ac mortuos. Post quod iudicium, id est, cum discretio & separatio iustorum ab iniustis facta fuerit, ita inhabitabit iustos Deus vt non opus sit cuiquam doceri per hominem, sed sint omnes, vt scriptum est, docibiles Deo. Deinde beata vita omni ex parte perficiatur in sanctis in æternum, sicuti nunc cælestes Angeli sanctissimi arque beatissimi solo Deo illustrante sapientes & beati sunt, quia & hoc promisit Deus sanctis suis: *In resurrectione erunt, inquit, sicut Angeli in cælis*. Et ideo post illam petitionem, qua dicimus, *Adueniat regnum tuum*, sequitur:

Fiat voluntas tua sicut in cælo & in terra, id est, sicut est in Angelis qui sunt in cælis voluntas tua: vt omnino tibi adherant tæque fruantur, nullo errore obnubilante sapientiam eorum, nulla miseria impediante beatitudinem eorum: ita fiat in sanctis tuis qui in terra sunt & de terra, quod ad corpus attinet, facti sunt, & quamuis ad cælestem habitationem arque immutationem, tamen de terra assumendi sunt. Ad hæc respicit etiam illa Angelorum prædicatio: *Gloria in excelsis Deo, & in terra pax hominibus bonæ voluntatis*, vt cum præcesserit bonæ voluntas nostra, quæ vocantem sequitur, perficiatur in nobis voluntas Dei sicuti est in cælestibus Angelis, vt nulla aduersitas resistat nostræ beatitudini, quod est pax. Item fiat voluntas tua, rectè intelligitur, obediatur præceptis tuis, sicuti in cælo & in terra, id est, sicut ab Angelis, ita ab hominibus. Nam fieri voluntatem Dei cum obtemperatur præceptis eius, ipse Dominus dicit, cum ait: *Mencibus est, vt faciam voluntatem eius qui me misit*. Et sæpe, *Non veni facere voluntatem meam, sed eius qui me misit*. Et cum ait: *Ecce mater mea & ecce fratres mei, & quicumque fecerit voluntatem Dei, his mihi est*

Mat. 14. 14

Vide lib. 1.
Retrac. 19.

Mat. 22. 30.

Luc. 1. 14.

Ioan. 4. 14.
Ibid. 6. 13.
Mat. 12. 49.
& 50.

frater, & mater, & soror. Qui enim faciunt voluntatem Dei, in illis utique fit voluntas Dei: Non quia ipsi faciunt, ut velit Deus, sed quia faciunt quod ille vult, id est secundum voluntatem eius.

Est etiam ille intellectus: *Fiat voluntas tua sicut in celo & in terra*, sicut in sanctis & iustis, ita etiam in peccatoribus. Quod adhuc duobus modis accipi potest. Siue, ut oremus etiam pro inimicis nostris: Quid enim sunt aliud habendi contra quorum voluntatem Christianum & Catholicum nomen augetur? Ut ita dictum sit, *Fiat voluntas tua sicut in celo & in terra*, tanquam si diceretur, faciant voluntatem tuam sicut iusti, ita etiam & peccatores, ut ad te conuertantur. Siue ita, *Fiat voluntas tua sicut in celo & in terra*, ut sua cuique tribuantur: quod fit in extremo iudicio ut iustis præmium, peccatoribus damnatio tribuatur, cum agni ab hædis sepatabuntur.

Ille etiam non absurdus, imò etiam & fidei & spei nostræ convenientissimus intellectus est, ut cælum & terram accipiamus, spiritum & carnem. Et quod dicit Apostolus: *Mente seruis legi Dei, carne autem legi peccati*, videamus factam voluntatem Dei in mente, id est in spiritu. Cum autem absorpta fuerit mors in victoria, & mortale hoc induerit immortalitatem, quod fiet carnis resurrectione, atque illa immutatione quæ promittitur iustis, secundum eiusdem Apostoli prædicationem, *Fiat voluntas Dei sicut in celo & in terra*, id est, ut quemadmodum spiritus non resistit Deo sequens & faciens voluntatem eius: ita & corpus non resistat spiritui vel animæ, quæ nunc corporis infirmitate vexatur, & in carnalem consuetudinem prona est: quod etiam summæ pacis in vita æterna, ut non solum velle adiaceat nobis, sed etiam perficere bonum: *Nunc enim velle*, inquit, *adiacet mihi, perficere autem bonum non inuenio*: quia nondum in terra sicuti in celo, id est, nondum in carne sicut in spiritu facta est voluntas Dei. Nam & in miseria nostra fit voluntas Dei, cum ea patimur per carnem quæ nobis mortalitatis iure debentur, quam peccando meruit nostra natura. Sed id orandum est, ut sicut in celo, ita & in terra fiat voluntas Dei; id est, ut quemadmodum corde condelectamur lege, secundum interiorem hominem, ita etiam corporis immutatione facta, huic nostræ delectationi nulla pars

pars nostra terrenis doloribus seu voluptatibus aduerfetur. Nec illud à veritate abhorret, vt accipiamus; *Fiat voluntas sua ficut in calo & in terra*, ficut in ipfo Domino noſtro IESV CHRISTO, ita & in Eccleſia: tanquam in viro qui Patris voluntatem impleuit, ita & in fœmina quæ illi deſponſata eſt. Cælum enim & terra conuenienter intelligitur, quali vir & fœmina, quoniam terra cælo fœcundante fructifera eſt.

Quarta petitio: *Panem noſtrum quotidianum da nobis hodie.* Cap vii.
Panis quotidianus, aut pro his omnibus dictus eſt, quæ huius vitæ neceſſitatem ſuſtentant, de quo cùm præcipit, ait: *Noli te cogitare de craffino*, vt ideò ſit additum, *Da nobis hodie.* Aut pro Sacramento corporis Chriſti, quod quotidie accipimus: Aut pro ſpiritali cibo, de quo idem Dominus dicit: *Operamini* Ioan. 6.27.
ne eſcam quæ non corrumpitur: Et illud, *Ego ſum panis vita, qui de calo deſcendi.* Sed horum trium quid ſit probabilius, conſiderari poteſt. Nam fortè quiſpiam moueatur, cur oremus pro his adipiſcendis quæ huic vitæ ſunt neceſſaria, veluti eſt vitæ & tegumentum, cùm ipſe Dominus dicat: *Noliſte ſolliciti eſſe quid edatis, vel quid induamini.* An poteſt quiſque de ea re pro qua adipiſcenda orat non eſſe ſollicitus, cùm tanta intentione animi oratio dirigenda ſit, vt ad hoc totum illud referatur quod de claudendis cubiculis dictum eſt. Et illud Ibid. 31.
quod ait: *Quæritis primum regnum Dei & iuſtitiam eius, & hæc omnia adyicientur vobis*? Non ait vtique, quærite primum regnum Dei, & deinde iſta quærite. *Sed hæc omnia*, inquit, *apponentur vobis*, ſcilicet etiam non quærentibus. Quomodò autem recte dicatur non quæreſe aliquis, quod vt accipiat iñtentiffimè Deum precatur, neſcio vtrum inueniri queat.

De Sacramento autem corporis Domini vt illi non moueant quæſtionem, qui plurimi in orientalibus partibus, non quotidie cœnæ Dominicæ communicant, cùm iſte panis quotidianus dictus eſt. Vt ergo illi taceant, neq. de hac re ſuâ ſententiam defendant, vel ipſa auctoritate Eccleſiaſtica ſint cõtenti quòd ſine ſcandalo iſta faciunt, neq. ab eis qui Eccleſiis præſunt facere prohibentur, neque non obtemperantes dānantur: vnde probatur non hunc in illis partibus intelligi quotidianum panem. Nam magni peccati crimine arguerentur qui ex eo non accipiunt quotidie. Sed vt de iſtis, vt dictum eſt, nihil in aliquam partem diſſeramus, illud certe de-

bet occurrere cogitantibus, regulam nos orandi à Domino accepisse, quam transgredi non oportet. Vel addendo aliquid vel prætereundo. Quod cum ita sit, quis est qui audeat dicere semel tantum nos orare debere orationem Dominicam, aut certe etiam si iterum vel tertio usque ad eam tantum horam qua corpori Domini comunicamus, postea verò non sit orandum per reliquas partes diei? Non enim iam dicere poterimus, *da nobis hodie*, quod iam acceperamus. Aut poterit quisque cogere ut etiam ultima diei parte Sacramentum illud celebremus?

Restat igitur, ut quotidianum panem accipiamus spiritalem, præcepta scilicet diuina, quæ quotidie oportet meditari & operari. Nam de ipsis Dominus dicit: *Operamini escam quæ non corrumpitur*. Quotidianus autem iste cibus nunc dicitur, quamdiu ista vita temporalis per dies decedentes succedentisque peragitur. Et reuera quamdiu nunc in superiora, nunc in inferiora, id est nunc in spiritualia, nunc in carnalia animi affectus alternant, tanquam ei qui aliquando pascitur cibo, aliquando famem patitur, quotidie panis necessarius est, quo reficiatur esuriens & relabens erigatur. Sicut itaque corpus nostrum in hac vita, ante illam scilicet immutationem, cibo reficitur, quia sentit dispendium; sic & animus quoniam temporalibus affectibus quasi dispendium ab intentione Dei patitur, præceptorum cibo reficiatur.

Da nobis hodie dictum est, quamdiu dicitur hodie, id est in hac temporali vita. Sic enim cibo spiritali post hanc vitam saturabimur in æternum, ut non tunc dicatur, quotidianus panis: quia ibi temporalis volubilitas, quæ diebus dies succedere facit, unde appelletur quotidie, nulla erit. Ut autem dictum est: *Hodie si vocem eius audieritis*, quod interpretatur Apostolus in Epistola quæ est ad Hebræos, quamdiu dicitur hodie: ita & hic accipiendum est, *da nobis hodie*. Si quis autem etiam illa quæ de victu corporis necessario, vel Sacramento Domini corporis istam sententiam vult accipere, oportet ut coniunctè accipiantur omnia tria, ut scilicet quotidianum panem simul petamus, & necessarium corpori, & sacramentum visibile, & inuisibile verbi Dei.

SEQUITUR quinta petitio: *Et dimitte nobis debita nostra, sicut & nos dimissimus debitoribus nostris*. Debita peccata dici-

r. Gal. 94. 2.
Iacobi. 3. 7.

Cap. VII.
Matth. 6. 12.

manifestum est, vel illinc quòd ait idem Dominus: *Non exies inde donec red. las nonissimum quadrans*; vel illinc quod debitor appellauit qui ei denuntiati sunt extincti, vel ruina turris, vel quorum sanguinem Herodes sacrificio miscuit. Dixit enim, putare homines quòd illi vltra modum debitores essent, id est peccatores, & addidit: *Amen dico vobis, nisi penitentiam egeritis, similiter moriemini*. Non hic ergo quisque vrgetur pecuniâ dimittere debitoribus, sed quæcunque in eû alius peccauerit. Nâ pecuniam dimittere illo potiùs iubemur præcepto, quod superius dictû est: *Si quis tibi tunicam tollere voluerit & iudicio contendere, dimitte ei & pallium*; nec ibi necesse est omni pecuniario debitori dimittere debitû, sed ei qui reddere noluerit, intantum vt vellet etiam litigare: *Seruum autem Domini, vt ait Apostolus, non oportet litigare*. Qui ergo vel sponte conuentus pecuniam debitam reddere noluerit, dimittenda illi est. Duas enim ob res nollet reddere, vel quòd non habeat, vel quòd avarus sit reique alienæ cupidus. Vtrunque autem pertinet ad inopiam. Nam illa inopia est rei familiaris, hæc animi. Quisquis itaque tali dimittit inopi debitum, inopi dimittit opusque Christianum operatur, manente illa regula, vt in animo paratus sit amittere quod sibi debetur. Nam si modestè & leniter omnimodo egerit, vt sibi restituatur, non tam intendens fructum pecuniæ, quàm vt hominem corrigat, cui sine dubio perniciosum est habere vnde reddat, & non reddere; non solùm non peccabit, sed proderit ei etiam plurimùm, ne ille dum alienam pecuniam lucrum facere vult, damnum fidei patiatur, quod tantò est grauius, vt nulla sit comparatio.

Ex quo intelligitur etiam in ista quinta petitione, qua dicimus, *Dimitte nobis debita nostra*, non de pecunia quidem dici, sed de omnibus quæ in nos quisque peccat, ac per hoc etiam de pecunia. Peccat namque in te, qui tibi pecuniam debitam cùm habeat vnde reddat recusat reddere. Quod peccatum si non dimiseris, non poteris dicere, *dimitte nobis sicut & nos dimittimus*. Si autem ignoueris, vides etiam de pecunia animi dimittenda admoneri eum, cui tali prece orare præcipitur.

Illud sanè tractari potest, vt quando dicimus, *Dimitte nobis debita nostra*, & reliqua; tunc conuincamur contra istam re-

gulum fecisse, si eis non dimittimus qui veniam petunt, quia & nobis veniam petentibus à benignissimo Patre dimitti volumus. Sed illo rursus præcepto, quo iubemur orare pro inimicis nostris, non pro his iubemur qui veniam petunt. Iam enim qui tales sunt, non sunt inimici: Nullo modo quisquam verè dixerit orare se pro eo cui non ignouerit. Quapropter fatendum est, omnia peccata dimittenda esse, quæ in nos admittuntur, si volumus nobis à Patre dimitti quæ admittimus. Nam de vindicta superiùs, ut arbitror, satis disputatum est.

Cap. ix.
Mat. 6. 33.

SEQVITVR sexta petitio: *Et ne nos inferas in tentationem.* Nonnulli codices habent inducas, quod tantundem valere arbitror. Nam ex vno Græco quod dictum est *ἐν τῇ ἐκκλήσια* utrumque translatum est: Multi autem precando, ita dicunt: *Ne nos patiaris induci in tentationem*, exponentes videlicet quomodò dictum sit inducas: Non enim per seipsum inducit Deus, sed induci patitur eum, quem suo auxilio deseruerit ordine occultissimo ac meritis. Causis etiam sæpe manifestis dignum iudicat ille quem deferat, & in tentationem induci sinat. Aliud est autem induci in tentationem, aliud est tentari. Nam sine tentatione probatus esse nullus potest, siue sibi ipsi, sicut scriptum est: *Qui non est tentatus, qualis scit?* siue alij, sicut Apostolus ait: *Ei tentationem vestram in carne mea non spreuit.* Hinc enim eos firmos cognouit, quia eius tribulationibus, quæ Apostolo in carne acciderant, non sunt à charitate deflexi; nam Deo noti sumus, & ante omnes tentationes, qui scit omnia antequam fiant.

1. Cor. 14. 9.
11.
Gal. 4. 14.

Deut. 13. 3.

Quod itaque scriptum est: *Tentat vos Dominus Deus vester, ut sciat si diligatis eum*: illa locutione positum est, ut sciat, pro eo quod est, ut scire vos faciat: sicut diem lætum dicimus, quod lætos faciat, & frigus pigrum, quod pigros facit, & innumerabilia huiusmodi, quæ siue in consuetudine loquendi, siue in sermone doctorum, siue in scripturis sanctis reperiuntur, quod non intelligentes hæretici veteri testamento aduersantur, velut ignorantix vitio norandum putantes, de eo quod dictum est: *Tentat vos Dominus Deus vester*, quasi in Evangelio de Domino scriptum non sit: *Hoc autem dicebat tentans eum, nam ipse sciebat quod esset facturum.* Si enim nouerat cor eius quem tentabat, quid est quod voluit videri tentan-

Ioan. 6. 6.

do? Sed profectò illud factum est, vt ipse sibi notus fieret qui tentabatur, suamque desperationem condemnaret saturatis turbis de pane Domini, quicquid non habere quod ederent exilimauerat. Non ergo hic oratur, vt non tentemur, sed vt non inferamur in tentationem: quia si quispiam est cui necesse sit igne examinari, non orat vt igne non contingatur; sed vt non exuratur: *Vasa enim figuli probat fornax, & homines iustos* Eccl. 17. 6. *tentatio tribulationis.*

Ioseph ergo tentatus est illecebra stupri, sed non est illatus in tentationem. Susanna tentata est, nec inducta vel illata in tentationem: Multique alij vtriusque sexus, sed Iob maxime: cuius admirabilem stabilitatem in Deo Domino suo, cum illi hæretici hostes veteris Testamenti ore sacrilego irridere voluerint, illud præ cæteris ventilant, quod satanas perierit cum tentandum. Quærent enim ab imperitis hominibus, talia intelligere nequaquam valentibus, quomodo satanas cum Deo loqui potuerit: non intuentes (non enim possunt superstitione & contentione cæcati) Dominum non loci spatium mole corporis occupare, & sic alibi esse, alibi non esse, vel certè hic habere partem aliam, & alibi aliam; sed maiestate vbique præsto esse, non per partes diuisum, sed vbique perfectum. Quod si carnaliter intuentur quod dictum est: *Calum mihi sedes est, & terra scabellum pedum meorum.* Cui loco Dominus attestatur dicens: *Non iuretis, neque per calum, quia thronus Dei est, neque per terram, quia scabellum est pedum eius;* quid mirum si in terra diabolus constitutus, ante pedes Dei steterit, & coram illo aliquid locutus est? Nam quando illi valent intelligere, nullam esse animam, quamuis peruersam, quæ tamen vilo modo ratiocinari potest, in cuius conscientia non loquatur Deus? Quis enim scribit in cordibus hominum naturalem legem, nisi Deus? De qua lege Apostolus ait: *Cum enim gentes quæ legem non habent, naturaliter quæ legis sunt faciunt, hi legem non habentes ipsi sibi sunt lex, qui ostendunt opus legis scriptum in cordibus suis, contestante conscientia ipsorum, & inter se inuicem cogitationum accusantium, aut etiam excusantium, in die qua indicabit Dominus occulta hominum.* Quapropter si hominis anima rationalis etiam cupiditate cæcata, tamen cum cogitat & ratiocinatur, quicquid in ea ratiocinatione

Gen. 39. 7.
Dan. 13. 20.
Iob 1. 13.

Isa. 66. 1.
Mat. 5. 34.

Rom. 2. 14.

verum est non ei tribuendum est, sed ipsi lumini veritatis, à quo vel tenuiter pro sui capacitate illustratur, ut verum aliquid in ratiocinando sentiat; quid mirum si diaboli anima prava cupiditate petuerit, quicquid tamen vetum de iusto vito cogitavit cum eum tentare veller, ipsius Dei voce, id est, ipsius veritatis voce audisse perlibetur. Quicquid autem falsum, illi cupiditati tribuitur, qua diaboli nomen accipit.

Quamvis etiam per creaturam corporalem atque visibilem Deus plerumque locutus est seu bonis seu malis, tanquam omnium dominus & rector & pro cuiusque rei meritis ordinator, sicut per Angelos qui hominum quoque aspectibus apparuerunt, & per Prophetas dicentes: *Hac dicit Dominus.* Quid ergo mirum, si quanquam non ipsa cogitatione, per aliquam certe creaturam tali operi accommodatam deus locutus esse cum diabolo dicitur? Nec dignitatis esse arbitrentur, & quasi iustitiæ meritum, quod cum illo deus locutus est: quoniam locutus est cum anima angelica quanquam stulta & cupida, tanquam si loqueretur cum anima humana stulta & cupida. Aut ipsi dicant quomodo locutus est deus cum illo diuite, cuius cupiditatem stultissimam arguere voluit dicens:

Luc. 12. 10.

Stulte, hac nocte anima tua expostulat te, hæc quæ præparasti cuius erunt? Certe hoc ipse dominus in Euangelio dicit, cui hæretici isti velint nolint colla submitunt. Si autem hoc mouentur,

Iob 1. 10.

quod tentandum iustum satanas petit à deo: non ego expono quare sit factum, sed ipsos cogo exponere quare sit dictum in Euangelio ab ipso domino discipulis: Ecce satanas expetit

Luc. 22. 31.

vos vexare quasi triticum. Et Petrus ait: *Ego autem postulaus ne deficiat fides tua.* Cum autem hæc exponunt mihi, simul illud quod à me quaerunt exponunt sibi. Si verò non valuerint hoc exponere, non audeant id quod in Euangelio sine offensione non intelligunt, in alio libro cum temeritate culpare.

Fiunt igitur tentationes per satanam non potestate eius, sed permissio domini, ad homines aut pro suis peccatis puniendos, aut pro domini misericordia probandos & exercendos. Et interest plurimum in qualem quisque tentationem incidat. Non enim in talem incidit Iudas qui vendidit domi-

num, in qualem incidit Petrus, cū territus dominum negauit. Sunt enim tentationes humanæ, credo cū bono quique animo secundū humanam tamen fragilitatem in aliquo consilio labitur: aut irritatur in fratrem studio corrigendi, paulò tamen ampliùs quàm Christiana tranquillitas postulat, de quibus Apostolus dicit: *Tentatio vos non apprehendat* 1. Cor. 10. 13, nisi humana, cū idem dicat: *Fidelis Deus qui vos nō sinat tentari supra quam potestis ferre, sed faciet cum tentatione etiam prouentum ut possitis tolerare.* In qua sententia satis ostendit, non id nobis orandum esse ut non tentemur, sed ne in tentationem inducamur. Inducimur enim si tales acciderint quales ferre non possumus. Sed cū tentationes periculose, in quas inferri atque induci periculosum est, aut prosperis rebus temporalibus, aut aduersis oriantur, nemo frangitur rerum aduersarum molestia qui prosperarum dilectione non capitur.

Vltima & septima petitio est: *Sed libera nos à malo.* Oran- Matt. 6. 13.
dum est enim ut non solū non inducamur in malum, quo caremus, quod sexto loco petitur, sed ab illo etiam liberemur quò iam inducti sumus. Quod cū factum fuerit, nihil remanebit formidolosum, nec omnino metuenda erit vlla tentatio. Quod tamen in hac vita quamdiu istam mortalitatem circumferimus, in quam serpentina persuasione inducti sumus, non sperandum est posse fieri, sed tamen aliquando futurum sperandum est, & hæc est spes quæ non videtur. De qua cū loqueretur Apostolus, ait: *Spes autem quæ videtur,* Rom. 8. 24.
non est spes. Sed tamen sapientia quæ in hac quoque vira concessa est, fidelibus seruis Dei non est desperanda. Hæc est autem, ut id quod Domino reuelante fugiendum esse intellexerimus, cautissimā vigilantia fugiamus: & id quod domino reuelante appetendum esse intellexerimus, flagrantissima charitate appetamus. Ita enim relicto mortalitatis huius onere, ipsa morte deposita, ex omni hominis parte opportuno tempore perficietur beatitudo, quæ in hac vita inchoata est: & cui capeffendæ atque obtinendæ aliquando, nunc omnis conatus impenditur.

Sed harum septem petitionum considerata & commendanda distinctio est. Nam cū vita nostra temporaliter nunc agitur, atque speratur æterna, & cū æterna priora sint dignitate, quamuis temporalibus prius actis ad illa transeat, Cap. 3.

trium primarum petitionum impetrationes sunt, quanquam in hac vita, quæ in isto seculo agitur, exordium capiant. Nam & sanctificatio nominis dei ab ipso humilitatis domini aduentu agi cœpit, & aduentus regni eius, quo in claritate venturus est, non iam finito seculo, sed in fine seculi manifestabitur, & perfectio voluntatis eius, sicut in cælo & in terra: siue iustos & peccatores cælum & terram intelligas, siue spiritum & carnem, siue Dominum & Ecclesiam, siue omnia simul: ipsa perfectione nostræ beatitudinis, & idè seculi terminatione complebitur, tamen omnia tria in æternum manebunt; nam & sanctificatio nominis Dei sempiterna erit, & regni eius non est finis, & perfectæ nostræ beatitudini æterna vita promittitur. Permanebunt ergo ista tria consummata atque cumulata in illa vita, quæ nobis promittitur. Reliqua verò quatuor quæ petimus, ad temporalem istam vitam pertinere mihi videntur. Quorum primum est, *Panem nostrum quotidianum da nobis hodie*. Hoc ipso enim, quod dictus est quotidianus panis, siue spiritualis significetur, siue in Sacramento, aut in victu iste visibilis, ad hoc tempus pertinet, quod appellauit hodie: non quia spiritualis cibus non est sempiternus, sed quia iste, qui quotidianus dictus est in Scripturis, siue in strepitu sermonis, siue quibusque temporalibus signis exhibetur animæ: quæ omnia tunc utique non erunt, cum omnes erunt docibiles Deo, & ipsam ineffabilem lucem veritatis, non motu corporum significantes, sed puritate mentis haurientes.

Nam fortasse & propterea panis dictus est, non potus: quia panis frangendo atque mandendo, in alimentum conuertitur, sicut Scripturæ aperiendo & disserendo animam pascent, potus verò paratus, sicuti est, transit in corpus. Ut isto tempore panis sit veritas, cum quotidianus panis dicitur; tunc autem potus, cum nullo labore disputandi & sermocinandi, quasi frangendi atque mandendi, opus erit, sed solo haustu sinceræ & perspicuæ veritatis. Et peccata nunc nobis dimittuntur, & nunc dimittimus, quæ harum quatuor reliquarum secunda petitio est. Tunc autem nulla erit venia peccatorum, quia peccata & tentationes temporalem istam vitam infestant. Non autem erunt, cum perfectum fuerit quod dictum est: *Abcondes eos in abdito* vultus tui*. Et malum, à quo

liberari

Mat. 6. 11.

Isa. 54. 11.

Ioan. 6. 45.

psal. 30. 21.

* al. abscondito.

liberari optamus, & ipsa liberatio a malo ad hanc utique vitam pertinet, quam & iustitiâ Dei mortalem meruimus, & vnde ipsius misericordiâ liberabimur.

Viderur etiam mihi septenarius iste numerus harum petitionum, congruere illi septenario numero, ex quo totus iste sermo manauit. Si enim timor Dei est, quo *beati sunt pauperes spiritu, quoniam ipsorum est regnum celorum*, petamus vt sanctificetur in hominibus nomen Dei, timore casto permanente in secula seculorum. Si pietas est, qua *beati sunt mites, quoniam ipsi possidebunt terram*, petamus vt veniat regnum eius: siue in nolipfos, vt mitescamus, nec ei resistamus, siue de cælo in terras in claritate aduentus Domini, quo nos gaudebimus, & laudabimur, dicente illo: *Exite benedicti Patris mei, percipite regnum. In Domino*, inquit Propheta, *laudabitur anima mea: audiant mansueti, & iocundentur*. Si scientia est, qua *beati sunt qui lugent, quoniam ipsi consolabuntur*, oremus vt fiat voluntas eius, sicut in cælo & in terra: quia cùm corpus tanquam terra, spiritui tanquam cælo, summa & tota pace consenserit, non lugebimus; nam nullus alius huius temporis luctus est, nisi cùm aduersus se ista configunt, & cogunt nos dicere: *Video aliam legem in membris meis, repugnantem legi mentis mee*, & luctum nostrum lacrymosa voce testari: *Miser ego homo, quis me liberabit de corpore mortis huius?* Si fortitudo est, qua *beati sunt qui esuriunt & sitiunt iustitiam, quoniam ipsi saturabuntur*, oremus vt panis noster quotidianus detur nobis hodie: quo fulti atque sustentati, ad plenissimam illam saturitatem venire possimus. Si consilium est, quo *beati sunt misericordes, quoniam ipsorum miserebitur Deus*, dimittamus debita debitoribus nostris, & oremus vt nobis nostra dimittantur. Si intellectus est, quo *beati sunt mundi corde, quoniam ipsi Deum videbunt*, oremus non induci in tentationem: ne habeamus duplex cor, non appetendo simplex bonum, quò referamus omnia quæ operamur, sed simul temporalia & terrena sectando. Tentationes enim ex his rebus, quæ graues & calamitosæ videntur hominibus, non in nos valent, si non valeant illæ, quæ blanditiis earum rerum accidunt, quas homines bonas & lætabundas putant. Si sapientia est, qua *beati sunt pacifici, quoniam filij Dei vocabuntur*, oremus vt liberemur

Matt. 19. 14
Psal. 33. 3.

Rom. 7. 23.

Rom. 8. 15.
Gal. 4. 6.

à malo: ipsa enim liberatio liberos nos facit, id est filios Dei, ut spiritu adoptionis clamemus Abba pater.

Matt. 6. 11.

Sanè non negligeret prætereundum est, quod ex omnibus his sententiis, quibus nos orare Dominus præcepit, eam potissimum commendandam esse iudicauit, quæ pertinet ad dimissionem peccatorum: in qua nos misericordes esse voluit, quod vnum est consilium miserias euadendi. Nulla enim alia sententia sic oramus, ut quasi paciscamur cum domino, dicimus enim: *Dimitte nobis debita nostra, sicut & nos dimittimus.* In qua pactione si mentimur, totius orationis nullus erit fructus. Sic enim dicit: *Si dimiseritis hominibus peccata eorum, dimittet & vobis Pater vester peccata vestra. Si autem non dimiseritis hominibus, neque Pater vester dimittet vobis debita vestra.*

Cap. xii.

Matt. 6. 16.

SEQUITVR de ieiunio præceptum, pertinens ad eandem cordis mundationem, de qua nunc agitur. Nam & in hoc opere cauendum est, ne surtepat aliqua ostentatio & appetitus laudis humanæ, qui duplicet cor nostrum, & non linat mundum & simplex esse ad intelligendum Deum. Cum autem ieiunatis, inquit, nolite fieri sicut hypocritæ tristes: ex terminant enim vultum suum, ut videantur ab hominibus ieiunantes: amen dico vobis perceperunt mercedem suam. Vos autem ieiunantes ungite capita vestra & facies vestras lauate, ne videamini hominibus ieiunantes, sed Patri vestro qui est in abscondito, & Pater vester qui videt in abscondito reddet vobis. Manifestum est hoc præceptis omnem nostram intentionem in interiora gaudia dirigine foris quærentes mercedem, hoc seculo conformemur, & amittamus promissionem tanto solidioris atque firmitioris, quanto interioris beatitudinis, qua nos elegit Deus conformes fieri imaginis Filij sui.

In hoc autem capitulo maximè aduertendum est, non in solo rerum corporearum nitore atque pompa, sed etiam in ipsis sordibus luctuosis esse posse iactantiam: & eo periculis ferrem, quod sub nomine seruitutis deipit. Qui ergo immundato cultu corporis atque vestitu, vel ceterarum rerum nitore præfulget, facile conuincitur rebus ipsis, non parum seculi esse sectator, nec quenquam fallit dolosa imagine sanctitatis. Qui autem in professione Christianitatis inusitato squalore ac

sordibus intentos in se oculos hominū facit, cū id voluntate faciat, nō necessitate patiatur, cæteris eius operibus poreſt conici, vtrum hoc contemptu superflui cultus, an ambitione aliqua faciat, quia & sub ouina pelle cauendos lupos dominus præcepit, *sed ex fructibus*, inquit, *eorū cognoscetis eos*. Cū enim cøperint aliquibus tentationibus ea ipsa scilicet illis subtrahi vel negari, quæ isto velamine cõsecuti sunt, vel consequi cupiunt, tunc necesse est vt appareat, vtrum lupo in ouina pelle sit, an ovis in sua. Non enim propterea ornatu superfluo debet aspectus hominū mulcere Christianus, quia illud paruum habitum ac necessarium, etiam simulatores sæpius vsurpant, vt incautos decipiant, quia & illæ oues non debent pelles suas deponere, si aliquādo eis lupi se cõtegan.

Quæ ergo solet quid sit quod ait : *Vos autem cū jejunatis, vngite capita vestra*, & reliqua. Non enim rectè quisquam præceperit, quamuis faciem quoti diana consuetudine lauemus, vnctis etiam capitibus, cū ieiunamus, nos esse debere. Quod si rursissimum omnes fatentur, intelligendum est hoc præceptum vngendi caput, & faciem lauandi, ad interiorem hominem pertinere. Vngere ergo caput ad lætitiā pertinet, lauare autem faciem ad munditiā : & idēd caput vngit, qui lætatur interiūs & mente atque ratione. Hoc enim rectè accipimus caput, quod in anima præminet, & quo cætera hominis regi & gubernari manifestum est. Et hoc facit qui non foris quærit lætitiā, vt de laudibus hominum carnaliter gaudeat. Caro autem, quæ subiecta esse debet, nullo modo est totius naturæ humanæ caput. *Nemo quidem* Eph. 5.30.
unquam carnem suam odio habuit, sicut Apostolus dicit, cū de 1. Cor. 13.3.
diligenda vxore præcipit, *Caput mulieris vir, cui viro caput est Christus*. Interiūs ergo gaudeat in ieiunio suo, eo ipso quo sic se ieiunando auertit à voluptate seculi, vt sit subditus Christo, qui secundū hoc præceptum caput vnctum habere desiderat. Ita enim & faciem lauabit, id est cor mundabit, quo visurus est Deum, non interposiro velamine propter infirmitatem contractam de sordibus, sed firmus & stabilis, quoniam 1. Cor. 13.16.
mundus & simplex. *Lauamini*, inquit, *mundi estote, auferite ne-* 1. Cor. 13.18.
quitias ab animis vestris, atque à conspectu oculorum meorum. Ab his igitur sordibus facies nostra lauanda est, quibus Dei aspe-

ctus offenditur. *Nos enim reuelata facie gloriam Domini speculantes, in eandem imaginem transformabimur.*

Sæpe etiam cogitatio necessariorum rerum ad istam vitam pertinentium fauciat, & sordidat interiorem oculum nostrum: & plerumque cor duplicat, ut ea quæ videmur cum hominibus rectè facere, non eo corde faciamus, quo Dominus præcipit: id est, quia eos diligimus, sed quia commodum ab eis aliquod propter necessitatem præsentis vitæ adipisci volumus. Debemus ergo benefacere illis propter salutem ipsorum æternam, non propter temporale commodum nostrum. *Inclinet ergo Deus cor nostrum, in testimonia sua, & non in emolumentum. Finis enim præcepti est charitas de corde puro, & conscientia bona, & fide non ficta.* Qui autem propter suam in hac vita necessitatem fratri consulit, non utique charitati consulit: quia non illi, quem debet tanquam seipsum diligere, sed sibi consulit, vel potius nec sibi: quandoquidem hinc sibi facit duplex cor, quo impeditur ad videndum Deum, in qua sola visione est beatitudo cætera atque perpetua. Rectè ergo sequitur, & præcipit, qui mundando cordi nostro instat, dicens:

NOLITE vobis condere thesauros in terra, ubi arugo & tinea exterminant. Et reliqua: Ergo si in terra erit cor, id est, si eo corde quisque operetur aliquid, ut terrenum commodum adipiscatur, quomodo erit mundum cor, quod in terra volutatur? Si autem in cælo, mundum erit, quia munda sunt quæcunque cælestia: sordescit enim aliquid, cum inferiori miscetur naturæ, quamvis in suo genere non sordidat. Quia etiam de puro argento sordidatur aurum, si misceatur: ita & animus noster terrenorum cupiditate sordescit, quamvis ipsa terra in suo genere atque ordine munda sit. Cælum autem in hoc loco non corporeum accipimus, quia omne corpus pro terra habendum est. Totum enim mundum debet contemnere, qui sibi thesaurizat in cælo, de quo dictum est: Cælum cæli Domino, id est, in firmamento spiritali. Non enim in eo quod transit, constituere & collocare debemus thesaurum nostrum & cor nostrum, sed in eo quod semper permanet. *Cælum autem & terra transibunt.*

Et hic manifestat de mundando corde se cuncta ista præci-

pere, cùm dicie: *Lucerna corporis tui oculus tuus est. Si ergo oculus tuus simplex fuerit, totum corpus tuum lucidum fuerit.* Quilocus sic intelligendus est, vt nouerimus omnia opeta nostra tunc esse munda, & placere in conspectu Dei, si fiant simplici corde, id est intentione supetna, sine illo charitatis: quia & *plenitudo legis charitas.* Oculum ergo hic accipete debemus ipsam intentionem, qua facimus quicquid facimus; quæ si munda fuerit & recta, & illud aspiciens, quod aspiciendum est, omnia opeta nostra, quæ secundum eam operamur necesse est bona sint. Quæ omnia opeta totum corpus appellauit, quod & Apostolus membra nostra dicit quædam opeta, quæ improbat, & mortificanda præcipit dicens: *Mortificate membra vestra, quæ sunt super terram: fornicationem, immunditiam, Col. 3. 5. auaritiam, & cætera talia.*

Non ergo quid quisque fatiat, sed quo animo faciat, considerandum est. Hoc est enim lumen in nobis, quia hoc nobis manifestum est bono animo nos facere quod facimus: omne enim quod manifestatur, lumen est. Nam ipsa facta, quæ ad hominum societatem à nobis procedunt, incertum habent exitum, & idè tenebras eas vocauit. Non enim noui, cùm pecuniam porrigo indigenti & petenti, quid inde aut facturus sit, aut passurus: & fieri potest vt vel faciat ex ea, vel propter eam patiatur aliquid mali, quod ego cùm darem, non euenite voluerim, neque hoc animo dedetim. Itaque si bono animo feci, quod mihi facerem, notum erat, & idè lumen vocatur, illuminatur etiam factum meum, qualemcunque exitum habuetit: qui exitus quoniam incertus & ignotus est, tenebræ appellatæ sunt, & duplici corde quasi umbram facit. Si autem malo animo feci, etiam ipsum lumen tenebræ sunt. Lumen enim dicitur, quia nouit quisque quo animo faciat, etiam cum malo animo facit; sed ipsum lumen tenebræ sunt, quia non in superna ditigitur simplex intentio, sed ad inferiora declinatur, & duplici corde quasi umbræ facit: *Si ergo lumen, quod in te est, tenebræ sunt, ipsa tenebræ quanta sunt?* Hoc est, si ipsa cordis intectio, qua facis quod facis, quæ tibi nota est, sordidatur appetitu rerū terrenatum & temporalium, atque cæcatur, quantò magis ipsum factū, cuius incertus est exitus, sordidum & tenebrosum est: quia & si bene alicui proueniat,

quod tu non recta & munda intentione facis, quomodo tu feceris, tibi imputatur, non quomodo illi prouenient.

Cap. xiv.
Matth. 6. 24.

QVOD autem sequitur & dicit: *Nemo potest duobus dominis seruire*, ad hanc ipsam intentionem referendum est, quod consequenter exponit, dicens: *Aut enim unum odio habebis, & alterum diligis: aut alterum patitur, & alterum contemnet.* Quæ verba diligenter consideranda sunt, nam qui sint duo domini, deinceps ostendit, cum dicit: *Non potestis Deo seruire & mammonæ.* Mammona apud Hebræos diuitiæ appellari dicuntur. Congruit & Punicum nomen, nam luctum Punicæ mammonæ dicitur. Sed qui seruit mammonæ, illi utique seruit, qui rebus istis tetrenis merito suæ peruersitatis præpositus, magistratus huius seculi à Domino dicitur. *Aut enim unum odio habebis, & alterum diligis homo*: id est, Deum, aut alterum patietur, & alterum contemnet. Patietur enim durum & perniciosum dominum, quisquis seruit mammonæ: sua enim cupiditate implicatus, subditur diabolo: & non eum diligit, quis enim est qui diligit diabolum? sed tamen patitur. Sic in maiore aliqua domo, qui ancillæ alienæ coniunctus est, propter cupiditatem suam durum patitur seruitutem, etiam si non diligit eum, cuius ancillam diligit. Alterum autem contemnit, dicit, non odio habebit. Nullius enim ferè conscientia Deum odisse potest: contemnit autem, id est non timet eum, qui quasi de eius bonitate secutus est.

Vide lib. v.
Retr. c. 19.

Ecd. 5. 9.
Rom. 8. 4.

Ab hac negligentia & perniciosa securitate reuocat nos Spiritus sanctus, cum per Prophetam dicit: *Fili, ne aduersum peccatum super peccatum, & dicas: Misericordia Dei magna est: Ignoras quia patientia Dei ad penitentiam te inuitat?* Cuius enim tanta misericordia commendari potest, quàm eius qui omnia donat peccata conuersis, & olealeum facit participem pinguedinis oliuæ? Et cuius tanta seueritas, quàm eius qui naturalibus ramis non pepercit, sed propter infidelitatem fregit illos? Sed quisquis vult diligere Deum, & cauere ne offendant, non se arbitretur duobus dominis posse seruire, & intentionem cordis sui rectam, ab omni duplicitate explicet. Ita enim sentiens de Deo, in bonitate, & in simplicitate cordis querit illum.

Sap. i.

Cap. xv.

IDEO, inquit, dico vobis, non habere sollicitudinem animæ vestræ.

ita quid datus, neque corpori vestio quid induatus. Ne fortè, Matt. 6. 25.
 quamuis iam superflua non quarantur, propter ipsa necessa-
 ria cor duplicetur: & ad ipsa conqui enda nostra detorquea-
 tur intentio, cùm aliquid quasi misericorditer operamur, id
 est, vt cùm consulere alij videri volumus, nostrum emolu-
 mentum ibi potius, quàm illius vtilitatem attendamus. Et
 ideo nobis non videamur peccare, quia non superflua, sed
 necessaria sunt quæ consequi volumus. Dominus autem ad-
 monet, vt meminerimus multò ampliùs nobis Deum dedisse,
 quando nos fecit & composuit ex anima & corpore, quàm
 est alimentum atque tegumentum, quorum cura nos duplici-
 care cor non vult. *Nonne, inquit, anima plus est quàm esca?* Vt
 tu intelligas eum, qui dedit animam, multo facilius escam
 esse daturum: & *corpus quàm vestimentum*, id est, plus est: vt si-
 militer intelligas, eum qui corpus dedit, multo faciliùs da-
 turum esse vestimentum.

Quo loco quæri solet, vtrum & ad animam cibus iste perti-
 neat, cùm anima incorporea sit, ille autem cibus corporeus.
 Sed animam hoc loco pro ista vita positam nouerimus, cuius
 retinaculum est alimentum istud corporeum. Secundùm
 hanc significationem dictum est etiam illud: *Qui amat ani-* Ioan. 12. 25.
am suam, perdet illam. Quod nisi de hac vita acceperimus,
 quam oportet pro regno Dei perdere, quod potuisse Marty-
 res claruit, contrarium hoc præceptum erit illi sententiæ,
 qua dictum est: *Quid prodest homini, si totum mundum lucretur,* Matt. 16. 26.
anime autem suæ detrimentum faciat? *Respicite, inquit, volatili-
 a cili, quoniam non serunt, neque metunt, neque congregant in hor-* Matt. 6. 26.
rea, & pater vester celestis pascit illas. Nonne vos pluris estis illis, id
 est chariùs vos valetis? Quia vtiq; rationale animal, sicuti
 est homo, sublimiùs ordinatum est in rerum natura, quàm ir-
 rationabilia, sicut sunt aues.

*Quis autem vestrum curans, inquit, potest adungere ad staturam
 suam cubitum vnum?* Et de vestimento quid solliciti estis? id est,
 cuius potestate atque dominatu factum est, vt ad hanc statu-
 ram corpus vestrum perduceretur, eius prouidentia etiam
 vestiri potest. Non autem vestra cura factum esse, vt ad hanc
 staturam veniret corpus vestrum, ex hoc intelligi potest, quòd
 u curetis, & velitis adungere vnum cubitum huic staturæ, non

potestis. Illi ergo etiam tegendi corporis curam relinquit, cuius videtis cura factum esse, ut tantæ staturæ corpus habeatis.

Dandum autem erat etiam documentum propter vestimentum, sicut datum est propter alimentum. Itaque sequitur & dicit, *Cōsiderate lilia agri quomodo crescunt, non laborant neque nent*, & reliqua usque: *Quanto magis*. Sed ipsa documenta non sic allegoricè discutienda sunt, ut quæramus quid significant aues cæli, aut lilia agri. Posita sunt enim, ut de rebus minoribus natura persuaderetur: sicuti illud est de iudice, qui nec Deum timebat, nec hominem reuerabatur: & tamen sæpe interpellanti viduæ cessit, ut eius causam consideraret: non propter pietatem aut humanitatem, sed ne tædium pateretur. Non enim illo modo ille iniustus iudex personam Domini allegoricè sustinet, sed tamen quantum Deus, qui bonus est & iustus, curet deprecantes se, hinc coniici Dominus voluit, quia nec iniustus homo eos, qui illum assiduus precibus turbant, vel propter tædium deuitandum, potest contemnere.

Cap. xvi. *NOLITE ergo, inquit, solliciti esse, dicentes: Quid edemus?*
Mat. 6. 31. *aut quid bibemus?* & reliqua. Hic manifestissimè ostendit, non

hæc esse appetenda, tanquam talia bona nostra, ut propter ea ipsa debeamus bene facere, si quid facimus, sed tamen esse necessaria. Quid enim intersit inter bonum quod appetendum est, & necessarium quod sumendum est, hac sententia declarauit, cum ait: *Quærite primum regnum Dei & iustitiam eius, & hæc omnia apponentur vobis*. Regnum ergo & iustitia Dei bonum nostrum est, & hoc appetendum, & ibi finis constituendus, propter quod omnia facimus quæcunque facimus. Sed quia in hac vita militamus, ut ad illud regnum peruenire possimus, quæ vita sine his necessariis agi non potest: *Apponentur vobis hæc*, inquit, sed vos regnum Dei & iustitiam eius primum quærite. Cum enim dicit illud primum, significauit quod hoc posterius quærendum est, non tempore, sed dignitate. Illud tanquam bonum nostrum, hæc tanquam necessarium nostrum, necessarium autem propter illud bonum. Neque enim, verbi gratia, idè debemus euangelizare, ut manducemus: sed idè manducare, ut euangelizemus, nam si propterea

propterea euangelizamur, ut manducemus, vilius habemus Euangelium quam cibum : & erit iam bonum nostrum in manducando, necessarium autem in euangelizando.

Quod etiam Apostolus prohibet * cum dicit, licere sibi ^{ad. 1. perhibet.} quidem, & permissum esse à Domino, ut qui Euangelium annuntiant, de Euangelio viuunt : id est, de Euangelio habeant ea quæ huic vitæ sunt necessaria ; sed tamen se non esse usum hac potestate. Erant enim multi, qui occasionem habere cupiebant acquirendi & vendendi Euangelium, quibus eam volens amputare, Apostolus manibus suis victum suum tolerauit. De his enim alio loco dicit : *Vt amputem occasionem, his qui querunt occasionem.* ^{ad. 1. 14. 1. Cor. 9. 14.} Quanquam etiam si ut cæteri boni Apostoli permissu Domini de Euangelio viueret, non in eo victu constitueret finem euangelizandi, sed magis ipsius victus sui finem in Euangelio collocaret : id est, ut superius dixi, non idem euangelizaret, ut perueniret ad cibum, & si quæ sunt alia necessaria, sed idem ista sumeret, ut illud impleret, ne non volens, sed necessitate euangelizaret. Hoc enim improbat, cum dicit : *Nescitis quoniam qui in templo operantur, quæ de templo sunt edunt : & qui altario deseruiunt, cum altario participantur.* Sic & Dominus ordinauit his qui Euangelium annuntiant, de Euangelio viuere, ego autem nullius horum usus sum. Hic ostendit permissum esse, non iustum, alioquin contra præceptum Domini fecisse tenebitur. Deinde sequitur & dicit : *Non autem scripsi hæc, ut ita fiant in me. Bonum est mihi magis mori, quam gloriam meam quisque inane faciat.* Hoc dixit, quia iam statuerat propter quosdam occasionem querentes manibus suis victum transigere. *Si enim euangelizauero, inquit, non est mihi gloria :* id est, si euangelizauero, ut ista fiant in me, id est, si propterea euangelizauero, ut ad illa petueniam, & finem Euangelij in cibo & potu & vestitu collocauero. Sed quare non est ei gloria ? *Neccitas enim, inquit, mihi incumbit,* id est, ut idem euangelizem, quia vnde viuam non habeo, aut ut acquiram temporalem fructum de prædicatione æternorum. Sic enim iam necessitas erit in Euangelio, non voluntas. *Væ enim mihi est,* inquit, *si non euangelizauero ;* scilicet quoniam debet euangelizare sic, ut in ipso Euangelio & in regno Dei ponat mercedem, ita enim potest non coactus euangelizare,

19. Cor. 17. sed volens. *Si enim volens*, inquit, *hoc facio, mercedem habeo. Si autem inuitus, hac dispensatio mihi credita est*: id est, si coactus inopia earum rerum, quæ temporali vitæ sunt necessariæ prædico Euangelium, alij per me habebunt mercedem, qui Euangelium ipsum me prædicante diligunt: ego autem non habebo, quia non ipsum Euangelium diligo, sed eius pretium in illis temporalibus constitutum. Quod nefas est fieri, ut non tanquam filius ministraret quisque Euangelium, sed tanquam seruus cui dispensatio credita est: ut tanquam alienum eroger, nihil inde ipse accipiat præter cibaria, quæ non de participatione regni, sed ad sustentaculum miseræ seruitutis dantur extrinsecus.

Quamquam alio loco dispensatorem se dicat. Potest enim & seruus in filiorum numerum adoptatus, eam rem in qua coheredis sortem meruit, fideliter dispensare participibus suis. Sed nunc ubi ait; *Si autem inuitus, hac dispensatio mihi tunc credita est*: talem dispensatorem intelligi voluit, qui alienum dispensat unde ipse nihil accipit. Ergo quæcunque res propter aliud aliquid quæritur, sine dubio inferior est, quàm id propter quod quæritur: & idè illud primum est propter quod istam rem quæris, non ista res quam propter aliud quæris. Quapropter si Euangelium & regnum Dei propter cibum quærimus, priorem facimus cibum & posterius Euangelium, id est, regnum Dei: ita ut si non desit cibus, non quæramus regnum Dei. Hoc est ergo primum quæritere cibum, & deinde regnum Dei; hoc priore loco ponere, illud posteriore. Si autem idè quæramus cibum ut habeamus regnum Dei, facimus quod dictum est, *Quærite primum regnum Dei & iustitiam eius, & hæc omnia adyiciuntur vobis*.

CAP. XVII

QVÆRENTIBVS enim primum regnum Dei & iustitiam eius, id est, hæc præponentibus cæteris rebus, ut propter hæc cætera quæramus, non debet subesse sollicitudo ne illa desint, quæ huic vitæ propter regnum Dei sunt necessaria. Dixit enim superius: *Scitis Pater vester quod horum omnium indigatis*. Et idè cum dixisset: *Quærite primum regnum Dei & iustitiam eius*, non dicit, deinde ista quærite, quamuis sint necessaria: sed ait, *hæc omnia apponentur vobis*, id est, consequentur, si illa quæratitis, sine vlllo veltro impedimento, ne cum ista

MAT. 6. 8.

quæritis illinc auertamini : aut ne duos fines constituatis , vt & regnum Dei propter se appetatis & ista necessaria , sed hæc potius propter illud. Ita vobis non deerunt , quia duobus dominis seruire non potestis. Duobus autem dominis seruire conatur , qui & regnum Dei pro magno bono appetit , & hæc omnia temporalia. Non poterit autem simplicem habere oculum & vni domino seruire , nisi quæcunque sunt cætera , si sunt necessaria , propter hoc vnum assumat : id est , propter regnum Dei. Sicut autem omnes militantes accipiunt victum , annonam & stipendium , sic omnes euangelizantes accipiunt victum & regumentum. Sed non omnes propter salutem reipublicæ militant , sed propter illa quæ accipiunt : sic & nō omnes propter salutem Ecclesiæ ministrant Deo , sed propter hæc temporalia , quæ tanquam annonam & stipendia consequantur , aut propter hoc & propter illud.

Sed supra iam dictum est : *Non potestis duobus dominis seruire.* Ergo simplici corde tantummodò propter regnum Dei debemus operari bonum ad omnes. Non autem in hac operatione , vel solam , vel cum regno Dei mercedem temporalem cogitare , quorum omnium temporalium nomine crastinum posuit dicens : *Nolite cogitare de crastino.* Non enim dicitur crastinus dies , nisi in tempore vbi præterito succedit futurum. Ergo cum aliquid boni operamur , non temporalia sed æterna cogitemus , tunc erit illud bonum & perfectum opus. *Crastinus enim dies* , inquit , *solicitus erit sibi ipsi* , id est , vt cum oportuerit sumas cibum vel porum vel indumentum , cum ipsa scilicet necessitas vrgeret cæperit. Aderunt enim hæc , quia nouit Pater vester quòd horum omnium indigeatis. *Sufficit enim* , inquit , *dici malitia sua* : id est , sufficit quòd Vide lib. 1.
Retrac. 5. 19 *fuere vrgebit necessitas ipsa.* Quam propterea malitiam nominatam arbitror , quia pœnalis est nobis. Pertinet enim ad hanc fragilitatem & mortalitatem quam peccando meruimus. Huic ergo pœnæ temporalis necessitatis noli addere aliquid grauius , vt non solum patiaris harum rerum indigentiam , sed etiam propter hanc explendam milites Deo.

Hoc autem loco vehementer cauendum est , ne fortè cum viderimus aliquem seruum Dei providere ne ista necessaria desint , vel sibi , vel eis quorum sibi cura commissæ est , iudice-

MAT. 4. 16.

2. COR. 6. 1.

A. R. 11. 27.

A. C. 28. 10.
Eph. 4. 28.

MAT. 6. 26.

mus cum contra præceptum Domini facere & de crastino esse sollicitum. Nam & ipse Dominus, cui ministrabant Angeli, tamen propter exemplum, ne quis postea scandalum pateretur, cum aliquem seruorum eius animaduertisset ista necessaria procurare, loculos habere dignatus est cum pecunia, unde vltibus necessariis quicquid opus fuisset præberetur: quorum loculorum custos & fur, sicut scriptum est, Iudas fuit, qui eum tradidit. Sicut & Apostolus Paulus potest videri de crastino cogitare, cum dicit: *De collectis autem in Sanctos, sicut ordinamus Ecclesijs Galatia, ita & vos facite: secundum unam sabbati unusquisque vestrum apud se ponat thesaurum suum, quod ei placuerit: ut non cum venero, tunc collectam faciat. Cum autem aduenero, quoscunque approbaueritis per epistolas, hos mittam perferre gratiam vestram in Hierusalem. Quod si dignum fuerit ut ego eam, mecum ibunt. Veniam autem ad vos, cum Macedoniam pertransiero: apud vos autem forsitan remanebo, vel etiam hycmabo, ut vos me educatis quocunque iero. Nolo autem vos nunc in transitu videre, spero enim me aliquod temporis manere apud vos, si permiserit Dominus. Permanebo enim Ephesi usque ad Pentecosten. Item in actibus Apostolorum scriptum est, ea quæ ad vitium sunt necessaria, procurata esse in futurum propter imminentem famem. Sic enim legimus: *In illis diebus descenderunt ab Hierosolymis Propheta Antiochiam, eratque magna exultatio. Congregatis autem nobis, surgens unus ex illis, nomine Agabus, significauit per spiritum, famem magnam futuram in vniuerso orbe, quæ facta est sub Claudio Casare. Descendentium autem ut quisque abundabat, statuerunt unusquisque eorum in ministerium mittere Presbyteris habitantibus in Iudæa fratribus, qui & miserunt per manus Barnabæ & Sauli. Et quia nauiganti eidem Apostolo Paulo imposta sunt utensilia, quæ offerebantur, non ad vnum tantum diem videtur victus esse procuratus. Et quod idem scripsit: *Qui iurabatur, iam non furetur: magis autem labores operando manibus suis bonum, ut habeas unde tribuas cui opus est quod bonum est.***

Malè intelligentibus non videtur seruare præceptum Domini, quo ait: *Respicite, inquit, volatilia celi, quoniam non serunt neque metunt, & considerate lilia agri quomodo crescunt, non laborant neque nent: cum istis præcipit ut laborent, operantes*

manibus suis, ita ut habeant quod etiam aliis possint tribuere: 1. Th. II. 9.
2. Thes. I. 3.
Ad. II. 3. & quod sæpe de seipso dicit, quod manibus operatus est, ne quem graueret. Et de illo scriptum est, quod coniunxerit se Aquilæ propter artis similitudinem, ut simul operarentur unde victum transigerent, non videtur imitatus aues cæli & lilia agri. His & huiusmodi scripturarum locis, satis apparet Dominum nostrum non hoc improbare, si quis humano more ista procuret; sed si quis propter ista Deo militet, ut in operibus suis non regnum Dei, sed istorum inquisitionem intueatur. Ad hanc ergo regulam hoc totum præceptum dirigitur, ut etiam in istorum prouisione regnum Dei cogitemus, in militia verò regni Dei ista non cogitemus.

Ista enim etiam si aliquando defuerint, quod plerumque propter exercitationem nostram Deus finit, non solum non debilitant propositum nostrum, sed etiam examinatum probatumque confirmant. *Gloriamur enim*, inquit, *in tribulationibus*, Rom. 5. 3. *scientes quod tribulatio patientiam operatur, patientia autem probationem, probatio autem spem, spes vero non confundit: quia charitas Dei diffusa est in cordibus nostris per Spiritum sanctum, qui datus est nobis.* In commemoratione autem tribulationum ac laborum suorum idem Apostolus non tantum in carceribus & naufragiis, atque huiusmodi molestiis, sed etiam in fame & siti, in frigore & nuditate se laborasse commemorat. *Quod cum legimus*, non æstimemus Domini promissa titubasse, ut famem ac sitim & nuditatem patetetur Apostolus, quærens regnum & iustitiam Dei, cum dictum sit nobis: *Quærite pri-* Cor. II. 25.
Matt. 6. 33. *um regnum Dei, & iustitiam eius, & hæc omnia adicientur vobis.* Quandoquidem ista sicut adiutoria nouit ille medicus, cui semel nos totos commisimus, & à quo habemus promissionem vitæ præsentis & futuræ, quando apponat, quando detrahatur, sicut nobis iudicat expedire: quos consolandos & exercendos in hac vita, & post hanc vitam in perpetua requie stabiliendos atque firmandos gubernat ac dirigit. Non enim & homo, cum plerumque iumento suo cibaria detrahit, deserit illud cura sua, ac non potius curando hæc facit. Et quoniam cum ista vel procurantur in futurum, vel si causa non est quare illa impendas, reseruantur, incertum est quo animo fiant, cum possint simplici corde fieri & duplici, opportunè hoc loco subiicit.

Cap. 17. 11.

Mat. 7. 2.

NOLITE iudicare, ne iudicetur de vobis. In quo enim iudicio iudicaueritis, iudicabitur de vobis. Hoc loco nihil aliud nobis præcipi existimo, nisi ut ea facta, quæ dubium est quo animo fiant, in meliorem partem interpretemur. Quod enim scriptum est: *Ex fructibus eorum cognoscetis eos*, de manifestis dictum est quæ non possunt bono animo fieri: sicut sunt stupra, vel blasphemix, vel furta, vel ebrietas: & si qua sunt alia de quibus nobis iudicare permittitur, dicente Apostolo:

1. Cor. 5. 11.

Quid enim mihi de his qui foris sunt iudicare? Nonne de his qui intus sunt vos iudicatis? De genete autem ciborum, quia possunt bono animo & simplici corde sine vicio concupiscentiæ, quicumque humani cibi indifferenter sumi, prohibet idem Apostolus iudicari eos, qui catinibus vesciebantur & vinum bibeant, ab eis qui se ab huiusmodi alimentis temperabant:

Rom. 14. 3.

Qui manducat, inquit, non manducantem non spernat: & qui non manducat, manducantem non iudicat. Ibi etiam ait: *Tu quis es qui iudicas alienum seruum? domino suo stat, aut cadit.* De talibus enim tibus, quæ possunt bono animo & simplici & magnanimo fieri, quamvis etiam possint non bono, volebant illi cum homines essent in occulta cordis ferte sententiam, de quibus solus Deus iudicat.

1. Cor. 4. 5

Ad hoc pertinet etiam illud quod alio loco dicit: *Nolite ante tempus iudicare, quousque veniet Dominus, qui & illuminabit abscondita tenebrarum & manifestabit cogitationes cordis, & tunc laus erit unicuique à Deo.* Sunt ergo quædam facta media quæ ignorantur quo animo fiant, quia & bono & malo fieri possunt, de quibus temerarium est iudicare, maximè ut condemnemus. Horum autem veniet tempus ut iudicentur, cum dominus illuminabit abscondita tenebrarum & manifestabit cogitationes cordis. Item alio loco dicit Apostolus: *Quorundam autem hominum peccata manifesta sunt præcedentia ad iudicium, quædam autem sequuntur.* Manifesta ea dicit, de quibus clarum est quo animo fiant. Hæc præcedunt ad iudicium, id est, quia si fuerit ista subsequutum iudicium, non est temerarium. Subsequuntur autem illa quæ occulta sunt, quæ nec ipsa latebunt tempore suo. Sic & de bonis factis intelligendum est. Nam ista subiunxit, similiter & facta bona manifesta sunt, & quæcunque aliter se habent abscondi non pos-

1. Tim. 5. 14.

sunt. De manifestis ergo iudicemus, de occultis verò Deo iudicium relinquamus, quia & ipsa abscondi non possunt, siue mala, siue bona, cùm tempus aduenerit quo manifestentur.

Duo sunt autem in quibus temerarium iudicium cauere debemus; cùm incertum est quo animo quidque factum fuerit, vel cùm incertum sit qualis futurus sit, qui nunc vel bonus vel malus apparet. Si ergo quispiam, verbi gratia, conuestus de stomacho ieiunare noluit: & tu non credens edacitatis id vitio tribueris, temerè iudicabis. Item si manifestam edacitatem ebriositatemque cognoueris, & ita reprehenderis quasi nunquam ille possit corrigi atque mutari, nihilominus temerè iudicabis. Non ergo reprehendamus ea quæ nescimus quo animo fiant; neque ita reprehendamus quæ manifesta sunt vt desperemus sanitatem. Euitabimus iudicium, de quo nunc dicitur: *Nolite iudicare ne iudicetur de vobis.*

Potest autem mouere quod ait: *In quo enim iudicio iudicaueritis, iudicabitur de vobis, &c.* Nūquid enim si nos in iudicio temerario iudicauerimus, temerè etiam de nobis Deus iudicabit? Aut nunquid si mensura iniqua mensi fuerimus, apud Deum iniqua mensura est vnde nobis remetietur? Nam & mensuræ nomine ipsum iudicium significatum arbitror. Nullo modo Deus vel temerè iudicat, vel iniqua mensura cuiquam rependit. Sed hoc dictum est, quoniam temeritas qua punis alium, eadem ipsa te puniat necesse est. Nisi fortè arbitrandum est quòd iniquitas ei noceat aliquid in quem procedit, ei autem nihil à quo procedit: imò verò saepe nihil nocet ei qui patitur iniuriam, ei autem qui facit necesse est vt noceat. Quid enim nocuit Martyribus iniquitas persecutorum? Ipsi autem persecutoribus plurimum. Quia etsi aliqui eorum correkti sunt, eo tamen tempore quo perlequebantur, exerceauit illos malitia eorum. Sic & temerarium iudicium plerumque nihil nocet ei de quo temerè iudicatur, ei autem qui temerè iudicat ipsa temeritas necesse est vt noceat. Istà regulà etiam illud dictum arbitror, Omnis qui percusserit gladio, gladio morietur. Quàm multi enim gladio percutiunt, nec tamen in gladio moriuntur, si-

Matt. 7.1.

Mat. 26 52.

cut neque ipse Petrus. Sed ne istum dicere venia peccatorum talem euasisse pœnam quis putet : quauquam nihil absurdius, quàm vt maiorem putet gladio pœnam esse potuisse, quæ Petro non accidit, quàm crucis quæ accidit: quid tamen de latronibus dicturus est, qui cum Domino crucifixi sunt, quia & ille qui meruit veniam, posteaquam crucifixus est meruit, & alter omnino non meruit? An fortè omnes quos occiderant, crucifixerant, & propterea hoc etiam ipsi pati meruerant? Ridiculum est hoc putare. Quid ergo aliud dictum est: *Omnis enim qui in gladio percusserit, gladio morietur: nisi quia ipso peccato anima moritur, quodcunque commiserit?*

Et quoniam de temerario & iniquo iudicio hoc loco Dominus monet, vult enim vt simplici corde, & in vnum Deum intuenti faciamus quæcunque facimus, & multa incertum est quo animo fiant, de quibus iudicare temerarium est. Maxime autem hi temerè iudicant de incertis, & facile reprehendunt, qui magis amant vituperare & damnare, quàm emendare atque corrigere, quod vitium vel superbix est, vel inuidentiæ. Et consequenter subiecit & dicit:

Cap. xix.
Matt. 7. 1. *QVID autem vides festucam in oculo fratris tui, trabem autem in oculo tuo non vides? Vt si fortè verbi gratia, ira ille peccauit, tu odio reprehendas. Quantum autem inter festucam & trabem, quasi tantum inter iram distat & odium. Odium enim est ira inueterata, quasi quæ vetustate ipsa tantum robur acceperit, vt merito appelletur trabes. Fieri autem potest, vt si irasceris homini, velis eum corrigi. Si autem oderis hominem, non potes eum velle corrigere: Quomodo enim dicis fratri tuo; Sine eijciam festucam de oculo tuo, & ecce trabes est in oculo tuo? Hypocrita, eijce primum trabem de oculo tuo, & reliqua: id est, primò abs te expelle odium, deinde poteris iam eum quem diligis emendare. Et bene ait, Hypocrita. Accusare enim vitia, officium est bonorum virorum & beneuolorum. Quod cum malefici agunt, alienas partes agunt: sicut hypocritæ, qui tegunt sub persona quod sunt, & ostendunt in persona quod non sunt. Hypocritarum ergo nomine simulatores acciperis.*

Et est verè multùm cauendum & molestum simulatorum genus,

genus, qui cū omnium viriorū accusationes odio & liuore suscipiant, etiā consolatores videri se volunt. Et ideo piē cauteque vigilandum est, vt cū aliquem reprehendere vel obiurgare nos necessitas coegerit, primū cogitemus verum tale sit virium quod nunquam habuimus, vel quo iam caruimus. Et si nunquam habuimus, cogitemus & nos homines esse, & habere potuisse. Si verò habuimus, & non habemus, rangar in memoriam communis fragilitas, vt illam reprehensionem aut obiurgationem non odium, sed misericordia præcedat: vt siue ad correptionem eius, propter quem id facimus, siue ad peruersionem valuerit, nam incertus est exitus, nos tamen de simplicitate oculi nostri securi simus. Si autem cogitantes nosmetipsos inuenerimus in eo esse virio, in quo est ille quem reprehendere parabamus, non reprehendamus neque obiurgemus, sed tamen congemiscamus: & non illum ad obtemperandum nobis, sed pariter cauendum inuitemus.

Nam & illud quod dicit Apostolus: *Factus sum Iudæis tanquam Iudæus, vt Iudæos lucrifacerem. Hīs qui sub lege erant, quasi sub lege essem, cū non sim ipse sub lege, vt eos qui sub lege erant lucrifacerem: Hīs qui sine lege sunt, quasi sine lege, cū sine lege Dei non essem, sed sim in lege Christi, vt lucrifacerem eos qui sine lege sunt. Factus sum infirmis infirmus, vt infirmos lucrifacerem: omnibus omnia factus sum, vt omnes lucrifacerem, non vtique simulatione faciebat, quemadmodum alij intelligi volunt vt eorum detestanda simulatio tanti exempli auctoritate munia-
2. Cor. 9. 20.
 tur. Sed hoc faciebat charitate, qua eius infirmitatem, cui volebat subuenire, tanquam suam cogitabat. Hoc enim præstruxit dicendo: *Cū enim liber sim ex omnibus, me omnium seruum feci, vt plures lucrifacerem.* Quod vt intelligas non simulatione, sed charitate fieri, qua infirmis hominibus tanquam nobis, compatiatur, ita monet alio loco, dicens: *Vos in libertate vocati estis, fratres, tantū ne libertatem in occasionem carnis detis, sed per charitatem seruite inuicem.* Quod fieri non potest, nisi alterius infirmitatem quisque habeat quasi suam, vt eam æquanimiter ferat, donec ab ea liberetur ille, cuius curat salutem.*

Rarò ergo & in magna necessitate obiurgationes adhiben-

*Vide lib. 1.
Retrac. c. 10.*

dæ sunt: ita tamen ut etiam in his ipsis non nobis, sed Domino ut seruiatur, instemus. Ipse est enim finis, ut nihil duplici corde faciamus, auferentes trabem de oculo nostro inuidentiæ vel malitiæ vel simulationis, ut videamus eicere festucam de oculo fratris. Videbimus enim eam oculis columbæ, qualis in sponsa Christi prædicatur, quam sibi elegit Deus gloriosam Ecclesiam non habentem maculam neque rugam, id est, mundam & simplicem. Sed quoniam potest nonnullos Dei præceptis obtemperare cupientes, nomen simplicitatis decipere, ut sic putent vitiosum esse aliquando verum occultare, quomodo vitiosum est aliquando falsum dicere, atque hoc modo aperiendo ea quæ hi quibus aperiuntur sustinere non possunt, ampliùs noceant quam si ea penitus semperque occultarent, rectissimè subiungit:

*Cap. 12.
Matt. 7. 6.
Ioan. 16. 1.*

NOLITE sanctum dare canibus, neque miseritis margaritas vestras ante porcos. Quia Dominus quamuis nihil mentitus sit, vera tamen aliqua occultare se ostendit dicens; *Adhuc multa habeo vobis dicere, sed adhuc non potestis illa portare.* Et Apostolus: *Non potui, inquit, vobis loqui quasi spiritualibus, sed quasi carnalibus, sicut parvulis in Christo lac vobis posui non escam. Neque enim poteratis, sed & nunc non potestis. Adhuc enim estis carnales.* In hoc autem præcepto quo prohibemur sanctum dare canibus, & mittere ante porcos margaritas nostras, diligenter quærendum est quid sanctum sit, quid margaritæ, quid canes, quid porci. Sanctum est, quod violare atque corrumpere nefas est, cuius utique sceleris conatus & voluntas tenetur rea: quamuis illud sanctum naturâ inuiolabile atque incorruptibile maneat. Margaritæ autem, quæcunque spiritualia magna æstimanda sunt, & quia in abdito latent, tanquam de profundo eruuntur, & allegoriarum integumentis quasi apertis conchis inveniuntur.

Licet itaque intelligi, quod vna eademque res & sanctum & margarita dici possit. Sed sanctum ex eo quod non debet corrumpi, margarita ex eo quod non debet contemni. Conatur autem unusquisque corrumpere quod non vult esse integrum: contemnit verò quod vile ducit, & quasi infra se existimat esse, & idè calcari dicitur quicquid contemnitur. Quapropter canes quoniam exiliunt ad dilacerandum, quod

autem dilacerant integrum esse non sinunt. *Nolite*, inquit, *sanctum dare canibus*: quia & si dilacerari & corrumpi non potest, & manet integrum atque inuiolabile: illi tamen qui velent, cogitandum est, quod acriter atque inimicissimè resistunt, & quantum in ipsis est si fieri possit conantur perimere veritatem. Porci verò quamvis non ita ut canes morfu appetant, passim tamen calcando inquinant. *Neque ergo miserris*, inquit, *ante porcos margaritas vestras*. Canes ergo pro oppugnatorebus veritatis, porcos pro contemptoribus non incongruè accipimus.

Quod autem ait, *Conuersi dirumpant vos*, non ait ipsas margaritas dirumpant: illas enim conculcant etiam cùm conuertuntur vt adhuc aliquid audiant, dirumpunt autem eum à quo iam missas margaritas conculcauerunt. Non enim facile inueniris quod gratum ei esse possit, qui margaritas conculcauerit, id est, cùm magno labore diuina inuenta contempserit. Qui autem tales docent, quomodo non dirumpantur indignando & stomachando, non video: verumque autem animal immundum est, & canis & porcus. Cauendum est ergo ne quid aperiatur ei qui non capit, meliùs enim querit quod clausum est, quam id quod apertum est aut infestare aut negligit. Neque verò alia causa reperitur, cur ea quæ manifesta & magna sunt, non accipiantur præter odium & contemptum, quorum propter vnum canes, propter alterum porci nominati sunt. Quæ tamen omnis immunditia rerum temporalium dilectione concipitur, id est, dilectione huius seculi, cui iubemur renuntiare vt mundi esse possimus. Qui ergo mundum & simplex cor habere appetit, non debet libere videri si aliquid occultat, quod ille cui occultat capere non potest. Nec ex eo arbitrandum est licere mentiri: non enim est consequens, vt cùm verum occultatur, falsum dicatur. Agendum ergo primùm est, vt impedimenta detrahantur quibus efficitur vt non capiat; quia vtique si propter sordes non capit, mundandus est vel verbo vel opere, quantum fieri à nobis potest.

Quòd autem Dominus noster quædam dixisse inuenitur, quæ multi qui aderant, vel resistendo vel contemnendo non acceperunt, non putandus est sanctum dedisse canibus, aut

margaritas misisse ante porcos: non enim dedit eis, qui capere non poterant, sed eis qui capere poterant, & simul aderant: quos propter aliorum immunditiam negligi non oportebat. Et cum eum tentatores interrogabant, respondebatque illis ita, vt quod contradicerent non haberent, quamuis venenis suis contabescerent potius, quàm illius cibo saturarentur, alij tamen qui poterant capere, ex illorum occasione multa vtiliter audiebant. Hoc dixi, ne quis fortè, cum interrogatus respōdere non poterit, hac sententia sibi excusatus videatur, si dicat, nolle se sanctū dare canibus, vel ante porcos mittere margaritas. Qui enim nouit quid respōdeat, debet respōdere vel propter alios, quibus desperatio suboritur, si propositā quæstionem solui non posse crediderint: & hoc de rebus vtilibus, & ad instructionē salutis pertinentibus. Multa sunt enim, quæ inquiri ab otiosis possunt, superuacua, & inania, & plerumque noxia, de quibus tamen non uihil dicendum est; sed hoc ipsum aperiendum & explicandum, cur inquiri talia non oporteat. De rebus verò vtilibus aliquando ad id respondendum est, quod interrogamur: sicut Dominus fecit, cum eum Saducæi de muliere interrogassent, quæ septem viros habuit, cuius eorum in resurrectione futura esset. Respondit enim quod in resurrectione neque vxores ducent, neque nubent, sed erunt sicut Angeli in cælis. Aliquando autem ille, qui interrogat, interrogandus est aliud: quod si dixerit, ipse sibi ad id quod interrogabat, respondeat. Si autem dicere noluerit, non videatur his qui assunt iniustum, si & ipse quod interrogauit non audiat. Nam & Pharisei cum interrogauerunt tentantes, vtrum reddendum esset tributum, interrogati sunt aliud: id est cuius haberet nummus imaginem, qui ab ipsis prolatus est. Et quia dixerunt quod interrogati erant, id est, Cæsaris imaginem habere nummum, ipsi sibi quodammodò responderunt id quod Dominum interrogauerant. Itaque ille ex eorum responsione ita conclusit: *Reddite ergo Cæsari quod Cæsaris est, & Deo quod Dei est.*

§ Cum autem Principes Sacerdotum, & seniores populi interrogassent, in qua potestate illa faceret, interrogauit eos de baptismo Ioannis: & cum nollent dicere, quod contra se videbant dici, de Ioanne autem nihil maledicere audebant

Mat. 22. 21.

Mat. 22. 29.

Luc. 20. 28.

Mat. 22. 26.

Mat. 22. 27.

propter circumstantes: *Nec ego vobis dicam*, inquit, *in qua potestate hac facio*, quod iustissimum apparuit circumstantibus. Hoc enim se dixerunt nescire, quod sciebant, sed dicere volebant. Et reuera iustum erat, ut qui sibi volebant responderi quod interrogauerant, prius ipsi facerent quod erga se fieri postulabant. Quod si fecissent, ipsi sibi utique respondissent. Ipsi enim miserant ad Ioannem quærentes quis esset: vel potius ipsi missi erant Sacerdotes & Levitæ, putantes, quod ipse esset Christus; quod ille se negauit esse, & de Domino testimonium perhibuit: de quo testimonio si confiteri vellent, ipsi se docerent in qua potestate illa faceret Christus, quod quasi nescientes interrogauerunt, ut calumniandi aditum reperirent. Cum igitur præceptum esset, ne sanctum daretur canibus, & margaritæ ante porcos mittantur, potuit auditor occurrere & dicere, conscius ignorantiaæ atque infirmitatis suæ: & audiens præcipi sibi ne hæc daret, quæ seipsum nondum accepisse sciebat. Potuit ergo occurrere ac dicere: Quid sanctum me dare canibus, & quasi margaritas me mittere ante porcos vetas, cum adhuc ea me habere non videam? Opportunissimè subiecit, dicens.

Ioan. 1. 39.

PETITE, inquit, & *dabitur vobis; quæ ite, & inuenietis: pulsate, & aperietur vobis*. Petitio pertinet ad impetrandam sanitatem firmitatemque animi, ut ea quæ præcipiuntur, implere possimus, inquisitio autem ad inueniendam veritatem. Cum enim beata vita actione & cognitione compleatur, actio facultatem virium, contemplatio manifestationem rerum desiderat. Horum ergo primum petendum, secundum quærendum, ut illud detur, hoc inueniatur; sed cognitio in hac vita viæ priusquàm ipsius possessio est; sed cum quisque veram viam inuenerit, perueniet ad ipsam possessionem, quæ tamen pulsanti aperietur. Ut ergo tria ista, id est, petitio, inquisitio, pulsatio, manifesta fiant, sub aliquo exemplo ponamus. Videmus aliquem infirmis pedibus ambulare non posse, prius ergo sanandus est, & firmandus ad ambulandum, & ad hoc pertinet, quod dicit, *Petite*. Quid autem prodest quod ambulare iam, vel etiam currere potest, si per devia itinera errauerit? Secundum est ergo, ut inueniat viam quæ ducat eum quod vult percuire: quam cum tenuerit & per-

Cap. xxx.
Mat. 7.
Vide lib. 1.
Retrac. 9.

al. * perue-
nuerit ad
eum.

egerit *, cum ipsum locum, vbi habitare vult, si clausum in-
uenerit, neque ambulare potuisse, neque pertexisse ac per-
uenisse profuerit, nisi aperiatur, ad hoc pertinet quod dictum
est, *Pulsate*. Magnam autem spem dedit & ille qui promit-
tendo non decipit. Ait enim: *Omnis qui petit, accipit; & qui
querit, inuenit; & pulsanti aperiatur*. Ergo perseuerantia opus
est, vt accipiamus quod petimus, & inueniamus quod qua-
rimus, & quod pulsamus aperiatur.

Quemadmodum autem egit de volatilibus cæli & de liliis
agri, ne victum nobis vestitumque desperaremus adfuturum,
vt spes à minoribus ad maiora confurgeret, ita & hoc loco:
*Aut quis erit ex vobis, inquit, homo, quem si petierit filius suus pa-
nem, nunquid lapidē porrigit ei? Aut si pisce m petierit, nunquid ser-
pentem porrigit ei? & reliqua*. Quomodo mali dant bona? Sed
malos appellat dilectores adhuc seculi huius & peccatores:
bona verò quæ dant, secundum eorum sensum bona dicenda
sunt, quia hæc pro bonis habent. Quanquam & in rerum
natura ista bona sint, sed temporalia ad istam vitam infirmam
pertinentia, & quisquis ea malus dat, non de suo dat: *Domini
est enim terra & plenitudo eius, qui fecit calum & terram, mare &
omnia quæ in eis sunt*. Quantum ergo sperandum est daturum
Deum nobis bona petentibus, nec nos posse decipi, vt acci-
piamus aliud pro alio cum ab ipso petemus, quando etiam
nos cum simus mali nouimus id dare quod petimur. Non
enim decipimus filios nostros, & qualiacunque bona damus,
non de nostro, sed de ipsius damus. Firmitas autem & va-
lencia quædam ambulandi per sapientiæ viam, in bonis mo-
ribus constituta est, qui perducuntur vsque ad mundationem
simplicitatēque cordis, de qua iam diu loquens ita conclu-
dit:

Psal. 23. 1.
Psal. 145. 6.

Cap. xxii.
Matt. 7. 12.

OMNIA ergo quæcunque vultis vt faciant vobis homines bona,
ita & vos facite illis, hæc est enim lex & Propheta. In exemplari-
bus Græcis sic inuenimus: Omnia ergo quæcunque vultis vt
faciant vobis homines, ita & vos facite illis. Sed ad mani-
festationem sententiæ puto à Latinis additum, bona. Oc-
currebat enim, quid si quisquam flagitiosè aliquid erga se
fieri vellet, & ad hoc referat istam sententiam? Veluti si velit
aliquis prouocari vt immoderatè bibat & se ingurgitet pocu-

lis, & hoc prior illi faciat à quo sibi fieri cupit. Ri liculum est hunc putare istam implevisse sententiam. Cùm ergo hoc moueret, vt arbitror, additum est ad manifestationem rei vnum verbum, vt posteaquam dictum est: *Omnia quaecunque vultis vt faciant vobis homines*, adderetur *bona*. Quod si deest exemplaribus Græcis, etiam illa emendanda sunt. Sed quis hoc audeat? Intelligendum est ergo, plenam esse sententiam, & omnino perfectam, etiam si hoc verbum non addatur. Id enim quod dictum est; *Omnia quaecunque vultis*, non vscitatè ac passim, sed propriè dictum accipi oportet. Voluntas namque non est nili in bonis. Nam in malis flagitiosisque factis cupiditas propriè dicitur, non voluntas. Non quia sic semper loquantur Scripturæ, sed vbi oportet, ita omnino proprium verbum tenent, vt non aliud sinant intelligi.

Videtur autem hoc præceptum ad dilectionem proximi pertinere, non etiam ad Dei, cùm alio loco duo præcepta esse dicat, *in quibus tota lex pendet & Propheta*. Nam & si dixisset, omnia quaecunque vultis fieri vobis, hæc vos facite: hac vna sententia vtrunque illud præceptum complexus esset. Citò enim diceretur, diligere se velle vnumquemque & à Deo, & ab hominibus. Cùm itaque & hoc ei præciperetur, vt quod sibi fieri velit, hoc faceret; id vtrique præciperetur, vt diligeret Deum & homines. Cùm verò expressius de hominibus dictum est, *Omnia quaecunque vultis vt faciant vobis homines*, ita & vos facite illis: nihil aliud dictum videtur, quàm diliges proximum tuum sicut teipsum. Sed non est negligenter attendendum quod subiicit: *Hæc est enim lex & Propheta*. In his autem duobus præceptis, non tantum ait, lex pendet & Prophetæ, sed etiam addidit, *tota lex & Propheta*, pro eo quod est omnis prophetia. Quod cùm hic non addidit, seruauit locum alteri præcepto, quod ad dilectionem Dei pertinet.

Hic autem quoniam præcepta simplicis cordis exiguntur, & erga eos metuendum est ne habeat quis duplex cor, quibus occultari cor potest, id est, erga homines, id ipsum præcipiendum fuit. Nemo enim ferè est qui velit quinquam duplici corde secum agere. Id autem fieri non potest, id est, vt simplici corde homo homini aliquid tribuat, nisi ita tribuat

Oculus cor-
dis.

Matt. 5. 8.

Cap. xxiii
Mat. 7. 13.
Mat. 11. 28.

vt nullum ab eo temporale commodum expectet, & ea intentione faciat de qua superius satis tractauimus, cum de oculo simplici loqueremur. Mundatus ergo oculus simplexque redditus, aptus & idoneus erit ad intuendam & contemplandam interiorum lucem suam. Ille enim oculus cordis est. Hunc enim talem oculum habet ille qui finem bonorum operum suorum, vt verè bona opera sint, non in eo constituit vt hominibus placeat; sed etiam si prouenerit vt eis placeat, ad eorum salutem potius hæc refert & ad gloriam Dei, non ad inanem iactantiam suam. Neque propterea boni aliquid ad salutem proximi operatur, vt ex eo comparet ea quæ huic vitæ transigendæ sunt necessaria; neque temere animum hominis voluntatēque contemnit in eo facto in quo non apparet quo animo & voluntato sit factum: & quicquid officiorum exhibet homini, hac intentione exhibet, qua sibi exhiberi vult, id est, vt non ab eo aliquid commodi temporalis expectet. Ita erit cor simplex & mundum in quo queritur Deus. *Beati ergo mundo corde, quoniam ipsi Deum videbunt.* Sed hoc quia paucorum est, iam incipit de inuestiganda & possidenda sapientia loqui, quod est lignum vitæ: cui utique inuestigandæ ac possidendæ, id est, contemplandæ, talis oculus per omnia superiora perductus est, quo videri iam possit & arcta via & angusta porta.

QUIA ergo deinceps dicit, *Intrate per angustam portam, quia lata porta,* & reliqua: non idèd dicit, quia iugum Christi asperum est & sarcina grauis, sed quia labores finire pauci volunt, minus credentes clamanti: *Venite ad me omnes qui laboratis & ego reficiam vos. Tollite iugum meum super vos,* & reliqua. Hinc ergo sermo sumplit exordium de humilibus & mitibus corde, quoniam iugum lene & leuem sarcinam multi reperiunt, pauci subeunt: eo quòd sit arcta via quæ ducit ad vitam, & angusta porta qua intratur in eam. Hic ergo illi qui promittunt sapientiam cognitionēque veritatis quam non habent, præcipuè cauendi sunt, sicut sunt hæretici, qui se plerumque paucitate commendant. Et idèd cum dixisset, paucos esse qui inueniunt angustam portam & arctam viam, ne se illi supponant nomine paucitatis, statim subiecit:

CAVETE

C A V E T E à psendoprophetis qui veniunt ad vos in vestitu ovium, intrinsecus autem sunt lupi rapaces. Sed isti non fallunt oculum simplicem, qui arborem dignoscere ex fructibus novit. Ait enim: *Ex fructibus eorum cognoscetis eos.* Deinde similitudines adiungit: *Nunquid colligunt de spinis vvas, aut de tribulū ficus? Sic omnis arbor bona, fructus bonos facit: mala autem arbor, malos fructus facit, & reliqua.* Quo loco illorum error maximè cauendus est, qui de ipsis duabus arboribus duas naturas opinantur esse: quarum vna sit Dei, altera verò neque Dei neque ex Deo. De quo errore & aliis libris disputatum est vberius, & si adhuc parum est, disputabitur. Nunc autem, non eos adinuare duas istas arbores, docendum est. Primum, quia de hominibus eum dicere iam clarum est, ut quisquis præcedentia & sequentia legerit, miretur eorum cæcitatem. Deinde attendunt quod dictum est: *Non potest arbor bona fructum malos facere, neque arbor mala fructum bonos facere.* Et ideo putant neque animā mala fieri posse ut in melius commutetur, neque in deterius bonā: quasi dictum sit, Non potest arbor bona mala fieri, neque arbor mala bona fieri, sed dictum est: *Non potest arbor bona malos fructus facere, neque arbor mala bonos fructus facere.* Arbor est quippe ipsa anima, id est, ipse homo, fructus verò opera hominis. Non ergo potest malus homo bona operari, neque bonus mala. Malus ergo si vult bona operari, prius bonus fiat.

Sic alio loco euidentius dicit ipse Dominus: *Aut facite arborem bonam, & fructus eius bonos: aut arborem malam, & fructus eius malos.* Quod si duas naturas istorum, his duabus arboribus figuraret, non diceret, *facite*. Quis enim hominum, potest facere naturam? Deinde etiam ibi, cum ipsarum duarum arborum mentionem fecisset, subiecit: *Hypocrita, quomodo potestis bona loqui, cum sitis mali?* Quandiu ergo quisque malus est, non potest facere fructus bonos. Si enim bonos fructus fecerit, iam malus non erit. Sic verissimè dici potuit, non potest esse nix calida, cum enim calida esse cœperit, non iam niuem, sed aquam vocamus. Potest ergo fieri, ut quæ nix fuit, non sit non autem potest fieri, ut nix calida sit. Sic potest fieri, ut qui malus fuit, non sit malus, non tamen fieri potest ut malus bene faciat. Qui etiam si aliquando utilis sit, non hoc ipse facit, sed

fit de illo diuina prouidentia procurante, sicut de Phariseis dicit: *Quæ dicunt facite, quæ autem faciunt, facere nolite.* Hoc ipsum quoddam bona dicebant, & ea quæ dicebant vtiliter audiebantur & fiebant, non erat ipsorum: *Cathedram enim,* inquit, *Moyſiſedent.* Per diuinam ergo prouidentiam legem Dei prædicantes, possunt esse audientibus viles, cum ipsi sibi non essent. De talibus alio loco per Prophetam dictum est: *Seminastis triticum & spinas metetis,* quia bona præcipiunt & mala faciunt. Non ergo qui eos audiebant & faciebant quæ eis dicebantur, de spinis legebant vvas, sed per spinas de vite legebant vvas: tanquam si manum aliquis per sepe mittit, ut cerre de vite quæ sepi fuerit incisa vva legat, non spinarum est fructus iste, sed vitis.

Rectissime sanè quæritur quos fructus nos attendere voluerit, quibus cognoscere arborem possimus. Multi enim quædam in fructibus deputant, quæ ad vestitum ouium pertinent, & hoc modo à lupis decipiuntur: sicuti sunt vel ieiunia, vel orationes, vel eleemosynæ, quæ omnia nisi fieri etiam ab hypocritis possent, non superius diceret: *Cauete iustitiam vestram facere coram hominibus ut videamini ab eis.* Quæ sententia præposita, ipsa tria exequitur, eleemosynam, orationem, ieiunium. Multi enim multa pauperibus, non misericordia, sed ambitione largiuntur. Et multi orant vel potius videntur orare, non intuentes Deum, sed hominibus placere cupientes. Et multi ieiunant & mirabilem abstinentiam prætendunt eis quibus ista difficilia videntur, & honore digna existimantur: & huiusmodi dolis eos capiunt, dum aliud ostentant ad decipiendum, aliud exerunt ad depradandum, vel interficiendum eos qui sub vestitu ouino lupos videre non possunt. Hi ergo non sunt fructus de quibus cognosci arborem monet. Ista enim cum bono animo in veritate fiunt, propriæ sunt ouibus vestes, cum autem malo in errore, non aliud quàm lupos tegunt. Sed non ideo debent oues odisse vestimentum suum, quia plerumque illo se occultant lupi.

Qui sunt ergo fructus quibus inuentis cognoscamus arborem malam, dicit Apostolus: *Manifesta autem sunt opera carnis, quæ sunt fornicationes, immundities, luxuria, idolorum seruitus, ve-*

neſicia, inimicit. s. contentiones, amulationes, animofitates, diſſenſiones, hereſes, inuidia, ebrietates, comefſationes, & his ſimilia, quæ prædico vobis ſicut præiixi, quoniam qui talia agunt regnum Dei non confequentur. Et qui ſunt fructus per quos cognofcimus arborem bonam, idem ipſe Apoſtolus conſequenter dicit: *Fructus aut. m. Spiritus eſt charitas, gaudium, pax, longanimitas, benignitas, bonitas, fides, manſuetudo, continentia.* Sanè ſciendum eſt, hic gaudium propriè poſitum; mali enim homines non gaudere, ſed geſtire dicuntur propriè, ſicut ſuperius diximus voluntatem propriè poſitam, quam non habent niali, vbi dictum eſt: *Omnia quæcunque vultis, & reliqua.* Ex iſta proprietate verbi qua gaudium non dicitur niſi in bonis, etiam Prophe- ta loquitur dicens: *Non eſt gaudere impijs, dic. t. Dominus.*

1Co. 5. 7.

Ita quoque poſita eſt fides, non quæcunque vtrique ſed vera fides: & cætera quæ hic poſita ſunt, habent quasdam inagines ſuas in malis hominibus & deceptoribus, vt omnino fallant, niſi quiſque iam mundum oculum & ſimplicem habuerit, quo iſta cognoscat. Optimo itaque ordine primo actum eſt de mundando oculo, & deinde dicta ſunt quæ cauerentur. Sed quoniam quamvis quiſque oculo mundo ſit, id eſt, ſimplici & ſincero corde viuatur, non poteſt tamen cor alterius in- tueri: quæcunque in factis vel dictis apparere non potuerunt, tentationibus aperiuntur. Tentatio autem duplex eſt, aut in ſpe adipiſcendi aliquod commodum temporale, aut in terrore amittendi. Et maximè cauendum eſt, ne tendentes ad ſapi- entiam, quæ in ſolo Chriſto inueniri poteſt, in quo ſunt omnes theſauri ſapientie & ſcientie abſconditi. Cauendum ergo eſt ne pro Chriſti nomine ab hæreticis, vel quibuſlibet malè intelli- gentibus & ſeculi huius amatoribus decipiamur. Nam ideo ſequitur & monet dicens:

Col. 2. 3.

NON omnis qui dicit mihi Domine, Domine, intrabit in regnum calorum, & reliqua: ne putemus ad illos fructus pertinere, ſi quis Domino noſtro dicat, Domine, Domine, & ex eo nobis arbor bona videatur. Sed illi ſunt fructus, *facere voluntatem Patris mei qui eſt in calis,* cuius faciendæ ſeipſum exemplum præbere dignatus eſt. Sed meritò poteſt mouere, quomodo huic ſententiæ conueniat illud Apoſtoli vbi ait: *Nemo in ſpiritu Dei loquens dicit anathema IESU: & nemo poſeſt dicere, Domi-*

Cap. xiv.
Mat. 23. 34.]

us Iesus, nisi in Spiritu sancto : quia neque aliquos habentes Spiritum sanctum possumus dicere non introituros in regnū cælorum si perseverauerint vsque in finem ; neque illos qui dicunt Domine Domine , & tamen non intrant in regnum cælorum, possumus dicere habere Spiritum sanctum. Quomodo ergo nemo dicit, Dominus Iesus, nisi in Spiritu sancto, nisi quia propriè Apostolus posuit verbum quod est, dicit, ut significet voluntatem atque intellectum dicentis? Dominus verò generaliter posuit verbum quod ait : *Non omnis qui dicit* , & reliqua. Videretur enim dicere etiam ille qui nec vult nec intelligit quod dicit : sed ille propriè dicit, qui voluntatem ac mentem suam sono vocis enuntiat. Sicut paulò ante quod dictum est , gaudium in fructibus Spiritus sancti, propriè dictum est , non eo modo quo alibi dicitur idem Apostolus : *Non gaudet super iniquitatem* , quasi quisquam possit super iniquitatem gaudere : quia illa elatio est animi turbide gestientis, non gaudium, nam hoc soli boni habent. Ergo dicere videntur etiam illi qui non hoc quod sonant dicere videntur, & intellectu cernunt & voluntate agunt, sed voce tantum sonant, secundum quem modum Dominus ait : *Non omnis qui dicit*. Verè autem ac propriè illi dicunt, à quorum voluntate ac mente non abhorret prolatio sermonis sui , secundum quam significationem dicit Apostolus : *Nemo potest dicere, Dominus Iesus, nisi in Spiritu sancto*. Atque illud ad rem maximè pertinet ne decipiamur tendentes ad contemplationem veritatis, non solum nomine Christi, per eos qui nomen habent & facta non agunt, sed etiam quibusdam factis atque miraculis : qualia propter infideles cum fecerint, Dominus monuit tamen ne talibus decipiamur, arbitantes ibi esse inuisibilem sapientiam, ubi miraculum visibile viderimus.

Adiungit ergo & dicit : *Multi mihi dicent in illa die, Domine Domine, Nonne in nomine tuo demonia eiecimus?* & reliqua. Non ergo cognoscat nisi eum qui operatur æquitatem. Nam & ipsos discipulos suos prohibuit gaudere ex talibus, id est, quia demonia illis subiecta fuerunt. *Sed gaudete*, inquit, *quia nomina vestra scripta sunt in cælis*. Credo in illa ciuitate Hierusalem quæ est in cælis, in qua non nisi & iusti & sancti regnabunt.

An nescitis, ut ait Apostolus, quoniam iniqui regnum Dei non possidebunt? Sed fortasse quis dicat, non posse iniquos visibilia illa miracula facere, & mentiri potius illos credat, qui dicturi sunt, in nomine tuo prophetauimus & demonia eiecimus & virtutes multas fecimus. Legat ergo quanta fecerint resistentes famulo Dei Moyse magi Ægyptiorum: aut si hoc non vult legere quod non in nomine Christi fecerunt, legat quæ ipse Dominus dicit de pseudoprophetis: Tunc si quis vobis dixerit, Ecce hic est Christus, nolite credere: surgent enim pseudochristi & pseudoprophetae, & dabunt signa magna, ita ut in errorem ducantur etiam electi: ecce praxi vobis.

1. Cor. 1. 9.

Mat. 24. 24.

1. Tim. 1.

Quàm ergo mundo & simplici oculo opus est, ut inueniatur via sapientiæ, cui tantæ malorum & peruerforum hominum deceptiones erroresque obstrepunt, quos omnes euadere, hoc est venire ad certissimam pacem & immobilem stabilitatem sapientiæ. Vehementer enim metuendum est, ne studio altercandi & contendendi quisque non videat quod à paucis videri potest, ut paruus sit strepitus contradicentium, non isti etiam sibi ipsi obstrepant. Quod pertinet etiam ad illud quod Apostolus dicit: Seruum autem Domini non oportet litigare, sed mitem esse ad omnes, docibilem, patientem, in modum ista corripientem diuersa sentientes, ne forte det illis Deus penitentiam ad cognoscendam veritatem. Beati ergo pacifici quoniam filij Dei vocabuntur.

Conclusio ergo huius totius sermonis quàm terribiliter inferatur, valde attendendum est. Omnis ergo, inquit, qui audit verba mea hæc & facit ea, similis est viro sapienti qui adificauit domum suam super petram. Non enim quisque firmat quæ audit vel percipit, nisi faciendo. Et si petra Christus est, sicut multa scripturarum testimonia prædicant, ille ædificat in Christo, qui quod audit ab illo, facit. Sequitur: Descendit pluuia, venerunt flumina, & flauerunt venti, & irruerunt in domum illam, & non potuerunt illam mouere, fundata enim erat supra petram. Non ergo iste metuit vllas caliginosas superstitiones. Quid enim aliud intelligitur pluuia, quum in mali alicuius significatione ponitur? Aut ruina hominum, quos ventis comparatos puto. Aut vitæ huius fluuium, carnalibus concupiscentiis tanquam fluentem super terram vel petram. Horum enim trium.

qui prosperitatibus inducitur, aduersitatibus frangitur: quorum nihil metuit, qui fundatam habet domum super petram; id est, qui non solum audit præcepta Domini, sed etiam facit. Et his omnibus periculosè subiaceret, qui audit & non facit, non habens stabile fundamentum, sed audiendo & non faciendo ruinam ædificat.

Ait enim consequenter: *Et omnis qui audit verba mea hæc & non facit ea, & reliqua, vsque; Et factum est quum consummasset IESVS verba hæc, admirabantur turba super doctrinam eius: erat enim docens eos sicut potestatem habens, non quasi Scriba eorum ex Pharisei.* Hoc est quod antè dicit per Prophetam esse significatum in Psalmis, cum diceret: *Fiducialiter agam in eo: eloquia Domini eloquia casta, argentum igne examinatum, probatum terræ, purgatum septuplum.* Propter quem numerum admonitus sum etiam præcepta ista ad septem illas referre sententias, quas in principio sermonis huius posuit de beatis quum diceret: & ad alias septem illas operationes Spiritus sancti, quas Iſayas Prophetam commemorat: sed siue iste ordo in his considerandus sit, siue aliquis alius, facienda sunt quæ audiuius à Domino, si volumus ædificare super petram.



S A N C T I
AVRELII AVGVSTINI
HIPPONENSIS EPISCOPI
DE DECEM CHORDIS LIBER.

*Citatur à Beda aliquoties : est etiam in Indiculo
apud Possidium.*

DOMINVS & Deus noster *misericos & miserator, longanimis, & multum misericos, & verax*: quàm largiter * prærogat misericordiam in præfenti seculo, tam seuerè minatur iudicium in futuro seculo. Verba quæ dixi, scripta sunt, & diuinis authoritatibus continentur, quia, *Misericos & miserator Dominus, longanimis & multum misericos & verax*. Multum delectat omnes peccatores & amatores huius seculi, quia *misericos & miserator Dominus, quia longanimis & multum misericos*. Sed si amas tam multa mitia: time ibi & vltimum quod ait, *& verax*. Si enim nihil aliud diceret, nisi *misericos & miserator Dominus, longanimis & multum misericos*, quasi iam conuerteres te ad securitatem & impunitatem, & ad licentiam peccatorum, & faceres quod velles: vtereris seculo vel quantum tibi permetteretur, vel quantum tibi libido iussisset. Et si quis bene te admonendo obiurgaret atque tetteret, vt cohiberes te ab immoderato fluxu, cundo post concupiscentias tuas & deferendo Deum tuum: inter medias voces obiurgantis obfisteres, impudenti quidem fronte, veluti audita diuina authoritate, & legeres de libro Dominico: Quid me tetres de Deo nostro? Ille mi-

Cap. 1.
De timēdo
diuino iu-
di. 10.
al. * proco.
p. 2.
1. Gal. 102. 8.
& 144. 8.
Vide tract.
ff. in Iuan-
neu.

Iſa. 41. 14.

Cap. II.
De compo-
nēda cauſa
cū a iuſſa-
rio in hac
breui vita.

feticors eſt, & miſerator, & multū miſericors. Ne talia ho-
mines dicerent, vnum verbum addidit in fine, quod ait, &
verax: & excuſſit lætitiā malè præſumentium, & induxit
timorem dolentium. Gaudeamus ad miſericordiam Domi-
ni; ſed timeamus iudiciū Domini. Patcit dum tacet. Ta-
cet, ſed ſemper non tacebit. Audi dum non tacet in verbo,
ne non tibi vacet audite dum non tacebit in iudicio.

MODO enim licet tibi cauſam tuam componere. Ante
vltimum iudiciū Dei tui compone cauſam tuam. Non eſt
vnde præſumas cū ille venerit: nec falſos teſtes adduces
quibus ille fallatur, nec patronos fraudulentis circumuentio-
nibus & linguoſis artibus adhibebis, nec ambies aliquo mo-
do, vt iudicem poſſis corrumpere. Quid ergo ages apud ta-
lem iudicem, quem nec fallere nec corrumpere poteris? Et
tamen eſt quod agas. Tunc enim ipſe erit iudex cauſæ tuæ,
qui modò eſt teſtis vitæ tuæ. Clamauimus & laudauimus,
componamus cauſam noſtram. Qui teſtis eſt operum noſtro-
rum, ipſe teſtis eſt vocum iſtarum. Non ſint inanes, conuet-
tantur ad gemitum. Tempus eſt concordandi cum aduerſa-
rio tuo citò. Tam longanimis eſt Deus videndo iniqua &
non puniendo, vt tamen citò ſit futurum iudiciū. More
quippe humanæ vitæ prolixum eſt, quod Deo breue eſt. Sed
& ipſi ſeculo & humano generi quod longè videtur, quid
conſolatur? Nunquid ſi totius generis humani vltimus dies
longè eſt, vniuſcuiusque dies vltimus longè eſt? Hoc dico, ex
Adam multi anni euoluti ſunt, multi anni fluxerunt, & dein-
ceps fluent: non quidem tam multi, ſed tamen vſque in fi-
nem ſeculi tranſibunt anni, ſicut & illi tranſietunt. Longum
videtur quod reſtat, quanquam non erit tantum quantum
tranſactum eſt: & tamen ex tranſacto præterito tempore, ſpe-
randus eſt ſinis reliqui temporis. Fuit tunc quidem dies qui
diceretur hodiernus, ex illo vſque ad hunc hodiernum, non-
ne quicquid fuit futurum, præteritum factum eſt; tale habe-
tur ac ſi non fuerit. Sic erit quicquid reſtat extremum. Sed
ſit & hoc longum, ſit prolixum, quantum putaueris, quan-
tum dixeris, quantum cogitaueris, quantum tibi non format
Scriptura, ſed fingit cogitatio, quantum vis diem iudicii pro-
longa, nunquid vltimum diem tuum, id eſt, vitæ tuæ quo
exiturus es de hoc corpore, producturus es in longum? Sic
tibi

tibi senectus certa, si potest, cui autem potest? Nonne ex quo homo incipit viuere, iam potest & mori? Possibilitatem mortis initium vitæ facit. In hac terra & in genere humano ille solus mori nondum potest, qui nondum cœpit viuere. Incertus ergo dies tanquam quotidianus sperandus est. Si autem tanquam quotidianus est incertus dies, componatur *cum aduersario dum est tecum in via*. Via enim vocatur hæc vita, per quam omnes transeunt, & non recedit iste aduersarius.

Matt. 5. 16.

Quis autem est iste aduersarius? Aduersarius iste non est diabolus: nam nunquam te hortaretur Scriptura, vt cum diabolo concordares. Est ergo alius aduersarius, quem sibi homo facit aduersarium: nam ille si aduersarius esset, tecum in via non esset. At hic est tecum in via, vt concordet tecum. Scit enim, quia nisi *in via secum concordaueris, iam tradet te iudici, index autem ministro, minister in carcerem*. Eloquia ista Euangelica sunt, recordantur nobiscum, vel qui legerunt, vel qui audierunt. Ergo quis est aduersarius? Sermo Dei. Sermo Dei aduersarius tuus est. Quare aduersarius tuus est? Quia contraria iubet quàm * tu facis. Dicit tibi: *Vnus est Deus tuus, vnum Deum cole*. Tu vis dimisso vno Deo tuo tanquam legitimo viro animæ, fornicari per multa dæmonia: & quod est grauius, non quasi apertè delerens & repudians, sicut apostatæ faciunt, sed tanquam manens in domo viri tui admittis adulteros, id est, tanquam Christianus non dimittis Ecclesiam, consulis mathematicos, aut aruspices, aut augures, aut maleficos, quasi de viri domo non recedens adultera anima, & manens in eius coniugio fornicaris. Dicitur tibi, *Ne accipias in vanum nomen Dei tui*: Ne existimes creaturam esse Christum, quia pro te suscepit creaturam: & tu contemnens eum qui æqualis est Patri, & vnus cum Patre. Dicitur tibi vt spiritualiter *obserues sabbatum*, non quomoddò Iudæi obseruant sabbatum carnali otio; vacare enim volunt ad nugas atque luxurias suas. Melius enim faceret Iudæus in agro suo aliquid vtile, quàm in theatro seditiosus existeret. Et melius fœminæ eorum die sabbati lanam facerent, quàm tota die in Neomeniis suis impudicè saltarent. Tibi autem dicitur vt bñserues spiritualiter sabbatum, in spe futura quietis, quam

Cap. 17.
Quare sermo D i sit
aduersarius
noster.
Mat. 5. 16.
Luc. 11. 18.

al. his que.
Deut. 6. 4.

al. eaim.

tibi promittit Dominus. Quisquis * autem propter illā quietem futuram agit quicquid potest , quamvis laboriosum videatur quod agit : tamen si ad fidem promissæ quietis id refert, nondum quidem sabbatum habet in re, sed habet in spe.

Ezo. 10. 11.

Tu autem ad hoc vis requiescere vt labores, cum ad hoc debeas laborare vt requiescas. Dicitur tibi, *Honora patrem tuum & matrem suam*; tu autem contumeliam irrogas parentibus, quam non vis pati à filiis tuis. Dicitur tibi, *Non occides* : tu autem occidere vis inimicum tuum? Et ideò fortè non facis, quia times iudicem hominem, non quia cogitas Deum: Ignoras, quia ille testis est cogitationum? Illo viuo quem vis mori, te homicidam tenet in corde. Dicitur tibi, *Non machaberis*, id est, non ibis ad aliquam aliam, præter vxorem tuam. Tu autem exigis hoc ab vxore, & non vis reddere hoc vxori. Et cum debeas in virtute præcedere vxorem, quoniam castitas virtus est : tu sub vno impetu libidinis cadis, & vis vxorem tuam victricem esse, tu victus iaces. Et cum tu caput sis vxoris tuæ, præcedet te ad Deum, cuius caput es. Vis domum tuam capite deorsum pendere? *Caput enim mulieris est*

ap. h. 5. 13.

vir. Vbi autem melius viuít mulier quam vir, capite deorsum pendet domus. Si caput est vir, melius debet viuere vir, & præcedere in omnibus bonis factis vxorem suam : vt illa imitetur virum, & sequatur caput suum. Quomodò caput Ecclesiæ Christus est, & hoc iubetur Ecclesiæ vt sequatur caput suum, & vt per vestigia ambulet capitis sui : sic vniuscuiusque domus habet caput virum, & tanquam *

al. = corpus.

carne, in foeminam. Quòd caput ducit, illuc debet sequi corpus. Quare ergo vult caput ire, quòd non vult vt corpus sequatur? Quare vult ire vir, quòd non vult vt sequatur vxor? Hæc iubendo sermo Dei aduersarius est. Nolunt enim homines facere quod vult sermo Dei. Et quid dicam, quia aduersarius est sermo Dei, quoniam iubet? Timeo ne ego ipse aduersarius sim quibusdam, quia hæc loquor. Quid ad me pertinet? Fortem me faciat qui terret vt loquar, vt non timeam querelas hominum. Nam qui nolunt castitatem seruare vxoribus suis & abundant, tales nolunt me ista dicere. Sed velint nolint, dicturus sum. Si enim vos non exhortor vt cum aduersario concordetis, ego cum illo in lite remanebo. Qui

vobis iubet vt faciatis, ipse nobis iubet vt loquamur. Si non faciendo quod iubet vt faciatis, aduersarij eius estis: non dicendo quod iubet vt dicamus, aduersarij eius remanebimus.

N V N Q V I D in cæteris quæ suprà dixi multis immoratus sum? Hoc enim præsumimus de charitate vestra, quia vnum Deum colitis: hoc præsumimus de fide Catholica quæ in vobis est, quia Filium Dei æqualem Patri creditis, nec in vanum accipitis nomen Domini Dei vestri, vt puteris creaturam esse Filium Dei: quoniam *omnis creatura vanitati subiecta est*. Sed creditis eum æqualem Patri esse, Deum de Deo, verbum apud Deum, verbum Deum, per quod facta sunt omnia; lumen de lumine, coæternum illi qui genuit, vnum cum illo qui genuit: & hoc verbum creditis assumpsisse creaturam, de virgine Maria assumpsisse mortalitatem, & passum fuisse pro nobis, ea legimus & credimus vt saluemur: nec in eo immoratus sum, vt quicquid facitis, pro spe futura faciatis. Noui enim omnium Christianorum mentes de futuro seculo cogitare. Qui enim de futuro seculo non cogitat, nec propterea Christianus est, vt id quod in fine Deus promittit, accipiat, nondum Christianus est. Neque in eo immoratus sum, vbi dicit sermo Dei, *Honora patrem tuum & matrem tuam*. Multi enim honorant parentes, & rarò inuenimus parentes conquerentes de improbitate filiorum, quamuis non desint sed tamen quam rarò sit, tamen breuiter monendum fuit. Neque in eo vbi dictum est, *Non occides*, immorari volui, non enim credo hic turbam esse homicidarum. Illud verò malum latè serpens plus occupauit, & in eo vehementiùs irritatur aduersarius ille: qui idèd clamat, vt sit aliquando amicus. Quærelæ * quotidie sunt, quanquam ipsæ fœminæ nec iam audent conqueri de viris suis. Ira inuadens omnia consuetudo pro lege obseruatur: vt iam & mulieribus fortè persuasum sit, licere hoc viris, non licere mulieribus. Solent enim audire adductas esse mulieres ad forum, quæ fortè cum seruis inuentæ sunt: adductum virum ad forum, quia inuentus est cum ancilla sua, nunquam audierunt, cum sit par peccatum. In peccato pari innocentiorẽ facit videri virum, non diuina vetitas, sed humana peruersitas. Et si fortè hodie

Cap. iv.
Quare fœ-
mini dei
recitatur ad-
uersarius
iudicetur.
Rom. 8. 10.

Exo. 20. 11

al. e. quoti-
dianæ.

acriorem quisquam passus fuerit vxorem suam, & liberiùs murmurantem, cui iam videbatur quia licebat viro, & audiuit in Ecclesia quia non licet viro. Si ergo passus fuerit vxorem suam liberiùs iam, vt dixi, murmurantem, & dicentem sibi, Non licet quod facis: simul audiuius, Christiani sumus, quod à me exigis, redde mihi. Fidem tibi debeo, fidem mihi debes, fidem Christo ambo debemus, & si me fallis, eum non fallis cuius sumus, non fallis eum qui nos emit. Hæc atque huiusmodi audiens ille quæ non solet, dum non vult in se fieri sanus, in me fit infanus, irascitur, maledicit: fortassis etiam dicit, Quomodò factum est vt huc ille veniret, aut vxor mea ipso die in Ecclesiam procederet? Et hoc credo quod in cogitatione sua dicat: nam liberè rumpere in vocem non audet, nec ante solam vxorem suam. Fortassis enim si sic eruperit & hoc dixerit, potest illa respondere & dicere: Quare maledicis, cui paulò antè acclamabas? Certè coniuges sumus. Cum lingua tua discordas, mecum concorditer quomodò viuere poteris? Nos fratres, pericula vestra intuemur, non voluntates vestras attendimus: nam & medicus si voluntatem zgri attendat, nunquam illum curat. Quod non est faciendum, non fiat: quod prohibet Deus, non fiat. Qui Dec credit, ab ipso audit quod dicimus. Certè melius erat quibusdam nolentibus corrigi, vt vel huc non veniremus & ista dicturi eramus, vel quia iam venimus, non ea diceremus. Nudiustertiano die memini me dixisse sanctitati vestræ: quia si citharædi essemus, aut huiusmodi aliquid populariter exhibentes pre studiis nugacitatis vestræ, quæ iam quæsumus vt relinquatis, tenuissetis nos vt daremus vobis diem, & quisquis pro modulo suo conferret nobis mercedem. Quare ambularemus delectati vanis canticis nulli rei profuturis, ad tempus dulcibus, in posterum amatis? Talibus etenim turpitudinibus cantionum animi humani illecti eneruantur & decidunt à virtute, defluentes in turpitudinem, & propter ipsas turpitudines postea sentiunt dolores, & cum magna amaritudine digerunt quod cum dulcedine temporali biberunt.

Melius ergo nos amara vobis cantamus ad tempus, quæ postea dulcescant in vobis, nec mercedem aliquam exigimus,

nisi ut faciatis quæ dicimus, imò non faciatis, si nos dicimus. Si autem omnibus ille dicit qui neminem timet, & per quem fit in nomine ipsius, & in gloria misericordie ipsius, ut & nos neminem timeamus, omnes audiuius, omnes faciamus, omnes cum nostro aduersario concordemus. Putate me citharædum esse, quid vobis possum amplius canere? Ecce psalterium fero, decem chordas habet: hoc vos paulò antè cantastis antequam inciperem loqui, chorus meus vos fuitis.

NONNE vos paulò antè cantastis: *Dens, canticum novum cantabo tibi, in psalterio decem chordarum psallam tibi?* Cop. v. De diuisione Decalogi, & de præceptis ad Deum pertinentibus. Ipsas aurem decem chordas modò percutio. Quare amara est vox psalterij Dei, *psallam tibi in psalterio decem chordarum?* Non vobis hoc canto quod vos non faciatis. Decalogus enim legis decem præcepta habet: quæ decem præcepta sunt sic distributa, ut tria pertineant ad Deum, septem pertineant ad homines. Tria ad Deum, quæ iam dixi; Vnus est Deus noster, * ei nullam similitudinem debemus facere & non fornicari post Deum, qui vnus est, qui Deus, & Christus Filius Dei vnus est cum Patre. Ideò non debet à nobis accipi in vanum, ut putemus eum factum, id est, creaturam aliquam, per quem facta sunt omnia: quia ipse est vnus Deus, Pater & Filius & Spiritus sanctus. In Spiritu sancto, hoc est, in * dono Dei, requies nobis sempiterna promittitur. al. & c. Inde modò pignus accipimus. Sic enim dicit Apostolus; *Qui dedit nobis pignus * spiritum.* Si pignus accipimus ut incipiamus in Domino & in Deo nostro esse tranquilli, ut simus in Deo nostro mites, simus in Deo patientes; erimus etiam in illo vnde pignus accipimus, in æternum quieti, quod erit sabbatum sabbatorum, propter ipsam requiem pertinentem ad donum Spiritus sancti. Tertium itaque præceptum de sabbato, quod diximus, quod carnaliter Iudæi celebrant, nos spiritualiter agnoscamus. Nam quia Spiritus sanctus septiformis dicitur, Sanctificatio sabbati. propterea septimum diem sanctificauit Deus, quando fecit omnia opera sua, sicut in Genesi scriptum legimus: non ibi habes nominatam sanctificationem, nisi illo die ubi dicitur: *Requieuit Deus ab omnibus operibus suis.* Non enim fatigatus erat Deus ut diceretur, *requieuit Deus ab omnibus operibus suis;* Gen. 2. 2. Dei requies.

Septimus
dies nō ha-
bet vespere.
al. * cille.

sed in illo verbo tibi laboranti requiem promisit : quia fecit omnia bona valde , & sic dicitur , *requiem* Deus , vt intelligas etiam te post bona opera requieturum , & sine fine requieturum . Nam omnia superiora quæ dicta sunt , id est , dies superiores habent vespere : septimus ille dies non habet vespere , vbi Deus sanctificauit requiem . Dicitur ibi , *Factum est mane* , vt inciperet * ipse dies . Non dictum est , *Factum est vespere* , vt finiretur dies : sed dictum est , *Factum est mane* , vt fieret dies sine fine . Sic incipit ergo requies nostra , quasi mane : sed non finitur , quia in æternum viuemus . Ad hanc spem quicquid facimus , si facimus , sabbatum obseruamus . Ipsa est tertia chorda huius Decalogi , id est , psalterij decachordi , in tribus enim chordis ad Deum pertinent præcepta .

Cap. vi.
De septem
Decalogi
chordis ad
proximum
sabbatibus.
Deut. 6. 5.
Mat. 23. 39.

Si diceretur nobis . *Diliges Dominum Deū tuū ex toto corde tuo, & ex tota anima tua, & ex tota mente tua* : & de proximo nostro nihil diceretur , non esset decachordum , sed trichordum . Quia verò addidit Dominus , *Et diliges proximum tuum tanquam teipsum* : & contexit dicens , *In his duobus mandatis tota lex pendet & Propheta* : Tota lex in duobus præceptis est , in dilectione dei , & dilectione proximi . Ad duo itaque præcepta , id est , ad dilectionem dei & proximi pertinet decalogus . Ad primum præceptum tres chordæ pertinent , quia deus est Trinitas . Ad alterum verò præceptum , id est , ad dilectionem proximi , septem chordæ , quomodo viuatur inter homines . Nam ipse numerus septenarius tanquam septem chordarum incipit ab honore parentum , *Honora patrem tuum & matrem tuam* . Ad parentes enim suos homo aperit oculos : & hæc vita ab eorum amicitia sumit exordium . Quisquis autem suis parentibus non defert honorem , quibus parare poterit ? *Honora patrem tuum & matrem tuam* . Et dicit Apostolus , *Honora patrem tuum & matrem tuam, hoc est primum mandatum* . Quomodo primum , quando quartum mandatum est : nisi quia in septenario numero est primum ? Ad dilectionem proximi primum est in secunda tabula , nam idèd duæ tabulæ legis datæ sunt . Deus enim famulo suo Moyse in monte duas tabulas dedit , in quibus duabus tabulis lapideis confcripta erant decem præcepta legis , quod est psalterium decem chordarum .

EXO. 10. 11.

Eph. 6. 2.

EXO. 31.

Tria in vna tabula ad deum pertinentia, septem in altera tabula ad proximum. In altera ergo tabula primum est, *Honora patr. matrem & matrem tuam.* Secundum, *Non machaberis.* Tertium, *Non occides.* Quartum, *Non furaberis.* Quintum, *Non falsum testimonium dices.* Sextum, *Non concupisces uxorem proximi tui.* Septimum, *Non concupisces rem proximi tui.* Hæc iungamus illis tribus ad dilectionem dei pertinentibus, si in psalterio decem chordarum volumus cantare canticum novum.

AUDIAT enim charitas vestra ut dicam vel quod deus suggesserit. Accepit legem populus Iudæorum, ista in decalogo non obseruauit. Et quicumque obtemperabant, timore obtemperabant pœnæ, non amore iustitiæ: portabant psalterium, non cantabant. Cantanti enim voluptas, timentis onus est. Ideò vetus homo, aut non facit, aut timore facit: non amore sanctitatis, non delectatione castitatis, non temperantiæ, charitatis, sed timore. Vetus enim homo est, & vetus homo, vetus canticum cantare potest, non nouum. Vt autem cantet canticum nouum, sit nouus homo. Quomodo aurem possit esse nouus homo, audi non me, sed Apostolum dicentem? *Exuite vos veterem hominem, & induite nouum.* Et ne quis putaret, cum dixit, *Exuite vos veterem hominem & induite nouum*: aliquid deponendum esse, & aliquid accipiendum, cum de murando præciperet homine, subiecit & ait, *Quapropter deponentes mendacium, loquimini veritatem.* Hoc est quod ait, *Exuite veterem hominem, & induite nouum*: hoc dixit, mutate mores. Seculum diligebatis, deum diligite. Nugatoria iniquitatis, temporales voluptates diligebatis, proximum diligite. Si dilectione facitis, nouum canticum cantatis. Si timore facitis, facitis tamen: portatis quidem psalterium, sed nondum cantatis. Si autem nec hoc facitis, proicitis ipsum psalterium. Melius est tamen portare, quàm proicere: sed rursus melius est cum voluptate cantare, quàm cum onere portare. Nec peruenit ad canticum nouum, nisi iam cum voluptate cantans. Nam qui portat cum timore, adhuc in vecustate est. Et quid est, fratres, quod dico attendite. Non concordauit cum aduersario suo, qui cum timore adhuc facit. Timet enim ne veniat deus, & damnet illum. Nam non-

Cap. vii.
De cordis
bus in de-
cacho,
portantibus
eum & proi-
ciantibus,

Eph. 4. 22.

dum delectat castitas, nondum illum delectat iustitia, sed iudicium dei formidans à factis temperat. Nondum concupiscentiam ipsam damnat quæ sedit in eo, nondum illum delectat quod bonum est, nondum ibi habet suauitatem vt canter canticum nouum, sed de verustate pœnas timet, nondum concordauit cum aduersario.

Cap. viii.
De hominis
cū deo con-
cordia, & de
duplice
immagine.

TALES enim homines plerumque supplantantur tali cogitatione, vt dicant sibi si fieri posset, non nobis minaretur deus, non talia per Prophetas suos diceret quæ homines deterrerent: sed antequam veniret, daret omnibus indulgentiam, ignosceret omnibus, postea veniret, neminem mitteret in gehennam. Iam quia iniquus est, iniquum vult esse deum. Vult te deus facere similem sui, & tu conaris deum facere similem tui. Placeat tibi ergo deus qualis est, non qualē illum esse vis. Peruersus enim es, & talem vis esse deum qualis es, non qualis est. Si autem placeat tibi qualis est, corrigens: & diriges in eam regulam cor tuum à qua nunc alienus distortus es. Placeat tibi deus qualis est, ama qualis est: non te amat qualis es, sed odit te qualis es. Idēd tui miseretur quia odit te qualis es, vt faciat te qualis nondum es. Faciat te dixi qualis nondum es, nam illud tibi non promittit, quia faciet te qualis est. Nam eris qualis est, sed ad quendam modum, id est, imitator dei velut imago; sed non qualis imago est filius, nam etiam imagines in hominibus diuersæ sunt. Filius hominis habet imaginem patris sui, & hoc est quod pater eius, quia homo est sicut pater eius. In speculo autem imago tua non hoc est quod tu, aliter est enim imago tua in filio, aliter in speculo. In filio est imago tua secundum æqualitatem substantiæ, in speculo autem quam longē est à substantia, & tamen est quædam imago tua, quamuis non talis, qualis in filio tuo secundum substantiam: sic in creatura, non hoc est imago dei quod est in filio, qui hoc est quod pater, id est, verbum dei per quod facta sunt omnia. Recipe ergo similitudinem dei quam per mala facta amisisti. Sicut enim imago in nummo Imperatoris aliter est, & aliter in filio: nam imago & imago est, sed aliter impressa est in nummo, aliter in filio, aliter in solido aureo imago Imperatoris. Sic & tu nummus dei es, ex hoc melior, quia cum intellectu & cum quadam vita nummus dei

es, vt scias etiam cuius imaginem geras, & ad cuius imaginem factus sis : nam nummus nescit se habere imaginem Imperatoris.

Ergo vt dicere cœperam, odit te deus qualis es, sed amat te talem qualem te esse vult, & ideò te ille vt materis hortatur. Concorda cum illo, & incipe primo benevelle, & odisse te qualis es : hoc sit tibi initium concordie cum sermone Dei, vt incipias primò tu odisse te qualis es. Cùm cœperis & tu odisse te talem qualis es, sicut te talem odit deus, incipis iam ipsum diligere deum, qualis est. Ægrum attendite. Æger ægrotantem se odit qualis est, inde incipit concordare cum medico, quia & medicus odit eum qualis est. Nam ideò vult sanum esse, quia odit eum febrientem : & est medicus febris persecutor, vt sit hominis liberator. Sic auaritia, sic libido, sic odium, concupiscentia, luxuria, sic nugacitas spectaculorum, febres sunt animæ tuæ, debes illas odisse cum medico tuo : ita concordas cum medico, niteris cum medico, & libenter audis quod iubet medicus, libenter facis quod iubet medicus, & proficiente iam sanitate incipiunt etiam iam delectare præcepta. Quam onerosus est cibus ægris quando reficiuntur, & peiorem horam reputant ægri refectiois suæ quàm suæ accessionis, & tamen cogunt se concordantes cum medico, & quamvis inuiti & obluētantes vincunt se vt aliquid accipiant : quanta auiditate sani maiora recepturi sunt, vnde ægri minora vix accipiunt. Sed vnde hoc factum est? Quia oderant febrem suam, & cum medico concordauerunt, & simul persequerantur febrem medicus & ægrotus. Cùm ergo & nos talia dicimus, non odimus nisi febres vestras: immo in nobis ipsis sermo Dei febres nostras odit, cum quo concordare debetis. Nam nos quid sumus nisi liberandi vobiscum, sanandi vobiscum : Modò non me intueamini, sed sermonem Dei. Nolite irasci medicamento vestro, non inueni enim aliud quàm transirem.

VENI ad quintam chordam, homo, qui tango psalterium decem chordarum, nunquid prætermisurus eram quintam? Immo assidue percussurus. In illa enim video iacere penè totum genus humanum in illa video plus laborare. Ipsam percuciendo quid dico? Nolite mœchari post vxores vestras, quia

Cap. xx.
de quinta
chorda,
sc. de nos
machando,
Cy de vxore
adulteris.

non vultis ut mœchantur post vos vxores vestræ. Nolite ire vos quò eas sequi non vultis. Sine causa vos excusare conamini, quando dicitis, Nunquid eo ad vxorem alienam? Ad ancillam meam eo. Vis ut dicat vxor tua tibi, nunquid eo ad virum alienum? Ad seruum meum eo. Dicis, non est vxor aliena ad quam vado. Nunquid vis dicatur tibi, non est vir alienus ad quem vado? Absit ut dicat hoc illa. Melius enim dolet te, quam imitetur te. Illa enim casta & sancta fœmina & verè Christiana, quæ dolet fornicantem virum, & non dolet propter carnem, sed propter charitatem: non tunc vult ut non facias, quia & ipsa non facit, sed quia tibi non expedit. Nam si propterea non facit, ut tu non facias: si feceris, faciet. Si autem Deo illud debeat, si Christo illud debeat quod tu exigis, & ideo reddis, quia iubet iste: & si fornicatur vir castitatem fœmina illa Deo exhibet. Christus enim loquitur in cordibus bonarum fœminarum, loquitur intus, ubi non audit vir, quia nec dignus est si talis est. Loquitur ergo ille interius & dicit, & filiam suam consolatur huiusmodi verbis: De iniuriis viri tui torqueris, quod tibi enim * fecit, dole, sed ipsum noli imitari ut malè facias, sed ipse te imitetur in bono. Nam in eo quod malè facit, noli cum putare caput tuum, sed time me Deum tuum. Nam si & in eo quod malè facit caput est, & securum est corpus caput suum: eunt ambo per præceps. Ut autem non sequatur malum caput suum, teneat se ad caput Ecclesiæ Christum: huic debens castitatem suam, huic deferens honorem suum. Absens sit vir, præsens sit vir, non peccet illa, quia nunquam est absens cui debet ut non peccet. Hæc ergo fratres mei facite, ut possitis concordare cum aduersario. Nec amara sunt quæ dico, aut si amara sunt, curant. Potio ista si amara est, accipiatur: quia in periculo sunt viscera, amara est, bibatur. Melius est modica amaritudo in faucibus, quam æternum tormentum in visceribus. Mutate ergo vos. Quicumque non faciebatis hoc bonum castitatis, iam facite. Nolite dicere, non potest fieri. Fœdum est, fratres mei, turpe est, ut vir dicat, non posse fieri quod facit fœmina. Scelus est ut vir dicat non possum. Quod potest fœmina, ut non potest? Quid enim illa, carnem non portat? Prior à serpente decepta est. Castæ vxores vestræ ostendunt

al. * facit.

vobis fieri posse quod non vultis facere, & dicitis fieri non posse.

Sed fortè dices, idèd illam faciliùs facere posse, quia multa illi custodia est, legis præceptum, diligentia maritalis, terror etiam legum publicarum: est etiam verecundiæ & pudoris illius magnum munimentum. Multæ custodiæ faciunt scæminam castam, virum castum faciat ipsa virginitas. Nam idèd mulieri melior custodia, quia maior infirmitas, illa erubescit viro, tu non erubescis Christo? Tu liberior, quia fortior: quia faciliè vincis, idèd tibi commissus es. Super illam & diligentia viri, & terror legum, & consuetudo morum, & verecundia maior, & Deus, super te tantùm deus: Inuenis enim faciliè pares viros, quibus non timeas erubescere, quia faciunt id multi. Et tanta est peruersitas generis humani, vt aliquando metuendum sit ne castus erubescat inter impudicos. Idèd non cesso tangere istam quintam chordam, propter ipsam peruersam consuetudinem & labem torius, vt dixi, generis humani. Si quis inter vos faciat homicidium, quod auerrat deus, pellere eum vultis de patria, & continuò si fieri potest, excludere. Si quis faciat furtum, odistis illum, nec videre vultis, si quis dicat falsum testimonium, abominamini, nec vobis homo videtur. Si quis concupiscat alienas res, raptor & iniustus deputatur. Si quis volutatur cum ancillis suis, amatur, blandè accipitur, conuertuntur vulnera in ioca. Si quis autem existat qui dicat se castum, non facere adulterium; notum autem sit quod non faciat, erubescit accedere ad illos non sui similes, ne insultent, ne irrideant: ne dicant non esse virum. Ad hoc delapsa est humana peruersitas, vt vir habeatur à libidine victus, & vir non habeatur victor libidinis. Triumphantes exultant, & non sunt viri: iacent prostrati, & viri sunt? Si spectares, ille tibi videretur fortior qui iam iaceret sub bestia, quàm si perimeret bestiam: Sed quia dissimulatis à pugna interiore, & delectant vos pugne exteriores, idèd non vultis pertinere ad canticum nouum, vbi dicitur: *Qui dices manus meas ad praelium, & digitos meos ad bellum.* Est enim bellum quod secum agit homo dimicans contra concupiscentias malas, frenans avaritiam, elidens superbiam, suffocans ambitionem, trucidans libidinem. Has

Psal. 17. 35.

Ecc ij

pugnans facis in occulto, & non vinceris in aperto. Ad hoc docentur manus vestrae ad praelium & digiti vestri ad bellum. Non est hoc in spectaculis vestris. In illis spectaculis non idem est venator quod citharista: aliud agit venator, aliud citharista. In spectaculo Dei vnum est.

Tange easdem decem chordas, & feras occides, vtrumque simul facis. Tangis primam chordam, qua colitur vnus Deus, cecidit bestia superstitionis. Tangis secundam, qua non accipis nomen Domini dei tui in vanum, cecidit bestia erroris nefandarum haeresium, quae id putauerunt. Tangis tertiam chordam vbi pro spe futurae quietis facis quicquid facis: interficitur crudelior ceteris bestiis, amor seculi huius. Propter enim amorem seculi huius laborant homines in omnibus negotiis. Tu autem in omnibus bonis operibus tuis labora non propter amorem seculi huius, sed propter requiem sempiternam quam promittit Deus. Vide quomodo vtrumque simul facis, & chordas tangis, & bestias occidis, id est, & citharista es & venator. Non nos delectent spectacula, vbi non promeremur oculos editoris, sed oculos redemptoris. *Honora patrem tuum & matrem tuam*; tangis quartam chordam, vt honorem parentibus deferas, cecidit bestia impietatis, *Non machaberis*: tangis quintam chordam, cecidit bestia libidinis. *Non occides*: tangis sextam chordam, cecidit bestia crudelitatis. *Non furium facies*; tangis septimam chordam, cecidit bestia rapacitatis. *Non falsum testimonium dices*: tangis octauam chordam, cecidit bestia falsitatis. *Non concupisces uxorem proximi tui*; tangis nonam chordam, cecidit bestia adulterinae cogitationis. Aliud enim est non facere aliquid tale praeter uxorem, aliud non appetere alienam uxorem. Ideo duo praeccepta sunt, *Non machaberis*, &, *Non concupisces uxorem proximi tui*. *Non concupisces rem proximi tui*: tangis decimam chordam, cecidit bestia cupiditatis. Ita cadentibus omnibus bestiis, securus & innocens in Dei dilectione & humana societate versaris: tangens chordas decem, quor bestias occidisti. Nam multa capita sunt sub istis capitibus. In singulis chordis non singulas bestias, sed greges interficis bestiarum. Sic ergo canticum nouum cum amore, non cum timore cantabis.

agere, vxorem non habeo, facio quod volo, non enim post vxorem meam pecco. Iam nosti pretium tuum, iam nosti quod accedis, quid manduces, quid bibas: immo quem manduces, quem bibas. Abstine te à fornicationibus. Ne fortè mihi dicas, ad fornicem vado, ad meretricem pergo, ad prostitutam eo: nec illud præceptum violo quo dictum est, *Non mœchaberis*: quia vxorem nondum habeo, nec post illam aliquid facio. Nec illud præceptum violo; vbi dictum est, *Non concupisces vxorem proximi tui*. Qui ad publicam vado, in quod præceptum incurro? Non inuenimus chordam quam tangamus, non inuenimus chordam. Quo neruo ligemus fugitiuum istum? Non fugiat, habet vnde ligetur, sed amet se, & non erit ligamentum, sed ornamentum. Non enim ligamentum, sed ornamentum in ipsis decem chordis inuenimus. Decem enim præcepta ad duo illa referuntur, sicuti audiui-
 mus, vt diligamus Deum & proximum, & duo illa ad vnum illud. Vnum est autem, *Quod tibi fieri non vis, alijs ne feceris*. Tob. 4. 16. Ibi continentur decem, ibi continentur duo. Sed dicis, Furtum si faciam, id facio quod pati nolo. Si occidam, id facio quod ab altero pati nolo. Si parentibus meis honorem non deferam, quando volo vt deferatur mihi à filiis meis, id facio quod pati nolo. Si sum mœchus & aliquid tale molior, id facio quod pati nolo. Nam si quis interrogetur, dicit, Nolo vt vxor mea tale aliquid faciat. Si concupisco vxorem proximi mei, nolo quisquam concupiscat meam: id facio quod pati nolo. Si concupisco rem proximi mei, nolo vt auferatur mea, id facio quod pati nolo. Cùm verò ad meretricem eo, cui facio quod pati nolo? Quod grauius est, ipsi deo. Intelligat sanctitas vestra.

Etenim quod fieri tibi non vis, alijs ne feceris, ad duo præcepta pertinet. Quomodò pertinet ad duo præcepta: Si homini non feceris quod pati non vis ab homine, ad proximi præceptum pertinet, ad dilectionem proximi, ad septem chordas. Si autem quod non vis pati ab homine, ipsi deo vis facere, quid est hoc; non facis alteri quod pati non vis? Charior tibi factus est homo quàm deus? Ergo quomodò iniuriam facio, inquis, ipsi deo? Corruptis te ipsum. Et vnde iniuriam facio deo, quia corrumpto meipsum? Vnde facit tibi iniuriam qui

voluerit fortè lapidate tuam tabulam pictam, in qua tabula imago tua est in domo tua inaniter posita ad vanum honorem tuum, nec sentiens, nec loquens, nec videns? Si quis illam lapidet, nonne in te esse contumeliam factam attendis? Cum verò imaginem dei, quod es tu, cotrumpis in te per fornicationes & per diffluentias libidinis, attendis quia ad nullius vxotem accessisti, attendis quia post vxorem tuam nihil fecisti, quia vxorem non habes: & non attendis, per libidines & illicitas fornicationes cuius imaginem violasti? Postremò deus qui scit quid tibi vtile sit, qui verè sic suos seruos gubernat ad vtilitatem illorum, non ad suam: non enim indiget seruis quasi ad adiutorium, sed tu indiges Domini auxilio.

Ipse ergo Dominus qui scit quid tibi sit vtile, vxotem concessit, nihil ampliùs. Hoc iussit, hoc præcepit, nec per illicitas voluptates corrumpat templum eius quod esse cœpisti. Nunquid hoc ego dico? Apostolum audite: *Nescitis quia templum Dei estis, & spiritus Dei habitabit in vobis?* Hoc dicit Christianis, hoc dicit fidelibus, *Nescitis quia templum Dei estis, & spiritus Dei habitabit in vobis? Si quis templum Dei corruperit, corrumpet illum Deus.* Videtis quomodò minatur? Non vis corrumpi domum tuam, quate corrumpis domum Dei? Certè non facis alicui quod pati non vis. Non est ergo quæ euadat ut. Teneat ille qui se tenet non putabat. Omnia enim peccata hominum, aut ad corruptelam pertinent flagitiorum, aut ad facinora nocendi. Quia Deo nocere non potes in facinoribus, in flagitiis eum offendis, in corruptelis illum offendis, in te illi facis iniuriam. Facis enim iniuriam gratiæ ipsius, domui ipsius. Seruum si haberes, velles ut seruiret tibi seruus tuus: serui tu meliori Domino Deo tuo. Seruum tuum non tu fecisti, & te & seruum tuum ille fecit. Vis ut tibi seruiat cum quo factus es, & non vis seruire ei à quo factus es? Etgo cum vis ut seruiat tibi seruus tuus homo, & tu non vis seruire Domino deo tuo, facis deo quod tu pati non vis. Ergo illud vnum præceptum continet duo, illa duo continent decem, illa decem continent omnia. Cantate ergo in psalterio decem chordarum canticum nouum.

Vt autem cantetis canticum nouum, estote homines noui.

Diligite iustitiam, quia habet pulchritudinem suam. Ideo non vultis illam videre, quia aliud amatis. Nam si aliud non amaretis, eam utique videretis. Quare illam non videtis, quando illam exigitis? Illam exigitis. Quare laudas fidem, quando illam exigitis de seruo tuo? Quam pulchra res est fides? Sed tunc pulchra est, quando de seruo exigitur. Tunc videtur, quando ab altero expetitur: quando de te exigitur, non videtur. Aurum vides, fidem non vides. Si ut lucet aurum ad oculos corporis, sic lucet fides ad oculos cordis. Aperis ad illam oculos cordis, quando vis ut exhibeat illam tibi seruus tuus. Si tibi illam exhibuerit, laudas seruum tuum, & prædicas eum, & dicis: Præclarum seruum habeo, magnum seruum habeo, fidelem seruum habeo. Quod laudas in seruo, non exhibes Domino: & eo sceleratius, quia vis ut meliorem tu habeas seruum quam te deus. Iubet deus seruo tuo, ut bonus sit erga te. Quomodo iubet uxori tuæ, ut & si tu mæchaberis, non mæchetur: sic iubet seruo tuo, ut & si tu non seruus domino tuo, seruiat tibi. Sed hoc totum vide, ut ad admonitionem tuam valeat, non ad perniciem tuam. Et enim seruus ille quod tibi seruit indigno dignè, id est, quod indigno tibi bene seruit, & fideliter seruit, & purè te diligit: deo debet, non tibi. Iustum est ergo ut & tu attendas, quia sub domino es ad quem & ille attendit, ut seruiat tibi. Imple ergo quod dictum est, *Quod tibi fieri non vis, alij ne feceris.* Sed Tob. 4. 16. ipsum alij cum dicis, utrumque attende, & proximum & deum. Canta in psalterio decem chordarum, canta canticum nouum: concorda cum sermone dei, cum est tecum in via. Mat. 5. 16. Concorda cum aduersario tuo citò, ne cum discordia venias ante iudicem. Si facis quod audis, concordasti eum eo: si autem non facis, rixaris eum eo, & nondum composuisti quousque facias.

Ut autem concordetis, abstinete vos à detestabilibus corruptelis, & à detestabilibus inquisitionibus, à mathematicis, ab arupiscibus, à sortilegis, ab auguribus, à * sacrilegis: abstinete vos quantum potestis à nugatoriis spectaculis. Si quæ delectationes seculi subrepunt in animam: exercete vos in misericordia, exercete vos in elemosynis, in ieiuniis, in orationibus. His enim purgantur quotidiana peccata, quæ non

Cap. xi.
De peccatis
minimis nō
contemnen-
diis, & de eo-
rum triplici
remedio.
al. * sacri-
legiis.

*Minutiora
peccata.*

possunt non surrepere in animam, propter fragilitatem humanam. Noli illa contemnere quia minora sunt : sed time, quia plura sunt. Attendite, fratres mei. Minuta sunt, non sunt magna. Non est bestia quasi leo, ut vno morsu guttur frangat, sed bestię plerumque minutę multę necant. Si proicitur quisquam in locum pulicibus plenum, nunquid non moritur ibi ? Non sunt quidem maiores, sed infirma est natura humana, quę etiam minutissimis bestiis interimi potest. Sic & modica peccata attendite, quia modica sunt : & caute quia plura sunt. Quam minutissima sunt grana arenę ; si arenę ampliùs in naui mittatur, mergit illam ut pereat. Quam minutę sunt guttę pluuię ? Nonne flumina implent, & domos deliciunt ? Ergo ista nolite contemnere.

*al. quia ea
non habere
nemo po-
test.*

Sed diduri estis, Et quis potest sine istis ? Ne hoc diceretis * quę habere nemo non potest, Deus misericors videns nostram fragilitatem, posuit contra remedia. Quę sunt remedia ? Eleemosynarum, ieiuniorum, orationum, ipsa sunt tria. Ut autem verum dicas in oratione, perfectę implendę sunt eleemosynę ? Quę sunt perfectę eleemosynę ? Ut ex quo tibi abundat, des ei qui non habet : & cum te laedit aliquis, ignoscas illi. Sed ne putetis, fratres, quia faciendę sunt quotidie adulteria, & eleemosynis quotidianis mundandę sunt : ad illa maiora scelera non sufficiunt quotidianę eleemosynę, ut ea mundent. Aliud est vbi mutes vitam, aliud est vbi tolere vitam. Illa mutanda est. Si męchus eras, noli esse męchus. Si fornicator eras, noli fornicari. Si homicida, noli homicida esse. Si ibas ad mathematicum, & ad cęteras pestes sacrilegas, iam desine. Arbitraris hęc, nisi fieri delinant, quotidianis eleemosynis posse mundari ? Illa dico quotidiana peccata, quę aut linguā facilē committuntur, ut est verbum durum, aut cum labitur aliquis in risum immoderatum, aut in huiusmodi nugas quotidianas. In ipsis concessis peccata sunt. Cum ipsa vxore si exceditur concubendi modus procreandis liberis debitus, iam peccatum est. Ad hoc etenim ducitur vxor : nam id etiam tabulę indicant, vbi scribitur, liberorum procreandorum causa. Quando tu uti vxore ampliùs quàm necessitas procreandorum libero-

*peccata
quotidiana
qua.*

rum

rum cogit, volueris, iam peccatum est : & ipsa talia peccata quotidiana eleemosynæ mundant. In ipsis alimentis, quæ vtiq; concessa sunt, si fortè excedis modum, & amplius accipis quàm necesse est, peccas. Quotidiana sunt ista quæ dico : sed tamen peccata sunt, & non sunt leuia, quia plurima. Quia verò quotidiana & plurima, timenda est ruina multitudinis, etsi non magnitudinis. Talia peccata dicimus, fratres, quotidianis eleemosynis posse mundari. Sed facite eleemosynas, & nolite cessare. Attendite vitam vestram quotidianam, ipsis peccatis scaturientem, minutis ipsis dico.

Et cùm facis eleemosynam, non superbè facias, nec sic ores quemadmodum ille Phariseus. Sed tamen quid ibi dixit : *Ieiuno bis in sabbato, decimas de omnium quæcunque possideo*, & nondum fusus erat sanguis Domini. Tantum pro nobis pretium accepimus, & saltem nec tantum erogamus, quantum Phariseus. Et habes alio loco apertè dicentem Dominum, *Nisi abundaueris iustitia vestra plus quàm Scribarum & Phariseorum, non intrabitis in regnum celorum*. Ergo illi dant decimas, tu si centesimam dederis, aliquid magnum te fecisse gloriaris. Attendis enim quid alius non faciat, non quid te iubeat facere Deus. Metiris te de comparatione peioris, non de iussione melioris. Non quia ille nihil facit, ideo tu magnum aliquid facis : sed quia gauderis ad quædam minima opera vestra, quia tanta est sterilitas vestra, ut ad modica gaudeat. Quasi securi vobis blandimini de minimis eleemosynarum granis, & acervos obliuiscimini peccatorum. Protulisti fortè nescio quid paruum, quod alius aut non habuit, aut non protulit cùm haberet. Noli attendere post te quis non faciat, sed quid te iubeat Deus facere. Postremo, * quare in istis affectionibus secularibus non vobis sufficiunt quos præcessistis, sed vultis esse diuites, æquales ditioribus vobis : non attenditis quantos pauperiores transcenditis ? Vincere vultis ditiores : sed in eleemosynis habetur modus. Hic dicitur, iam quousque facio ? & illic non dicitur, quantis diuitibus ditior sum ? Non attenduntur egestates innumerabilium mendicorum, non respiciuntur posteriores multitudines pauperum : sed paucitas præ-

Cap. xii.
de faciendis
eleemosynis
sine iactan-
tia. Et quo-
modo diui-
tia prout ser-
uanda sint.
Matt. j. xi.

al. * quædo.

cedentium diuitum ante oculos ponitur. Cur in opere bono non attenditur ille Zachæus, qui dimidium rerum suarum dedit pauperibus? Sed optare cogimur, ut attendatur saltem ille Phariseus, qui omnium quæ possidebat, decimas dabat. Noli parcere thesauris caducis, thesauris vanis. Noli sub imagine pietatis augere pecuniam. Filiis, inquis, meis seruo. Magna excusatio, filiis meis seruo. Videamus, seruat tibi pater tuus; seruas tu filiis tuis, filij tui filius suis, & sic per omnes, & nullus facturus est præcepta Dei? Quare non illi potius impendis omnia qui te fecit ex nihilo? Qui te fecit, ipse te pascit. Ex his quæ fecit, ipse pascit & filios tuos. Neque enim melius committis filiis tuis patrimonium tuum quàm creatori tuo. Et mentiuntur quidem homines: mala est, inquiunt, auaritia. Palliare se volunt nomine pietatis & dealbare, ut quasi propter filios videantur seruare homines quod propter auaritiam seruant. Nam ut noueritis, quia sic plerumque contingit dicitur de * quodam, Quare non facit eleemosynam? quia seruat filiis suis. Contingit ut amittat vnum. Si propter * filios seruabat, mittat post illud partem suam. Quare illam tenet in sacculo, & illam relinquit ab animo? Redde illi quod suum est, redde quod illi seruabas. Mortuus est, inquit. Sed præcessit ad Deum, pars ipsius debetur pauperibus. Illi debetur ad quem perrexit, Christo debetur, ad ipsum enim perrexit: Et * ille dixit, *Qui vni ex minimis fratribus fecit, mihi fecit*: Et qui vni ex minimis * illis non fecit, mihi non fecit. Sed quid dicis? Seruo fratribus ipsis. Si viueret ille, non erat cum suis fratribus diuisurus? O fides mortua! mortuus est enim filius tuus. Quicquid dicas, mortuo debes quod viuo seruabas: Mortuus est filius meus, sed tamen partem filij mei seruo fratribus ipsis. Si credis quia mortuus est? Si pro illo Christus mortuus non est, mortuus est ipse: si autem in te fides est, viuit filius tuus. Viuit prorsus: non decessit, sed præcessit. Quia fronte venturus es ad filium tuum qui præcessit, cui præcedenti non mittis partem suam in cælum? An non potest mitti in cælum? Potest prorsus. Audi ipsum Dominum dicentem, *Thesaurizate vobis thesauros in cælo*. Si ergo ille tibi est utile melius est custoditus in cælo: nunquid tunc mittendus est

al. * quoniam.

al. * filium.

al. * ipse.

Mat. c. 20.

al. * inter.

Mat. 6. 19.

filio, quando si missus fuerit, non peribit? Tenebitur hic ubi potest perire, non mittitur illuc ubi Christus est cultus? Certè ea quæ hic tenes, & non vis mittere post filium tuum, quibus commendas actoribus tuis commendas illius partem qui præcessit, & Christo non commendas ad quem præcessit? An idoneus est tibi procurator tuus, & minus idoneus est Christus?

VIDETIS, fratres, quia mendacium est quod dicunt homines, Filiis meis seruo. Mendacium est, fratres mei, mendacium est: avari sunt homines. Vel sic certè cogantur confiteri quod nolunt, cum erubescunt tacere quod sunt: fundant, vomant in confessione quod portant. Pectus premitur crapula iniquitatis: euomant eam confessione, sed non canino more redeatur ad vomitum. Estote Christiani. Valde parum est vocari Christianus. Quanta donatis histrionibus, quanta donatis venatoribus, quanta turpibus personis? Quanta donatis eis qui vos occidunt? Per ipsas enim exhibitiones voluptatum interficiunt animas vestras, & insanitis quis plus donet. Si insaniretis quis plus seruet, non essetis ferendi. Quis plus seruet insanire, auaritiæ est: quis plus donet insanire, profusionis est. Nec avarum te Deus, nec profusum esse vult. Collocare te vult quæ habes, non proiicere. Certatis quis vincat in peius, non datis operam quis sit melior: atque utinam non daretis quis sit peior. Et dicitis, Christiani sumus. Ad fauorem populi proiicitis res vestras, contra iussa Christi tenetis res vestras. Ecce non iubet Christus, rogat Christus, eget Christus. *Esurui*, dicit Christus, *& non dedistis mihi manducare*. Egere voluit propter te, vt haberes ubi seminare: * terrena dedit, vt meteres vitam æternam. Nolite pigri esse & malè securi. Mores emendate, peccata redimite, & cum hæc feceritis, Deo gratias agite, à quo accepistis bene viuere. Et sic ei gratias agite, vt non insultetis his qui nondum bene viuunt, sed eos ipsos moribus vestris hortemini. Hæc faciendo, habetis perfectam, quantum in hac vita esse potest, iustitiam: Conuersantes in bonis operibus, in orationibus, in ieiuniis, in eleemosynis propter minuta peccata, & abstinendo vos ab illis magnis peccatis, con cordatis cum aduersario: & securi dicitis in oratione. *Dimitte nobis* Mat. 6. 12.

Cap. xii.
Quæ pascit
terrenis
sustentat
vitandam.
Prou. 16. 16

Mat. 21. 42.
I. * qui dedit.

F ff ij

debita nostra, sicut & nos dimittimus debitoribus nostris. Habetis enim quod quotidie vobis dimittatur, qui habebitis quod quotidie dimittatis. Sic ambulando securi in via non timebitis latrocinia diaboli, quia Christus viam & stratam magnam seipsum fecit, per quam ducit ad patriam. Omnis ibi securitas, omnis quies: vbi & ipsa misericordiae opera cessabunt, quia nulla ibi erit indigentia miserorum. Erit ergo illic Sabbatum Sabbatorum: vt quod hic desideramus, ibi inueniamus. Amen.



S A N C T I
 AVRELII AVGVSTINI
 HIPPONENSIS EPISCOPI,
 LIBER, VEL SERMO DE DISCIPLINA
 Christiana, vel de domo disciplinæ.

IOCVTVS est ad nos sermo Dei, & depromptus est ad exhortationem nostram: dicente scriptura, *Accipite disciplinam in domo disciplinæ.* Disciplinæ, à discendo dicta est: disciplinæ domus, est Ecclesia Christi. Quid ergo hîc dicitur, vel quare discitur? Qui sunt qui discunt, & à quo discunt? Discitur bene viuere. Propter hoc discitur bene viuere, vt perueniatur ad semper viuere. Discunt Christiani, docet Christus. Primò ergo quid sit bene viuere: deinde quæ sit merces bonæ vitæ, terriò qui sint veri Christiani, quartò quis sit verus magister, pauca loquentibus nobis sicut Dominus donat, audire dignemini. Omnes in domo disciplinæ sumus, sed multi nolunt habere disciplinam: & quod est peruersius, nec in domo disciplinæ volunt habere disciplinam. Cùm propterea debeant in domo disciplinæ accipere disciplinam, vt seruent illam in domibus suis: ipsi econtrâ indisciplinationem non solum in domibus suis habere volunt, sed ferre illam secum etiam ad domum disciplinæ volunt. Idèd apud quos non vacat verbum Dei, qui cor auri coniungunt, qui non sunt via, vbi semen cum ceciderit, ab auiibus colligitur, qui non sunt perrosa loca, vbi semen altam radicem habere non potest, & ad horam exit, & in æstu arefcit: qui non sunt ager spinosus, vbi semen cùm germinauerit & in auras surgere cœperit, spinarum densitate

Cap. 1.
 Quid sibi
 ne videretur.

Matt. 13. 4.

suffocatur, sed qui sunt terra bona parata semen accipere, & fructum reddere vel centenum, vel sexagenum, vel tricennum. Recordentur, qui non sine causa intrarunt disciplinæ scholam, has me similitudines ex Euangelio commemorasse. *Qui* igitur tales sunt, accipiant quod per me Dominus dicere originatur. Ego enim, quoniam ille seminat, quid sum? Vix cophinus seminantis. Ipse in me dignetur ponere, quod vobis spargat. Nolite ergo attendere ad vilitatem cophini, sed ad charitatem seminis & potestatem seminantis.

Cap. 11. Quid est ergo bene viuere, quod hic discitur? Præcepta multa sunt in Lege, quibus ipsa bona vita continetur, imperatur & discitur. Multa omnino præcepta sunt & innumeralia. Præceptorum ipsorum paginas vix quisquam enumerat, quanto magis ipsa. Quæ voluit tamen Deus propter eos qui se possent excusare, vel quia eis non vacat legere, vel quia non norunt legere, vel quia non possunt faciliè intelligere, ut excusationem nemo habeat in die iudicij, voluit, sicut scriptum est, consummare & breuiare verbum super terram, sicut de illo Propheta prædixerat: *Verbum enim consummans & breuians faciet Dominus super terram.* Hoc ipsum verbum consummatum & breuiatum, nec obscurum Deus esse voluit. Ideò breue, ne non vacaret legere: ideò apertum, ne dicat, non mihi licuit intelligere. Thesaurus ergo est magnus diuinorum Scripturarum, habens in se mirabilia præcepta & multa: tanquam multas gemmas, & pretiosa monilia, & vasa ingentia, & magni metalli. Sed quis potest scrutari thesaurum istum, & uti eo, & peruenire ad omnia quæ ibi sunt? Quando hanc similitudinem Dominus dedit in Euangelio suo, & dixit, *Simile est regnum calorum thesauro inuento in agro:* ne quis se minus idoneum diceret ad perscrutandum thesaurum, continuò dedit aliam similitudinem: *Simile est, inquit, regnum calorum homini negotiatori, quærenti bonas margaritas, qui inuenit vnā pretiosā margaritā, & vendidit omnia quæ habuit, & emit illam: ut si piger eras ad perscrutandum thesaurum, non sis piger vnā margaritā sub lingua ferre, & quò vis securus ambulare.*

Cap. 112. Quid est ergo verbum consummans & breuians? Diliges

Dominum Deum tuum ex toto corde tuo, & ex tota anima tua, & ex Mat. 22. 37

tota mente tua, & diliges proximum tuum tanquam teipsum. In his duobus praeceptis tota lex pendet & Propheta. Ecce quod discitur in domo disciplinæ : Diligete Deum, diligere proximum. Deum tanquam Deum, proximum sicut teipsum. Non enim inuenis parem Deo, ut possit tibi dici, Dilige Deum sicut diligis illum. De proximo inuenta est tibi regula, quia inuentus es proximo tuo par tu ipse. Quæris quomodo diligas proximum ? Attende teipsum, & quomodo te diligis, sic dilige proximum. Non est ubi etres. Volo ego iam & tibi committere proximum tuum, ut diligas cum tanquam teipsum : Volo, sed adhuc timeo. Volo tibi dicere, Dilige proximum tuum sicut teipsum, & timeo : adhuc enim discutere volo quomodo diligas teipsum. Noli ergo argere. Non es tu ipse facile dimittendus, cui est proximus committendus. Non transitoriè tecum agendum est. Tu vnus homo es, proximi tui multi sunt. Non enim primò sic debes intelligere proximum : * vel fratrem, vel cognatum, vel affinem. Proximus est omni homini omnis homo. Proximi tibi dicuntur pater & filius, focer & gener. Nihil tam proximum, quàm homo & homo. Sed si putamus non esse proximos, nisi qui de iisdem parentibus nascuntur, Adam & Euam attendamus : & omnes fratres sumus. Et quidem fratres secundùm quod homines sumus, quantò magis secundùm quod Christiani sumus ? Ad id quod homo es, vnus pater fuit Adam, vna mater Eva : ad id quod Christianus es, vnus pater est Deus, vna mater Ecclesia.

*al. velat.
Proximus.*

VIDE TE etgo quantos proximos habeat vnus homo. Omnes homines in quos incurrit, quibus iungi potuerit, proximi eius sunt. Quomodo etgo discutiendus est vtrum diligat se, cui committendi sunt tot proximi, ut sic eos diligat tanquam te ? Non ergo irascatur vnusquisque, si discutio quomodo se diligat. Certè ego discutio, ipse se inueniat. Ut quid enim discutio, quia ego inuenturus sum ? Ideò discutio, ut ipse se interroget, ipse sibi appareat, ipse se non lateat, ipse se sibi non abscondat, ipse sibi se ante oculos suos, non post dorsum ponat. Me loquente faciat hoc, me nesciente faciat hoc. Quomodo te diligis ? Quisquis me audit, immo quisquis

Cap. 1v.

argre. se.

Deum per me audis, in hac domo disciplinæ, attende te quomodo te diligis. Profectò enim si te interrogem vtrum diligas te, respondebis quia diligis. Quis enim se odit: Hoc dicturus es. Quis enim te odit? Ergo non diligis iniquitatem, si te diligis. Nam si diligis iniquitatem, non ego dico, Psalmum audi: *Qui diligit iniquitatem, odit animam suam*. Ergo si diligis iniquitatem, audi veritatem, veritatem non te palpantem, sed apertè tibi dicentem, Odis te. Quanto magis dicis, quia amas te, odis te. *Qui enim diligit iniquitatem, odit animam suam*. Quid dicam de carne, quæ pars est vilior hominis? Si animam odit, quomodo carnem diligit? Denique qui amant iniquitatem, & oderunt animam suam, omnem turpitudinem exercent de carne sua. Iam ergo qui diligis iniquitatem quomodo tibi volebas committi proximum, vt diligeres eum tanquam te? Homo quid perdis: te? Si enim tu ipse sic te diligis, vt perdas te: sic profectò perditurus es & eum quem diligis sicut te. Nolo ergo quenquam diligas, vel solus peri. Aut corrige dilectionem, aut respue societatem.

Cap. 7.
quis perui-
dit diligat
proximum.

Brutus lo-
quitur.

DICTVRVS ES mihi, Diligo proximum tanquam meipsum. Audio planè, audio. Inebriari vis cum illo, quem diligis tanquam teipsum. Bene nobis faciamus hodie, quantum possumus bibamus. Vide quia sic te diligis, & illum ad te trahis, & ad quod amas vocas. Necesse est vt quem diligis tanquam teipsum, illuc illum trahas ad quod & tu te amas. Humanus homo, immo belluinus, amando talia qualia belluæ. Belluas enim Deus prostratas in faciem, fecit pastum quærentes de terra, te in duos pedes erexit de terra. Tuam faciem sursum attendere voluit. Non discordet cor tuum à facie tua. Non habeas faciem sursum, & cor deorsum: immo verum audi & verum fac. Sursum cor, ne mentiaris in domo disciplinæ. Quando enim audis, responde, sed sit verum quod respondes. Sic te dilige, & diliges proximum tuum tanquam teipsum. Quid est enim sursum habere cor, nisi quod dictum est prius: *Diliges Dominum Deum tuum ex toto corde tuo, & ex tota anima tua, & ex tota mente tua*. Quia ergo duo præcepta sunt, si vnum diceret, non sufficeret. Sufficit & vnum, si intelligatur. Nam aliquando sic loquitur Scriptura, sicut Paulus

Mat. 22. 37

Rom. 13. 9.

Apostolus: *Non adulterabis, non homicidium facies, non concupisces.*

piscees : & si quod est aliud mandatum , in hoc sermone recapitulatur : Diliges proximum tuum tanquam teipsum. Dilectio proximi malum non operatur. Plenitudo autem legis est charitas ? Quid est charitas ? Dilectio. Nihil videtur dixisse de dilectione Dei, sed solam proximi dilectionem dixit sufficere ad implendam legem. Quicquid est aliud mandatum, in hoc sermone recapitulatur, in hoc sermone impletur. In quo ? Diliges proximum tuum tanquam teipsum. Ecce vnum est. Certè duo præcepta sunt, in quibus tota lex pendet & Propheta. Mat. 22. 19.

V I D E T E quomodo plus breuiatum est, & adhuc pigri sumus. Ecce quæ duo erant, vnum factum est. Prorsus proximum dilige, & sufficit. Sed dilige quomodo te ipsum diligis, non quomodo te ipsum odisti. Dilige proximum tuum tanquam teipsum, sed prius est vt diligas teipsum. Quærere habes quomodo diligas teipsum, & audire habes : *Diliges Dominum Deum tuum ex toto corde tuo, & ex tota mente tua, & ex tota anima tua.* Homo enim quomodo à se fieri non potuit, sic nec beatus à se fieri potest. Alia res fecit eum hominem, quod non est ipse homo. Denique errans videt ipse, quia per se non potest beatus esse, & amat aliud vnde sit beatus. Vnde se fieri putat beatum, hoc amat. Quid putamus, amar, vnde putat se fieri beatum ? Pecuniam, aurum, argentum, possessiones. Breuiter dico, pecuniam. Totum enim quicquid homines possident in terra, omnia quorum domini sunt, pecunia vocatur. Seruus sit, vas, ager, arbor, pecus; quicquid horum est, pecunia dicitur. Et vnde est primum vocata pecunia ? Ideò pecunia, quia antiqui totum quod habebant, in pecoribus habebant. A pecore pecunia vocatur. Legimus antiquos patres fuisse diuites pastores. Ergo pecuniam diligis, ô homo : vnde putas te fieri beatum, pecunia est, & multum eam diligis. Volebas diligere proximum tanquam teipsum, diuide cum illo pecuniam tuam. Quid esses discutiebam. Inuentus es : apparuisti tibi, vidisti te, considerasti te. Non es paratus diuidere pecuniam tuam cum proximo tuo. Sed quid mihi respondet benigna auaritia ? Quid mihi respondet ? Si diuisero cum illo, minus erit & mihi & illi : minuetur quod amo, nec totum habebit ille, nec totum habebó ego. Sed quia diligo eum tanquam me-

ipsum, opto illi vt tantum habeat: vt nec meum minuatur, & ipse mihi coarquetur.

Cap. vii. OPTAS vnde nihil perdas, atque vtinam hoc verum dicas vel optes. Timeo enim ne inuideas. Quomoddò enim socialis erit felicitas tua, quam torquet felicitas aliena. Nonne cùm ceperit ditescere vicinus tuus, & incipere quasi surgere, & ire post te: times ne sequatur te, times ne transeat te. Certè diligis proximum tuum tanquam teipsum. Sed non loquor de inuidis. Auertat enim Deus hanc pestem ab animis omnium hominum, nedum Christianorum: vitium diabolicum, quo solus diabolus reus est, & inexpressibiliter reus. Non enim dicitur diabolo vt damnetur, adulterium commisisti, furtum fecisti, villam alienam rapuisti: sed homini stanti lapsus inuidisti. Inuidia, diabolicum vitium est, sed habet matrem suam. Superbia vocatur mater inuidiæ. Superbia inuidos facit. Suffoca matrem, & non erit filia. Ideò humilitatem docuit Christus. Non ergo loquor inuidis, bene optantibus loquor. Illis loquor qui optant bene amicis, vt habeant tantum quantum habent & ipsi. Optant bene egentibus, vt habeant quantum & ipsi, sed nolunt illis dare ex eo quod habent. Inde te iactas, homo Christiane, quia optas bene? Melior te est mendicus, qui plura tibi optat, & nihil habet. Bene vis optare nihil à te accipienti, da aliquid bene optanti. Si bonum est bene optare, redde mercedem. Optat tibi bene pauper, quid trepidas? Adde aliquid. In domo disciplinæ es. Adde aliquid his quæ dixi. Da bene optanti, Christus est. Ipse à te petit qui tibi dedit. Erubescere. Ille diues pauper esse voluit, vt haberet pauperes quibus dares. Da aliquid fratri tuo, da aliquid proximo tuo, da aliquid comiti tuo. Tu diues es, ille pauper est. Vita ista via est, simul ambulatis.

Cap. viii. SED fortè dicis, Ego diues, ille pauper est. Simul ambulatis an non? Quid est quod dicis, ego diues, ille pauper; nisi ego oneratus, ille levis? Ego diues, ille pauper. Sarcinam tuam cōmemoras, pondus tuum laudas. Et quod grauius est, constrinxisti ad te sarcinam tuam: ideò non potes porrigere manum. Onera te, liga te: quid te iactas? quid te laudas? Solue vincula tua, minue sarcinam tuam. Da comiti, & illum adiuuas, & te releuas. Inter has voces tuas laudantes sarcinam tuam, adhuc

Christus petit & non accipit : & obtendis nomen pietatis crudelibus vocibus, & dicis: Et quid seruo filiis meis? Christū illi oppono, filios suos mihi reponit. Istāne verò magna iustitia, vt habeat vnde luxurietur filius tuus, egeat Dominus tuus? *Cum enim vni ex minimis meis fecisti, mihi fecisti.* Non le- Mat. 25. 40.
gisti, non aduertisti, *Cum vni ex minimis meis non fecisti, nec mihi fecisti?* Non legisti, non timuisti? Ecce quis eget, & filios tuos numeras? Postremò numera filios tuos, adde vnum illum inter illos, Dominum tuum. Vnum habes, sit ille secundus: duos habes, sit ille tertius: tres habes, sit ille quartus, nihil horum vis. Ecce quomodò diligis proximum tuum, quem tibi facis socium ad istam perditionem. Quid tibi dicturus sum, Diligis proximum tuum? Quid illi in aures insufurrabis homo auare: nisi fili aut frater, aut pater, bonum est nobis, vt cum hīc viuimus, bene sit nobis? Quantum habebis, tantus eris. Frange lunam, fac fortunam. Ista sufurrabis proximo tuo, quæ non didicisti in domo disciplinæ, nec audisti hīc.

No 1.0 sic diligas proximum tuum. O si possem facere, vt nulli iungereris: *Corrumpunt enim mores bonos colloquia mala.* Sed non possum facere vt nemini iungaris, cui mala ista quæ non vis dediscere, insufurres: & non solū nolis dedoceri, sed asfectes etiam docere. Nolo, immo volo, sed non possum te dis-
iungere ab auribus aliorum. Alios admoneam, ad quorum aures ambis, quorum aures penetrare moliris, ad quorum corda per aures intrare disponis. O qui accipis verbum sanum in domo disciplinæ, sepi aures tuas spinis. *Corrumpunt bonos mores colloquia mala.* Sepi aures tuas spinis Sepi, & spinis sepi: vt ille qui importunè intrare ausus fuerit, non solū non repellatur, sed etiam compungatur. Repelle illum à te. Dic, Christianus es, Christianus sum non hoc accepimus in domo disciplinæ, non hoc didicimus in illa schola, quam gratis intrauimus: non hoc didicimus sub illo Magistro, cuius cathedra in cælo est. Noli mihi ista dicere, aut noli ad me accedere. Hoc est enim, *Sepi aures tuas spinis.* Conuertam me ad illum. Auarus Cap. 12.
Ecc. 12.
es, pecuniam amas. Beatus esse vis? Deum tuum ama. Pecunia te non facit beatum. Tu eam facis ornatam, non illa te beatum. Sed quia multū amas pecuniam, & video quia pergis quòd iusserit cupiditas, piger perge quòd iubet charitas. Respi- 1. Cor. 15. 33.
Ecc. 12. 18

ce & vide quàm multùm interfit inter pecuniam tuam & Deum tuum. Pulchrior est iste sol quàm pecunia tua, & tamen iste sol non est Deus tuus. Porrò si pulchrior est lux ista quàm pecunia, quantum est pulchrior qui fecit hanc lucem? An fortè comparare vis pecuniam tuam luci? Ecce occidit sol, ostende mihi pecuniam tuam. Nitet & nocte, subtraho lucernam. Ecce diues es. Ostende mihi diuitias tuas. Iam si lumine priueris, iam si non habeas vnde quod habes videas, vbi sunt diuitiæ tuæ?

Cap. x.

Et sic tamen horrenda profunditas auaritiæ non pater oculis, & scater animis. Vidimus & cæcos auaros. Dicatur mihi, Vnde avari sunt cæci qui non vident? Quod habet non habet, & tamen auarus est cæcus quare? Quia credit se habere, auarus est: Fides eum facit diuitem. Credendo diues est, non videndo. Quantò meliùs fide conuertit ad Deum? Non vides quod possides, & Deum tibi sic prædico. Nondùm vides, ama & videbis. Amas pecuniam, ô cæce, quam nunquam videbis. Cæcus possides, cæcus moriturus es, quod possides, hic relikturus es. Non tenebas & quando viuebas, quantò magis perdis, quia non videbas quod habebas? De Deo quid tibi dicitur? Ecce hoc tibi dicit ipsa sapientia. Ama illà tanquam pecuniam. Indignum est, iniuriosum est, vt sapientia pecuniæ comparetur: sed amor amorì comparatur. Video enim hic vos sic amare pecuniam, vt iubente amore pecuniæ labores suscipiatis, ieiunia toleretis, mare transeat, ventis & fluctibus vos committatis. Habeo vnde eligam quod ametis, sed non habeo quod addam ad amorem quo amatis. Sic me amate, plus nolo me amari, dicit Dominus. Improbis loquor, auaris loquor. Pecuniam diligitis, tantum me diligite. Certè melior sum incomparabiliter. Nolo à vobis ampliorem amorem. Quantum diligitis pecuniam, tantum me amate. Erubescamus saltem, confiteamur & pectora tundamus, non vt super peccata nostra pauimentum solidemus. Nam qui tundit pectus & non corrigitur: solidat peccata, non tollit. Tundamus pectus & cædamus nos, & corrigamur à nobis, ne ille postea nos cædat, qui magister est, diximus enim iam quid hic discatur.

Cap. xi.

QVARE iuisti in scholam, & vapulasti, & à parentibus du-

Quis, & fugitans quæsitus, & inuentus attractus es, & adductus extensus es? Quare vapulasti? quare tanta mala in pueritia pertulisti? Vt disceres. quid disceres? Literas. quare? Vt haberetur pecunia, aut vt compararetur honor, & teneretur sublimitas dignitatis. Vide quia periturus es propter perituram rem. Perituram rem cum tanto labore didicisti in tantis pœnis, & amabat te qui te ad pœnas trahebat. Ipse qui te a natabat, ipse te ad pœnas trahebat vt vapulares, amando faciebat vt disceres quid? Literas. Bonæ sunt literæ? Bonæ. Noui, dicturus es mihi: quare & vos Episcopi literas legistis? quare, nunc diuinas Scripturas in ipsa literatura tractatis? Ita verò, sed non ad hoc didicimus literas. Non enim parentes nostri, quando nos in scholam mittebant, hoc nobis dicebant: discere literas, vt habeatis vnde legere possitis codices Dominicos. Nec ipsi Christiani filiis suis hoc dicunt. Sed quid? Discite literas. quare? Vt sis homo. quid enim? Modò pecus sum? Quod dico vt sis homo, hoc est, vt sis eminens inter homines. Vnde & illud prouerbiū, quantum habebis, tantus eris. Vt habeas quantum cæteri, aut quantum pauci, aut plusquam cæteri, aut plusquam pauci, habeas inde honorem, habeas inde dignitatem. Et vbi erunt ista omnia cū mors venerit? Quomodò stimulat, quomodò metus iste interpellat? Quomodò nomen ipsum à me commemoratum omnium corda percussit? Quomodò timorem vestrum teste gemitu declarastis? Audiui, audiui genuistis, mortem timeris. Si timeris, quare non cauetis? Mortem timeris. quid timeris? Ventura est. Timeam an non timeam, venire habet: serò an citò, ventura est. Si timeas, non efficies vt non sis quod times.

ILLVD potius time, quod si nolis, non eris. quid? Peccare. Peccare time, quia si amaueris peccata, in aliam mortē irruēs, quò possēs non venire, si non amares peccata. Modò autem peruersus plus amas mortem quam vitam. Absit, inquis, quis est hominum qui plus amet mortem quam vitam? Fortè conuincō te, quia plus amas mortem quam vitam. Ecce vnde te conuincō. Amas tunicam tuam, bonam eam vis. Amas villam tuam, bonam eam vis. Amas filium tuum, bonum eū vis. Amas amicum tuum, bonum eum vis. Amas domum tuam, bonam eam vis. Quid est quod etiam bonam vis habere mortē? Quo-

Qua sit
merces bo-
na vita.

Cap. xxi.

tidie enim rogas, ut quoniam mors ventura est, bonam mortē tibi det Deus: & dicis, Deus auertat à me malam mortem. Plus ergo amas mortem tuam quàm vitam tuā. Mori malè timēs, & malè viuere non times. Corrige malè viuere, time malè mori. Sed noli timere, non potest malè mori qui bene vixerit.

Psalm. 115. 10. Prorsus confirmo, audeo dicere, *Credidi propter quod locutus sū:* non potest malè mori, qui bene vixerit. Iam tu dicis, Nūc iusti naufragio perierunt? Certè non potest malè mori, qui bene vixerit. Nūc multos iustos gladius peremit hostilis? Certè non potest malè mori, qui bene vixerit. Num multos iustos latrones occiderunt? Num multos iustos bestia lanauerunt? Certè non potest malè mori, qui bene vixerit. Ego respondeo: Hæc enim tibi videtur mala mors naufragio perire? gladio percuti? à bestiis laniari? mors mala tibi videtur? Nonne has mortes Martyres subierunt, quorum natalitia celebramus? Quod genus mortis non subierunt? Et tamen si Christiani sumus, si in domo disciplinæ nos esse meminimus, vel cū hīc sumus, vel cū hīc audimus, si exeuites: hinc non obliuiscimur, si meminimus quod hīc audimus, nonne Martyres beatificamus? Quære mortes Martyrum. Oculos carnis interroga: malè mortui sunt. Oculos fidei interroga: *Preclara in conspectu Domini mors Sanctorum eius.*

Iud. 16. 19. Quicquid ergo est quod exhorres in morte, omnino non exhorreas, si eos imitaris. Id age ut bonam vitam habeas: & quæcunque occasio fuerit ut ex eas de hoc corpore, exis ad requiem, exis ad beatitudinem, quæ non habet timorem, nec finem. Nam quasi bona mors diuitis, in purpura & bysso: sed mala mors sitientis, & inter tormenta guttam aquæ desiderantis. Quasi mala mors iacentis pauperis ante ianuam diuitis, inter linguas canum, in fame & siti micæ de mensa desiderantis. Mala mors, auersanda mors. * Finem respice: Christianus es, fidei oculum intende. Contigit mori inopem illum, & deferri ab Angelis in sinum Abraham. Quid proderat diuiti sepulchrum marmoreum, sitienti apud inferos? Quid oberant pauperi panni cum sanie vlcere eius, requiescenti in sinu Abraham? Longè vidit eum requiescentem, quem contempserat iacentem. Mo' id elige mortem. Dic mihi, quis bene mortuus est, quis malè? Puto quia meliùs ille pauper, quàm ille

diues. An vis aromatibus sepeliri, & apud inferos sitire? Respon-
des: Absit à me. Puto quòd hoc dices. Disces ergo bene
mori, si didiceris bene viuere. Merces enim bonæ vitæ, æter-
na est.

Qui discunt, Christiani sunt: qui audiunt & non discunt, Cap. xiii.
qui sit ve-
ri Christia-
ni. quid ad seminantem? Seminantis manum non terret via, non
terrent lapides, non spinæ: iactat ille quod suum est. Qui ti-
muerit ne cadat in terram malam, non peruenit ad terram
bonam. Et nos dicimus, spargimus semina, iactamus semina.
Sunt qui contemnunt, sunt qui reprehendunt, sunt qui irri-
dunt. Istos si nos timuerimus, nihil habemus seminare, & in
messe habemus esurire. Ergo veniat semen ad terram bonam.
Scio quòd qui audit & bene audit, deficit & proficit. Deficit
iniquitati, proficit veritati. Deficit seculo, proficit Deo.

Quis est enim magister qui docet? Non qualiscunque ho- Cap. xiv.
qui sit ve-
ri magi-
ster.mo, sed Apostolus. Planè Apostolus, & tamen non Apostolus.
An vultis, inquit, experimentum eius accipere qui in me loquitur 2. Cor. 1. 3.
Christus? Christus est qui docet: cathedram in cælo habet, ut
paulo antè dixi. Schola ipsius in terra est, & schola ipsius cor-
pus ipsius est. Caput docet membra sua, lingua loquitur pedi-
bus suis. Christus est qui docet. Audiamus, timeamus, facia-
mus. Et ne contemnas ipsum Christum: qui propter te in al. in ear-
natus. a Luc. 2. 7.
b Mat. 4. 2
c Ioan. 10. 21.
d Ioan. 4. 6.
e Mat. 8. 14.
f Luc. 8. 48.
g Mat. 26.
h Luc. 13. 31.
i Luc. 19. 30.
k Mat. 27.
l Ioan. 10. 30. a * carne natus est, pannis mortalitatis circumdatus, propter te
esuriuit^b & sitiuit^c, propter te lassatus^d ad puteū sedit, propter
te fatigatus^e in nauī dormiuit, propter te ^f contumelias indi-
gnas audiuit; propter te à facie sua ^g sputa hominum non abe-
git, propter te à lapas in facie accepit; propter te ^h in ligno pe-
pedit, propter te ⁱ animam effudit, propter te in sepulchro po-
situs est ^k Hæc omnia fortè contemnis in Christo? Vis noscē
quis sit? Recole Euangelium quod audisti^l, *Ego & Pater unum
sumus*. Conuersi ad Dominum, ipsum deprecemur pro nobis,
& pro omni plebe sua astante nobiscum in artibus domus suæ,
quam custodire protegereque dignetur: Per Iesum Christum
Filium suum, Dominum nostrum, qui cum eo viuit & regnat
in secula seculorum, Amen.

S A N C T V S
AVRELVS AVGVSTINVS
EPISCOPVS

DE CANTICO NOVO, ET DE
reditu ad cælestem patriam, ac viâ periculis.

Cap. 1.
*Quales no-
bi Christi
nomicatus
attulerit, &
quibus ve-
tustatibus
successerit.*
Hier. 31. 31.



Psal. 143. 9.
Psal. 95. 1.
Col. 3. 9.

2. Cor. 5. 17.

MNIS qui baptismum Christi desiderat, vitam nouam concupiscit. Transeat ergo à vetustate, vt perueniat ad nouitatem. Priùs enim fuit testamentum vetus, canticum vetus, homo vetus: nunc autem testamentum nouum, canticum nouum, propter hominem nouum. Demonstremus hoc quod dicimus testimoniis Sanctorum scripturarum. Hieremias Propheta: *Ecce, inquit, dies veniant, dicit Dominus, & consummabo super domum Iuda Testamentum nouum.* Dauid quoque Propheta: *Deus canticum nouum cantabo tibi.* Et iterum, *Cantate Domino canticum nouum.* Apostolus autem Paulus, *Exspoliantes*, inquit, *vos veterem hominem, induite nouum.* Et alibi: *Vetera transierunt, ecce facta sunt [omnia] noua.* Quæ vetera transierunt? quæ facta sunt noua? Si adit spiritalis auditor, non solùm intelligit, verùm etiam videt quæ facta sunt noua. Si autem carnalis adsit, qui totum per oculos carnis, nihil per aciem mentis intelligit, irridens respondet: Rogo te, dic quæ facta sunt noua? Nunquid aliud cælum respicio quàm antea, aut sidera in nouum splendorem micantia? Nonne iisdem cursibus sol peragit diem, iisdemque curriculis luna peragit noctem? Nunquid mare terminos suos finisque transgressum est, aut terræ facies immutata, alia insolita germina procreauit? Nunquid sicut ex initio horis duodecim peragitur dies, eisdemque clementis æstatis tempus, quibus detrimentis hyems peragitur? Pro-

genies

genies quoque ipsa mortalium aliis decedentibus, aliis succedentibus terminatos finiunt dies. Cum ergo omnia sicut ex initio constituta sunt, ita concurrunt suos motus finesque seruantia: quid est quod nobis prædicatur, *Vetera transierunt, ecce facta sunt noua*: Responde, ô Paule, talia de nobis requirunt? & quia minus valeo ad respondendum, te obsecro, responde pro me. Ecce audi Apostolum: Quid quartis, carnalis anditor, per oculos carnis respicere? Erige mentis aciem, ut quod dicitur possis intelligere, *Vetera transierunt, ecce facta sunt noua*. Quæ vetera transierunt, quæ facta sunt noua? *Primus homo*, inquit, *de terra terrenus, secundus homo de cælo cælestis*. Transiit Adam, homo vetus factus ex limo: venit Christus, Deus homo missus è cælo. Transiit vetustas mentium, accessit nouitas credentium: transiit vita carnalis, successit spiritalis. An parua est hæc nouitas ita demonstrata per hominem Deum: ut moriendo susciperet vetustatem tuam, resurgendo ostenderet nouitatem tuam, ascendendo fitmaret claritatem tuam? *Vetera transierunt*. Quæ vetera transierunt? Quod eratis filij Adam, filij carnales. Noua accesserunt. Quæ noua? Quod efficiamini filij Dei, filij spiritalis. *Vetera transierunt, terra etatis: Ecce facta sunt noua*, Cæli iam penè effecti estis: *Celi enim enarrant gloriam Dei*. Non vobis impossibile videatur, quod cum sitis terrestres, efficiamini cælestes. De terra non fecit cælum qui de nihilo fecit terram & cælum. Vetera transierunt, lapides colebatis. Noua accesserunt, Deum verum adoratis. Vetera transierunt, et transiit mortalitas: Noua accesserunt, promissa est immortalitas. Vetera transierunt, perierat omnis caro per mulierem simul cum vito peccante: Noua accesserunt, reparata est caro sine vito, virgine pariente. Vetera transierunt, transiit regio vetustatis. Noua accesserunt, succedit Hierusalem ciuitas cælestis nouitatis. Ad hanc ciuitatem nouam peruenite cupitis, qui nomina vestra conscribenda dedistis.

E t A, fratres mei, at denter desideremus propriam patriam: peregrinationem istam, quæ nos ab ea adhuc detinet, toleremus, non amemus, festinemus tamen. Non est quare hic stare. Nec inuenis in seculo, quod iam possis amare. Ipse enim amor parentum, coniugis, filiorum, facultatum, aut ma-

Cap. II.
quibus nati
in instru-
tionibus
ad patriam
tendere de-
bemus.

al. vt hoc
possimus.
Psal. 70. j.

al. non.
Tub. 4. 11.

Mat. 14. 30.

x. rim. 6. 2.

Col. 3. 14.

Col. 3. 18.

1. Cor. 13. 13.

Col. 3. 16.

gnum quibusdam incusserunt laborem, aut magnum pariunt
timorem : non est quare hic stare. Melius enim festinando
appetimus sempiterna , quàm hic remanendo seculi nos ap-
prehendat ruina. Præparemus sitarchias, apprehendamus &
ascendamus nauem fidei simul & crucem, nec desit anchora
spes nostræ salutis, extendamus funes, diuersas virtutes, ve-
la charitatis colligamus, inuocemus ventum prosperum ver-
bum Dei, exhauriamus sentinam à peccatis, per eleemosynas
mundetur conscientia. Non impediatur huius nostri cuius
nauigij, operemur manibus * vt possumus. Manibus suis sen-
tinam exhauriebat qui dicebat; *manibus meis coram eo nocte, &
non sum deceptus.* Non negligamus nostra peccata : minuta
sunt, sed multa sunt. Fluctus vnus validus irruens obruit na-
uem, minaturque naufragium. Humor autem per rimas in-
fluens & in sentinam veniens, nisi sub inde siccetur, hoc idem
facit. Ergo exhauriatur sentina , * ne negligatur misericor-
dia, quia *eleemosyna à morte liberat, & ipsa purgat peccata.* Assit
nostra tutela Christi gratia , celeuma nostrum dulce cante-
mus *alleluia* : vt læti ac securi ingrediamur sempiternam ac fe-
licissimam patriam. Non metuat anima mare hoc magnum,
seculum, scilicet, cuius fluctus ac turbines sentimus inimicas
seculi potestates. In Deo sperantes multi iam sancti hos flu-
ctus spreuerunt , multi calcauerunt multi super eius aquas
ambulantes securi ad patriam peruenerunt. Sed exurgit ven-
tus validus & magna tempestas, sua cuiusque cupiditas. Ti-
tubatur fides in mari, clamat in te Petrus, Domine pereoo : dabit
manum mergenti, nec sinit perire ille qui propter nos digna-
tus est super aquas ambulare. Vide Apostolum Paulum, hoc
nauigium non solum demonstrantem , verum etiam ascen-
dentem, & quàm plurimos inuitantem. Quando dicebat, *Ha-
bentes victum & tegumentum, his contenti simus*: quid aliud quàm
competentem sitarchiam imponendam esse monstrabat ?
Quando dicebat, *Mihi autem absit gloriari, nisi in cruce Domini
nostri Iesu Christi, per quem mihi mundus crucifixus est, & ego mun-
do, nauem ascendebat.* Quando dicebat, *Induite vos sicut ele-
cti Dei, benignitate, humilitate, longanimitate, mansuetudine*:
quid aliud quàm funes extendebat: quando dicebat, *Manet
fides, spes, charitas, maior horum charitas* : vela colligebat, quan-

do dicebat, *Verbum Dei habites in vobis abundanter*: ventum G. 11, 6. 10.
 prosperum inuocabat, quando dicebat, *Insatigabiles iaque* 1. Thel. 4. 11.
dum tempus habemus operemur bonum ad omnes; & operantes pro-
 priis manibus nostris: quid aliud quàm sentinam exhauriri præ-
 cipiebat, quando dicebat, *Gratia salui facti estis*: tutelam exo-
 rabat, quando dicebat, *In psalmis & hymnis cantantes in cordi-* Eph. 1. 8.
bua vestra Domino: celeuma sanctum docebat, quando dicebat, Eph. 5. 19.
Spe salui facti sumus; anchoram in cordibus credentium fige- Rom. 8. 14.
 bat. Quando dicebat, *Hierusalem qua sursum est, libera est, quæ est* Gal. 4. 26.
mater nostra: ipsam patriam demonstrabat. Quando dicebat, 1. Cor. 15. 55.
Vbi est mors contentio tua, *Gratias Deo, qui dedisti nobis victoriam*
per Dominum nostrum Iesum Christum; non adhuc in mati peri-
 clitabatur, sed iam in propria patria lætabatur. O optime gu-
 bernator, ô pulcherrime magister & doctor, docuisti & fecisti;
 & idèd celeriter peruenisti, quia quæ docuisti, prior ipse fecisti.

Sed quis fortè ut assolet refugit nauigium, & insolitos flu-
 ctus maris horrescit, desideratque iter conficere; quo etsi tar-
 dius ad patriam valeat peruenire, demonstrabo viam, immo
 ipsa se demonstrabat via. Ecce in Evangelio clamat Salu-
 ator: *Ego sum via*. Habes viam, ambula sollicitus: tamen do-
 ma iumentum tuum, carnem tuam, ipsi enim insidet anima
 tua. Quomodò si in hac via mortali iumento insideres, quod
 te gestiando vellet præcipitare: nonne ut securus iter ageres,
 cibaria ferocienti subtraheres, & fame domares quod fræno
 non posses? Caro nostra iumentum nostrum est, iter agimus
 in Hierusalem. Pletumque nos rapit caro, & de via conatur
 excludere. Tale ergo iumentum cohibeamus ieiuniis. Vide
 eum gubematorem eundemque viatorem Apostolum Paulū,
 vide illum iumentum suum domantem: *In fame, inquit, & siti,* 2. Cor. 11. 2.
in ieiunijs sæpius castigo corpus meum, & in seruitutem redigo. 1. Cor. 9. 27.
 Ita ergo & tu qui ambulare desideras, doma carnem tuam, &
 ambula. Ambulas enim si amas. Non enim ad Deum passibus,
 sed affectibus currimus.

VIA ergo ista nostra ambulantes quærit. Tria sunt homi-
 num genera quæ odit: remanentem, retrò redeuntem, abér-
 rantem. Ab his tribus generibus malis, Domino adiuuante
 vindicetur & defendatur gressus noster. Iam verò cum am-
 bulantes sumus, alius tardiùs ambulat, alius celerius: ambo

H h h ij

Cap. III.
 De via pe-
 destri ad
 patriam na-
 uigare vo-
 lentibus, &
 iumento
 opportuno.
 Ioan. 14. 6.

2. Cor. 11. 2.
 1. Cor. 9. 27.

Cap. IV.
 De ambulā-
 tium sexa-
 plici genere.

tamen ambulant. Excitandi sunt ergo remanentes, retrò redeuntes reuocandi, errantes in viam ducendi, tardi exhortandi, celeres imitandi. Qui non proficit, remansit in via : qui fortè à meliote proposito declinat, ad id quod deterius reliquetat, reuersus est retrò, qui fidem deserit, à via errauit. Cum tardis sit nobis & cum celerioribus ratio, cum ambulantibus tamen. Quis est qui non proficit? Qui se putauerit esse sapientem, qui dixerit, sufficit mihi quod sum, qui non attenderit eum qui dicit, *Quæ retrò oblitus, in ea quæ ante sunt, extensus secundum intentionem sequor ad palmam vocationis Dei in Christo Jesu.* Currentem se dixit, sequentem se dixit; non remansit, non retrospexit; absit vt errauerit, quia viâ ipse docebat, qui & tenebat & ostendebat. Celeritatem autem eius vt imitarentur, ait, *Imitatores mei estote sicut & ego Christi.* Arbitramur ergo vos, dilectissimi, in via nobiscum ambulare : si tardi sumus, præuenite nos, non inuidemus, quætimus quod sequamur. Si autem nos putatis celeriter ingredi, currite nobiscum : vnum est ad quod omnes festinamus, & qui tardiùs, & qui celeriùs ambulamus. Qui sunt & retrò redeuntes? Qui ex continentia reuertuntur in immunditiam : qui ex sancto & singulari bono proposito virginitatis diuertuntur in turpitudines voluptatis, & corrupta mente corrumpunt simul & carnem. Hos increpat Apostolus Petrus dicens : *Melius illis erat non cognoscere viam salutis, quam cognoscentes retrò respicere.* O malum, retrò respicere! Vxor enim Loth, quæ liberata est à Sodomis, contra præceptum retrò aspexit, quod euaserat, perdidit. Nec immeritò in statuam salis repente conuersa est, nisi vt fatuos suo etiam exemplò condideret. Qui sunt & aberrantes? Omnes hæretici, qui relicta veritatis via errando per desertum latrocinantur, & animas captant in peccatis, præpediuntque ne quis ad patriam valeat peruenire : effecti lupi semitarij induti ouina pelle, cum sint intus lupi rapaces, prædicantes Christum viam, & qui eos sequuntur ducentes ad mortem.

Cap. v.
vnde discretio
ne falsa
predicationis
ad vtram.

Hic si aliquis dicat, Quid ego faciam non inuenio. Ecce homo Christum viam prædicat, Christi se dicit esse discipulum, veritatem se dicit annunciare, quare non sequar talia prædicantem? Respondeo : Quia aliud eius lingua habet,

aliud conscientia. Vnde noui, inquis? nunquid ego conscientias discutere possum? Christum ab eo audio, quod audio hoc credo, hoc teneo. Non te seducat filius falsitatis, si filius es veritatis. Disce iam, Christiane, qui Christum desideras & audire & videre. Si quis tibi Christum prædicat, attende, & considera, qualem prædicet, ubi prædicet. Christus enim *veritas* Ioan. 4. 6. Psal. 18. 5. est, per Scripturas sanctas prædicatur, non in angulis, non occultè, sed palam, publicè. *In sole posuit tabernaculum suum*; hoc est, in manifesto collocauit Ecclesiam suam. Iam hic respice illum qui tibi Christum prædicat, dicat qualem Christum prædicet.

ECCÆ hæreticus Manichæus, qui per suam doctrinam promittit introducere te in veritatem, ipsum Christum dicit esse fallacem. Non habuit, inquit, verum corpus: phantasma fuit, spiritus fuit. Et hoc in illo fuisse negat nequissimus Manichæus. O pessime hæretice Manichæe, si credere non vis veritatem dicentem discipulis suis: *Palpate & videre, quia spiritus ossa & carnem non habet, sicut me videtis habentem*: si credere non vis, vt dixi, veritati, ludæo crede crucifigenti. Nam cum tu dicis, Christus Deus fuit, non homo: Iudæus dicit, non fuit Deus, sed homo. Catholica vtrosque conuincens, ego ait, verum teneo, quod Christus & Deus est & homo. Tu autem, Manichæe, vnde probas Christum spiritum fuisse? Spiritus alas accepit, spiritus spineam coronam portauit, spiritus sibi crucem baiulauit? Si spiritus fuit, cuius vestimenta milites diuiserunt? Si spiritus fuit, quomodo cum traderet spiritum, corpus eius propè dimidium diem exanime pendit in cruce? Si spiritus fuit, quomodo latus eius perforatum est lancea? Quomodo susceptus est à Ioseph sepeliendus, quomodo sepulchro est conditus? Omnia ista spiritus pati non potest. Sicut de eo antea per Prophetas prædictum est, ita & factum est. Erras tu nimis, falsitas, in omnibus te superat veritas. Ergone, hæretice, vt doces, veritas mentita est, & tu verum prædicas? Et ubi hoc prædicas? In absconso, in occulto. Si veritate fulcitur prædicatio tua, publica sit doctrina tua. Demonstra mihi Ecclesiam tuam. Sed nouimus quid agatis & deceptores. Apostolus Paulus vos prodidit dicens: *Quæ enim occultè fiunt ab eis, turpe est etiam dicere*. Eph. 5. 12.

Nobis est turpe dicere, sed vos non quiescitis agere. Manifesta est ignominia vestra, nudata est turpitudine vestra. Ex confessione simul & scriptura vestra, omnibus palam facta est turpis doctrina vestra: utinam aliquando corrigantur corda vestra.

Cap. vii.
De errore
Arianorū,
& eorum
improbitate.
Ioan. 10. 30.
Ioan. 14. 10.

ALII hæretici Ariani ipsam viam Christum, per quam itur ad patrem, secundum diuinitatem nolunt esse æqualem patri. Et cum ipse dicat, *Ego & Pater vnum sumus*: illi dicunt, Si missus est Christus, minor est: maior est utique qui mittit illo qui mittitur. Hæc argumentatio est humana, non auctoritas diuina. Alia est operatio Trinitatis, quam tu, hæretice, non assequeris, quia carnaliter sapis. Mundum enim cor non habes nec ad Deum. Christus enim in quantum hominem suscepit, missus dicitur: in quantum Deus est, æqualis est Patri. Nam quo eum Pater mitteret, ubi ipse cum Filio non esset? Aut quò Filius venisset, ubi non simul cum Patre esset ille qui dicit, *Ego in Patre, & Pater in me est*: Et, *Philippe, qui videt me, videt & Patrem*: & qui per Prophetam dicit, *Cælum & terram ego impleo*, & de quo Salomon dicit, *Attingit à fine vsque ad finem fortiter, & disponit omnia suauiter*? Attingit vbique propter suam mundiciam. Sed tu, hæretice, idèd dicis maiorem esse qui mittit, minorem qui mittitur: quia temporum spatia cogitas. Sed multum erras, illi assignare tempora per quem facta sunt tempora. Si patrem confiteris Deum, Deum Filium, æternumque credis & Patrem & Filium: noli minorem facere filium in eo quod fecit te, quia idèd minor factus est, ut redimeret te. Sed ipse, inquis, dixit, *Pater maior me est*. Intellige secundum susceptum hominem, & depones errorem. Secundum hoc ait, *Pater maior me est*, secundum

Ioan. 14. 10.
Ibid. 9.
Hier. 23. 24.
Sap. 8. 1.

Ioan. 14. 18.
Psal. 8. 6.

Ioan. 5. 12.

Ioan. 1. 3.

al. * ille.

quod de eo ait Prophetæ, *Minorasti eum paulo minus ab Angelis*. Tu autem dic, secundum quid eum minorem alleris? Si secundum potestatem, *Pater non indicat quenquam, sed Filius*. Si secundum opera; *Omnia per filium facta sunt*. Si secundum tempus hoc credis de Deo tuo, quia sicut tu maior es filio tuo, ita * ipse filio suo. Auerrat hoc Deus ab auribus fidelium! Indigna sunt ista credere de Deo. Si enim Filius secundum deitatem Dei verbum est, sicut Euangelista Ioannes narrat, *In principio erat Verbum, & Verbum erat apud Deum, &*

Demerat Verbum; fuit aliquod tempus quando Pater fuit sine verbo, aut fuit aliquod principium ante ipsum principium, quoniam ipse filius dixit se esse principium? Interrogantibus quippe Iudæis, *Tu quis es?* Respondit, *Principium*. Ergo & illud quod in Genesi scriptum est, *In principio fecit Deus calum & terram*, intelligitur in filio, qui est principium. Sic ergo semper Deus pater, semper Deus filius: quia nec ille aliquando non pater, nec iste aliquando non fuit filius. Non enim ut pater generaret filium, minuit seipsum: sed iragenuit de se alterum qualem se, ut totus maneret in se. Spiritus autem sanctus non præcedit unde procedit, sed integer de integro: nec minuit eum procedendo, nec auget hærendo. Et hæc tria vnus Deus, de quo Propheta dicit, *Tu es Deus solus magnus*. Psal. 85. 10.
Tu autem, hæretice, compone gradus, separa Trinitatem: fac patrem maiorem, Filium minorem, Spiritum sanctum sequentem.

Sed & iam de filio quod æqualis sit patri, aliqua diximus, & quod occurrit, diximus: audi & de Spiritu sancto, quem minorem vis esse patre & filio. Nempe Spiritus sanctus ipse spiritus est Dei. Audi & ipse quod simul sit cum patre & filio: & vbique sit totus. *Deus*, inquit Ioannes Apostolus, *spiritus est*. Et ipse filius per Prophetam ait, *Spiritus Domini super me*: non ait post me, ut sequentem eum faceret, vel minorem; sed ait, *super me*. Vnde & Angelus Gabriel ad Mariam, *Spiritus sanctus*, inquit, *superueniet in te*. Dauid quoque Propheta, *Quò ibo à spiritu tuo, & à facie tua quò fugiam? Si ascendero in calum, tu illic es: si descendero in abyssum, tu ades*. Ergo si spiritus Dei & in cælo & in terra & in inferno adest cum illo qui dicit: *Calum & terram ego impleo*, ergo Trinitas vnus est Deus. Sed audi adhuc, hæretice, unde conuincaris; quod Trinitas vnus sit Deus. In ipso principio libri Geneseos, quod diximus scriptum est. *In principio fecit Deus calum & terram*. Ecce Deus pater, & principium filius secundum quod se dixit esse principium. Si autem & Spiritum sanctum quæris, *Spiritus*, inquit, *Dei superferebatur super aquas*. Cum ergo in consequentibus legitur, *Dixit Deus, Fiat lux*: & *Finxit Deus de terra*: & *Fecit Deus*: hoc demonstratur quod inseparabilia sunt opera Trinitatis. Euidentiùs hoc in consequentibus demonstratur.

Ioan. 1. 1.
Ioan. 8. 15.
Gen. 1. 1.

Ioan. 4. 24.
Isa 61. 1.
Luc. 1. 35.

Psal. 138. 7.

Hier. 23. 24.

Gen. 1. 2.

Nam cùm ventum esset ad id vt homo formaretur, ait scriptura : *Et dixit Deus, Faciamus hominem ad imaginem & similitudinem nostram*. Non dixit, faciam ad imaginem & similitudinem meam, vt solus pater intelligeretur : nec dixit fiat, vt filio veluti iuberet facere, per quem facta sunt omnia : nec dictum est, fecerunt, vt singuli singula in eo conferrent opera sua : sed cùm diceretur, *faciamus hominem ad imaginem & similitudinem nostram*, vt Trinitas vnus Deus intelligeretur, statim subiunctum est, *Et fecit Deus hominem, ad imaginem suam fecit illum*. Ecce per Scripturas sanctas Trinitas vnus Deus prædicatur, vt Arianus conuictus aliquando confundatur. Sed audi adhuc, hæretice, Apostolum Paulum conuincentem te & docentem me, audi quid de Deo filio dicat : Cùm, inquit, *in forma Dei esset, non rapinam arbitratus est esse æqualis Deo*. Ille eum prædicat æqualem, tu eum asseris minorem. Cui credendum est, Apostolo an tibi ? Tibi, quem totus orbis abiecit, an illi, quem totus mundus suscepit ? Cedat igitur vel serò conuicta peruersitas tua, quia iam totum mundum possedit Euangelica & Apostolica doctrina.

Cap. viii.
de errore
Pelagianorum
& eius
improbis.
Hier. 17. 5.

ALIA quoque spelunca latronum non bonorum, hæreticorum, Pelagianorum, & demonstranda est & cauenda : hæc est enim eorum peruersa doctrina. Cùm scriptura dicat, *Maledictus homo qui spem suam ponit in homine ; & Qui gloriatur, in Domino gloriatur* : isti contrà hoc maledictum hominem non incurrere promittunt, si de se præsumpserit, vel in seipso gloriatus fuerit. Sed quid contra hos multa dicamus ? Hoc promisit & pater illorum diabolus illi primo homini : *Non morte, inquit, morieris, eris sicut dñs*. Deum contempsit, serpenti credidit, & quod acceperat perdidit. Si tunc ille homo non fuit cautus, nunc homo caueat vel expertus. Odit Deus præsumptores de viribus suis. Quid enim valeat liberum arbitrium non adiutum, in ipso Adam demonstratum est. Ad malum sufficit sibi, ad bonum non, nisi adiuuetur à Deo. Primus enim ille homo accepit liberum arbitrium rectum, & posuit Deus ante eum, sicut scriptura dicit, *Ignem & aquam : ad quod volueris, inquit, porrigere manum tuam*. Elegit ignem, reliquit aquam, videte iustum iudicem. Quod elegit homo, liber accepit : malum

Gen. 3. 3.

Eccl. 15. 17.

lum voluit, hoc illum secutum est. Videte rursus illum iustum iudicem misericordiam facientem. Cum enim videret, quod homo totam stirpem suam, malè vsus libero voluntatis arbitrio, in se tanquam in radice damnaſſet, ipse non rogatus de celo descendit, & hominem superbia pereuntem, sua humilitate sanauit: errantes perduxit ad viam, peregrinos perducit ad patriam. Non ergo gloriatur humana natura de se, sed in eo gloriatur, qui fecit se.

I AM verò cæteræ sectæ hæreticorum Christi viam prædicantium, sed longè à via errantium, vna voce ipsius veræ viæ conuincuntur atque confunduntur dicentis: *Mulli mihi dicent in illo die, Domine, Domine, nonne in tuo nomine prophetauimus, & in tuo nomine demonia eiecimus, & in tuo nomine virtutes multas fecimus? Et tunc dicam eis, Non noui vos: Recedite à me omnes qui operati estis iniquitatem.* Idè operati estis iniquitatem, quia Ecclesiæ meæ perturbastis vnitatem.

Cap. ix.

Mt. 7. 22.

Vos autem fidelia germina sanctæ matris Ecclesiæ Catholicæ per vniuersum mundum diffusæ, fugite omnes hæreses. Si quis aliud euangelizauerit vobis, anathema sit. Rectos cursus facite pedibus vestris: non declinetis nec ad dexteram præsumendo, nec ad sinistram desperando. Currite velociter rectam viam, ipsa enim vos perducit ad patriam, ad patriam illam cuius ciues Angeli sunt, cuius templum Deus, cuius splendor Filius, cuius charitas Spiritus sanctus, ciuitas sancta, ciuitas beata, ciuitas vbi nullus perit amicus, quod nullus admittitur inimicus: vbi nullus moritur, quia nullus oritur, nullus infirmatur, quia incorrupta salute lætatur. Cum illuc venerimus, non ibi esuriemus aut sitiemus: Visio ipsa satietas nostra erit. Non ibi dormiemus, quia non ibi laborabimus. Nulla cuiuslibet rei necessaria erit reſectio, vbi nulla erit defectio. Viuemus, regnabimus, lætabimur. Si tantum delectat eum de ea loquimur, quid erit & videre? Videre Deum, viuere cum Deo, viuere de Deo. Vita enim erit nostra laudare Deum, & sine defectu amare. *Beati enim, ait Propheta, qui habitant in domo tua, Domine, in secula seculorum laudabunt te.* Fratres dilectissimi, si cum nauigantibus laborauimus, & viatoribus ducatum præbuimus, si deuas fauces latronum, hoc est hæreticorum sollicitè demonstrauiamus, si

Cap. x.
Exhortatio
ad fidei cō-
stantiam.

Psal. 83. 5.

ipsam patriam cælestem declaratam atque demonstratam iam cernitis oculis cordis vestri: reddite nobis fructum laboris nostri. Reddite, fratres, reddite, quod exigimus à vobis. Talis est enim merces nostra, quam à vobis exigimus, vt nec nos pudeat petere, nec vos pigear erogare. Hoc quod exigimus, erogando cumulabitis magis quàm detrimentum patiamini, si non erogaueritis. Quæ est ergo nostra merces? Non quærimus aurum vestrum, non argentum vestrum, non nummum vestrum, nec quicquam de rebus vestris: sed merces nostra est, vt in illo sancto fonte adiuuetis nos orationibus vestris.



S A N C T V S

AVRELVS AVGVSTINVS
DE CATACLYSMO. SERMO.

Q VONIAM in proximo est dies redemptionis vestrae, percipite dilectissimi ea quæ vos erudiant, atque corda vestra enutrient, erigant, corroborent ad timorem Dei: & feruor iste tanti amoris non pigrescat in cordibus vestris.

Can. 1.
De bello no-
uiter bapti-
zato indi-
ca.

Nec putet quis tantum esse Christianum quod his imbuitur mysteriis, quod renascitur ex aqua & spiritu, & postmodum dimittat se voluptatibus variis; securusque effectus quod Sacramento baptismatis munierit animam suam, non eam custodiat contra versutias inimici, immo & ipse quantum potest custodiat & custodiendam petat, ne tempestatibus huius mundi procellisque depereat. Baptizatus est quis, nauis est instaurata, subuncta, velificata, missa in mare, indiget gubernaculo, quousque ad portum desideratum perueniat. Mare hoc seculum scilicet, non solum tempestatibus scopulisque periculosum est, verumetiam bestiis cupiditarum insidiantibus abundans. Omni sollicitudine, omni cura, omni industria excitati iam vigilant nautæ, frequenter etiam Christus inuocetur gubernator: ut nauem tantis periculis ereptam, ad portum securitatis ipse perducatur. Baptizatus es, signatus es regio charactere, crepisti consequi annonam de mensa Regis tui. Noli esse defector, nec ut miles delicatus diffluas per voluptates, & te hostis diabolus inermem diffluentemque inueniat: sed ut fortis miles quicquid potes age in hoc bello, ut virtus tua Christus non solum te tueatur, verumetiam alij proficiant ad salutem. Postula à Rege tuo arma spiritalia. Bellum tibi, inquit, indicitur, in quo enitescas pugnando, ut ad plenam pacem triumphando

peruenias. Non contra vnum dimicabis, multi enim contra te exient aduersarij: pugnabis enim cum vitiis, & vt beatus martyr Cyprianus ait, si depresseris auaritiam, exurget libido, quodd & si libidinem superabis, succedet ambitio, & si ambitio à te fuerit deuicta, ira, zelus, æmulatio, inuidientia, superbia, ebriositas, cum cæteris suis pestiferis sociis in vnum contra te dimicantia constituent castra.

Cap. 11.
De adiuta-
riū Christi-
ni militu
Rial. 26. 3.

SED non metuas, habes quod agas. Inuoca Dominum virtutum, induat te ex alto virtute, vt illam proferas vocem. *Si consistant aduersum me castra, non timebit cor meum: & si exurgat in me prælium, in illo ego sperabo.* In quo nisi in Domino virtutum, qui militem suum ita spectat dimicantem, vt adiuuet laborantem? Baptizatus es, mundatus es, vnctus es oleo, restauratum est corpus tuum ad priorem statum primi illius hominis ante peccatum: noli post modum malè securus esse. Ad agonem produceris, contra diabolum vitiatorum principem dimicabis in arena huius mundi: vtræque partes, Christi scilicet & diaboli, infinita populi multitudo te spectat luctantem, & quinsam vincat vide omnem turbam nimia intentione pendente. Non de te triumphet pars diaboli. Si vis vincere, noli de te præsumere: sed illi assigna victoriæ gloriam, qui tibi donat vt victoriæ feras palmam. Vis vincere? Caput prius contere inimici, excludendo de corde tuo suggestiones diaboli. Vis vincere? manus tuæ fortes inueniantur in bono opere. Vis vincere? Fige pedes, non nutent vestigia tua frequentando spectacula & deferendo Ecclesiam. Sed vt hanc etiam in tam magno agone & tam grandi luctamine possis implere victoriam, mittat tibi Dominus auxilium de sancto, & de Sion tueatur te.

Rial. 29. 5.

Cap. 111.
De hæcissimis
mysteriis.

ECCÆ dilectissimi, venturi estis ad fontem aquæ. Non dicatis in cordibus vestris, hoc est totum quod pro magno desiderabamus: Fons iste visibilis, similitudo est æterni fontis. Renascimini ex aqua & spiritu. Aqua illa non solum corporis sordes mundat, sed animam à peccatis liberat. Debetis autem nosse cur virtus illius aquæ & animæ profit & corpori. Non enim omnis aqua mundat: sanctificatur hæc per consecrationem verbi. Tolle verbum, & quid est aqua nisi aqua? Accedit verbum ad elementum, & fit Sacramentum? Virtus

verbi per aquam mundauit nos, quia super aquas ambulauit. Vt autem à tempestate huius seculi liberaret vos, videte potentiam verbi Dei quemadmodum dominetur cunctæ creaturæ suæ. *Quod dicturus sum vobis.* In Euangelio legitur: *Cum quarta noctis vigilia veniret Dominus Iesus ad discipulos suos ambulans super aquas maris, & inueniret eos piscantes quos iam fecerat hominum piscatores, perterriti discipuli putauerunt se phantasma videre. Accessit Iesus, & ait illis, Nolite timere, ego sum.* Tunc vnus illorum Petrus ille præsumptor, & postea negator, post verò confessor & amator: *Si tu es*, inquit, *Domine: iube me venire ad te super aquas.* Et Dominus, *Veni*, inquit. Descendit Petrus & cepit ambulare super mare plenus fiducia. Dum ambulat, trepidauit infirmitas, sed statim subuenit diuinitas. *Cepit mergi, & exclamauit, Domine perco.* Porrexit manum Dominus, erexit mergentem, confirmauit diffidentem, & ait illi: *Modica fides, quare dubitasti?* Videtis dilectissimi, quantum adiuuet fides, & quantum deprimat infidelitas. Si quis enim veniens ad aquas baptismi, fide plenus est, subleuatur: si quis infidelis est, mergitur. Sed porrigat manum Dominus etiam infidelibus mergentibus, & plenam fidem operetur in cordibus. Audite adhuc, aquæ Sacramentum quid in vobis operabitur. Proponam figuram, vt ex ea vobis veritas elucescat.

Mat. 14. 29.

Cum Ægyptij duris operibus populi premerebantur Hebræorum, clamor factus est populi in auribus Dei: & deprecati sunt vt eos liberaret à dominatu gentis pessimæ. Missus est Moyses, qui eos ex Ægypti educeret seruitute. Apud Pharaonem principem Ægyptiorum fidelissimus Dei famulus allegat Imperatoris sui iussionem, & quid rex omnium gentium præceperit, auribus durissimi regis insinuat. * Obrurat Pharaon cor suum, * nec scire se dicit Deum: atque eius ministros repudiens, grauioribus pœnis affligit populum. Ex maiori angustia populi maior clamor exurgit. Suscipit certamen famulus Dei Moyses, congredditur cum Pharaone, nullo telo, nullo gladio, nulla visibilia indurus arma, sed munitus potestate diuina: iusseruntur decem plagæ in Ægypto, & vindex ira in populum contumacem surgit, vt ex minutissimis animantibus, vermiculis, rânis & locustis

Ero. i. 14.

Ero. j. 7.

al. + obdormit.

al. + nescire.

ceruix caderet supetborum : in quibus plagis ultima , mors primogenitorum Ægyptiorum omnium facta est , vt suos iuste perderent , qui alienos iniuste detinebant . Dimittit populum Pharaon , non voluntate , sed nimia necessitate constrictus . Pergit populus erutus ad mare rubrum festinans , vt per aquas saluarentur qui à pessimo hoste liberabantur . Sequuntur Ægyptij , imminet populo fugienti : vident supra se Israëlitarum hostes & inimicos suos , expectant gladium . Mors in oculis , timor & tremor in manibus singulorum , ne in fauces caderent persequentium . Exurgit Moyses famulus Dei portans virgam quam à Domino acceperat , & per quam iam multa signa fecerat : percussit mare , & diuisum est . Vbi est illa potentia , non numinum , sed demoniorum ? Vbi est vana superstitio Paganorum ? Nunquid vt mate diuideretur , ille Neptunus est inuocatus , quem regem maris esse volunt , qui regem verum Deum suum agnoscere nolunt ? Virga extensa manu aquas percutit Moyses , & statim cogitur fluctus in cumulum , & vnda in semetipsa repressa curuatur : soliditatem recipit liquor , & solum maris arescit in pulueres . Ingressi sunt alij saluandi , alij damnandi . Vnum elementum aquarum auctore totius creatore iubente iudicauit utroque , separauit enim pios ab impiis . Illos abluit , istos obruit , illos mundauit , istos occidit . Moyses figuram habuit Domini Christi , quoniam dux fuit populi . In virga agnoscite crucem , in mari rubro agnoscite baptismum Christi sanguine purpuratum . Regem Ægyptiorum populosque eius , auctorem peccatorum diabolum cum omnibus ministris eius . Sauius diabolus , quando nos videt per aquam baptismi à sua oppressione liberari . Exclamate ad Moysen vestrum Dominum Christum , & virga crucis percutiat mare baptismi , reuertatur aqua & opetiat Ægyptios : vt quemadmodum nullus remansit Ægyptiorum , nihil remaneat etiam vestrorum peccatorum . Totum mundet , qui totum fecit : reparat per dita , qui creauit omnia integra : extinguat Pharaonem diabolum mortis auctorem , & suum populum liberet per aquam salutarem .

Cap. iij.
de mysterijs
paschalis
in baptismo

AVDISTI S, dilectissimi , figuram illam quomodo transierunt ad speciem veritatis : illud superest , vt noueritis quemadmodum celebrauerit Pascha . Liberatus populus ex Ægypto ,

baptizatus, vt ait Apostolus, in nube & in mari rubro, acceperunt præceptum Domini per Moyſen, vt in occiſione agni celebrarent Paſcha : ex cuius ſanguine poſtes domus ſuæ vnusquiſque liniret, nec timerent Angelum vaſtato- rem, qui ſignum ſanguinis agni occiſi in ſuæ fronte domus haberent. *Os*, inquit, dictum eſt, *non comminuetis ex eo, nec relinquetis quicquam in mane, cum picridijs & azymis comedetis agnum.* *Exo. 11. 46.* Fecerunt quod præceptum eſt filij Iſraël. Demonſtra & tu Iſraël ſpiritualis, fili Abrahæ ſecundum fidem, non ſecundum carnem: demonſtra & tu quomodo celebras Paſcha, habes agnum occiſum, demonſtra. *Ecce agnus Dei, ecce qui tollit peccatum mundi.* Lini ſanguine eius poſtes domus tuæ, demonſtra & dic : *Ecce crux ſanguinis Chriſti in frontibus eſt pudoris noſtri.* Dic cum Paulo, *Mihi abſit gloriari, niſi in cruce Domini noſtri Ieſu Chriſti.* *Os non comminuetis ex eo*, dictum eſt. Impletum eſt hoc in ipſa Domini paſſione, ipſius ſancti agni immolatione, quando crucifixus cum duobus latronibus in medio pende- bat, ipſa ſumma iuſtitia liberans vnum conſiſtentem, alium puniens blaſphemantem. Ita factæ ſunt tres cruceſ, tres cauſæ. Vnus latronum Chriſto inſultabat, alter ſua merita conſeſſus Chriſti ſe miſericordiæ commendabat: crux Chriſti in medio non fuit ſupplicium, ſed tribunal. Mox vt peregit omnia quæ de ſe erant ſcripta, accepto felle & aceto, propter illud quod prædictum erat, *Dederunt in eſcam meam fel, & in ſiti mea potauerunt me aceto: inclinato capite tradidit ſpiritum.* *Pſal. 68. 22.* Venerunt milites, fregerunt crura latronibus in cruce pendentibus: *ad Ieſum autem cum veniſſent, non fregerunt eius crura: vt impleretur, ait Euangeliſta, quod ſcriptum eſt, Os non comminuetis ex eo. Sed vnus ex militibus latus eius aperuit, & continuo exiit ſanguis & aqua,* quæ ſunt matris Eccleſiæ gemina Sacramenta. Percuſſit latus lancea perſecutor, & fuſit præ- tium redemptor. Hic ſanguis inebriat mentem, & amorẽ obliuiſcatur mundi. Hæc aqua mundat animam, vt corpus ſordibus careat diaboli.

Nec relinquetis ex eo quicquam uſque in mane. Hoc nunc agitur: Comeditur enim agnus per noctem huius ſeculi, vt cum mane illud venerit quod veſperum non habebit, non iam offeratur ſacrificium imaginis agni, ſed ipſum agnum quem

compendis.
1. Cor. 10. 16.

Exo. 11. 46.

Ioan. 19.
Gal. 6. 14.
Exo. 11. 46.
Num. 9. 11.
Ioan. 19. 36.

Luc. 23. 39.

Pſal. 68. 22.

Ioan. 19. 36.

Plal. 79. 6.
1. Cor. 4. 8.

1. Cor. 5. 8.

Cap. v.
De hæretico
vñ deuora-
tione per Ec-
clesia Christi
sancti doctri-
næ exemplo
virga Aarō.
Magorum
virgae de-
glutientis.

quotidie immolamus, comedimus, & cuius sanguinem bibimus, inueniamus illic eum sacerdotem perfectum, quem constat hic pro nostra salute occisum. Quæ sunt hæ picridiæ, olea amaritudinis, quæ comedit Israël spiritualis, nisi vox illa amara ad tempus sanctorum Martyrum emissæ per sanctum David ac dicentium, *Cibabis nos pane lacrymarum, & potum dabis nobis in lacrymâ, in mensura*, & per Apollolum Paulum, *In omnibus tribulationem patimur, sed non angustiamur*? Demonstra & azyma, sancte Paule, ex Israëlita carnali spiritualis effectus: Celebrasti enim Pascha cum populo vetere, & quemadmodum nouus populus figuras in veritatem conuerteret, tu docuisti, tu demonstrasti. Ostende ergo azyma consperzionem nouam. *Non in fermento*, inquit, *veteri, neque in fermento malitiæ & nequitie, sed in azymis sinceritatis & veritatis*. O agne occise, ô Christe sancte pro nobis crucifixe, qui vt lapsa reparares, in cruce pendidisti.

IPSA est illa virga regni tui, crux ipsa, inquam, qua virtus in infirmitate perficitur, ipsa illa virga crux ipsa, illa virga quæ floruit ex radice Iesse, illa ipsa virga quam portabat Moyses, quæ conuersa in serpentem glutit magorum serpentes: doctrina Christi diffusa per omnes gentes, hæreticos superans dementes. In illo enim populo, fratres, in quo multa signa faciebat Moyses per virgam, exortexerunt magi Pharaonis, facientes & ipsi prodigia contra famulum Dei Moysen. Sed ad hoc quædam mira facere permitti sunt, vt mirabilius vincerentur. Magi Pharaonis quid aliud significabant, nisi omnes hæreticos ministros diaboli, qui sub nomine Christi deuorare cupiunt populum Christi? Scatent nunc hæreses in hanc terram tanquam serpentes magorum, quos deuorauit & deuorat ille serpens exaltatus in ligno. Sed quoniam non est temporis ire per multos, singulorum capita conterantur, quomoddò exurgunt, sic deuorentur. Fuit hic, vt nostis, dilectissimi, viperea doctrina Donatistarum: contrita est, consumpta est. Mox Maximinianistarum serpentina fraus pullulauit, contrita est, consumpta est: Manichæorum venenum aspidis surrepserat, contritum est, consumptum est. Pelagianorum nouum dogma à ministris diaboli tanquam à Magis Pharaonis excitatum, illi nostro serpenti certamen in-

diexit:

dixit : conteritur, consumitur. Cùm tot serpentum capita Catholica doctrina contriuerit, dissipauerit, consumpserit, ecce nobis vnus anguis Arianus olim mortuus insultat: caput erigit, veluti viuum se demonstrare conatur, quem iam olim constat occisum. Redi, Moyses noster, redi virga, redi serpens Christe sancte, æqualem potestatem cum Patre habens: redi, contere capita draconum super aquas: confringe caput draconis magni, viuum se profitentis, sed veram vitam non habentis. Dic tu quid es, quoniam ille aliud docet quàm es. Dic, dic, audiamus vnde hæreticos conuincamus. Audite quid dicat: *Ego sum via, & veritas, & vita. Nemo venit ad Patrem nisi per me.* Secundùm humanitatem via, secundùm diuinitatem veritas & vita. Tu autem, hæretice Ariane, qui minorem vis esse in diuinitate vitam & veritatem, sequitur vt non per eum venias ad patrem. Sed adhuc Domine Iesu contere caput draconis, dic quid sis cum patre, te audiamus docentem, non hæreticum blasphemantem. Dic quid sis cum patre: *Ego*, inquit, *& Pater vnum sumus.* Dic adhuc: *Ego in Patre, & Pater in me est.* Adhuc dic, *Qui me videt, videt & Patrem.* Credis iam, hæretice, tantæ authoritati? An ipsius testimonium de scipso non admittis, sed alios de eo testes requiris. Ecce introducuntur aduersum te, dicant, conuincaris, refutaris, & legis laqueis irretiris. Dic, testis Dei Paule, qui vsque ad sanguinem pro isto testimonio accessisti, & ne falsæ doctrinæ succumberes, animam posuisti. Dic, audiat qui conuinci formidat, conuincatur qui nec conuictus mutatur. *Singuli quique, ait, hoc sentite in vobis quod & in Christo Iesu, qui cùm in forma Dei esset, non rapinam arbitratus est esse equalis Deo.* Audis æqualem, audis formam Dei: & tu audes dicere minorem Filium Dei? Veniat & alius testis, vt in duobus vel tribus confirmetur æquitas veritatis. Dic & tu sancte Petre, quid tibi reuelauerit, *non caro & sanguis, sed Pater celestis. Tu es*, inquit, *Christus Filius Dei viui.* Et in Epistola sua ad gentes secunda: *Notam facimus vobis, inquit, Domini nostri Iesu Christi virtutem, & præscientiam, & magnitudinem.* Audis virtutem, audis magnitudinem, audis præscientiam. In quo, hæretice, Christum dicis esse minorem? Sed audi adhuc quid aduersum te hic testis & de Filio & de Spiritu sancto dicat: *Non vo-*

Ioan. 14. 9.

Ioan. 10. 30.

Ioan. 14. 10.

Phil. 2. 5.

Mat. 16. 16.

1. Pet. 1. 16.

luntate humana allata est, inquit, prophetia: sed Spiritu sancto acti, locuti sunt homines Dei.

Fuerunt verò & pseudoprophetae in populo, sicut & in vobis etunt magistri mendaces: qui subinducunt sectas perditionis, & qui emir eos, dominatorem abnegantes. Vides te validis testimoniis & demonstrari & conuinci. Negantes, inquit, dominatorem esse qui emit eos. Quem negas dominatorem, nisi Filium quem dicis esse minorem? Et quis est qui vos emit, nisi qui vos suo sanguine redemit? Sed ingreditur & tertius testis, ut tres vnum verum testimonium dicant vni Trinitati & Trinæ diuinitati. Dic & tu, sancte Ioannes, qui super peccatus Saluatoris discumbebas, & videbas super celestia mirabilia verbum Domini: dic & tu, inquam, quid noveris Filium Dei. *In principio, inquit, erat verum, & verbum erat apud Deum, & Deus erat verbum.* Et in Epistola sua. *Scimus, inquit, quoniam Filius Dei venit: & dedisti nobis intellectum, ut sciamus quid verum sit, ut simus in vero Filio eius; Hic est enim verus Deus & vita aeterna.* Tu autem minorem dicendo Filium, qui est Deus verus, non habens vitam aeternam. Sed ad confutandam contumaciam peruersam hæresis, ad deglutendum te serpens magicè factus, non à veritate susceptus, ipse pater testimonium dicat de Filio: ut nihil ampliùs quæras, nihil ampliùs ctedas. Per Prophetam, inquit, *Tecum principium in die virtutis tue.* Principium Patet, principium Filius: ergo Patet & Filius principium sine vlllo principio. *Tecum principium in die virtutis tue, in splendoribus Sanctorum ex utero generauit te:* tanquam diceret, ut sancti illuminarentur, processisti ex me. Nec fuit, dilectissimi, alia causa cut vel ipsa nomina patris & Filij & Spiritus sancti seiuincta viderentur, nisi ut sancti homines instituerentur. Ceterùm quod dictum est Moyse ab ipsa substantia Trinitatis, *Ego sum qui sum.* Et sic dices, *Qui est, misit me:* Ergo ex utero in splendoribus Sanctorum generatus est filius. Sed ne hanc generationem carnaliter vel temporaliter acciperes factam, audi quomoddum genuerit. *Psalm. 44. 1. Eructauit, inquit, cor meum verbum.* Ioannes testis dicit: *In principio erat verbum.* Deus pater dicit, *Eructauit cor meum verbum.* Propheta Abacuc dicit, *Ambulabit verbum.* Audis Dominum verbum, & hoc esse in principio apud Deum, & Deum esse verbum

Ioan. 1. 1.

1. Ioan. 5. 10

Psalm. 103. 3.

Exo. 3. 14.

Psalm. 44. 1.
Ioan. 1. 1.

Testimoniotum vox, & ipsius Trinitatis vnitas per totū mundum contra te clamat: & tu velut canis rabidus contra totum mundum latras. Sed audi adhuc vnde plenius conuincaris, quòd Trinitas vnus Deus sit. Patris vox est per Prophetam ad Filium: *In splendoribus Sanctorum ex utero genui te.* Patris vox est ad Isayam Prophetam de Spiritu sancto: *Spiritus*, inquit, *& me exiet.* Et Filij vox est in Euangelio ostendens in se patrem esse, & se in ipso, vbi ait: *Pater in me manens ipse facit opera.* Filij vox est de Spiritu sancto ostendens, quia quomodo procedit ex patre, ita ex seipso, vbi ait discipulis suis post resurrectionē, *Accipite Spiritum sanctum. Et insufflauit in eis*, ait Euangelista, *Spiritum sanctum dans eis*, ac dicens: *Si cui remisieritis peccata, remittentur illi.* Vnde & illud Apostoli Pauli: *Si quis Spiritum Christi non habet, hic non est eius.* Si ergo Filius in patre & ex patre, & Spiritus sanctus simul est & in Filio & patre, non est se-iuncta Trinitas, vbi est perfecta vnitas. Discedat Atianus confusus reus, quia Trinitas vnus est Deus.

Pf. 109.3.

Ioan. 14. 30

Ioan. 20. 22

Rom. 8. 9.

SE D quando tibi, peruersa hæresis, verba mea proficiunt, cūm sis aspis surda obturans aures ne audias vocem incantantium? Noueris te tamen à virga serpente esse comedendum, dum oues quas tenes captiuas, ad suum ouile ille pastor adduxerit, vt sit vnus grex & vnus pastor. Ille pastor noster, dilectissimi, qui in virga ferrea pascit & regit, confringit & restituit: ipse pastor est, & ipse rector, ipse fabricator, ipse architectus noster. Magnum te pastorem video, Domine Iesv, oues pascentem, errantes requirentem, inuentas cum gaudio ad gregem tuis humeris reportantem: magnum te architectum video virgam portantem: in virga pendentem, & de ista virga multa miracula facientem. Multum expauesco expositionem virgæ huius, dilectissimi, dum loca diuinarum scripturarum considero. Virga MARIA sancta, virga ipse Christus, virga crux. Et de ista virga quàm magna & mira fecit hic architectus: & arborem fecit crucis vbi ipse angularis pependit lapis, & scalas cæli per quas hominem lapsum ad patrem leuauit. Quale miraculum, fratres, huius architecti, vt de virga sua faceret scalas, & tales, quarum caput in cælum poneret, & per eas ipse & ascenderet, & descenderet, & propter confirmationem ipse super eas incumberet. Ascende securus qui deside-

Cap. vi.
De pastore
Christo, oues
sue crucis
mysteriis, &
scripturarū
exemplis ad
salutatem
pascentis.
Ioan. 10. 16.

ras cælum : non te terreat earum nec angustia, nec longitudo, nec altitudo : nihil timeas, non nurant gradus eius quos ille architectus sic confirmavit, vt in eius ligno manus suas clavis affigi voluerit.

Eph. 3.14.

Vide has scalas huius architecti discipulum Apostolum Paulum & demonstrantem, & gradus quasi numerantem & ascendentem, & quàm plurimos inuitantem : *Flecto*, inquit, *genua mea ad Patrem Domini nostri Iesu Christi, vt det vobis comprehendere cùm omnibus sanctis quæ sit altitudo & latitudo, longitudo & profundum.* Quatuor gradus posuit crucis. Non ergo laboriolæ sunt hæ scalæ. Quatuor gradus habent, & perducunt ad cælum. In altitudine crucis caput positum est crucifixi. Sursum cor habeat Christianus ad Dominum, quod interrogatus quotidie responderet : & ascendit vnum gradum. In latitudine crucis, manus affixæ sunt crucifixi. Perseuerent manus Christiani in operibus bonis : & secundum gradum ascendit. In longitudine crucis corpus pependit crucifixi. Castiget quis corpus suum obseruationibus, ieiuniis illud suspendat, vt seruituti animæ subiiciat : & tertium gradum ascendit. In profundo crucis occultum est quod non vides, sed inde exurgit hoc totum quod vides. Adsit fides Christiana, quod non potest comprehendere, credat corde, altiora à se non quærat, spes eum nutriat : & tunc quartum gradum ascendit. Per hos gradus ascenderunt sancti omnes, continentes, coniugati fideles : euaserunt ruinas mundi, migrauerunt ad loca tutissima, vbi iam nec Barbaros timent, nec fragiles casus humanos exhorrent, nec corruptiones metuunt, nec ægritudines patiuntur, nec tribulationibus affliguntur, nec ipsam iam mortem timent, sed cum Deo de Deo viuunt. Hanc vitam, dilectissimi, amemus, petamus, desideremus : ad quam omnis qui currit, non graditur via pedum, sed via morum. Boni ergo mores requirantur, ipsi in omnibus inueniantur. Vterque sexus & omnis ætas habet in hoc sanctotum hominum imitationis exemplum. Imitentur senes mores Tobix, qui cùm cæcus esset corpore, viam vitæ filio demonstrabat in corde. Ille eum manu ducebat in terra, & pater monedum perducebat ad cælum. Imitentur adolescentes Ioseph sanctum, pulchrum corpore, pulchriorem mente : quem casti-

Tob. 4.3.

tas sic possederat, vt irruentes minæ dominæ mulieris impudicæ non possent eum violare nec mente nec corpore, cuius iam Deus possederat mentem. Imitentur virgines sanctæ sanctam Domini sui matrem MARIAM. Imitentur viduæ religiosam viduam Annam : imitentur & coniugatæ castam Susannam. Virgo mater quod vouit, impleuit : Anna vidua in orationibus atque ieiuniis vsque in finem perseuerantiam tenuit : Susanna casta pro pudicitia coniugali vsque ad periculum mortis accessit. Intendite coniugatæ, qualis vobis huius à Scriptura sancta imitatio proponatur. Non enim prædicat eam, quòd fuerit auro, monilibus vel veste pretiosa forinsecus compta, cùm fuerit intrinsecus pudore castitatis ornata. Omnibus vitam donauit, qui bonos mores instituit. Propterea namque ipse vit de femina est nasci dignatus : quia ab ipso vterque sexus est liberatus. Multa diximus, intentissimè audistis, epulas Dominicas libentissimè comedistis : rependite vicem ministratori vestro, vt si non verbo saltem vestris orationibus pascar.



S A N C T I
 A V R E L I I A V G V S T I N I
 S E R M O,
 D E T E M P O R E B A R B A R I C O.

Cap. 1.



Mat. 4. 17.

Psal. 113.

D M O N E T Dominus Deus noster non nos debere negligere nostra peccata, quando talem demonstrat iram suam. Ipso quippe iuste punit nocentem, quia nullum inuenit pœnitentem. Quotiens, dilectissimi, intonuerunt atque intonant tubæ diuinæ, *Agite pœnitentiam, appropinquauit enim ad vos regnum celorum;* & clausis auribus cordis magis operamur mala, & petimus ut veniant bona. Sed talium iudicium iustum dicit esse Apostolus. In eo enim ipso quod talia sapiunt qui tales sunt, ex malis operibus posse se bona suscipere, obdurati sunt, pœnitentiæ locum non requirunt. Merito iuste iudicati, qui à semetipsis inueniuntur esse damnati. Licet non omnes hic noster tangat sermo, omnes tamen astringit sermo diuinus, dicens: *Omnes declinauerunt, simul inutiles facti sunt, non est qui faciat bonum, non est usque ad unum.* Quomodò omnes, & quomodò non omnes? Quomodò non omnes? Quia sunt multi qui gemunt & dolent ob iniquitates quæ fiunt in medio eorum, volentes resistere, sed timore secularium rerum non audentes, quas adhuc vel adipisci desiderat humana fragilitas, vel amittere formidat infirmitas. Secundùm id quod dolent, non omnes, secundùm quod rem non timendam timent, omnes declinauerunt, simul inutiles facti sunt: quia plus æstimatur timor hominis, quàm timor Dei, & præferunt homines res quas acceperunt à Deo, ipsi Deo. Ne eas tollat malus honio, contemnitur Deus, per quem factus est homo. Vellem vos quidem qui adhuc tales estis, & amore rerum secularium obliga-

ti peccantibus aut parcitis, aut fauetis, vellem vos quidem aliquibus exhortationibus admonere, quid cui rei præponere debeatis: nisi nos fluuius lacrymarum compelleret plangere eos qui peccant, & nolunt agere pœnitentiam. Si esset in nobis humanus affectus, si esset compassionis sensus, vnius hominis mortem flere, dolere ac plangere deberemus. Quibus lacrymis, quo gemitu, quibus planctibus exagitamur, quando aut maximam partem, aut penè totam plangimus ciuitatem? Æger est charus, & vena eius malum renunciat; omnes qui eum diligunt ægrotant simul animo. Si eum in ipsa vicina morte ridere viderint, quemadmodum ab eo omnem spem salutis ablatam sentiunt, cùmque adhuc viuum tanquam mortuum meritò plangunt?

Inter tantas angustias, & in ipso fine rerum posita est vniuersa prouincia, & quotidie frequentantur spectacula: sanguis hominum quotidie funditur in mundo, & infanientium voces crepitant in Circo. O planctus omni tristitia acceptior: ô planctus omni mœstitia attingens cor: Libet flere. Plangimus enim, dilectissimi, & illos & nos, quia & nos digni sumus qui cum talibus meritò flagellemur. Nos enim, cùm alios accusamus, *omnes declinauimus, simul inuitiles facti sumus: Ibidem.* prorsus omnes. Nullus est excusatus, quia talis est iudex vt omnis homo ab illo inueniatur reus. Cùm enim rex iustus sederit in throno, *quis gloriabitur castum se habere cor? aut quis gloriabitur mundum se esse à peccato?* Aduenit tempus illud quod prædixit Dominus. *Putas cùm veneris filius hominis, fidem inuenies in terra? Procl. 10. 9.* Quis habet fidem? Quis credit verbis diuinis? Audebit aliquis nostrum sibi assignare fidem, quando audit Dointhum dicentem discipulis: *Si haberetis fidem sicut granum sinapis, diceretis arbori huic, eradicare & plantare in mari, & obaudisset vobis? Luc. 16. 9.* Quis sibi audebit assignare, quòd faciat omnia quæ præcepit Deus? Nemo, prorsus nemo. Prædicamus, & non facimus: auditis, & facere non curatis. Meritò omnes sub flagello conterimur, & doctor & factor, & auditor & contemptor. Studemus inuicem reprehendere, & non studemus opera nostra discutere. Detrahit proximus proximo, detrahit clericus clerico, detrahit laicus laico. Video quidem se inuicem accusantes, sed neminem video iuste se excusan-

Iacob. 4. 1.

al. * &.

Cap. 11.
De pœni-
tentiâ per-
agenda, a-
re quâ succi-
datur arbor.
Mat. 3. 2.

Luc. 23. 8.

Eph. 3. 14.

tem. *Vnusquisque enim, dilectissimi, proprium onus portat. Nolite detrabere alterutrum, fratres, ait Apostolus Iacobus: Qui enim detrahit fratris suo aut iudicat fratrem, detrahit legi * aut iudicat legem. Si autem iudicas legem, non es factor legis, sed iudex; Vnus est enim legislator & iudex, qui potest perdere & liberare. Tu autem quis es, qui iudices proximum? Nec tamen voces detrahentium, silentium possunt imponere verbo Dei.*

† CLAMAT ille per bonos, & per malos: *Agite pœnitentiam, appropinquavit ad vos regnum Dei. Nolite esse auditores legis tantum, sed factores; Facite dignos fructus pœnitentiæ.* Ecce enim ait Euangelista: *Securis ad radices arborum posita est: Omnis enim arbor non faciens fructum bonum, excidetur, & in ignem mittetur.* Video, inquit, omnes homines diuersas arbores, fructus etiam diuersos habentes: sed bonus fructus quæritur qui pascatur, non qui pungatur. Sunt enim & arbores spinosæ igni deputatæ merito incendendæ, quia in eis nullus fructus est animæ. Putatisne, dilectissimi, nos omnes tales sumus, qui in istis malis pro peccatis nostris dimissi sumus? Exacuit agricola ferrum, amputat inutile lignum, abscissum seruat incendio concremandum. Hoc nunc agitur à vero agricola. Videntur sibi quidem mali adhuc stare, adhuc florere. Quisquis talis es, quisquis malus es, quisquis corrigi non vis, non te consoletur altitudo tua: quia maior te expectat ruina: ampliôrque sustinet flamma, quia securis hæc ad te nondum venit. Ideò putas te posse semper stare, cum videas vel audias alias arbores te ampliores cecidisse? Quod te hic agricola differt, eius est patientiæ ne fortè intercedat apud eum locus pœnitentiæ. Colonius enim ille in Euangelio, qui intercedebat pro arbo-
re, quam Dominus eradicare volebat, quod fructum per triennium non haberet, videte quid ait: *Domine, dimitte illam & hoc anno: faciam ei fossam, adhibeam cophinum stercoris. Si fecerit fructum, bene: sin autem, veniens abscindes eam.* Arbor hæc sterilis, genus hominum est non habens fructum pœnitentiæ. Dominus eius, conditor eius est. Intercessor huius arboris, Apostolus Paulus est. Vnde probamus? Audi in quadam Epistola sua quemadmodum intercedebat pro talibus: *Flecto, inquit, genua mea ad Patrem Domini nostri Iesu Christi, ut det vobis virtutem.* Hoc ergo eis petebat, ut acciperent quod non

non habebant. *Faciám, inquit, ei fossam, adhibeam cophinum scler-
coris.* Fossa locus est humilitatis : cophinus scleroris , la-
crymæ sunt pœnitentis. Quem locum si quis contempse-
rit, ampliùs sustinebit tormentum ; quando illius agrico-
læ acutissimum senserit ferramentum. Agite mali pœni-
tentiam, corrigimini mali, quia vobiscum flagellantur &
boni.

DICET aliquis, Si mali meritò flagellantur, boni quare
talia cum malis & à malis patiuntur ? Quare ? Quia secun-
dum quendam modum dicuntur boni ; secundum autem re-
ctum verumque bonum, *nemo bonus nisi solus Deus.* Ergo &
ipsi boni, quicunque sunt boni, non tales sunt quales esse de-
bent boni. Non enim sunt perfectum bonum, proficiunt
enim de die in diem. Si proficiunt, utique exercitationibus
proficiunt. Nemo se iustificet, tanquam iam sit perfectus.
Recedat de medio malè iustificatus Pelagianus, confundatur
hæreticus Arianus : *Nemo enim bonus, nisi solus Deus.* Quid
ergo ? Christus non est Deus ? Planè Deus. De ipso quippe
dicit Scriptura diuina, *Hic est verus Deus, & vita æterna.* Quid
Spiritus sanctus, non est Deus ? Planè Deus. Vnde proba-
mus, quoniam & ipse Deus ? Audi in Actibus Apostolorum
Petrum Ananiam fraudatori improperantem : *Anania, inquit,*
cur implevit satanas cor tuum, mentiri te apud Spiritum sanctum ?
Non es mentitus hominibus, sed Deo. Ecce & Spiritus sanctus
Deus. Ergo Trinitas vnus est Deus : & verum est, quia nemo
bonus nisi vnus Deus. Patientes estote boni ut sitis verè bo-
ni : Patientes estote vsque ad aduentum Domini. Tolerate
mala quæ patimini à malis cum malis : quia ista tentatio,
vestra est examinatio. Si aurum es quid times paleam, quid
times ignem ? Simul quidem eritis in fornace, sed ignis paleas
in cineres vertit, tibi sordes tollit. Si frumentum es, quid ti-
mes tribulam ? Non apparebis qualis antea eras in spica, nisi
tribula conterendo à te separauerit paleas. Si oleum es, quid
times pressuram præli ? Non declarabitur species tua, nisi
etiam pondus lapidis à te separauerit amurcam. Veruntamen
interroget se vnaquæque anima ut videat si iniuste patitur :
proferatur statéra iustitiæ, appendatur amor mundi cum
amore Dei, vide quemadmodum præponderet amor mundi,

Cap. 118:
Quare boni
cum malis
puniantur.

Luc. 18. 19.

1. Io. 1. 10.

Act. 5. 31.

proferatur speculum Scripturæ diuinæ. Speculum hoc neminem palpat: qualis est, talem te tibi demonstrat. Intende & vide, & si est aliquid quod offendar, abi confusus, & redi correctus. An non confunderis, & in malis tuis gloriaberis? Eris enim perfectum malum, non qualecunque bonum. Talis non vis flagellari cum mundo, aut flagellatus murmuras sub flagello? Serue male, fecisti quod Dominus iussit, qui ne vapulares, ista flagella ante tibi prædixit? Quis iussit? Dominus iussit, creator tuus iussit. Quid iussit? *Qui amat, inquit, patrem aut matrem plusquam me, non est me dignus.* Ecce quid iussit. Ait, *Qui amat filium aut filiam plusquam me, non est me dignus.* Ecce quid iussit: *Et quis est, inquit, qui odit patrem, aut matrem, aut filios?* Nec illos ille odire præcipit: sed vel quantum illos, tantum se diligi iussit. Plus quidem debueras diligere creatorem, quam creaturam; sed si non vales præferre, saltem vel æquare dignare. Verè filios tuos diligeres, si Christum filiis præferres, ipsosque filios ipsi committeres. Verè filios tuos diligeres, si in ipso illos diligeres, qui eos tibi dedit ut diligas. An idè eos videris diligere, quia eorum voluptatibus faues? Audis blasphemantes, & patienter fers, Christiane, quod rex Nabuchodonosor alienigena non potuit sustinere, dicens: *Si quis dixerit blasphemiam in Deum Sidrach, Misac & Abdenago, in interitum erit?* Vides frequentare specacula, & non reuocas? vides luxuriantes, & non verberas? Nec potes te talem exhibere patrem, qui paratus sis indisciplinatos filios vel exheredare, vel abiicere: cum paratus esse debueras sicut Abraham etiam filium immolare? Omnis enim qui filiorum trucidat voluptates, sacrificium tale quale Abraham offert Deo. Sed dum ista non fiunt, & his moribus deprauatis malè nutriuntur, qui isto mundo vtuntur, labesit mundus, nec immeritò ait Propheta, *Defluxit terra, & omnes inhabitantes in ea.* Non quiescunt vsque nunc murmurare homines, laudate tempora præterita, accusare tempora Christiani: Magna erant tempora patrum nostrorum, dicunt: O quàm bona tempora habuerunt patres nostri.

Cap. IV.
Observa.
dū diligen-
ter ne vtiat

SE D videte quid fecerint patres nostri. Phinees sacrificantem virum idolis manu propria peremit, ut placaret iram Dei. Moyses populum oberrantem, vitulūque fulem

adorantem, ita certa emendatione coërcuit, vt vnam tribum ex duodecim ad se vocans, quæ sequi voluit Deum, præceptum eis daret, vt acceptis gladiis in manibus suis filij percuterent parentes, & parentes occiderent filios: nullus eos reuocauit affectus, nullus humanitati reservatus est locus, quia timor & amor Dei præ omni desideriorum carnalium amore ferebatur. Iephthæ vt hostes diis ac dæmonibus immolantes superaret, vnicam filiam in sacrificio dedit. Samson cum gentes dæmonicolas virtute, quam à Deo in capite acceperat, diutius bellis contereret atque fatigaret, seductusque postea per mulierem oculos simulque virtutem capitis perdidisset: posteaquam cognouit in opprobrium suum omnes illos conuenisse ad templum idolorum suorum, eosque magnificare deos suos, quod eis tradiderant acerrimum inimicum suum, cum crescente coma capitis eius, ei creuisset & virtus, à puero qui sibi ducatum præbebat, vt sibi manum porrigeret, petiit, seque ad illud templum deduci poposcit. Ad quod cum peruenisset, columnas duas, super quas totum illud ædificium ferebatur, singulis manibus singulas columnas apprehendens, ruina se simul & illos voluit opprimi, ne laudes dæmonum in contumeliam Dei sui à quoquam libenter pateretur audiri. Daniel ne à rege homine petitionem aliquam posceret, sed à Deo viuo, qui præstat omnia bona suis, leonibus ieiunantibus in escam datus est vt periret: sed Dominus fidelem seruum suum non deserens, & ipsum intactum seruauit, & per Abacuc Prophetam simul & ipsum & leones pavit. Quid dicam de tribus pueris, qui cum nol-

ant erroret
in nobis di-
ligamus
Num. 25. 8.
Exo. 32. 26.

Iudic. 11. 39.
Iudic. 16. 10.

Dan. 14. 30.

Dan. 3. 30.

O lerant isti non solum omnia quæ habebant propter Deum, verumetiam animas suas: & Deus eos hic claros fecit, & æternæ vitæ remuneratione ditauit. Quid tale dilectissimi fecimus, imò econtrariò quæ mala non fecimus? Illi nec minis nec tormentis conuerti dæmoniis sacrificauerunt. An non sacrificauit, qui imagines idolorum per noctem ludentes, quod Nocturnum vocant, libentissime spectauit? Sacrificauit prorsus sacrificauit: & quod est peius, non tauri, vel cuiuslibet pecoris aliquam victimam, sed ipsam animam hominis pretiosam. In hoc tam nefando sacrificio non vnus vel pauci accusantur, tota hoc ciuitas fecit quæ tota consensit: nec ab hostibus, nec à barbaris, sed à seipso omnis homo in anima se intus occidit videndo, consentiendo, non prohibendo, omnes remansimus rei. Et dum noluius pacem ciuitatis turbari, pueris pacem quam desideramus, non accipimus rectam. Contemnimus pacem seruare bonorum morum, & perit pax temporum nostrorum. Discite vel nunc, dilectissimi, quid cui rei præponere debeatis. Nolite diligere vitia in filiis, in amicis, in seruis, in omnibus notis: præponatur singularis potestas omni potestati, honorem exhibeamus Cæsari tanquam Cæsari, timorem autem Deo. Præferatur creator creaturæ, diligamus Deum, quia diligit nos: & in hoc quòd nos flagellat, diligit, *Quis est enim filius cui non det disciplinam pater eius?* Qui sanam considerationem habet, qui credit Dei verbis, metuit plus ignem æternum, quàm cuiuslibet truculenti barbari ferrum: plus metuit mortem perpetuam morte qualibet hic pessima. Irrideant hæc infideles, irrideant stulti, nolunt credere nec rebus expertis. Ecce conteruntur, ecce omnia pereunt, ecce cum ipsis non potest stare mundus quem amauerunt, ecce ad Deum trahuntur cuius præcepta contempserunt: non enim bona voluntate pergit, qui blasphemando moritur. Ecce itur. Cùm illuc ventum fuerit, quid agitur? Quòd itur? per quem abitur? Quis iterum huc redire cogitur? Finitum est & quod malè fecerat, & emendare finitum est. Redite, filij, redite, *redite prauaricatores ad cor*, facite gaudium ex conuersione vestra, corrigantur corda vestra, displiceant vobis opera vestra: estote fortes, tribulatio mundi non vos frangat, *Dominus in proximo est, nihil solliciti sitis.*

Heb. 12. 6.

1. Cor. 13. 11.

Phil. 4. 56.

Cap. v.
De martyribus
viris
perpetua &
Felicitas

HABETIS virorum fortium magna exempla. Vicerunt martyres mundum. Inter quos martyres mares, etiam feminæ repertæ sunt fortiores. Ante paucos dies natalitia celebrauimus Martyrum Perpetuæ & Felicitatis, & comitum. Et cum tot ibi sint viri, quare istæ duæ præ omnibus nominantur, nisi quia infirmior sexus, aut æquauit, aut superauit virorum fortitudinem? Vna eatum erat prægnans, alia lactans. Felicitas parturiebat, Perpetua lactabat. Sed tandiu hæc Perpetua lactauit, quamdiu acciperet ab illo pastore simul & patre buccellam lactis: qua accepta dulcedo felicitatis perpetuæ eam fecit contemnere filium, spernere patrem, non inhaerere mundo, perdere animam pro Christo. Felicitas verò, quæ sociam habebat Perpetuam, & parturiebat & dolebat, obiecta bestiis gaudebat potius quàm timebat. Quæ virtus in fœminis, qualis est gratia quæ cum se infundit, nullum indignum iudicat sexum? Gratiæ gratiæ Dei, reparauit etiam sexum muliebrem. In opprobrium magnum mulier remanserat: quia ab initio per mulierem peccatum, & propter hanc omnes morimur. Diabolus vnâ Euam deiecit, sed Christus natus ex virgine, multas fœminas exaltauit. Perpetua & Felicitas caput calcauerunt serpentis, quod Eua ad cor suum intus admisit. Illam seduxit falsa promittendo, illas non valuit superare sæuendo: illam decepit in paradisi felicitate, has non potuit adire, nec substantiarum deposita potestate. Illius inter paradisi delicias ruinam gauisus est, harum inter pœnas fortitudinis constâtiam ipse quodammodo diabolus expauit. Merito sic sunt exaltatæ, merito viris vel corquaræ vel prælatæ. Quamuis enim *in Christo Iesu non sit seruus neque liber, non sit masculus neque fœmina*, sed omnes sint vnum occurrentes in *virum perfectum*, descendit tamen hoc donum ex magna gratia. Perpetua enim & Felicitas nomina istarum sanctarum fœminarum, merces est sanctorum omnium Martyrum.

Gal. 3. 28.
Eph. 4.

VICIT mundum etiam Iob ille omnibus notissimus torrens tentatus, sed minimè superatus. Impleuit Dominicum præceptum, contempsit filios ne blasphemaret, qui doderat filios. Repulit à se uxorem quæ ei blasphemiam persuadebat, quam diabolus propterea solam dimiserat, quia sibi eam necessariam esse nouerat. Non enim dimiserat marito consolati-

Cap. vi.
De patientia Iob.

tricem, sed suæ tentationis adiutricem fecerat eam nouam Euam, sed ille non erat vetus Adam. Exultauit etiam istum sicut illum per mulierem posse decipi: sed ille spernendo vxorem pessima suggerentem, diuinitus adiutus, etiam ipsum diabolus in illa valuit superare. Fortior fuit Iob in doloribus, quàm ille Adam in nemoribus: ille non cessit tormentis, ille superatus est in deliciis. Videtis dilectissimi quid agat tentatio, & quàm vtilis sint huius mundi pressuræ, & quemadmodum corrumpant terrenæ deliciæ. Contempsit Iob vxorem, filios, omnia sua, postea & carnem suam. Plus amauit eum qui dederat quàm quod dederat: Vfus est quod acceperat, tanquam bonus viator: possedit, non possessus est. At ubi ea placuit auferri qui dederat, behedixit, non blasphemauit: *Dominus, inquit, dedit, & Dominus abstulit: sicut Domino placuit, ita factum est, sit nomen Domini benedictum.* Imitamini talem virum, imitamini tales filij esse etiam flagellati, vt mereamini recipi. *Flagellat enim omnem filium quem recipit.* Disciplinam eius sustinete: sicut filios, ita vos aggreditur Deus.

Iob. 1. 21.

Heb. 12. 6.

Cap. vii.
Luc. 15. 17.

Quod probat ille filius iunior in Euangelio positus, qui disciplinam paternam contempsit, substantiam suam in meretricibus erogauit: porcos paut, fame contritus est, filiquis porcorum ventrem suum implere non potuit: tandem aliquando reuersus est ad se, & inuenit se qui perdiderat se, & in mentem ei venit quod multi mercenarij patris sui abundarent panibus, ipse verò fame periret. Statim surrexit, ad patrem recurrit, non se filium, sed tanquam vnum ex seruis computari rogauit. Inclinator humilitas, excitatur misericordia: voces filij pœnitentis concutiunt paterna viscera. Dicit se filius indignum, vt ille eum iudicet dignum: rogat vt in numero seruorum iubeatur suscipi: & pater ei illam primam stolam iubet afferri, mactat vitulum saginatum, chorum congregat, aduocat amicos, facit epulum magnum. Quare? *Quia hic filius meus, inquit, mortuus fuerat, & renixit: perierat, & inuentus est.* Hanc similitudinem Dominus in Euangelio proposuit, quam ipse exposuit dicens, tale gaudium fieri in calo super peccatore pœnitentiam agente. Nunc verò quoniam tempus est exhortari omnes ad pœnitentiam, vt filij errantes reuertantur,

eisque conuiuium à patre saginati vituli præparetur : etiam nos, dilectissimi, parati sumus huic conuiuium tanquam amici ac domestici interesse : maximè quia cum isto patrefamilias ad mensam eius quotidie accedentes, non nos iam dignatur vocare seruos, sed amicos.

Percurramus, si placet, ipsam parabolam à Domino in Euangelio propositam, in qua nobis & affectum patris demonstrauit pium, & filij perditionem indicauit reditum, filique maioris qui de paterna domo non discesserat, commotum retulit animum. Hoc quippe habet textus ipsius lectionis. *Ve-*

Luc. 15. 27.

niens, ait, filius eius primogenitus de agro cum audiret symphoniam, interrogauit seruos quidnam illud esset. Etique dixerunt: Frater tuus reuersus est, & occidit illi pater tuus vitulum saginatum, eo quod saluum illum suscepit. Et indignatus noluit introire. Egressus est autem ad illum pater suus ut eum introduceret. Improperauitque ille patri suo, quod laborasset semper cum illo, & nunquam illi talia exhibuisset : at ubi venisset filius ille qui omnem substantiam paternam malè consumpserat, occidisset illi vitulum saginatum. Et reddit pater rationem facti sui, consolaturque filium suum secum permanentem, de domo non discedentem, & dicit illi: Fili tu meus es, & mecum es semper, & omnia mea tua sunt: veruntamen oportuit nos ista facere, quoniam frater tuus mortuus fuerat & reuixit, perierat & inuentus est. Non vacat hæc talis à Domino propositio. Donet itaque nobis qui ista proposuit, ut demonstremus ab ipso fuisse impletum hoc, quod per quandam similitudinem quodammodo nos excitauit ad aliquid inquirendum. Affectum paternum exhibuisse suis Dominum nostrum Iesum Christum, nullus ambigit Christianus. Illud magis requiramus, qui sit filius iunior qui prodigè viuens substantiam paternam dissipauit, & qui sit filius primogenitus qui indignatus quod filio perduto redeunti vitulus saginatus occisus sit, intrare noluerit.

Quis est iste filius perditus, qui omnem substantiam paternam in meretricibus erogauit, nisi ille latro qui substantiam animæ à Deo sibi datam per scelera diffuendo etiam in cruce pendit? Porcos paut, quando dæmonum voluptates suis factis impleuit. Fortasse illos porcos paut, quos petierat diabolus à Domino, dicens: *Inbe nos intrare in gregem porcorum.* *Matt. 8. 32.*

- Fame contitus est, quia panem verbi Dei non inueniebat. Siquis cupiebat saturare ventrem suum, quando tortuosis cogitationibus replebat animam suam. Sed reuertatur ad se, videat se latro in cruce pendentem, concurrat ad patrem, dicat pendens in cruce : *Domine memento mei dum veneris in regnum tuum. Domine memento mei, non sum dignus vocari filius tuus, suscipe me sicut unum ex seruis. Domine memento mei.* Latro enim sua attendens merita, de seipso diffidebat, sed Dominus tanquam pius pater latroni quasi filio quod desperauerat, offerebat. Proferat huic pater stolam illam primam, induat filium immortalitate, quem secum videt in cruce pendentem, introducat eum in domum: dicat Christus latroni, *Amen dico tibi, hodie mecum eris in paradiso.* Ma&et vitulum saginatum, hominem illum susceptum etiam pro latronibus crucifixum : aduocet amicos suos discipulos suos quibus dicebat : *Si feceritis quae mando vobis, iam vos non dicam seruos, sed amicos.* Præparetur illud conuiuium caeleste, a&ter ille chorus Angelorum, suauiter declamans : *Gloria in excelsis Deo, & in terra pax hominibus bonae voluntatis.*
- Luc. 13. 42.
Ioan. 15. 15.
Luc. 1. 14.

- Veniat & primogenitus filius ille, & nolit intrare. Quis est iste filius primogenitus qui noluit intrare, nisi ille primus Apostolorum Petrus, qui ad interrogationem vnus ancillæ, in atrio sacerdotis ter Dominum ausus est negare? Dixisti quidem, ô Petre, tanquam patri tuo Christo, ego tecum laboravi: quando dicebas Saluatori, *Tecum sum vsque ad mortem, animam meam pro te ponam.* Vbi est quod promisisti? Interrogaris semel, & negas: secundo interrogaris, & negas: tertio, & negas. Non vis ad conuiuium intrare, ideo ausus es ter Dominum negare. Vbi est, *Animam meam pro te ponam?* Ter negantem non terruit vngula, sed vna oppressit muliercula. Certè *tecum sum vsque ad mortem.* Vide, vide igitur petre, quantum de te antea præsumpseris: ecce nunc ter negando, gallo teste conuinceris. Sed egrediatur pater ad primogenitum filium nolentem intrare, dicat Christus petro: *Intra in gaudium Domini tui, respiciat negantem, & faciat confessorem: compungat flentem, faciat amatorem, exhortetur eum paterna voce: Fili, inquit, tu meus es, tu es Petrus, & si me negasti, meus es. Tu es Petrus, & super hanc petram a&ficabo Ecclesiam meam. Tu meus es, & omnia mea*
- Mat. 16. 49.
Ioan. 13. 37.
Mat. 16. 18

tua sunt. *Tibi dabo claves regni cælorum.* Apud te petre sunt claves, dignate iam ad conuiuium intrare. Oportebat hæc fieri, quoniam frater tuus latro mortuus erat & reuixit, perierat & inuentus est. Si petrus antequam Christus pro omnibus crucifigeretur, regni cælorum claves accepit, quâ illuc introiuit latro ille iam non reus, nisi per latus quod aperuit Iudæus? Et nunc veniant omnes quicumque amant paradysum locum quietis, locum securitatis, locum perpetuæ felicitatis, locum in quo non pertimescas barbarum, in quo nullum patiaris aduersarium, nullum habebis inimicum. Venite omnes, intrate omnes, est quâ possitis intrare, patet * latus. al. * locus. Ostendit enim ille latro, quod debeant omnes intrare, neminem suo exemplo docuit desperare.

CONTENDITE, ait Dominus, *intrare per angustam portam.* Quid angustius illo foramine, quod vnus ē militibus percutiendo latus crucifixi aperuit? & tamen per has angustias penē iam totus mundus intrauit. Venite & vos Iudæi, vocat vos quem crucifixistis Filius Dei: contendite intrare per angustam portam, per hanc enim introierunt patres vestri. Illi qui vt crucifigeretur clamauerunt, qui in ligno suspensum viderunt, qui irriserunt, qui caput agitauerunt, per istas tamen angustias introierunt. Non enim inaniter clamabat ille pendens in cruce: *Pater ignosce illis, quia nesciunt quid faciunt.* Per has ergo, vt dixi, angustias, per angustam portam lateris Christi ingressus est latro mutatus, pœnitens Iudæus, conuersus omnis paganus, & ab eo exiit foras malus hæreticus Arianus. Exiit, quoniam non erat de numero permanentium. De illis enim erat, de quibus Ioannes dicit: *Ex nobis exierunt, sed non erant ex nobis: si enim ex nobis essent, mansissent utique nobiscum.* Cap. viii.
Luc. 13. 24. O hæretice Ariane, agnoscit latro in cruce pendentem, ipsi inimici Iudæi expauerunt resurgentem, & vos malē tractatis in cælo regnantem. Cauete dilectissimi Arianam pestem, non vos sepatent à Christo terrena promittendo, propter tunicam non vos expolient fide. Membra Christi seruate vnitatem atque integritatem vnus tunicæ, quam nec persecutores Christi ausi sunt scindere. Nolite iniurias irrogare capiti vestro: pro vobis ille mortuus est, ne vos moreremini. Quem Christus per baptismum viuificauit, quarecum Arianus rebaptizando occidit? Erubescite, erubescite

hæretice. Negavit petrus & reuersus est, & flendo deleuit quod timore negavit: Christum in suis persecutus est paulus, sed ad eius vocem cecidit & surrexit. Aliter cecidit, aliter surrexit. Cecidit persecutor, erectus est prædicator. In Christianis Christum persecuti sunt Reges: sed multum eis præstiterunt, quando membra ad caput suum velociter transierunt.

Mat. 3. 16. Nemo talia damna, qualia tu, ingerit Christo: animas enim multorum cupis interficere, pro quibus Christus in carne venit occidi. Erubescere, erubescere hæretice. Quid iteras, quod semel datur? In membris suis iam intus est Christus, noli in istis ipsum velle rebaptizare: semel enim pro omnibus cum Ioanne in aquam dignatus est ipse descendere. Redemit Christus animas, custodite quod ille redemit. Integro Christo integrum assignate prædium. Nemo inuadat, nemo inuasori consentiat: chara & terem Dominicum nullus abstergat, titulos Christi nemo deponat. Reddaturi estis rationem Domino regi, boni serui, data est vobis occasio bene operandi. Abundant peregrini, captiui, expoliati. *Facite vobis amicos ex mammona iniquitatis, ut & ipsi recipiant vos in habitacula aeterna.*

Luc. 16.



I N D E X

R E R V M E T V E R B O R V M.

A

Actiones



X circumstantiis pensan-
dæ, 67. & seq.
Non sunt exterius propa-
landæ, nisi vt glorificetur
Deus, 300. 301. 341. 342
Fugiendæ laudes hominum, 340. 341.
362
Actiones sunt mundæ, quando inten-
tio est recta, 365

Adam.

Cur è paradiso expulsus, 343
Quomoddò per esum habuit scientiam
boni & mali, 144
In ipso peccato intelliguntur plura
peccata, 251. 252
In quo statu creatus est, 282. 283
Qualis futurus fuisset primus homo, si
perseuerasset in gratia, 282
Status humani generis post Adæ pec-
catum, 242. 245. 246. 278. 279
Deus poterat hominem in hoc statu re-
linquere, 242. 243
Nemo ab hoc statu liberatur nisi per
gratiam Mediatoris, 243. 244. 246.
254. 279

Vide Peccatum, & Filij.

Adoptio, filius adoptivus.

Quomoddò efficitur filij Dei adoptiui,
338. 339

Aduersarius.

Quis aduersarius, cui iubemur consen-
tire, 308. 309. 373

Aduersitas, Afflictio.

Vide Tribulatio, Patientia, Homo.

Amor. Vide Charitas.

Amor sui & creaturarum.

Non licet homini diligere seipsum vel
proximum nisi propter Deum, 13.
& seq.

Quomodo seipsum & corpus suum de-
bet homo diligere vel odisse, 14. &
seq. 137. 210. 315. 316. & seq. 416. 417
Non se diligit, nisi qui summum bo-
num diligit, 14. 137. 417

Vide etiam Caro, Mortificatio.

Angeli.

Angeli sunt mutabiles, 138

Mali Angeli.

Diaboli lapsus, 138. 243
An & quomoddò malus Angelus, 138
Eius inuidia in hominem vnde, 138
Lætat de miseriis damnatorum &
tristatur de bono & liberatione bo-
norum, 163

Quomoddò & in quibus Deus vtatur
Dæmon ministerio ad executio-
nem providentiæ suæ, 165. 358
Homines sancti succedunt in locum
desertorum Angelorum, 243. 259
Quomoddò dicitur Dæmon loqui cum
Deo in libro Iob, 357. 358

Anima.

Cibus animæ { Sacramentum corporis
Christi,
Legis Dei meditatio &
praxis, 253. 254

Anima eget quotidiano cibo, 254
Qua ratione Scriptura dicitur panis
animæ non potus, 360

Animas non fallunt obiecta vel sen-
M m m ij

Index Rerum & Verborum.

- fus, sed peccata, 160
Apostoli.
 Ad conuersionem mundi debuerunt habere
 { Sapientiam diuinis acceptam,
 Gratiam ad contemnendum quæ prauis cupiunt,
 Firmitatem ad perpetuenda quæ horrescunt,
 Maiestatem faciendo ea quæ mirantur, 127
Artes.
 Quænam artes Christiano discendæ, quæ non, & quomodò, 55
Astrologi, Astrologia & cætera artes prohibite.
 Quam vanæ ipsorū diuinationes, 42. 43
 Cur aliquando verum prædicant, 43.
 44.
 Non consulendi aruspices, &c. 393. 408
Atristia.
 Quomodò fiant, 161. 162
 Seruiunt triplici cupiditati,
 { Vel Voluntatis,
 Vel excellentiæ,
 Vel spectaculi, 162
 Postremò omnibus rebus, 162.
Auaritia. Vide Eleemosyna.
 Mirabilis est possessis non inhatere, quàm iis omnino carere, 207
 Auarus seruit Diabolo, 366
 Auarus est cæcus, 420
 Pulchra expositio ad avaros, 419. & seq. *S. Augustinus.*
 Fuit Manichæus nouem annis, 203
 B
Baptismus.
 Conceditur adultis & infantibus, 251. 255.
 In istis solùm originale peccatū, in illis etiam actualia deler, 251. 261. 289
 Baptismus Ioannis non conferebat gratiam, 253
 Baptismus est Christi mortis configuratio. 251. 254
 Post Baptismum qualiter bellandum, 435. 436.
 Virtus aquæ in baptismo vnde, 436. & seq.
Beatus, Regnum celorum.
Vide calum.
 Seruendum iis, quibus quisque vult esse beatus, 162
 Quis beatus, 187
 Omnes beatitudinem appetunt, 187
 Quid sit hominis summum bonum, 187. 188. & seq.
 { Respectu corporis est anima, 189
 Respectu animæ Deus, 190. & seq. 195. 196. 199.
 In beatitudine erit
 { Vita sine morte,
 Sine errore veritas,
 Sine perturbatione felicitas, 241
 Requies sine fine, 398
 Quanta pax erit, 260
 Beati cognoscunt omnia secreta diuinæ prouidentie, 275. 276
 In beatis qualis futura voluntas & libertas, 282
 Violentia necessaria ad beatitudinem comparandam, 324
 Primū querere debemus regnum Dei. 368. & seq.
 Quanta copia bonorum, 433
Beatitudines Euangelicæ.
 Explicatio beatitudinum 291. & seq.
 Beatitudinum applicatio septem petitionibus orationis Dominicæ, 361
 Beatitudinum connexio cum donis Spiritus Sancti, 399 & seq.
 { Timor congruit humilibus.
 Pietas mitibus.
 Scientia lugentibus.
 Fortitudo esurientibus & sitientibus iustitiam.
 Consilium misericordibus.
 Intellectus mundis corde.
 Sapientia pacificis, 295. 296

Index Rerum & Verborum.

Quomoddò intelligenda varia præmia
vnicuique assignata , 296.
297.

Benefacere, Beneficium.

Debemus proximis Benefacere non
propter commodū nostrū, sed pro-
pter ipsorum salutem. 364. (Vide
Charitas.) 367-371

C

Cardinales Virtutes.

Earum natura & officium explicantur,
199. usque ad 209.

Carni, Carnales.

An & quomoddò carnem odisse con-
ueniat, 14. & seq.

Quomoddò carnales efficiuntur homi-
nes, 136. 146. 446

Facile est execrari carnem, non autem,
carnaliter non sapere, 145

Pœna carnalis hominis, 137. 144. 145.
159 160.

Exhortatio ad carnales vt redeant ad
cor, 158. 159. 163. 164 167. 168. 181

Vide Amor sui, Mortificatio.

Castitas.

Castitas nunc apud homines deride-
tur. 403

Cælum. Via ad cælum. V. Via.

Quibus mediis tendendum in cælum,
426. & seq. 435. 436.

Via nostra ad cælum, nauigio compa-
rata, 426

Pugnæ, 435. 436

Censores, Censura.

Censores Operum aliorum triplicis
generis,

{ Stolidi,

{ Imperiti,

{ Atrogantes, 1. & seq.

Charitas, Amor, dilectio. Vide
etiam Scriptura.

Charitas quid , 66

Quatuor diligenda sunt & quomoddò,
scilicet ,

{ Vnum quod supra nos est,
Alterum quod nos sumus,
Tertium quod iuxta nos,
Quartum quod infra nos, 14. &
seq.

Quantum amandus Deus, 192. 196. 197.
420. 451. 452.

Ordo dilectionis, 16. & seq. 173 174

Optandum vt omnes diligant Deum,
17. 18. 210.

Proximi nomine veniunt

{ Angeli,
Omnes homines, 315
Etiam inimici, 18. 19

Quomoddò amādus proximus, 171 172.

175. 210. & seq. 405. 315. & seq. 415. & seq.

Quomoddò parentes, 172. 450. & seq.

Amor proximi gradus est ad amorem

Dei, 210. 211

Quomoddò tolerandæ proximi infirmi-
tates? 175 326. 330. 332

Inuictus est qui diligit Deum, 172

173 174 208.

Non potest à Deo separari , 196. 197.

206. 207.

Per Charitatem assimilamur Deo, 197.

198.

Omnis virtus est amor Dei, 199

Sola Charitas bonum facit, 287 288

Omnia referuntur ad caritatem. (Vide
Scriptura.) & 289

Christus. Vide Verbum. Incarnatio.

Cur Incarnatus, 9. 10. 246

Quomoddò, 10. 246. 247

Ex Incarnatione intelligitur dignitas

hominis, 140

Nillum sexum contempsit , 140

In ipso duplex natura, vna persona,

246. 247. 248. 250.

Etiam vt homo est filius Dei, 247

magna dignatio Verbi quodd voluit in-
carnari, 247. 248

Christi Conceptio.

Conceptus est de Spiritu sancto, 248.

250.

Index Rerum & Verborum.

Non tamen est filius Spiritus sancti,

248. 249. 250.

Sed filius *Mariæ*,

248

Non contraxit originale peccatum,

246. 250

Quomodo dicitur peccatum,

250. 251

Habuit verum corpus,

429

Christi Baptismus.

Cur baptisari voluerit,

253. 254

Mors Christi & Crucifixio.

Non est mortuus pro Angelis,

259

Crux Christi non fuit supplicium sed

tribunal,

439

Curavit humanum genus remedijs,

Contrarijs,

10. 11. 140

Similibus,

10. 11

Non liberasset hominem nisi & Deus

fuisse,

284

Apparebat hominibus

Deus

Doctrinâ,

Miraculis,

140

Passionibus,

Homo

Ætatibus,

140

Magister noster est,

423

Tota vita eius, doctrina morum,

140. 256.

Quomodo Legem implevit,

301 & seq.

Cur *Mariam* aliquando vt matrem,

aliquando non videtur agnoscere,

140.

Iudicium Christi.

Quomodo iudicaturus est viuos &

mortuos?

256

Claves Ecclesiæ. Vide Ecclesiæ.

Clerici, Vide Vita.

Communio.

Quotidianæ communionis vsus,

353

Concionator. Vide Doctor.

Christianus.

Christianus non est qui non cogitat

de futuro sæculo,

395. 416.

Qualiter pugnare debet,

435. 436

Quid scire & discere debeat,

231. 235

Consuetudo.

Quænam iusta,

68. 69

Cor.

Cor mundum est cor simplex,

293. 340.

341. 345. 363. 364. 382.

Cor nostrum fordescit amore tempo-

ralium,

364. 365. 379

Corpus, Vide Caro.

Correlia, Correptio.

Qualiter & quo animo, & à quo fa-

cienda,

376. & seq.

Creatura.

Sunt mutabiles, & cur,

142. 143. 232

Ex nihilo sunt factæ omnes à Deo,

142.

143.

Omnes sunt ex se bonæ,

136. 138. 144.

147. 184. 231. 232. 233.

In omnibus creaturis est aliquod vni-

tatis vestigium,

257. 158

Vide Vfus.

Crux, Vide etiam Christi crucifixio.

Est scala Cœli,

443. 444

Quatuor habet gradus, altitudinem,

latitudinem, longitudinem, pro-

funditatem.

In altitudine signatur eleuatio

mentis.

In latitudine perseverantia.

In longitudine mortificatio.

In profunditate fides,

444

Cupiditas.

Quid,

66

Minuitur crescere charitate, & contrâ,

288. 290.

Omnis mala cupiditas, fornicatio est,

312. 318.

D

Damnati.

In damnatis quantæ tenebræ,

179. 180.

Pœnæ diuersæ,

180. 275. 285.

Qualis pœna infantium decedentium

sine baptismo,

275.

Contra eos qui pœnas damnatorum

putant non fore æternas,

285. 286

An damnatis aliquod leuamen con-

cedendum sit.

285. 286

Pœna damni quanta,

286.

Index Rerum & Verborum.

Dens.
 Deo solo fruendum & cur, 7 12.13
 Est ineffabilis & quomodd., 7
 Est illud { Quo nihil melius 7.3
 { Et sapientius, 8.9
 Nullo indiget, 139
 Non videtur nisi purgato oculo men-
 tis, 9 293.340.384
 Quomodd ad eum accedamus, 9
Vide Via.
 Via ad Deum non est locorum sed af-
 fectuum, 11 12.139.327
Vide iterum Via.
 Quid eam impediatur? 12 127. 340.341.
 345
 Deus quærendus in investigatione Scrip-
 turarum, 191
 Quomodd intelligantur variz de Deo
 locutiones, 194.195
 An deus possit contemni & odio ha-
 beri, & quomodo. 366
Diabolus, V. Angeli Mali.
Dij.
 De Dijs quid senserit Socrates, 116
 Variz de Diuinitate sententiz, 161 175
Dilectio, Vide Charitas.
Discere, Disciplina.
 In discendis, rationem debet præcede-
 re autoritas, 187
Vide Ecclesia, Christiani.
Doctor Doctrina. Concio, Concionator.
 Officium Doctoris Christiani est.
 { Bona docere, Docere,
 { item { Delectare,
 { { Flectere,
 { Mala dedocere, 89 100. & seq.
 Finis, persuadere, 119
 Quomodd parare debeat sibi eloquē-
 tiam, 87. 88
 Qui dicit sapienter, præferendus ei qui
 dicit solum eloquenter, 89. 90 102.
 110.
 Quis dicat sapienter, 90
 Quam necessaria orationis perspicui-
 tas, & quomodd comparanda, 98 99.
 100.

Doctori Christiano necessaria.
 { Oratio ante concionem, 103 104.
 { 124.
 { Studium, 104 105
 { Bona Vita, 121 122. 123
 Probabilior est qui bene viuit quam
 qui solum bene dicit, 121. & seq.
 Triplex est dicendi genus, quid, &
 quando vtendum & quomodd, scilicet,
 { Grande,
 { Temperatum,
 { Et submissum, 105. & seq.
 Quomodd persuadeatur in quolibet,
 119.
 Quomodd Patres vsi sint eloquentia,
 112. & seq.
 Debet se accommodare capacitati au-
 ditorum, 151. 152
 Non debet suam doctrinam Concio-
 nator commodis temporalibus ob-
 scurare, 300. 369. 370
Dolor.
 Dolor, { Corporis.
 { Animi, 137
Domini.
 Quomodd Domini seruos suos tracta-
 re debeant, 328
Dona Spiritus Sancti, V. Beatitudines.
Ecclesia.
 Quomodd Christus nunc purget Ec-
 clesiam, 11. 131. 132
 Claves Ecclesiz, 12
 Vtitur Ecclesia,
 { Gentibus ad materiam operatio-
 nis suæ,
 { Hæreticis ad probationem do-
 { ctrinæ suæ,
 { Schismaticis ad documentum sta-
 { bilitatis suæ,
 { Iudæis ad comparisonem pul-
 { chritudinis suæ, 131. & seq.
 Profunt hæretici &c. Ecclesiz, 133. 149
 Vocatur Catholica etiam ab inimicis,
 132.

Index Rerum & Verborum.

- Est mater omnium Christianorum, 215
 In ea sola vera religio & pietas, 215. 216.
 217. 203. 428. 429.
 Est domus disciplinæ, 413
 Ecclesiæ præclarum elogium, 215. &
 seq.
 Nō est calumnianda Ecclesia propter
 prauos Catholicos, 223. 224
 Ecclesia est de numero credendorum,
 257.
 Constat non solum omnibus homini-
 bus sed & Angelis, 257
 Est templum Dei, 257. 258
Eleemosyna.
 An & quomodo remittat peccata, 264.
 265. 266. & seq. 408. 409.
 Fœneratur Domino, 333
 Quomodo intelligendum illud; *Te fa-*
ciente eleemosynam, nesciat sinistra,
&c. 343. & seq.
 Exhortatur diuites ad faciendam
 eleemosynam, 409. 410. & seq. 418.
 & seq.
 Contra eos qui nimis student filijs di-
 tandis, 410. 411. 418. & seq.
Eloquentia, V. Rhetorica.
 Error V. *Ecclesiæ hæresis, Idololatria.*
 Errorum tria principia, scilicet colere
 pro Deo
 { Corpus,
 { Animam,
 { Phantasmata sua, 134. 135. 161. 181.
 205.
 Quid quid, 236
 Alius est alio grauior, 237. 238
 Quando sit innoxius, 239. 240
 Est tamen semper aliquod malum, 238.
 240.
 Multa cautione opus est ad vitandos
 errores, 388. 389. 428. 429
Ethnici.
 Non aspernandum si quid bene dixe-
 runt. 40. 41. 56. 57
 In doctrina eorum aliquid superstitio-
 sum, aliquid non, 41. 42. & seq.
- Vide superstitio.*
Exemplum.
 Bonum exemplum est bona exhorta-
 tio, 125
Festa.
 Quomodo celebranda, 395. 396
Fides.
 Fides nostra nititur Christi
 { Resurrectione, 11
 { Ascensione, 11
 In quo fides à spe differat, 230
 Sin operibus non Saluat, 262. 263. 288
 Fides in Christum semper fuit necessa-
 ria ad salutem, 289
Filijs. V. Adoptio.
 An ligentur parentum peccatis, 312.
 253.
Forma.
 Forma corporis contemnenda, 165.
Fornicatio.
 An & quæ ratione peccatum, 405. &
 seq.
Fruitio, Vide Vfus.
Gaudium. Lætitia.
 Non est gaudium impijs sed iustis, 387.
 388. *Gratia & merum.*
 Merita nostra sunt gratia, 283
Hæresis, Hæretici. Vide Ecclesiæ,
Religio, Error.
 Superbia causa hæreseos &c. 148
 Hæretici errantes sunt & lupi semita-
 rij, 428
 Quomodo discernenda hæreticorum
 prædicatio, 428. 429
 Hæretici confundentur in iudicio, 433
 Magi Pharaonis, figura hæreticorum,
 440.
Homo. Vide, etiam Angelus ali.
 Naturaliter dominati appetit, 14. 170
 Homo bonæ voluntatis
 { Molestias huius vitæ conuertit in
 { vltum fortitudinis,
 { In volaprate probat temperantiā,
 { In tentationibus acuit prudentiā,
 139. *Vide V. ius.*

quis

Index Rerum & Verborum.

- vide usus,*
 Quis homo { Interior 150
 Exterior 149. 150
 Quis { Vetus,
 Nouus, 399. 400. 406. 407
 Quæ Vtriusque & quales ætates, 149
 150
 Homo exterior { Profectu interioris
 corumpitur { Defectu suo, 166
 400. 401.
 Homo in quo animalibus excellat 151.
 169. 416.
 Quomodd factus ad imaginem & si-
 militud. Dei, 169
 Quomodd reformatur ad similitudi-
 nem Dei, 400 401
 Status hominis { Ante legem. *Vide A-*
dam,
 Sub Lege
 Sub gratia,
 In gloria, 188. 289
 Quo sensu omnis arbor bona bonos
 fructus facit &c. 385. & seq.
 Per quos fructus homo bonus distin-
 guitur à malo, 386. 387
 Cur homo crecta facie in cælum, 416
Hypocrisis. Hypocrisis.
 Quis hypocrisis, 342. 343. 376
Idololatria, Vide Error.
 Origo Idololatriæ, 161
 Species 161 176. 181. 182
Ieiunium.
 Ieiunij conditiones. { Munditia cor-
 dis & lætitia
 363.
Ignis.
 Quomodo intelligatur apud Aposto-
 lum, *Saluari per ignem.* 263. 264
Inimici.
 Inimicorum dilectio quanti meriti,
 265.
 Est perfectio Charitatis 333. 334
 Qui sint inimici, 332
Inimicitia, Vltio, Vindicta.
Vide Mansuetudo.
 Inimicitiam, petenti veniam, non re-
 mittere graue peccatum, 265. 336
 362.
 Variæ species iniuriarum 330. 332
 Vindicta, infirmi est animi 330
 Vindicta quandò licita, 330. & seq.
 Quomodd à sanctis vsurpara 331. 332
 Imprecationes ab illis factæ quæ expli-
 candæ, 334. & seq. 337. 338
Inuidia.
 Nulla inuidia regnat inter bonos
 171 173.
 Inuidia quantum malum, 335. 336
 Est Diabolicum vitium, 318
Intentio V. Actiones.
Iob. Vide Angeli mali.
 Iob patientia, 207. 453. 454
Ira.
 Ira sola
 Gradus iræ { Ira & vox,
 triplex { Ira & vox & vitupera-
 tionis expressio. 304
 Quomodd intelligendum illud, *Om-*
nis qui irascitur fratri suo &c. 303
 & seq.
 Quomodd Deo tribuatur, 246. 286.
Indai.
 Obstinati adherent signis pro tebus,
 63.
Vide signa.
Iudicare, Iudicium.
 Iudicant homines vt plurimum,
 { Ex praua consuetudine, 65. 66
 { Ex concepta opinione, 66
 { Ex propria dispositione, 71
 Iudicium hominis quomodd corri-
 gendum, 158
 Quid iudicium temerarium, & quan-
 do contingat, 374. 375. 376
 Pœna iudicij temerarij, 375
 Procedit ex superbia vel inclementia,
 376.
Iudicium extremum. V. Christi
Iudicium.
 Quàmformidandum, 391. 392
 N n n

Index Rerum & Verborum.

- Iuramentum.*
Iurare an & quomodd liceat 321. &
seq.
Iustus, Vide homo Charitas, vsus.
L
Latusia, Vide Gaudium.
Laudes.
Laudes hominum an & quomodo fu-
giendz, 340. 341. 343. 362.
Libertas, voluntas
Datur in homine, 138. 139.
Neque vera liberas neque bona vo-
luntas est ab homine, 244. 245
Lites.
Lites an & qua ratione licitæ, 355.
M
Malum.
Nihil malum nisi peccatum & pœna
peccati, 166
Malum non potest esse sine bono,
232. 233. 274.
Causa mali voluntas Angeli & homi-
nis, 241
An sit bonum, esse mala, 276
Malum permittitur à Deo, 276. 279.
280.
Manichæi. Vide Creatura.
Manichæorum errores, 134. 186. 225.
429.
Manfuetudo. Vide beatitudines
Manfuetudinis perfectio. 325. & seq.
Quomodd intelligendum illud; Si
quis te percussis in maxillam, &c. 326.
& seq. 329.
Martyres, Martyrium.
Martyrum constantia, 453
Exemplia, 453
Matrimonium.
Quando potest vxor dimitti, 313. 314.
316. & seq.
Ad quid apud Iudæos libellus repu-
diij, 313
Dimissa vxore, non propterea licet a-
liam ducere, 314. 316. & seq.
Laudabile est, coniuges inter se con-
tinentiam seruare, 314. 316
Melius debet viuere vir, quàm vxor
394. 401. 402.
Æquè Vir debet fidem Vxori, ac Vxor
Viro. 395. 396. 401. 402. & seq.
Quo motiuo debent sibi inuicem fi-
dem seruare, 402
Vxor non debet imitari maritum in-
fidelis, 402. & seq.
Mendacium.
Semper est malum, 22. 236. 237. 240.
241.
Etiam factum pro salute alterius, 240.
241.
Quid intersit inter mendacium & er-
rorem, 157. 237. & seq.
Magis obest facienti quàm patienti
236. 237
Aliud est alio grauius, 236. 237
Merita, Vide Gratia.
Miracula. Vide Religio.
Miracula cessauerunt.
{ Ne animus semper visibilia quæ-
reret,
{ Ne homines consuetudine fri-
gescerent, 149
Misericordia, opera Misericordia.
Opera misericordiæ 211. 212. & seq. 265
Vnde dicta, 211
Misericordia Dei.
Non debet sibi blandiri peccator de
misericordia Dei, 391. & seq.
Missæ, Vide sacrificium.
Monachi & sanctimoniales, V. Vita.
Mors. Vide Vita.
Ex Deo non est mors, 136
Quid sit mors, 136
Differentia mortis iustorum & pecca-
torum, 322
Homo iustus non tristatur morte iu-
rum, 174
Mortificatio.
Vide Caro, Amor sui, Homo.
Ad quid Mortificatio, 14. & seq.
Mundus, Vniuersum.

Index Rerum & Verborum.

Eciam post peccatum pulchritudo
Vniuersi est inculpabilis.

{ Damnatione peccatorum,
Exercitatione iustorum,
Perfectione beatorum, 147. 167
Comparatione malorum, 132
Pulchritudo Vniuersi, 165
A visibilibus ad inuisibilia ascenden-
dum, 152. 177

N

Nutritio.

Quomodo fiat? 164

O

Odium.

Quomodo intelligendum illud; *Qui non odit Patrem & matrem &c.* 314.
& seq. (Vide *Amor sui & Charitas*) 452
Odium quid, 376

Oratio.

Oratione humilium operatur Deus
salutem tubulum, 281 282
Orationis Dominicæ explicatio, 286.
& seq. maxime, 347. & seq.
Quot petitiones contineat, 287
 Applicatio septem petitionum toti-
dem beatitudinibus, 361
An sit quispiam pro quo orare non
debeamus, 335 337
Quomodo contra quosdam oratum à
Sanctis, 337. 338
Orandum clauso cordis ostio & pau-
cis, 346. & seq.
Cur orandum, si Deus ante nostram
orationem nouit quid nobis sit ne-
cessarium, 347

P

Parentes.

Contra parentes qui filios dissolutos
non corripiunt, 450
Patientia. V. *Tribulatio*, *Homo*, *Iob*.
Exempla Patientiæ, 207. 208
Beatitudo vix est in patiando pro
Christo, 297. 298
Non calcatur patiens persecutione, 299
Infirmitates proximi tolerandæ, *Vide*

Charitas.

Motiuæ patientiæ, 454

Paupertas.

Quid paupertas spiritus, 292

Pax & Pacifici.

Pax quantum bonum, 293. 294

Qui Pacifici, 294

Peccator.

Tres gradus peccatorum, 311

Peccator non de- { De longa Vita,
bet sibi blandiri. { 392. 393.

{ De misericordia
Dei, 391. 392

Quis iniustus est qui vellet deum non
punire peccata, 400

Peccatum originale. V. Adam.

Peccatum. Vide Malum, Peccatum,

Causæ peccati, 271

Quid intersit inter facinus & flagi-
tium, 66. 406

Quid peccatum ad mortem & non ad
mortem, 335. 336

Pœna peccati, 137. 144. 241. 242. 283

Pœna peccati moderata, 139

Peccatum necessariò debet esse volun-
tarium & liberum, 138. 139

Non turpatur peccato vniuersitas,
147. 152

Inuictus est qui vitia sua vicerit, 171

Nullus hic impeccabilis, 261

Quomodo quotidiana peccata, ea-
que leuia remittantur, 265. 269

& seq. 407. 408. 409.

Quæ leuiora peccata, 269. & seq.

408. 409

Non sunt paruifacienda 408 409. 426

Multa peccata grauissima consuetudi-
ne leuia videntur, 270. 271. (*Vide*

Indicium.)

Peccatum impletur suggestione, de-
lectatione & consensu, 310. & seq.

Phantasmata.

Quid, 335

Platonici.

Parum distant à Christianis, 129

N n n ij

Index Rerum & Verborum.

Pœnitentia.

In pœnitentia non tam est habenda
ratio temporis quàm doloris, 261
Rectè tamen mensura temporis ab
Ecclesia præscribitur, 261
Ad pœnitentiam necessariagratia, 271
Impedimenta penitentiz, 271
Quid pœnitentia falsa, 336
Pœnitentia falsa indurat, 410
Exhortatio ad pœnitentiã, 448. & seq.

Poligamia.

Veteres Patres Castiores erant cum
pluribus Vxoribus, quàm coniuga-
ti istius temporis cum vna, 70. 71. 72

Præcepta.

Præcepta alia alijs temporibus, 70.
141. 142. 181.

Præcepta Dei, aduersarius hominum,
393. V. *Aduersarius.*

Quàm iniuciosi homines præceptis
Dei, 393. 396

Præcepta Dei, cythara sunt, 397 & seq.

Præceptorum Dei paranætica explica-
tio, 393. 395. 398. & seq.

Lenia sunt sed amanti, 399

Profectus, Vide homo, Via.

Qui non proficit, deficit, 427 & seq.

Providentia. Vide Angeli mali.

Cur Providentia diuina non placet
Omnibus, 146. 147

Est admirabilis in gubernatione vni-
uersi, 148 & seq. 165. 169

Pulchritudo. Vide forma.

Purgatorium.

An sit purgatorium, 164

An & quibus defunctis prosint suffra-
gia viuorum, 284. 285

R

Reconciliatio.

Reconciliationis præceptum quomo-
do intelligendum, 305. & seq.

Religio. Vide fides, Ecclesia.

A Religendo dicta, 184

Vta beatæ Vitæ sita est in Religione,
225.

Apud quos querenda, 130. 131. 232.

148. 428. 429

Caput secundæ Religionis, fides hi-
storiz & prophetiz, 132. 133. 148.

In quo perfecta Religio, 135. 141.
218

Stabilita est nostra religio miraculis
148

Religiosi. Vide Vita.

Reparatio. Resurrectio. Vide Homo.

Duplex. { Spiritualis, 12
Corporalis, 12. 273

Inæqualis erit resurrectio bonorum
& malorum, 12. 151. 274. & seq. 285

Reparatio hominis,
Quantum ad corpus fit per ani-
mam stabilitam in Deo,
Quantum ad animam, per Deum,
137. 138

Item anima curatur,

Per auctoritatem, 147

Per rationem, 147

Per historiam & prophetiam,
148. 132. 133. 149. 177

An corpora resurgent cum defecti-
bus, 272. 273. & seq.

An sætus abortiui resurgent, 271

An singularium partium futura sit ea-
dem materia, 273. 274

An futura sit in corporibus inæquali-
tas, 274

Rhetorica. Vide Doctor.

Citò discenda, 87

Alioquin legendo, non præcepta au-
diendo comparanda, 87

S

Sacrificium.

Sacrificium missæ prodest etiam de-
functis, 284. 285

Salus Salui. Vide Oratio.

An & quomodo Deus velit omnes
homines saluos fieri 277. & seq. ma-
ximè, 281

Cur aliqui Saluantur, alij non 277.
& seq.

Index Rerum & Verborum.

Sancti.

Sanctorum peccata quo animo legenda, 73

Sancti, Angeli beati, non sunt honorandi seruitute, i. latrice cultu, sed

{ Hi charitate, 183

{ Illi imitatione, 181

{ Congratulatione, 183

Sapientia. Vide Veritas.

Septem gradus ad sapientiam,

{ Timor

{ Pietas,

{ Scientia,

{ Fortitudo,

{ Misericordia,

{ Munditia cordis,

{ Sapientia 18. 29

Quomodo querenda, 202

Sapientia consistit in pietate seu cultu Dei, 227. 228

Qui cultus impletur. { Fide,
{ Spe,
{ Charitate, 218

Scandalum.

Quomodo intelligendum illud, si oculus tuus scandalizat te &c 312. 313

S. Scriptura. Vide anima.

Præsumptio est sine Magistro S. scripturam velle discernere 2. 3. 4.

Hoc fit tamen aliquando ex Dei privilegio 2.

Cur Deus ita ordinaverit, 3. 4.

Totius scripturæ sacræ scopus est Charitas Dei & proximi, 21. 22. 66. 289. 398.

Qualem lectorem postulet, 22. 23. 24

Fides spes & Charitas turbant, si scripturæ vaciller authoritas, 23.

{ Ad superbiam nostram

{ edomandam,

{ Ad fastidium remouendum, 27. 28. 141.

Obscuritas scripturæ vnde, 31. 32.

Quibus inedijs clara fiat 32. & seq. 59. & seq.

Septem Regulæ ad intelligentiam sacræ scripturæ 79. 80. & seq.

Quibus dispositionibus legenda, 30. 31. 186. 209.

Omnes artes deferuntur ad eius cognitionem 32. & seq.

Qui Libri canonici, 30. 31

Quantæ authoritatis sit Italica Versio & septuaginta Interpretum 36. 326

Quantæ dignitatis supra scientias prophetanas, 58

Non caret eloquentia, 90 & seq.

Quomodo distinguenda figurata locutio à propria, 65 68. 69. & seq.

73 & seq.

Eiusdem loci Varij sensus, 75

Quanta fides singulis eius sententiis debeatur, 214. 215

Epistolæ ad Hebræos authoritas, 230

Servire.

Servire Deo, tenetur homo, 466. 467

Signa. Vide Index.

Signum quid, 25

duplex. { Naturale,

{ Datum, 25. 26

Inter signa præcipua sunt verba, 26

Servitus est signis pro rebus adherere, 63. 64. 65.

Solicitudo.

Cauenda nimia sollicitudo rerum temporalium. 367 368. & seq.

Non tamen improbandus pro eis labor, 371. & seq.

Spes. Vide Theologica Virtutes.

Spiritualis, Spiritus, Spiritus Sanctus.

Quomodo sit homo spiritualis, 137

Quomodo iudicet omnia, 155. 156

Spiritus sanctus est Deus, 198 257.

Vide Trinitas.

Superbia.

Melius est vinci ab homine, quam superbia &c. 171

Superfluo. Vide Ethnici.

Superstitiosum quid 41.

Quanta apud Ethnicos superstitio.

Nnn iij

Index Rerum & Verborum.

Is. 41 & seq. Cognitio herbarum non est superstitiosa, 48
 & seq. Similiter & Spiritus sanctus, 431
 432. 443.

T

Talentum.

Qui bene suo talento Vtitur, eius meretur augmentum, 5. 151
 Qui bene vtitur, coronabitur, qui malè, damnabitur, 180. 181

Tentatio.

Multiplex, 162. 163. 387
 Quomoddò Vincenda, 163
 Cur tentamur à Deo, 356. 358
 Necessaria est hic tentatio. 337
 Quæ tentatio humana, quæ periculosa, 359

Testamentum vetus & novum.

Quà prudentià iudicandum de multis gestis sanctorum veteris testamenti, 67. & seq.
 Conventus utriusque Testamenti, 192. & seq.

Quomodo omnia facta noua, 324. 325
 Cur alia præcepta in veteri, alia in nouo, 70. 141. 142. 182

Theologia.

Qualem requirat studiosum, 37
 Theologica Virtutes. V. Fides, Caritas. Earum connexio, 230. 231.
 Sine Charitate aliz non saluant, 288.

Vide fides,

Spes non est sine amore, & quo, 251
 288
 Spes nostra tota debet esse in Deo. 286

Tribulatio. Vide homo, Patientia.

Bonis afflictiones cooperantur in bonum, malis in malum, 165 373
 In hac Vita sunt salutares, 262
 Non turbant aduersitates, si homo terrenis non hæreat, 361
 Cur boni hic affliguntur, 449

Trinitas.

Trinitas vnus Deus, 431. 432
 Filius æqualis Patri, 430 & seq. 441

V

Verbum. Vide Christus.

Est Veritas, & forma Verorum, est similitudo & forma simalium, 160

Verbum Dei. Vide Scriptura.

Quis dicendus est audire Verbum Dei, 309. 310. 389. 390
 Verbum Dei aduersarius noster, 395
 396. 407

Veritas.

Quid sit Veritas æterna, 155
 Lex est seu regula secundum quam de inferioribus iudicamus, 153 & seq
 Ex creatis quomoddò Veritas æterna demonstretur, 165. 164. 176
 Propensius inhæremus nugis quàm veritati, 175. 396.
 Veritatis cognitio sequitur bonos mores, 213
 Canes dicuntur Veritatis oppugnatores, porci contemptores, 379
 An & quando Veritas tacenda vel non, 378. & seq.

Vestes.

In vestitu humili æquè ac in vano potest esse iactantia, 362. 363

Via. Vide calum.

Christus, 21. 427. 441
 Prima Via { Creaturz. Vids munus ad Deum. dus.
 Scriptura, Vide Deus.
 Eorum qui sunt in via.

{ Alij celerius ambulant,
 { Alij tardius,
 { Alij remanent,
 { Alij retrò redeunt,
 { Alij aberrant, 427 & seq.
 Vindicta. Vide Iniuria.

Virtus. V. Cardinales, & Theologica. Omnis virtus est Caritas. 199
 Cur virtutis pulchritudo ab homine non videtur, 407

Index Rerum & Verborum.

<i>Vita, Vivere.</i>		An semper homo debeat velle quod	
Deus principium omnis vitæ,	136	Deus vult,	280
Mors vitæ, nequitia,	136. 137	Homo bonæ Voluntatis, <i>Vide homo.</i>	
Ratio rectè viuendi petenda est ex		Vfus, Vti & frui. <i>Vide Homo, Ecclesia.</i>	
Scriptura,	191. 192	Quibus rebus	Vti,
Bene viuere est Deum diligere,	209.	debemus	Frui, 6. 7. 12. & seq.
215. 187 314. 315			20. 21
Beata Vita consistit in actione & con-		Deus vtitur nobis non fruitur,	19 20.
templatione,	381		
Vita Monachorum, Sanctimonialium			Amico ad rependendam
& Clericorum tempore S. Augu-			gratiam,
stini,	217. & seq.	Vir bonus	Inimico ad patientiam,
Non potest malè mori, qui bene vi-		vtitur.	Quibus potest ad benefi-
xcrit,	422		centiam,
<i>Vitium. Vide Peccatum.</i>			Omnibus ab benevolen-
Vitia sunt febres animæ,	401		tiam,
<i>Voluntas. Vide libertas.</i>			Zelus.
Voluntas Dei semper recta est.	280	Zelus quorundam sanctorum veteris	
		Testamenti.	450. & seq.

ERRATA.

pag. 191. lin. 26. Vrgeri *lege* Vergeis.
pag. 196 lin. 31. de cram, *l.* desceram.
pag. 238. lin. 26. ita *l.* ita.
pag. 292. lin. 21. & docebat, *dele* &
pag. 373 lin. vit. hoc oco *l.* hoc loco.
pag. 385. lin. 17. neque animam mala *l.* ne.

que animam malam.
pag. 395. lin. vit. bserues, *l.* obserues;
pag. 410. lin. 11. filios *l.* filios.
pag. 410. lin. 15. fide *l.* fidem.
pag. 452. lin. 1. tolerant *l.* oderant.


VAl
1529963













22

16/1
C
14

56
C
5
24

16/1
C
14

